

四庫全書存目叢書編纂委員會編

齊魯書社


四庫全書存目叢書

集部
第一一九冊



責任編輯：孫言誠 賀 偉

ISBN 7-5333-0615-5



9 787533 306151 >

EB33/05

四庫全書存目叢書·集部一一九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092毫米 16開本 39.75印張

1997年7月第1版 1997年7月第1次印刷

印數1—100

ISBN 7-5333-0615-5

Z·60 集部定價：127800圓

集部第一一九冊目次

集部·別集類

副墨五卷

〔明〕汪道昆撰

山東省圖書館藏明萬曆二年金陵毛少池刻本

東岱山房詩錄十三卷外集一卷江右稿二卷（江右稿存卷上）

〔明〕李先芳撰

上海圖書館北京圖書館藏明嘉靖刻本

李氏山房詩選六卷（存二卷）

〔明〕李先芳撰

天一閣文物保管所藏明刻本

北虞先生遺文六卷

〔明〕邵圭潔撰

北京圖書館藏明萬曆刻本

劉子威集五十二卷（一）

〔明〕劉鳳撰

北京圖書館藏明萬曆刻本

一二五

三七五

四一八

五六三

副墨五卷

〔明〕汪道昆撰

山東省圖書館藏明萬曆二年金陵毛少池

刻本

附《四庫全書總目·副墨五卷》

提要

誥命

襄陽府知府汪道昆父冊 誥

奉

天承運

皇帝制曰朕於效職之臣旣以時論其功狀而旌進之矣猶必視其爵秩所至以寵榮其父所以體子之孝勵臣之忠也爾

汪良彬乃湖廣襄陽府知府道昆之父

誥命

孝友施於家政忠信重於鄉評寄傲林

泉適情書史不耀其光以昌爾嗣子今

效用明時服采惟謹非爾善訓之徵乎

茲特封爾爲中憲大夫湖廣襄陽府知

府於戲錫命自天庭闢生色益敦行履

以迓隆恩

制曰凡推恩之典渙自大庭而寵服之榮及於慈闈者所以邇其誨益之功而嘉

荅之也爾胡氏乃湖廣襄陽府知府汪
道昆之母早備組紉之訓夙閑閨閭之
儀章敬順以相夫明愛勞以教子今爾
子茂著年勞以光懿訓是用封爾為恭
人茂對渥恩永綏祿養

制 誥

嘉靖四十年八月 日

之 寶

誥命

提督撫治鄖陽都察院右僉都御史汪

道昆父母 誥

奉

天承運

皇帝制曰人臣移孝為忠積勛累代負國家
之望者豈獨邁跡自躬將必有賢父教
之也朕叙績疏榮緣子貴父維義所起
在禮不私爾汪良彬乃提督撫治鄖陽

都察院右僉都御史道昆之父醇性天
植德美內完教有義方是成嗣胤伴踐
敷中外陳力邦家維此肅公本諸貽穀
是父是子朕用爾嘉茲特封為中憲大
夫都察院右僉都御史服茲寵命以介
康齡尚念國恩無忘庭訓

制曰君子偕老詩人榮之矣乃王子於成
克綏祿養其于燕喜不尤厚哉朕有渥

誥命

恩以昭慈訓爾胡氏乃提督撫治鄖陽

都察院右僉都御史汪道昆之母恪持
令範懋著徽音篤生嗣賢迪之善誨俾
叙躋崇秩光顯令名瞻是母儀愜於朕
志志是用封爾為恭人祇承綸綍之頒
永享庭闈之慶

制 誥

隆慶五年十一月 日

之寶

兵部右侍郎汪道昆父母 誥

奉

天承運

皇帝制曰朕撫臨天下尊事

兩宮因念人之愛親誰不如我思貽父母令

名心至無窮也爾累封中憲大夫都察

院右僉都御史汪良彬乃兵部右侍郎

誥命

道昆之父少從賈中負其英氣不肯下

時出入百家籍令干仕亦足以自顯矣

晚以子貴乃益務爲退讓又引正義督

其子先實用而後文詞也爲爾子者顯

揚宜何如茲加封爾通議大夫兵部右

侍郎尚悉朕所以褒寵之意益專精神

以輔遐齡

制曰昔魯有壽母奚斯頌焉宋趙槩不付

擬封而請回恩人子至情固願及今拜

賜以爲榮又况其與父偕也爾封恭人

胡氏乃兵部右侍郎汪道昆之母孟光

之素敬姜之勤婦德毋儀爾兼有之是

生非常之才以裨我邦政朕嘉乃懿進

封爾爲淑人惟爾恩命及茲三錫矣壽

富於趙太君而燕喜何啻魯也繼自今

其並杖于朝以觀爾子成功

誥諭

制 誥

隆慶六年十二月 日

之寶

副墨

自序

汪道昆曰余先世家大鄣徙千秋里里中
世受什一余始以逢掖起家幼受業先師
喁喁慕古既卒業退以其私發篋徧讀藏
書即屬辭壹棄于古昔師弗善也則以告
家大夫孺子嚶嚶而務多聞將害正業家
大夫教諾篋中非博士業悉遷之既對公
車余始舍業而脩古比出居縣日治程書
不遑入為尚書郎屬司馬有巡功視師之
役諸郎斌斌講業余不能從既而治郡治
兵歷十年所其間什九廢業謂官先事非
與屏居篋中計餘年可足吾事會病視去
而為方外遊將吹律以應咸池僅一呖耳
客至請余故業頌得比諸作者懸書國門
嗟乎當世以作者鳴八音備矣劍首曾不
足以當里耳即一呖何為以此而希有聞
恥也及余奉

詔疆起自鄖關之夏門客曰閔君鄭署遊
災公兩亡載籍獨公之舊草具在夫非祝
融氏所留邪古人成一家言必以名山為
藏室泰衡當文明之域其斯為祝融氏之
虛第載故業藏之亦不朽之事也不佞結
髮從政班白猶在行間將竊餘力以從古
人日不暇給卵而未翼惡耶一鳴託鼓音
于九臯吾知其無和也已籍令得脩故業
終餘年即未能張樂洞庭鄢中宜有和者
副墨
客姑待之客笑曰所貴于鄢中則流商刻
羽是已簣桴土鼓上世有遺音焉此亦鼓
音之微一呖之屬也公之髮日短矣雖好
古之心未化惡能從長待河之清歲不我
與豈必鈞天廣樂而後盈耳哉人亦有言
惟山藏疾不佞故多疾且謾藏客將棄其
疾而善藏之敢不惟命于是副墨之于則
以公起家四岳玄時在望嵩華參衡乃今
有事衡山請書其副以胥後命從之

副墨一卷

告中集

新都講業論

江山人傳

署中集

送吳先生視學山東序

送方民部還留都序

郡中集

送陳使君守蘭州序

送潘大夫成公之山東序

副墨

目錄

送方伯游公序

上計七論

送憲大夫劉公兵備四川序

送劉使君東巡序

送蘇君致績序

顧聖少詩集序

賁于堂記

洪母六十壽序

祭叔母文

祭外母文

明處士汪次公墓志銘

先大父狀

先大母狀

貴州鄉試錄序

明奉訓大夫知隨州事孫公生祠記

一卷

閩中集

少司馬陸公平寇序

壽一所先生八十序

平遠臺勦功銘有序

副墨

目錄

送方伯魯公序

福建鄉試錄序

少司徒鮑公七十壽序

封刑部郎中何公暨章宜人七十壽序

台州平夷傳

陳宜人傳

明贈文林郎小壺先生陳公墓志銘

壽吳氏叔五十序

送部使者陳公還朝序

孝廉將軍傳

贈陳達甫序

明處士江氏營墓志銘

三卷

猷中集

歙縣重修紫陽書院記

太守陶公論最錄序

贈余德甫序

般若堂記

徐于室記

瑞溪金氏族譜序

副墨

目錄

祭方烈女文

七烈傳

勅建憫忠祠碑

王仲房傳

戚將軍應 詔京師序

送胡使君遷江西按察司副使序

海陽治最序

遊洞庭山記

贈黃金之序

論相

聞莊簡公傳

石橋巖銘

曲水園記

送蔣啓明之電白序

疎塘黃氏義規記

四卷

猷中集

明故資善大夫南京戶部尚書鮑公墓志銘

明故處士洪公配吳氏合葬墓志銘

林次公墓表

副墨

目錄

閩長孺墳志銘

查八十傳

送鮑子良入龍山序

詹處士傳

溪南江氏族譜序

紫陽書院會錄序

游城陽山記

明故太學周君配徐氏沈氏合葬墓志銘

養生契

汪處士傳

御史大夫恩質王公奏議序

明故中憲大夫都察院右僉都御史霽寰

生吳公行狀

輶中集序

藩大夫汪公六十壽序

洪中記

朱慶士墓志銘

明故處士吳公孺人陳氏合塋墓志銘

朱介夫傳

達尊坊碑記

副墨

目錄

孤憤集序

沈文楨傳

潘孺人傳

華林社記

溪南吳氏重脩仁義院記

豐干社記

程長公墓

五卷

卸中集

青蘿館詩集序

楊忠愍公集序

張永墓碣

哀辭

太和山記

太和山記二

太和山銘

太岳文昌祠碑記

襄陽合祀先賢祠碑

襄陽先賢列傳

黃鶴樓記

副墨

目錄

湖廣巡撫都察院記

衡山銘

楚世家

湖廣通志序

一簪遊記

新都講業論

余師事舊史氏嘯然尊古而卑今陳叔子講業新都
遷浦戶外余因江民瑩紹介交叔子驪會二客稅駕
叔子之門分席而據上坐則所謂白子高黃山甫也
子高目攝叔子獵纓而語曰吾聞雲門之瑟不從鄭
聲狐父之戈不鐸牛矢先生屬書離辭必以古人爲
鵠遂爲藝士噉矢斐然鄉風世儒譏說或不見是豈
不以所負者大所用者小和漫衍無家說若功見言
信先生勉矣叔子避席曰曲士溺於所聞幸得奉教
于君子雖日吃願術其平生之言守生三年先文學

副皇

一卷

乙

載守入括比還縣輒指所過城邑名之先文學謂少
子才使守受春秋仲兄所雅不喜劇說卽縉紳先生
有所論著猶或竊竊然心非之脩古之謂何胡爲乎
蹇淺而泥於法度年十二省先文學沁水徧讀舍中
藏書咕咕喜曰嗟乎睹日月而知衆星之茂文在茲
乎出關而南籍名縣士不諳於俗言必稱先生諸生
群然相語曰子爲文必庖犧氏南面而立以科斗教
天下任蒼頡諸君典文章是子登庸遇合時也而海
內二三君子方索守巖穴之下嗟然若聞足音且彼
皆有名公卿莫爲先談而得一眚恨無繇死知已耳

副皇

一卷

二

及仲兄強仕親有常珍且家世受經有兄在不失故
業守可汎洋自恣矣有頃上書請去博士籍知交大
以爲望擁闕有端退而深念曰學者誦法古昔去之
千歲其人若存世儒撻埴冥行而不軌於正遂使卑
議蹇路謂後死者何守知所以卒業矣日莫塗遠而
持論益堅行年六十終不能化丈人不知其驚下將
使之駕說以千世守則安能謹謝客山甫曰昔之誦
不朽者左言而右功子徒以堅白鳴非上務也鄭侯
而下豈必辯有口哉叔子問曰鄭侯興漢視房杜趙
晉訛賢曰鄭侯似賢彼且鴈行而兄事之矣然則後
之作者視賈誼相如訛賢曰賈誼相如升堂入室其
後皆不及門也叔子曰客言是也山漢以來立功立
言者宜莫如鄭侯賈誼相如異世方之功則凡弟也
言則父子也此左右之驗與言之不立則守之耻也
豈必尚功子高曰以徭革氏之流視今之世其訛能
不波誠有味乎莊生之言矣仲兄紫易豈不能爲美
里之辭哉篤於時也子爲高論將謁賈誼相如旦暮
遇之入郢而見冥山不近人情矣涓人市千里馬而
居其骨千金骨雖奇終不可以服駕吾子屈首挾策
猥云獲古人之心是馭駿骨而日行千里也叔子不

志負牆而立道昆進曰若客所云必倍邯鄲而守故
步乃爲得已不聞楚人之處莊嶽者乎語口在則人
亡則書書者古人之成跡也踐跡而行不失跬步化
邯鄲之屬矣古今猶齊楚也其相去遠甚語楚則楚
語齊則齊繫所習何如耳李獻吉雄時北郡襲漢舊
而潤色之仰不能與漢士並驅其視輓近世所爲直
土梗耳是語固可使爲齊步固可使爲邯鄲也故曰
賄驥之馬亦驥之乘陳叔子足已奈何以拘論少之
山甫曰大夫謂多識前言往行之載猶可陶鑄古人
敬聞命矣且叔子何不爲典墳丘索安事漢邯鄲道昆
副墨 一 卷 三
曰不然余小子以禮樂發家請借樂爲喻夫菁稗土
鼓音之起也三墳是已大章咸池德之成也六籍是
已流商刻羽音之疏也賈誼相如是已從其朔則文
未著象其成則德不備無寧道古以比音不求合于
里耳此叔子之所服也子高曰賈生壽不得長相如
病廢顧二子爲文甚盛後世誦之不衰叔子結髮爲
辭詭于白首所就舉豈不多和何董董也道昆曰楊
雄文似相如至其晚節法言始顯故涉世不久則其
積靡也不深昔人有言不斑白語道失其語矣叔
子始爲鮑謝旣而爲建安季年乃去之

不倦絕口不稱能退然不居將必止乎其域彼其抱
咫尺之末伎若揭日月而行是特未睹大方耳二客
瞿然起曰居邑中不能就有道非大夫安得聞繩墨
之言遂卻席坐隅顧卒爲叔子役
江山人傳
余觀作者之汗隆一稟於風氣自漢下達則綠世屢
遷譬之曷日卒於不根
明興驅左袒而反之正執士奮起依馮出日之光軼
輓近而稱古人斌斌然盛矣然皆三河齊秦之產而
江淮秀異亦稍稍有隨之其疆弱有差則疆域使然
副墨 一 卷 四
也新安地重其民深厚不浮由古以來文獻足述顧
今之學士大夫率高視一世其言不執於先民善乎
山人之言曰吾鄉多泛駕之材使閑輿衛皆上乘也
山人在諸生中輒有志述作會有疾謝學官去遂一
意脩辭嘗讀史慕太史遷爲人作而嘆曰丈夫不能
周游四方灰天下之士徒抑首蓬戶享其敝帚將爲
遼東豕和於是操舟東游登禹穴入浙觀海潮浮于
五湖問閭閻春申故址遂杖馬舊之秣陵朝故都焉
入郢聽歌郢中望高唐汎雲霓而下其游知交傾東
南之美矣比還郡郡中諸儒宿學爭願交山人驢山

人挾一騶奴篋書而出過故人厚善者輒肱篋發策
喜人彈射其文猶能推轂後生務章人之善士以此
益附之入舍下帷讀書卽家人治生業紆紆萬端不
爲亂其精如此山人故多病乃學養生爲軒岐之言
必入其室其一切從事不遺餘力蓋天性也客見山
人具藁若干卷請曰自民瑩號郡中而多士嚮應顧
揭旗鼓徧示之山人謝曰嗟乎古人成一家之言徒
藏之名山俟知己者世儒紛紛務懸書以侘海內何
爲哉確徒誦法古昔自託於無能之辭奈何得當諸
君子惡用暴已之短和客退語人曰江叔子猶務深

副墨

卷

五

藏彼握璣石而冒王名徒豪擊耳汪道昆曰山人善
聲詩尤長於古軀夫詩書之教一也其升降相依今
之論文者或不與昌黎及推尊杜陵不啻日月余竊
疑之或謂連安起靡麗之習而陵遲於梁陳唐自陳
伯玉以下起而一洗之開元爲盛夫持漢之三尺早
疵六朝敢不受令唐削雕爲朴而體益卑卑猶之秦
人聞新樂端冕去之乃拊缶鳴鳴爲秦聲猥云可與
道古聞者有掩口而笑耳舉世方馳逐近體無惑乎
布侯於杜陵及爲古詩且不能超乘而上則任耳之
過也若山人之長言大都取裁魏晉行年五十猶疊
疊不衰千載而下吾郡有山人矣山人質行較客在
往可書顧余村海無能後山人方以論著顯於時書其大概云

送吳先生視學山東序

在憲令凡遣使出視學必察之三官官守問天官文
學問大宗伯吏治問御史大夫皆曰可然後以璽書
命之其周慎如此丁巳議可使山東視學者皆言吳
公公卿大夫謂主爵曰自具公引籍垂二十年其同
籍之士往往致尊顯而公猶在執戟奈何復出居外
哉公因請行遂受詔諸吳公弟子相語曰陶氏宜埴
匠氏宜木公固宜山東蓋禮義之國諸儒淵萃
其間卽三者一誦焉惡能尸儒宗而勝其任也公固
宜山東公所善客有居上坐者輒然笑曰善乎公等

副墨

卷

六

之言信知重齊魯而嚴先生矣惡昭先生之卓犖者
哉明典始命官視學必慎擇而使之故先世得士爲
盛今之以儒術進者豈不斌斌視昔之擇地而行遠
遼退讓者相去遠甚何故哉舉世務巧宦無論三者
之汙隆或拉虛譽或籍故資榮已南面爲士者師矣
第令討多士而訓之使之循理守正躬化之謂何先
生涉世之末流而皜然不滓以材取重不暴其長勞
深功多不旌其伐素身而就藩臣之節豈不翩翩然
世之賢大夫哉蠅蠓蟻蠕非類而肖以先生視之其
不速肖者非夫也善教者躬行爲上科察次之顧

舉失宜則四方解體今之典學者市恩滋多即五尺之童曾不能抑首受茶比行縣一切置傳士籍中遂使閭巷少年未卯而求時夜及遇令而仕鮮不摯發以趨時其始進者輕夫廐馬始駒弛其御歷及齒壯有竊轡而奔耳惡能閑輿衛致千里哉故使馬之泛駕不馴者馭馬者之罪也使士之凌節不遜者造士者之失也語曰周之士貴秦之士賤秦急功利則自賤而人賤之乃今黷蒙之徒且得與諸儒齒章甫逢掖一何紛紛又惡足貴夫齊魯之間古所謂東周東秦也追俗爲教先生固將使之自貴抑賤之也昔

副墨

一卷

七

叔孫通狗高帝而兩生不行實其言足以興禮樂當今之世得無有若兩生者乎願爲之推轂以先諸儒彼將靡然顧化矣公曰唯唯命小子操牘載之

送方民部還留都序

汪道昆曰方叔子豈不遠遼躬行者哉其涉世何踈蹕也始遷度支即則以故東平當下吏蓋羈事耳部使者報曰

高皇帝法公罪遷官勿論乃不逮故東平而度支籍業已削叔子名伐者入舍暮月矣憾者猶然不舍蓋三歲而後論定復其官嗟乎屈賈不得志於楚漢則

直言高論爲之菑叔子遠遼躬行何踈蹕也客問叔子狀叔子謝曰

上督過疆吏連逮臣其言必逮者

明詔也言不逮者

王章也兩端各有所當於余小子何怨德和留滯都市長者時時下車存之則閉戶緡書意甚得夫耿介者多忿恚之節朝聞問而夕飲冰若屈賈是已叔子入羿之彀中其得免者天幸耳居常訢訢置怨德勿問豈若是福耶之爲乎要以楚漢卒行其間屈賈抱憤終焉乃今公卿大夫猶能平叔子於朝憾者義格則其所遇視屈賈賢矣叔子謁行抵卿大夫受笑曰今日之事豈人固求多於不佞哉不佞獨行其真耳當世之罔固其所也今行矣願聞繩墨之言卿大夫曰楚人得和氏璧以爲石也三抵之及以璧聞莫不核劍相眄矣叔子曰善吾寧玉質而石章曰豈豕爲酒禮成而不亂得矣惡用玄酒而汗尊叔子曰善吾寧設醴曰尺有所短寸有所長無求備也能爲尺矣能復爲寸和叔子曰善吾寧舍短而從長道昆進曰歸休乎大夫叔子免矣

副墨

一卷

八

送陳使君守蘭州序

自古文學之士往往喜言兵非習兵也居常自負其有人固未嘗奇之於是挾其感憤之氣幸得當事而發一奇焉若漢賈生魏陳思王是已彼抱竿而含瑟越樽俎而治庖人則快快者之爲非始願也河東多豪傑喜兵陳使君獨善文辭未嘗論兵事會更置邊鄙長吏使君得蘭州夫蘭州要塞之國大戎在西匈奴在北必習兵者當之主爵宜謂使君生河東使君可也使君爲儒林循吏語在部使者疏中余觀使君則彬彬者矣使得遇合非謀議之臣紀綱之役乎哉

副墨

一卷

七

五十始爲大夫且在西鄙所用非所習謂使君何古
人所謂才難非才之難也才而遇合之難也御人嬖而國色下陳驚受繁纓而驥伏櫪尺有所短寸有所長物固然矣如使淑女必妃良馬必路彼之歌文王誦伯樂者徒虛語耳豈世所希覲者哉嗟乎今之宦學難矣馳驅則賤詭遇則良吾欲以吏事興吏事安可興也將言多和法言寡和吾欲以文事興文事安可興也使得一當要害爲

天子守四夷卽不能繫單于之頸斬月支之頭况大而無當者似曠矣漢武帝拓地西北開張振

諸却諸將有尺寸功者侯之乃今諸却之繫於蘭州猶綴旒也守者能拊衆威敵固吾國以備不虞卽不侯其功非尺寸比使賈生陳思王在寧詎無意乎秦越人以葉方游列國其爲醫屢遷然列國之人遇越人者無不生活其業精也晉以詩書將卻殺豈必習兵使君晉人何讓卻氏茲入秦則越人之爲小兒醫耳往使君病瘥七日始寤瘥方甚卧內誦傳邊封事臺臺數千年大要皆西鄙事兵家不能道也其後五年蘭州之檄且下然則使君之勲業其將自西起和使君西矣

副墨

一卷

十

送藩大夫成公之山東序

職方氏言天下之要害二齊楚是已由河入于淮則齊扼其吭由江漢入于海則楚折其衝齊楚以地重久矣然王公易地而守其設險不同荆襄據楚上游蓋用武之地當分崩離析莫不按劍而爭啖之今則否矣

文皇帝都燕輸江淮之粟自山東入此所謂襟喉之國豈惟什二而已哉臨清則山東一都會也其地控南北之漕且於三輔爲表裏

詔以執憲一人部署之頃聞者自匈奴來謂虜且

近關臨清不可不備於是推賢益急兢兢務得人焉
藩大夫成功分部荆襄積勞者三歲矣公當謁

天子考臺臣請以藩大夫留重地書奏者三無何公
拜山東之

詔楚父老愀然曰公在楚則楚重在齊則齊重取重
則齊楚鈞耳臺臣上書而不得請主爵獨不爲楚人
地乎旣而公與守吏言余得當山東蓋惴惴恐懼抵
諸長老受策以行長老謂余公爲東道主第飾厨傳
無失使者驩足公事矣彼中貨殖充溢其民不煩有
司公疆飯耳余聞而竊疑之果若所云則候人事也

劉壘

一卷

十一

官守之謂何彼中尺籍空虛登陴之衆且不能給卽
有緩急惡在其爲備和余將簡什伍之士使習兵籍
比閭之民使城守此封疆之事吾事也此而不任吾
懼也已守吏退曰善乎守官之言公在齊猶在楚也
今之善仕者寧得過於境內無寧失譽于四方朝而
稅車夕而秣馬彼之官猶乘傳耳何備也公未及下
車孽孽爲之策假令無所擁關公之志得行足以
代蠶望者之謀銷積薪厝火之患東藩固矣夫京師
猶元首也齊楚則左右手耳右善捍則左無患故捍
先右戌先齊齊重則楚重矣公治楚之政成功德之

在楚者足賴

上方東顧非公不足以當之蓋使公填齊以重楚乎
公馬首旣東父老號泣轅下以守吏之言白公公曰
唯唯

送方伯游公序

余觀方伯游公者則古所謂才大夫哉初公侍禁中
有直節出在分部又以豈第得民頃之進監司不暮
月而刑錯公所至誦義更僕未終然此皆其土苴耳
游公謂否守固多吾才乎吾方以才爲齎疣惡足多
也守昆唯唯退而深念曰余讀孟子書其稱才者辨

劉壘

一卷

十二

矣夫才因應以成務而壹本之性情彼以才見病者
爲不能盡其才非才之罪也當世之論才者二下之
在於利達而以巧捷辨給爲能上之在於名高而以
皎皎者爲奇節此兩者皆非也抑或瞬然於聲利之
間亦旣有樹矣有所激發不能不用其所長舍較率
而從所長不能無生得失此無他無本故也至若本
之性情而因應以成務才何可廢哉公爲此言則進
道之心也夫操斤而斲刃必多傷惡斲而廢刃何有
成器假令廢刃始爲無失不有郢人之戒聖者乎方
其運斤成風非不用刃也得之心而應之手游网且

有餘地庸復何傷當斲之時彼其所見者唯堊耳無
刃也用刃者忘其刃故堊堊而不知用才者忘其才
故庸事而無迹然此者成於習安於故非朝夕能也
郢人往矣卿使受業郢人之門兢兢然不失尺寸卽
不能滅堊何憂血指哉作之不已習而安之則斤可
成風堊可滅矣故曰不學操縵不能安弦才亦宜然
顧所習何如耳論道而至周公孔子何論郢人周公
不以才美而隕名孔子不以多能而貶聖有本則然
也學古之士誠能無用其德慧術智而責稟於中和
獨觀照曠之原而勿忘其所有事及其發皆中節尚

副聖

一卷

十三

安事才以此考求內無天損以此涉世外無人損此
郢人之業也此則公所有事將振其瑕疵而脩之味
乎其言則進道者之心非貌言也居無何公以方伯
赴閩海閩海方有緩急

上擇才而使公公且代大匠斲矣如使公斲於其滅
堊不難閩海無傷也使公得志守昆願受繩墨厓公
所左右之

上計七論

酒德論一

伯子舍都市中門下客數被酒門者叱曰客間恂者

如亂何伯子曰客休矣世之恂恂者豈少哉其中既
盈一旦而替常度皆亂也酒清而不飲居有常矣及
脩爵無筭以淫繼之莊者媿訥者辨婉婉者暴戾整
折者務上人則酒亂之也士未得志居有常矣及其
門高牀遠肅客而不下堂則富貴亂之也學未卒業
居有常矣材美既具儼然若揭白日而載諸市朝則
才亂之也功業未建居有常矣及其身有社稷之伐
威震主而不知則功伐亂之也以富貴亂者亡以才
亂者殺以功伐亂者危其爲酒禍一也方其未亂見
亂者於其側彼猶然非之及其亂也亦既見非於人

副聖

一卷

十四

矣彼不自知其爲亂也之數者果召亂乎哉無亦人
自爲亂耳故酒可亂崇伯子不以儀狄而貶王富貴
可亂鴟夷不以七策而迄殆才可亂周公不以多材
而驕吝功伐可亂伊尹不以阿衡而自功語曰虛其
心實其腹虛則無我實則有容庶幾乎不及亂矣

酒德論二

昔都人之飲客者非發不甘比年鬻發者半至人謂
中山以下若吳體楚瀝其地屢遷將發有遷德和何
今之發非昔之發也余居發且久蓋嘗習之卽今之
鬻者未必皆良其良者猶故耳始都人無善酒必以

娶爲上尊頃之則酤者良矣其後王公貴人闔其供
具監六物而求良焉卽娶之良曾不以當醴醖况采
醴乎哉余聞弘治中群臣奉職無闕退朝則相與講
業故文事興

今上端拱而治百執事無夙夜之勞日飲而醉二參
故酒德茂比治徵也楚好戰故堅甲在楚韓好兵故
利兵在韓然則今之所服者必楚之甲韓之兵也娶
何有焉

憤論

初韓侯善其子甲同入爲尚書卽其子甲不樂居舍

劇墨

一卷

十五

中察韓侯意得乃詬曰公何意得也今之起縣令者
執簡而入特斧而出昔非公等故彼方高視青雲無
人乎五安之內何赫赫也公意得者何也韓侯笑曰
子以目從人故多赫赫吾方陸沉者也卒然遇之曾
未得其面惡親赫赫和無何其子甲以憤死伯子曰
嗟乎是不祥人也是且有無上之心不死何待人臣
亦以其官用職耳能任其職陸沉猶赫赫也不能則
猶陸沉也於赫赫何慕焉卽使彼得赫赫者官之加
卽吏一等矣歷階更進其爲赫赫者紛如也彼難乎
爲下無寧一蹴而盡九等乃愉快邪卽得先登亦必

無上而後可耳乃若挾笑而老諸生曾不得當一縣
幸而與之縣心勞課殿謂當世不樂何使快快者居
之無死所矣客曰唯唯汨羅長沙之死非憤和何君
侯樂誦其言也伯子曰此憤世者之爲也使徒慕高
位而憤則其言朽矣然亦奇節之士而不可概諸中
庸椒蘭絳灌之流其罪不浮於季氏仲尼之去魯何
遲遲也客曰善乎使熱中得聞此言不啻飲冰矣

善仕論

舍人病郡中無善仕者語伯子曰公等十餘曹一以
方柄而投當世不入明矣豈習俗然哉何嚮索也伯

劇墨

一卷

十六

子曰然敢問其不入者何也舍人遽數曰公等倍當
世者五今之游道廣矣公不能游一也彼有長喙務
中用事者之驪而公短於口二也彼不裘不褐且偃
僂若不勝衣而公木疆三也彼不倡而和乘人而結
其心所憎則堯可非也所喜則蹠可譽也公務察察
而持論與人殊四也彼射利如射雉負翳而居省括
而釋亡能出其彀中公弛而不張張則失而禽矣五
也有一於此則仕者之瘠瘠也况五者哉伯子曰固
然則將割瘠瘠而脩我矣瘠瘠則生割則死瘠瘠不
猶愈於死乎彼姣者天性也里婦慕西子之姣卒以

惡駭國中吾不幸而瘡痍視里婦加惡矣吾寧極衽
饋節毋得罪田舍翁無寧何市門而張惡聲也舍人
笑曰嗟乎唯此故多惡人國色罕矣

讓名論

伯子問京兆尹曰新安保界山谷其人褊心仕於四
方輒齟齬公所至遇合未嘗失人亦遵何德也公曰
僚亦猶夫鄉人也惡能事人吾直以禮讓事之耳今
之同國而治者非四海九州之士乎哉誠得長者與
俱宜無不可使不皆長者吾以不肖之心應之彼將
不多矣夫以聲利博者勢不能兩雄不雄則雌雄則

副墨

一卷

十七

受忌此兩者皆禍也吾務折節為讓唯彼所先注名
注利則歸之利無用博也客曰讓利則聞命矣耕者
耻無獲士耻無名名何讓焉公曰讓名急矣人情不
不趣利則趣名趣利如蠅趨名如虎彼且號號而欲
之往則逢怒難與相辯且瑕疵人所時有也彼齋璧
而賈吾以其不足者窮之憾也瑕疵掩矣彼之賈且
倍而吾出堅白者以震之憾也二憾釋矣方以彼為
得我而以德色居之憾未已也釋此三者其有忤心
者幾希故讓名則名完無人損矣璧之耦而爭道則
蹶一人後已而先人則俱濟終身讓路不枉百步此

知化之言也伯子退語客曰吾觀鮑公溫溫者也今
聞其裏言矣夫禹功蓋天下帝統兢兢然猶以不伐命
之讓也不伐則莫與爭矣讓不亦宜乎

恥予論

伯子曰昔余聞伊尹以一介恥重心嘗易之嗟乎此
唯伊尹能耳今之以玉帛來者非萬國之長令名之
士乎哉載牘而行望門而謁旅幣何紛紛也彼守官
若處女無因而至輒閉戶絕之及其投人也若委諸
壑人情亦取易而予難耳彼何心哉孟子曰取傷廉
予傷惠傷廉者名惡傷惠者義章賈廉而辭惡固吾

副墨

一卷

十八

所急卽有過而誦義不衰吾其猶可被此名也此操
毀譽之心也不恥則人將德我不予則人將警我寧
務樹德無務樹譽此操怨德之心也夫恥予一塗其
操心多矣卽有緩急寧能信其無二三和毀譽怨德
不入於心故有一德得國而仕則去湯而不以為貳
放太甲而不以為不臣此由畎畝來者也世方挾其
不恥浮慕伊尹直將伯仲見之是為伊尹優也得其
一祛猥自以為類尹不亦遠嗟乎夏重疑水不傳於
火卽貌伊尹不類猶賢於貌桀者也吾何問焉

驟進論

天官簿上計吏罷二千石以上若干人二三大夫坐
驟進免大夫有民譽人以爲舊伯子曰大夫何舊驟
進舊也不觀塲師之樹擗乎踰年而殖十年而拱百
年而高十華朝樹而暮拱焉此不祥木也人有斗酒
一舉而酬其能任者幾何藉第令徐徐不終日而盡
矣已則不任人則以爲不祥惡用聚也大夫春秋盛
矣且方以才得民使其待日至而興量已而後進高
位將焉辟之彼顧皇皇於日暮之間而趣世以幸其
捷是自爲舊也乃今簿責所急者非墨邪竊鉤者誅
竊國者侯大墨起矣今之以墨見察者竊鉤者也大
夫之多譽謂其無竊鉤耳務進而而軌於正是竊國
之類也在王者無赦又何舊焉或謂世以拘格論士
非所以遇異材使果材和驟可也惡用格哉余嘗聞
用人如用兵其法一也五步則止五伐則止非司馬
之揖讓乎不共命者有刑而後可以無敵法也李陵
簡師深入不旋踵而困匈奴非法矣今之愆步伐者
不爲不多而猶將廢格是將爲陵之師邪抑三石之
師邪

送憲大夫劉公兵備四川序

昔在庚戌蓋聞職方三大夫云是年秋虜薄邈關外

司馬方待罪不知所裁乃一切倚辦職方惟所決策
三大夫者桂林王公南豐江公潮陽劉公也王公任
城守日與登陴者俱江公關說公卿貴人間請受方
畧引當否獨劉公部署公事居舍中公乃爲司馬上
書召諸部兵皆來會兵至

上日遣中使勞諸將凡十餘曹中使持節大呼

司馬門必陳兵衛而後往司馬大困則以劉公委之
中使爭引公裾當詣

上前數當事者罪公曰諾臣固願見

天子願乞一言先之中使乃憚公聚司馬門者悉散

劉墨

一

十

去頃之四面兵集皆就司馬受成公爲之分部伍布
要害軍聲大振虜乃亡其年虜深入亡功則三人者
力也夫以統衣之士抵掌而談司馬穰苴易與耳卽
有緩急輒瞪目而視偃身而趨談何易也劉公初試
爲大夫固未嘗親戎伍之事服干戈之教也一旦有
急內明臣節以抗積威外主兵謀以遏亂畧卽三人
者一體此其卓卓者故旣而劉公求出爲藩臣其後
十年始以憲大夫典蜀以西兵事檄至楚公不欲西
公所善客二人各以其私語部吏一客曰公家食者
五稔心竊竊然安之屬郡中苦兵公避地而出非公

志也夫巴蜀險區憲大夫重職於公豈薄哉顧公有先人之丘墓在朝陽去蜀不啻萬里世守謂何耳一客曰古人得志則大行不得志則龍蛇各以時行者也乃今南北暴師疆事未解使公在事庶幾其有瘳乎公將起而振時之危乃使居蜀夫蜀者天府之國也公材如此而用材如彼公其將爲龍蛇也哉部吏曰否人臣之義無所逃於天地命楚則楚命蜀則蜀獨奈何遠萬里而倍之當漢武帝時驃騎傳胡樓船下粵不無事矣及其通西南夷也則司馬相如遣焉蓋將使橫目之民莫不回面此王者之度也

劉壘

卷一

廿一

明興去漢德遠甚邛樊之屬悉藉而閭伍之今公所部是已蜀有大役部中告勞必得紀綱之臣蒿目而去其疾苦此漢武所不能事相如所不能談也嗟乎今之在事者豈易言哉朝而告急夕而告捷程功受賞率一歲而累遷顧四郊之壘益滋多寇方睥睨其間饑則藥至飽則鳥舉終不能制此其故余難言之矣藉令使公當事將負俗而反其所爲顧公之息壤果安在也昔所稱三大夫者非世所謂利器乎哉無何王公以得罪去江公以材見重官列卿然亦竟去獨劉公深中重糈故至于今得完斯其成敗利鈍可

睹而知也譬之庖人之用刀扞格不入則刀不割而刃全假令肯綮未會而彊以刀投之折矣彼二大夫者所投無乃類此然則以公入蜀豈直以肥腠齒之哉養其刃將有所投也乃今大軋未解公獨善刀而藏之可乎二客曰善則以部吏之言告公公西矣汪道昆曰余在職方聞諸同舍郎談劉公事甚具出而守土公方以

簡命入部中公有惠政江漢父老往往能言之余不具論公方以兵事往故余論兵獨詳焉

送劉使君東巡序

劉壘

卷一

廿二

御史大夫言部使者按山東及期請代臣聞自河北及山東不兩代多流亡願得才御史遣之臣徧觀所部諸臣宜莫如劉御史於是御史受詔以單車赴山東御史所善客過高陽生相與論山東事高陽生曰自有虞氏東巡狩首事岱宗山東多王者之跡其民洽于仁義閑于禮樂豈不決決乎哉然海岱之間其地利足賴故齊得什二則自古稱之

國家竝建兩都懸衡以繫萬國山東東望碣石南望秣陵蓋心腹之輿區轉轂者之門戶也六郡良家子大都習騎射結客而游乃今年穀不登其民易動當

事者爲重地計則以御史君往耳客曰公將爲御史君決策者何高陽生曰自天子不巡方而使者出然則使者之所事事天子事也天子以威福馭天下議爵賞詔執秩議刑獄詔士師使者監方伯部中以一人任其操柄其權重矣假令席威福之權而操下太急則誦事者至一切以遁心應之及罪事而釋吾權且從而議其後抑或多所假貸浮慕長者之名卒之衆悅而名章高位可坐而致蓋善仕者之爲也夫巡狩之事載在王制者可巧而知務在科察諸侯脩廢讓以明好惡而已乃今慶讓在朝廷而科察在使者

副墨

一卷

廿三

卽使人得以干其操柄科察廢而慶讓不行其何以佐百姓

上方用言官議詔執憲察有司賢不肖狀籍其最甚者以聞於是聞者兢兢願自洗濯以避黜黜夫使者奉

天子約法蒞方岳以臨百官乃若譴舉有司固其所夙夜者也顧今善或不章惡欲不殫至煩天子之慮而以

明詔詔之使者之任職謂何耳夫葵猶恤其締天子紀綱之役乎哉願御史君無失使者權山東

甚客曰僕聞山東饑民有菜色願與御史君休息於寬政何論權高陽生曰若客所言則良有司事也昔虞帝子民如父母豈不孳孳拊循哉其觀諸侯一以削誡加進爲務主權尊而民治起矣譬之牧馬園長察馬之肥瘠以課園人之勤惰卽日月一至芻牧善而馬肥假令惡園人之不共而以身攝其事則一馬飽十馬餓矣故知牧馬者可以牧天下去其害馬者是也此安能去權哉客曰善僕願爲紹介請以是效之御史君

送蘇君攷績序

副墨

一卷

廿四

高陽生曰今之用人猶市穀也市人貴稻而賤黍稷以稻爲市幸得駟會居其間雖美稗必售如其以黍稷往而莫爲之先談人且目攝之矣夫五穀之樹藝同耳薦宗廟脩王公其所用者同耳而或貴或不貴則世俗使然然亦諄矣夫既貴稻而重賈之安用美稗彼其生也與稻同登者也卒之駟會爲政黍稷不售而彼售焉諄之諄者也今之士者豈不然哉夫仕之取重者兩端上之則

天子所籍次之則鄉國所籍者也上之卽得中材往往自致青雲之上其次則多所菲薄蓋什伍而貴一

人焉比稱黍稷之辨也顧彼善仕者借資以干進率以萬禪而冒嘉穀之名於是斗筲之人寧爲萬禪無爲黍稷蓋靡然鄉風矣乃若倣儻瑰琦之士不貴則已寧詎能委蛇蒲伏而于駟騶者之權乎蘇君以少壯入官彼固將有樹也

上多其治邑且召而用之然竟不利既又多其治卽遷度支卽然復不利而一時同事之士翩翩乎千仞之上矣蘇君旣以治行見知於

上世人弗察猶以爲黍稷而目攝之此以耳視者也余觀蘇君伉直庶幾類汲黯爲人如使其委蛇蒲伏

卷一

廿五

幸而求前有畏足而逝耳蘇君居楚當政績且將載牘往焉客謂蘇君君無往也君治百里者二治千里者三部使者列君狀以聞章二十上不爲不譽矣乃今移官且三年而拓落如故君未嘗先所往也能先所往不往且來不能則往猶無往耳蘇君謂否余唯不能以至於斯乃今則欲以將毋行非干澤往也比者吾鄉不雨鄉人白日爲盜掠縣中吾母春秋高非吾往且不能安枕頃吾所以來者徒以母命不敢廢乃今幸而畢吾事且得奉母歡吾往矣斷酒白首舖糟而朽將安用之嗟乎今之趣世者如趣市門亦相

顧而化耳貴履則踊者爲屨貴踊則履者爲踊何有特操乎哉自蘇君從仕二十年會不得志終身奉臣子之節綽綽然於進退之間賢矣夫卜式不以巧宦而終譽汲黯不以淮陽而隕名卽君以此始亦以此終君蓋有足多者

上方弊群吏之治當事者埽而更之今之市非昔之市也藉令君不往善賈且至况往哉

顧聖少詩集序

顧聖少吳人吳人習詩者累百聖少獨不能詩旣而避地燕趙間趙王客善詩善聖少客言之王所王授

劉壘

卷一

廿六

簡彊使聖少賦之詩奏坐客皆驚卽習有名者爭下聖少是時王卽講業闕下譚諤諸名家王卽生吳中雅不喜吳語一見聖少惕然曰公柰何從焉軾之士輒一鳴驚人抑自吳苦其公幸而北使公不比日與鄉人俱卽能言直吳歛耳將靡靡然求合于里耳惡能操正音和謦之行者自中國而之代必面冥山卽三月聚糧至矣假令取道越人而南走越及其覺也反而之代謂日莫塗遠何公亦夕春糧耳質明而見冥山幸無適越先公也其後聖少自趙之楚聞楚有高陽生者持高論則挾策往謁之高陽生言與王卽

令聖少目攝生曰噫大甚然則吳皆非邪曰二三子在吳何可非也若陟冥山徐迪功先登王卽絕塵而出其上矣顧迪功名以弘治諸君子王卽名以歷下生聖少名以趙客凡此皆北游者友也聖少好將愈甚吾安知其所稅駕乎聖少勉矣

黃子堂記

王大夫在內史部中仲子以楚士第一人舉進士高等大夫聞之喜北面稽首而告曰臣故倦游今臣子入官臣請老於是大夫解印綬去稅車于馭仲子授尚書郎入司寇署使者十往以安車迎大夫不得請

副壘

卷一

廿七

頃之入司馬署遣使者往如初又不得請及仲子繫宗伯藉侍從

卽中大夫語家人曰吾固知孺子無害且有奇治獄治兵則孺子能矣顧今所任職乃在四輔之間吾將覘孺子往也計日而就舍大夫乃安則又覩治行吾將還楚會仲子最天官考詔賜大夫爵視仲子官大夫冕衣裳拜

命闕下歸鄉里守從諸大夫賓客往謁之大夫陳璽書於堂冕衣裳而肅客於是坐客有偶語者守庭詰之客曰始吾以爲大夫翩翩然者也方其以郡請老

古將羅百乘而輕之乃今受一命以歸一何重也守曰嗟乎客言過矣昔由光甘不事之節史氏亟稱其義至高後之人遂求多於顯者夫鳳鳥翔于千仞之上覽德輝而下之必隱之是而顯之非鳳之德衰矣昔黃綺不詘高帝終不以其出而見非龐公白首鹿門終不以其子之仕而貶節可以出可以死可以仕可以無仕亦各以其時行耳當今之時使者不出國門弓旌不下田野士壘壘然至惟恐不得一當有司安事隱也大夫去郡豈直爲名高者哉古之人視國猶家視人猶我家丈人有事家人治之可矣豈必

副壘

卷一

廿八

治之自我而後乃愉快乎管仲相齊以國士顯孔子稱齊國之士乃登鮑叔而上之九合一匡非鮑叔宜不及此然則管仲之力鮑叔居焉大夫以仲子事國家則弛其負擔以任仲子仲子而任則其休也不任則其咎也乃今仲子以才遇合而自致乎青雲任矣由是而席善資蒙故紫論思獻納保主德而左右之卒使德成教尊官正國治卽仲子所樹莫非大夫仲子重而大夫重矣鮑叔以人訏重大夫以子訏重訏重鈞耳顧子與人孰親以子事君孰若以子事君之爲愈也大夫之重不亦宜乎客有後言其將非黃綺

而疵龐公矣客曰唯唯蠱之高尚者云何守曰嗟乎蠱而不事則接輿沮溺其人故足高也以今視世豈蠱也哉賁之丘園往有尚矣聖人繫易直以義爻少之豈不以當賁之時惡用丘園往也仲子資適逢世且爲國華乃今譽命自其所生則仲子程功始也大夫之所爲賁不出戶庭視丘園廣矣蠱何與焉大夫進曰君侯之論易深哉僕有環堵之室墜書在焉願君侯名吾堂且章君賜守曰敬諾則以其言得當於長者命侍吏記之

洪母六十壽序

副墨

卷一

廿九

洪母者余女第姑也女第爲余叔父季女歸於洪初女第有嫁舅乃見倍又五年而女第寡蓋春秋二十有三女第有子始孩賴以存活余在郡女第走豎子請曰未亡人失所以獨姑在年六十所矣乃今不得從夫子爲姑壽願須臾釋憾從家婦稱觴在禮何如曰禮也舅沒而伯仲從之母保季子若孫存其世祀茲母道也亦猶乎父道也仲子不逮事母則旦夕甘毳非妹之任而誰任哉茲婦道也亦猶乎子道也登堂稱壽其誰曰不然嗟乎若非直壽姑且壽洪氏昔在趙孟以國卿而走諸侯門可炙手下官之難危若

綴旒不有程嬰趙將不祀卒之立趙氏後存其舊勳嬰之力也余在外傳數往來諸洪間洪氏翁方以節俠游江淮殷殷盛矣旣而父子相從於地下其末造可知毋持家秉不遺餘力存諸孤而烝嘗之卒使胤子皆完席故業而昌阜於後則洪氏百世之祀皆母之年也余聞洪氏翁長者然諾不侵於人而伯仲斤斤皆丈夫子此三人者宜壽乃竟不壽謂天道何天道猶水窪則盈之亦猶橐籥則張之然則洪之取羸在子孫而右券在母母一身而繫兩世豈耿然者哉昔令伯亢李氏宗賴祖母劉而後顯令伯斑白而劉之年又最高天旣以令伯胙李則必以高年胙劉此天授也使洪之諸孤有令伯者在母且於其身見之享有天年何論今日觴旣具若第後家婦曲跪請曰以是貌諸孤願姑進酒爲洪氏壽

祭叔母文

道昆守襄陽聞叔母訃至乃服齊衰函祭具紹介而致之墓下而以文告叔母杜孺人之靈吁嗟嗟乎哀哉自吾叔母歸吾家蓋三十年往矣其間甘苦陰陽一切嘗之乃今叔母所留唯仲子在耳叔母故宜卽舉子卽殤及仲子生叔母輒病仲子能言而病愈

已又病髻而愈已又病能受書而愈已又復病及仲子始勝衣叔母之病遂不起吁嗟嗟乎哀哉初叔父客游將道日廣旣而聞叔母病芒芒然歸杜門者十餘年所矣卽有能去叔母病者不難百金予之焦神極能病不去不休也屬叔父旬日病叔母大憂無何叔父安而叔母危矣吁嗟嗟乎哀哉始無子則憂子稍長則死夫病則憂病已則死此之爲婦德蓋庶幾於人倫者乎叔父有子三人伯若季皆孽子乃今惟仲子馴謹得當叔父心卽他日阜昌叔母所留也夫娶婦嗣親嗣而不良賢於不嗣乃今嗣矣良矣得當夫子之心矣卽病卽死不可乎哉及余聞叔母喪淚淫淫不收口噤噤不能出一語蓋傷之也有余翦髮叔母壹以子視之及有妻子亦莫不然視吾婦猶婦也吾子猶子之子也顧余居外十五年矣曾不得一共刀匕侍叔母餐又斤斤立名無所貨終不以奉叔母故而以兼兩遺之乃其心且謂報叔母之日長耳頃因使者語曰叔母以子視若若誓以子報之今無及矣卽他日墓下之奠何爲於乎守在一隅卽墓下之奠且不得往其將謂報者何唯左右仲子使無傷叔父心則吾事也叔母墓側亡婦在焉藉第令有

知當姑事叔母爲余脩孝養于地下楚有澤蘭江芷不敢以羞願叩九地而暴吾心無間禮矣靈其不昧庶或饗之

祭外母文

已未冬十一月晦蔣母以疾病終其女從壻在官弗與大事會女疾幾殆壻母計不以聞及其小愈告之且小祥矣於是壻始總女始衰經女將奔哭墓所則從壻受綏以行壻以守官不得往乃治祭具因女往奠焉於是子壻汪道昆東向哭稽首而告外母孺人之靈曰吁嗟嗟乎哀哉孺人不可死者五可以不死者三乃竟死也舅沒姑老不能卒事一不可宜於夫子中道見倍二不可父母在伯子季女皆亡乃今重爲父母憂三不可諸女之長者始嫁其餘則皆待年四不可諸子烝烝宜必有與者樹有秋實樹者不及饗之五不可也夫捆內之德有三不祥鵲者不馴忌者不廣汰者不共死之徒也孺人居常婉婉出入有違言遇諸媵人無所督過其服御務纖番獨祭祀賓客罔或不度具是三者庶幾乎無死道矣不可死而死可以不死而死其將謂司命者何哉昔在大婚幸得謁孺人堂下退二就館心竊竊然憂之孺人有

丈夫子五人孺人戔戔者也福澤將至孺人其將下
勝旣而謂其三德足多形不勝德顧今以形卜者驗
矣然則生人之脩短將受命於形抑亦受命於德
和此其故未之或知也頃謁行而赴

闕下孺人以息女屬焉垂涕泣命之其言在耳卽五
年於外於心終不能忘直將謂孺人富春秋不虞其
遽至此也寧詎知疇昔之命遂成求訣乎哉丁巳外
孫先孺人驩其或有言脩短者孺人謝之吾幸而有
甥死卽瞑耳旣而疾革立諸子女牖下使之歌曰吾
甚適獨而女兄在楚宜不可來吾快快耳於是偃卧

副墨

卷一

卅三

越宿或誑之使者自楚來問安否乃張目問之狀偃
卧如初有頃聞大呼息女名瞑矣吁嗟嗟乎哀哉孺
人之快快也以女而其瞑也以甥此其愛丁於女者
最深非直骨肉之間而已也卽女明發有懷出於天
性事生也慕事死也哀將以報罔極之萬一終無繇
矣初女爲孺子哭如不欲生旣而聞使者言孺人有
治命伯姬母慟顙撫而手足一切善視之卽而第大
吾門母且不朽於是女又大哭以母命告曰母始舉
弱女以身食之其食諸子則否女之身卽母身也母
且死不難以身從之顧受父命事夫君受母命撫諸

第吾事未畢奈何倍父母之言於是始納水漿以時
哭嗟乎女疾少間將不勝喪孺人以遺言存之則所
謂口澤也吁嗟嗟乎哀哉死者人之大歸其在大任
大姒猶將不免古人之所謂不免者唯後人耳然則
孺人之所以無憾者其在斯乎使斯言得當孺人則
不腆之祭庶幾乎其或饗之也

明處士江次公墓志銘

余與江仲子同事文學先生旣而與計偕則又同藉
仲子與余不啻昆弟戚也已酉仲子持次公喪越十
年卜兆乃吉仲子將樹墓則使余勒次公銘按太守

副墨

卷一

卅四

公軾所以狀曰先處士驥舉男子者四人使軾從長
公輪受書次公輓獨當戶會葵水溢沒田廬之半又
盜自江西起掠縣中居民罄罄幾不得活次公持家
秉獨蒿目計之家人一切倚辦次公無所訕先處士
乃大喜私語母曰人言五月子不利所生若舉輓乃
獨利我其不然哉謂母汪以弘治乙卯五月生次公
也自先處士始杖次公侍卧起者三十年嘗謂長公
伯若叔第力本業務決一舉當父母心卽父母春秋
高輓在猶伯叔在也頃之軾果得一舉則次公所推
較云長公不獲終其天年目次公意季子一舉爲之

後次公謝曰諸弟則弟諸子則子吾何愛一臯顧季弟輔多子請擇可者後之母吾子以也次公即孝弟力田且復好古居常挾笑讀史其持論往往稱古人遺伯子一鳳學賈論之曰余聞本富爲上末富次之謂賈不耕者也吾郡在山谷即富者無可耕之田不賈何待且耕者什一賈之廉者亦什一賈何負於耕古之病不廉非病賈也若第爲廉賈軾始判越公人越聞田父皆德判寬田租公揚揚入舍既供具有加豆三公怫然曰余讀漢記羞稱公孫弘張湯爲人顧二子且侯猶持脫粟之飯雖其志在立名譽視無厭

副墨

卷一

世五

者猶賢叔位不過二子而飯過之使二子而在將求多於叔矧不爲二子者也次公年五十仲子貨帛一兩請衣次公乃大詬曰孺子不聞古之國君乎彼以布衣而致三百乘不帛者何也乃公田舍翁耳而謂乃公衰乎卽衰不帛且煖惡用此嗟乎人能文綉土木而不能不德色於耰鋤俗靡然也漢制郡國得耕上孝廉故其治多長者乃今士以經術進豈不烝烝特病未廣耳使次公在漢惡在其不舉哉公歿五年則仲子舉進士官比部尚書卽有材譽銘曰爾封若斧卜十年所爾阜昌一世無疆

先大父狀

汪道昆曰吾宗出潁川後著新安曾大父有丈夫子五人次者大父人以大父長者稱次公初曾大父幸長公守仁公無籠年十四會彊奴有睚眦者曾大父怒而不言公奮白挺大詬曰奴蔑家夫人罪當死奴蒲伏受杖乃白曾大父罷之鄉人壯公聲名自此起矣公亢直不能以一毫挫於人比居鹿隱聲不及大馬曾大父寢疾公宵衣侍卧起旬月始廖曾大父乃驩謂公能子新安少田賦以贖代耕曾大父務什一力田亡資斧公聚三月糧客燕代遂起鹽筴客東海

副墨

卷一

世本

諸郡中於是諸昆弟子姓十餘賈皆受買凡出入必公決筴然後行及公既饒或者且加公數倍公意甚得未嘗自功公少文辭然徒以口德取重部使者視鹽筴必召公畫便宜有司籍名遂以公爲鹽筴祭酒公雖用筴起不操利權凡以刀布授人必置奇羨由是海壖誦義所部知名時中貴人劉景戌浙江誣執賈人諸不法事大索錢不者且掠死行縣至括客皆亡景書公名陰與捕吏約曰此節俠得此勿問其餘公業已亡得火公守信公頌足曰仲出必死虎口奈何以我殺仲乃詣捕吏當火公景方掠罪曰月公

甚偉善客而問曰若何爲公曰歎賈豎汪玄儀也聞
貴人下車旦夕且奉千金爲壽景憐然曰吾聞守義
不聞玄儀公曰字也此中善視賈豎故不名景領之
遂目公出舍人附公耳語諸客皆走匿安得千金公
持券貸府庫金大守梁公許諾會璉敗連逮景使者
夜至公得完初公被收市人無火長皆泣下及收景
爭以牛酒餉公公謝曰干支家言我生之辰適有天
赦果然蓋戊子六月六日也公春秋六十從海上謝
賓客歸休里中客曰陶朱公有子孫能脩業然後乃
爲五湖之游卽公二子才年少恐不能無得失公不
劇墨 卷一 卅七

宜老公留公笑曰乃公斑白道路不爲不勞乃今幸
而有榮盛之田祭事畢可具饌酌歲賦秫三百釜可
具酒漿治灣池具網罟可佐客蓋舍旁樹竹十畝爲
軒二楹可坐客天將佚我以老不佚何爲安能守刀
錐之末爲二子虜也公客海上最久絕足不入倡家
去之日客醉公酒疆授一姬嘗之公合燭作書燭三
跋而書成旦矣旣歸不問家人生業客在坐抵掌而
論陳事語繼繼不休時長孫道昆生三年公口授古
詩百篇輒成誦客至令誦詩行酒以爲常公語客曰
吾先世殷殷擊鍾而食者千指自高曾下達抱麻士

之義終焉百年當有聞必孺子也及長孫對公車公
耄矣公聞除縣吏乃大喜曰人言孺子非吏材吾獨
喜得除吏夫駒服轅下茲壯則良始駕而在鴈行吾
懼其泛駕也公八十餘老日飲斗酒者三有蒼頭一
人能奏聲使佐酒戊申八月二日公櫛而升堂命父
行觴歌者侍觴畢呼父語曰良彬而翁歸矣顧而第
良相在賈而子在官第善語之母墮先人之緒而翁
瞑矣其後十年家大人卜兆唐山伐山得石坎一廣
如塋某歲月奉公卽窆掩坎封焉而大母吳不得附

先大母狀

劇墨 卷一 卅八

先大母出溪南吳氏高曾以下徙居長林初曾大父
爲大父請昏有成言矣里人走告吳公慶曰婁人子
稚少文柰何子女公蓋大母祖也於是以他事召大
父公覘之大父著田間冠不事苛禮公喜歸語家人
曰卽君魁然者也必大其門諸母聞公言目攝大母
笑曰卽田舍卽大而門而安得持歲鉉鑰與諸母較
輕重也大母旣歸事大父唯謹里中率以桓少君多
之曾大父遇諸子父嚴不假貸大母日夕事甘蠶其
能事出諸姒先顧獨恂恂務以身下諸姒大父性懷
急有不合輒不能容大母從臾其間卒無所失居常

默默相以外不與聞及其決災大事引於正經可片
言定也嘗乘間告大父曰君家世孝弟力田善矣吾
翁賢甄括聞諸賈往往致富饒君能從吾翁游請爲
君具資斧大父曰善及大父由甄括起齋用遂優大
母拮据室中愈益攻苦里俗以居室重卽拓地尺寸
猶以爲難室之南則宗人諸疏屬產也延袤有步環
而居者十餘家宗人婦時時叩大母貸母錢無不應
者及收責則又卻于錢居數年諸宗人皆德大母會
有故則皆轉徙授大母室居焉當是時大父由甄括
徙錢塘紫滋厚矣顧獨不問家人產凡諸田宅悉大

訓

卷

廿九

卅九

母自相內置之初年大母不宜子勝黃氏姬會方士
挾驗鬼術游里中謂曾大父曰公家有車馬客先府
君逆之里門則吳公慶也客謂府君我之帝所乞丈
夫子當畀吾孫府君謝曰幸哉吾亦得請於宗祐矣
客曰固也必以吾所請者畀吾孫公所請者畀勝女
吾孫先一月舉子使當門府君敬諾客又曰適渡河
耿夫吳帥執輿與覆兒什輿下左乳中石傷吾因以
石記之異日洗兒懸虎乃去使知吾效力於冥冥也
甲子正月家大夫生左乳懸虎悉與語合二月黃氏
姬舉叔父其後吳氏紫廢大母時時以爲憂里姬私

語曰孺人寧忘諸母疇昔之言何乃自苦大母謝曰
非吾先世寵靈何以至此奈何聞兒女語和太母壹
以憂勤佐家髮早白旣又有肺病未五十而衰比終
天年凡春秋七十有八蓋嘉靖甲辰五月五日也平
居善拊循愛人不啻其口出卽叔父從家大夫居膝
下固不自知其爲孽子云季第子潛善事大母大母
以吳氏獨子顧甚愛潛季年則道昆以長孫最幸大
母知其有貴徵也日夜望之歿之二年道昆始登仕
其後潛振吳氏業復居溪南嗟乎大母皆不逮矣家
大夫爲大母卜宅待吉者二十餘年茲得某山之陽

訓

卷

卅九

卅九

貴州鄉試錄序

歲辛酉貴州當大比士巡按監察御史巫繼咸在部
脩成法而紀綱之會其等受聘自四方來乃以某某
領考試某某其同考試先是則某某領提調某某領
監試凡內外慎擇可者而後授事御史陳事周慎務
精白爲執事先乃合提學副使况叔奇所選士二千
有奇旣三試得三十人次其名氏若其文之可
者籍

上之其以役事宜宣於首簡竊惟唐虞三代之盛
治傳稽載籍可攷而知近者侯甸遠者要荒莫不靡
然顧化其在荒服則唯聲教加焉固未聞其興文物
登賢良儼然與中國齒也貴州古荒服又我

文皇帝疆理天下始設藩臣部署之

皇上中興文教四達貴州得專貢舉視藩同士庶感
而興蒸蒸嚮用蓋千古之希觀六籍之所不能談者
也乃今聖作物覩悠久無疆草莽之臣比屋可舉况
我國家疆理之域

聖天子所加志者哉某自受聘以來輒咕咕自喜竊

前是

一卷

四十一

以人微資薄無可以稱明德顧今幸而在事竊自附
於以人事君者之心爲庸多美比既畢事退而深惟
曰未也聖人之官人猶匠之用木榱題棟桶務勝其
任無寧以不材錯置之其直中繩方員中規矩材也
櫟社之木雖大無所取材比年有事明堂徵材黔中
諸部求之者不遺餘力矣即使不程其材而雜以櫟
社將焉用之乃今以尺寸之技而論士則其言勁而
正闕而深疏達而有直體材矣他日得一當
聖主使各盡其所長豈惟其材之足多而在事者且
自託於不朽使徒言有枝葉在事者冒然舉之而終

不可以納於軌物登于明堂是櫟社之類也在事者
將安所傳其罪乎三代之興有周得人爲盛 仲尼
操議於千載之下則唐虞有稷蓋耑考作人非獨其
帝德茂也亦必久于其位而後天下之化成堯舜是
已當時則臯陶邁種厥有昌言此所謂材也彼其靜
言庸違者非櫟社邪

今上卽位垂四十年治功爛然直與唐虞爭烈多士
生堯舜之世且於其身親見之蓋千載一時也居常
自許則唯帝臣之揖讓何論三代之英乃今挾策而
于有司且以言揚矣他日之所以自獻其身者將安
所決策哉信能操堯舜之道以往而無忘其平生之
言則一臯陶進矣豈惟在事者可幸無罪而以人事
之義其殆庶幾乎

明奉訓大夫知隨州事孫公生祠記

程使君入楚聞隨父老言孫大夫治隨狀灑然異之
孫大夫者使君同舍郎也大夫去隨者三年隨父老
業已祠事之矣會使君自工部來則皆造使君問大
夫安否幸聞無恙則皆泣下語纒纒不休使君問曰
大夫得父老者何對曰隨未得我公則國人皆寐耳
公一旦至大呼寐者遽然覺之民未知作公爲之脩

封疆省耕歛而民始力田民未知學公爲之徧置社學聚民間子弟之秀者擇其師教之爲期日召學官子弟皆來會以身教之而民始脩文事民故患盜往往自西方來隨無完郭國門之外且不保公爲之窮治淵藪論棄市數十百人且今有罪者受版築城其郭而民始無盜患民故情事候人不共公爲之除道梁津而遠人始至凡此皆其著者耳故公在則民怙公去則民懷隨之民何可一日忘公也使君唯唯既而語襄陽守曰今之以吏治顯者往往務便民與民無所更始大夫治隨不無事矣隨父老誦之不倦何故哉守曰嗟乎此難以聲音笑貌爲也里父之愛其子惡能終身強負之乃其心則無日而不在子矣子稍長必使之負薪不幸而有疾藥必瞑眩卽負薪嘗藥里父不以其故失慈察其心彼固誠愛之也藉弟令務姑息而不知所裁是納之邪而益其疾矣周公抗法伯禽不假貸伯禽卒輔周室蒙故崇而昌昌之周公於是乎善用愛矣然則古之人子民如父母者豈直以咕囁著愛乎哉強教而悅安之斯父母之道得也負薪嘗藥則強教者之所有事將圖遺之以安耳大夫拊循其境內豈不孳孳願獨與民治而紀綱

之必引之於正義謂之凱弟誰曰不然庶幾乎隨之父母也已昔庚桑楚之處長壘畏壘之民且尸祝之矧父母也吳令君曰往大夫在歛亦以休息得民耳尚安事嚴守曰否否歛當南國之隩區行部者接軫於道民苦苛細幸得及於寬政而休焉大夫之治歛是也楚地廣莫其民恣睢或者猶然務因循有司之法削矣民慢而法削其如擁闕何哉夫民張則弛之弛則張之此文武之道也父老相謂曰鄙人何知嚮其利爲有德二三君子皆歛人則知德者之言也於是不習爲吏視已成事二君子之稱載往事者詳矣願勒其言祠下且爲後事之師父老曰幸甚

副墨二卷

火司馬陸公平寇序

高皇帝法方伯分部而治即有不治則御史大夫出而填撫之南贛當吳楚閩粵之交其地深阻其民恣睢其聲教不相及於是專設御史大夫一人秉節鉞出行部四境乃安

今上即位以來江以西久承平材官無所事辛酉流賊入江西憲臣有死事者饒平上變謂賊由張璉請亟發兵誅之乃為師期諸督府兵皆來會張公自兩廣駐潮州陸公自南贛駐汀州游公自閩駐漳州

必亟誅璉毋使為東南患陸公馳赴行部擊流賊於道大破之賊尋遁去公決筴曰使璉先期而出徒以空壘而老我師非勝算也虎出於柙其傷必多此不可不備璉出必犯漳州第急備漳州虜無如矣既而璉果出漳州失利又遁去公下令無問部士若賊黨有能生得璉者封萬戶予萬金次者封千戶予千金即得罪人者從勿問乃得酋長郭玉鏡為內應誘璉出戰擒之其次蕭晚林朝曦皆授首部中憲定公獻狀詔拜少司馬其餘爵賞有差當此時將公業已平島夷與行會閩吏民相語曰偉哉陸公之再造閩也

江以西始發難其流毒不深廣東財力饒蓋用武之國獨聞坐困乏群盜充塞山海間炮鼓相聞列郡盡城守矣游公方受事即有詔命安能越千里赴師期哉雖鞭之長不及馬腹其勢然也陸公當紛糾之秋冒瘴癘而臨不測之地發縱指示一鼓而殲之卒使游公無復顧之憂決勝千里賊無噍類公之伐也璉睨漳州即不備長驅而北挾重寇而橫行閩爭去笑假令無失其版籍謂有土者何公獨早計虎既逸而檻之封疆之臣庶幾藉此以逭簿責公之伐也璉謀不軌其在脅從則首鼠兩端使徒按法而窮治之是搏虎而傳之翼也公布恩信遂令反側自安其卒也反戈而斃之不啻射隼師不必老士不必危不旬日而告捷公之伐也閩兵連禍結人人自危群無賴幸璉出而應之不者憐上然重足而立矣璉伏誅民皆帖席釋之刀鋸之下拯之溝壑之中肉骨而生之非直一手一足之烈也公之伐也嗟乎豈徒公之智術足多哉此有由本也后羿之受射其用視專也夫人之承蜩其操心壹也當世之士習退讓而務因循項上然恐將自及即有緩急將焉用之當璉初起時易與耳閩中有以策干軍門請舉兵誅璉者格其議

不行及其茲蔓其所徵發不啻什倍之矣幸公在事
以身爲將士先戒此而後朝食此專一之效也正德
中新建伯有社稷功其嚮用由南贛也

今上以神武治天下海內晏然視新建之時則公猶
賢矣乃今南備日本北備匈奴不謂無事公由此起
定武功脩文德以輔中興之盛治所謂社稷之役
非和由斯以談非止南贛以兩公重兩公者抑亦有
相重矣公當欲至道昆從諸大夫後宜有言鄙人何
知饗其利者爲有德公之利社稷者豈不弘多道昆
僅得其一隅惡敢緩頰乃若公之所以利閩者縷上

副

卷

三

然在道路之口道昆不敏猶可僂指陳之遂次爲序

壽一所先生八十序

今上初臨海金一所先生來視閩學閩故文士園也
先生至表來儒侶道於閩者祠事之務躬行爲弟子
率一時士相顧而化蓋橋海濱鄉曾云其後三十年
庚申先生神子復來視學仲子奉先生約法士帥教
如初又明年先生春秋八十矣閩藩臬大夫若閩帥
幸得仲子同官將發一介行李爲先生壽醴酒既具
屬余脩酌者之辭余小子卑卑無足以當先生者顧
執長者之役義無所辭請先陳爾否而諸大夫擇焉

皆曰幸甚道昆敬進曰世所謂嘉祥善事大者壽考
次者顯榮而今名急矣貴如趙孟壽如宜靈其行義
無所稱載惡能爲有亡先生以世德發家一門之盛
海內無兩乃今享有眉壽且夫婦偕焉得全全昌

殆非虛語先生不立名譽縉紳學士不啻若游岱
宗之顯榮壽考而長有令名此世所希有先生備矣
請以是爲酌者先諸大夫曰未也更進曰昔萬石君
以質行顯史氏登之于齊魯諸儒之間萬石君推少
文二子取醇謹耳齊魯優於文學豈不斌斌史氏獨
推較之且以諸儒爲之下此華實之辨也我國家以

副

卷

四

文治治天下士斐然縉紳風孝武以來倡道者壹沈世
儒之蕪穢而獨觀昭曠之原其後及門之徒務張皇
以立門戶居常耽論溢發非堯舜文王孔子不談一
何偉也概其行事曾不異於塗之人遂使世儒說上
率以此相詬病後進懼蒙其耻往往卻步而不前齊
紫敗朱而朱者耻爲朱矣要以篤行脩古出入不倍
所言則唯先生能耳願乞先生百歲之身以爲當時
耳目使後進得睹其大較由此而辨朱紫焉是天之
有意乎斯文也諸以是爲酌者先諸大夫曰未也道
昆避席曰說芬華核名實雖賢者不免焉此有戒之

心也此兩端者宜無惜於先生先生三受命爲儒宗
不班白而釋事三子接祗而起兢兢然日討先世之
德而程督之其學道本之乎潛心而壹票於河洛其
所論著要皆深造之言然則先生之不朽者在躬行
其緒餘任子姓其聲教在天下後世而其足術者在
成書由今以往諸子脩先生謂畢之崇衍宗社無疆
之休後之學者挾筴而知嚮方沂河洛而游洙泗之
上則百世之澤皆先生之年也以是爲壽其庶幾乎
諸大夫慨然曰庶幾哉吾將以是而聽命聞人矣道
昆敬諾

副墨

卷一

五

平遠臺勒功銘有序

言官上言日本毒閩且十年劫衆聚徒且十餘萬閩
財力竭矣當事者廩亡莫敢誰何今巡撫忠臣獨兵
食少詎能求旦夕之効閩故隸督府督府尚書名震
夷夏所部多精兵請亟發督府兵不然閩且不保
言官議下尚書尚書胡公巡撫游公皆新安人
胡公發精兵八千人以部將戚將軍爲上將閩帥
戴將軍佐之按察王大夫則護君往督師畢胡公進
三人者語曰吾閩游公已定漳泉賊堅壁禍清與諸
將相持不下他夷部復入橫嶼據絕島中寧德日告

急不暇問公等第亟擊橫與橫嶼破乘勝而趣福清
直抵稿耳於是引兵從間道入不旬日而破橫嶼殲
之再旬入福清大破賊牛田賊朱先走興化旬日而
襲興化又殲之部中悉平戚將軍以全師入諸大夫
郊勞曰天厭閩久矣將軍至乃始有閩此百世之伐
也將軍避席曰督府奉明詔繼光待罪行間乃今有
尺寸功上者朝廷次者督府次者諸大夫之烈繼光
何有夫古人以軍功顯務旌其伐銘諸名山將軍功
高而不伐故足術也乃登平遠臺脩飲至禮道昆幸
而在事遂爲之銘上曰於昭明德漸于出日重譯來

副墨

卷一

六

格島夷不追馮陵白刃爾我四境吳越發難厥有京
觀閩海遺患帝命徂征日癸及壬武功弗成申命督
府脩我干櫓保我南土乃建元戎顯允戚公萬夫之
雄乃發右廣元戎是獎命戴公往乃上護軍三令五
申大夫啟行肅上我旅集如時雨千里安堵旣薄秦
川閩士爭先鯨鯢用殲狂寇匪茹大師克遇牛田失
據轉戰于蒲駢首伏鉄冠無前塗昔者寇虐民有漳
聲色無聚落王師至止保我婦子家室伊予方旣
向赫上元戎奏爾膺公元戎蹴踏天威咫尺則臣之
戎車旣旋學臺上民其瞻大德不德小子何

述述諸貞石

送方伯曾公序

方伯曾公之入閩也蓋有保閩之功云初閩寇擁塞部中部中亡敢發一矢於是徵兵境外聚食者數萬人有人有司無旦夕之儲又以寇故不復議征歛軍費百出獨一切倚辦曾公公竭心計應之未嘗有所失諸將士願爲公效死寇三入三殲焉部中旣平公乃上書請告書畧曰臣往在司空舍中不幸有徇馬病其後奔走南北病日益深比入閩閩事幾殆臣職司國計何敢避難乃今部中平臣病甚願乞骸骨書奏公

副墨

二十卷

七

輒治行余惟古人之夫者三不得其時則去不得其職則去老則去公年二十官尚書郎三十而朱輪四十而銀印不可謂老自公主計以詔爲廢轉弱爲強易危爲安議者謂公之功不在相國何下不可謂不職方伯位藩臣之上率三年而得列卿公自山東來且三年奄奄至矣入而巖廊出而節鉞可謂待之蓋得其時者也公無當於三者公去者何余幸而莫逆於公余觀古人庶幾乎得公之心矣背巢由避世說士誦之不衰當堯之時二十二人咸在事即使巢由比面詐能有加於舜禹皋陶夫惟堯不能詘而巢

由之義愈高巢由不臣而堯之治愈盛何者竭澤而漁漁之小者也藉山而田田之小者也漁渤海田孟諸鱗介羽毛惡可以網罟盡也

今上法堯爲治二三執政左右而養襲之比年黜陟幽明不遺餘力效股肱脩揖讓則人人能矣其在箕穎獨可無此兩人者等哉故進則陳力就列而竭忠貞退則抗志潔身而東高尚宜無不可乃公以此時去意在斯乎諸大夫國人聞余言則聚族而非之也君臣之義無所逃於天地之間彼託箕穎而处在巢由則可耳公自結髮登仕不家食者二十餘年方諸巢由不可同日語也得時而駕奈何中道去之嗟乎余觀古人庶幾乎得公之心矣何必巢由范蠡張良皆是也蠡佐勾踐平吳吳平而蠡避良佐高帝滅楚楚滅而良行願二子皆顯名於春秋不以其故敗義公胡不可也且也鳳麟之在郊杞豈不獨奇假令可縶而擾之直與雉兔伍耳公抱希世之奇而善藏其用卽萬鍾千駟胡可擾邪乃今執拘論以爲公留是將雉兔鳳麟者也諸大夫國人皆曰監司有去志故獨推轂曾公卽監司善自爲謀國謂何耳嗟乎余

驅場吏也安能視曾公然公去則余怍怍心動矣

福建鄉試錄序

皇上壽考作人化洽縣寓今年甲子撫運維新於時中外有司復當鄉試屬臺臣陳言鄉試利弊詔下其議禮官禮列便宜九事以聞

上悉嘉納巡按福建監察御史陳萬言監臨試事奉明詔而綱紀之會前御史李邦珍鳳聘州等自四方來則以州暨教諭甘官司考試教授某教諭某某其某同考該先是則左布政使王遵右布政使陳大賓司提調按察使張子弘僉事何全司監試及諸執事皆就列御史申詔令誓衆曰以人事君人臣

副墨

二十卷

九

之上務今日之事所不如明詔者謂人臣何乃合提學副使奚實所備士二千二百有奇進之三試得雋者九十籍奏之州不候宜宣言於首簡惟閩僻在南海至漢始與中國通其在古昔盛時不遑疆理徒以聲教所暨鳴鶴鶴風海隅蒼生罔不率俾此非文明之域其應感殊哉明興以來閩得人爲盛蓋天將開我國家文明之治則宋儒爲之先鳴歷數百年臚傳響應

今天子南面而治久道成化愈益斌比年日本昔閩士未知所息踵賴

天子神武詔司馬徵師司徒轉餉一本職焉由是文學諸生始得脩其故業卽文德四洽萬國攸同要以武功耆定戢干戈而俎豆之則閩士獨也士旣錄行且偕計吏上公車駸乎鵠用如將圖報於萬分之一則何以哉語曰天下無害雖聖人無所施才上下和同雖賢者無所立功方今

聖明在上家稷契而人臯陶稽第令余多士畢登譬則加乘薦於渤澥之濱曾何益於多寡之數惡在其能報也今天天生而不有長而不宰天固未嘗責報於人今夫父教之義方弗納于邪父固未嘗責報於

副墨

二十卷

十

子仁人不以天之高明而忘有相孝子不以父之燕翼而忘克家此唯自盡爲兢上要亦以不報上之耳人臣事君如事天天工人其代之敢不自盡事君如事父風夜匪懈無忝所生敢不自盡幸而在事奈何以君上之魏上而退讓衮衣固缺不廢紉歲玉石在前不掩并美此之爲報則人臣之本心也

聖天子德象重玄道彌六合嘉生溢於帝藉上瑞集於宸居其在草木昆蟲猶然效神奇而應明德何論多士頃者吏習於恬嬉俗流於第靡天子弊群吏之治埽而更之乃今茂對昌期作新髦士務得真材潤

也鴻業衍億萬年有道之長申令勅法程督有司慎始進也御史暨諸執事對揚顯命罔或不虔禁機利徹干批斥雷同橫勦說紫已不遺餘力州等屈首受笑退然如將不勝目之所擊口之所誦手之所披於吾心惴惴然懼無當於軌物蓋不敢不虔其始庶幾乎以人事君之心有司之技卑於此矣由此而圖厥終則多士事也非有司能也州始畢事肱篋發焚覆讀多士所爲文其指遠其義章其言必稱先王其持論中當否其思隱約其出謀發慮達國體之宜此非儲精應會儼然以帝德照臨之宜不及此有司得此以進其愉快可知雖然懼未釋也士不聞古人之善相馬者乎直中繩曲中鉤中方圓中規矩國馬也此可以形容筋骨相也乃若天下之馬必自牝牡驪黃之外求之此唯九方臯能耳州下才也索余多士於方圓曲直之間則既當於吾心吾且知爲良馬矣異日躡躡而入天子之庭其爲九方臯者何限假令執策當道超軼絕塵則天下馬也上也次之則範我馳驅猶不失爲良馬脫或詭術竊轡失故步而倍周行敗矣終之不令慎始何爲有司將何所傳其罪也州以一日長乎多士不敢廢久要之言余多士務自盡

而慎有終無違余共惟帝臣之始願於有司得矣有司亦將持此以報天子况多士乎

少司徒鮑公七十壽序

今年甲子

聖天子與海內更始登耆舊而疆理之前少司馬鮑公起爲少司徒遂撫東土公物謝司馬蓋始杖干鄉余從鄉大夫爲壽於公之堂則余進養由甚善息之言以命酌者公爲之引滿而有味乎其言拜司徒之明年公且杖於國矣余越在疆場弗得帥初禮禮公吳季子將出東道謁天官遂徵余言以爲公壽季子

副墨

卷二

十一

於余爲婚媾於公甥也余則何敢無言余惟三代有道之長非獨其主德茂也猶必有臣隣之助三代之英非獨以其君顯也猶必自附以不朽之名蓋得其時則然耳夫久安長治宜莫如周當世所謂老成人宜莫如太公望享年百有餘歲著名實於無窮至盛矣使非遇合殆將以啓釣老焉故不過則白苒棘津不以爲終窮遇則一旦而載後車不以爲驟合時也然則東海待清固太公之善息卒以鷹揚而興周室非有中不能乎當公謝司馬時東南騷動朝議謂非公材不可數推轂之公雅不喜干時其議遂格後之

在事者踊不測以趨時何及也及功見事定猶然不免於瑕疵公獨巖樓川游待時而動謂之善息誰曰不然乃今初命則太僕申命則少司徒此遇合之時也公由此起其於百中何難前言有徵矣公之東人也人謂公社稷臣宜居中持議何必東昔周召分陝而左右之獨太公賜履以表東海地重故耳我國家兩都並建山東為之懸衡上方與三事大夫脩內外之治潤色太平之策輦轂之下罔不精白承休內治章上明甚由內及外則必倚辦於填撫之臣以山東而視四方猶之以海岱而視群望也公以十年息矣起而就列為之布侯於營丘

二卷

十三

上意蒸上厚也頃山東不雨其民嗷上自公下車雨與行會民乃帖席此唯天授抑亦百中之效與往余始受節鉞公幸而教之曰伯子在事人人為百子危夫擇地而行曾不能咫尺而心與目俱病矣庸記知心目之所不及無失足乎哉素履而往受命於天願以此為伯子決笑昔人從伯昏無人受射其持論與人殊登高山履危石臨百仞之淵而足外垂於此而不胸於目不怵於心然後其中也不殆所謂不射之射也公將以伯昏無人而脩我則安能公既喜

以養其餘力而又不殆以收其全功由此而求正鵠庶幾乎得一當古人此特其始發者耳屬公懸弧之旦紹介季子以前言申之

封刑部郎中何公暨章宜人七十壽序

往何大夫補尚書郎奉其父刑部公毋章宜人就養即署刑部公負高節雅從諸父老為會一時名動京師比公還括蒼余小子嘗載其事而修言之矣其後五年大夫督學江西公與宜人在越乃使人待命且虛上舍將以承父母驩公謂使人

上方潤色帝輦咸與維新三事大夫莫不精白一心副墨

二卷

十四

脩揖讓之治孺子幸而在事務周行郡邑廣厲學官毋繁吾兩人者為也大夫唯歲甲子有司當論士江西此稱得人越明年公及宜人並以春秋稱老大夫方在行部不得鞠臆未觴乃遣客入閭徵不佞之辭為壽尚章之歲吾父母始杖於鄉余小子待罪行間無能為父母壽即儼然拜客之辱其何辭於大夫由今以談大夫之所為壽者衆矣昔舜奉十六相禹宅百揆知人安民皆由此出而敬敷五教厥有司從夫然後比屋可封賢才不可勝舉乃今大宗伯論士冢宰論官俊乂登庸吏治烝上盛矣要以綱紀三物

豫養而誘進之則督學事也譬之納婦大者奉宗廟
事舅姑小者治酒漿執灑掃婦而任此可謂曰能
則教者稱善媒者稱良不能則否何者婦之能不能
繫之也江西蓋姬姜之族往以異能著聞大夫為
之姆傳為之行媒固宜能者異登不能者胥化人臣
以人事君之義其在斯乎且也父母之命子也始在
外傳即能屈首受掌帽帖上有喜心及止籍名博士
奮然以經術鳴喜滋其父及其召對公車策名就列
喜又甚矣出而從政第令效刀錐之用暴咫尺之奇
為之父母者誠不自知喜之無從也况夫以人事君

副墨

二卷

十五

上臣之所為務幸哉有子如此其喜可知使徒掠取
顯榮一切無所用職神雖王弗喜也嗟乎舉世方以
羶薌謂孝甘旨謂慈何論養志如使大夫酌彭蠡為
上尊殖匡廬為加豆果能望父母之腹乎哉昔人有
言大孝不匱博施四海歸父母令名則不匱之云也
仲尼評騰齊國之士登鮑叔而下夷吾夷吾治於高
後民到于今受其賜本之於其所推轂則進賢為賢
鮑叔得一夷吾為齊巨擘大夫之所造士羞稱伯者
而誦法先王異日推轂而升諸公殆必有異能之士
光輔帝德在宥而理萬方此之為功夷吾無能為後

以大夫而加諸鮑叔何嘗倍從本大夫之所自出享
有令名此不匱之能事也吾故曰大夫之所為壽者
衆矣惡用不佞之辭客曰固也夫子以不得鞠脰奉
觴悚然意下今茲使人嚴君所何敢無辭嗟乎此余
小子疇昔之心也余小子越在疆場父母蓋念之深
則以余小子無良慙然恐得罪顧誠得一言之養
安父母之心不難以三公易之矣大夫之所事豈
余小子然哉

聖天子壽考作人左右於襄旅力未艾冢宰大宗伯
皆具父母又皆就養於朝入侍承明出就子舍雖甚

副墨

二卷

十六

此皆臣子所希有乃於當世並見之然則大夫將復
奉父母驪且有日矣即一日之養大夫何汲焉客
述前言以復大夫遂以為大夫父母壽考為大夫部
中文蓋閩人云

台州平夷傳

比年島夷犯東南自台州始

上用督府議特命戚參將繼光分部台州而以唐禽
事先臣魚兵巡事兩人雅以才相重蓋平生驩戚將
軍嘗傳胡習西北兵事則以江南多沮澤行者不得
比肩而行陳與西北同何以戰乃為駕鸞陣陣十有

二人隊長前次夾有次夾枝兵火四人火矛次夾短
兵樵蘇居後其節短其分數明其夾伐合地宜其器
互相爲用乃以義烏令趙大河所募縣良家子三千
人服習之唐公爲監務布恩信作士氣公與將軍畫
便宜事繕亭鄣謹烽火稽又籍毋失伍除戎器具舟
師居在何水陸皆有備辛酉夷夷大至至則南下亡
敢近台州乃爲三軍軍松門以待夏四月辛亥寧海
告急將軍且行公曰虜牌脫台州先發寧海直以走
我兵耳兵出虜乘虛而入將奈何將軍業已留一軍
海門居中爲應兵既出賊果大來壬子登桃渚癸丑

副墨

二卷

十七

登新河甲寅登岸頭境內騷動公自將留海門者宣
言曰賊薄新河標甚不亟擊將爲賊將軍妻子憂乙
卯趙新河大破賊城下餘黨夜遁明日及之溫嶺又
破之而寧海賊以賊將軍且來悉遁去將軍聞警引
兵還公使人告將軍僕幸而破賊保新河完獨他部
登桃渚逼台州去我兵遠難與爭利此將軍之資也
丙辰昧旦將軍自桐嶺趙台州會日中兵行七十里
不得食守吏方戒城守毋內諸將兵兵爭門而譟賊
且近將軍後至佯怒曰若等反邪賊薄城下若等呵
守者爭入城卽守者以狀聞無死所矣軍中謠曰守

者謂乃公怯邪亟須滅賊而後會食鼓行而進遇賊
花街一賊左挾矛右挾刃常戢軍壯士朱珏短兵擊
之折其矛再擊折刃斬其首賊大潰張翼而逐之北
殺數十百人又逐之瓜陵江皆自沉死諸亡命入海
則舟師邀擊之丁巳戊午比日俘敵以聞亡得脫已
未圻頭賊焚舟起擁衆趨台州將軍乃簡銳師以千
五百人往公誓師曰若等往往用衆勝乃今用寡顧
與若等約者三毋掠輜重毋尚有功毋輕殺脅從其
以前驅者連擊賊無留行後伍乃割賊頭畢而獻狀
凡五百予前驅者千金七十倍之千又倍之餘無所
副墨

二卷

十八

與既破賊所獲輜重徧賜軍中賊未破爭取財者罪
死軍中立一白幟凡脅從者空手伏幟下悉放還毋
爲賊樹黨也五月庚申朔及大田賊退次大田東堅
壁不出會兩甚賊由間道遁仙居將軍度賊出白水
洋且七十里我兵出大道五十里而近乃引兵伏上
峯山待賊過半起而覆諸山下立白幟散脅從數百
人賊匍匐登重山據險距我妻子和帥諸壯士斬關
上賊殊死走白水洋兵圍之數重四面舉火賊爭自
贖提金索嚮我兵我兵環而守之攻益急遂盡焚死
辛亥楚門寇至遣一部將破之洋坑餘寇寇之長保

海濱皆不免癸丑舟師敗賊仰月沙賊匿懸山既天
走大藤嶺會通判具成器却兵至頃得一當賊鋒
軍分遣部將先後之吳躍馬馳賊賊輕吳軍一持矛
者從吳矛及馬腹吳引弓射殺賊兵合乃悉斬之丙
子賊自寧海道者登長沙連二千衆隘頑孤懸長沙
外斷援兵將軍陰戒騎士李成立發松門兵守隘頑
浮海以往至則登山舉火吾可無憂公入軍中召諸
部將授以禦大敵方畧且令諸部將納書軍正毋二
心丁丑次鉄場雨甚兵不得募將軍自撤其蓋巡行
勞之戊寅鷄三號引兵薄賊所將軍以正兵鼓噪進
副墨 二卷 十九
先遣奇兵出賊後焚其舟賊敗走舟舟盡焚其半
伏誅其半蹈海死將軍戒毋妄殺釋係累者千人公
初聞將軍舍鉄場中夜雨益甚公不寐露禱曰夫人
勞苦而功高卽有不求賴以未盡之年益之母降之
罰及將軍告捷公仰天咲曰賊將軍活人多永矣無
用予年爲也請歸予年是日賊出掠者三百人聞其
黨已盡潛入海舟師敗之洋岐壬午又敗之鹿垵海
癸未敗之蒲山賊遂絕自乙卯迄于癸未挾日有三
捷者九計斬首七百鹵獲器仗三千二百四十有三
部中悉定汪道昆曰將在軍君命有所不受

高皇帝法則必以監司監之此所謂文武並用長久
之道也彼以詩禮發家徒待文墨議論藉令尸祝治
庖章甫適越如將何唐公具文武才擅當世之譽顧
與戚將軍莫逆推轂之將軍之功於是乎蒸蒸起矣
卒使威加海外吳越始得息肩唐公力也明年壬戌
唐公遂有人言嗟乎功高不賞則人言從之今之待
有功者固如此

陳宜人傳

陳宜人者陳瑞州有容宜人也宜人爲南城博士金
寵女以瑞州貴故得稱宜人

副墨

二卷

十

今上元年瑞州舉鄉試其後拜歸德州太守量移巴
州已而復補歸州終同知瑞州府事所至州郡皆稱
廉吏語在縣志及江司空曉蔡司馬汝楠志載中初
瑞州從縣博士受春秋瑞州父釐守遂昌博士宜人
歸陳爲長婦事瑞州母及王母盡其驩居數年瑞州
諸弟諸女弟以次婚嫁宜人贊瑞州經費無不當母
心海陽故無和會有警縣博士囊公帑三百寄瑞州
所舍中火瑞州踰險奉母出走宜人無間私蓄獨完
公帑內井中瑞州省舅南城歸而回母母方坐跽之
輒目宜人舉而翁遺金進之及瑞州與借父

昌遷沁水且久瑞州將奉父歸與母偕老奈何以升
斗故老吾翁數千里外哉宜人敬諾於是養生送死
無預諸子舍一切倚辦宜人鄉人率以孝友多瑞州
則宜人力也及瑞州領歸德宜人從日捷門守舍中
內外言不踰閫州豪當坐法輦千金伺舍旁久之守
愈益嚴卒不得入及瑞州當徙蜀無以爲資宜人脫
簪珥僦舟車無所悵保母諷曰宜人助君侯廉甚善
乃今竟移官去庶何效哉蜀饒顧宜人爲行資計耳
不聽其後歷二州一郡一如從歸德時及瑞州病免
歸家徒四壁廬有地方丈近市人瑞州遂鬻地市人
將以僦喪具病甚不能操刀筆宜人執瑞州手券乃
成保母泣曰傷哉貧也宜人獨不憶疇昔之言乎奈
何至此極也瑞州命弟叔子子榮爲後禮成而終宜
人爲瑞州上元風林兆吉市僧背側口有違言宜人
命筌訟有司乃始得美既葬則揮掩篋篋空矣獨瑞
州朝衣朝冠在歲時設正寢從嗣子哭之保母頌足
曰嗟乎君侯無尺寸之遺徒以空名子嗣于幸哉嗣
子能于無二心卽宜人納疇昔之言惡在其不能爲
嗣子地也無何筌逆婦舉子男二人宜人相婦及孫
不啻己之有出及筌受傅士易家愈貧卽饋將不

瑞州

卷一

廿一

瑞州

卷一

廿二

宜人由由意得保母問之故宜人仰天嘆曰吾夫子
無子而有子未亡人無婦而有婦無孫而有孫天未
嘗絕廉者後於吾夫子足矣壬戌宜人以天年終蓋
後瑞州者十六年年八十二汪伯子曰聖人有言水
流濕火就燥故皎皎者黜納汙者廢物理然也吾鄉
多素封卽儼儼丈夫猶然以此相侘何論女德乃若
瑞州以獨行顯宜人蓋與之齊彼其笑宜人所爲虛
名何益何自苦若此要以奕鳩氏之樂齊君不能以
千駟保之而肯陽餓人其骨至于今不朽也宜人從
瑞州地下蓋辨此哉余未習瑞州瑞州弟叔子習余
而嗣子筌與余弟仲子習

明贈文林郎小壺先生陳公墓誌銘

余雅聞南海奇節之士則小壺先生陳公爲尤著云
公名用彛字存性御史君父也世家南雄宋末徙居
南海九江里始遷祖十世茲大大其門以居由是里
中間右家稱大門陳氏公父琪早世而母黃氏絕賢
母有子五人女二人公中男也疏屬諸姒遺子女孤
無依母一切子之是爲六子五女公以才獨當戶無
外內少長皆倚辦公公華華務當母心無所失少負
意氣不受睚眦於人顧無他腸壺歸於長厚里中諸

少年夜緣林木覆巢取鳥烹食之公數諸少年奈何
以口腹累天物諸少年志甚大詎曰乃公出入鄉黨
問莫不辟易何物豪舉必批其頰而甘心焉公挺矛
出厲聲曰公等怙衆我矛不能避公遂以矛前諸少
年皆走匿他日少年有私闖公亟赴解之里人聞之
益多公長者於是鄉里有構不煩有司幸公居其間
適言遂解新會儒生雷仁卿大爲里中惡少所困公
謝罷惡少直仁卿仁卿德公請納息女爲公子箕帚
婦北還新會群盜劫仁卿去繫山中公赴仁卿家爲
之行金謀者賴得脫仁卿復申前約公辟席曰振人

劇墨

卷一

廿三

之急而爲其子納婦謂節俠何於是仁卿不忍復言
乃束家藏草書三章以爲公壽蓋陳太史獻章作也
仁卿善方士余萬方能辟穀與俱謁公萬方善相人
大奇御史君相則置之邾摩其頂告公曰公富陰德
上帝資卽君大公之門公亦以御史君多貴徵稍長
業已程督之矣里中博士弟子客公所公攝容衣冠
語御史君曰

高皇帝製博士弟子衣冠示與齊民異等若他日當
著此無寧齷齪爲田舍翁御史君唯唯比御史君年
十一補縣博士弟子員顧數奇試有司不利卽公程

督御史君愈益力未嘗以爲憂公生四十六年爲歲
辛丑公病不寐且兩月一夕執御史君手訣曰吾先
世誦義不衰吾母有大造於宗族吾子孫必昌阜其
殆孺子當之異日者幸成名務自砥礪得爲陳太史
公後進吾地下無辱矣御史君泣曰敢不奉教公少
挾長技卽吹簫鼓琴聲歌博奕皆絕精旣從諸儒梁
文元陳希堯朱廷重岑準游始折節爲學居常讀周
易誦杜工部詩旁綜外氏百家亡不畢力里中度支
卽黃公著著子啓雍曾太守儲與其兄令尹俊爭願
與公相結世爲通家客下車入門公輒呼酒命供具

劇墨

卷一

廿四

卽不給家人謀諸鄰出之公勿問也公受余萬方卜
相術將託羅浮終焉一有不當於心輒呼羅浮不絕
口嘗從客泛舟羚羊峽登三洲巖高視山水間僊僊乎
方外遊也曾太守有別業當海隅山山列三台峙海
中距柯牂江下公大以爲奇絕願僦隙地爲亭太守
戲語公公故貧何以佐公費公曰吾待吾子太守曰
公亭矣得無有吾山乎公曰直以假亭名之無傷也
及御史君旣終喪未舉大事太孺人夢公長太息坐
庭中前請曰何歎豈公未歸土邪公曰固也曰兒貧
安得吉土公曰第求之今得矣頃之果得兆大鴈山

之麓而海隅山未踰月而畢工蓋與曾太守塚相望
前言則右券也御史君又曰先大父授先考室即始
遷祖故居會仲叔用常當婚無居室考虛故室內仲
舍旁治一室自徙居之當徙時孤萬言纔五歲考鵲
鳴起命孤執炬前導母執金匱從既闢寢門孤躍然
往也考大喜曰孺子可與爲善庶幾無傷我心及季
叔用齊婚無居室考又避新室內季轉徙如初比三
遷屋材皆不中度人以愈遷愈下姍笑之考歎曰卽
孺子賢他日不下藉第令不肖下不亦宜乎考既倍
孤孤四十未有子仲叔謂而翁出善室居戒幸有息
副畢 卷一 五
子六人吾至今不能忘願更歸兄子孤謝不可終不
以生子故而死吾親無何舉三男子竟不更室初大
母在考常誦陳太史聖恩憐老母之詩孤始孩一耳
聞輒成誦孤從度支黃公諸孫同學黃公善推測家
言私語考曰卽君當晚成直須待其疆仕耳考曰諾
吾春和僅僅焉能待之往孺子能誦太史公詩他日
卽被國恩必母在也及孤以壬子與計偕丙辰舉進
士考捐館舍十六年矣其後以池州府推官晁課贈
父如子官孤母余封太孺人幸無恙乃今待罪御史
將毋不遑明月之謂何顧某得歸所也始道昆受閩

事則御史君來按閩御史君言必稱其先人故得聞
公質行甚具卽道昆不獲拜公之墓誠願爲公志而
銘之銘曰翩翩者俠遵仁蹈義視履無缺恂恂者儒
脫人於阨然諾不渝洵美者子移孝作忠願揚伊始
若堂者墳表茲南海澤潤后昆

壽吳氏叔五十序

先大母有季弟子曰潛字時起是爲家大夫內弟余
小子彌吳氏叔云大母季年數病肺家大夫侍湯藥
日久喜方書會吳長公洋以醫名一時諸名家盡出
其下長公雅游家大夫所卽方術有驗者家大夫輒

副畢

卷二

廿六

籍記之家大夫諷吳氏叔學長公醫叔有難色家大
夫謂叔而薄醫邪古稱良相良醫其功澤等耳余觀
吳長公治疾譬則晏嬰相齊子產相鄭閭可使顯弱
可使疆一何偉也叔曰不然醫不三世不效潛三十
始事事又安敢望吳長公於是家大夫悉出故所籍
長公方術及受諸方士禁方以授叔乃閉戶謝客偏
讀皇帝以下諸書業旣成人未之奇也江山人民望
託於醫以隱義甚高聞叔抵掌論醫乃大奇叔於片
郡邑諸豪傑父老爭致叔安車結轍於門當是時吳
長公有子伯高世其業叔以奇勝而伯高本乎中

兩人相與齊名所全活者中分郡縣收少年任放比
中歲則恂恂若宿儒鄉人私相語曰時起儒者邪何
恂恂也叔聞之曰儒賢豈不相謀者哉吾儕誦法黃
帝猶之六經漢張仲景立一家之言則醫門之孟子
也其後發人朱彥脩有所論著舉世翕然習之亦猶
學士大夫非朱熹氏不稱載顧其言一出使人釋古
昔而倍先王晉祠惡池而廢河齊祠配林而廢岱失
其本矣宋元之際其斯爲季世矣乎明興萬物更始
人儒崛起禮祀孔孟芻狗宋儒卽今誦說不衰直爲
取世資耳醫則吾鄉先正操獨見而明成法朱彥脩
副墨 卷 廿七
之論稍格不行由茲以談其廢興率同一軌僑非吾
紫而吾紫近之奈何以此相病也余小子嚶嚶好古
率有味乎叔之言今年叔春秋五十矣家大夫造叔
爲壽命酌者致詞曰醫家累千萬言大較爲養生設
也解牛薄技聞者乃喻養生一技之精進於道矣吾
弟通於儒而見道不謂不精實其言庶幾可以長生
請爲吾弟壽叔恂恂起曰潛幼失怙恃奈何微一勾
之惠而忘先人敢辭家大夫更酌曰吾始推轂吾弟
未敢必有功吾弟三十事事四十而名五十而名大
著則專壹之效也吾所推轂者不虛矣請爲吾弟壽

叔恂恂起曰潛幼失怙恃奈何微一勾之惠而忘先
人敢固辭家大夫又酌曰吾弟棄橋樑久矣乃今母
黨唯弟而母之遺體唯吾籍令吾母猶然在堂則百
歲人也及今親見弟之得意不亦愉快乎哉叔起再
拜而受爵曰潛幼失怙恃姑實子之大夫兄以姑之
遺愛命潛敢不拜賜余小子善其言之中於禮也遂
書諸策紀二姓之好焉
送部使者陳公還朝序
巡狩天子事也其制具在虞書戴記中後世務廣土
而事煩興於是乎天子不省方而部使者出矣部使
者入侍天子得以獻替國是臧否百官出而監於方
伯部中奉三尺法以代天子將事大者上書入告次
者下有司治之至尊重矣藩臬統郡縣領部民連帥
統材官領部士壹稟於部使者然後受成兢兢然若
奉天子寵靈罔敢不肅至謹嚴矣居之以尊重蒞之
以謹嚴故用猛則殘用寬則慢慢則無法殘則無民
其何以布上威德善乎南海陳公語曰古人爲法家
言必以正直忠厚爲務有味哉余與陳公同事者二
年蓋知其非虛語也丙寅六月公得代且行於是藩
臬諸大夫若長吏相語曰陳使君持大體不求多於

人卽人有不當於心正色面語之故業已謝嚴則相遇如初諸小吏不馴與之更始必其自棄然後與衆棄之頃奉璽書覈軍實自已至癸丑五年使君明察秋毫不遺餘力誠知其非罪未嘗毛舉以病人蓋德禮長者也使君行矣諸父老皆曰比年境內多厲則亂民爲之階使君法其甚者數十百人以令境內居常循理無害囹圄稱平乃若省役寬租與民休息諸所損減歲計不啻二十萬金古稱德威德明使君庶幾矣諸將士又曰將在外必以部使者爲監制也藉令典臺視諸將大豕視三軍甚者離心不者喪氣何

副墨

卷二

廿九

以議戰使君申明軍法若揭日月而行其於諸將瑕疵雖數有功必察卽有足術終不以一青掩焉至其問煥寒察飢飽詢疾苦拊瘡痍卽古之宿將不能及也將其將使君無之今行矣公戒車徒余屬子墨客卿爲御客卿請曰

高皇帝法部使者率歲一更頃者東吳西秦請留使者又更一歲

上從吏民便許之自陳公入境甫及二年功用章章顯矣誠使閩人以爲請

上獨不爲閩人地邪余曰固也古者天子巡狩循四

時歷四岳亦猶天道循環然凡其所以觀風設教慶讎侯莫非天也夫天職生物著不息以爲功日烜之風動之雷霆鼓之雨露潤之隕霜殺之大較爲生物設耳然陽亢則害雨淫則害飄風終朝則害十月而雷六月而霜則害何可久也部使者受命於天子取法於天布令如風明法勅罰如日澤如雨威如雷霆肅如霜露一有不節其不爲害者幾希又惡用久且也斗杓運而四時行內治脩而萬國理部使者之行部則其烜者動者鼓者潤者殺者直以其身親之功用章章顯矣乃今還報

副墨

卷二

卅

天子自中決策而行若在斗杓斟酌元氣此之爲烈非直一手一足之多也公行乎哉客卿更端問曰中丞與部使者同事而淹速不同何說也在令甲諸方國有大故則列卿二人莅視之事畢乃罷乃今疆事未畢故竝建焉中丞曰天子守土之臣部使者曰天子命吏夫命吏則承天之命而致之民天道也守土則畫地而守地道也天行健而地有常此淹速之度耳始余待罪守土蓋與陳公同時閱歲二更無一善狀卽淹境內無爲也陳公旣去余甚慙於陳公

孝廉將軍傳

故戚將軍景通字世顯以孝廉著其先定遠人高皇帝初百戶詳從西畧地以戰死子斌受職有開國功斌生珪珪生諫諫生宣世襲登州衛指揮僉事宣無嗣有弟曰寧則將軍父也將軍生六年貌為獐矣母闔年二十四稱未亡人將軍頗美類梓潼既壯長幹備髯類關壯繆宣卒將軍當世其官始素檄歸拜母室下母泣曰未亡人必須更母虎母幾爾父烝嘗不自意席故資爾有今日爾惟夙夜無忝勉之將軍唯

武宗即位將軍部戌卒踐更京師居常席地讀書當

幽

二卷

卅一

暑不輟時同官王梁為部長數移訟謀將以佐客資將軍卻之卒不受陳諫議為將軍為婚姻通梁意將軍謝曰士方暴足出門志在千里不珪步而失足即及尺能乎中貴人劉瑾有逆謀結納豪傑陰遣人遺將軍席帽約曰某日難作著此者為劉將軍伴應之曰日為黃冠遁去將軍六郡良家子以赴不測瑾敗乃還

武宗召見方士鍾生有歲人也善將軍授六壬遊都之術會青州賊李琪反據蒙陰山王副使良臣分部擊之弗克將軍將數十騎微得琪與姦民出入狀跡

幽

二卷

卅二

琪夜至伏起姦民舍旁遂禽琪其黨悉下頃之劉賊起河北橫行山東將軍受檄守鄒以七百人往入門告毋元日逃行師出平度道中忽遇賊人以賊衆我寡奈何當賊鋒將軍笑曰彼卒遇我師安知衆寡且成師以出義不避難陳以待賊前驅卻遂奔比入鄒登陴善衆嚴守備城門務閉如常一日帥輕騎過孟子庄賊大至將軍以遊都占之吉列陳如前邀賊遊騎擊殺之賊復遁先後累數十捷卒保境內完嘗六月過戰場僵屍枕藉衆皆掩鼻不欲近將軍譙責曰備哉國士其名與骨俱香吾誠得與之同遊九原無憾矣爾曹顧病之和數從騎士過沮澤中率將軍先下於是騎得休其餘力遇賊輒有功既釋兵則以軍政掌印名實日起行部者舉孝廉以聞無何陞江南運糧把總至則祛積弊卻羨餘比輸太倉不中計太倉故有鵠鵠之獎客以告將軍將軍作色曰景通自結髮事君宜以勿欺為務吾寧受笞責毋寧自欺尋對簿度支罪當降級所部張千戶者閔將軍以廉抵罪懷贏金三百將愧之憚將軍嚴厲王從事春為介紹春曰極知不欲彼贏金耳公何辭將軍笑曰吾以勿欺受罪顧納贏金欺甚矣其後當事者白將軍無

罪復其官京師人感勲以總督備倭至嘗欲引將軍為同姓倚重之將軍謝曰先世故姓倪載在勲府即欲自附聖書之謂何勲嘆之然卒未有以中也

今上八年將軍拜總督備倭之命會有司上母蒲氏貞節狀詔表其閭九年陞山東都司僉書十二年陞大寧都司掌印河間治河久未底績屬將軍為植不踰月而告成大寧故設僉書一人部署匈奴內附者蔡指揮以賄干進將軍乃言安榮後竟補榮榮奉石金為壽將軍目攝榮曰吾薦賢故薦君君以此相加則吾薦者非也榮慙而退蒼頭戚漢以警敏幸使之

副墨

二卷

廿三

應門罪史囊三百金抵漢漢言之將軍將軍怒曰孤裘羔袖人其謂何輒持杖追擊漢將及之庭吏伏庭下謁曰庭也乃還十四年奉詔坐神機營則母先自大寧歸矣君有頃上書請歸養終母餘年詔從之仍支俸山東以便奉給將軍曰有子舍事母愈嚴每上食率諸子女弄雛母前即不當母心蒲伏受罪母有疾夜叩牀請以身當之比居喪即火連不膏也班白始有子操之嚴初長君綦綬過庭將軍大誥曰童子何知何為綦綬綦綬必錦衣錦衣必肉食爾父清白必不爾饜爾他日將養卒伍以自封難為後矣旣

副墨

二卷

廿四

而知其外氏所遺母所命也卒裂其綦綬勿著乃罷之君第垂二百年始改作命工為綺疏四戶列兩楹間公語長君公子將門請益綺疏十二戶長君以為請將軍叱曰吾幸有先世之敝廬足以奉宗祏使吾無得罪於先世爾其獨聚族於斯不然此且不保四戶足矣君常齟齬取予不問家鄉人私語曰孝廉孝廉何以遺後世將軍聞此語也呼長君問曰繼光爾以吾果無所遺者乎則憾者乎顧吾遺爾不貲貲之帝所富盛矣長君頓首曰大人所遺高高在上吾何患盜焉季年畫策備胡累數百牘書未奏且有所待之其後趣長君受職京師設祖郊外執長君手申命之曰吾遺若者母輕用之長君雖然起曰兒當求增何敢輕用諸賓客皆謬謬不知所云及長君留滯司馬門念之甚無何病作呼長君不絕口如有所欲言病既革猶問吾所上備胡封事上納之乎其未和旣經舍人蕭昂納稍幣褰中將軍瞪目曰我平生不索人錢真司必不索我錢悉出之乃瞑家徒四壁卧內僅一木榻猶不能存傷哉廉也將君聰明正直往往通於神明少乘舟涉楊子江昏夜風大作將軍聞呼趣起起視檣端隱隱有光乃大呼同舟亟走登岸不

旋遠而舟沉矣旦日同舟皆叩巫者巫者告曰公等
二十餘曹參乘魚腹賴孝廉將軍在乃得全將軍雅
不喜言鬼神辯之力巫宣言曰毋多言吾爾曾大父
珪也於是歷語曾大父軼事巫言之詳且曰後二十
年公等復會曾孫於此及任江南把總卒如其言掌
提兵過萊山其上祠秦始所封日主未及一舍聞異
香故鄉姬周氏伏謁馬前請犒從事自言姬子病禱
于祠病已陳牲二筵將以爲報夜夢神謂姬詰朝有
孝廉將軍至願持此以餉馮行故敢逆軍吏耳師事
畢將軍勒石紀之魯橋故有異人言禍福皆驗下帷

副墨

卷一

廿五

而通賓客毋收類其中將軍自通姓名褰帷而入異
人據槁木衣褐衣起相勞曰將軍端人老夫無所隱
耳嘗省將軍都市將軍方以母病爲憂異人請往覘
之還報無恙問息子則曰此非吾所敢知明年朝會
茅山當爲公察早晚矣如期復至賀將軍公有丈夫
子二人第遲遲耳後此十三年戊子閏十月朔冢子
始生老夫姓鍾年八百歲矣願乞冢子爲第子名曰
長壽公毋相忘及舉長君悉如期日再舉次君繼美
後長君者五年長君歷著戰功爲東南名將第一今
任中軍都督坐鎮浙福江廣諸軍諸贈父驃騎將軍

都指揮使如今甲汪道昆曰語怪語神聖人懼以此
疑後世故不道余觀戚驃騎之奇迹質之黃石赤松
之說何疑耶留侯五世相韓以其身事高祖及不疑
傳國僅僅無聞驃騎憑五世之崇藏其用以啟後人
煌煌乎烈矣語曰不于其身于其子孫其驃騎謂乎

贈陳達甫序

吾家二仲以好奇聞郡中雅從海陽處士陳達甫游
奇之甚則謂不佞處士何如人哉其視盱眙其言訥
訥其能不計資斧不辨錙銖卒然遇之木疆人也其
少進也渾乎若璞冲乎若太羹與之俱僊僊乎若乘

副墨

卷一

廿六

白雲而遊帝卿森森乎若發武庫具六師而張九伐
也酒酣耳熱仰而呼曰天乎天乎斗牛之墟彈丸地
耳旣生伯玉何復生余人或以爲放言彼自以爲不
易處士何如人也達甫故以講業顯則不佞業已著
論稱之當是時達甫行年六十會不佞由請告起達
甫帥三老豪傑祖之東門贈言旣終執臂而盟不佞
社稷之事子爲政山林之事我爲政其毋相忘迄今
十年山林方以達甫重顧不佞日從四方之事未
嘗著尺寸功社稷之謂何其何以報達甫二仲幸而
得待夫非山林之伯者與二仲又言伯兄何負

處士之爲政也猶之釣者之在魚也弋者之在鳥也四時不易其業風雨不愆其期其用力也專故其收效也衆由已故也伯兄不然魚鳥在前禁格在後前不得進後不得卻卽由已能乎居頃之不佞得謝歸田里二仲喜相告也則曰伯兄徃徃以山林負處士今且中分之其適爲桓文乎抑亦仲尼之徒無論此也嗟乎達甫春秋老矣顧其心思耳目不啻盛年有吐必奇有作必偉一何壯也不佞四十無聞筋力日弛挾策則惟恐卧曾不能盡其什二三乃今欲與達甫狎主山林之盟執耳於壇坫之上邈乎其不相及

副墨 卷二 廿七

矣夫不用則形全形全則神王亟用之則形役形役則神馳達甫故貧終不以布衣而易軒冕蓋早辨之也二仲則以伯兄善處士而吾兩人者善處士仲子筌幸及伯兄釋閨事歸與處士初度會閩人上於文繡海內繡奇頌乞一言傳之使吾兩人者得備將命執此爲處士壽不亦鉅麗乎哉嗟乎二仲猶有童心焉知達甫達甫雄視當世直將以騶衍爲役左史倚相爲徒其必天孫製錦雲漢爲章廢幾得當其一眎曾何有於不佞又何有於文繡之工不佞方紹介武夷君頌乞鈞天於帝所幸而得請擁列僊而西亦一

奇也武夷君謝曰浮丘翁聞公還肄咸池於天都之上待公久矣卽此可以成饗惡用他求不佞既不得請於武夷君且懼浮丘翁之涼我也復次吾言授閩人之爲文繡者將爲二仲口實云

明處士江民瑩墓志銘

當世以布衣稱作者無慮數十家乃若管行雅馴則余竊多江民瑩頃民瑩將拍館舍遺季公民璣書曰平生知我者唯季若汪中丞願季爲狀中丞爲銘幸須臾無死猶及見之宛且不朽徃余爲民瑩立傳曾未得其什二三乃今要我以平生之言奈何負民瑩

副墨

卷二

廿八

地下遂受季公狀據其軼事志之志曰江處士璣歟人世家篁南字民瑩贈尚書卽終墓公第三子也幼負奇氣顧猶跳梁年十四母鄭安人以暴疾終旣舍不瞑民瑩拊棺號哭曰母其以二三子未樹邪所不夙夜以求無忝者有如此木遂瞑自是折節爲學務以身先季公乃從故太守吳先生受詩吳先生間得李獻吉賦詩若干篇示民瑩民瑩心獨喜終日誦之嘗竊効爲詩有近似者初試縣官不利父命之商民璣輒商學務備業會督學使者蕭子雖行縣竝舉民瑩民璣補諸生又明年應鄉試復不利民瑩慙

自憤不務稼而罪歲凶何爲乎遂下帷讀書歷寒暑
窮日夜不遺餘力民環請少息母已太夢民瑩慨然
曰季子游因而歸由祭憤起縱自愛而忘而母不眠
邪頃之病作一夕嘔血數升延醫十餘曹不勿因涉
獵醫家指要自藥而廖比治本茶如初又復病釋業
復瘳逝病逝瘳蓋十年往矣乃嘆曰顧親揚名卽男
子所有事彼亦儻然而來者耳顧輕身以希必獲謂
父母遺體何遂謝學官罷舉子業日披關坐便坐几
上置離騷素問諸書卧起自如不問棚外事卽家務
左右禁起終不入於心由是就業益多神益王美甲

副墨

二卷

附九

辰季公舉進士民瑩沾沾喜曰幸哉有此無傷母氏
心瞑可也瞑可也民瑩屬詞爾雅藉藉稱名家當是
時邑人王仲房海陽人陳達甫亦皆負論著而博諸
生相繼引去鄉大夫游汝潛汪正叔方定之則尤推
轂民瑩郡中人士翕然附之旣而自託遠遊將傾四
海之士則之越之具之楚足跡徧于東南會民瑩從
官留都則之留都習朝市之隱及拜信州太守則道
信州出閩越謁武夷君其後兵備饒州則又道饒州
登匡廬汎彭蠡而下所至未嘗通謁而縉紳學士爭
願從游歸語人曰入其境其士可知也頃余入會稽

初禹穴其士多裔余歷具門汎五湖而東其士放達
楚有七澤泱泱乎大觀其士閑廊而多材秣陵爲
高皇帝故都衣冠文物盛矣四方豪傑分曹而仕伏
軾而游蓋士之淵藪也大江以西以匡廬勝其士好
脩閩越以武夷勝其士倬詭遊方之內此其大較也
吾將爲方外遊矣旣又赴會稽視仲子應宿病應宿
愈民瑩乃負病西歸中道應宿刈收進之幸少間亟
乘舟就舍病益深季子應乾季子婦程氏刈股近進
之卒不起蓋乙丑八月二十六日也距生弘治癸亥
享年六十三居常于子近人一切無所失及其操直

副墨

二卷

四十

言引當否不取苟容歲饑浙有司下過糴令輒引春
秋大義上書卽使者請罷之語在集中不具載某子
甲以貴爵萬戶會有疾侮諸醫民瑩過萬戶家譏萬
戶公能以富貴驕人矣亦能以生死下士乎公之疾
得士則生不得則死富貴無爲也季公旣貴始立祖
廟屬民瑩定約法脩祠事以爲常卽民瑩以處士之
義終功用未試其於國事則尤惓惓嘗論言儻句
奴輩然可采藉第令得志其畫策何可勝窮乃今食
不過上農年不逮中壽家人之產蓋厯有存惜也配
臨溪吳氏舉子三長曰應元仲季卽刈股者茲當大

事將卜所宜爲之銘以待銘曰相彼良王胡然而終
藏爾有文德惡用乎圭璋相彼梁木胡然而先撓爾
有令名惡用乎黃髮漸江東漸厥有新阡君子歸止
是曰九原

副墨三卷

歙縣重修紫陽書院記

郡中特建紫陽書院祠事徽國文公其地屢遷迺有
興廢其一在歙縣儒學之右文公裳衣在焉建自國
祐西向成化庚子郡丞張公改而南向而紫陽山正
德壬申郡守熊公遷廢寺以郡形勝增置堂廡齋舍
凡若干楹爲臺爲池莫不備具乃簡七校之士講業
其中一時人文愈益斌斌矣歲久一切就圯迄今垂
五十年嘉靖丙寅縣大夫林公由進士領縣事始謁
祠下周視而歎曰元立閩人也閩之祖豆文公者視
闕里有差至盛矣此中蓋文公父母之國而祠事不
治謂有司何乃鳩工程材葺其舊者咸若更始復度
臺前餘地增置講堂外爲垣樹桃李若竹箭垣之南
爲亭奉

世宗皇帝敬一歲堂之東爲門揭宋理宗皇帝賜額
其興事自十一月至于正月其財用出公帑若于緡
工不告勞民不知役和人士莫不欣欣然喜也縣文
學徐君來告成事屬道昆勒石紀之在令甲有司立
學率廟祀先師博士諸生咸在學舍法久寢廢學舍
曠而不居當事者則又崇事其鄉先生爲之下祝而

誘之進魯人之陟岱嶽必先東山吳人之涉滄溟必
先震澤其觀法也近則其用力也專是亦一道也且
也國之養賢猶農之樹稼一夫而受千畝歲入幾何
第令程力而相土之宜其穫過當乃今養士日廣視
疇昔且什倍之使必程督而后刑日不暇給及既釋
業而仕緩急將有賴焉卒然試之所養或非所用何
以故失養故也教之必因其材居之必擇其地善養
者慎諸此乃亦有秋是又一道也文公以經術明聖
人之道著揭日月而行世儒片斤猶或求多於訓詁
要以篤行君子較然與古為徒故其遺書至今誦之

副舉

三卷

二

勿絕當世以經術論士含文公奚適哉使徒挾經術
為取世之資直優孟之抵掌耳尚安事養必也躬行
為本出入不倍所聞是則文公之徒也由此嚮用則
其所養可知都人士後文公而興觀法不遠即有事
於海岱夫非山東震澤之類與

今天子改元士烝烝嚮用視文公阨于有宋何論經
庭都人士資適逢時顧自餐何如耳語曰良田無晚
歲膏澤多豐年此縣大夫意也道昆不佞敬為都人
士申之

太守陶公論最錄序

會稽陶公守新安以循良著公既遷去郡人相與祠
事之比年春秋卿大夫帥諸父老若子弟有事祠下
歲丁卯二月脩祀典如常會

天子改元明詔初下諸父老相語曰

聖主加惠元元與海內更始則以郡縣吏治責在行
部諸臣德意蒸蒸厚也自有郡縣以來可與佐百姓
者唯良二千石吾郡界在山谷行部者歲一至焉當
公居郡時徵發萬計公以一人在事境內人人繫公
以為安比既遷猶能為故郡畫便事罷千里之後省
不貲之需安得如公者若干人徧置列郡行部者可

副舉

三卷

三

無事事矣諸子弟則曰

高皇帝重三輔地建官為詳吾郡以南國隩區隸在
三輔所部則御史大夫一人部使者六人即署監司
或置或否群然立二千石上四面臨之稟命則從吏
專行則沮格難矣難矣頃者大墨用事往往于當路
權或務詭隨譴舉無當公獨以直道事上上之人率
以直道信公程功累事凡五年諸御史大夫部使者
即署監司交譽公於朝凡二十七牘即

先帝以良二千石賜吾郡吾郡饗二千石之賜居多
乃若公之志得行無從吏無沮格則又當路之賜也

諸父老曰唯唯公等不聞鶴鳴之詩乎處下而聲宏有本者如是耳夫不獲乎上難與治民藉令民治不脩其何能獲惟公華萼民治不以詭遇從禽居君者五年稱最者二十七牘鶴鳴子和誰曰不然下懷其仁上旌其伐固三代有道之遺也卿大夫曰辨哉諸父老之言信能睹公之大較矣卽其名實充溢公何心和舉世務以吏治立名乘人而騁其捷伺上若射隼罔下若掩群其始發也人不及知鮮有不中久則技單於此人其謂何乃公身不勝衣言不出口由由然事上必以道拊下必以情機辟不入於心其獲多

副墓

三卷

四

贈余德甫序

昔在

先帝諸尚書卽往往以稱詩鳴而濟南李于鱗具下王元美竝建旗鼓豫章余德甫後至則皆奇之相語曰德甫新羈而取直道夫非後發而先至者與余寡交將業已私識德甫比入閩受疆事乃得德甫同官

閩方苦兵未暇持文墨兩人心相許也不啻若平生雖旣而德甫有人言遂罷去人謂豫章方拱把然且鄉材乃今中道棄之德甫何罪嗟乎余竊嘗聞之德甫矣袁州胄子故受室南昌熊氏則德甫妻黨也大入熊文學入相卽一日過德甫舍中會德甫赴尚書期無應門者丈人入內呼曰余卽不謁當路子者何內應曰余卽起草茅何取輒附赫赫丈人勃然曰四海九州之人爭願自附而不可得余卽託在底葛何附和旦日召德甫過胄子門丈人讓胄子曰君家推較鄉人無問疏戚余卽託在底葛且賢奈何疏余卽甚也胄子謝曰非丈人余卽不至不肖未嘗疏余卽無何德甫以使事出金鼯計吏德甫補官入閩居三年無罪見放則胄子以也虞周之世不嗣不孥彼其罪浮於吞舟惡可漏網乃今淵魚必察而波及於所不知者何人則揣摩者甚之耳要以丈人爲德甫地豈不惓惓德甫爲卽七年乃得副使丈人何力之有及袁州罷相而德甫德之則丈人之爲也其間轉福爲禍豈非命與嗟乎漢文令主絳灌功臣洛陽少年卒于不振往當路求多於德甫余爭之疆顧揣摩者先入之竟不納當路雅知德甫且信余言卒之說者

副墓

三卷

五

得行正議溫格吾道將廢其謂公伯寮何藉令甯子
不爲卿人丈人不爲紹介德甫亦將不免故曰命也
嗟乎于鱗杜門元美蒙難乃今以名高用世者不亦
鮮乎彼直以詩書隱約樹不朽之聞於二三君子得
矣德甫家食且久其稱詩視疇昔愈工與其希尺寸
以博顯榮熟若託千秋以垂大業此失馬之喻也德
甫蓋辨此哉余旣釋閩事德甫幸而教之曰曰德放
棄明時誠不自知其罪公在行節獨爲曰德暴不平
願乞一言使有辭於後世嗟乎後世之信德甫者衆
矣安事余言

副墨

卷二

六

般若堂記

齊徵君明僧紹供法度禪師居攝山太始中徵君以
其舍爲棲霞寺由唐而下累朝通崇事之歛沙門慧
光旣而閤藏金陵築舍棲霞寺歛處士王寅博雅人
也善慧光處士嘗登錢塘浮屠見宋人手摹四十二
章經勒浮屠上則以有宋收世諸顯者不皆聞人猶
知從事遺經垂于不朽吾黨獨當明盛未遑之謂何
棲霞寺故有般若堂蓋智曠禪師所建廢久矣處士
爲慧光畫策復般若堂中築說經臺廣若干尋高
若干尺求遺經善本謁諸名士書各一章勒石四面

以封如宋人法堂左右分饗首事者明徵君法度禪
師在焉歲甲子慧光周游長者聞鳩工程材訊日興
事事旣集紹介處士謁道昆記之道昆以儒發家何
知內典彼言般若者何慧光進曰道一而已矣儒者
往往紕釋氏豈不相謀往慧光居歛時聞諸學士大
夫講東越之學率有味乎其言夫高下散殊莫良於
日感通天下莫良於知何以故以明故也天地向晦
一何冥冥出暘谷而升扶桑色斯辨矣及其中天也
明照四表察見九淵旣薄崦嵫而西冥冥如故耳云
芸萬物消息有常暘谷不生崦嵫不沒明暗通塞則
副墨 卷二 七
日之由夫人之知亦若此矣吾致吾知先登于岸則
般若之云也遺經四十二章爲西來第一義善言般若
若其在斯乎嗟乎東越以良知鳴則象山爲之嚆矢
象山持論得東越而始張皇要其初般若先得之矣
自釋氏入中國學道者率仇視之彼以董猶不同器
而藏亦其甚也王者宅中而居奄有四海必也外夷
賓荒服至而後中國始尊假令閉關絕之何示人以
不廣如此道昆始聞般若之義有慨於心遂次其言
將以解瑕疵者之口處上聞而笑曰夸父逐日日不
以其故而趣行魯陽揮戈日反三舍人力不可以常

勝紕釋氏者非也解釋氏者亦非也佛日固自若耳
道見謂善因竝載之乃若經費顛末及輸金者姓名
則有司存不具載

徐于室記

室高廣方丈深加半焉負牆設一木榻以居坐具卧
具咸在榻之左樹佩劍一蓋大將軍所鑄余爲之銘
又左一几縱置之北上石琴在北石磬在南端主人
不能琴特不去耳榻右設一几如左其北爲度者三
一貯佛子書一貯經史一貯詞賦其南當參之一置
博山爐合几而南不蓋一賦設小几二廣尺有咫高
副壘

卷二

視廣有加一置筆牀一置茶竈中布席衙一几戶牖
間去闊尺五几之右置一篋貯圖書其左設蒲團西
鄉燕居則當戶抱几日繙書或著一家言非有故不
輒業坐久則蒼頭供茶具薦沉水香息則擊磬什數
聲倚木箕踞澤劍首甚則齕齕睡矣意不自得則跌
坐蒲團學無生忍居數月率以爲常主人故慙將旣
歸而倦愈甚乃今珪步不出將以一室老焉其曰徐
于則有味乎莊生言之也

璫溪金氏族譜序

金自稅侯受姓遂以門戶甲長安其後避地吾郡中

五徙而得璫溪乃益昌阜元末治中父子以用武顯
多捍禦功我

成祖初御史操法廩廩幾乎骨鯁之臣則皆璫溪
產也無論世有顯者卽二三君子儼大節視昔珥
貂七葉又何讓焉參軍得謝東歸作璫溪譜其目凡
十其義則參軍所取材璫溪爲海陽隕區其川谷多
蘊藉自昔經始協于地宜作著居第一其先南徙由
篁墩而白茆由白茆而石田由石田而洲陽由洲陽
而璫溪皆間右也乃今璫溪最著望於諸宗考卜之
功於是爲烈作遷遷第二由漢迄今千有餘歲按籍

卷三

而爲之世系傳信之謂何故遷遷始於石田著代始
於遷祖蓋以遷祖爲別子自別子而下悉譜之他若
黜非族貶失節名教存焉作序族第三宗法不立天
下無家尊祖敬宗然後收族作明宗第四治中御史
邦家之休凡厥後人無念爾祖作徵賢第五士不家
食一命皆足以顯揚果能毋失官常亦賢者事作錄
仕第六閨帷之德梱外不聞厥有從一靡他煌煌乎
與國士爭烈作見節第七君子之言信而有徵若太
史所職郡邑所載方策所存是已作存述第八哀翰
第九文獻足矣其必循理守正無忝先人藉令俗不

雅馴惡用聚族爲也作陳俗第十其事核其律嚴其
言往往稱先王壹以反本備古爲務蓋譜之良也余
既卒業爲之長太息者三嗟乎俗之漸人也久矣蘭
芷漸於滿中君子不服其所漸然哉世之人或據高
位或擁素封則其家赫赫矣舉宗數十千指露積相
望冠蓋如雲則其宗赫赫矣若此者彼所謂克家亢
宗者也有則以有祔人無則祔人之有語之以隨夷
曾史彼焉用之鄙人有言何知仁義已饗其利者爲
有德此俗之大較也彼將以赫赫爲司命以仁義爲
寶沈甚則箕箒履鋤見於辭色何有於期功疆圻又

副墓

三卷

十

何有於塗之人假令沿俗不知其非則後之視譜者
亦猶越人之視章甫耳參軍故爲清白吏其躬行足
爲諸子弟先乃今陳俗善惡聚族而訓之使其悖質
行而薄紛華務孝弟而黜姦利士不必名世要之賢
良農不必千鍾要之力本商不必鉅萬要之庶賈及
其久也靡然顧化其爲克家亢宗也不亦赫赫乎哉
蓬生麻中不扶自直顧所樹何如耳參軍灑然曰語
有之一歲樹穀十歲樹木百歲樹德理幸得聞長公
之言百世之德也籍之

祭方烈女文

緊淑女之嬋媛兮佩慈纓之陸離定厥祚於景霄兮
閱公宮而待期指日月以矢心兮曰兩美其必齊夫
何湫然獨長往兮結言解而交携服兩驂以發軔兮
寧一蹶而顛迷近將携手同歸兮雖九死其猶不移
彼衆口之中申兮徒擿堙於多岐視禮義若弁髦兮
闕觀不越乎醯醢維信余心無二三兮甘荼毒其如飴
攬素車以臨墓兮垂涕泣而交頤及黃泉始相見兮
託終身乎同樓吁嗟嗟乎哀哉觀萬始兮紛無垠奄
同盡兮無逖巡殉矯節兮捐骨肉卽長夜兮辭陽春
願相從兮求爲好胡辜壤兮胡山林靈翩翩兮羽駕
副墓

三卷

十

鄉人

七列傳

汪伯子曰吾宗著郡中久矣無論夫夫能也卽女德
亦往往聞焉自余有知以來近屬以烈聞者七或自
吾宗以死或死吾宗大較相後不過三十年相去不
過三舍余所睹記豈不較然著哉乃今有聞有不聞
則所遭者異也余懼其終不聞也故爲之立傳竝稱
載之

嘉靖初汪求錫妻孫氏以烈死求錫松明山人家故
貧傭人賣餅為業娶市孫氏顧其莊居數年求錫
病瘵及病革求錫蒲伏牀語孫曰吾病久賴子以
迄于今顧天授嘉耦以答子勞吾不能報子矣孫痛
哭曰君卽不諱竊計必大事畢而後從君嗟乎君言
貳妾矣九原不察寧詎能明其不貳和妾寧蚤決以
信君心無問後事求錫執孫手曰子言及此我無他
腸子姑待我求錫兄求祥無賴人也宣言曰彼何能
死卽病者死必嫁之孫遂飲藥先求錫十日死蓋已
丑冬十月上旬云其後三十五年吾宗有死鄭獻者

副墓

卷三

十一

鄭獻長齡橋人汪自信行徙居長齡橋而汪天貴女
歸鄭獻居數月獻客死廬州女聞而慟絕者三誓必
死會姑病女飲泣事姑姑亡女求自盡家人日夕護
之不得聞癸丑正月六日家人悉出觀燈女風已紉
襖衣自經死年二十耳又二年有死謝湯者
謝湯病狂人也娶潘口汪柳浩女湯狂發囚首跣足
遇人輒哆口笑或捽而罵之女安湯舉一子矣其後
湯病狂愈甚湯父珩幽湯別室中女大以爲憂伺湯
衣食唯謹珩稍解乃寬湯會倭寇薄我郡中走寧國
鄉人爭入黃山避寇過湯門湯踉蹌從衆人行旋出

境迷失道候人捕湯詣太平縣以爲倭也掠殺之無
何子又死珩察婦必死則遣季女與之同卧起母令
自裁女伴以其私告季女曰夫死子死我奈何復以
死益之季女以爲然防稍懈會門外水大至幾及河
梁女鑰戶出門詣季女觀水出門則授季女鑰投水
中丙辰正月十七日也其後七年而有忠愍淑人死
淑人出芝黃程氏謚忠愍贈光祿卿汪一中妻也忠
愍任江西按察司副使淑人從會閩廣流賊入江西
吉安告急忠愍勒兵禦賊戰死之計聞淑人輒投井
求死保母從之井奉淑人出井中泣諫曰至不幸死

副墓

卷三

十二

長卽君遠在太學諸幼方襁褓其誰歸主喪母必欲
相從何及汲也淑人乃強起治喪事日進米不盡一
合匭匭奉忠愍喪歸至之日遂不食長子婦奉餽粥
長跪請曰祖母在春秋高何忍見倍母縱棄子若婦
謂諸孤何淑人徐徐曰孺子長矣且適也上事祖母
下拊庶孽孺子任之卽母不幸以疾病終孺子惡能
以此留母且而父死國而母死家臣道妻道等耳平
不食越五日死辛酉八月朔日也有司上其事
詔贈淑人立祠城東從忠愍以祀其後五年而鮑氏
鮑氏西泐溪汪應宿妻也應宿貧服下賈客苦不給

鮑事舅姑無所失即身凍餓鮑安之甲子應宿負疾
選鮑為之延醫不遺餘力應宿自度不起私告母曰
婦從兒十年勞苦極矣兒即死幸擇可者醮之鮑聞
之而深自傷乃徧謁宗人為應宿乞喪具有頃鮑語
應宿曰君嚮與君母言妾聞之矣妾知從君以死不
知其他君母嚴他日懼不得死所君之喪具既具妾
可無卻顧憂妾請先君其待君地下蓋先自飲藥死
坐正寢而終乙丑七月二日也越三日應宿死其後
二年為隆慶改元死者二

方氏北山方渭女也女生二歲滑從母黨許聘稠野
汪鳳時後十五年鳳時死女輒斷髮絕粒必從鳳時

父母諭女百端不聽鳳時母遣家媼勞女女語媼曰
母多言我生死則汪氏婦也若歸告我姑且日亟臨
視我我其猶可須臾無死從姑以歸不來吾不夕矣
旦日姑至諭女如父母言女拜且泣曰大義勝恩姑
母父母以也願姑逆婦使得臨夫墓執夫喪即奉姑
以終天年我死不後姑察其不可奪也遣車逆之比
至某姑寨帷視車中業已經死遂合葬

李氏生斗閣梁年十九歸潘口汪應玄為繼室應玄
病瘵三歲李奉湯藥謹事之病殆應玄謂李曰若年

必我死其柰若何李應曰君故有息子足以承宗
君在與在君亡與亡無二心也應玄伏枕頃首曰幸
甚李於是歸辭父母毋治具飲食之李特飯一盂終
不舉箸既而告母狀母爭之疆李拂衣就與不反顧
歸則脫簪珥授二子婦部署中外財產召二子悉分
之無何應玄死歛畢李哭之盡哀尋閉戶自經覺者
啟戶入賴不死父至泣曰汪郎家故饒若依子婦白
首終未亡人宜無不可何死為李伴應曰諾日暮遣
守衛人出就食戒女奴曰第鑰戶我因甚幸得以休
食頃縊卧內死年二十二

汪伯子曰吾觀七烈而知女德之足多也近所概見
若此遠者可知其亦風教誼俗使然抑天性也北山
尚矣賈大夫惡猶然不禮於其妻汪獨死湯何論宋
人之女長齡之死乃在笄年奇節也孫鮑以貧賤著
信程李以富貴隕身於乎烈矣

贊曰昔在嘉靖風教洋洋迄茲更始引而彌光皎皎
孫氏崛起窮鄉一言曰決先父子亡有美二妹嬪于
著姓生也不惜死必履信燕爾新昏奄忽同盡狂夫
真真自湛以殉淑人不食甘節如飴松明同軌厥有
汝溪婉婉處于乳乳繼妻齊心赴義響應昌期誰謂

爲彭有如駒陳誰謂爲殤令名無數此爭屬詞載在
宗祏敬告公宮女之司直

勅建愍忠祠碑

忠愍公雅言丈夫負七尺軀宜以徇國家報知遇耳
侯羸德魏田光德燕不難以彼其身死片言下彼誠
得死所足矣往余從公守卽署率有味乎其言無何
公出爲江西按察司副使辛酉閩廣賊入江西諸郡
薄太和公從燕會聞之輒投箸起也曰虜鼓行而西
掩我不備不蚤計謂蒼生何當路方倚辦公尋屬公
平賊先是巡檢劉茂力戰死賊怒磔其屍公至太和

副墓

三卷

十六

帥諸將更祭茂曰爾職抱關猶然死疆事吾待罪方
而不減賊吾何獨生遂誓師列陳而鼓之進獲俘者
五狗軍中旦日陳如前公從中軍鼓之進賊數謂官
軍怯亡鬪心聞公軍聲人人皆殊死聞謀者謂賊張
甚宜莫如堅壁完公叱曰虜深入我境亡能以一矢
扣加何謂虜張我寔張虜我師左次彼且益張江以
西危矣士死鼓將死綏業在行間義不避死於是復
鼓之進左右軍遇賊皆奔賊悉赴中軍中軍乃潰公
忘氣勃躍馬當賊鋒聞弓射殺二人刃一人死公
脰脇中槍者二左臂中刃者三唯指揮王應鵬千戶

唐鼎從公皆遇害淑人聞計輒自投井中保母出之
遂不食保母諫曰主死長卽君立未卽知脫自太學
來奔宜未卽至母第自決其誰歸主喪淑人以爲然
乃疆食公喪至歛淑人絕口不內水漿所親率以太
宜人春秋高諸孀子未立爲淑人請淑人曰適子曰
噲敬長矣凡諸俯仰敬任之假令而母以天年終終
不能以此這死而父死國而母死家何可後也卒不
食越五日死卽使者遞上其事

副墓

三卷

七

詔贈汪一中光祿寺卿廕子世襲錦衣衛百戶給祭
葬立祠賜謚視周節愍同贈程氏淑人仍立祠郡城
東從忠愍春秋竝祀嗟乎公死社稷不忘平生之言
真丈夫事淑人婉婉其攝身若不自勝及其臨大節
而不渝爾然與首陽爭烈卽女丈夫亡論已乃今列
在祀典廟食鄉國之間都人士過之莫不翼然而趨
僥然而式卽田夫里婦舉欣欣然想見其人其或不
然抑亦赧然汗顏俛俛然失步百世而下猶生之年
惡用侔老爲也昔周節愍死華林賊語在李獻吉紀
事中公後節愍五十年同地同官同以閏五月二十
六日死節愍有子忠愍有妻狗難相從則又同歸於
節孝大較舉相若也補余不佞亡能爲公發一辭謹

述祠事所縣勒諸麗牲之石且爲樂章三關授升歌者肆之其辭曰

服兩駟兮采蚪陟帝所兮周遊倚闔闔兮矚九州盡歸來兮棲故丘要巫咸兮歌且舞把瓊芳兮懷椒酒荃何爲兮夷猶目耿耿兮愁苦

右迎神

春雨兮秋霜列藉兮華堂星熒熒兮在戶靈翩翩兮乘下陳上算兮楹之東伐應鼓兮考鳴鍾采連理兮木末羞比目兮水中忽若逝兮倏遠我心勞兮懽懽

右降神

副臺

三卷

十八

牛服箱兮女結褵濟河漢兮吹參差乘迴風兮駕脩阻願終老兮河之許操素齋兮陰陽參太乙兮平章延停兮舊服屢豐年兮樂康

王仲房傳

余家食業已聞王仲房比釋事歸乃益相習王仲房者吾郡中做儻人也父賈淮北納劉氏姬舉仲房於淮仲房名寅命曰淮孺少年英氣勃勃自負具文武才時李獻吉居大梁以著作傾當世士而少林諸僧習兵杖則扁固最精於是仲房馳一騎謁獻吉大梁獻吉留關中不至居大梁一月則之少林扁

以其術授仲房什得五六及還歙補縣諸生顧獨攻古文詞不喜舉子業時應士程自邑從獻吉受詩討名大起仲房則以自邑由獻吉重其人易高乃約客賦詩黃山白岳間仲房爲約長郡中善詩者悉多仲房諸少年且北面之矣太守余公入郡蓋夙知仲房名將授室仲房遺其二子受業仲房不欲也謝曰母在寅未能從公子游於是余公過仲房於家遺之金供母肉帛部使者劉公行縣試諸生詩得仲房乃大喜引居門下從劉公太平太平守請以郡沒青山田餉仲房凡數百畝仲房不可終不以諸生因故受他

副臺

三卷

十九

縣人田乃著別青山賦留舍中竟拂衣去劉公聞之自喜曰存德奈何從海內得王生將言王生於朝請得以布衣召用會劉遷去不果聞督學使者黃公合試七郡諸生則仲房舉首且超格授廩仲房固辭黃公笑曰此何辭他日洪毗上書願得超貢如嘉靖初法貢且及子會黃遷去又不果聞仲房歎曰人生駒隙耳奈何以是儻然者受命造化小兒吾將爲采真之游矣乃求異人冀得不死之藥然卒無驗而其家益貧海陽令林君意仲房屬邑中富人奉百金爲壽明日仲房往謝卻其金令私語富人仲房義不受金

爲之置蒸嘗之田十畝其后仲房棄諸生籍之游吳楚閩越名山遠覽冥搜不遺餘力得常意居旬月而後返不問家所至則緇紳大夫爭致仲房惟恐不饒而滁陽胡荏庸中都劉晉初廣陵朱子休晉人壽京叔齊人馮汝強馮汝言浙人蔡子木徐子與童元功方禹績蜀人毛元善相結甚驩仲房獨出入諸沙門不喜就館教即不自給務傾身振人之窮中年喜談禪習內典嘗執弟子禮禮古峰禪師長跪請曰寅往往遇異人無如師者師將安之師曰吾徧游海內五岳者三乃今將歷海外五岳而後出世仲房愈益嚮慕因自號十岳山人云及海上用兵仲房客督府尚書胡公所諸客率諂事督府仲房以謗謔獨聞督府多疏節又不納仲房言竟以敗仲房西入歙家猶故貧就里中營佛子軒好佛愈甚會隣有賊起數窺近關仲房客項氏家卒聞警諸項皆走匿不者箕踞自如仲房嘗之曰卽賊乘夜至公家爲墟第聚族爲先聲毋自反也賊知有備乃引去頃之賊役起土人匿不以聞仲房馳書告有司屬卽從事縣簿二人卽民其往賊且近按兵不行仲房入軍中讓曰公等不扼賊於險逗遛里中耽賊踰嶺長驅是以險予敵也他

日傳責公等其將何辭第勒兵鼓行賊且望風卻矣從事簿皆曰善乃乘連嶺賊聞之卻如仲房言會浙兵追賊及之遂殲盡里人語曰山人故喜子房畫策乃字仲房使果在行間於緩急何有仲房笑曰非吾事也吾遜儒入老遜老入禪乃今無所遜矣汪道昆曰人言仲房才高獨達巷黨人猶有遺論夫名者實之寶也有道者遜焉古人不得志則龍蛇無用名矣世鮮知仲房者顧獨知仲房詩仲房嘗言知我者希則我者貴由是則可以成名而有不屑也

戚將軍應 詔京師序

副墨

三卷

廿一

往余有事閩越蓋與大將軍俱事平則大將軍留填閩越

今上卽位匈奴入西北邊

上用群臣言趣召大將軍以備緩急往余與大將軍言邊事大將軍率以爲難其言曰西北視東南難者五夷航海至其大舉不過二萬人匈奴伺邊往往不下數十萬邊地凡數千里備廣而力分彼以全力而趣一軍無堅不入一難也島夷祖禰眺梁闔在五步之內匈奴控弦鐵騎卷甲長驅疾若飄風士馬辟易不暇二難也中國所恃者火器耳北風高厲胡塵

蘇天秒當下風火不得發三難也烏夷來去有時非時輒不能涉海去譬之射隼亡能出吾彀中匈奴所至無留行去則鳥舉終不可制四難也劉遂宜大藩衛京師或在呢背或在肘腋以故列鎮相望盡地守之彼界此疆不啻秦越號令不一烽候不通雖有聲援鮮克有濟五難也有一于此猶將不振况五乎余惟匈奴雖疆漢數能得志卒使王庭北徙封狼居胥以還漢之力臣衛青霍去病數人耳彼或卻兵法不用徒以天幸得完大將軍以節制聞何論衛霍假令受西北事顧安所決焚哉大將軍謂余繼光何敢焚

三卷

事即使待罪西北直以不肖之身從之無益也五者之難亡論已今即議戰其何以當戎行禁兵則恣睢召募則烏合徵發則道敝分戍則坐飢弊久矣誠得寬文法假便宜簡裨將三十人分募邊郡諸縣之士合三千人為一旅將以裨將縣令為監兵甲餼糧各以縣給為之部署或以車戎以騎或以部兵合三旅為一部將以偏將執憲為監合十部為一軍主將將之監以督府視浙兵法分合更番訓之三年乃始議戰戰則以車距敵以步應敵敵少卻則以騎馳之必俟虜有可乘然後出討於塞外方其未集吾可得志

不難幸一擊以張軍聲處必大創是則以奇為正以衆乘寡以實擣虛法也此衛霍疇昔之事繼光寧詎能乎余善其言業已志之心矣乃今奉明詔以往大將軍果以為難乎抑易邪世久承平右縉紳而左介冑徒以文墨議論求多于封疆之臣其在外藩非旬月不達即失利庶幾猶及於桑榆邊地密邇京師朝發夕至一聞告急詢然群起而督責之彼且未遑以一矢相加已從吏議雖有衛霍曾不能自堅乃若孟明俘囚李牧入保又惡得免凡今在事不啻負鉞而奔此之為難難可知已即使當大將軍議必三年而後有功彼或見卵而求晨棄齊疏而急袒免一齊衆楚大將軍其謂之何在易之師二多譽四多懼遠近異也近則瑕疪易生故必以退為進待時而動夫非社稷之役乎哉顧任用何如耳昔之命將閫以外悉制之蓋專則成不專則敗長子帥師君命三至專矣假令多所沮撓徒使弟子參焉一國三公不敗何待安危在出令存亡在任使固非常言雖然有非常之人必有非常之事有非常之事必有非常之功方叔之平蠻荆由北伐起故其詩曰征伐儼伉蠻荆來威此非直以積威薄之功見而上下信矣大將軍由

三卷

閩越以此其積威何可勝言海內方推轂大將軍無不信者大將軍非常人也果以爲難乎抑易邪

送胡使君遷江西按察司副使序

漢邊郡率置守有急則守帥士卒給餼糧禦之故漢數有邊功多守力我國家置守如故獨主餉而不主兵世久承平縉紳大夫在事介冑之士一一取受成守則以吾職拊循唯民事急耳疆場之事厥有司存抑或饋餉不供械器不給亭障不治一切置不聞兵出無功輒傳主兵者罪彼已將率奈何老師而費民財嗟乎此反裘負薪者耳文武並用凡以爲民其非

副墨

三卷

廿四

王民則亦莫非王事今世所謂良二千石豈不皎皎乎日治程書議錢穀刑獄出入不遺餘力務得境內之和此之爲勞卽匹夫匹婦得矣乃若四方有敗不啻以澤量人顧獨嬰城自如日持諸將之短藉能釋憾於諸將其謂民父母何往寇入閩越者十年民禍極矣大將軍戚長公歷數十戰寇始平當是時西蜀胡使君爲福州守大將軍將數萬衆歲食數十萬有奇水陸分部若大鼓旌旗戈矛衣甲舟楫櫓蘇之屬不下數十萬兵出一切倚辦福州福州四面應之悉如期至以故關士超距不旋踵而告成功大將軍謂

余漢高帝馬上得天下而功首勳侯鄧侯居關中給餉不絕糧道而已非有論最先登之伐汗馬之勞顧獨居首功群臣避席不暇其斯爲制勝之本三軍之所天也福州蓋八閩都會譬則關中繼光幸有尺寸功悉福州出乃今繼光蒙上賞而福州僅上賜金明公往論福州功其何以爲福州地余聞君子不倍本宜莫如大將軍論毋論福州功其人足多也往余守襄陽郡人或以爲能襄陽當江漢之衝不無事矣大都尉傳舟車之細務卽指手不難事紛至吾猶將不堪甚則見於色矣福州當省會而生軍實其勞

副墨

三卷

廿五

佚難易什倍襄陽福州從頌其間恢上乎有餘地古稱大臣之度福州近之余將上書言福州會余得謝未遑也元年冬十二月大將軍遺書曰繼光奉天子詔將去閩福州胡使君乃始遷江西按察司副使蓋分部九江者也明公未及言福州於朝意不自得乃今乞一言以明其伐庶幾爲後事者之師嗟乎福州勞苦而功多九江則循資轉耳卽福州多大度淹速不入於心顧更五載而徙一官於恤勞乎何有九江故盜藪也今且晏然監司視郡縣之成吏事少彼中若匡廬彭蠡其鉅麗不可勝窮使君部署在焉

其可知矣使君勞且久乃得九江此張弛之義也
往余待罪幕府則二三君子推轂之閔越幸得息有
惟二三君子在乃今大將軍去使君亦去一時從政
者新矣天惠閔越顧得人如大將軍若使君則百姓
之德也

海陽治最序

部使者行縣悉得譴舉有司其或兢亡惟恐失人政
未成輒舉矣

今上當天官議卽有司異等非更歲不以聞蓋必待
其日至而後質成於民治便往寇入吾郡家大夫避

副墨

三卷

廿六

地海陽人謂出竟受應何如入城府家大夫則以王
明府在吾視海陽不啻晉陽吾得主矣余在疆場業
已聞明府名及余釋事過海陽而海陽諸父老日誦
明府賢也其言曰吾邑中以賈代耕其征科視歛乎
君侯時吾蠶訟酌緩急之宜凡有輔於公毋敢入苛
羨居庭憐然若秋水母敢以非禮及門邑故多訟往
者率藉手他人君侯較若竹筒訟無小大必親聽卽
有不得已悉就親蒞之於是人稱神明訟可立折
也邑故患盜往者或聞及無辜君侯詰盜毋得稱連
既伏辜必窮治其淵數盜駭亡德矣邑事故煩君侯

勞是病且嘔血願等上自如上天有意海陽假我其
月海陽幸哉居有頃中丞謝公曾公列明府治狀檄
所司以異等之禮上之旣而部使者蔚公高公通致
美辭檄所司如初禮於是丞簿尉三軍奉檄唯謹介
太孋生王宗賢氏乞余言爲禮幣先余居山林業農
圃久矣昔余嘗謂養士養民亦猶乎農圃也時耕而
耕時耨而耨時穫而穫是爲老農望之若子置之若
棄是爲老圃夫何故善養故也泮水爲潤嘉穀不生
戾風振之嘉樹不殖卽天地施生絳不可以凌節况
其它乎今之長人者視一官如六傳置民事罔聞下
論已抑或用智喜事汲汲然趨焦赫之名礪之握苗
爲害茲甚仲尼爲政不廢菽月三年彼且以庶擊毛
李爲能旦暮可足吾事志在其爲養也古之用士授
之薪爲惠弗勝上矣患弗習上矣患弗成不貳事不
移官蓋其慎也乃今朝樹梧楨夕尋斧柯籍第令有
萌材不材奚辨自明府入境不替月而得民和以此
責成不難速效顧明見秋毫不以察上而傷懷悌惠
流境內不以煦上而近驩虞其善養可知矣卽所部
遇明府不難以一見決之然獨守約法必歲至而後
以聞良以海陽樹卿材耳諸父老聞余言也喜相告

曰所部推轂君侯猶然有待吾儕小人也心竊望之
及聞養士之言然釋矣如天有意海陽庶幾猶得
登我暮月海陽幸哉

游洞庭山記

洞庭山峙震澤中其形勝甲吳會劉生言山猶桐柟
巨數浮之其隔閭各爲一區猶一瓣耳登縹緲峯乃
觀全體蓋其帝云余將有事洞庭期諸君子不至顧
季狂張幼于力贊余往也遂與之俱幼于言蔡夫人
義甚高字師古年九十矣登高不杖往先諸少年
處士徐紹卿年七十七並屢錄能詩其兒子太素以
副事

三卷

廿八

好客聞皆山中也四月三日癸巳聞旦日登姑蘇
臺遇雨止日中登胥口風雨從之舟濟涵村雨不絕
踰踰走資慶主紹卿資慶當東湖西湖之間蓋一區
也旦日過陸希生陸伯相兩生請從會太素由崦下
來爲客治十日具乃就近登東湖寺在山椒方沼
瀟佛宮前遂以名寺後列石以什數當嘉樹陰由
列石出松林上平行可藉草余從頌負故道望穹窿
迤北諸山近若舳舻遠若烟霧細者若芥稍巨則置
梧耳東湖去西湖五里高倍東湖故市豪斷之寺
遂廢其西有水盈坎湖風作輒揚波坎中故名出寺

而南亡馳道擁衣由徑以上得玉板泉上可當惠山
再較而去又南則循崖陷上不盡五百步而得平岡
望縹緲峯猶將五里而遙其高曾不能半緣岡東折
率趾浸高又折而南凡三息趾乃抵峯下諸豎子扶
掖上坐其巔上故有羽人居今廢倚扶西顧白日薄
陽美間湖光亘天不啻百里決決乎大觀也東涉東
山二十里而近山若拖紳其上有柳毅井通三湘語
出稗官氏水東沃野數十里號小雲南又東則吳江
矣南涉四十五里抵吳興稍西爲弁山發自天目西
北有山曰馬蹟亦浮震澤近毗陵又北則梁溪諸山

副

三卷

廿九

視馬蹟差小土人爲堤捍水堤自澤畔屬於山東北
則穹窿姑蘇相去七十里此其大較也近而俯視七
十二山大半可名誦劉生言信矣旦日復出東湖嶺
折而東南所過田廬近似吾土又南則丘木相望多
馬麓封轉入叢林得天皇寺上故有葛洪井在廡東
寺後別院益幽巖獨蕪穢寺去湖稍遠群山輳至亦
爲一區東出馬城吳王廐也今祠事東嶽黃冠主之
由馬城而東乃造崦下蓋文敏公舊業太素則其季
子云其居第倍紫山面東近山則鼇山鼇山龜山相
屬三山產奇石採石者至今賴之湖上良田一區無

虞千頃客猝至輒不知其爲水鄉東北寺曰法華乘
磴道出湖上又東爲東園公隱地仍名東園旦日西
南行入雲祐觀廢久矣其左得林屋洞是爲第九洞
天順中武功伯徐有貞束炬深入抵石甕署曰隔
凡窺其口狹斜如建瓴亡敢進後浸湮塞洞口廣五
十步其高與頂踵齊內視則皆塗泥余踟躕不得入
幼于伯相徒耽往命秉燭先食頃燭光隱上出洞中
皆負塗出矣余問狀其中開闢無常深入石愈奇或
若綴旒或若追琢或若粉繪旁多奇字皆古篆隸書
燭光微不能讀燭既跋乃還余出洞而西探陽公洞
遂攀躋出山上過曲巖上石相錯如簷牙非側身不
得入然於者過半矣又南有隱者遺迹黃楊斑竹存
焉下曲巖右行懸崖數十丈石懸黑下有石戶或云
與林屋通假令役千夫浚表裏出淤泥則鑿石爲山
耳雲祐西爲東嶽廟西北有馳道坻仙壇上負一山
形如鍾釜兩山如左右手夾持之群山拱衛如列瓜
牙距湖乃止湖水當席如奉盤匝自毛公上仙聚學
道者千計其後皆坐不法籍除壇石爲鍊丹臺上
皆片是爲卅井堂下復有方井上亦泥壇既夷其遺
址高下咸在古稱福地居然一喚區也由故道而南

其西爲包山寺寺故有神僧衣鉢精舍往往可居
中十八招提無如包山者余以旦日當禮佛會僧具
齋頃之明月出西方太素請行酒明公至如來放大
光明願承甘露入醍醐爲明公壽於是共持案露坐
酒數十行坐久薄寒侵人乃罷發起禮佛畢由羅漢
寺過消暑灣吳王避暑所居也縹緲峯如展立群山
列障障之兩山合抱如周垣湖外三山當垣口環中
瀕水九里類太液昆明近則居人樹菱水中井井如
博道菱外故有亭址亭今亡亭外水浸深其廣當三
之二千家之聚負山面湖美哉風土之麗民物之饒
蓋一奇也余過上方寺當道有老松偃石梁上如卧
龍旣登上方得環中之半寺故以詿誤廢沙門受故
吳令宋望之指將復之其遺構悉亡獨新者巋然存
耳由上方過西蔡蔡丈人以杖屨迎遂存丈人於家
因過勞孝廬蔣太學丈人執余手過烏沙泉泉在小
龍山當水裔水中石嶼如群鼠曳尾竄其稍大者如
貓遵水東行水驚石趾如斷朽木其形參差如卧龍
橐其鋒刃斷斷反射湖水衆竅相通如雕幾嶙峋倒
置如觸不周山崩行數百步石趾窮西過小洞庭亦
石趾也一石雄峙水上高二仞有奇視洞庭具體而

微七十二山可概見獨嶮絕不容足余足出諸暨子
肩背上乃登石有大竅虛中諸童子自下矚余如坐
天上旣又過龍頭石石趾視東益奇巨石如房蹕四
足如鼎踣一石驤首出臨水者五尺如虬龍余躡其
上乘之會大風恐或飛去乃下又西則皆石洞豁衍
闔闔若房闔相通深入或有竅通天如中雷變幻萬
狀不可勝窮疑水伯役鬼工爲之何詭異也其西故
有石佛寺今唯小像坐洞中余雅聞明月石公慕之
甚會舟人貨桑急不得舟余屬里人譚生僦舟譚生
敬諾旦日鬱蒸如溽暑余亦知爲雨徵會譚生祿卅

副墨

二卷

廿二

來余因請往晦明逝作舟行自如東過明月灣視環
中異山橫九里如月始弦林木蔽虧當其隙乃見居
室亦異境也雨至諸客避樓船中余必欲東從者獨
季狂及譚生耳石公亦皆石趾其上堀起如方城折
而東言言不事十仞渡口二石離立土人乃名石公
又折而東石三面如堵牆皆十餘丈殆若天造宮室
或名石宮疑譚耳余冒雨出其上雨甚還舟旣而幼
于希生以小舟來亦出其上歸則風雨大至舟不得
前譚生請泊石公灣先問館舍於是躡渚如宿王氏
易衣履卧東閣中旦日舟過上真宮丈人帥諸客至

余以昔病客卑謝之丈人引余過法喜菴庭下三松
梁天監中樹也去菴過綺里指綺里寺故君旣又過
觀音菴丈人辭去余西入里巷問黃公泉出里則長
松千章相對夾道蓋花山道也林中古松峻茂視法
喜同寺下茂林則僧以七絰歸市僧笑花山啟閣皆
燬僧舍厯存余問三泉得其一耳且日西行登嶺望
角里一山高數百仞負水而擁民居丘間草木相錯
如刺繡文亦一奇也鄭山人就見長慶因過山人里
南有松觀花山益古其下有石如砥高下坐數百人
又東南凡什數松皆亭七千尺余箕踞松下如不欲
行山人言里中桃李始華爛然霞起客乘春至宛在
丹丘山陽樹梨數十千竿其盛馬高一眇夫非白雲
鄉邪惜相過晚耳西出三里有角菴居山之陰人
境絕矣俯臨澤國如在沃焦真避秦地也是日袁履
善濟庵下宿包山旦日自間道來遇余資慶相與復
登縹緲指足跡所至一一名之諸客不能從而余視
昔愈捷歸飲芍藥花下計行期旦日大風不可渡僊
善趣余就道吾黨其待之水濱至則及風從舟日吳
濟胥口旬日遇雨者二未嘗害游旣泊吳閶旬日雨
跬步不能出疇昔幸矣嗟乎都人士好奇宜莫如吳

副墨

二卷

廿二

會名山大澤宜莫如洞庭唯舟楫有戒心百不一至
余輕舟而往乃得周游亦坦耳昔言蓬萊瀛洲諸
勝率以為誇張彼在瀛海中去人世不知幾千萬里
籍第令其在寧詎能至哉鵬徙南冥駕鴻自適各從
其志而已

贈黃全之序

自近世經術興則閨士為嚆矢我國家令諸博士授
業非閨士說者不傳於是四方之士屈首受成不啻
功令彼都人士斐然與江左浙右同風乃若脩古屬
辭則鄭經之王道思稍著納諸作者之軌余不敢知

三卷

何董董也夫以千時則若彼道古則若此擇可而進
惡能舍彼從此哉黃生閩人也生之言曰余讀博士
書不終卷而唯恐卧至其所論著愈益卑上童而習
之迄于白首何益古人以詞賦取重猶自謂忙夫不
為乃今作無益而白首甘焉非夫也天全不敏終不
以此而廢餘年請從此逝矣於是釋博士業夫而攻
古詞余壯黃生召生與語

文皇帝稽古立教粉引于正經某甲子起家建安幸
而在事其所稱載莫非卿黨里閭之言言人人殊不
能無得失彼直登之鄒魯之上一切尸祝之遂使曲

士拘儒愈趨愈下經術奚病第病百家之言耳藉第
令舍彼取此經術安可廢哉作者之雄無若屈平左
氏漢司馬之屬操六經而引繩墨其曲直可得而言
故念情病騷浮誇病傳病賦者意汰病史者議卑譬
則尚父登壇桓文北面穰苴孫武悉在鴈行一鼓而
左右之敢不用命後世相沿綺麗畔于遺經莫為中
權遂至不掉激而怒矣猥云屈平誕而不經猥云左
氏或以卑疵或以奢溢猥云子長上卿賁則子玉之
代子文否則駢切之代樂毅相去遠甚生顧以經術
病豈經術非和黃生灑然曰如必六經經耶屈平左

三卷

五

氏司馬唯王者黃屋左纁王食衮衣天下莫不仰其
崇高位在故也人臣而脩擬王者是為不臣端章甫
路車衮和亦人臣之盛節也六經聖者事也賦史
傳其斯為盛節矣乎生游此矣黃生唯上居三歲生
適東海就余論文且曰天全偶上獨行恐將失步願
奉教以往嗟乎士尚友千古直將且暮過之則其言
在耳生歸矣上之六經下之屈平左氏司馬燦然具
在惡謂閨無人哉余故用武人也惡知論文今之論
文者吾惑之請以武喻大江左右率以歐陽曾氏王
盟即使與漢竝驅彼猶將為二氏左祖大都覩故常

爲近取其易通第靡波流卒以沒齒此糜軍也少年
盛氣攝祗而從古人卽有諛聞輒爲高論大丈夫亦
自爲法耳法古何爲此謂騎兵之驕則失律矣抑或
孽上李古亦旣成章久之多岐亂心胥其所就業亡
之矣顧猶妄自尊大守其名高此竊號之兵卒歸於
敗耳生能誦法原平左氏司馬而壹稟於六經奉三
戒以周旋毋或失隊則天吏也生婦矣王融郭建初
猶然守經術往從余論古余善之婦語建初臣卒業
以便從事河清可待人壽幾何不然齒駸上長矣

論相

制墨

三卷

卅六

唐仲子造無相氏善相人者洪生在焉仲子始勝冠
問洪生相洪生曰卽君必貴第徐徐仲子曰亦後五
年而貴和曰未也十年和曰未也仲子不悅奮袂而
去及仲子年四十始上太常乃奇洪生於是復問洪
生相洪生曰卽君形如鳳時周覽而后翔故不利在
幼當目乃利自今干仍往矣然直道從事卽有言貴
必爲苗無相氏曰三天子都山峭厉水清激烈士貞
女往七生之獨骨鯁之臣不少概見如使仲子得志
卽三事九德曷加焉仲子勉矣仲子進席曰不肖未
始懸孤鳳乃見夢越昔而奉不肖家大人遂以命名

不肖辱家人人則敢言鳳顧不肖直慙無體不取節
客卿片言有利於國家無生死以也無相氏曰幸甚
卷阿鳴鳳良臣以之貴相得也後世負俗而抗直言
亦曰鳴鳳直臣以之貴希有也夙夜皇王務持國是
以贊天子良臣事也夙夜皇王務陳得失辨賢不肖
以弼天子直臣事也此非通達國體能任哉當世
寬於養士急於用人失養而能濟用者鮮矣士棄佔
畢如棄弁髦始爲卽內列朝寺外治程書其涉世之
日淺矣一旦而責之言事惡能豫謀卽使之察失得
之林論辨賢不肖之名實是未翼而飛者也善仕者

制墨

二十卷

卅七

以言爲諱直以養交甚則擇可而言聞者不怒鳳毛
而與鷄鶩同食將安用之上之朝就舍而夕上書幸
得一逞苟可藉手不避逆鱗彼其汲上殉名不可謂
不烈矣顧逢于死諫其心固不在君使徒招君過以
立名雖得死所猶有所憾非鳳德之純也次者則以
主德無闕不敢出一辭顧獨吁上唯上 務在搏
擊無論燕雀卽鴻鵠將不免焉是鳳采而鷄鳴上則
不詳至矣蓋昭明之屬也
今天子求直言群臣折節受善他日仲子在事寧能
與鷄鶩伍和乃若矜氣疑言恫喝衆庶以明得意仲

子不爲也要以純德顧豫餐何如仲子勉矣肯伊尹
備諸獻畝惟一介爲兢上卒之歷夏與商故君從辟
而天下無異議何以故一德故也今之言者躬行謂
何在我若固有之於人終不能舍卽一鈎二卵具在
卽書以此責人人弗受已仲子其務脩德則一介爲
之階迄于德成未言而人信之矣夫形有難辨難以
辨色審聲心亦宜然知未及之而言詩也人弗信已
仲子其務多識居巖穴而慮國家改舊章辨人物因
革舉錯先明諸心時然後言鮮不爲律離朱師曠百
世之耳目在焉亦各以其材耳楊子有言氣水也言
浮物也氣盈則亢氣餒則卑唯中則和發皆中節氣
和而天地之和應之矣况于人乎勿助勿忘則養氣
者之所有事也力此三者純德乃明仲子勉矣仲子
曰善卽相者無當於不肖斯言固後事者之師敬聞
教

聞莊簡公傳

聞莊簡公名淵字靜中邠人也其先徙居石馬塘者
五世公始生別號石塘公生而莊不疾趨不苟笑卽
鄰兒以狎侮至正容受之生八年夢一老父捫石上
持公踵相公曰爾文王子孫也幸勿忘十有三年而

孤哀毀如禮世父遣公受博士易補弟子員太宰屠
襄惠公居里中部使者爲之樹表襄惠昔夢一偉丈
夫立表下自釋衰經授之旦日遇公與夢合弘治甲
子公舉於鄉時年二十五山陰人蕭鳴鳳爲舉首語
公曰文王旣沒周以甲子興疇昔之夢徵矣明年舉
進士授禮部主客司主事正德初劉瑾亂政裁主事
員改公刑部廣東司公慈孳治法家言文無害尚書
鄒陵劉公在部大奇之會部中失囚公與同舍郎當
坐時襄惠起爲中執法獨急公陰使人召公曰君來
吾力猶能爲君地不然彼且齟齬君矣公謝曰罪在
臣何敢抵卿大夫撓天子法卽無罪彼其如我何卒
不往同舍郎蒲伏謁瑾公委蛇自如瑾曰聞卽貌似
夫子遇辱不驚固賢者卒謝罷公於是朝士聞之皆
稱聞夫子及瑾逆節者對簿大廷瑾睚眦廷中詞不
服公操筆具獄數近曰瑾僞造符璽私蓄甲兵人臣
無將當大逆瑾語塞遂伏誅宗室真籍反詔繫真籍
以下六百人公論罪輕重有差無不厭服大學士冊
徙楊公居太宰改公吏部員外卽遍轉考功卽中丁
止當上計時朱寧用事諸所關說無不從貪吏孫某
張某賂寧幸得漏網太宰姑蘇陸公計未決乃私語

公二豪得寧寧能得

上卽議斥

上不從奈何公對曰三載黜陟官守之謂何卽弗從守官可也乃竟議斥有詔從中留之公益以譚諍聞矣會禮部校士公與馬舉馬汝驥等二十餘人多良士舉轉選部益有聲會譚成諸平臣公爲部尚書具疏救之不聽明年進南京通政司右通政居三年進應天府府尹故事中官守備南京者往往受民詞檄下府幕幕吏奉行唯謹朔望必往謁籍公事未辦者受程期公至語中官曰中貴人安得受詞幕吏安得

副墨

三卷

四十一

爲中貴人議獄非制也有詔則可悉罷之嘉靖初末嘉張公安仁桂公竝以南部卽議大禮衆持論小合公獨然之張私謁公幸得借公名列疏首公謝不可終不欲勦說以結主知人張桂召入京師請應天請舟往公正色曰君命召不俟駕安得舟將張桂自此厭公矣尋改順天府府尹勦貴諸豪舉皆斂手千里獨平進太常寺卿詔求直言上脩省五事

上納之

上齋宿南郊郡校有黨者

上問左右謬曰大官庖人

上命太常察署者以聞衆大恐必坐一二人以應命公入奏曰百執事咸在昏夜莫之誰何請寬之

上乃罷有頃進南京兵部右侍郎詔求直言復上脩省五事公視部事薦武臣馬求等十餘曹其後有塞外功稱名將及張公執政桂公任吏部尚書會刑部缺右侍郎張公舉所知者桂公不悅曰此吏部事執政安得侵官及桂公舉所知張公不可必吾與若皆不便者乃以公補刑部右侍郎公旣入朝兩公且有德色面與公約退朝則飯公家旣而公來公卒未嘗治具兩公相目笑而去乃飯于其隣公進左侍郎

副墨

三卷

四十二

歷三品者九載始進南京刑部尚書南京訟故煩晨持牒者數十百人聚廷下公語諸郎曰守備中官受告密侵刑部權釋此不問顧獨下行有司事日治城旦書何爲乎自今民間大事必請通政司達刑部其餘一切付司城公視爰書甚或中夜不寢諸子以爲請公歎曰此疑獄也少年文吏深入之吾將爲之求生忽不自知其罷耳公始以尚書就道張公囑曰僕往在南京刑部嘗題詩卽舍中公至願我爲勒石樹公後堂公不答其後僚屬遍至皆爲張公致丁寧公徐徐曰此部尚書堂也紀法在焉淵侍罪尚書安敢

以相君今日故爲郎官勒石卒不許張益以此。公九廟災公有事闕下乃從諸大臣自陳不職張擬旨則以致仕免公。

上曰朕方欲用淵淵非老非疾奈何輒令致仕卒留之其後改南京吏部尚書已亥當考察公務去泰甚無繁苛人言某子甲多流言公留者何也公曰某子甲操下急群下起而中之假令其說行善者懼矣其後某甲子卒以清白顯衆以公爲名言尋改刑部尚書從。

上意也刑部諸郎曹鮮事率以優游相高公至則以

副

卷

四

籍授司門籍記諸郎入舍先後於是諸郎皆折節勤事公以躬行先之日論報上十餘章無留獄若楚世子代庶人皆以弑逆抵罪悉決於公歷二品者九年僅加太子少保以不阿忤袁州相國尋復削之丁未公拜吏部尚書竊嘆曰使臣得先十年庶幾猶可自效乃今事權去矣臣何能爲上書力辭不許尋上便宜七事務正己以表庶官嘗問諸郎曰先朝太宰訥優對曰無如寔忠定王忠肅公曰固也耿文恪方可否事少宰從左右贊一辭文恪宣言曰天子建天官一人耳安得二天官和宰正百官文恪遂

退相語也公無讓三君子云司務某率其鄉人謁諸郎公聞其狀詎司務堂下讓之曰爾從事天官顧不能杜門謝請謁乃爲他人持羔鴈布諸門惡用此於是諸郎惴惴皆爲司務謝罪乃罷司務令得自新御史艾朴論文選司郎中張舜臣公力爭曰郎中無罪罪在尚書必欲罷郎中願免尚書以謝御史上以公辭直議格不行信州相國釋憾於鄉人連坐考功司郎中雷禮詔以下公不能持喟然嘆曰世顧求多於善人吾未知所稅駕矣輒欲辭去會溫旨累下不忍言當是時袁州信州相搆

副

卷

四

上遣中使就問公署意在公公故爲刑部侍郎業已廷推入閣其後推者凡八九公悉與焉及國東歸袁州事遂寢若如天祈殺視牲攝祭諸大禮上亟遣公公愈益謙端居守已而已歷尚書十二年考始加太子太保授榮祿大夫司封進曰故尚書始進一品輒得爲曾大父母請封公業已踰十二年其以例請公謝曰恩自上出非臣下所敢干淵未有尺寸功奈何于數世之澤時袁州胄子于國政睥睨公卿獨父事公執子弟禮然心固憚公公亦不樂久居位已酉上疏曰臣入官四十五載受國恩最深

陛下不以臣爲不才置百官長臣未能以秋毫報塞
狗馬心終不能忘明年當察計吏諸年老者吏部悉
以致仕請罷之臣幸得受杖國中固引言之期也臣
復強顏在事其何辭於庶官願乞骸骨

上高其義許之諸子聞公歸逆公津口公既濟語諸
子曰吾自弱至老往往爲數千里游僻險阻艱難
不可勝述今既濟吾知免矣小子戒之公蚤貴且歷
美官其節儉出于天性即退食尚書署十年著一敝
冠位置有常不失尺寸朝食及日中無加豆夕則飲
水一杯家食十餘年不問諸子生業笑公以天年
副墨

卷三

四

終有司以聞

先帝輟朝三日乃贈少保諡莊簡祭塋錄蔭部議悉
從優制曰可汪道昆曰余始通籍則庭謁莊簡公其
爲人閑廓深沉若涉北海不可爲量當不持重不發
不啻注一矢而引千鈞發則百步之外無留行莫不
中命余從諸公卿後豈不多賢要以慎始令終名實
純粹唯莊簡公一人耳昔仲尼之徒雍可南面漢武
得人爲盛豈獨稱社稷臣雍也以簡難也以莊公衆
之臣莫若主其信然哉其信然哉

先帝在宥天下凡四十有五載端拱九重明威四海
敬脩祀典有事升中瞻茲白嶽乃作玄宮獻力曾存
玄宮翼翼屢惟豐年莫不康食

今天子嗣興脩

先帝之德去泰去甚與海內休息宣布德意其惟良
有司和寒暑雨靡有怨恚草莽通臣此焉沾冒周游
輿區擇地而蹈西暨石林有堂有與跨山爲梁寔惟
天造褰衣尚時乘彼神皋羲和當御魑魅逋逃經紀
五辰兩暘時若塲畢登嘉生有碩察于詭俗民不
告勞居人露積婦子陶陶樂哉乎三老式歌儻以教

副墨

卷三

四

川谷逶迤隔閼丘井耕乎牧乎越在箕穎蕩蕩無名
維伊耆氏之境我銘崇山垂于有末

曲水園記

豐樂水出黃山東行百里而近水浸深廣其上則諸
吳千室之聚里名溪南左黃羅右金益蓋新都隩區
也里南良田千畝里人呼楊柳于其東則曲水園脩
廣不啻十畝疏畝爲澗道經垣內外如隍其中鑿池
圻南比如天塹畝入澗道澗道入池句如規折如磬
故曰曲水垣東南有堵不墜不墜西則編柳爲藩力
省矣鑿坏爲東南戶當戶爲竹林筳林跨澗道爲橋

北村視澗南稍廣矣薄西出得萬始亭亭在東方萬
有從此始也累白石爲山峙亭北或云群玉山跨澗
道爲橋得孤嶼如環壁花石錯置當其中景四栢爲
亭東五步得彩橋橋東多竹箭漁者置浮槎水上寄
東流爲魚防竹外爲行厨便烹鮮者由孤嶼而北歷
長楊彩橋俯倍東橋蛇蜒池上池北步欄五十步西
行而中折之客至若在濠梁是爲魚樂步窮出西戶
得釣磯沿隄西行隄北脩竹百箇隄南折不盡五十
步距池西隄上樹七梧桐有美蔭中隄登水榭署曰
中分面西爲門三面臨水爲牖東望池畔樓臺花鳥

副臺

卷三

四六

相與浮沉日高春若揭河漢而西也西池當五之一
隄衡分之西望群山在門若良史出繪事蓋山水一
都會也池南馳道廣二軌脩什之道左樹文杏皆臨
池右樹叢桂葺柱枝爲薄蔽南端中穿薄爲御風臺
崇廣二仞天風至冷然而游帝鄉視七尺若蟬蛻耳
臺東南度澗爲鍾舍舍臨田間主人就舍明農鉤力
作者西隄西出戶五畝畝鍾之田沿西池北行得田
舍藩以灌木是爲灌木庄反步欄歷重門爲水竹居
主人經始于此其後小樓崇常有四尺藏書五車由
藏書外達繁樓由閣道外達少廣繁樓則置夾室少

廣則置都房繁樓廣加藏書者什三少廣廣加繁樓
者什五由藏書四達皆三室是爲十二樓前臨步欄
曲水如帶沃野如列藉當戶樓前林木蔽虧如步障
其西爲青蓮閣綺疏如蔚藍東閣梅華入牖中春至
以先登晁青蓮下爲清涼室室東鄉闢西戶通步欄
其左洞房宜卻暑由洞房北出當戶一卷石如美人
左右个若夾轍然各廣二几又北爲迎風坐四門洞
開由迎風北戶以西樹梧不十歲而拱拾級乘磴面
北累石爲小山山北爲三秀亭亭故有芝房之瑞
亭北樹木朽藥當藥欄下半規爲曲池由迎風西戶

副臺

卷三

四七

入水竹居東戶入高陽館館南爲垣屋闔戶以居去
垣不盡五步聚美石爲山巖澤產也祁山大者嶽立
小者林立疏茂相屬其高下有差高則爲仰者三下
則爲仰者半石如雕幾如枯林如垂天雲如月蒲魄
如軒如時如喙如伏兔如翔風如姑射神人如舉袂
如舞腰如荷戟歟山爲洞出東隅爲臺流水沿西麓
東行不盡三之一潛於麓入於池去山不盡十五步
爲四宜堂堂廣五進脩縮筵之半四面疏戶戶外皆
重階居者於四望宜卽四時皆宜也臺東穿薄而入
得王蘭亭亭西樹王蘭東榮果奇石咫尺亭北穿薄

而入止室在焉室西曲房足音罕至蓋便坐也池南則自萬始盡御風池北則西自步欄盡藏書東自高陽盡止止三分出立水榭居中淮木則附庸耳垣以內花數十百品木千章鳴鳥千群澗道夫容千莖魚千石主人謂客自璵有事曲水歲用其仍以從事歲計金十謚人百徒積二十歲乃成故力不訕而靡可舉也客曰余少從五陵豪日走馬出郊關外及憑軾問俗周將四方若王公貴人游閒處士諸所建置儔游觀者大較可得而言已庠則苦而儉於文已美則甘而害於雅鴻臚君乃得中制不有足術者乎且也新都什九山也水居一焉曲水以水勝聞斯善用奇也已

送蔣啟明之電白序

高皇帝疆理天下一切倚辦縣官歷二百餘年縣政多沮格上之人操吏民之治率左吏而右民廉近堂卑法日削矣甚者寧失良吏無寧失不令之民于是

承乃制承而有制何尤爲不制而承惡得無害乃今授人以正治一不效輒斥之庸醫罷職眩而務因循此以水濟水以火濟火者也卽病日甚病者猶以爲良此豈醫之罪哉不知醫者之罪也今天下諸縣宜莫如浙江難相望七十餘城大半出高第雖有善政必席厚資難矣松陽僻陋其民雕悍易爲和難之難者也蔣啟明受松陽令蓋易言之且曰人謂松陽難者民間習兵喜鬪則弭亂難公賦多適負則催科難豪舉多比黨持縣官短長則止謗難也吾弟爲之重農務絕兵端民惡得而生亂以時征歛民惡得而後公家不忤不求民惡得而議吾後吾往矣啟明力此二者上下宜之二豪藉博士弟子名蔽富民復其役啟明檄博士數二豪狀卒後富民二豪上書汙啟明皆抵罪會諸縣當上計所部則以疆事請留啟明部使者私語啟明極知君無害二憾在疇能保其無他勝從量移斯去危卽安矣天官當却使者議啟明以電白行嗟乎啓明之治松陽不遺餘力上下宜之不者唯二豪耳縻秀耳二豪紫已抵罪由此而推轂啟明使彼知縣官親而尊卑而不可踰將政處從令之恐後辨上下定民志松陽其有終乎乃啟明卒以

無罪行罪人之計得矣繼啓明
境內視之不啻高墉聳耳語曰文武不備良民懼啟
明去謂良民何子產惠人則自昔稱之矣始不得子
卽卽人願得而甘心藉第令終官是子產無令名而
卽無遺愛也卽天官不爲一人地獨不爲一縣地和
啓明謂余曉旣以電白行矣請得言電白無論松陽
余惟東粵久稱兵民未知所息趾非豪傑在事無能
爲東粵謀電白保界山谷中兵革不起卽民有疾苦
猶得一意拊循之其事省矣高州昔在荒服其聲名
文物視泮相懸其民侗矣東粵故饒益多欲者率以
副墨
外府趨之卒以簞簞隕名比比然也啓明以其治松
陽者治電白不亦皎皎乎哉名日起矣寧省則易集
民侗則易信名日起則上易知人所難者彼固易之
或不能無得失人所易者彼固難之將無施而不可
也卽卒用于產政乃成電白之視松陽莫非
天子民人土地卽啓明以松陽始以電白成之其令
名固自在也啓明行哉故人吳明卿曰邵武徙高州
守明卿輒軒甚矣宜知啟明第持吾言以質明卿且
有味乎吾言矣啓明唯唯

疎塘黃氏義規記

高皇帝郡縣天下授民業有常至其周視窮民覃恩
尤渥甚則爲之衣食爲之廬居歲凶則爲之積貯以
備之死則爲之棺爲之歛爲之塋域以封之此宜無
不足者顧承平二百餘歲生聚不可勝原彼其無告
一切倚辦公家力不贍矣吾郡列故都三輔間有司
奉德意唯謹民俗纖儉務蓄藏中人之產饒者什三
太饒者什一藉第令衰益豈不人人足哉顧聚族如
林千室相望此徒以一手一足之利其能徧及者幾
何夫周澤渥矣天下不無菜色之民有司良弓民殷
矣部中不無何憫之泣何故哉山居或以陸沉水產

副墨四卷

明故資善大夫南京戶部尚書鮑公墓志銘

今上二年春正月己卯南京戶部尚書鮑道明卒于家

上輟朝論祭塋如令甲有司舉塋事尚書于梁槐槐朴謁所親都察院右僉都御史汪道昆為志為銘尚書公字行之歛徽鎮人也鄉人故多公長者稱三峰先生云公父封兵科右給事中諱榮芳母封孺人出江氏私治癸亥五月某干支公生端靖自如不受狎侮稍長受博士春秋嘉靖甲午南海倫公茶陵張公副墨

四卷

乙

出典南畿試事得士為多公舉第四人士譽歸公父矣戊戌舉進士受行人三歲進戶科給事中再歲進左給事中尋進刑科都給事中當是時信州袁州爭政言者率揣摩希望各中其驩其或浮慕骨鯁之名排擊紛起公獨正色中立或以言責諸公公謝曰主德聖明臣愚不足以奉明詔如使株連毛舉徒自託于直言臣雖愚不欲以此傷大體會御史奏延綏失事巡撫都御史以捷聞

先帝命兵科右給事中蒞視之尋奉重書往公徧歷塞上閱虜出入諸部塞下人畜多寡有差按軍府部

署方畧數諸將程期論罪輕重覈首功虛實兼賑濟防禦諸便宜議上當人人心無枉橈聞者謂千鈞一髮飲羽虎狼無間狸狽矣先是虜人上谷公上言匈奴日伺邊必求再逞乃今易置宣大總制用翁萬達易置本兵用唐龍萬達方撫關中不得代宜未卽至龍以終養去母在宜未卽來假令補其何以應倉卒按祖宗法宣大設總督軍儲侍卽一人貳總制京師設提督團營尚書一人貳本兵分任事權相表裏無事則戮力共濟有故則可攝而代之復之便當事者計非急持兩端其後虜犯京師卒用公議公在近

副墨

二

侍七年出入唯謹卽有不測獨由由然應之袁州中

信州

先帝怒甚收信州及建議復河套者脩逮言宜杖之廷公頓首曰臣固當笞謹待罪出而參知江西政事居頃之罪囚王連遣子叩闕上書誣執故都御史胡繼宗誹謗故入大辟辭連刑科公以故刑科都給事中當就對簿

先帝怒甚人人自危公頓首曰臣固當誅謹待罪及事釋卒未嘗以喜愠示人既畢親喪補山東職如故大盜師尚詔起歸德趨山東公以部子弟戍滕萊武

備甚具賊遂卻尋受禽公以保禦功賜金論賞進浙
江按察使蓋當輻輳之衝鄉人往來部中趾相錯部
中權豪多閑說不避惠文公戒聞者毋入鄉人謁毋
入閑說者書即權豪回謁欲有言曾未得一開口既
又奏臨安故給事中高時奸狀械送京師無何進四
川右布政使以採木論賞復賜金無何轉雲南左布
政使時多徵發民將不堪公愀然曰滇即小鏡直蝸
濡耳蝸不轉則活轉則中乾此誠藩大夫事乃會計
全力什五自給什三轉輸什二借歲凶作不意今既
布滇人至今便之已未入朝麾筦庫羨餘弗納尋進

副墨

四卷

三

應天府府尹已復進都察院右副都御史巡撫貴州
貴州夷部錯居故惠盜殿最捕盜諸吏士視獲盜多
寡爲差諸吏士或掩不辜求進簿責公過文致不辜
者立釋之阿堂攫印指兵楚蜀騷動公謂有苗視印
爲向皆請降新印令反側子自安無勤遠畧爲也容
山酋韓甸竊祭公徵兵遣將討平之斬首二百有奇
句就縛
先帝賜金幣下兵部論功人言歲終類奏功故事猶
得任子今大捷宜視昔有加不然則籍于第豈有功
部中亦得延賞公謝曰臣奉

天子威德得罪人固諸將吏功臣何敢爲子孫地已
進大理寺卿尋進戶部左侍郎賜金幣會袁州得罪
去變置諸大臣公進南京戶部尚書蓋一歲三遷矣
公乘兵變後主度支體國撫軍不遺餘力尋以疾乞
骸骨

先帝優許之

上卽位初廣厲言路諸大臣往往中多口唯公保身
名完卽公無所瑕疵其次笑矣家食五載跬步未
嘗出戶庭茹淡服䟽將令後世師吾儉公配方氏封
孺人子男四人女三人孫男十五人女十三人曾孫

副墨

四卷

四

一人門內不啻五千指承家一切務馴謹所謂得全
全昌非邪會兵部左侍郎棠樾鮑公致仕歸公宗人
也鄉人嚴事二鮑視漢司隸同乃若明哲保身則過
之矣歲朔疾風自西北起占者以爲咎徵月將終兩
公相繼卽世吁嗟嗟異哉往不佞從公上計京師公
以讓名語不佞聞者莫不誦說語在著論中時執金
吾使人饋公公出小錯刀勞使者客言執金吾有罷
公卿大夫爭自下之今使者來母已薄公笑曰願生
視此不薄願謂使者薄之乎公與人交淡然必執于
正義此其大率也嗟乎公性矣上之則國史而下

之則學士大夫誦義凡有心知耳目者莫不見聞不
倖僻在婚姻無誰揚推萬一謹視其較著者內之坎
中墓在宋村某向銘曰奕奕大節篤生純良翼我
先皇入侍承明言中國經邦之宜臣周旋四服澤流
比屋施及殊俗用武際中報若發蒙恂恂讓功
高帝舊都九州上腴作大司徒引身請老榮名目保
宜爾壽考歲事在龍吉士惟凶邦人政容帝心則恫
乃命司空作爾玄宮楚楚九原膺膺奕世昌阜

明故處士洪公配吳氏合葬墓志銘

洪處士什字承章歛洪源人也其先多顯者在唐官
副墨 四卷 五

黜陟使在宋官少師其後由休寧黃石徙居洪源洪
源著美處士之父和有陰德以上壽終和生璣受室
黃氏父倚璣當父遂釋儒術商四方會母有疾趣歸
尋病死黃二十而寡處士始孩主者匪舅遺金黃獨
攻苦自給處士幼病弱黃大以爲憂日夜持處士泣
曰如天不茂遺孤兒幸疆飯宗人近獨病處士齋
百端黃無敢誰何謹避之耳處士稍長好讀書先朝
頒孝順事實爲善陰陽于民間處士獨時時誦習處
士既字朱氏女女病痺朱氏翁請罷之處士謝不可
女業已字終不以疾絕婚踰年女下乃婚吳氏吳能

婦左右處士奉母驩母命處士商處士商吳越遊出
遊因亡故資吳脫簪珥佐之乃復舉鹽筴入楚夜夢
老父與語君自此當致不貴旦日第謁叢祠問之日
者而信既而過日者如夢中言處士由是駭駭起矣
母登大耋卿曲誦義無窮會天年終有司表其節載
郡志處士侍母疾不啻以身當之日夜奉起居至糜
寢食無何病瘳甚得禁方乃瘳居廬號泣三年芝草
產墓下處士既就業其庸用無所分華人有急赴之
不遺餘力有讓義近屬仇者死其子貧處士無他腸
顧獨善視其子鄉人鄭叟出賈妻遣其妻歸貧家妾
副墨 四 六

故有身去六月而生子貧家利重價將貨之遠方處
士子童之予重價既長遣歸爲郎叟後名曰泚里人
王經和售山請移喪受價處士輒予價戒勿移處士
客巴陵主鄉人胡璫璫故年少處士推轂璫起家璫
貸千金者三無所問處士還歛家監訟之有司處士
叱曰寧璫負吾吾不負璫遂赴有司出璫離如初吳
生貸處士母錢不幸客死生有遺蓄聽收責者瓜分
之處士獨爲生治喪置母錢勿問嘗出金三百授鄧
漢經收更漢經盜金若干陰入赤革當其數事覺漢
經亡處士召漢經第歸所盜金尋復故業舟人某載

直赴吳會私貨之道中途沉舟滅其跡其後獲舟舟人赴處士處士慰而遣之舟人其盜鹽若干縣捕之急處士顧山身敵舟人罪縣吏多處士揭書姓名于亭父閱盜鹽數千且有酒過掌計者請以屬吏沒其舟處士俱舍之閱大慙服李興賒鹽二千入舟舟覆興自投淮水下欲生處士呵止興益之鹽以振興急剗國祥授處士券以居舍償處士百緡處士謝國祥焚其券將文遠傭人陷賊黨連逮文遠兄弟三人處士私語逮者曰三人無罪即傭人亦在脅從逮者信處士言三人免矣同舟人彭氏病疫病者相繼下衆

劉星

四

七

路人處士聞母疾亟渡江舟半渡幾殆處士叩天露禱風浪乃平將渡螺山同行十餘曹趣之去會童子病處士召既而覆舟行者皆羣魚腹鮮維舟舟鱗次江上處士失足沉舟底張目見五色光有人扶雙足出水中舟際立一人授之起冠幘如故舟行過群盜刺小舟如蟻截上下流處士坐舟中自如終不得近疾中之歲處士居巴陵即中老僕曰牛憂羽衣人操樓船召處士上帝多君高義辟君爲掌簿使遂發舟無何處士病會就渡觀者數千人忽童巫作神言躍數舟赴處士上帝多君高義辟君爲掌簿使君行乎

劉星

四

八

一人三子將以其年某月日舉處士喪下葬之原以吳祔嗟乎流俗靡靡其孰能不波處士獨以長者之義終庶幾乎六行具矣余私謚之曰順惠處士且爲之銘銘曰誰能遺孤亢宗收族考心則愉誰謂貨殖素封不君令名無教誰謂遂遂振乏繼絕不讓當仁誰謂節俠偃僕下人周旋無缺誰爲之前母氏娉節有開必先誰爲之後子姓阜昌胡不單厚誰謂有涯不遠丘首君子所家誰謂獨往伉儷具存千秋盼饗

林次公墓表

余在行部聞人林次公以儒行聞次公墓在壽嚴之

副墓

四卷

九

陽墓木拱矣余未及表次公墓業已去閩及令君若吾邑中乃悉次公高義余脩闕事撮其大者表之次公名迂憲字德言瀛洲人也閩人事次公謹稱瀛洲先生林氏由光州遷閩枕山則自唐左朝奉大夫穆始由枕山徙居永慶塔林則自宋尚幹子奏差始由塔林徙居瀛洲則自明賓州判第汝儀始汝儀曾孫曰允大舉明經正德中不樂干仕允大受室高氏歲癸丑正月十九次公生始在外傳輒能讀父書始勝冠輒愛詩郡博士次公卽力博士業顧獨孳孳躬躬行雅游陳貞素先生之門道益進遂婚孝子黃文會

女是爲孺人次公少孤忘日哀慕如禮繼母陳始家而寡次公獨養陳盡其驩伯季請立膳田次公不欲也卽獨子猶然膳母惡用田居常怡怡卒有急則以身蔽伯季伯旣就業次公枌季與俱日營營代季治生長則歸季從弟廷諫蚤喪父姪宗庶喪母次公視之與弟子等兩人者不啻父兄戴之宗庶李撫二孤困甚次公歲時給衣食折節而禮之庶卽遇父黨諸富人無加禮嘗倡議繕宗廟捐貲爲六役先宗人貧乏者赴次公次公無愛財力皆得濟於是人人謂次公長者出入不倍于人倫嘉靖初部使者虞公守愚督學使者潘公潢邵公銳每入學舍則交譽次公非直林生有文質行具矣卽鄉曲之譽日益起然竟以諸生終焉舍旁治小樓君令君使受業次公善顏魯公書法手書訓辭授令君乃今令君布邑中蓋家傳人誦之矣陳太史謹以童子見次公大奇之遂宿太史于家使與令君同學次公據上坐南鄉坐太史西鄉令君東鄉業必同授朝夕必同起居童僕二人其一給事令君其一給事太史太史被髮短孺人時時手櫛之其後太史舉進士第一人悉服次公蚤見隣豪蠶食次公產次公扼腕不平乃挾策手諸

副墓

四卷

十

之誓必恢復疾華舉籍目令君曰嗟乎卽吾志未得
孺子安能旣而曰而子才庶幾不負吾志歲戊戌秋
八月朔次公易袞簪正冠而終年四十六孺人終身
縞素唯立孤爲兢兢事次公寡母陳不遺餘力陳死
會歲饑孺人破產治喪一切從厚家人謂凶荒殺禮
請損之孺人泣曰凶可待豐送死何待未亡人受命
夫子終不以歲薄親歲累饑市人往往持穀償孺人
獨平價大量出之隣嫗老而貧卒待孺人舉火故豪
詐次公手劑齟齬令君令君力抗豪無所屈孺人泣
數行下戒之曰以是藐諸孤爾獨當室顧輕六尺以
當臺四卷
嘗不逞謂先君子何異日爾患非夫毋患不逞乙卯
令君舉鄉試越辛酉孺人以天年終蓋春秋老矣令
君奉父母喪合葬陳太史志而銘之居四年令君舉
進士次公凡三子三女長元立即令君次元享次元
育俱籍名博士長女適陳參政全之次適陳舉人逢
景次適高體意夫閩亦禮樂之國故多儒當世直以
仙畢爲儒惡睹儒行卽次公白首牖下所謂遠遼駕
行者非邪刑于梱內引于後人道行于妻子章章矣
次公未畢之業以俟令君不于其身于其子孫次公
之謂也往次公訓令君獨多韋氏嗟乎豈惟韋氏足

多哉

閱長孺壙志銘

海陽孺子裡生十五年而先父閱之甚則以成人葬
之告鄉大夫請志窆窆之事其言曰文徵獨子生考
季年始婚于吳不宜子考卽世尋喪吳繼室以程禱
名嶽而生是子徵大神貺命曰克裡徵母趙珍之視
裡猶視徵也裡而病殆賴母活裡能言日誦大母
德必報大母大母見倍裡哭之哀徵有事几筵裡中
夜起視裡豆惟謹徵疾病裡以身禱請代徵會宗人
構徵徵逮繫裡號泣手解金條脫奉徵獄中使人致
詞四卷
裡語曰以體素之不給請以是佐朝夕資大人幸自
寬毋寧以也比入塾日誦若干言旣而受易諸儒諸
儒以爲敏授簡使著經義言聲聲多奇薦紳學士交
譽裡閔氏有才子矣比年徵困對簿浸削故資裡汲
汲務起家念無如經術遂下帷強學游息不逞
今上二年民間以訛言趨婚嫁徵命裡逆婦辭曰兒
始成童惡得有室禮時爲大千時之謂何願得待年
以禮正始秋裡病瘦血徵召醫醫故有名謂裡脈治
徵受醫戒毋易醫旣而技窮裡死矣昔汪錡死閩仲
尼許勿殤使天薄余罰幸得存裡亦宗祐之衛也明

公志之夫長孺以承其宗下論已乃若操丈夫之志擇當務而急親親孝之屬也傷哉太學有子而不祐我則銘之銘曰謂爾有生爾歸其其謂爾無年爾壽于彭於乎其斯為孺子裡之墳

查八十傳

野史氏曰古之人不卑小道務有所成名彼操一技之術必入其室君子蓋有述也查八十名鶴休寧北門人也字廷和鶴父珂母劉氏母夢靈龜入卧內遂有身既而生男會大父華年八十大父喜命曰八十云大父以買起家鶴從父兄受買火負意氣務上人

副筆

四

十三

嘗過毘陵倡家鶴為絃歌佐客酒倡引琵琶促鶴曰攝之鶴怒祭酒謂倡他日不以此擅場有如酒時壽州鍾山琵琶最善故嘗師樂師張六老及老將謝彥明一時俠少若工師即善彈盡出山下鶴奉千金為山壽師事山無何盡得山法鶴卧起服習日夜不絕音居頃之過山遠矣山嘆曰即君吾師也山何敢為即君師於是乃過故倡倡不知也一彈而四坐辟易以為神倡蒲伏下堂涕泣莫敢仰視鶴愈益自負事畢務上人當是時滑人李貴善技擊襄陽吳奇善騎射豫章孫景善蹴鞠金陵馬清善簫吳人張大本善

琴背獨步鶴悉從之受業務盡其長客曰藝猶不免于窮吾懼吾子之力詘矣鶴乃緩一切仍專事琵琶既託賈而將所至人人親鶴之吳習祝希哲楊用脩王履吉唐伯虎文徵仲引為布衣交之大梁周王使人召鶴鶴語使者王能客鶴鶴求不能鶴畏足迹矣於是長揖而擬客坐畫王驩賓得意以倡幸鄢陵王且壘太原公子得意深自閑絕外交既聞鶴名私事鶴鶴方結客得意歲出百緡佐客資居七年事鶴唯謹得意請得備箕帚妾幸託終身鶴謝曰鶴即躬身顧自有婦卒不可入楚楚愍王遣使操幣進之斬鶴

副筆

四

十四

遂留斷辭使者及愍王弑斬人多之入廣陵大賈李從堯執贊請業鶴笑曰即得富家翁為弟子鶴將藹技千哉嘉靖中江以南競南音廢聲伎鶴且老復過金陵嘗入平康里為清彈諸美人無知者安氏媼年七十替美聞之大驚曰此先朝供奉曲也國工張大老能之客何為者既而知其鶴也起為按節相視以為知音鶴還休寧未有子繼室請置妾數以為言鶴嘆曰天地樂我以能事假我以長年廣我以交將延我以聲譽於我過矣安能復昌阜我後和日從諸少年游闔黃雀樹花不鄉人王仲芳陳達甫亦時時過

之野史氏曰世俗言琵琶夷部樂耳鶴獨以此滿絕技其專壹之效與先民或以蕙稗爲美博奕爲賢有以也昔高漸離易衣而驚坐客視鶴故倡何異焉彼以匹夫而距王公藉令事貴主以千進彼且羞爲之夫吾卿故多節俠則鶴其人乎

送鮑子良入龍山序

高皇帝下功令徧置博士諸生必其通古昔才足以決策當時然後以明經進三事卿大夫以及郎吏大率由之乃今士習卑卑務剽說以飾經藝幸而入教其中未必奇彼其通古昔才足以決策當時屈首而

副署

四丁

十五

老諸生何可勝道也

今上卽位詔郡國舉諸儒宿學特傾嚴穴之士而畢進之有司四顧躊躇卒無以應明詔夫入齊而瑟豈盡無瑟哉等者前矣余爲諸生蓋與于良同學于良通古昔才足以決策當時故司馬潘公鮑公遣其子相師友子良居常負意氣雅從邑人胡巨卿具世夫汪性夫方敬之方定之及潘叔子游其後世夫以邊吏忤上官陷非法于良與性夫計赴塞上脫之巨卿爲莒大夫延子良授莒諸生業子良絕口不言莒事莒諸生益多子良巨卿終尚書郎諸兄弟子爭爲後

莫敢定子良持大體卒擇可者後巨卿陞慶政元徽之潘叔子皆入貢定之登貴性夫業已入資爲王官子良上書謝督學使者則去歛之淳安將營龍山老矣人言鮑子奚去去者兩端歛生齒繁粟不足以支什一居民左農而右賈百詘一贏寬則詘不勝贏急則贏不勝詘淳安故歛畧也編戶少其俗務本力田鮑子居里市中游道廣矣將不給淳安地僻寡交將去泰去奢於鮑子得矣顧軀身而去父母之國謂鮑子何嗟乎許由讓帝而名箕山庾亮楚尸居而穰畏壘此兩人者非箕山畏壘產也且也魯仲連以布衣

副署

四丁

十六

羈旅之士一言而存孤趙卻虎狼秦彼操音節立名所至而功見言信匹夫之澤豈盡出顯者下哉子良故游淳安郡縣大夫數過子良於市太守張君倅魏君林君令海君卿君皆先後贊者一切以上客之禮禮之往年寇入淳安子良爲有司畫便事成要害嚴收保其年寇而不害于良與有力焉及潘大夫建議請置監兵使者卽署吾郡衢嚴之間寇由此息實用子良謀或謂子良從他人縣中央策有魯仲連風此一試也乃今擇而處此彼且以此爲箕山彼且以此爲畏壘卽旌旌所不及俎豆將焉辟之何不可也子

良謂余遂非避地為高隱也遂既倍父母十兆龍山
英焉墓側一區則遂以待窀穸遂老家食生無以承
父母驛乃今幸得卒事達二百里而去之無人予禮
遂將築一室與妻子俱生而負新拾穗以供丞宰死
則歸巾待期以從父母地下足吾事矣遂不敏安敢
望許由庚桑楚曾仲連嗟乎吾不涉俗隱不違親子
良近之矣余淺之乎識子良也余則鄙哉

詹處士傳

古者嚴事老更必有惇史乃今有言取成禮言行無
聞詹處士賓于海陽海陽之聞人也余多處士質行
屬野史載之傳曰處士名傑字存邦姓詹氏詹氏自
發慶源來徙著海陽里居負郭帶河林原皆詹氏
其先世多儒者載郡志中

副墨

四卷

十七

高皇帝初詹安以鐵冶起富安生道魁然七尺以長
有司召補博士諸生民間子弟多亡匿道獨自負遂
補縣諸生會詔起閭閻右部丁夫往安仲子坐
不如法賜死檄戶丁更之道應檄踐更功成賜爵一
級時草澤多竊發道帥閭閻戍守有保禦功道生楚
楚生起個儻有大父風是生處士起少孤分金多讓
伯氏復用鐵冶起累不貲正德中饒源賊薄縣界縣

副墨

四卷

十八

令唐君急募良家子入行間當是時起年六十獨持
矛應募處士年十二編伍中令募富民給軍儲起出
千金餉士於是豪傑響應賊遂卻保境內完處士年
十八賈閭越間里人盜處士父金事覺仇者恫盜彼
亡金寧舍汝和若不死獄則死徒死劍無辜蚤自決
為子孫利盜遂自殺仇者主盜妻子誣執處士父殺
人令故睥睨詹氏饒遂下處士父獄無疏戚少長悉
收之時處士自閭越趨歸赴父獄客附處士耳語若
幸免坐柰何自投柙中處士泣曰父無辜終不令父
獨死乃赴令白父冤語侵令令怒杖五十處士執詞
如初令賢之卒脫處士父罪處士由此知名矣初處
士喜任放才伎傾諸少年又以酒豪一飲輒盡數斗
既而喜任俠遂斷酒諸少年鄉人情辭幸得處士
一言而解處士面折嫚罵不能容然無他勝聞者莫
不蒲伏處士行年五十不欲仕念是非杜門而居謝
諸俠客處士學未卒業往往宣合古人母病決則為
父母嘗驚聞雷震則之母墓下守之伯兄王溺堪輿
家言父喪未舉處士日從容與伯兄語且泣曰伯兄
春秋高傑亦垂老即有不測謂大事何伯兄然之乃
始十兆卜者夜造處士私語曰兆吉利少公多處士

驚曰兄弟一鉢耳節不利長而利少無不利大焉且日徧謁諸刑家按之必兩利乃從卜居家以莊憚二子若諸子遊卽不羈亡敢謁處士仲子景鳳多材伎處士日程督仲子居樓中樓中徧置籩簞獨衡一几牖下使脩業客爲仲子請幸以寬處士叱曰伊耆氏不以茅屋而敗崇高孺子何有上初卽位仲子與計偕處士遇仲子如初不假貸其天性固若此然獨急人之困歲侵則出粟戶賑之里人祝曰處士先世皆高年父兄皆九十以上處士席故業而脩德倍之卽百歲不啻也余觀古昔耆舊之士非直爲名高也出副墨

卷四

十九

入必軌於人倫處士少年輕身而徇父難季年折節負俗務引其子于正經此古所謂端人於人倫厚矣乃今鄉曲長老率與俗浮沉而無當于繩墨處士然乎哉

溪南江氏族譜序

昔方伯居廬帥宗人立祖廟其後方伯謁告籍譽宗而譜之譜成則以觀汪伯子伯子卒業作而言曰道昆聞之尊祖故敬宗敬宗故收族夫世窮則澤熄澤熄則忘親盡則疏疏則無紀故尊祖則有廟饗收族則有宗盟夫旣廟之又從而譜之神人和幽明洽矣

許由有言有族有祖祖者祖也義重則尸仁輕則祧高曾而上無得而稱雖有慈孫其于著存何有乃今聚族而居父兄子弟咸在出入則同吉凶慶吊則同序事則同堂會食則同席由是而反其所自始儼然如將見之收族故宗廟嚴非虛語矣客曰在譜別子爲禎繼別爲卽伯季皆禎出也或在發源或在開化開足而立莫不阜昌合之則大宗矣譜不之載何居伯子曰仲尼作春秋舍列國而宗魯周禮在魯於是乎宗魯宗而列國舉矣古者國有國史家亦宜然譜者史之流也有人於此以縣寓爲家以昊天爲祖以四海爲兄弟以爲獸爲同群合倂爲公誰曰不可顧鄉隣爾戶室中勃僎事之必至者也故同之則楚越非異異之則肝膽非同與其以異而同無寧以同而異作者辨諸此矣客曰江故蕭氏著于漢顯于梁其在遺策可攷已乃今由唐以上不籍本始之謂何曰仲尼誦法先王三墳五典具在刪書則自堯舜始其斯信而有徵乎江氏由唐以迄于今可以考信作者唯傳信之務則始終於唐蓋其慎也仲尼居魯魯秉周禮則宗之禘則傷之夫魯非后稷之裔文之昭與尚安事禘客唯唯於是與之觀譜例嘆曰善哉而

卷四

廿

柳婉而廉疏而有則法之可也與之觀世系歟曰選
哉林林乎歷世二十有五歷年七百存歿無慮八百
有奇若字若官若昭穆若婚姻若丘墓若婦若不婦
若為人後若後人指諸掌矣與之觀撰述曰萬全之
烈巨卿之勲國士也民鑒而在山林其有興乎君子
以是知江氏之多材也與之觀制曰王章也其有家
之華與與之觀訓掩卷而嘆曰洋洋乎大哉有道者
之言宗之庇也力是數者可以亢宗矣容曰善哉觀
也觀盡於此乎曰何可盡也古者敦睦以合族君子
難之夫合族之難非合之難也以身範族之難也非

副墨

卷四

廿一

身範之難也能以族範身之難也夫故族大則張小
則削富則豪舉貧則恣睢張而折之則行違削而振
之則力詘語之勤禮則富者以為負俗語之勤力則
貧者以為薄施示之纖儉彼或以為孱藏示之廉貞
彼或以為要譽故勇可以奪三軍而不可以加九族
力可以抗萬乘而不可以弼周親顧躬行何如耳夫
鵠鵠非族也而胥化螺螄非類也視而肖焉雖其有
之是以事之躬行之謂也作者豈有之矣特無似乎
方伯降席稽首曰伯子之及此言也舉宗之德也抑
世世誦之勿絕豈惟珍

紫陽書院會錄序

今上政元脩

先帝之業申布功令廣厲博士諸生郡大夫入新都
與詔會郡大夫則以先儒父母之國

高皇帝首善在焉乃今責在守臣其何以奉明詔於
是宜

上德意務振起儒林其年籍上太常郡人士為盛明
年夏進七校諸生畢試之又明年春置諸生高等講
業紫陽書院議上督學使者得七十七人則皆造紫
陽北面受教郡大夫宣言曰記有之粵無縛秦無廬

副墨

卷四

廿二

秦粵非無縛也廬也夫人而能為縛也廬也朱子由
新都起夫非秦粵之般鍾乎語文學於新都則夫人
能矣雖有良工不廢繩墨雖有良冶不廢鑪錘言專
習也自今與多士約居有廬食有餼則在有司會有
期執有業功有程則在諸文學月終就郡中試則不
佞若二三大夫多士勉矣多士退而相齒繫姓名第
少長籍而記之籍成則以屬道昆為序嗟乎世所謂
良二千石日孳孳治程書彼方以俎豆為飽冰無問
逢掖郡大夫顧獨以文學興吏治多士幸哉昔仲尼
之徒多在魯國受業身通者七十七人

第令嚮用亦將有志乎三代之英當是時回以爲邦
賜以專對由以治賦求以理財視禹稷夷夔隆乎其
後使得見諸行事非徒託諸空言耳由漢以下諸儒
無慮百家至朱子爲之折衷而後衆言乃定于一蓋
六經之擯詔孔氏之宗臣也彼其及門之士往往在
閩越間大都守在一隅徧以吾道爲口實道合則與
不合則非紛紛說辭其於通何有如使得志直以
土鼓而諧八音吾懼其所習非所用也而閩越乃竊
比於鄒魯其然乎其然乎我國家以經術論士士壹
以經術發家若諸有名公卿大夫其功用較然可觀

副墨 卷四

廿三

顧景繁子進單出一塗甚或竊膏沐倚市門幸得一
當蹇脩他不逞恤及既遇合將一洗而棄之經術之
謂何何論六藝乃今遇縉紳學士與之語回賜退然
避席不居與之語閩越諸門人頷之而已夫旣高視
閩越顧猶沿當世而趨下流非夫也郡大夫奉
天子明詔簡多士而程督之則以多士務正學操異
能斌斌皆仲尼之徒也概諸六藝抑亦身通乎其未
邪石無當於玉而玉可攻麻無當於蓬而蓬其直三
人行而得師者二况多士乎新都山水隩區其人民
土俗郡大夫亟稱之矣多士疇肯自許曾何有待而

後興乃今明詔詔之郡大夫奉而行之諸文學童之
良友輔之猶之鑾和在車執策而臨大道或推或輓
焉往而不宜夫以鄒魯則肥于周以閩越則錮于宋
資不逢世至今猶或傷之

今天子聖明群臣求賢如不及時難得而易失多士
念哉當世不患無資顧所養何如耳郡大夫之爲多
士養也本之以躬行先之以經術博之以脩古笑之
以當時至備矣多士第善自養朝夕相與脩之居則
樂群出則戮力得時而駕豈不千里乎哉他日按籍
而名曰大夫郡大夫所養士也大夫新都產也朱子

副墨 卷四

廿四

卿人也夫夫仲尼之徒非直閩越之士也當世亦將
多士是賴豈惟郡大夫郡大夫謝曰昔聞洛陽潁川
皆居泊郡第一隸川以經術著洛陽則以賈生知名
吳廷尉多賈生召置門下其後言之文帝乃進用生
生以彼其材蓋不負所舉矣不佞何敢望黃霸誠願
得士如賈生不佞待罪守臣庶幾可以答明詔善矣
至若其志三代尚友仲尼之徒善之善者也多士幸
而出此謂不佞何道昆則以爲長者之言謹書而策
郡大夫姓段氏名朝宗關西人由給事中出守吾郡

游城陽山記

余自歷東南盡山澤歸息雲門之下將從七聖而游
彼方道遠乎亡何有之鄉卒不至詎五月朔有事城
陽結客與俱必皆莫逆邑中則王仲房江民璞吳虎
臣及余仲氏海陽則陳夫人達甫詹東園陳仲魚會
民璞奉檄且行舍民璞七人而已程思玄請爲東道
主以舟楫從遂爲約曰晦日癸卯其皆會由溪詰旦
以舟行後至者毋與皆曰如約東園家夫人壽不果
來仲房客郡中不報壬寅余將仲氏先至次虎臣至
主人紹介見程子方子方習仲房主人諸兄也晦日
雨甚度夫人無行泊日中夫人至下車意氣勃勃余
心壯之旦日霽登錫山其上詞事東吳迄今血食出
祠東上擢高丘山林川澤田里鄉閭可一眴盡也余
就主人與語是宜亭主人敬諾頃之舟波長沙里過
民璞於家既授餐相與陟仙人石虎臣被酒衣短衣
游田間余從民璞先驅取徑吳生所其居竹埤蓬戶
一室置灌木中吳先生乃得徑旣至二石離立如洞
門攝袂而升群石如壘一石亭亭中立如偉丈夫余
脫屣先登次者仲氏踞其上仰視雲物俯視鄉遂立
壺亦一奇也仲氏劃然長嘯作裂石聲下遇虎臣吳
生與之揖不答旣而知其狂簡目攝之虎臣挾一蒼

劉夢

卷四

廿五

頭扶掖而躡石上北鄉拜呼江山人者三山人爲
余故人捐館舍五年矣山人善爾述語在傳中余先
入舟過孫從周別業從周種竹四十畝其中爲草堂
徃余嘗宿草堂今信矣明日舟發登鄭公釣臺東十
里泊王潭過仲房不遇書其門而去不告姓名東十
五里登岑山余舊游也山峙中流故勝五里艤舟南
山之麓遂舍舟余童年謁仙翁祠其像黃衣黃冠仙
仙如也今祠視昔湫隘尸祝乃攝世衣冠土人謂舊
祠災則皆更置余從諸君子拜祠下酌水獻之禮成
虎臣東鄉哭仲氏倚柱大笑皆若狂土人瞪目聚觀
乃大駭余告之曰此兩人者酒人也在燕爲荆卿在
晉爲阮氏今復起矣天且雨余乘橋先舉趾浸高百
仞而始一息下視西南面明者十七城者什三
後夫番休踰踰而進百仞路益險舉趾益高再息始
見東南隅三隅明滅者半番休而從烏道舉趾當宵
又百仞而險始窮得大阜後夫力詘相與班荆四顧
大鄣在東天都在北山以北烏聊中峙郡城依之西
則白嶽黃羅南則南原十九揚之水自東至曹藥水
自西至漸江水西南至林林乎總總乎不啻百里觀
也循崖西行得仙翁故趾趾方百步四面墳起如堵

劉夢

卷四

廿六

塙方澤中有神魚類腹四足澤涸而蛭生不絕其旌
陽艤之類與余誦遠將之章命秦青為游仙曲頃
之雨集相戒趣行子方著從事衫鳥舉先下次則皆
魚問曰夫子雅不言神仙胡為此遊也嗟乎吾郡中
擁閼久矣先民無得而稱仙翁崛起南山遂用稱詩
傾太白負新沽酒樂以忘年爾然隱君子也黃帝聖
矣北面空同堯師箕山舜友石戶此皆以至德而下
巖穴況其它乎即吾黨不得與仙翁同時幸而同產
吾因是以虛往吾因是以實歸矣不可也仲魚唯唯

副墨

四卷

廿七

舟宿浦口雨終夜不絕聲余笑曰頃吾嘗謂仙翁失
人奈何聽雨師逐客嚮猶幸須臾無雨乃得畢登今
則舟游無苦耳客謂舟游樂矣宜莫如江湖余曰不
然此小大之辨耳孟諸雲裳震澤之數廣陵之濤非
不洋洋乎大也設有不戒乘危之謂何吳越多濁流
饒曠土即坐馳千里曾無快于人心新安江水至清
自昔稱之矣乃今浮黃石而下舟若馬川若陵止若
空湍若飛雪水上長林若步障方若堂皇遠山若蛾
眉近若舞袖里戶疏茂相望若棋置臨流若入鏡中
觀者口不及談目不及瞬樂矣樂矣生平慕鵝茨子

即得舟楫吾何議焉主人曰善某請以舟楫從明日
沂漁梁相與別主人而去

明故太學周君配徐氏沈氏合墓志銘

上三年夏六月余卧病洪中進士周伯子至自海寧
謁余志父母墓嗟乎伯子召苦塊歷索阻儼然哀戚
臨之即余不佞無能文敢不敬諾志曰太學姓周氏
名旬字惟治海寧人也父易母孫氏出名家外大父
璋舉賢良外曾大父子良舉進士兩世參知政事母
承禮教以婉婉聞弘治癸丑生太學父豪宦雅游倡
家大父敬督過之且譙責母母退而從容諷止父無

副墨

四卷

廿八

違言無何父約一姬武林倡也大父操父益急必出
姬毋歸告賢良公幸語舅碩寬一女子安良人賢良
公以為言大父不許父鬱鬱卒死武林母匍匐奔父
喪願俱死賢良公謂母舅姑老子藐然孤第蒿目立
周宗無徒溝瀆為也母唯唯賤人宋事母樹內與母
俱大父叱曰而婢也且未有子守者何宋斷髮自盟
卒相守當是時母年二十有六宋十有九耳頃之喪
大父三發人獨拊太學焚氣相依太學始髫齔執縣
役以催租事先辦縣大夫勞之庭稍長從役武林舍
人女來奔距不內詰朝徙他舍終不言中貴人畢真

鎮浙江開告密仇者中太學真發卒捕之人人爲太
學危第亡去太學謝曰太母母在獨奈何亡遂挺身
赴真無所憚會真敗乃還周氏故聚族居洛塘延袤
五里門戶盛矣然皆不事詩書太學崛起閭閻務佔
畢卽獨辭隱約一切有概於中自經史以及伯家悉
窺大較其稱詩法江潭彭澤摹古書法晉人卿先
達即文僖見而奇之勸就經術文信故從越人張先
生受易紹介及門太學囊括舊聞神說皆莫逆始
受簡者經生義門下皆驚日挾策琅琅出金石聲策
立盡隨諸筵中疑義輒抵掌可談明年補博士諸生

副墨

卷四

廿九

既而進舉有司皆不合會王文盛講學東越太學乃
從之游居門下十年躬行益進及文成奉命討岑猛
將行太學進曰夫子有事田州先帝震矣乃猶攝儒
衣冠日接來學假令荆楚起念卒謂節鉞何文成以
爲知兵宜置帷帳顧有老母不忍言故侍卽陳公督
學浙江太學舉文行第一庚子歲中選卒棄不收於
是上書謝學官請終養母曰卽孺子強學交游不出
鄉閭間第受業大司成友天下士遂應命而趨太學
行有期群盜猝至家劫太學客甚太學從容笑曰書
生惟行資若干縑米若干石足爲諸豪取酒資母憫

吾母盜散去且日遂行歸而母以天年終輒棄故業
著書操履士之慕不求知名初太學受室于徐尚書
卽永姊也徐從太學事大母事母以孝謹著始太學
習書法徐輒通書太學習醫上諸家徐輒旁通醫卜
太學丁年就舉子業聖人姆笑之徐獨推轂太學徐
舉子皆不育大以爲憂嘉靖丁亥卒獨遺一女太學
善視之繼室沈歸附遺女恩倍已出女既字沈治裝
獨陰厚女不使聞越十六載沈始生有子啟祥又六
載而生仲子縣諸生故祥辛亥沈偕太學伯子僅八
年居喪若成人哀毀不輟太學聞之甚不復我皆習

副墨

卷四

卅

知伯子才醇謹類已居常以身爲率出入不俱延師
授經不遺餘力於是名士畢致業乃益精隆慶改元
伯子與計偕詣闕下意親老卽得籍名大宗伯不對
公車而還太學語曰吾母忍百死以立遺孤非吾母
無以至今日徃吾母卽世所部業已表吾閭而藉先
世之靈幸得通籍並以狀上

入子庶幾得及于覃恩吾他日目瞑矣明年伯子舉
進士方上書聞太學病痺輒請急部檄始下遂聞喪
其年太學春秋七十六矣病革舉季子未及名蓋好
子也太學質行本於天性尤汲汲於人倫嘗爲大母

晚元三發三晚母病諸姬侍卧起者二年出一
幸姬以懲怠者既舉子輒以禮遣諸姬然才能高有
心計若國事興革大體兵家便宜叩之響應既於不
試惜也其摘詞執藝往往在遺書伯子又謂先太學
生十年輒莖王父開坎有水潤當事人急以統梓去
之先太學頃足曰坎既封潤如故耳奈何當事人吐
曰兒何知竟掩坎先太學志之心矣居十載博習堪
輿家言於是卜臯亭山得穴吉遂舉王父喪以塋因
號亭山又以洛塘故居不宜子乃北去五里徙舍居
之先太學自信不疑然卒安利今墓去五里而近負
副墨 四卷

甲抱庚先太學所自擇也左徐母右沈母不孝孤以
某月某日先奉太學喪居中焚焉願為之銘死且不
朽余敬諾銘曰謂爾肝肝擇地而趨謂爾拘拘轉若
戶樞孰造爾家叶緊母之劬孰大爾闔之子路車爾
色則愉爾謨則訂延爾終譽叶副爾求圖夏屋渠渠
周原一隅展也偕老其樂只且

養生契

家大夫學道東海之上遇至人僊僊乎歸大藥可計
日就也越十年而有難色禁勿談即其技單其神王
矣顧未艾而艾視夫人無異能焉母弟曰胡長公少

為淮海大賈日飲而傾四坐為酒人雄夜歸狹和二
八更侍欲至奢也行年六十而始艾猶然甘酒而嬖
御人夫養生莫善于家大夫莫不善于舅氏兩人者
血氣等盛筋力等強斑白淹速有差何相詭也黃庭
君曰襄陽公多智人也故多思多智多思多勞
時而忽忽時而營營朝握髮而昔稿矣長公負盛氣
倜儻不羈遊田而無以為家睚眦自若獨幽呼酒召
諸客曰來吾與公等飲耳或構叔氏因而窘辱長公
人將不堪長公睚眦自若獨亟呼酒召諸客曰來吾
與公等飲耳其善自寬若此夫心勞則形易敝逸則

全此其較也襄陽公有弟同齋而黔者長公有少弟
白首先之勞佚之徵何論血氣曼室曰固也余小子
侗然者也孩若犢童若駒結髮而受事若繫匏瓜事
畢若芻狗歸而周游若麋鹿之適草若若斤鷄所
思不越乎榆枋絕智屏思庶幾乎渾沌氏之術乃今
父母兄弟具在四十而見二毛敝無日矣何故哉黃
庭君曰噫君子過矣爾將以為絕智顧未能忘是非
爾將以為屏思顧未能忘古昔惑且勞茲甚謂養生
何軒輊氏有言毋勞爾形毋挫爾精乃可以長生爾
默默爾冥冥爾母以堅白鳴其天全矣曼室曰固也

舅氏不務重積左儀狄右麗姬勞之摧之何不用也
顧行年六十而始艾宜無當于軒轅氏之言黃庭君
曰不然請借佛爲喻佛子以身事佛唯飲食男女爲
兢兢所謂持戒也戒則定定則忘未至於忘猶知飲
食男女在也忘則無醜毒無醜無甲其無祗席諸
漏盡矣是故具信心者戒具深心者定具解脫者忘
忘無心也諸佛無漏往往順事而逆施之不知所戒
尚安事持不知所持尚安事定非解脫寧詎能平善
乎管夷吾之論養生肆之而已朝穆妄自輕而困子
產鄧析直以爲聖人則長公之徒也何謂形何謂精

副墨

卷四

廿三

曼室退而有失曰異哉舅氏沿波流登彼岬矣舅氏
聞之喜舉卮酒進宴人脩樂事如故

汪處士傳

世宗末年處士春秋九十矣有司奉詔令賜爵一級
郡大夫以三老之禮禮之古者耆老乞言皆有惇史
處士高年誦義義甚高余故稱載其爲人以待上之
憲老者處士名通保字處全姓汪氏歙縣鎮人也其
先由塘模析居巖鎮蓋余同宗云處士始成童以積
著居上海個儉負大節傾賢豪上海人多處士能爭
附處士初處士受賈資不喻中人既日益饒附處士

者日益繁處士乃就彼中治垣屋部署諸子第四面
閭戶以居客至則四面應之戶無留後處士與諸子
第約居他縣毋操利權出母錢母以苦雜良毋短少
收子錢毋入奇羨毋以日計取盈於是人人歸市如
流旁郡邑皆至居有頃乃大饒里中富人無出處士
右者處士喜施子務振人之窮舉宗或不能喪則置
封域予葬地不能舉火則置田予之租出入遇僵屍
則屬傭人瘞之予之直嘉靖中歲大旱太守議發倉
處士則以不便於民乃以策于太守饑民自百里外
待命郡中卽無留行猶懼無及于死假令坐斃以待

副墨

卷四

廿四

升斗如溝壑何請易粟爲金就而散之四竟富民各
輸金以助不足其請以百金先太守用其言民大稱
便旣而又就里中設糜粥餓餓人上海亦如里中
外多所全活吳會洞涇橋壞費百緡新之歸則場田
由溪各爲橋處士皆出百緡以唱義舉處士嘗夢三
羽人就舍旦日得繪事與夢符則以爲神事之謹其
後幾中他人毒賴覆毒乃免災嘗出卅陽車人將不
利處士詔失道旣而遇一老父乃覺之處士自謂幸
保餘年莫非神助乃就獅山建三元廟費數千金疏
聞

世宗賜額曰顯應凡諸水旱疾苦里人皆造馬豪右
侵靈山宗祠沒葉村先世墓處士不憚財力畢復之
於是中外皆曰處士好義人也烏夷入上海諸子弟
大亡其財處士居自如置勿問里人皆來謁相語曰
丈人善自寬此猶馬體拔一毛耳處士笑曰皮之不
存毛將安傅皮且盡何論毛顧彼儻然而來非吾始
願所及今夫猶然不失故吾吾無憾耳無何業復
起處士居自如人謂處自羸詘不入于心達人也中
外有構幸處士居其間卽構者紛紛可立解徐令居
上海繫朱氏子斃獄中朱氏請闕下上書持令急上

列聖

四卷

卅五

海諸人大夫三老豪傑爭赴令願爲冷貨朱氏千金
乃相與謀必處士來乃解旣而處士出朱氏聽之會
令徙官諸士大夫三老豪傑皆散去處士嘆曰千金
易得耳終不以一諾負之處士乃出千金卒脫令令
尋罷處士未嘗以爲言居二年徐奉千金歸處士朱
方竭田私開運千人有司論禍福百端不相下乃殯
處士處士遺履尺書平之其後世爲臨河叢睦坊議
和悉聽處士中外皆曰處士解紛排難慷慨有國士
風卽古人不啻也居常負意氣喜與諸俠少游季年
猶善博奕務持勝負往亡終夜不休諸俠必謂處士

非常人殆天授耳乃今處士庶幾百歲子孫居庭下
無慮三十餘曾得全全昌處士之謂也汪伯子曰莊
周所稱榮啓期之屬豈不名高顧山林枯槁者之爲
無所用於世夷門監者自託於節俠卒之以黃髮而
徇然詰儒者猶或非之乃若涉世而不污多財而好
行其德此真處士事也視彼郭劇豪舉且臣虜之矣
何俠邪

御史大夫思質王公奏議序

上卽位初脩

先帝之治故臣死非法者悉追錄之臣世貞世懋上

列聖

四卷

卅六

言先臣忤受知

先帝往往著尺寸功坐失當事者心中之法詔諭故
御史大夫功狀復其官二子次公奏議數十百篇登
簡記余受而卒業蓋不知涕霑襟云嗟乎人臣之進
言難矣居常而危明主臨不測而批逆鱗此爭臣事
也言聽則利社稷不聽則死生以之卽自輕唯此七
尺軀耳乃若封疆之臣守在多壘外患猝至不暇豫
謀彼皇皇枹鼓之間決策千里之外上陳常否下繫
安危此之爲難難之難者也唯直亮通明之士狗上
急而後其身炳幾先而冥中其會庶幾乎勝任矣初

公爲御史暨直言得爭臣體及虜入烽火格于知關公自軍中以聞遂登陴而厲城守此何時也公于是有通州之役大將軍新集士馬芻粟不支

先帝方賢過行間人不自保又何時也公于是有軍諸之役島夷犯吳越騷動東南民不知兵無能救死于其頸時事急矣公于是有東南之役已而雲中急則徙雲中遼薊急則徙遼薊其難可知也乃今觀其所指畫省若括轉若樞斷若折薪料敵形若觀火無論直亮之節通明之才當其時勞苦功高猶可概見彼諸人者卒以一青掩之嘻太甚矣譬之射者左布

副墨

四卷

卅七

侯則命之中侯右布鵠則命之中鵠置七札則命之貫札百步而置楊葉則又命之穿楊通命而通應之不遺餘力一不中命睚眦者幸得而甘心公無死所矣景帝故知御史大夫晁錯袁盎間而殺之七國方以錯爲兵端其間易入固也往錯數以策于文帝卒不用其言景帝新立錯用事淺而言深故不免耳通州之成

先帝當展而署姓名由直指拜御史大夫由東南歷試西北則皆

先帝意也不可謂不知矣乃公小用則小利大用則

大利不可謂不効矣顧憾者當事其權倍益且什之乘間投人鮮不中者卒之鄧公明錯無罪而盡死國門天定勝人固非虛語

先帝法當事者具五刑

上錄御史大夫二子方以國士嚮用天道于今烈矣惡在其能勝天邪余觀錯所上書論兵者誦之勿絕要以功見言信公視錯猶賢史臣方執簡記錄先帝骨鯁之臣如其文獻足徵則御史大夫在

明故中憲大夫都察院右僉都御史齊襄先生

吳公行狀

副墨

四卷

卅八

隆慶三年春二月甲子故都察院右僉都御史齊襄先生卒于家春秋五十六耳諸子將奉大事屬余小子布狀行且謁張相君茂宗伯爲碑爲銘昔在南宮三人皆出先生門下卽余小子無能爲役其何敢辭先生諱維嶽字峻伯孝豐人姓吳氏其先自淮海扈宋南渡居孝豐明興先生六世諸祖並顯其一歷通政司參政其一守萊州至大父吏部公家大起吏部公二子並登進士長公麟由御史歷山東按察司副使以親老乞歸次公龍由吏部郎中歷參政吏部公賜爵如子配張氏封宜人當是時門戶赫然盛

人夢天女授美子曰帝昇女孫於是冢婦方恭人有身以正德九年六月四日舉子宜人昔夢庭下立柱石千仞上屬于天長公亦夢舍後山高出雲端巖巖嶽立則以爲貴徵也因命名奇之先生頎而莊英氣勃勃始就外傳日誦數千言始勝冠輒起民間首諸生籍嘉靖丁酉鄉試先生以執禮舉第五人明年舉進士除江陰縣令操法得民會汰賊僭號反崇明與縣夾江相距縣故無城郭先生躬率甲士謹備之賊無敢犯江陰完境內三載應召得刑部尚書即先生明習法家主部尚書奏議詔定問刑條例部尚書舉

刑部

卷九

以屬吳即於是吳即具葉部尚書籍上之大稱肯著爲憲令庚戌虜大入詔狀兵部尚書坐吏議輕連議者吳即從容上疏曰尚書無他獨事重重發耳不聽然廷中獨多吳即慮囚江西囚得從末減者萬五百仇者侵徐滾母塚滾殺之先生當日滾以母故殺人且侵塚在辟滾得免劉福德讓里媼子不孝里媼子出惡言禍德怒歐殺里媼子先生當日誅不孝奈何與不孝子等死和從輕議釋之某月而徧印中法無不當既歸省居大父及父母喪泣血三年目幾眇喪畢浦駕部尋轉按察司副使督學山東先生下車撫

功令唯謹謁闕里徘徊洙泗鄒嶧之間檄孔顏孟三氏教授司定約法勒石學舍宣言曰建首善請自三氏始其世世守之廣厲諸生務在躬化所至左右文行無不當于人心追祀名宦鄉賢表章節義齊魯之士丞丞鄉風居五年進湖廣布政司右叅政尋進江西按察司按察使已復拜都察院右叅都御史巡撫貴州言者謂三省竝建撫臣請罷督府廷議貴州當楚蜀之會今巡撫具文武材其以川東湖北轄貴州罷督府便先生上便宜五事

刑部

卷九

卷九

上納之貴州半雜夷道多剽掠乃馳羽檄分道遣林官護游校偵察之嚴踐更懸賞格夷寨各立夷長籍記寨中諸夷若干人保界分區界內有犯坐夷長於是諸夷無敢竊發道乃通夷酋楊珂仇其叔進雄據六洞先生則以進雄故立珂爲後後有子欲殺珂諸夷將釋憾於進雄無所發珂急率憾者距進雄歷十有七年當事者議未決乃授有司方畧責珂降珂乃面縛伏辜待以不死事上詔賜白金文綺論功有差於是先生部署諸夷法不軌者時王世麒叛清浪宋廷武宋鳴宋驚叛草塘王阿利等叛平伐先生策曰世麒祖父逆節父漏天誅乃今濟惡不悛亟誅世麒

以正國法諸宋由爭襲起黔蜀觀望三十餘年出其
不意急縛之一旅足矣平伐負固爲嚮可襲而禽於
是斬世祺捕廷武鳴鶴伴阿利境內悉平會有人言
先生以改南去先是先生聞仲第維庭病甚則自江
西趣歸未至而仲亡哀之甚會程期急尋以單車赴
貴州居常念仲不忘食浸減羸瘠至先生頻首曰臣
不幸有狗馬病使臣得歸骸骨終餘年君之賜也先
生疆直方正不取苟容初對公車長公所善故人在
供奉先生無私謁心望之先生射策得當執政間且
薦高等故人匿先生牘遂不前居江陰會舒御史江
行縣故事御史謁廟縣官長跪候車御方歸訖諸縣
官暴甚先生倡言曰天子置縣官南面而臨百里且
先師在奈何曲踞而峨橋門御史目攝之然卒未有
以中也始爲郎吏部尚書熊公浹請以吳郎調吏部
生不拜嚴相國議格不行嚴相國屬先生序鈴山詩
先生固辭謝留山東不調客以行間說先生先生謝
曰僕待罪儒宗終不以善仕而間相國坐泰安州試
士段御史顧言按部且來有司請避舍以居不許藩
臬大夫畢從御史登岱先生獨留不行及赴江西監
司遇御史京口前驅不避御史御史憮之

上遣使者出貴州使者失望尋中以飛語御史亦倡
議南中嗟乎直道不容卽明時不免耳始歸田里季
弟維京亦自禮部移官先生語曰吾結髮入官齒駸
駸暮矣自今惟日討諸子而訓忠孝力耕稼供田租
此吾事也季齒壯其母忘先業以報國家比年讀書
灌園將以家食老矣季轉南京刑部省先生于家會
先生哭嚴氏女過哀病大作踰月而病革召季及諸
子屬後事語甚詳顧謂鄉人某子甲往饋朱衣母以
歛乃瞑先生受室長興臧氏封安人贈恭人舉子男
一人女三人其父應奎故以禮部主事諱
先帝
今上卽位贈光祿寺少卿繼恭人陳氏爲永嘉萬戶
缺女舉子男二人女一人長子稼端補縣諸生娶歸
安陸侍郎穩女次稼翊聘秀水項吏部治女次稼澄
聘烏程閔茂才一在女長女適華亭太學生馮繼可
次適烏程太學生茅用吉次字烏程閔世南先生家
世蓋州顧折節務恭儉年少嫻于文學終其身不衰
始從宦京師執舉子業師事袁即泰莊卽用賓旣而
講德脩辭師事毗陵唐太史應德從毗陵諸令善臨
川徐良傳臨胸馮惟訥從諸尚書卽善濟南李攀龍

江東王世貞武昌吳國倫廣陵宗臣朱曰藩當是時
濟南江東竝以追古稱作者先生即遠遼師古然猶
以師心爲能其持論宗毗陵其獨造蓋有足多者乃
今遺文具在大都載奏議及歲編中

輶中集序

今上詔脩

先帝實錄下諸部督學使者承拾以聞南畿爲

高皇帝舊都自昔以文獻甲天下部使者在事召江
都文學歐大任任之文學奉檄入都得挾日而畢事

伏軾所至謁

輶車

輶中集

序

園陵望宮闕歷名山大澤周游薦紳學士及諸故人
稱詩凡若干言則自輶中授弟子既成籍介吳生謁
余序之往余從文學卿大夫得文學高義時文學留
滯都市則又得文學都市詩卽南海多奇宜莫如文
學及余從三山索文學語在集中文學善稱詩往往
在都人士口當世二三作者莫不推轂文學爭下之
其在輶中不更傑可數矣昔班固張衡左思竝以名
都賦顯豈不鉅麗乎哉夫賦者古詩之流具在風雅
古之行役者大都憂王室而閔勞情用見乎詩文事
枝葉諸賦不遺餘力夫非作者之極思與不誣情

則枝葉茂矣文學陸沉淮海翩翩諸博士間乃今海
內治安舊都不啻天府文學載筆從事幸得託行役
而畢游觀誦其詩則所謂治世之音矣方之諸賦卽
廣狹不同要以因事陳辭務在言志雖意氣溢發而
壹歸于雅馴譬之安車蒲輪大路越席得時而駕豈
必九旂七就而後行遠乎嗟乎壅壅河洛之都鼎足
之業其間多所湮滅而諸賦炳焉獨存概於立言則
不朽之效也文學官薄顧于千安之殆將爲名高希
不朽耳乃今所就業五侯七貴何有哉如使畢力以
從古人庶幾得當大舉語曰鸞鳥累百不如一鶚文
學幸而出此卽當世何讓焉吳生曰善

潘天夫汪公六十壽序

今上四年海陽潘大夫汪公春秋六十矣戴錫紹介
而抵不佞顧乞一言以壽公公不佞宗人也不佞結
髮而事

先帝舉宗仕者凡十餘曹公始爲戶部尚書卽以材
取重房冬入薄西北關大司馬翁公行邊召諸兵樂
廣昌平主餉者聞生坐事不辨幾自裁都尚書急昌
則以公代公謁大司馬宣言曰故事秋後弛關宜
無事餉房今非時至乃復徵諸將其假令餉如丘山

非可以一朝給也請令近者就食遠者輓芻粟給之於事便大司馬謂善乃悉聽公公下令募民間出車十五百乘中夜至詰朝朝食芻粟悉至軍中近者得從便宜移軍就食詔以諸陵軍乘障塞卻檄下諸陵軍得支行糧公曰諸陵軍直以衛諸陵乘障塞固所以爲衛耳安得藉口客兵索行糧諸陵軍譟市中公上疏得請乃罷及虜遁歲省不下五萬緡尋轉福建按察司僉事分部福寧閩中方議徵海上兵備福寧州距倭夷南下公獨持不可將上視邊關不同夷舟順風而馳所至皆戰地徒備福寧州無爲也既而同

訓纂

卷五

五

安告急公出獄囚以出海抵罪者令殺賊自贖遂追擊賊大破之會故太宰屏君旣寧公操法及復起進公貴州布政司參議已復罷公其後八年不佞以副使分部福寧則公舊部也公約法具在閩人往往誦公海上功當是時太宰陷不辜久矣今之從事厥有二難治餉治兵是已兩者卒然而至不暇豫謀乃若以詘舉羸以弱制勝難之難者也公治餉而卻虜治兵而破島夷藉第令在事而公之志得行卽主計運籌庶幾乎社稷之役彼其太宰固中道沮之何補心一至此耳夫干將之利也何有不割哉新蔡於剛

卽能剖王斷犀足矣與其盡利而戕且缺無寧善而藏之騏驎騰驤汗血而示千里亦可以逞與其力盡而至於敗無寧稅駕而休之何者寶千將而不盡其利寶駢驥而不盡其材壽之道也天授公以多材而不盡其用非壽徵與夫以公之遇旣寧視賈生之遇絳灌其不得志同矣賈生治安之策不試卒發憤以隕生非壽類也公退而家食睢睢肝肝足跡不及公門姓名不恩市井行年六十血氣克盈所謂脩道以養壽者公近之矣余聞公大父百歲公父九十而疆此其世類則然何論六十夫用而不盡則壽善養則壽世類有徵則壽公兼此三者卽黃髮不啻也余不佞惡足以壽公宗父老笑曰伯子故嘗轉餉給大將軍其後治兵閩中勞苦功高如此卒中閩人之口于然安之家世亦多高年世類合矣語曰維其有之是以似之信乎伯子之似公也是宜壽公

洪中記

黃山苞巖谷以百數其陁區則洪中云曹藥水出雲門五十里而遙經七百里入于海洪中山四合東西不見水端其山南北相距百步有奇東西凡五百步東最高者曰羅條逶迤稍北據上流曰牛鼻西最高

者曰樓臺遠迤南當下流曰乾谿乾谿視牛鼻齊其下爲石礧嶺石礧東折曰壺嶺又東曰壺山山多土可封形家卜北者二依山關土深五丈脩什之累石爲陞高二尋脩廣參之一陞外爲田十五畝田外爲蹊曰飯牛蹊蹊外爲谿卽豐樂水也谿以南皆石山沿流若步障草木皆齊其西浸殺而卑若鳥翼張水上谿薄山而稍稟蹊臨谿而稍弦田與蹊齊蹊出則出蹊窮則窮刻兩端若張弓因地勢也蹊窮汭流而上石磴出灌木陰谿石如龍門水湍急寒表可涉既濟乃得汭洲上流出黃竹潭抵洲分而爲二左循山右循谿洲窮復合石梁當之亦一數也西薄石磴而南折爲桂竹灣其下爲桂竹潭潭上石磴達谷口脩輿飯牛等廣半之石互出如大牙狹者曾不受足林端出石溜纍纍如貫珠水流石上如建瓴多水草其南巨石當路出水上高可蔽牛又南則谷口矣昔在嘉靖主人始有饌中歲用其贏有事建置避石磴東入谷爲石門入門就巨石爲釣磯拾級而上坐釣者其東石陞可容席列石基置水濱釣磯以東步履蹊蹊爲棧道又東則裂石如墮堵今屋之巖樓川游此其一息也進次石溜屬浮丘爲錦進次石林延十五

步如閣道俯臨石磴爲閑楮游者相與班荆可再息矣依壺山爲華陽館傳經者居焉堂曰常堂則易教也牆東爲圃築東北隅爲樛木亭亭中視南北山群水于青雲蔽百畝編竹爲籬衆芳在焉華陽西爲野人居又西爲冷風閣衡五達閣居南端三面皆綺疏天風四至翩翩千仞之上矣牛鼻乾谿當左右牖若出蛾眉行人杖屨度石礧出沒木末若圖畫其南瞰群鹿下飲不避居人僧祖胤署曰鹿谿猶鹿園也有石虛中如歌器正立中流浴者亟就之署曰天湍中汭洲列石褰坐覆白茅爲苑在亭竹籬及有人跡罕至冷風西下築石爲象隄隄橫出截谿流高視石陞隄上爲西枝室奉瞿曇隄下乘橋而南水淅淅出石罅當暑不絕僧呼阿耨水飯僧者汲之橋下置屋懸崖中爲方舟榭其廣五几深不及一筵形如樓船居者若舟游耳居五載主人以次告成余客欲中則相與程土物議方何余謂考樂畏壘至今誦說不衰則其人以也後之顯者窮土木而文繡之不旋踵而名不傳其人非矣主人務折節爲儉顧獨亟從事饌中要以人不勝天文不減質且其人長其蓋庶幾有聞焉主人謂余鑒有九子無能訓之以儉德顧獨作無

益備游觀雖鑒亦自知其無良願客志之以章吾過
嗟乎鄭侯以壯麗謀國而以儉師子孫卒之漢音有
道之長何論蕭氏藉令諸子不改其舊惟守成爲兢
兢卽世世可知已不則天地一邁廬也謂作者何主
人爲余肺腑親姓蔣氏居豐樂里

明故處士吳公孺人陳氏合葬墓志銘

吾鄉多長者其質行往往有聞乃若負俗獨行宜莫
如吳處士處士名榮諱字子隱歛西溪南人也吳氏
出唐御史少微先生後著溪南處士大父曰末新父
曰顯盛母程既舉處士父出賈襄陽乃就光化納鍾

卷四

四九

氏姬有女美父歿處士僅八年大父母春秋高日責
甘蠶薄田四三畝無以具饘粥縣吏歲責田租近屬
移戍黔中中年責軍費母窘甚獨力作辦應之處士
自夷童豎中蒐松毛以鬻年十六輒請奔喪母泣曰
吾卿去楚三千里而遙何以爲資斧處士告母孤紫
已六尺親喪之謂何願及今舉槨埋識之胥後命乃
匍匐光化卜塋西灣岡歸而從宗人賈松江稍自給
母命處士受室乃請昏陳村客間陳翁吳氏子孤而
貧奈何予女陳翁目處士此丈夫子也母患貧孺人
始歸處士請從事光化形家謂處士自楚歸越家始

輿地言矣卽得地楚越奚擇邪處士謝曰禮不忘昔
亡孤終不以微福而倍吾父于是哀父喪歸塋置田
授女弟夫主歲入膳鍾氏姬終身歸而遽舉高曾以
下四喪以次封樹次及親戚之無主者凡十九喪當
是時生業僅僅耳其後數歲處士始饒則以里俗奢
溢相高非所以示子孫也乃奉母帥妻子徙臨溪居
頃之習其俗視故里等乃奉母帥妻子徙桐廬卜焦
山居焉處士喜曰此吾畏壘之於是節署土著以身
先之度原隰使田度山林使種樹山林故多薪木虎
時時出噬人處士議代薪居人則以爲十歲利也于

卷四

五十一

是易以茶漆櫃栗之利積薪水潛以十歲市之民利
視昔有加虎患乃已三年而聚三年而穰居二十年
止士自致鉅萬遠近襁至庶幾埒柳君云母以天年
終蓋九十四居喪如禮哀毀不啻盛年人以爲難一
門稱節孝矣喪畢孺人從容告處士曰往從君避地
而東幸而偕老乃今業已畢大事其率諸子諸婦諸
孫歸故鄉處士以爲然並還縣獨處士歲出入猶將
以桐廬老焉初處士貧幼無以學長服賈乃始購書
讀之然無常師獨從人受章句旣通大義輒筆華務
躬行嘗會諸賈人舉藍田鄉約同會汪克佩死子始

孩處士為之息故資及子長歸其子嘗讀范文正義田記嚮慕其為人其後立宗祠祠本宗置田以其祀事如嚮法召門內貧子弟悉授之事而食之諸子弟若諸舍人無應數十百指朔望旅揖諸子弟舉顏氏家訓狗彘中諸舍人皆著從事衫待命庭下以為嘗桐廬立義塾義倉皆倣古人遺意諸所建置即縉紳學士自以為不如居常衣大布衣飯脫粟比廝養之此下者所至梁津梵道赴義如流踽踽獨行里中呼為古老處士出少年皆走匿亟避之至其論治生即計然陶朱不是過也處士春秋八十六竟死桐廬孺人少處士三年先二年卒二子奉處士喪歸合葬得兆西王村嗟呼世儒汶汶耳其孰能不波處士惟少文顧斤斤不倍所學夷考其質行夫非古之人與古者憲老皆有悖史記之若處士者可以憲矣銘曰少微子姓淳基有唐在豐之浹九世其昌胡然即次湫死襄陽母氏勞止傷哉未亡藐爾遺孤獨立門戶少而奔喪展也叔度轉轂東南駸駸起富舉室三遷力本是務丁年挾策誦法遺言先民作則奉以周旋恩加親暱施及九原猶孤狗友然諾不遷天鴻歸光倡和如響允儼素封之子就爽白首同歸是曰吉壤於

萬斯年高山可仰

朱介夫傳

介夫故儒生也姓朱氏名節休寧屯溪人父性以鹽筴客武林樊武林少姬不宜子及歸為家丈人壽正室程始有身是生介夫幼從父武林就學少姬席父寵弗子之介夫獨善事少姬日兢兢在外傳年十四貫武林籍補郡諸生居頃之父死旅舍少姬聞出父錢匿母黨不欲歸介夫日夜泣曰餘余小子無良余先考無罪少姬始奉喪歸葬卒善事終身既祥齋用不給家世受賈奈何守一儒冠遂謝學官去而事鹽筴介夫明習鹽法其夫得可抵掌而談即使者問便宜其應如響於是轉運榷諸賈人長長介夫嘉靖中中執法出視鹽筴務驟增課大不便諸賈人眾踵門抵介夫幸一開口介夫入陳可否聲亮不下千言中執法倚席聽之卒用介夫議諸賈人苦二大猶數以告訐橫索錢對簿窮則援介夫為信介夫仇直自負輒暴其罪狀謫之諸賈人德介夫將奉百金為壽介夫笑曰即使節非節俠何至利諸賈人金諸賈人愈益多介夫無復言餽金者諸賈人有構有司不能平幸介夫居其間可立解藉第令必逞介夫平出論

平之遠近質成蓋趾相錯也既畢事退然未嘗自功
居也溪市中市人習爭訟喜聞始以親喪反也市人
數勸勸介夫介夫折節下之卒不校其後介夫驟起
橫迤百端粥粥若無能愈益自下宗室壞介夫獨鳩
工繕脩宗人以爲言乃畫辟百工夜事事舉宗爲會
率倚辦介夫卿人從介夫貸毋錢無不應者積十餘
歲負者無慮數緡故嘗買妾武林不數月而生子家
人欲弗舉介夫此曰吾獨于茶何置他人于溝瀆乎
卒拊之成人授之業使自給初東省多大賈爭顧結
士大夫交比年浸削故資游道關介夫故受易東
制選 四卷 三十三

謗故聞介夫名召置幕府故人有屏居新都者都護
使介夫新都無何介夫病甚顧子正民語曰而父名
在冊書六公卷六下勿以父故爲善不力勉之遂
瞑年六十五汪道昆曰古人薄市井交卽緩急不爲
賴乃若介夫之與士大夫友也豈不斌斌比而不辜
甚者從而議其後視市井茲薄矣余交介夫淺顧獨
深察其爲人余願爲士大夫一洗之故志其狀如此
達尊坊碑記

今上立

皇太子故臣由六十以上皆進階其在六卿由八十

制選

四卷

三十四

以上遺有司存問如禮止諸耆舊莫不喁喁工部尚
書胡公松喬續溪奉詔進階一品明年己巳則尚書八
十春秋云於是續紳諸生三老豪傑謁縣大夫請表
尚書閣明

天子德意縣大夫敬諾則相與鳩工庀事不日告成
署其間曰達尊以待存問立石閣右屬卿人汪道昆
記之明興以來卿先達都六卿者無慮什數乃若名
實純粹保終譽享高年者宜莫如尚書初以御史事
武宗言朱寧肅敬陸完諸不法事會嬖臣矯詔臨清
爲市力請罷之及事

世宗言桂萼引用王滂比周為黨量移信州司理遷
轉諸藩臬大夫尋以中執法治河治漕左右計相庚
戌進大司空其年秋勾坂大入司空械器辦辦給內
外諸軍

先帝法當事大臣獨大司空無預袁州相國方用事
詐為旨恫喝尚書尚書坐部中自如詔下卒無所督
過仇鸞請移內庫軍器得以便宜給軍中尚書引令
甲格其議不行毋籍兵巷轂下伊庶人請拓府第先
抵袁州袁州業已許之尚書獨持不可民力詘矣何
能舉廢且非王章毋長奢溢及鸞敗伊庶人敗卒如

尚書

天官

卷五

尚書言天官關白袁州其以尚書進大司寇袁州快
快乃舍尚書尚書則以家大人春秋高固請老時年
六十耳既得請歸從家大人為日間游鄉人具以二
疏望之海內無兩其後袁州用事久公卿大夫莫下
借資及罷袁州言者紛紛毛舉由前則士無全節由
後則士無全名尚書翩翩若在千仞之上名節全矣
乃今以黃髮而蒙警命不亦善始善終哉諸父老謂
周太公畢公率以大耄從事尚書擅甚顧就大節老
焉何不用也古之選舉必始于鄉至若憲老乞言則
鄉人禮當世之矜名者鮮不競競于天子之庭退而

與卿人君惟其所欲一何詩也尚書家食二十年所
無間于卿人之言故在朝則信史書之在野則悼史
書之即聞其風莫不立名砥行視在事為猶賢矣乃
今急尚書漸用世抑詎知不用之為用邪夫山有泰
山鳥有鳳鳥凡有趾者所欲鸞有目者所欲然泰
山不輟嶮以近人鳳鳥不棲以狃俗尚書是已鄉
人之力是後也亦猶魯人之佗封禪周人之快羽儀
地近故也吾觀于卿而知王道固非虛語縣大夫姓
羅氏名繡藻黔中人下車而有事表閭識政體矣

孤憤集序

卷四

卷

李

胡司馬有社稷功中憾者卒死請室

今上畢錄

先帝故臣功狀置司馬不以聞司馬蔡瑛山中諸門
下士若故人無一至者沈山人為司馬誄則自四明
走基下哭之初吳虎臣及余二仲氏郊勞山人山人
馬首東矣問曰司馬猶破此名以死山人哭者何山
人慷慨言曰司馬功蓋東南非臣一人以也往臣竊
觀司馬多大度憎喜自如當意輒予千金不當輒嫚
罵臣非禮弗食故千金不及臣然坐客多賈豪貴人
司馬目攝之不為禮比臣在坐意獨屬臣臣居與居

臣起與起其所嚴事者宜莫如臣乃今身殞而名不傳臣固未得死司馬所耳臣病三年矣孤憤上通于天天且爲臣墮泣又明日諸君東望百里外兩罪罪自大輒來此臣哭司馬時也厥明日出無光頃之雨至與語合於是山人過不佞相與登舍後山出司馬誅讀之因坐情發不佞起長跼進曰我國家倚辦東南不啻外府天昨司馬幸不茂東南此所謂社稷功也

高皇帝以八議釋有罪必先議功

先帝故嘗多司馬功死司馬非

副墨

四卷

五

先帝意也卽司馬亡論已奈何傷

先帝之明不佞

先帝舊臣願爲山人壽虎臣次進曰孤不肖嘗遇司馬前茅孤方引諸少年挾吳姬楚女履舄遮道呵者至曰客何爲孤叱曰毋多言客高陽酒徒吳守淮也司馬嘆曰嗟乎此吾故人子引車避之於是人皆謂孤狂謂司馬長者往島夷起吳越率以澤量人司馬提三尺劍全活之何論億兆及司馬不辜死卒無能發一辭非山人則皆喑者矣孤德司馬于今終不祔忘孤願爲山人壽次二仲氏進曰凡諸功罪有三

兩生不敢知當司馬時彼都人士莫不藉寵靈被恩澤司馬一旦受法則群起而誹訛之彼何能顧昔嫚罵我然今噉嫚罵則昔抵千金者也彼其視怨如丘山祝德如流水謂司馬何食人之德而有二心士之耻也幸山人出且爲都人士一洗之司馬以好士聞今得士矣願爲山人壽酌母白雲起東海亘青天而西於是相與東鄉酌曰司馬有靈擢甲餽餽至矣二三子屬不佞揚扈其事則以山人所自賦若爲山人賦者附之

沈文植傳

副墨

四卷

五

昔太史公豔貨殖而羞貧貧何足羞也世有慷慨好奇之士雅不善治生其人雖貧顧個儻知大節卽偃蹇終世吊詭者猶有取焉

沈文植字時幹四明人也父故豪舉文植始生而孤大母及母黨皆貴人歲時苞筒多厚費於是戚父之產齋用不饒文植善事母盡母驩事諸女兄如母叔父死無後從兄爲叔父後亦尋亡文植與孤子美同居美席二孀尊整文植甚文植則以兩孤母相尼也第出游避之時宗人沈應奇守中書幼以習書幸文植嘗受書法工署書乃舍業爲游資從應奇游闕

居三年資且盡無所成名文積太息曰丈夫不爲名
高則爲厚利安能辭辭坐困乎哉遂持母錢三百緡
就錢塘大泊酒舍歲千釀酤市中文楨故酒豪愈益
喜客客至或不問酒錢酤三年母錢盡乃持百緡具
大艘召徒屬出海而漁漁得一蠲百斤餘悉無獲錢
又蓋則又市魚海上暴鱷爲蕘貨浙以東其年鮮大
饒會雨久鹽賁什倍鮮乃敗載之山縣貨穀粟竹木
器以歸於是母錢畢空坐而家食從子美稍稍折節
無違言文楨遇美驩時時急美之困居常釣夫容江
上得魚輒沽酒無間妻子饕餮文楨有子明臣年少

副舉

四卷

五九

耳醉輒摩明臣頂笑曰孺子在吾何患貧旦日出漁
飲如故歸則閉戶日夜程督明臣讀書其後明臣籍
上有司會文楨病明臣請留侍卧起幸無行文楨執
明臣手泣曰吾家七世阜昌至而翁始廢業孺子執
經術以徃庶幾毋墮先人行矣明發彊明臣就道文
楨竟以疾病終明臣數年卒棄博士易事詞賦時諸
沈畢事詞賦顯者四人點侯津庶吉士一貫孝廉九
疇而明臣老布衣名籍籍出三人上知明臣者皆謂
文楨有子云

汪道昆曰余善明臣故得聞若翁賢行甚具翁故十

金子少年輕富貴若將掇之及其游不得志而歸業
酤酤敗業漁漁敗既而市魚又敗困甚矣卒之以釣
爲事而自託于酒人何拓落也顧猶任放自若其亦
自負不羈者邪至如避怨出游終能以怨爲德蓋長
者矣

潘孺人傳

孺人潘孝廉侃妻也孺人倍孝廉孝廉未仕孺人雅
以梱內誦義故人人稱潘孺人云孺人出芝黃父處
士曰程栢孺人母與孝廉母並出鮑氏以兄弟相友
最驩比生子女約爲婚姻於是孺人歸潘爲家婦事
副舉

四卷

六

舅姑孝舅姑宜之舅自東海歸病甚孝廉奉舅卧起
孺人宵衣襲門巷間挾十旬供湯藥無少息及姑病
孺人則以身奉姑姑安孺人屏諸婢勿進孺人不遺
餘力卽溲溺必親承姑病革亟呼孺人當來願爲爾
婦孺人以冢婦當戶務攻苦爲諸婦先門內終身無
違言怡怡如也既喪母二弟蚤孤則授資斧便治生
自給母姊養也而貧孺人逆母姊就舍母事之且
猶牽得事母姊舉宗養者皆就孺人食待之
者十餘曹乙巳歲飢里中多菜色孝廉屬孺人
爲糜粥餉餓人始而聚食者數十百人旬日則千人

以上乃分果隣家各炊二釜佐孺人無何鄰里中饑而不甯里俗貴男賤女卽聞有數生女或不留孝廉內徐氏姬乃生女家人謂孺人三舉女矣惡用妾女爲孺人卒舉之視如己女其後徐生子幾殆賴孺人煦沫活之孺人舉女凡五或有後言孺人謝曰赤子匍匐井中隣人皆有所不忍況吾子也吾患其不能奉箕箒耳卽棉襪不具吾何患焉同里汪母因所親謁孺人願得爲孺人肺腑孺人許諾則以中女字汪母子若汀頃之女殤汪母哀之甚天奪孺人女奈何使我失孺人孺人亦不欲絕汪母歎復字少女季女納曹生采曹生生二年而孤孺人嘆曰曹氏宗若綴旒唯是呱呱在耳遂殤曹生歸室孺人母之孺人力作起家治五女裝贏出必中度皆躬自擘畫未嘗貽夫子憂及諸女有家則皆開姆教孺能婦化孺人之屬也歲已巳孺人卒親戚隣里鄉黨莫不盡哀嗟乎以孺人之質行而不逮夫子顯榮司命謂何耳汪道昆曰周以內德興關雎是已以順爲正其斯爲百嘉之宗與孔子欲爲東周春秋乃作由閨門以正始未嘗不惓惓焉正則順順則成古今未之有改也余聞孝廉之居近墓室中夜聞哭聲孺人謂吾家

鄭墓

卷四

六十一

世烝嘗於斯未嘗有異人無異德妖何能爲舉室第安居毋自爲妖耳聞者謂德春秋之義庶幾乎正而順者邪孝廉故以春秋起家其內治可知也

肇林社記

余始事佛延胤公主肇林胤公兄事珂公同受天池衣鉢余因胤公紹介逆珂公其徒正觀明宗德欽從珂公至胤公亦召其徒文靜文徹文言文濬與俱來至郡中則自如德昂郊勢如禮會祖意自唐昌至凡十有二人分席而居諸法衆皆供役余在告屏跡猗中珂公不得余俱相期結夏以待旣就席日講楞嚴經於是洪吉明理以下百餘曹以聰法宅真海覺忤以下十餘曹以脩供至縉紳學士至者則方定之詹東園陳仲魚方獻成方君在方羽仲鄭夷吾程子虛吳無懷吳廷秋吾弟仲淹仲嘉山人王仲房吳仲足余病間始得問法珂公至人寂然無思公雅言自思惟入思之不得猶必蓄疑而通焉醫者以藥藥易善矣不瘍而贅身以售惡用藥爲不得而疑視不瘍而贅等耳珂公謂否不瘍不藥唯至人能長者宜未及此瘍而內蘊不治將湮卽不深瘍如故也發而決之瘍乃已譬之精舍業已歷堂皇窮奧昨無問入門垣

鄭墓

卷四

六十二

以外曾未得其門徑云居其室而有之則臆說耳何以故無入故也善乎洪範有言思曰睿慮作聖大非右券乎哉寂然無思則聖者事余謂諸佛無法法在遺經中世絕學從心開戒佛土法惟心造爲得其宗彼直將以無知爲知無見爲見開宗蓋自此始末流乃復挾小知操獨見愈益支離惡門而鑿坏惡苦口而設醴何爲者也珂公謂經以筏喻利涉將必由之亡楫則筏不前宗是已故瘍則有毒門則有樞潰毒運樞宜無不濟長者獨窺要取猶不離乎文辭棄揖中流取辦一篙抑或繫筏川上而橋足以求前皆詩

訓墨

卷四

六十三

矣余唯唯蓋將自無知無見者求之會詔趣行不得請竊念班白且至奈何舍無碍而就不堪兩公語余有身爲患一也善則以不堪爲無碍不善則以無碍爲不堪運出污瀆不濯而芳蓬生麻中不扶而直長者運也豈必澤地而宜吾儕猶有蓬心願耳無忘此會日善

溪南吳氏重脩仁義院記

曹谿入豐樂水薄金竺而東夾流爲招提二其一在千秋里曰江祈建自五季其一在禮教里曰仁義宋大中祥符元年建之當是時吳氏徙居溪南六世吳文用稱長者多建置功招提相望而居有故則迭

相繼也而吳氏累世饒溢故仁義爲雄初而西南數不利嘉定九年僧宇真稍更東南向地乃宜咸淳六年僧正遠首事脩葺會兵起無成功至元初僧壽能乃始卒事明天順中更置門廡成化末更置忠烈祠正德六年佛殿觀音殿災僧法環首事募建嘉靖三年千佛閣災僧正曜首事募建其後廢圯不治諸僧能事者無聞焉吳氏聚衆而謀諸長者皆來會先世務在善俗揭仁義以示當來乃今倍本謀闕遺澤奉先謂何耳於是計工受事羸誦有差撤內外門悉興更始若殿閣若鍾樓若祠若廡一切飭舊而新之顏

訓墨

卷四

六十四

者興闕者修繕者丹堊陵夷者繕以周垣表裏莊嚴居然佛土纏綿于嘉靖乙丑告成于隆慶戊辰其費千緡其益無量蓋吾鄉希有事也夫新都文獻之國象教擁格不行卽廡有存率以瑜伽從事諸沙門曾不得與編戶齒無問化人之居有其廢之則莫敢舉非朝夕之故矣諸吳方以不貲傾視千緡何有哉要以趨義如流真長者事乃若不忘舊物倏然若將見之于堂構之間則仁義之屬也江祈廢圯日甚頃從吾宗諸長老始興復之蓋續祀則仁義爲之地耳諸吳既畢事紹介而言江祈故有羅鵲州詩卿曲

訓之不廢昔在淳祐吾諸祖良甫德甫淵甫邵署仁義乃從左史呂公游公賦詩廡門手澤猶在至元之後則公子太守沆記之其後遞廢遞興率湮沒不載非附青雲之士其將無徵明公有意乎西方願乞一言以徵後余呂甥也五世受室于具且余方有事肇林聞此而喜可知已遂述其事勒石傳載諸長者布金姓名他若仁義同異之辨則我不敢知唯左史之言在

豐于社記

古者采詩民間則太師事近世以詩論士其業有常制畢四卷自經術興學士鮮稱詩者夫國風出自閭巷卽婦子猶或能之學士誦說百家莫不囊括程材繁智豈不閭巷婦子若哉與之言詩輒退然避席士固有正業惡用詩藉第令囊括有家其才智悉出閭巷婦子下非夫也往余家食竊稱詩中二仲雅從余游獨嚮往當世作者則以吾兄矚然歟矣固當從中吾黨猶奉功令守諸生必得近地爲幸遂盟士君子爲會豐于七君子則孝廉陳仲魚文學方獻成方羽仲方君在方元素謝少燕程子虛會吳虎臣將游江淮願以布衣來會盟旣合虎臣行適余起家從中虛無人矣

諸君子講業豐干之上脩故約如初旣余以歸省入中諸君子介二仲以詩爲贊余受而卒業蓋洋洋樂之今博士以經術繫諸生不啻三木童而屈首旣白紛如卽佔畢不遑何知六義諸君子孽孽本業徒以其餘力稱詩才人人殊要皆不泥於法他日釋業九歌二雅亦不優爲無論閭巷婦子不佞鄉人也不亦媿快乎哉鄉人有言業竿工竿業瑟工瑟諸生求齊者竿也假能得志於齊舍竿而從瑟不後乃今左右狼顧吾懼其將以瑟害竿嗟乎此曲士之規規耳卿大夫方叔子故嘗以諸生稱詩詩名旣高卒之取高第猶掇之也山人陳叔子亦嘗以諸生稱詩中道而謝諸生其高義踰於詹爵迄今多大夫之業而山人之稱名不衰何不可者不佞故不能詩僅以經術進五十將至猶然無所成名此好竿之屬也吾三人者具在於諸君子則皆諸父諸兄擇可而從諸君子勉矣吳仲足數往來豐干聞余言以爲無當諸君子之於狂簡天性則然居常求多於先正先生卽文公不免司馬獨舉今之高顯者恐不能無後言余默然揖諸君子而退

程長公墓表

家大夫雅重程時啟結髮而與之游其後皆入東省請昏兄弟也相與驩甚嘉靖癸亥長公以天年終不佞東歸長公墓草宿矣二三子立石墓下謂不佞表之按程氏系出新安太守留歙黃墩其後就近徙休寧居草市復渡浙江居率東信安里今爲由溪居六世長公生其年爲弘治己未長公旣冠從搢紳學士受詩無何父客死淮海函問至母吳欲無生長公飲泣諫曰母在活續與銓考且血食不則俱死耳謂先人之祀何遂奔喪資斧不具日徒號走百里無饌糧

副墨

四卷

卷七

會和寒衣無象著至淮則父故資盡貸他人所人人生心長公出券悉焚之無所問僅驢一乘老櫪下貨錢千長公簡劄奉喪歸悉以錢奉母鄉人收責者履相及于門客爲長公計曰若翁故非饒奈何一旦取辦于若且彼皆饒者姑徐徐長公謝曰如客言是死吾父也孤不肖終不使吾父負他人金他日孤幸而羸人將以爲匿人之有不幸而訛則奪之耳固當是羸訛皆辱也乃鬻田宅脫簪珥悉還之旣終喪病骨立屏居一室三歲不出戶庭少間則挾焚讀書不輟業母謂孺子病且無以爲家第糊口四方毋繫一經

爲也長公乃結舉宗賢豪者得十人俱人持三百緡爲合從號曰正義時諸程鼎盛諸少年務奢溢相高長公與十人者盟務負俗攻苦久之紫駸駸起十人者皆致不貲長公中年客溧水其俗春出毋錢貸下戶秋倍收子錢長公居息市中終歲不過什一細民稱便爭赴長公笑叩穀賤傷農諸賈人持穀價不予長公獨于平價困積之明年大饑穀踊貴長公出穀市諸下戶價如往年平境內德長公莫不多其長者長公乃部署門下客分地而居息吳越間當是時長公已累數萬金矣有司一切徵發率長公首應之城

副墨

四卷

卷八

休寧城溧水縣大夫皆召長公爲植費各數百緡奉詔助大工授魯府引禮卒不拜長公以父沒而母老務中毋驩治宮室盛供帳具音樂備游觀以明得意長公即以身起富絕口不言功中分產乃獨肥銓無德色居常憂溺占者莫測其繇形家謂父墓不祥蓋水徵也驗之果得水卜地遷之銓習形家乃主卜客附長公耳語長公謝曰但吾父安且利吾弟吾之安利大矣此政葵悉聽銓毋吳九十而終長公年六十曰矣居喪必以禮哀毀如喪父之初家人以言不听明年病甚卒不勝喪病革屏內人毋前則以遺言

命三千吾故業中廢錄錄無所成名生平慕王烈陶潛爲人今已矣爾問仁問學業已受經即問策勿沖他口必使之就學凡吾所汲汲者第欲爾曹明經脩行庶幾古人吾倍爾曹爾曹當自此始毋從俗毋用浮屠毋廢父命吾瞑矣其後伯仲適入胄子籍中季始就外傳皆丈夫子云家大夫言時故棄儒就賈拊手而得素封能賈矣乃若孝友忠信出入不倍于人倫即齊魯諸生自以爲不及往時故語我吾欲云云大都做儻者之所爲高義之事也天固使之貴志以歿惜哉

副墓

四卷

李九

朱處士墓志銘

汪伯子曰鄉人治生者溺賈送死者溺形家言賈人操利權視失得爲生死即有不得直將以七尺殉之利令智昏一何甚也形家者言自郭氏始著要以古人用卜胡爲此拘拘彼其徼福無廢徼云待吉甚者累世不葬大事之謂何此兩者皆惑也朱處士雲沾字天澤海陽新溪人也少從兄賈浙聞父有瘞輒棄賈歸父疾平踰年而歿喪畢則又從兄賈閩蓋課缺治山中諸傭人率多處士長者爭力作以彌處士業大饒會歲不登處士貸諸傭人錢百萬既而兄有疾

輒舍業扶兄歸客謂今始有年收責而歸不後處士謝曰錢易得耳終不以此後兄歸而喪兄既又喪母哀毀甚幾不勝喪計業已倍親親喪米粟尋以資斧授兄子爲它賈日從諸堪輿家游將數年不得兆輒號泣旣而神乃見夢得由橋上園尋奉父母喪塋之意由由然得矣旣塋則樹丘木表堂坊日往來省視以爲常不問家人產客謂處士閩諸傭人德次公不忘第次公徃召之宜多應者何論收責此可以致不貲乃今徒以一杯土而繫終身無爲也處士唯唯卒不行入皆謂處士痴而處士自若處士生弘治辛亥

副墓

四卷

七十

致隆慶戊辰春秋七十八舉子構棟孫子某某長女適由溪程某次女適隆阜戴某外孫程某年曰外王父視外孫如孫來不能事外王父如王父乃紹介抵中執法願志外王父墓而銘之嗟乎處士負俗獨行一歸乎孝第瘞何以足病處士獨病夫人無能爲處士凝耳處士墓在某山某向銘曰寧弃爾金毋倍爾兄寧釋爾賈毋失父母歸所世俗此誰其曰爾凝爾則終慕所思匪夷漸江有汜新溪瀟瀟誰其全端唯處士則以

副墨五卷

青蘿館詩集序

余聞之作者曰有唐以詩鳴蓋本業也大曆而下才
童波流隆則隆汙則汙論其世可已當世以經術論
士士顧能詩

太祖始興章昧問作弘治則李獻吉何仲默副以徐
昌穀諸曹起乘而前去輓近世千里矣嘉靖則李于
鱗王元美而徐子與吳明卿宗子相參焉于鱗謂余
吾黨亟稱獻吉恨不與諸君子同時不自意結伍從
之取前茅以進幸也夫前者崛起後者代興百年之
副墨 五卷

間駸駸進于大雅非適逢世能乎人言李何故相驩
卒以名高為敵國乃子與嚴事于鱗元美直將尸而
祝之二子周視中原亦有推轂子與子與朝明卿而
夕子相率謬謬無面從退而語其私則交相重也務
以上人已愈下務以下人已愈尊由斯以談于鱗固
非虛語世儒率以耳視後死者將無與焉幸而在茲
遂中睚眦於是于鱗引去元美以難去子相去而死
明卿去而三從之子與晚得汝陽尋徙去此其故勿
論已頃于鱗多子與日益則豈窮而工耶子與稱詩
無慮數萬言籍而授門人僅什之一于鱗蓋嘗定之

矣余受而卒業汝陽以後參居二焉自子與罷郡歸
四方之彙滿戶客奉不給則貸入繼之窮矣顧其神
益王其業益精其受益較著窮何病子與哉善隱者
謂楚奉江潭為三閭湯沐其所奪者狹其所予者奢
饗其利者以為有德然則左輔夜即皆食邑也寔世
世饗之彼其退若隊淵終其身不召道喪世矣
今上即位遞起諸大夫于鱗入大梁元美入晉子與
入楚當世以此勸士故得士彬彬則
明德茂也獨明卿陞沉南海豈天意奉明卿邪子與
又言楚人三試而賜執珪今及明卿矣
副墨 五卷

楊忠愍公集序

嘉靖中大將軍仇鸞王市議殺誤國楊忠愍力言其
繆不可鸞問入貶臨洮無何族鸞
召還忠愍忠愍則又極言大學士嚴嵩不法狀嵩主
吏議傳上刑會縣官欲論他囚忠愍不免其後七年
而嵩敗嵩子世蕃伏誅
今上奉

先帝遺詔卹諸直臣首忠愍

先帝操下廩廩其明日其威雷霆兩䟽較若丹青
聞者可立辨已一不入則貶再不入則施之何急也

諸先後言事者率皆骨鯁之臣要以得罪狀而務盡言宜莫如忠愍當忠愍抗疏豈不當

先帝心無亦視將相若股肱將藉之以奉社稷授鼠猶然忌器況社稷乎衣不敝不新成股肱謂何耳故寧失藥石無寧失股肱彼一時也及肅人上變而竊族諫者後至而藉嵩家藉第令能言何有加于疇昔卒之一怒而罪無赦則忠愍先入之口更而明雷伏而震其所由來者漸也夫兵莫憐于志無論鎮鄧忠愍起牧豎間居常不忘溝壑方其討罪

君則其志不萬死豈發哉縱彼反戈中之業已判刃

副舉 五卷

二

於其腹然則忠愍所御其殷帝之舍光祚後之人言聽而法行則鎮鄧之屬也人謂忠愍以直言死

明主未之前聞卽二氏殲曾何足以當忠愍夫鸞跋扈嵩父子爲邪憂在社稷忠愍以身當社稷身死而社稷無憂得死所矣

先帝不舍忠愍而卒用其言死且不朽

天王聖明猶將報恩地下忠愍豈虛語哉初忠愍當大辟王元美抵嵩客說嵩會嵩黨格客議不行遂心忠愍元美從徐子興及諸郎哭忠愍如外治其喪葬氏跡之螫諸哭如外治喪者於是元美首及難子

亦行乃今

詔下九原二大夫迎起元美自認爲忠愍狀請其遺書傳魏都子興分部漢陽則以籍授孫漢陽傳之楚余入楚子興屬余序之當二大夫哭忠愍時余在告往余欲爲忠愍立傳會有

詔錄

先帝故實亡敢侵官元美有良史才狀僭矣孫漢陽爲大宗伯公子余從忠愍元美後皆公門下士云

張丞墓碣

卽諸生張寅貢太學受浦江丞丞廉歸而殯死蓋有

副舉 五卷

四

丙寅迄于庚午不能喪余故習丞浦江乃今復在行部屬有司視地南郊外舉丞喪塋之嗟乎士而不饜糟糠則終身阨也丞登澤宮貳嚴邑非阨矣彼刀筆吏或以簿尉卒史起家率相載歸猶然厭梁肉卽丞非廬浦江非饒奚不簿尉卒史若也且也上舉九人上貢千指其下猶能自食百工亦然乃丞閔焉以溝壑終余嘗傷之矣往丞居邑爲名高余猶多丞濁世奚宜得此顧群吏適若潮汐時至則以新沒故何論清濁哉丞一旦罷黜然從諸相載者歸如之何其不瘠且死也彼其相載而還鄉里豈不揚揚有道者

視之猶禦耳將不得與農賈百工齒况士乎即承閔
焉以溝壑終卒不失為庶士之類侯千駟夷齊首陽誦
義者在此不在彼矣嗟乎御通武猶不免為餓人
故道有汗隆命有羸詘君子亦惟脩身俟之耳如命
何余故封土墓而碣之將以愧薄尉卒史之務自封
者

哀辭

余守襄

襄莊王獨親守有加禮後十年余至

莊王業已棄國入余問園陵去國門百里而近余居

劉墨

五卷

五

楚習為之歌楚以哀之其辭曰思皇

先后起郢中此瞻茲近屬茂乃庸此明明嗣服睦周
宗此荃胡不居譽命同此繫昔獻王胙赤土此敬共
不貳方于魯些維王中興及踵武些綿綿世祀保昌
些些荃胡不居享純嘏些我我主器宜勿清些胡然
而金胡然而王儼容聲些維仲若季淑且鈞些荃胡
不居翼有成些相後宮邦之媛些絃綈絺綌躬為
儉些周南樛木無違怨些荃胡不居尚婉孌些宗公
有事序本支些執蕭執也道皇尸些優然在位如見
之些荃胡不居燕歲時些漢水方城亘千里些

有衆何可勝齒些巷歌里相輟勿起些於戲不忘不
啻若其考妣些荃胡不居為民紀些故宮發業鬱雲
興此高堂七仞城且平些方連交綺列丹楹些洞房
阿閣藉重欄些荃胡不居四體寧些東壁西崑壯以
麗些長筵曲宴禮樂備些四坐行觴歌既醉些荃胡
不居主高會些章華授簡盛文章些厥有宋玉獨擅
場些仲宣鄴下當鴈行些杜陵突業揚芬芳些民歌
出牧臨高陽些落日倒載甘楚狂些此皆蟬蛻何有
鄉些荃胡不居相翺翔些高唐之上朝雲暮些聚聚
天人豔初日些輕裾文履紛來集些便娟綽約麗以
則些荃胡不居友琴瑟些翩翩漢浦翔二妃些英英
結佩光陸離些若遠若近揚蛾眉些荃胡不居引令
儀些三湘七澤下秋潦些沅芷澧蘭富芳草些荃胡
不居可終老些陽阿激楚歌雜陳些倡以白雪和陽
春些流商刻羽妙入神些荃胡不居聽其真些大椿
有秋菌無昔些終古同歸彭殤匹些洵美有子其儀
一些人貌榮名永無射些王公有土可用式些亂曰
顰之來兮夷猶乘白雲兮驅羣收靈之去兮阻脩扈
太一兮總九州懷故宇兮蒿目著遺愛兮千秋

大和山記

我國家尊大岳爲帝時帝玄君昔帝降于虞今治故宮曰淨樂其東當始隆之室治紫雲亭去州五十里入西南表峽口曰玄岳環中山四合溪流出入無端負坎抱離可當吉上

文皇帝跡異人所在爲之築過真宮異人遺杖筮悉留中命尚方鑄金象之歸守者入僊關爲元和觀西入馳道其南爲玉虛宮山水脩廣倍過真舊爲武當縣南山如負衆信非玄武不足以當之宮制視漢未央卽祈年勿論已其西池亭洞闢亦異人所棲西上望僊樓愔然若將有遇也馳道西爲僊桃觀通八僊

關

五卷

臺又西爲華陽亭跨石橋臨夫容沼西出則田廡鷄犬亦爲一區去玉虛躡西南進次迴龍觀大玄觀入紅門通房陵道道傍有太上巖巖中鑿石象太清其左二龍蜿蜒巖石下又南則八僊觀中堪輿右入七里溝脩木千章如突夏綠岡爲開山故道遺巨石在焉賓太上爲羅公巖高出絕壁往年屋之居羅太史凡七楹舉目望西南諸峯盡在目眦及紅門入官道進次太子坡陂阨中分扼其峒爲復真觀周垣跨道迤邐高下因之出垣下行乘天津橋濟九渡澗澗道絕其陽則淵默亭沿澗東入玉虛巖石嶂夾流若

千里嶂若步障雜樹之深入石磴浸高若自明河趨閣道磴窮則棧棧窮則巖巖上視有龍虎文其右雷文故中泰帝居右奉甯制西南望則天柱當峽中循故道還由淵默西南上除道曲折望行者如登閭風紫霄宮附展旗峰右嶂崇廣皆數十百丈三公五老前侍亦一隕區宮制高倍玉虛備當其半奉祠者無慮數千指其廬率高下居宮前爲禹跡池築小亭出池上池又福地其陽爲賜劍臺其陰則萬松亭出木木太子巖出宮後亦有亭由禹跡右旋古道甚治乃今多徑者廢勿行古道西上當南巖之南舍南巖

關

五卷

西歷黑虎巖泉石相望于道昔有巢居者遺構猶存進次杉木林分二道其右下行涉澗遵宿莽客車車峽中轉入西南出峽爲清風岨蓋故韓糧道也左上行躡萬丈峰下登朝天宮其東由鳥道出三公巖則上巖也路險絕不容足學僊者劉媪居之其下亦爲三公巖相距三舍巖南卿奕堦可居然必取道玉虛巖多歷險阻始得至朝天西上拾級八百五十有五當天門三天門皆實石峽中有巨靈斧跡初入門降數等稍平行依三公峯爲文昌祠迥祠則摘星橋下澗水如神漢緣繩由天梯上梯如竿搥雲端距躡

五百達重門足力竭矣倚試劍石其巖更百步達三天門由此折旋而升坦行數百步歷階南下又折而東上爲太和宮宮面南香爐巖燭三峯當席宮前則先朝神室徙置于此由南天門入紫金城州梯九轉出天柱峯絕頂範金爲黃屋承以瑤臺帝位中央群神列侍精美奪目儼若化人之居卽今之國正宜不及此正位東鄉高出七十二峰如群弟子侍先師莫不齋立近則金童王女峰二當膝承之左三公右執卿帶七星指五老僊人隱士順風而翔白雲出沒衆壑間如觀陸海諸峰或如碣石或如蓬萊鉅如斷鰲

卷五

九

幼如結蜃細如區鳥備如北冥之鯨雜出如珊瑚枝浮如萍實繁乎如鞭驅石汎乎如漢使者之乘槎遠而望之方城一紐漢水一瓊掩楚蜀畧周秦卽萬華衡霍匡廬峨嵋悉辟易無何有之鄉矣乘磴西下爲清微宮僻居深谷中其制不廣然以幽勝妙華嚴著焉南巖當太和之陽宮北面橫五龍之奧宮右石延覆於道其上有巨人跡若倒懸宮後卽南巖俯數十丈高數丈巖下峭壁數十丈東西脩數百丈如高壩殿中列祠事三亭二卽神山多倬詭此爲壇場其下有禮斗臺徑絕罕至西出如乘壩石上瞰飛泉

其旁露臺臺當志心石臺端有蛇徑通一室當其抄以居宮東北欽火巖亭附巖畔距展旗峰近下視紫霄展旗北爲尹喜巖今君北丘脩不二法由南巖宮下爲滴水巖僊侶巖度竹笆橋入青羊澗青羊巖當澗之曲虛無庵渡青羊橋躋五龍千步而峻門垣九曲始達應門宮制九重前列階八十有一後七十有二至高矣左高殿奉王像五相傳掘土得之其制不異庸工好事者神之耳宮前有五井天地池日月池宮後當五龍峰其上有五龍池則其窟宅也凌虛巖去宮五百步一黃冠居之每飯必有餘以待衆徂衆徂皆喜否則破釜餓去莫之誰何巖前則希夷誦經臺今尚盛臺出臨澗當其上爲亭去宮五十步爲自然菴故有鍊丹池今始復出五龍渡磨鍼澗過隱僊巖巖虛明視北道諸巖爲勝次繫馬峰爲仁威觀繚垣方廣數十丈石渠衡之就中爲石梁當門以度出茅阜峰下爲五龍行宮地始平脩廣楚楚迺此則王虛道也譬之宮室遇其爲垣屋王虛爲廷淨樂爲沛宮紫霄爲廣內太和則帝坐也南巖五龍清微之屬皆爲離宮朝天爲掖門元和爲象魏迴龍復其仁威行宮皆行在耳語規制則首王虛次淨樂諸形勝則

卷五

十

首南巖次紫霄次五龍至若群山萬壑泉石巖阿各擅一奇更僕不可悉數大都天閭靈秀以待明時帝力神功于斯爲備且也稽古定制不籍有司通中貴人藩大夫掌其禁令以故草木茂鳥獸馴其斯爲地道之章游觀者之至樂也人言山羸水詘猶若有憾焉夫右灋瀕左滄浪江漢交流振以鄂渚二別則玄武之象外戶在焉日觀孤高下臨湯谷古者海岳爲匹亦通山澤之義與彼規規而闕一隅是以趾臣日者也

太和山記二

副墨

五卷

十一

余三仕楚太和竝載方祀中戊午冬余以二千石至從所部脩祀典三宿太和天鷄鳴輒登絕嶺觀日出下視無際炤若燭龍之躍九淵頃之天門開始辨色山積雪如群玉觀益奇乘輿過妙華巖就辟殺者與語獨歸齋室從者莫知所之比下南巖循步欄望天柱體體乎五城萬雉夫非白玉京邪俯闕五龍冰雪塞路不果往過紫霄發雪出禹跡亭上若從家莊子游徧歷福地亭臺奄忽昏暮月裁望對展棋峰如雲毋屏歸卧神樓屏明燭戶牖生白視懸寓若冰壺蚤起登太子巖過巖樓者相揖出亭下下紫霄行者肩

摩入山如市一徑東涉澗徑玉虛巖澗道陰陰人跡幾絕避喧而見獨不亦僊僊乎哉暮抵望僊樓月滿魄明視紫霄較甚旦日歸矣譬之漆指曾未屬厭辛酉將入閩乃再至素中載父乙爵襄王孫遣歌者從余先入王虛巖雨大至巖中望雨如機絲百丈引澗中澗水盈從者後至皆束馬腹止巖下宿從黃冠飯黃梁明日次天門余下車納屨以往車人曰無畏請以肩輿登於是駕壯夫二人百步遞更代若搏羊角而上薄太和將事及期雨不絕從祠官造帝所卽擁蓋猶絮衣至則天劃然開雲如席卷明霞奉白日出

副墨

五卷

十二

當黃庭禮成雨復集人人以爲神應雖余亦不知其繇旦日周游載酒復登絕頂當軒與父乙爵指首颺言道昆幸得服事名山亦越三祀今且辭去請飲錢以行乃長跼舉醕者三徧禮群神醕各一其右有奉劍者余挺劍出之祝曰寇數入閩願借太阿以張國討振衣而下天將當關余舉爵進曰公以赤心奉至尊不佞庶幾可質引滿立飲醕如初下摘星橋軟流水歌者進爵爲天風之歌頃之天瀨皆鳴若相倡和余以爲釣天之樂戒勿歌由南巖過五龍所至皆信宿道中樂青羊澗別業樂誦經臺行次玉虛月望溪

登樓命酒以次觴列僊至洞賓觴者二公好飲則真
吾師質明發滄浪從此出境後十年至余將出即開
望夏門柳侍中請行期先期往乃憚湯治浴室逆余
宿沐浴堂明日由間道入羅公巖道中饒木石苑積
不治假令刊木疏石宜多奇始至望天柱諸峯猶宿
雲際無何浮雲立盡如出青夫容既而明滅縱橫如
羽衣如縞帶已復盡冉冉如跼爲余宿羅公房六月
衣袷明日盡東畧乃出復真過王虛巖不果宿尋登
福地有襟樹樹掛劍松下拔劍斫之五夜雨師清路
塵旦日杲杲侍中命工除間道余乘小車登太和日

劉畢

五卷

十三

方中其下五色雲見祠官以告侍中亦自南巖望見
之既禮玄君退就南榮略焉隱几居有頃起而周視
舊將諸峯變幻多神奇卽三至未可僕指曳杖出香
爐峯側命黃冠據其上作步虛聲間以洞簫奏雲門
曲興盡乃反質明就道憚乘危杖至摘星橋指橋東
遺址是當閻闔扈三公宜祠事文昌以應天象次萬
丈峯下刻食爲銘過南巖侍中語雲物狀余聞諸有
道者具在山中開士周泰亨若王虛西鵠舒復初石
教會居柳林佛子圓性居尹喜巖獨顏希子出
卽周故宦者事靖江王性通明善悟入與柴山人相

師友竝稱法眼云舒善長生之術深入無生具大辨
才其先爲柴山人弟子石故秦將西城法王子崇事
之圓性祝髮京師具法相日攝諸徒屬卷舌不談談
則纏纏不休適其意所欲出余先以使往畢爲之期
余留南巖石子先至余執嚆聞與語石灑然公豈宰
官身和不揚不厲而登彼岸其未也坐待明月琴師
就巖中奏琴旦日問尹喜巖過佛子巖東北向門外
多美箭爲藩巖中列兩楹虛其中奉佛佛子肅客入
坐客當中當旣而謝從游引客入卧內摩客腹私語
佛和佛和由往却以來乃復相見抱膝就客壘壘多

劉畢

五卷

十四

所開陳已而謂客喜將請先客乃授客杖先從竹徑
出澗濱磐石據澗交流隄其下樹水草傍一巨石出
臨崖斷木作曲闌當之咫尺若在濠梁其幽致可入
繪事巖上草木益茂柴荆爲周廬者三中有蓮池池
水四時不涸池上一室蓬戶室中置繩床戶外並列
招提懸彩幡作滅度法池外一池差小自爲一垣垣
中花木成畦多芳草其後由華門入中爲草亭方廣
當身設坐具亭前分列八石宜坐門徒客笑曰公所
居足稱精舍公安事此其將戲三昧者邪佛子曰嘻
此故豺狼居耳吾日事樹藝遂成園林客勉矣出就

谷口客過車旦日期周子玉龍宮周後至中途遇
雨畢易衣履始相見西齊則告勞余不欲煩以口舌
乃出日月池上過誦經臺群雉通鳴山梁不避人語
侍中請臺端行酒列炬乃歸旦日次行宮石子將舒
子至舒卽次以機授余石數目余機不入石笑曰公
將以聞見取乃今不涉聞見惡乎取之故不入也語
未卒相與過玉虛列坐月明中將叩實義會得中倦
而思寐羅勿談明日登望僊樓語其概乃余猶多扞
格然亦有味乎其言是夜月始盈遂還行部計期則
十年周矣余適有天幸十年三游始與貴游者俱局
副墨 卷五 十五

太和山銘

赫赫
成祖張皇聖武中外以寧左右六師玄君陵降抗我
皇稜大報神休敬脩祠事帝時用興疆理陝區離宮
錯起繁若繁皇太和崔嵬金城千仞以象勾陳厥有
神皇冠以黃屋俯擊八紘嵩少及肩參居二華生視
南衡江漢分流會于二別神物有徵禔福邦家

試民物孔殷肇祀迄今莫不祇敬崇事明禋亦越
世宗穆穆玄德通于神明申命司空有事古土百度
維新費出上方鳩工程物勿以罷民在宥寰區四十
有五載治定功成

皇帝承之翼翼昭事罔或不欽三事大夫咸有一德
夙夜惟寅嗣服不愆率由其舊至治烝烝百粵三苗
駢首伏質境內皆平威行匈奴名王稽顙款塞稱臣
凡厥有生舉首內嚮

天子之勲介福宣威保茲

天子維岳效靈自古七十二家登封有跡猶後令名

副墨 卷五 十六

煌煌我明世脩鴻業振古莫京不佞守臣敬共方祀
三謁帝闕微惠文昌用章盛美播于无垠

大岳文昌祠碑記

天官書斗魁戴匡六星曰文昌宮一曰上将二曰次
將三曰貴相四曰司命五曰司中六曰司祿祠家則
以其降神于蜀率象神而祠之尊比極者主玄君尸
祝之義鉤也大岳專祠北極百神附焉顧文昌迄今
不祠不佞嘗言之柳使君所使君謝曰昔在司禮
先帝幸以文昌像賜朝朝至于今與事之毋敢失隊
先帝崇事大岳不啻介丘

今上幸而使朝奉重書王祠事方懼無以稱

上使使倍

先帝恩乃今依北極祠文昌旦尊

君賜禮也於是相與經始得隙地于三公峯之陽東距天門可當斗口甃石高若干尺爲堂廣若干進堂外層軒待乞靈者夫北斗定四時繫八極而文昌用事則文武爵祿之司其命曰文右文事也我

二祖用武定天下以文守之當時若劉文成以下諸

臣庶幾名世

孝宗守文繼治王文成乃在公車關中洛下並鳴文

五卷

十七

始興矣

世宗操礼樂爲治天下文明在事之臣各用其職諸尚書即奮起若駕八駿而馳崑崙何翩翩也

今天子聖明無改

先帝之舊閭儒秉國士盈廷海內名家罔有遺佚以故文德四洽遠人來歸得全全昌此其時也禮時爲大祠不亦宜乎使若故嘗主藏書以知禮顯是役也則天象協地宜興人文尊

主德於禮合矣故使君決筴從之其經費悉取諸舍中筦庫之士無所預會藩大夫李君以部署計日

而祠成楚人祠故有歌祖迎皆用此大岳在楚請爲

神楚歌歌曰幽宗今天闢疏文石兮華堂瞻瑤光

兮當戶帥三公兮厲行靈之來兮雍雍乘欽王兮雲

中臣聖哲兮爲役點口耳兮鴻濛優遊兮珍錡升

天衢兮張皇導群瞻兮先路熾明德兮無疆釋余騭

兮閭風緩余佩兮離觀昌暉兮當世歷千祀兮升中

黃鶴樓記

故劉中丞入楚楚父老請治黃鶴樓中丞曰噲明詔

加惠元元始得及於休息楚病矣憇何敢議遊觀父

老曰不然古者省方觀民必有以也以明天時則觀

五卷

十九

雲物以保地利則觀山川以察人和則觀諶俗執政

者慎諸此其孰能廢之故君子遊焉小人休焉君子

觀焉小人比焉父老望公久矣中丞曰噲楚方不歲

寧詎輕用吾民顧今近屬不共詔從吏訊荆蠻負固

師老無功善從政者以時行父老姑待我明年遼庶

人當不道察勿三有司夷故宮其材可當大役頃之

乘木浮沅湘而下皆川衡上材長十仞有奇足任主

器津吏以告轉而致之工師又明年荆師獻捷父老

更進曰楚故有京觀以表武功彼封豕餘以爲名無

不祥大矣乃今野無暴骨一舉而俘叛人腥材官記

疆事功之上也請以樓易觀父老帥諸子躬請畢受
功中丞曰嘻以宗廟社稷之靈師出而獲戎首慙幸
得免於席橐時敢自功是後也力詘舉麻母勤父老
於是方伯監司若分部相與計曰材物既具所不足
者非百工與諸大夫任之悉發刑徒以佐將作工舉
矣既得請計日而畢工徐大夫中行氏入卽以中丞
之命來告楚有勿亟之役賴諸大夫國人贊之成明
公儼然在邦域之中請紀成事不佞拜大夫之辱避
席終辭中丞得代踰年不佞自卽來徙諸大夫立石
宇下請從中丞平生之言譬則甘棠其人往矣其言

卷五

十五

在耳不佞寧忍負之楚爲南國陬區首祇文德嗣是
伯者代起厥有雄風文物聲名猶可槩見繁非則章
華高唐蘭臺石室辭令則左史倚相觀射父屈原宋
玉唐勒景差學士至今誦之煌煌乎烈矣黃鶴巾貼
者顯載在稗官考文則不與於先民程度則不登於
舊物顧千載而下唯此端然獨存揆諸地宜其得勢
然也彼其該七澤亘三湘揭夏門當大別視碣石之
表東海不然乎哉乃若扼吭江漢之間非師武臣力
不守登樓坐嘯率個儻奇偉之士在焉將固廢之必
有興也由斯而論其世污隆可得而言自熊繇受封

歷世滋大迄于問鼎其張可知齊侯執言服江黃以
宿楚卽方城漢水誰能去其其後封疆之臣守在什
二雖陳搏殂不廢戈矛此用武之區彼一時也
皇祖以六師下楚昨壯王填之爰及

世宗楚居首善當世三公四輔遊楚材文治脩明
鍵橐不用執政若諸大夫若諸父老幸而及此時也
不亦恬愉乎哉機制故庠不足以稱明德天意與之
更始而藉手於中丞徙木呈材人力宜不及此先事
之不陞非後事者之資乎顧不佞受成無能布德意
以周境內乃今歲有水溢數有逋逃民有流亡士有
失職於天爲僭時于地爲侵紀於人爲干和重爲諸
父老之憂咎在不佞諸大夫幸而在事其無棄不佞
而朝夕脩之力此三者以保有終無爲故中丞之辱
是役也由前則諸大夫成之由後則諸大夫保之豈
惟諸父老之休不佞幸矣

卷五

十五

湖廣巡撫都察院記

也
古者天子使其大夫爲監監于方伯之國今巡撫是
高皇帝疆理天下分部而置三司歲遣御史按部中
脩廢讓而已脫有不治則特命臺省大臣一人行假

以便軍事及命其後三司柄事日削多擁格而無所愛成于是諸重地建撫臣和御史遞出矣楚列郡什五二州附焉境內分王諸侯王開國相望

先帝湯沐在楚視都邑同兼以保界三苗比隣百粵江漢當四瀆之牛九谿七澤囊括其中雲夢洞庭故爲盜藪要以輯和鎮靜宜莫如楚難何以故地重故也都御史出鎮都會治武昌故居倍澤面山獨坐秋隘居者率憚改作迄于今相仍

上四年冬粵西張公有南轅至謀諸方伯監司連帥若守吏改卜鳳皇山之陽負郊壇抱陂水西出睥睨

卷五

五卷

卷五

則大別捍江流而東東則泮宮又東則澤宮脩文之象也乃命有司拓地程物鳩工辨材命筦庫出公帑五百金民間悉無所預予居西楚聞且興工人言張公未及下車不憚征發以從大役藉第令得楚楚其皆信張公乎且也楚今無年非時矣予聞唐虞茅土而治夏后氏卑卑承之乃若斯于閔宮周人不以其故敗美三閭變楚直將術蚡冒以啟君心至其脩辭凡在居室靡不潤澤鄭侯以儉師後世未央之後將令無以加焉彼其有冒無心難與語此矣當世之盛者二其一陵替其一因循兩端相乘不勝其故蓋自

卷五

五卷

卷五

直亡而忌諱衆善仕者務姑息以諧人心利害較然朝不及夕彼猶逡巡卻步幸須臾無反于其身卽有不支事倍功半則它人任之矣將以省費適以滋費將以休民適以罷民此因循之弊也抑或潰名器削廉隅可畏非民赫赫何有久之波流第靡莫爲之坊及其滔滔何所不至甚則履加於首城覆于隄此陵替之弊也在禮君子以禮坊民國奢則示之以儉國儉則示之以禮當周之季其民若在倒懸白圭許行倡議以紓民之急孟子惡其倍禮直以夷貊進之叔向謀齊唯禮可以定國有以也楚故秉禮之國周南之遺風在焉比年地利不饒農事不治無論齊民編戶卽公家無所於華儉可知矣昔在嘉靖幸郢封卽緹騎金貂相屬于道部中百執事咸在率務貶損以明有算衆度幸自託于帝鄉睨之久矣卽惠文玄武視若弁髦夫以纖儉之民因之以無方之俗猥云從頌難與慮終往十三過夏門目攝開府列郡于此乎觀禮秋隘之謂何楚未息有卒不遑暇張公故以直言顯則所謂骨鯁之臣負俗獨行非疆有力宜不及此予方有事卽署其費不能百金乃予心猶或就就此予不及張公明矣居數月則予自卽代張公旣

入武昌張公業已出境有司奉張公之遺不旬月而告成功于是直指使帥方伯監司連帥若郡大夫進予以長至入則自故君除道西園梁波而屬于應門門外可容旅士千人車徒百乘方軌四出列栢周藩聖其門軒如也廓如也足以布法入門而歷馳道登露臺薰還堂高虛明爽壇堂下右陳朱轂左列鞬櫜升其堂翼如也窩如也森如也灑如也足以觀民堂後疏戶以居豁如也足以咨諏其後爲燕夏爲燕寢矣如也眺如也足以退息最後爲樓居四望山川城郭奕奕如也決決如也言言如也足以省方而攷俗

蘭臺 卷五 廿三

室東爲石蘭室西爲陽春園草木叢生林林如也足以供宴游壯哉居乎孰任其勞孰享其佚不暫勞者不求逸其謂是與夫官舍不營遽廬不待智者辦此矣當張公決筴豈固欲長子孫邪樊則埽而更之且興來者更始親于其身首事卒以待所不知者何人推是心也爲而不宰有而不居皆是物也予茲得代無能率張公之舊以新吾民觀河洛而思禹功則俟後之君子其必脩禮以示民極使知嚮方若在岐豐矢文德以洽四國則是天授張公以重楚而又藉手于後之君子以重張公卽予不類以廣疣居其間不

爲病矣方伯監司連帥若郡大夫請紀是言以告來者遂勒石臺門之東

蘭臺

卷五

廿四

蕭遊記

陳仲子師事天游子道既通其家故貧環堵不蔽風雨仲子進則僞僞退則于于高視海陽廓然無以自託輒然笑曰海鳥有鵬其翼蔽天日之半徙之渤澥僅足以當一漚夫以筌之扶搖不下於鵬而東南之之隩斗牛之墟不儉於海與其受一廬而爲此拘拘也吾寧縱一箒以自如乃鳩匠石召虞衡尋斧斤登竹箭不終日而畢役泝汶陽而歷之不節不垣不與不昨戶牖具在不出跣步而窮入荒仲子居之視州里猶之乎蟻蛭耳天遊子方受節司馬過泚居而問曰異哉胡爲乎浮遊胡爲乎中流爾廬尔居爾廬不築而泚雖利涉其焉如仲子避席對曰邑中七仞相望比比高門一室千金曾不能五步使吾蹉局居此其將如此七尺何茲吾爲此泚居也直將以天地爲堂皇日月爲戶牖北極爲井幹列星爲榱頭五岳爲楹四瀆爲雷故雖東南之隩斗牛之墟譬則彈丸取乎小矣吾懼其廣不容席安問趾哉吾將命馮夷司楫河伯司維漁父作歌湘靈鼓瑟衆流而下揆揆指問披裘折扶桑歷負蹠遊倦而歸也嗒然隱几遽然緝書決決乎浩浩乎視航猶撈視川猶陸視今猶古

視人猶天夫子故嘗以天游自名皆是物也小子不敏奈何樊澤雉而畜之天遊子曰昔之善居室者不越乎輪奐苞茂以爲言善矣美矣至人之居乃在廣莫之野空明之鄉其得之至人予何足以知此

副墨五卷

內府藏本

明汪道昆撰是集刻於太函集之前千頃堂書目

載作二十四卷此本五卷殆非完帙又載道昆尚

有太函遺書二卷今亦未見傳本

東岱山房詩錄十三卷外集
一卷江右稿二卷（江右
稿存卷上）

〔明〕李先芳撰

上海圖書館北京圖書館藏明嘉靖刻
本

附《四庫全書總目·江右詩稿
二卷》提要

東岱山房詩錄序

自予釋省從學士譚詩已厭薄李杜喜初唐一
二扶奇之士不已則効齊梁諸人語補綴湊泊
性靈豐蔀譬諸割錦不可衣塗澤朱鉛形狀離
焉蓋詩至此弊矣而棟文者憂之祛刷炫冶崇
冲淡直吐胸臆懲吹之過又至捐景遺物率易
直截乏溫厚之旨夫詩有六義感物而興其感
非外其興非內情由物觸物以情融綜盪萬有
包并三才以言以諷而後爲詩之教若夫語心
指性則文焉爾而烏取於詩於以救弊而不覺
其流之弊至斯也予所睹記三十年之間蓋如
此山東李伯承先生長予一歲睹記與予同獨
不受變於習守先民之訓今讀其詩情物互縈
文質有所底匪羈而止匪迫而流詞林一巨楨
也古人言無足而至物之籍隨踵而立士之薄
若君者豈不賢乎哉

嘉靖戊午上元日萬安朱衡譔

擬古樂府序

樂者聖王治情之具也夫人有血氣生知之性而無喜怒哀樂之常感物而動心術形焉若樂記所云聖王慎所以感之者乃調之以律度文之以歌頌蕩之以鐘石播之以絃歌使之陽而不散陰而不集剛氣不怒柔氣不攝由是可以滌性靈可以祛怨思施之於邦國則朝廷序施之於郊廟則神祇格施之於宴享則君臣和施之於戰陣則士民勇逸攷三五之代世有厥官若瞽宗大司樂之屬典者自卿大夫師瞽以下皆選有道德之人朝夕習業以教國子國子者卿大夫之子弟也故舜命夔曰女典樂教胄子是已殷紂集其先樂廼作淫聲以說婦人樂官師瞽抱其器而犇散或適諸侯或入河海至春秋時雅樂在魯招樂在齊是故季札有甚盛蔑加之嘆孔子形不圖至斯之語周道缺怨刺興王澤竭而詩不作王官失業雅頌參錯孔子論而定之故曰吾自衛反魯然後樂正雅頌各得

其所是時周室大壞諸侯恣行設西觀乘大輅陪臣管仲季氏之徒三歸雍徹八佾舞庭王制寢廢陵夷而不返棄間濮上鄭衛宋趙之聲並出內則導慾戕生外則蠹政傷民秦穆遺戎而由余去齊人覬魯而孔子行有由然也聖王治情之具十失八九迨至六國魏文侯最爲好古乃聽古樂則欲寐聞鄭衛則不知倦子夏辭而辨之卒不相入嗣是淪胥以亡極矣漢興樂家有制氏以雅樂聲律世守其官但能紀其鏗鏘鼓舞而不能言其義叔孫通夏侯寬各有發明大抵皆襲秦舊難語復古初高祖既定天下過沛與故人父老相樂酒歡作大風之歌令沛中僮兒百二十人習而歌之識者議其伯心之猶存孝惠時以沛宮爲原廟遂令歌兒習吹以相和常以百二十人爲員文景之間樂官肄業而已武帝定郊祀之禮祠太一於甘泉祭后土於汾陰乃立樂府采詩夜誦有趙代秦楚之謳以李延年爲協律都尉樂司馬相如等數十人造

爲詩賦畧論律呂以合八音之調夜感神光之
應歡動竹宮之拜祠官數百肅然動心可謂盛
矣自茲以降文人學士擬而作之代不乏人或
踵襲故常或迷舊本義支離無當觀者憎厭縱
有所發亦不免曲終奏雅之誚唐李太白天才
雋逸而題與義各仍其舊張籍王建以下無譏
焉元楊廉夫力去陳俗比之聲調或不暇恤意
此樂府之學久廢而作者往往稱難也尚寶北
山李君賦博雅之才稟淵朗之識居官暇豫制
作事精傳布藝死倍增紙價邇者以擬古樂府
一冊寄自都下受而讀之質而不俚績而不黯
春容含蓄宜追漢魏有一唱三嘆之風言志依
末之意倚與休哉今

天子制禮作樂懋建中和北山職司

禁近仰替謨謀以昭千羽之麻以臻率舞之治
夔不得專美於前矣僕也衰朽草澤不足以掄
揚

國家之盛若夫歌咏太平如古康衢擊壤之流

則不敢固遜也未審北山以爲然否
嘉靖己未中秋同郡穀原山人蘇祐序

東岱山房詩目錄

四言古詩

江水七章

詠孝子也張秋曹廬墓橫塘俾此寄贈

清泮七章

蔣侍御謫倅濮陽修學造七賦此贈之

采麥六章

傷行役也

凡厥有生五章

訓弟也

六月出師五章

角角者菱五章 新喻作

流止性也卑高命也了性命之源者可

與言詩矣

月食五章

東岱山房詩錄外集

四言古詩

江水七章

詠孝子也張秋曹廬墓橫塘俾此寄贈

江水湯湯注彼橫塘逝言徂東有子不遑

奠彼高陵匍匐是築構彼苦廬于焉獨宿

或植彼松楸或倚於畝丘或景行是由或徬徨

是求

白雲在天霜露消消瞻望弗及哀哉不能言

有翩者燕止於苦廬有子哀哀爰處爰居燕惟

乳矣涕如注矣燕惟秋矣涕且憂矣

勿曰我躬弗怙而珍厥躬勿曰我聲弗聞而捫

厥聲勿曰三年已已而貴爾所生

哀思曷極矢言曷頌云誰之贈孝友張仲

清泮七章 蔣侍御謫倅濮陽脩學造士賦此贈之

瞻彼清泮薄言采芹璧宮云夷疇茲右文惟我

太史至日楚分振厥弛維締造孔殷

吉蠲動止荒度釐工載增式廓經始維終徽猷

允底肆魯同功百爾髦士肅肅從公

乃建閼宮于泮之中綜以井幹玉藻孔叢梁木

自山柱石自礮為楠為榱取之不窮

乃浚九淵百尺潭潭先登道岸遠邇具瞻北溟

輸鯢閼何盤盤靜言垂釣勿以忘筌

乃作高山維石巖巖功崇萬仞進往惟艱維東

有箕維南有歷豉予望之參三為一

構石為梁于彼中央翼翼飛虹揚揚騰驤大川

既濟竭來以康胡為泥中薄暮褰裳

東坡先生詩

懋乃丕績啓我後賢山川毓秀豈曰玩梅山崇

其顛水清且連維公之澤胡不萬年

采麥 傷行役也

言采麥矣于彼南畝麥之多芒言刺其手

言采麥矣于彼東菑誰其穫者曰婦與兒

君子于役不遑暇食王事靡極舍我稼穡

于以采之于彼南園人以為儲我以為糗

于以采之于彼東菑人以為儲我以為資

何麥不黃何土不疆彼其之子驅我于行匪日

匪月王事孔將豈曰懷歸禹貢有常

凡厥有生五章 訓弟也

凡厥有生衣食其端不耕不穫胡以自安

築我疆場膏我巾車麥事奏功夏月其除

有敦者瓜蒸於庭禕是灌是約慰我饑渴

一畝之宮樹以桂叢侯誰在矣曰弟與兄兄曰

吁歲月其征父母勞瘁貽我以寧及爾黽勉殫

茲寸衷

惟曰伊邇汝思惟曰罔艱汝為辟彼旭日麗於

東坡先生詩

中天究其曷矣舍旃舍旃

六月出師

六月出師十月犒師防秋已矣安不忘危

齋金鉅萬不開一戰一戰可擒曰胡無人

我田不田我戰不戰王事靡盬民事可緩

飛餉不貲舉旗者饑 皇祖有訓民膏民脂

寸管無當不可滿也絕流而漁不可反也其言

則邇其旨遠也

角角者菱五章 新喻作

派止性也卑高命也了性命之源者可

與言詩矣

角角者菱沅沅者萍在水中中央寔性不同

山有松江有楓寔命不同

猛虎在山亦孔之威人見其威誰知其饑

魚處於陸鴻漸於木觸羊觸藩進退惟谷

膏我輕車秣我肥馬曷歸曷歸北山之下

月食

月之恒矣蟾蜍可薄相彼望舒利用大作

譬則黃河大風揚波俟河之清人命幾何

渭川之竹為箱為筐太山之石為圓為方願之

揚之維南有箕何以命酒維北有斗

無平不陂月盈則食天道好還斯言有攷

擬古樂府卷上目錄

鼓吹饒歌九首

朱鷺

艾如張

戰城南

君馬黃

巫山高

有所思

雉子班

臨高臺

思悲翁

橫吹曲

折楊柳

紫騮馬歌

幽州馬客吟歌

東武吟

壯遊篇

掛劍臺行

江南曲

烏生八九子

陌上桑

緞組篇

短歌行

猛虎行

君子行

燕歌行

塘上行

秋上行

東門行

上東門行

野田黃雀行

牆上難為趨

梁甫吟	玉階怨
去婦詞	塞上行
子夜歌	子夜四時歌
碧玉歌	桃葉歌二首
小姑曲	清溪小姑曲
青樓曲	烏夜啼
估客樂	莫愁樂
採桑度	作蠶絲
採蓮曲	採菱歌
舞曲	
白紵歌	
琴曲	
箕子操	倚蘭操
荆軻歌	
雜曲歌	
出自薊北門行	妾薄命
車遥遥	胡姬年十五
當壚曲	遠遊篇二首

閨闔篇	結客少年場行
東飛伯勞歌	空城雀
自君之出矣	長干曲
枯魚過河泣	咄咄歌
大道曲	獨不見
邯鄲行	夜夜行
獨處愁	蘇小小
樹中草	三良詩
楚妃嘆	魚戲蓮葉間
田家娶婦詞	漢宮詞
明妃曲	

擬古樂府卷下目錄

古從軍行

塞下曲

俠士篇

長安道

湘妃怨

胡無人行

臨江王節士歌

庭中有奇樹

回鑾曲

劉生

煌煌京洛行

長信宮詞

沐浴子

官中樂

日苦短

邯鄲才人嫁爲厮養卒婦

古行路難

瑞雪篇

壯士篇

齟齬行

江南四時歌

君不見

涿鹿行

遊子篇

新婦詞

妾如井中蘭

出門行

易水歌

古君子行

撫劍篇

公無渡河

秦女卷衣

臨淮水

獨漉篇

義士篇

春江曲

捉搦歌

江南謠

妾換馬

徐沛謠

禽言

姑惡

行不得哥哥

泥滑滑

播穀

阿得脂

棄扈

唐調曲

從軍行

關山月

出塞

紫騮馬

王明君

羽林郎

俠士

銅雀妓

錦石搗流黃

春江花月夜

春閨詞

城上烏童謠

官人入道

諺語十六首

東岱山房詩錄

古樂府

濮陽李先芳著

古樂府之不講久矣往往弘詞之士開卷厭之
余惟鼓吹饒歌聲牙刺齟誠不可讀太史公作樂書亦不載而左克明復以楚之平附之惑滋甚焉彼好奇者曲解以求通尤非也他如陌上桑羽林郎相逢獨漉等篇昭明類擲不採誤矣夫天球寡諧古鼎難售醴酒易醒大羹不和是豈可以言語爭哉至王元長

東岱山房詩錄卷上金

沈休文自許能工古人律呂今觀其文牽制附會辭艱旨漓其實大謬善哉鍾嶸曰文製本須諷誦不可蹇礙但清濁流通脣脰調利亦足矣余亦謂詩言志凡責古人詞之難易而故效尤掠美皆啜糟粕者也故曰神解玄悟存乎其人余非知音者但自家食時頗事漢魏張本下逮六朝盛唐數子或假題命意或探旨屬詞諸凡口不容言情不自達者托以馮之非故剽擬前人聊用適志

近代

名公取古人行事注議糾韻類成斷案亦名樂府余極知不能乃所願姑舍是焉

鼓吹饒歌九首

朱鷺

歌朱鷺考諫鼓帝作歌諫者舞豈無鳥鷺食茄下鏃翮脩脩悲鳴于野朱鷺振黃扉鳳凰覽清輝朱鷺高飛諫者遄歸

艾如張

艾而張羅山之阿山出黃鵠摩天飛羅家焉得四海圖不見牆上烏尾畢逋自投羅以待鋪羽毛不惜噫嘻嗚呼

戰城南

戰城南死城關丈八蛇矛皎如雪八尺驕驄日流血七日不食臣力竭臣力竭罪當死願爲胡勵歎沙礫掣風雨以報漢天子

君馬黃

君馬黃臣馬騶君馬出天閑臣馬常羈束不厭風霜苦恐負千里足感彼黃澤謠爲君日歎玉

伯樂不常生哀鳴空踟躕

巫山高

巫山高高不極神女來遊江水急順風翔翔見
顏色願在雲霄常比翼暮雨朝雲胡可得

有所思

有所思兮若天畔跂予望之爾不遠華容如月
不可攀蘭生井中那能見欲報瓊瑤爲君好情
莫致之心懊惱永夜裳衣坐顛倒

雉子班

雉子班班鳴山梁間五步一飲啄十步一周旋
不棲桂之樹不食盤中餐翡翠巢炎洲人挾
彈求白鹿在山林射工相見尋鯉魚伏深淵釣
者有芳荃猛虎夾路牙爪長走狗曳尾良弓藏

臨高臺

臨高臺高臺多風且霜露下有江水湯湯以注
回首一望江水深我欲下臺愁我心黃鵠高飛
不可馴

思悲翁

思悲翁歌薤露松柏青青白楊暮平蕪落日走
寒兔梟母營巢飛上樹慈烏逝安歸哀哀淚如
注

橫吹曲

折楊柳

折楊柳楊柳心莫展懷人室是遠折楊柳楊
柳可藏烏懷人在上都楊柳何翩翩關黃
鳥言懷人逝未還憂來無方樹有枝我無斧柯
空爾爲

紫騮馬歌

從軍十載前騮馬逐風旋從軍十載後騮馬立
骨瘦獐象不出門騏驎在天廐

幽州馬客吟歌

巧婦不自織良馬常苦瘦燕趙多才人老矣墮
人後

幽州朔氣早淒清時暮矣市門行歌者求爲知
已死

驄馬銑鉉鋒長鳴大道周末効風霜力空悲汗

血流

相和曲

江南曲

妾本江北女嫁作江南婦良人重行商蘭房夜
空守豈無嫵婉情塵埃日奔走十年不復家雙
鯉爲誰剖蓬首望江北秋風斷衰柳

烏生八九子

城上烏鳴鳴雌雄不別何其自呼影翩翩尾
畢連懷故枝抱乳雛烏方雛惟返哺忽奮飛不

知所生八九子誰念其母

陌上桑

與子結新婦衷情何婉嫵晝出夜不歸郎心忽
以變採桑南陌頭紅堪一何燦摘棋桑籠中素
手可爲絢燕趙多佳人使郎心曲亂

鰕組篇

井鰕難語海夏虫不知水鷓鴣守一枝鷓鴣搏
四溟晨起撫長劍利刃初發銅鑼有五單于鳴
弦寇井陘將鬚東北望逝將赴二庭枯矢名忘

歸駿馬如流星結束何煜爚杖策謁承明排雲
斗閭闔誓死効無生生當褻瘡痍死垂麟閣名

短歌行

歲月如馳人生如寄命之多艱徒憂何益
驟雨靡朝迅風靡夕蟬蛸之羽朝生暮息
甘食者噎趨行者蹶月生雖微理無常缺
雖無旨酒嘉穀既飲且食平慎自愛其樂無極

解四

猛虎行

猛虎何班班嚙人城下過與汝本無嫌所值在
饑餓東杜閉門西杜哭山中之人食虎肉

君子行

手可迎刃君莫前口若懸河君莫言辟噬其膺
草焚以蘭金中有魚莫忘筌千仞之雀莫輕彈
猛虎欲噬人不諭豪與賢嫵疑嬰禍羅君子防
未然

燕歌行

燕山九月塞草黃北風烈烈鳴枯桑胡笳啾啾

夜未央念君行役在沙場思歸不歸毛髮蒼期
門健兒皆少郎小婦鳴箏不下堂爾獨何爲守
邊疆使妻哀哀怨空房有無曾寄寒衣裳腰帶
應緩幾許長豈無鳴琴寫寸腸絃急指澁增悲
傷明月皎皎照流黃恍如藁砧還故鄉攬衣出
門起傍徨鴻鴈南歸天雨霜

塘上行

終朝採紅蓮不如採青蒲謬將面自許挫落不
湏更

秋胡行

良人從薄宦遠遊寄他鄉三月爲君婦五載守
空房織紉侍舅姑南陌行採桑持金者誰子栖
栖要路旁婦人力清閨男兒志四方官家如雉
鳴夫婿如龍驤烏烏本同色葉葉自相當猛虎
豈不飢不在穴中傷鳳凰雖離群衆鳥難匹雙
曠夫豈無懷自有鴛與鴦手携青絲籠行行赴
門途望見遊子顏始知懷金是秋胡富貴氣體
變沉憂容顏殊持金不遺母乃誘桑間姝矢心

祗擬奉君子仰面不忍見金夫毀我璚瑁簪裂
我錦綉能絕我連理帶解我合歡襦撒我斗帳
雙流蘇應手縑絲絲可染沂水泠泠不可污

東門行

出門逢故歡歸家貧亦安富貴豈不好如彼滄
浪天

豫章生七年深林人不曉大才當晚成莫羨朝

華草

藥虫本自苦食蔗不知甘君子守固窮富貴非

所貧

鋪糜莫苦飢衣葛莫苦寒遵養安時晦爲君歌
考槃

上東門行

步出上東門車馬闌重關貧賤日奔走富貴益
不閑風塵四面會徒摧遊子顏高樓十二重寶
帳紛羅綺金張讌中貴平陽創新里歌鍾度落
梅車塵暗投李春吹生涼飈堂上忽荆杞青門
吊鄼侯黃犬憶東市明哲慎自保榮耀焉足紀

東武吟

新買五尺劍一日三發劍太平無一事空銷劍
上星一解

平生萬人敵眾中耿自許諸將盡封侯一咲寂
無語二解

侵晨起梳頭白髮何柳柳壯心逐水流撫景坐
搔首三解

壯遊篇

貂璫承世業肉食無遠謀腐儒守章句皓首甘

東武吟卷上金

林丘國仇諒未報壯士爲漢羞把劍激易水水
急風颼颼聽我常筵歌壯遊疇昔學軍旅獻策
赴神州 君王蒙召見賜食銅龍樓掉臂顧單
于長揖謝穰侯腰懸金僕姑髮指鉞兜黎躍馬
度隴山翻身射旄頭東擊遼海水西斷黃河流
功成拂衣去遙泛五湖舟

掛劍臺行

口諾不如心諾深徐君之意季子心壯遊未畢
徐君死寶劍匣中悲知己掛汝墳頭高樹枝寧

論地下知未知

去婦詞

少小結髮事君子俛黽隨時任驅使君如玉樹
生清風妾如萍浮寄秋水小姑無端造孽多遂
令蘭芝被譴訶良人對面隔山海出門一望淚
滂沱芙蓉本是同根生願君莫學焦仲卿年年
牛女常相見何懼風波日夜驚把鏡照面轉自
憐他人不喜空少年欲摧蛾眉毀朱顏萬一人
事如轉環

塞上行

東武吟卷上金

九

居庸直北望列鎮享茅上轅門畫飛霜猛將集
如虎日者小單于牧馬窺天府不聞霍冠軍但
見黑山虜黃金內帑盡甲士身無縷白骨積如
丘黃蒿斷城堡不上邊城望誰知邊塞苦

田家娶婦詞

油壁轉委巷新婦初入門村鼓紛闐闐濁酒亦
盈尊舉酒酌田祖長跪何所言但願新婦健不
願新婦艷婦健姑不勞婦艷子心亂

野田黃雀行

鷓鴣子捕黃雀黃雀投叢棘鷓鴣子繞棘飛且號黃雀棘中語唧唧爲我謂鷓鴣子且莫號我盜田間糠與粃汝盜民間脂與膏大鵬摩天飛誰能爲子逃

牆上難爲趨

誰爲天高有梯可躋誰謂天遠有風可噓笑矢不如巧奔刺繡文不如倚市門吾豈匏瓜艱哉守株嗟嗟牆上難爲趨

梁甫吟

陟彼梁甫山艱哉何崩施五步一眄睚十步一徙倚北風踈野草陰崖泣山鬼樹木何蕭蕭高塚鬱鬱繁不知此何鄉言是蕩陰里白骨無賢愚誰爲齊三士感此泉下人惆悵不能已

玉階怨

蟋蟀鳴玉階梧桐落金井絃扇本生涼錯恨秋風冷

清商曲

子夜歌四首

與子結同心那能復顧慮耳後大秦珠輕拋月下
歡如水上蓮儂似泥中藕寄語採蓮人曾問泥中否

青絲綠白紵不比黃桑屐把以似阿歡步步見儂意

問歡何處來歡醉不復說扶歡解衣帶心促帶
鬢結

子夜四時歌

春風吹羅襦羅襦自結束阿歡靜不來寒更坐
明燭

素手剪春羅製爲荷葉扇上繡連理花下刺雙
飛燕

鴈驚鳥尾訛天風河漢落阿歡且宴眠曉霜殊
作惡

寒夜掩閨闌睡熟燭已滅扣門聲不揚冰膠鴉
頭襪

碧玉歌

膏騰悄不語寒暄妾自知秋風吹落葉莫忘破
瓜時

桃葉歌

春風拂桃樹桃葉柔無力榮華難久持佳人厭
粧飾

桃葉何慕慕春去夏如此了不爲顏色愛渠護
桃子

小姑曲

阿婆憐妾孤相命小姑寢本非連理枝幽獨慰
衾枕夜半夢夫婿握手相歡呼歡呼忽失聲床
頭驚小姑小姑莫驚疑枯桑風自知

清溪小姑曲

余過清溪聞居人歌謠其事轉効焦仲卿妻
類成一篇云夫婿姻貴及
時而暮夜相
拜問有自焚

高高山上松下有古廟堂誰家姑與嫂跌拜山
神旁嫂言兒女稀姑願羨少郎少郎在何許乃
在城東庄東庄有王婆持斧來求凰少郎甚姻

娜門戶尤相當小姑啓阿母慎勿言相妨箕箒
候庭除中饋羅酒漿赤繩繫雙臂笄字從伊行
二月河水泮桃李正芬芳小姑見桃李淚下沾
羅裳少郎見桃李但願早成雙王婆白阿母女
大難久藏男願成家室女願事姑嫜小姑聞言
喜窓下促衣裝南市買珠綴北市易羅裳東市
裁錦被西市治匳床枕刺連理枝鞞繡雙鴛鴦
流蘇複斗帳五鳳啣香囊裝束何熠燿鬱金蘇
合香小姑命王婆行行詣少郎可擇上吉日過

門入蘭房近者三五日遠則半月強甞能鋪堂
下華燈明兩廂青白紫雙尊合坐相嘗郎言
豈不願荒歲難鋪張厨中無所有何以侑客觴
腹中無所有竹竿空自長狐白自禦冬天風知
枯桑親識豈無人興言祗自傷持此謝小姑羨
言信難忘恨不生羽翼如鳥雙飛翔小姑聽此
言撫枕結愁腸微言動阿母婚禮難比方爺娘
許相配貧富隨時光阿母叱小姑小女何張狂
肆筵會懿親未辦牛與羊綵幣三五兩無復玄

與黃黃金光首飾珠玉珮琳瑯種種無所有百
者一不償生女望門楣嫁女圖風光未爲他家
婦何爲他家忙小姑喚王婆爺娘實不良我有
錦繡段五色何光芒我有金錯刀可值百千疆
遺此爲聘資努力謝少郎少郎受此物中心轉
傍惶毚勉整禮儀割賣祖田庄賣田娶少婦事
喜心悲傷造門候阿母納幣來相望長跪無所
言但云歲時荒探知彼來意覽物得其詳阿母
叱小姑栽樹圖陰涼家門何不幸養女生他腸
篝燈不自照家冠殊難防所納不爲禮將郎還
故鄉小姑泣且言王婆諭少郎男長不由爺女
大不由娘將心比山水山高水復長東山一何
高行者有虎狼江湖豈不廣來往多舟航不駕
油壁車焉得窈窕娘家東有通衢背簷缺垣墻
乘夜乞相候相候大道旁黃昏掩雙扉爺娘上
高堂檢我新粧衣發吾故所藏錦袂褰同心踰
垣投少郎明月照東除衆星尚縱橫携手策輕
車牽牛以服箱望門迓新婦隣里相扶將滅燭

解羅襦歡樂殊未央

莫愁樂

盧家少婦名莫愁嬌歌艷舞春風柔湘東醺醺
宜城醴纖手倒注金叵羅上人且進酒聽我莫
愁歌聖人出四時和三年海水不揚波仲秋司
農獻嘉禾中厨有酒旨且多明月在天橫星河
宴笑滿堂華燈羅佳人難再得少壯能幾何

烏夜啼

樹頭烏夜啼會飲烏栖處可待烏栖來莫待烏
飛去

估客樂

估客乘大艫江頭夜不發酒肆喚胡姬船上醉
明月
雕盤脰雙鯉莢笋白如玉郎歌水調聲妾唱當
壚曲
估客何所有合浦採明珠開絨贈雙珮牢繫錦
羅襦
五兩密如林長江駛如箭何日泛歸潮妾家楊

柳岸

青樓曲

妾本青樓女千金買寸心郎家自有婦夜夜白
頭吟 郎乘白鼻駒搖鞭指妾家因尋桃葉渡
隔水見桃花

作蠶絲

綠車簷下鳴新絲應手出中央不斷頭是妾纏
綿意

採葉度

餒蠶行採葉感郎獨伴妾遠條勿伐盡春風復
生葉

采蓮曲

郎駕採蓮舟儂唱採蓮曲水上雙鴛鴦花間交
頸宿

採蓮復採蓮蓮在水中展儂意欲褰裳問君水
深淺

採蓮復採蓮蓮葉覆池水下有並蒂花中抱雙
蓮子

採菱歌

菱葉翠如鈿菱花清可憐採菱江上女蕩漾木
蘭舫

舞曲

白紵歌

奉君以葡萄之酒鬱金香歌白紵舞霓裳質如
素雲揚清光燠以鷄舌雜都梁輕袖高舉觸鳴
璫步趨微吟中羽商翩翩白鵠雙回翔皎皎初
日生扶桑况茲良夜春正長清時未遇其何傷
泰山可摧海可量人苦不足思無疆隨時平慎
樂無方金蘭義氣傾滿堂促樽合坐殊未央勸
君酒聽儂歌歲月倏如飛電過樂日常少憂時
多適今不飲君如何

琴曲

箕子操

嗟嗟汝造象箸舜造漆器止之則為有虞不止
則為獨夫噫歎歎殷社之丘墟

倚蘭操

猗猗者蘭施于中谷人之莫知德馨自淑一
猗猗者蘭施于中洲德馨自我云誰之尤二
猗猗者蘭施于中堂君子采之至治馨香三
于以紉之君子之裳于以藏之君子之裳防乎
其防何用不臧四

荊軻歌

荊卿重然諾任俠豈輕生片言傾滿座一字直
連城酣歌別易水擊筑入秦京知己殊未報千
年恨未平

雜曲歌

出自薊北門行

出自薊北門車馬何翩翩問君此何行言赴廣
陽川盤山勢巖嶭虛龍高際天涼江夜未央沂
水鳴濺濺城郭如鱗次單于侯冠邊天王按劍
怒受服夜登壇犒士烹肥牛一日八九宣軍門
盛貌貅人馬皆騰歡流嘶起轟雷積甲成林鬱
將軍獵漁陽烽火照燕然一舉靖廣武再舉上
邠連西眇定遼右長驅擒左賢拓地數千里斬

首填桑乾凱歌震溟海烟火徹井泉獻殍捷於
飛陳賞如丘山回車北平路翹首望長安宮闕
鬱雲浮佳氣滿中原

妾薄命

貞女擇良配君子重內儀桃葉照溪水女蘿附
兔絲二月河水泮感妾標梅時寒修不我顧馳
情遺阿誰婚媾一失所薄命將焉歸越鳥羈樊
籠夜夜懷南枝願從黃鵠翼四海托襟期

車遥遥

膏車何草草遥遥萬里道遠道莫致思倚輪望
見之隻輪不可行去客難爲情駕車策馬輪已
遠腸中車輪載君返

胡姬年十五

胡姬十五鬱金香遠嫁江南遊冶郎海門一望
江路長蘭陵美酒玉爲漿不如飲水還故鄉

當壚曲

使車班班雨雪寒天秣馬商林沽酒河間當壚
女兒工數錢篝燈獨立影翩躚前爲人所羨後

爲人所憐

遠遊篇

天地何寥濶大化開元樞渺然此中處燕雀同
歡虞我將駕雙蚪言赴泰山隅高高上無極矯
矯凌紫霞振衣日觀峯濯纓玉女池兩曜爲吾
鏡東海爲吾盂手把白虎符往探青龍居悠然
理巾帶河岳縱橫舒

我行謁東父一舉超神州蓬萊本吾宅崑崙乃
舊遊飄風鼓長翮萬里馳雙眸下見世間人如

東府山房詩錄卷下

三

蚊聚糟丘弭駕石間間潛光謝沉浮晨以吸朝
日夜以養瓊羞壽同金石固永老無所憂

閨閣篇

漢京鮮差我投道直如髮樓觀薄太清飛薨懸
日月玉樹夾廣庭金莖挂雙闕仙人騎白鶴待
詔金門側手持一九藥燦爛光五色稽首獻
天子永壽樂無極

結客少年場行

生小善騎射結交幽并兒寶刀明月環驄馬黃

金羈出入新豐陌佐使邯鄲姬沽酒十千錢樗
蒲百萬資橫行長安道平視羽林騎羗胡寇上
谷軍中誰出師城郭半燒燔白骨相枕歎國讐
尚未報丈夫空爾爲金臺不復作流涕燕昭祠

東飛伯勞歌

伯勞東飛飛不息隣家女兒當戶織春蠶已老
飛桑蛾機上綺羅花色多挫藥染絲素可黃纖
手理之心煩傷明月皎皎流夜光朱顏發艷桃
李芳胡不早嫁東家王

東府山房詩錄卷下

五

空城雀

空城雀止且飛禾莠或黍離離長嘴飽短嘴飢
相爭剥啄無停時田家張羅知未知一朝入羅
悔可追

自君之出矣

自君之出矣使我長飢渴糟糠不下堂遊子在
天末

自君之出矣少婦爲人姑思君不知老恐君生
別圖

以石投井中一去無歸計日月東西生晝夜見
懷意

長干曲

郎家朱雀橋妾住長千里蕩漾木蘭橈出入秦
淮水日日逐風波相逢結女蘿誰言潮有信當
面隔明河

枯魚過河泣

大魚食小魚小魚食蝦枯魚過河泣且嗟爲我
謂魴鱖莫輕渡河縱不畏風波不畏網羅

咄咄歌

即棗下何纂纂

棗下何纂纂纂纂復垂垂棗熟下成蹊棗盡上
枯枝枯枝摧爲薪君子慎交親

大道曲

長安春二月南陌踏青芽不知誰家子妖閑映
朝霞三三兩兩俱紛如瓊樹華日暮相扶將綺
羅闌狹邪

獨不見

瓜期負早春春盡花如霰歲華連理枝團圓合

歡翫啞啞城上烏隊隊梁間燕日暮行雲歸懷
人獨不見

邯鄲行

妾家洪波岸歡遊叢臺西相逢桃樹下女蘿結
兔絲歡愛桃花面妾賦桃葉詩駕言誓山海中
心不復疑片語不相入風波起當時誰云相去
近對面千里睽一夕歡歡笑桃疆柳亦衰豈無
嬾婉情如以石激水容華莫遽殘君心倘能悔

夜夜曲

斗帳錦羅襦流蘇垂四壁夜夜醉歸來鼾眠橫
枕席

獨處愁

君如天上日薄暮忽相失君如天上月四五蟾
兔缺思君晝夜得團圓天邊日月常雙懸寄言
遊冶郎閨中春事長

蘇小小

油壁七香車去去宿誰家西陵大道旁少年驄
馬郎

樹中草

枯樹生旅草旅草依樹不沾霜猛虎棲深山頭
得山中草木長大樹自有陰寸草自有心如何
連理枝富貴忘我爲

三良詩

殉葬古未有駢死竟何益身沒遺哲人可以輔
家室結髮事人主誓歆同憂戚臨穴一盟訣天
地有終極亦知祗徒死王言不可食道重身乃
輕義存情靡及百身難相贖萬夫永爲特

楚妃嘆

楚澤田獵歸王問爾何笑妾亦無所嘆妾亦無
所笑山禽不登俎犧象守清廟賢乎虞丘子置
身乘機要梓者多故歡好爵從所好袞衣匪一
絲台衡豈獨照四岳揚側陋玄德乃升耀周公
日吐哺白雉來遠徼矯矯公孫敖海濱但坐嘯

魚戲蓮葉間

魚戲蓮葉間葉葉何田田田田覆池水鵝鵲空
自憐魚戲蓮葉東初日射波紅魚戲蓮葉西斜

光照綠溪魚戲蓮葉南薰風搖碧潭魚戲蓮葉
北寒流深不測採蓮莫採葉蕩漾木蘭楫爲抱
雙蓮子慙慙念孤妾

漢宮詞

內庭千樹花開落無人見昨日進良家又下昭
陽殿
溝水平如鏡徘徊散愁心貪照可憐影誤墮黃
金簪
手持五色線夜繡連理枝刺到鴛鴦頸停針有
所思

所思

紫殿生青苔是妾雙泪滴秋風吹長門一夜忽
如積

明妃曲

彈來塞上曲本是漢宮詞胡女無華色蛾眉處
處疑

東岱山房詩錄卷上終

東岱山房詩錄

古樂府卷下

古從軍行

胡騎犯長安飲恨別妻子撫劍出函門誓不顧
生死提兵孤城下四壁盡胡壘天子方召見背
城決一戰單于夜遯逃奏凱未央殿

塞下曲四首

胡馬嘶中原太行生邊色甲士赴戎機

君王正盱食矯矯葵藿士誓歆死城北利劍不
在掌殺身竟何益

匈奴屢犯塞漢營方犒師鼓吹寒沙漠飛旌暗
四垂刻日白龍戰乘夜青海窺將軍正宴飲惱
殺幽并兒

轅門紀軍功百金購一首邊城刈如麻誰復問
丁口胡來倏如風胡去疾如電跨馬出沙場沙
場何清宴

匈奴斤邊堠婦女半驅虜文姬抱胡雛帳下多
漢語復聞遼城將今年納鮮卑羽翼年年壯君

聽阿得脂

俠士篇

良家產六郡結束事邊庭一旦平胡盡罷歸守
故營刈葵愧長刀豈免悲干城捋髭頻急弦裂
眦如曙星百金笑一擲五斗初解醒探丸藐縣
吏然諾輕死生俛首豢鷄豚矢心厭葵藿管恐
勦力弛彎弓射林雀

長安道

長安門闕東朝廊千間厦馬鳴玉河上水流玉
河下

長安門闕西雙塔青雲齊冠蓋鬱相望西山接
御堤

湘妃怨

蒼梧暮靄深湘江春水綠千秋懷帝子遺恨斑
斑竹

胡無人行

黃河出塞日夜流燕山胡騎聲啾啾漁陽老將
推車輪東制居延西控秦徙兒百萬如雲屯跨

馬長城時極望胡無人

臨江王節士歌

秋夜落江楓江波日夜東
明月照江浦壯士泣
秋風晨起撫長劍劍鳴深
鞘中龍蛇鱗甲俱相似
誰能辨我是雌雄

庭中有奇樹

庭中種奇樹灌溉何辛苦
相期結花時與郎同
摘取一夜花開郎未歸
春風搖樹紅芳稀攀條
飲恨淚沾衣

回鑾曲

戊戌在成均作時
天壽山

西京重原廟東都薦上辛
豈如食舉後歆此上
陵晨相風駕天駟雨師清
道塵司馭貂蟬冠材
官鷄鷄巾尚衣隨豹尾行
漏代鷄人天行飛華
蓋斗轉扈鉤陳止輦居庸
道歌風灤水津行宮
三十六駐蹕皆陽春
橋陵何盤鬱蛟龍起
嶙峋寢園薦櫻桃
隅湖採青蘋鳴鍾犒衛士
按劍撫邊臣回鑾幸
甘泉刻石垂瑤珉
樂奏上之回賦獻
協吉辰

劉生

談兵羞燕頤負氣捋虬鬚
朝彈上林雀夜宿酒
家胡片言傾五嶽千金
直一廬撫劍平津里醉
罵執金吾

煌煌京洛行

名都信佳麗九陌四時春
地勢交風雨天符產
鳳麟娥娥秦氏女
燦燦霍家親燕市行歌
晚胡姬勸酒頻道旁
避馬客坊下閭難人
狹邪連複道甲第入
平津綠雲承繡栢珠
簾拂玉塵日暮

青煙合歌鍾徹四隣

卷下金

四

長信宮詞

我本大家女克選入深宮
早被君王寵承恩玉
殿中耳以聽鳴鷄身可
當來能豈期飛鸞至掌
上迴春風妾非歌舞伎
馬能久相容空製齊純
扇歆獻羞雷同含妻無
所訴飲泣向丹楓

沐浴子

沐以蘭芳浴以蕙爾為馨
香誰作穢不見汎汎
浮萍草隨波上下流潔
身以終老

宮中樂

初日照綺疏御柳啼鶯早美人褰珠箔相期聞百草

春宮樂事多夜遊不知倦明星耀東厨隨例昭陽殿

三十六宮裏妍粧迎翠華鳳輦乘春下天行到那家

御柳蟬初噤沉香晚自憑五月涼如水休頌露井水

宮中秋夜長明月多情者初景照屋梁旋復來

床下

雪積風蕭蕭深宮夜寂寥御帳春如海轆頭水正膠

日苦短

日苦短夜苦長華燈美酒宴高堂菓敍羅薦充員方豈不愛惜費所藏人生歲月如電光少年行樂事了了眼中人風塵一以別如隔雲漢津誰知此別苦存亡難具陳落葉隨風颺後會當

何辰故舊日益遠來者非所親杯中有知己足慰百年身

邯鄲才人嫁爲厮養卒婦

邯鄲有才人嫁之厮養卒卒家得婦喜結我青絲髮繫我錦羅襦解我凌風轡情知非等匹悲歡成日月肯爲匣中鏡今爲水上筏風波一失所良憐信難越青蠅點良璧明珠委深窟心折邯鄲城目極叢臺闕出涕望鄉邑川途間燕粵盈盈臺上女娥娥兢超忽不曾處下流安知問

消歇

古行路難

堯之二女胡嫁一人孔門三黜周公無親吹毛求疵聖賢不任女無妍媸悅已乃宜海夫逐臭蘭芷不如在歡目中靡不西施

白龍啣珠來報漁夫爲我謂白龍汝薄風雲行天衢胡爾拘拘如魴鱖嗚呼天網雖疎事防不虞

折花插瓶一日可枯剪花插瓶閱歲如初手持

蠟戟光耀射人羊質虎皮誰辨僞真

夷齊扣馬仲尼執鞭七聖皆迷大道茫然一日

千里終當一還

磁石吸鐵純金不舉芳餌釣魚神龍不取星有

何情好風好雨俾彼北辰塊焉中處

瑞雪篇笑丑元日作

南宮宮中雷大鼓漢官臺下盡伏俯日食雲中

望不見天子素服未央殿誰言日食忌三朝翻

然瑞雪凌寒飄轉災爲祥天意厚 皇帝陛下

萬萬壽

壯士篇

壯士輕白刃願乞一言死義氣生慨慷遑顧妻

與子 內手不寒執手可熱衆人諾諾壯士喋

喋 寧料虎鬚莫觸龍鱗猛虎可縛龍性難馴

肯綮不中雖勞何施智哉庖丁善刀而藏之

齟齬行在江上作

齟齬齟齬所如伊阻山溪毒淫不逞寧虜一宵

行必燭晝行必戈山有猛虎不辯誰何二慢藏

誨盜良賈若虛人皆聖賢而我獨愚 三 鏐鉚出

鞘利在一決不如還鞘以防其缺 四 漁於山獵

於淵終日不獲乃網罟之愆 五

江南四時歌

初陽正二月江南桃李時蘭茗交翡翠盡舫喚

鷓鴣

畦水流沃沃稻田齊以綠烟雨數家村五月春

新穀

月夜芙蓉爛霜時橘柚甘家家種桂樹秋色遍

江南

江南少夜晴坐此深冬月高齋蟬蛄聲不解芳

時歇

君不見

君不見水中魚中我以芳餌屑我于靈沼投之

以金粒覆之以玉藻此中恩怨不分明欲報明

珠爲誰好又不見青青山上苗忽爲堂下草結

根苟不堅不如山上老山風吹草草離離猛虎

不棲惡木枝莫逐樵夫山上去山中歸路幾人

知

涿鹿行

西望涿鹿鬱何盤盤胡爲滯滯我馬不前 獨
坐空庭澹然何爲白日西下惆悵思歸 長安
狹邪車馬相投周道如底君子夷猶我歌且謠
于以解憂

新婦詞 在縣作

黃鵠西南飛十里一回顧妾本邯鄲女嫁作臨
江婦十三扣錦字十四織紵素十五鳴絲弦十

東晉書房詩歸卷下金

九

六通辭賦生小不出門見人頗羞惡磁石吸長
針牽纏安得住悠悠涉江水綿綿即長路行行
見卑居卑勉啓生聚况值丁力微夫婿多惶懼
內顧無贏餘應門寡親故府胥經過門催租權
水務略頌再拜迎烹鷄待之去豈不誠報頗家
貧廢禮度入厨理晨炊炎方汗如注素衣化爲
緇纖手點垢汚匣中芙蓉帶開緇不忍覩綵袖
雙鴛鴦網絲成布渡豈無金石聲朱絃空在御
昔爲掌中珠今爲華上露但免翁姑嗔悲辛敢

言訴潯水不通潮淮陽多枳樹江蓐不可航跂
予日延佇阿母知我情應悔誤生女阿父知我
情捫臂怨媒姥有懷難具陳涕泣淚如雨

遊子篇

朝出門朝不歸暮出門暮不歸嘆息三年遊子
衣亦知江南隔江北欲不出門那可得

出門行

出門復入門握手語唧唧遙爲千里別所囑事
非一日暮送者歸但云苦未悉江介起北風爲

東晉書房詩歸卷下金

十

寄寒潭橘

妾如井中蘭

妾如井中蘭君如天上月願君廣末光照妾于
幽窟

妾如井中蘭君如天上月願君廣末光照妾于
不滅

古君子行

青蓮出水水不染鰕魚蟠泥泥汚眼鯨鯢吞舟
虎噬人山高水深吾閉門長安美酒斗十千欲

飲不飲空自憐衆人皆醉誰獨醒清齋松下花
冥冥

易水歌

漸離擊筑荆卿作歌易水湯湯揚白波太子不
知有秦知有軻怒髮指天如秦何腰下匕首光
陸離丈夫寧爲郊特牲不爲曳尾龜群龍解首
祖龍走天地爲我皆震吼勿謂荆卿爲燕劍衝
疎六國胥淪亡疇能鞭撻祖龍遶殿呼烏烏

公無渡河

我聞黃河活活日夜流上天下地無時休洪波
噴箭誰敢渡何用九曲蟠如鉤翻江倒海摧山
岳却向溝渠問清濁達人駕浪泥中行愚人束
手俟河清臨流感歎何時平臨流感歎何時平

撫劍篇

撫劍出門爾何去河水無梁虎攔路周周啣羽
魚比目孤雲在天白日暮雜縣風煖日爲災天
吳高浪駕蓬萊野狐跳梁城狐哀嗟爾胡爲平
來哉嗟爾胡爲平來哉

臨淮水

臨淮水一年得一度何似牽牛渚淮水東流似
往年紅塵立馬聽潺湲空將華髮催遲暮江上
青山春可憐

秦女卷衣

秦女卷衣裳深宮夜未央尚衣青玉案侍寢黃
金堂複帳雙龍繞流蘇五鳳翔微風一以振合
殿裏天香

義士篇

濮千戶顧玘殺人法當處死除籍弟
贊年十八以身自代慨然臨刑卒無
怨悔司獄者亦疑之而竟不免焉哀
哉事不見於郡志故持表而錄之俾
觀風者續有採焉

兄勿殺人兄竟殺人殺人抵罪兄自身祖功不
叙愁吾人兄弟之間何彼此我室未聘死可矣
不謀諸兄不告母手持銅鑄首官府大人莫疑
我何苦東園露井桃李芳蟲來歸桃李代殭年

年桃花開滿枝開花結子兄嫂當知之

獨漉篇

獨漉獨漉沾體塗足同涉泥中誰辨清濁
隼據高墉側目攪威豈無繳矰雖工何施
泛泛浮萍得風裊那不知無本反謂有托
厠踰覆錦青蠅翩翩搖尾鼓翅何軒奴軒
手持太阿莫以告人日三摩澤用防自身
猛虎雖慘志在一飽鄙夫無厭泰山爲小

捉搦歌

老女類適人含羞不欲語東鄰有曠夫爺娘不
輕許

春江曲

春鳥下前塘春帆帶夕陽春草隔江綠王孫空
斷腸

愛妾換馬

棄捐萬金體博此千里足飲恨割紅粧匈奴寇
上谷

蛾眉如棄篋駿骨享千金可憐薄命妾徒有散

惟心

江南謠

塞上有兵機江南科賦役逋負動十年徵發在
今夕文移紛如雪府胥坐如棘良田委榛蕪子
女易金帛持金謝府胥所希聊喘息民訴一何
苦胥怒一何極我有千斤弩欲施不得力願爲
循良胡可得

徐沛謠 癸丑作

呂梁水決黃河趨平原徐沛皆江湖父疏河子
備胡阿婆乘犁婦荷鋤三月不雨麥枯稿丈夫
歸來塗餓草

僞言

姑惡

東鄰生女西鄰婦阿婆見憐小姑妬三日入厨
理茶湯溫涼不稱小姑怒養女閨中掌上珠嫁
女出門花上露姑惡姑惡且停怒早晚亦是他
家婦

行不得哥哥

誰謂一飛可衝天上有大羅誰能迎刃而直前
前有九河行不得哥哥

泥滑滑

水中之馬不能自前胡爲泥中乎周旋不行泥
中不知泥滑滑兩足飭力確不可拔

播穀

播穀播穀言告農夫五月芒種汗邪滿車司農
獻禾天下大酬

阿得脂

得過且過天明壘窩一身不自保邊恤其他

桑扈

勿折我桑折桑手指枯勿喫我榘喫榘黑皮膚

從軍行已下用唐調

六郡良家子五陵俠少年臂鷹臨朔塞立馬向
烽煙轉劍流星曙彎弓明月天匈奴冠上谷夜
半度祁連

關山月

旌旆秋出塞刀斗夜臨關沙上眠金鑲閨中損

玉顏胡天獵騎盡漢月陣雲間一夜相思遂三
軍衣盡斑

出塞

半夜羽書下將軍出井陘伏兵依遯甲轉戰撤
丁令策馬交河斷磨刀隴水腥如何實車騎燕
然獨勒銘

紫騮馬

沙苑紫騮馬雕韉錦絡頭千金能一顧萬里爲
防秋踧踖胡塵下趨趨汗血流天閑十二種誰

解取封侯

王明啓二首

蛾眉不可恃鴻翼竟難尋前殿更衣夕邊庭駐
馬心春悲胡地草秋憶漢宮砧縱使黃金賂其
如妬忌深

十年未奉面椒庭空綺羅當辭纔一顧承恩豈
在多詎知薄命妾能使漢庭和千古琵琶曲流
傳塞上歌

羽林郎

盈盈羽林子甲第青雲齊獨擁千人騎常隨八
駿蹄開鷄長楸巷躍馬章臺西歸去金張館鍾
歌夜月低

俠士

朝度黃雲塞夜臨明月關三杯賦羽獵一笑定
燕山飲馬長城窟射鵰青海灣功高不被賞彈
缺夜漫漫

銅雀妓

君王棄屢妾命交遊絲歌舞春鶯盡樓臺銅

雀悲西陵正芳草漳水日流澌千秋總懷在早
晚夢來時

錦石搗流黃

妾本青樓倡離居秋夜長銀環約雙素錦石搗
流黃獨鳥樓南樹明河掛北堂早知離別苦不
嫁冶遊郎

春江花月夜

春江不波春花妬綺羅不掛輕帆去其如明
月何人煙浣沙女燈火採菱歌歸路明珠滿鮫

人泣淚多

春閨詞

一自稟砧去春來信莫聞閨中泣明月天上妬
歸雲折花空在手織錦不成文肯學秋胡婦條
桑惹使君

宮人入道

解珮辭長樂飯心奉上清只疑秦弄玉相伴董
雙成不向前魚泣來攀獨鶴行夜深禮斗處猶
見小星明

城上烏童謠

城烏啣肉左顧右盼竊脂高飛食不下咽陸有
鯨鯢市有虎石上黃梁棄如上一朝緩急苦復
苦以錢爲埒金爲府丁男死邊姪女舞丞卿堂
上日擊鼓

諺語十六首

緊呼茶慢炊火有客徐徐不待我
夜蟲求明或向燈或向火林中有雀其奈我
齒菜蟲死菜中郭磔早去焉知無生靈龜不自

保何用知吉凶

主人勸酒客大怒本無惡意爾何負誰謂水清石自見焉得女面猶吾面

你來我去誰先把鋸

方則穩圓則滾

飢莫食魚飽莫食糗坐莫垂堂趨莫臨池

手持金盃向人覓食孰失孰得

猪羊就縛磨刀霍霍衆口信然望門大嚼

口若懸河搖吻生棘榛不容見君子無知乃貴

人

人心苦不足飲河期滿腹并綆欲上天神龍困

魚服

多笑寡情多文寡誠妬婦若容以婦乘夫積愛見凌

鶴入鷄群鷄不自安鶴亦難馴

有雨莫雨大海有肉莫入大庖來則太倉增一

粟去則九牛拔一毛

狐化爲人不勝自媚見犬則驚聞鷹則畏

兔走田中千人如沸一人得兔千人喪氣

東岱山房詩錄卷下終

東岱山房詩目錄

五言古詩

擬古八首

義命篇

寄梁仲實

有莘行

紀行四首

廣川道中

田中雜興四首

雜詩二十首

初發京邑

奉敕諭河間道中作

贈李山人

賦得青絲

夜發新中驛度單橋關

東岱山房詩目錄

雪夜別京邑同好

河上逢都明府

王虛觀

相逢行贈何明府

天寧寺贈沈明府

在縣効潘安仁體

鈴岡

張內翰至自吉州得羅殿撰書

宜春徐明府見過東張內翰

鵬日

蒙山

夜泊泗溪

清江送徐明府之京

晚度鍾山

初至家園作

夏夜

暮秋西園即事

杪秋留飲諸鄉舊

河間贈陳見吾太守

定興別李于鱗

送吳給事謫豫章司幕四首

初入法曹作

送李參軍赴金陵

月夜遲友人不至

東岱山房詩目錄

晚出省中作

貞女篇

王節婦

同省寮讌集賦得建安公讌詩

送陳員外赴浙東僉憲

郊送于韶馬上作

送張少府赴蘇州二首

苦熱行

蔣少府靜觀亭

夜宿保安寺

送宗吏部赴閩中少參

春日登毘盧閣

寄弟

桃源行

有懷

從軍行送少司馬江公南征海夷

江上寄友人

門有車馬客行

省中再贈惟德

蚤起

初春感述二首

為凌比部母作

秋夜雨中為張有功作

寄方定之

洪法寺訪方侍御

夜讀南華經

韋園送馬司成赴留都

贈高伯宗

賦得五老峰送南華汪憲副赴江西效李

白體

歲暮感述

登延慶寺假山

題劉諫議賓山亭

夏日昆廬閣

苦熱

閒居

東門行

梁舍人還嶺南便訊黃泰泉詹事

送宋陽山歸省永豐

送何振卿守潮陽四首

擬嘲熱客

行間寄贈高郎中伯宗出相親王之國

途中述所見阜城道中

東門送子與得荔字

送馬汝言四首

雪夜訪陳比部思翊留飲

於滄洲往泊頭舟中同王武庫作

東岱山房詩錄

濮陽李先芳著

五言古詩

擬古八首

送君不出門許身在萬里
沉吟彌昏曉徘徊夜
中起寒衣裝已成乃抱袖
中子懽笑襟懷前焉
知襟懷裏弦望豈無時
日月一何駛睽彼蘭若
花憔悴自茲始有懷難
具陳歲暮良已矣

二

青樓臨大道旭日正杲杲
感君桃李年使我懷

東岱山房詩錄

春早佳人念良夕誓結同心好
磐石轉有時華
池多芳草秋風薄天雲一去跡如掃
徒篋池上
魚翮翮籠中鳥性情本非宜
况復傷懷抱

三

高堂列廣譙美酒斗十千
絲竹奮清響聽者有
悲歡人性豈相殊中心難遽宣
諒無黃鵠翼焉
敢凌中天延情需所願歲月忽已單
要津何熠
耀駕蹇徒迤邐達人貴自我珍
此芳華年

四

人生不適志相見俱寡懽
忽忽百年內惋鬱摧
腸肝所貴寄此生慷慨達大觀
屈伸有前定義
命我所安金貂襲世紫黃口彈其冠
閉戶以窮
經皓首貧且寒驅車入京邑
樓觀何嶢峴冠蓋
填夾巷車輪不能前問君夫何能
上有滄浪天
隨時樂相樂戚戚胡為然

五

高樓何逶迤上與青雲齊
桃李夾廣庭東園下
成蹊凝霜被蘭徑時運忽已衰
纖纖樓上女哀
怨何其悲良人委蔓草盛年守孀嫠
昔為人所
羨今為人所咨名成不自享富貴將何為

六

許身為夫婦千里不辭遠
嚴裝膏輕車孤雲有
時迺十年守清閨日月互修短
金石徒自堅滄
海水清淺君心如饑渴妾心亦輪轉
媒氏何所
營棄我如苦蕒不貪會合懽但傷歲時晚
安得
凌風翼高翔訴所遭

七

我友奮高舉惠我金王音聆音扣衷悽歷歷負
所欽玄狐足禦冬念子無衣衿利劍不在手壯
士徒苦心鼎鼎歲云暮陽月迴重陰北林吐華
月絡緯相悲吟寒鴈遊南適嗷嗷鳴索群矯首
望河漢俛首揮鳴琴大雅久不作此意誰與論

八

步出郭北門兩墓鬱相望借問此何人言是聃
與彭服食學長生千載何茫茫馳輝銷金石歲
月如電光寒暑人事易川陵互低昂為懼歲幾

何歎歎珍所藏

義命篇

耿耿秋夜永商飈淒且寒攬衣望前除玄霜被
以蘭促織鳴四壁北斗何闌干夜氣入旦清塵
慮經秋繁晨起踐霜露營已千萬端傍徨忽已
久事事成艱難引領望河漢愧無長羽翰鴈隼
麗高空斥鷃飛草間飲啄有前定非分詎可干
願言謝時晦義命從所安

寄梁仲實

相別如弦筈相望若越秦風塵淹夢想踈曠勿
復陳竭來惟素書雙鯉為我噴願得玄黃馬往
訴平生親此往恐不遂撫心如轉輪自是兄弟
交何多兒女仁道義苟不薄南國猶比鄰豈必
同几席而後情乃伸眷言懷君子遺我席上珍
置之懷袖中見面如有因歲久字不滅可以識
君心

有莘行

晨起理嚴裝膏車遠別離出門行遲遲將往心

回疑恐罹塵垢嬰素衣化為緇朝發箕山陽暮
止有莘陂舍車訪阿衡邈焉不可追聞有川上
叟九區景其姿論道準元聖抱真探玄機往當
從之遊款曲訊所歸長晚謝指南誓此懷吾師

紀行四首

驅車指京邑嚴冬北風急辭親何草草寸心亂
如棘晨起踐霜露日暮不遑食出門即他鄉道
路安可極遙望還山雲撫劍長太息

二

明月皓如日徘徊照我衣僕夫守嚴駕客子獨掩扉滅燭撫高枕愁來不可揮丈夫重奇勲榮名世所希願同黃鵠志施翮凌風飛

三

嚴更戒車徒夜起倒裳衣出門望風色鳴鴈相因依左手挽繁弱右手揮忘歸宵行三十里曙星始生輝天風自北來百草搖霜威山徑多崎嶇君子防是非

四

鷄鳴關門開車馬如流水停驂一問津冰堅石齒齒爭先名利途竭來一何駛延佇撫長川故園渺千里隴頭有寒芳折之贈君子此物何足珍春信自伊始

廣川道中

策馬遵廣川雪深我馬滑舍馬踐霜雪霜雪沒我襪四望何茫茫飛鳥鳴空桑迴風一以振薄我寒衣裳長途念遊子惻惻令心傷

田中雜興四首

麥事甫奏功疆場忽以除田寡易餌勞地瘠無長儲做載藝黍稷既耕亦已鋤田中有暇日開蓬讀我書冉冉夏雲高陰陰灌木舒五月熟來禽繞畦生青蔬玄蟬響修槐鳴鳩出疏榆徙倚衙門下清風來徐徐蘼蕪斷紆逕裘羊久見踈

二

委巷蔭榆柳繞籬生蓬蒿腰鎌刈稚韭心夷道何高豈無盤中食當知圃者勞食力者甘食衣褐者甘衣嗟嗟豢養子裘馬何輕肥不知稼穡難焉知是與非

三

村中一夜雨道上百草生人有遊賞意馬亦徘徊鳴南颺搖綠樹暮蟬無限清野水浸葦葭群蛙相和聲青天靜如拭嘉禾萋以榮矜昧惜芳甸佇立以屏營

四

夕日扇微涼灌園古城闕高槐落清風玄蟬互鳴咽藹藹嘉木陰濯濯寒泉冽絲蘿薜荔丹

葩耀巖穴曳屣獨行遊攬衣坐林樾遙望白雲微微見新月

雜詩二十首

駭驥下吳坂負轅力不舒神龍委泥滓不如池中魚夜光豈不照按劍臨前除燕石一何物比之璠與璵中郎下王粲臨邛識相如茲事難再得懷古空歎歎

二

君子重然諾金石未為堅從違如有他地位使之然泰山不辭塵滄海歸百川物理各有托孤雲空周旋駕言念疇昔此道誰能宣

東山詩集卷之

七

三

神女夢襄王交甫懷妃子神交不可測江水何瀾瀾美人靜不來嘉期竟成毀我欲斷君情如以刀割水莫作西飛燕棄我如敝屣

四

庭中何所有有瑟復有琴朱絃豈不美一人獨向隅我欲舍此瑟往訴伶倫師軒轅為我顧言

奏清廟詩一奏居民殷再奏鳴鳥儀絃急響易發情鬱聲不衰翩翩玄鶴下嗟爾來何遲

五

薜荔採水中芙蓉攀木末所求非所產何用多簡擢幽芹生清溪隨水難自托其葉可充庖中心亦不惡

六

東園桃李芳取者成蹊路豈無道傍李行人且不顧潘岳出洛陽投果愛其姿孟陽亦何人瓦礫相追隨諒無美容好莫為人心私

東山詩集卷之

六

七

任公昔垂釣巨綸五斗餌投竿東海濱期年無寸利一夕獲大魚漸東飽數歲拙遲世所厭終以厚相酬難將一目網輒欲取吞舟

八

貪巧費拙工拙費巧難成行止有攸司順受乃中貞北上太行山駕言遵楚道持此三善長去楚日益遠壽陵學善步里人效顰貌故物已盡

失徒爲人所笑不如抱義命從吾素所好

九

同雲翳周天陰陰晝如晦消滴無所施何用多
鏤鏤蒼藹東南來飄颻大如塊霹靂空中鳴倏
翕甘霖潰神理本微茫天澤有殊賚

十

盈盈紛華子多財衆所推矯矯縉紳士往往窺
其資雖無權與衡輕重殊所施入門假言笑僮
僕俱揚眉此物儻來者何用矜且持子夏自善
勝百結空懸鶉魯子豈不貧高揖不畏人

東山詩集

九

十一

侍籀君子傍誓言比山海但傷百年促容華不
相待詎知乖離情不俟朱顏改覆手生風雲把
鏡失光彩空憐合懽被緣以結不解

十二

楚中有高人言是漆園吏婆娑綠樹下澹然無
所嗜千金却人來著書以見志豈不愛其官心
亦有所事步出上東門車馬紛如織朝過飛鳥

堂暮過枯魚肆達人貴知幾榮耀豈足倚

十三

梅花優於香桃花優於色羽蟲無四足羣獸無
兩翼金張珥世貂楊子弄文墨持此欲相兼造
化有窮極我有逍遙篇自視以爲得

十四

漆園有傲吏垂釣濮水陰臨流嘆曳尾捐組辭
華簪此人豈不偉惜哉甘陸沉抱疴卧東園時
起弄書琴長嘯發清籟金玉相爾音懿彼芙蓉
花托根濁水淪塗泥而不染可爲表予心

東山詩集

十

十五

有鳥西南來集我庭前樹哀鳴思儔侶達曙紛
如訴我欲執此鳥惜哉隔天路因風托夢想懷
望勞心曲豈無燕雀群所志在黃鵠

十六

陽春與白雪舉世愛茲名調高和者寡絕唱難
爲聽衆皆飲醇醪玄酒不須傾羅綺雜滿堂孰
與疏布清楚人嗜蛤蜊膾炙非所營性情苟堅

定九牛不可更

十七

曹劉初降格猶存古遺風
涓水可滔天作俑竟何功
辭艱意彌近道喪言徒工
羣蟬響高樹馬知金玉聲
瓊瓛耀文彩璫璵失晶明
逝言談古昔驪者難為聽
巴人奏下里大雅杳以冥

十八

子思昔在衛饑寒不自保
子方有狐裘往贈云結好
自嫌棄清堅辭之如芥草
衣食無所資仁

義以為飽

十九

本無適俗韻棲身驚城闕
四時代鱗次惜此年芳歇
珍禽擇高木志士甘苦節
舒憤吐微吟欲語成哽咽
步出西郭門遙見水中磯
磯上多樂事魚鳥相因依
願從滄浪叟永此安所歸

二十

士為知己死茲言恐不然
豈不愛惜苑相逢知己難
我讀李白傳悼彼泉下賢
汾陽昔未遇識

之行五間一朝構大難
解印贖以官斯人鑒不遠
千載成長嘆

初發京邑

脂車張組帷六轡閑且柔
坦然就大道捷徑安足由
南眺白雲深北睇玄雲流
貝闕拂太清春水鳴盧溝
撫景長太息使我心夷猶

奉敕諭河間道中作

玉璽昭徽音金鑣和鳴鑾
行役此何時春氣始暄妍
澌澌斷水流葳蕤桃李然
條風薄林木黃

鳥初翩翩輔城擅佳麗
宛在瀛海間烟火萬家市
井邑百雉連水陸亘通衢
阡陌皆桑田揖節矚廣野
重檢皇華篇

贈李山人

俠士重然諾少年遠結客
寶刀托相贈寸心貫金石
悲歌孟嘗門賭勝新豐陌
歸來西峰下腰鐮刈春麥

賦得青絲

青絲傾滿座行子心不夷
不經離別苦焉知彈

者悲上絃操孤鶴下絃懷連枝調高和自寡柱
促聲不衰寂寂大珠落纖纖小手垂停拍試借
問莫是北梁詞

夜發新中驛度單橋關

商飈薄林木白露積如霰明月鑒床幃攬衣起
寤嘆出門望西壁玉繩何燦爛僕夫理星駕館
人進夜飯我行三十里鷄鳴始昧旦杳杳墟里
烟漱漱水中鴈秋潦決長渠橋梁忽中斷塗泥
濺我衣含車陟高岸我衣不足惜王事云孔棘

東山詩集

十五

雪夜別京邑同好

仲冬淒以厲秉燭譙華堂烹鮮割熊蹯庶羞羅
縱橫不自愛惜費念我遊遠方日暮朔雲合兩
雪忽飄揚北風動地來吹我征衣裳不畏行路
難但畏別日長君如園中葵我如陌上桑遠條
亦堪採無因傾清光晨難知夜寒庭柯知夜霜
娒娒京洛士遙遙名利場握手不言別相對各
盡觴

河上逢都明府

河上一傾蓋執手不能別意氣苟相入豈必久
怡悅危橋集堅冰落照明殘雪予悲行路難君
傷置身拙俱是薄遊人相期望新月

王虛觀

我來王虛觀一訪雲中君回飈拂衣袖颯沓超
人羣坐我青玉案飲我紫霞氛沐之以明河被
之以玄纁上帝坐西櫺羣后羅蒼旻秦女吹洞
簫湘娥杼鳴琴金口授丹訣字字皆天文長跪
讀天文靈氣何氤氲三緘不再發勿令塵世聞

東山詩集

十四

相逢行贈何明府

清江有游女其容美如玉含情發皓齒中心洵
且篤携手浴澄波日暮秉華燭逍遙洲渚間各
唱相逢曲曲盡思沾裳欲去遺清矚江水浩無
踪何由覓芳躅

天寧寺贈沈明府

朱陽煥南服簿書日紛擾加餐候暝鍾鳴騶拂
清曉把鏡竊自照形容漸醜老少年能幾何置
身何草草憇馬古蘭若振衣祗樹杪息暄夜氣

清遙夢萬里遙遙夢不當歸祇益心悞惱有美
沈隱侯襟期式相好日夕携尊酒江干坐傾倒
俱是殊方人垂堂慎相保

在縣劾潘安仁體

我本東鄙人深山牧黃犢改服綰銅章逸駒日
羈束夏夜苦鬱蒸蚊蟲轉深觸徘徊寢未安展
側亂心曲鄉園在萬里舉囊寄微祿理人乏善
績撫衆哀竑獨閭閻日以耗刻限一何速竟日
驅車走緬言念空谷四十尚無聞終身豈難卜

東岱山房詩錄

十五

長夜浩漫漫此心如照燭比翼各奮飛羨爾雙
黃鵠

鈴岡

西行多名山遙遙望鈴麓夕霽淨嵐霏千家煙
樹綠叢桂發幽香寒泉響深曲容與蕩輕舟前
波飛屬王

張內翰至自吉州得羅殿撰書

山縣久逋負簿領日紛紜因迎西至客乃見南
山雲南山有玄豹尊養輶時文寄我雙飛翼結

好通殷勤天寒巖穴靜江清鴻鴈聞如何間一
水歲暮未逢君

宜春徐明府見過東張內翰

相逢徐孺子解榻傾情素華燭流清光香醪湛
涼露見雪懷郢人因風想玉樹問君有何疾愁
然擲良晤

臆日

江天望不極寒山起烟霧鄉書悄不聞雨雪阻
來路厨人進臆飯遊子歎歲暮數口坐中堂相

東岱山房詩錄

十六

看淚如注

蒙山

晴嵐搖旦暮白雲倏掩護道逢山下人借問山
中路石門幾許深龍潭竟何處長松不可攀高
鳥遡焉去

夜泊泗溪

迢棹望江邑微風捲綃幙行行日云暮溪水鳴
活活浦溲渺人烟孤帆雨中落

清江送徐明府之京

微書昨日下午使君行不辭重念此行邁遠送江
之涯浮雲將流水各自東西馳天高白日速歲
杪孤帆遲江湖望不極鴻鴈來何時安得周周
羽相啣易水湄

晚度鍾山

春郊芳草滋春林烟霧滿風雨及鍾山容忽日
將晚迢遞望城邑詎知行近遠但聞江水聲滔
滔澗中轉

初至家園作

仲秋天氣涼農事坐將穫長飈捲征旆歸予自
天末道路漸鄉語衣冠儼如昨行行日益近望
望見林落桑榆翳平楚墟里帶叢薄隣舊聞我
至倚杖候巖壑爺娘聞我至烹雞煮羊酪小弟
馳馬來翩翩笑相譖登堂展新歡秉燭命深酌
撫孫出屈膝依依話離索三年今來歸此日樂
相樂

夏夜

聞暑雨初霽流雲蕩城闕衆籟夜俱寂遙砧時

間發颼颼竹葉風纖纖楊柳月坐深河漢明秋
思清人骨

暮秋西園即事

杪秋景物肅空林半鳥雀凝霜蕉葉萎無風栢
子落砧杵遍相催絡繹時間作獨有簷畔竹青
青對蕭索

杪秋留飲諸鄉舊

秋菊吐華色白露淒以寒佩之殊可惜不採亦
自殘携我新熟釀速我故所懽歲稔雞黍肥農
隙心事安園蔬有佳味叢篠復檀欒蟋蟀鳴四
壁初月生林樾俚言坐相雜觴酌行無端燕笑
坐未夕歲暮相加餐

河間贈陳見吾太守

祗役赴南紀竣事還北陲驛路詠皇華旌旆揚
道周此時正冰雪川途阻且修我行至瀛海遙
遙望神州漢家列三輔太守古諸侯翩翩惠高
駕歎曲勞相求亦既授佳粢燕宛成淹留對酒
籌時艱種種皆良謀笙簧列滿座愧非君子儔

飲醇心已醉飽德情難酬晤言申此辭後會良悠悠

定興別李于鱗

遥遥太行道泛泛滹沱水竭來本不期眷言殊未已鷄鳴關鑰開霜撤曙鍾起門外馬蕭蕭停杯別知己

送吳給事謫豫章司幕四首

漢京何鬱鬱宮闕青雲浮西山高無極逶迤控神州日出東海隅馬鳴大道周盈盈填夾巷粲粲屬名流冠蓋滿京洛念子不能留携手上薊門下見溝水頭溝水汎浮萍使我心夷猶

二

昔者輕別離期會在旦夕三年始來歸人事不可測流塵隨長風故舊遊安適岐路慙相逢緬言念疇昔既見不須更忽成遠行客悲歡延夢想歲月復如擲願為江浦鴈雙飛振六翮

三

首夏氣清和平原樹扶疎上有間闕鳥日暮來

相呼時物感人情浮雲故相踰章江流日夜迢迢見匡廬咫尺阻光儀况乃千里餘親者日益遠來者非故吾君懷竟誰道努力金石軀

四

長江何所有大孤復小孤儼如兄與弟宛在水中央弭節試臨眺感此心煩紆洪都佳麗郡山川多所娛西吳表江介南州盛文儒慎行無不可所惜天一隅倉卒故舊情寧不重欷歔

初入法曹作

曰子秉偃蹇頗乏經世務政服濫法曹盈盈府中步聲折路逶迤間闕鳥如訴園門綠草滋清風下庭樹窸窣聲雖離一面慙如故執手無他言黽勉詞與賦疇昔慕茲役乃今涉成趣劇談竟長日遙夜更相度親交具難陳揣已分已足漆園夢逍遙柱下著玄素嗣宗領步兵方朔守郎署大隱在市朝襟光于末路

送李參軍赴金陵

乃與君別者置酒碧山址碧山在何許爍爍鄱

門裏甲第屬青雲名卉披羅綺曲房度秦箏吹
臺下簫史親交盡傾倒百枝日披靡如何捨此
去南下金陵水金陵何鬱鬱川途殊信美龍虎
王氣盤淮海神飈起長江夜未央孤帆日千里
努力慎垂堂勞歌念吾子

月夜遲友人不至

秋庭坐永夕草虫喧四壁明月照高林涼風動
蕭瑟美人期不來遙遙念疇昔對酒空復情惆
悵竟何益

晚出省中作

平旦趨公府巾帶自結束出門聞無人但見西
山綠道逢五陵少駟從紛馳逐我行詣法曹曠
若履山谷坐草太玄經流覽蒼姬錄本乏經世
才甘心同拙木晨騎羸馬去夜歸城下宿日暮
小平津訝鍾沸華屋

貞女篇

模女崔氏方聘而夫
死乃自縊於林中

葛藟繁喬木纏綿日益長上有關關鳥來往必
雙翔有女字他人百年不下堂嗚呼予何辜未

姑嫜

王節婦

名都多游女希世美姿容各各重愛惜鮮知身
所終哀哀彼姝子挺生紛華中夫亡誓以死長
跪不再養贖產給塋事餘者周其窮親戚對悲
號行徒嘆少齡衆口徒嗷嗷焉知彼所從一饑
竟長逝千載流清風

同省寮讌集賦得建安公讌詩

杪秋良讌會托乘君子側小晝未盡歡白日忽

以匿六龍不可煩玄夜遊廣陌初月照西園灌
木吐華色商風激檀軒玉繩耀東壁愧乏脫賴
才謬登跼珠客翩翩翰墨林如鳥施六翮絲竹
揚徽音尊俎行絡繹有酒旨且多行樂不可極
清露披蘭徑促織鳴唧唧勝事難具陳良時豈
易得

送陳員外赴浙東僉憲

之子美無度疇昔風雲期出入華省中宛如連
理枝譙笑數朝夕咳唾皆雄詞相對意不盡相

東山詩錄

二十三

語待來茲候翕晨風發轉眄成別離詎意漢署
間乃如傳舍為傾城動冠蓋言逝江水湄咫尺
不相及何況千里睽人生貴知心嘉會難重持
江湖慎相保握手當何時

郊送于韶馬上作

端居苦無棕出門見芳草遊子久不歸送客長
安道垂楊夾御堤初日正杲杲空聞黃鳥聲間
關為誰好

送張少府赴蘇州二首

僕夫夙嚴駕逝將兢川途行行指吳會離別在
須臾仲冬行役苦霜雪沾衣襦大江馳急流北
風何喧呼已謂道途遠况乃歲月迂孤舸涉洪
濤為我一躊躇

二

姑蘇古名郡土宇淳且龐泰伯揚仁風海虞波
流長財賦準疇昔民情失故常山水豈不美伐
者日以傷君行執法從天子垂明揚凡民犯
有司錫之以平康

東山詩錄

二十四

苦熱行

朱明燭南陸祝融啟炎蒸夜短苦不足曜靈歟
復升青蠅晝交集蟻蠓宵見乘豈無齊紈素汗
下不可勝坦腹步前除隱几獨拊膺殺氣東南
來中天鬱雲興因念從戎子炎方戒先登涉海
如探湯戈鋌時奮騰飲血常不飽寒衣尚因仍
烈火燎崑岡玉石難遽憑居人勿復道征夫良
可矜所慚負鼎肉轉眄如懷冰

蔣少府靜觀亭

中軌殊途萬物真一馬馳騁競刀錐昏晚不
停舍君子達大觀一覽盡陶冶坤輿何茫茫挹
之不盈把結廬何有鄉坐肅無窮野虛室生白
光清氛却未夏機心永此息願從抱甕者

夜宿保安寺

寒天鬱寂寥臘日去何速行樂滿長安遊子卧
天竺芥冰炊晚餐鳴鍾坐華燭無事住空林家
中春酒熟

送宗吏部赴閩中少參

東岱山房詩集卷

二十五

青雲起西山飄飄槩神州矯矯攀龍客絡繹來
相求梯航萬里至杯酒成綢繆誰言此會易四
海稱名流卓犖翰墨場意氣凌三秋驚風忽以
至覆水難為收歎各殊懷行止念同儔良賈
貴深藏明珠戒暗投悲歌易水上握手不能留
人理天不違後會倘可酬

春日登毘盧閣

送客客行邁悠然上毘盧紆我倦遊情因之覽
帝都白日麗中天萬象森以殊遙遙車馬塵如

海趨江湖河山御氣重宮闕青雲扶桃李夾高
城虎豹臨廣衢名姝炫春服燦如秦羅敷青青
楊柳陌樓上正當壚遠望曠心目私愛空躊躇

寄弟

遊子在他鄉阿母留中堂歲時何所祝但願毋
康強家中有阿弟晨夕羅酒漿含胎抱兒女兒
女儼成行我獨在微官不得日扶將與爾本一
身為爾寫衷腸

槎源行

東岱山房詩集卷

二十六

初如桃源路惜與世人違及自歸來日人間萬
事非倦鳥無遠翮孤雲復何依落日一回首千
山鷓鴣飛

有懷

水蟲喧四壁遙夜故難任重以簿書倦淒其年
髮侵時凭青玉案一撫孤桐琴曠哉山水意達
曙懷知音

從軍行送少司馬江公南征海夷

東海日揚波島嶼潛鯨鯢駕浪鼓長鬣吳楚被

瘡痍 天子赫斯怒張皇戒六師司馬丈人行
疇昔覽穰苴東平玄菟郡西撫青海湄雲中復
上谷聲名震北垂蠡茲淮海寇不戰當披靡
帝心方簡任寵命良在茲彤弓受大賜朱芾何
歲親親睨并集送兒女牽衣啼豈無繾綣情軍
中遑顧私伐鼓戒南行六月正棲棲朝發薊門
道暮止燕昭祠易水交濁清太行何逶迤翱翔
古壩上人馬盈川坻戈鋌薊相臣組練壯天威
我軍震先聲方岳如雲隨行行至維揚犒賞揮
東岱山房詩集卷五 二十七

江上寄友人

金質大艦踰萬艘戰舫數千桅甲冑比鱗次勇
士如豹螭江岸莽蕭蕭南風搖大旗指揮運帷
幄決勝在斯須選鋒逸待勞妙算智傾愚昔聞
伏波軍跨海平蠻夷揚僕起樓船甌越不敢窺
碩奮先登羽談笑釋重圍一鼓下江左如逐犬
與鷄南奔蹈火水觸者委浮泥醜虜空如林輕
若俯拾遺縛面赴藁街傳首訕滌沂凱歌獻明
光麟閣垂鼎彝

波流意不盡還期醉江月半夜南風起那能候
明發却望泊舟處懷人心欲絕浮萍水上生不
勝怨離別

門有車馬客行

門有車馬客來自山中路拂塵坐中堂款曲扣
裘懷依依平生言密密懷中吐言我北山下田
園日成趣溪上對清流花下絕芳露魚戲蓮葉
間鳥棲蘿逕樹客遊無還期親識豈如故我生
非松栢玄髮俄成素為我謝山靈初心應不負
東岱山房詩集卷五 三十八

省中再贈惟德

散吏無拘束行止能自裁耽此清秋夜復見美
人來草蟲鳴不歇鴻鴈去悠哉高談未終竟河
漢忽西迴

蚤起

懶朝每晏起先期戒僕御張鐙解濁醪鷄鳴九
關曙天寒霜斷肌霧重鳥迷樹居人各掩閨匹
馬自來去

初春感述二首

雪晴春倍明
簷冰落如雨
門無車馬聲
負暄時過午
自揣木石姿
叨名入公府
日給太倉粟
涓埃竟何補
賴有前人書
披坐了今古
喧卑未足論
身名當自樹

二

吾憐楊子雲
校書天祿閣
十年苦不調
晚出美新作
草玄空萬言
曷能慰寂寞
不念蓬蒿人
皓首仍帶索

為凌比部母作

東岱山房詩錄

二十九

皓如碧海月
瑩如玉壺冰
持將比阿母
堅貞未足勝
清霜下秋旻
白日迴炎蒸
龍章既見錫
鶴書復在徵
庭樹楊春華
奕葉何雲仍
遙遙望天姥
仰止祝岡陵

秋夜雨中為張有功作

蕭蕭薊門秋
綿綿寒夜雨
久客衣裳單
寧不顧儔侶
冗處知天陰
卑行念途阻
雲深江水長
冥鴻渺何許

寄方定之

南箕北有斗
曠望日相思
茫茫九天上
良晤當何時
羈鷹苦不飽
雲鴻亦念饑
有懷難具道
所貴在心知
平生撫孤劍
摩娑將告誰
楊朱骨已朽
岐路不勝悲

洪法寺訪方侍御

古寺接巖城
門外青山疊
迴廊秋意深
繞樹飛黃葉
故人懸驄馬
坐愛山中月
相送虎溪頭
鍾聲出林樾

夜讀南華經

東岱山房詩錄

三十

門既寡輪軸
予亦憚馳逐
遂令闌闌間
闕若在山谷
仲冬苦夜長
坐把南華讀
遙憶逍遙翁
泛觀秋水曲
忽焉吾喪我
萬事澹無欲
追思十年事
歷歷如照燭
白髮無遠途
青雲有高足
嗒然無一言
北風起庭木

常園送馬司成赴留都

塵紛日不足
相見何草草
忽復生離別
晤言悔不早
垂楊夾廣庭
高枝嚙黃鳥
執手一樽酒
出門萬里道
綈袍足禦冬
不羨綺羅好
瓦缶足晨

食金玉未為寶孰謂兩都遠對面江湖渺舊遊
日以疎新知日以少青陽不可駐誰能不醜老
別言慎起居春華頤相保

贈高伯宗

卑居苦無怵少年遠結客竦身上青雲策馬長
安陌濟濟眼中人耿耿君莫逆白首不釋卷青
山常在側感時或動容舉止有成則榮耀非性
生利鈍天所畫寸心一草草萬事皆茅塞所願
志不違垂光照肝膈

東山房詩錄

三十一

賦得五老峰送南華汪憲副赴江西效李

白體

昔登匡廬頂下見五老峰白雲斷萬壑朶朶金
芙蓉瀑布介兩崖青天掛玉龍盈盈彭蠡水照
耀紫霄宮五老不復覩揖此千年松我聞朱紫
陽開山石梁東時時騎白鹿常與至人通至今
白鹿洞蒼苔生紫茸洞章紛可讀惜無知者逢
君亦婺源族躡此高人蹤拜節翠微半遙聽天
池鐘公事寄流水一洗塵土容舉手探海日振

衣賜天風皈依五老前托志於飛鵠使車侯明
發佩劔一何雄茲行真壯遊所恠莫予從燕山
冰十丈出祖南陌中不憐千金裘沽酒醉新豐
此心勿復道聚首何時同東南日仰止山斗鬱
青葱

歲暮感述

冬深苦不雪薄暮生蒼烟馬上日不足入門殊
自憐四體如委衣達曙昏昏眠夜氣拂旦清起
坐當窓前宦情方就澹鄉念轉糾纏几席忽千

東山房詩錄

三十二

里心為形役牽高鳥擇深樹羸馬思平原何如
狹斜路白首爭紅顏願言遂初服戰勝返自然

登延慶寺假山

行行入古寺處處啼黃鳥夏木樾千章一逕通
芳草白雲行酒間青山出林杪解衣掛蘿薜岸
幘風裊裊共羨山僧閒塵埃嗟自老

題劉諫議賓山亭

我愛劉諫議開亭對青山偶乘白雲至坐我蒼
翠間紅杏正歲蕤黃鳥何間關主人不在賞惆

恨春草間

夏日昆廬閣

禪林行不足還上昆廬閣
簷虛衆山入地迥清風
作人烟九關動鍾磬四
天落曠望生遠思憑軒
成索寞

苦熱

赤日墮平地炎蒸復如許
胡床坐深更流螢照殘
雨僦居苦湫隘久客離
寒暑頽逐晨風飛颺乏
周周羽

東山房詩錄

三十三

閒居

寂寂復寂寂出門何所適
閒居弄琴書高眠混晨
夕稚笋欲平檻芳草亦
盈尺遙聞闌闌間馬蹄
交似織

東門行

男兒可憐虫托命如螻蟻
中心抱區區誓欲酬知己
不惜八尺軀寧論顧妻子
撫劍出東門詎知為誰死

梁舍人還嶺南便訊黃泰泉詹事

問爾逝何適交州五嶺間
手持盧敖杖遙指羅浮山
山中何所有飲水弄潺湲
花落秋渚白鳥鳴蒼嶼間
翠羽咲相惜明珠珍自還
為予謝黃綺何用出商顏

送宋陽山歸省永豐

古道不可復今交寧足觀
搖搖九陌上車馬日盤桓
各抱靈蛇珠誰念故所歡
對面且不易論心良獨難
吾子有好懷意氣傾肺肝
一朝奮高舉如鳥振羽翰
顧我一相咲接翅青雲端
青雲

東山房詩錄

三十四

足逍遙白雲懷故山秋風
起朔塞蕭蕭江水寒安仁
感二毛板輿奉慈顏李密
表陳情托意在高閒季鷹
思蓴鱸豈徒為一食既展
菽水情且免異患干何以
慰母心廷尉多平反何以
供晨夕芳草日以蘭被服
紫霞帔珠綬騰雙鳶雕盤
繪銀絲水陸錯其間十千
貫春酒百金裝綵爛少婦
秉華燭大婦薦熊蹯起為
遊子吟拜舞何珊珊家慶
良不足王程戒行軒南枝
戀越鳥遙羽思文鴈不見
曹大家逐子賦長言江路
不可

極客心望刀環倉卒去住意令我生辛酸平生少知已行當早來還

送何根卿守潮陽四首

肅命守南海咫尺間燕越言念同袍友醕此深
冬月兩雪正霏霏青陽忽屆節時序良有極孤
悵浩難歇天風霜斷肌豈合生離別君其慎寒
暄輟棹候春發

二

春陽倏在即河流逝不息握手城南端耳語何

東山先生詩集

三十五

唧唧胡乃兒女仁親交情靡極君行在何許萬
里潮陽國山川既綿邈人心詎可測願保金石
軀眷言感疇昔

三

疇昔秉翰墨結髮事明主並詔金馬門再莅
章江渚然諾十年間千金輕一語日月有盈虧
復此同扉宇出入白雲司如鳥雙飛舉詎意遠
別離同心而齒齟

四

齟齬勿復道令德當重陳海邦殊氣候嶺表愁
吾人天吳見九首大鵬搏蒼旻覽時運神幾有
忍志乃伸聖代不遐遺努力緩吾民歎曲肺
腑言聊用書諸紳

擬朝熱客

六月之朔胡比部見枉以熱相勞苦因
讀晉人程曉朝熱客詩不佳更為新調
歌之三復一嘆而去

玄天降炎德闔戶如探湯之子胡為乎依依造

東山先生詩集

三十六

我堂倒裳定喘息但覓水與漿主人正晏寢
勉起相將亦知黽勉苦言念自遠方既見扣所
懷無復短與長數語未終竟揮汗各縱橫縱橫
五內熱賤子實病狂索我蒲葵扇開我西南窓
清風苦不來四壁流朱光華屋且不任况乃道
路傍馬毛沃如濡僮僕何倉皇將子姑就舍明
當傾肺腸子行慎自愛斯言非不良

行間寄贈高郎中伯宗出相親王之國
昔余濫秋省翰墨同所好君如玉壺冰時人無

此調況多用世才種種中機要行文追史遷賦
詩過謝眺委衣隨朝端豈比洛陽少千載官不
遷一出王門相平生董仲舒榮耀非所尚且復
近鄉關青山正無恙余方事東封携手咲相向
夫子無不可旁人焉惆悵努力事親藩前席鬱
相望

途中述所見

久客念鄉國得歸情所歡及爾登車日轉愁行
路難冬日始淒緊車馬何間關戒行在晨夕恐

東山房詩錄

三十七

有異患干霜風動野草觸目令人嘆始知閭閻
苦不到廊廟間

阜城道中

九月衆芳歇朔塞寒氣早落日澹無輝涼風吹
白草遠水數聲砧長空獨歸鳥遙遙見孤村枯
樹一株老

東門送子與得荔字

青陽既云暮黃鳥間關至步出城東門芳草碧
如積曲水漾漣漪垂楊拂空翠中林轉一麾上

客回千騎共憶蘭亭人因之修禊事蒼茫去住
情忽灑楊朱淚明發望春山春山空薜荔

送馮汝言四首

結髮振文藻崛起青齊間天馬步長衢六轡柔
且閑兄弟兩三人群龍生羽翰結交盡名流抗
志青雲端蹇予出東土策足相追攀謬以桑梓
故握手開心頗相將抱齊瑟道路何間關跬步
不可涉况乃良父艱

二

東山房詩錄

三十八

平生負意氣撫劍西行遊西行逝安適隴坂阻
且修豈不多滯淫世路良悠悠一別四五年相
逢大道周十千貰美酒酣歌溝水頭酣歌未終
竟溝水東西流執手以眇睚贈之雙吳鉤江湖
豈不廣得此復何求

三

疇昔遠相訊千鈞引一髮聚首京洛間歲月轉
超忽驚風逐飄蓬塵軼何時歇倏翕南陌逢轉
眇東城闕徬徨一相顧如鳥烟中沒初期會日

長追歡遲良月詎知此行邁方舟指甌越艤櫂
臨潞河解纜候明發浮雲去何駛長江浩難竭
親交望彌深戀戀不能別

四

君家北海上祇役東海隅越中產秀士譬海多
明珠驪龍夜不眠鮫人泣路衢魚目混夜光取
舍爭斯須個儻重大節章句爲世儒白日耀中
天不爽錙與銖泱泱大國風可以扇八區

雪夜訪陳比部思翊留飲

東山先生詩集

卷九

寒夜對寂寥鉤簾放明月月迥天宇清照見堂
下雪蘭膏坐自凝北風何栗烈厨中出斗酒客
懷相向說嚴城鐘漏稀寒爐轉銷歇俱是薄遊
人歲暮傷離別

於滄洲往泊頭舟中同王武庫作

楊舲邈長河長河水清淺行止難自裁川途苦
偃蹇白日不可速青陽倏以晚沿洄越天津月
出寒潮滿飄搖順風翔滄洲忽在眼坐見橫波
流夢入青山遠蠶月始條桑棗花亦蓁蓁苑彼

楊柳枝黃鳥何覲睨古人賞我趣維丹青泥
行厨具雞黍斗酒恣游衍高譚入杳冥流觀徹
玄覽習習谷風輕冉冉夏雲捲日入鳥聲雜岸
暝川光歛良會難重陳既醉不知返

舟中聞龔鴻洲訃音

有客登我舟倉皇報君死驚我汗沾衣如以身
置水後事屬阿誰身名寂如燬在生不自決地
下良已矣對客無一言撫心淚泫泫

潞河暫別王武庫旋欣接遇

東山先生詩集

卷九

都門戒明發我舟不可留詎意天津上復此奉
清遊初旬涉潞河二旬下通州三旬風尚惡令
人成白頭解纜重欷歔輟棹仍夷猶非君美無
度疇能輸我憂黃鵠志萬里翡翠巢炎洲鷦鷯
守故枝蠛蠓困糟丘行止本殊調齊物惟莊周
誰念東海臣嚔沫勞相求

倪丘兩行

蕪程赴公徒努力謁官長村墟各掩閨風雨夜
中往不聞車馬聲但聞踏泥響綿綿雨不歇行

行日卓午望望渺人烟依依投野堡堡中屋數
椽偃仰如踞虎徘徊不敢入匍匐望前浦人饑
馬亦疲川暝道伊阻形勞更何辭僕夫苦復苦

甲子新春郡齋作二首

老大逢春悲少小逢春喜悲歡遞相循嗚呼吾
老矣來者不可却戚戚胡爲爾龜勉命深酌飲
多苦痛齒閉戶坐焚香自謂清冷子庭梅寒有
芳山月白於水平生愛紛華戰勝方自此但恐
蓬心生星星有時起

東谷山房詩集

一四一

晨起冠裳望吏胥各有營催科日不足拙楚無
時停簿書堆丘垤飛檄如流星今日復明日擾
擾竟何成遺落曠職官割斷傷心靈詎如茅簷
下花鳥陶真情暮春詠而歸點也非狂生

舟中諭兒橋

我年強四十生爾在江干孩提多疾疾歲月增
愁嘆電倪十五載行行將著冠尔母逝安適尔
病殊未安官廨悶如積南游縱所觀召醫將藥
餌百費成一食朝起問爾飢夕寢問尔寒曷云

爾定省一笑予心寬知父堪爲子離家豈爲官
生子既不易爲父良獨難

閏二月十二日過何家溜鋪迤西白日強
盜劫人時方春旱麥枯村落騷然可虞之
甚

麥田春欲枯白日盜仍劫百里慘風沙行人道
路絕官差催如火徵派紛如雪柰何爲人牧鞭
策日流血揭榜招流亡誰肯復歸業欲作循良
吏嗚呼焉可得

東谷山房詩集

一四二

疇昔濫臺省策肥衣文組退食日從容連鑣出
公府偶充簿書吏催科日旁午催科豈憚勞念
爲人父母驚田田不售割淚貨兒女豈不惜骨
肉所願免拙楚家口日分離官錢未完補不涉
風塵中焉知閭閻苦

送陶山人之汴

陶君意不淺訪我濠梁間贈之一縑素黃花清
可攀遂令炎暑候耿耿回秋顏杯酒念疇昔孤
雲明遠山送尔夷門道遊梁幾日還

東岱山房詩目錄

七言古詩

憶昔行贈張公二侍御

七夕歌 觀燈行

將進酒贈葉惟良

宿天池寺 夜渡劔江

曲江聞鴈 泗溪風雨

雲岑贈康進士

寄李滄溟王鳳洲二比部聞與謝山人遊

西山

寄題賓巖圖歌行贈何明府

湖口阻風登上鍾山望鄱陽彭蠡二湖

明月篇贈張侍御兼呈何使君

飲何員外至自開封春夜留飲

黃門婦 河滿子

江都觀泛龍舟作

送吳郎中赴山東學憲

送馬翰史孟河 東藩冊封

金臺行贈羅海嶽山人遊遼陽還復入齊

送大宗伯孫公之留都

再送宗子相赴閩中

哀江南 織女篇

寄葉惟良 贈廬山孤月和尙

白雲樓晚眺 小至夜醉歌

節士歌

冬夜張吏部勛甫見過留飲

冬夜高魏二比部見訪留酌

廬山謠寄南康吳給事謫居

簡雪簑道人 畫鳩

隴西行送馮兵備赴鞏昌

寄懷李于鱗學憲

醉中戲贈張勛甫稽勲

對月

沔陽太守行贈別袁太冲

同社夜飲僦居觀梁思伯小幅山水歌

送况吉夫提學貴州

冬夜飲黎翰林賦得仙人騎白鹿障子歌

寄題徐儀部桃谿書屋

馬中翰石鼎歌

龔性之見訪會臺失候聊此寄謝

送謝太常使楚冊封便道省墓

送侯諫議使德藩冊封便道侍母還青

州

送李舍人使代府冊封便道壽母

送徐廓原察長赴南臺符卿

百壽圖歌行寄壽大司馬蘇公舜翁五丈

送蘇鴻石司賓南還

伊昔行送徐蒙泉納言赴南臺兼訊舊寮

孫京兆徐符卿陳司成共和之

送王兆山還遂昌

扣舷歌飲孫繼庵舟中兼贈王方瀛吳山

人之作

黃太守召讌南樓雨中夜歸作

夜宿寨頭舖

鼓劍歌并引 維揚感述呈郝年伯丈

謝傳壽州邀遊八公山觀琬珠泉

東岱山房詩錄

七言古詩

憶昔行贈張龔二侍御

憶昔燈牕結三益黃鵠聯翩施六翮相期玉笋
掇高名爭向金門獻長策媿我棘闈初弱冠
鳴蚤被東山薦月中桂樹占清香江上芙蓉空
爛熳憐君落魄不自意畫地功名掌中是玄豹
深藏澤霧文大鵬未遂同風志我方憐君不自
察杏園一夕連枝發比翼高飛江水隈疎身直
上金銀闕北固山頭起暮雲姑蘓臺上懸明月
上書予今十六載壯懷不逐風塵改當時和王
我憐君今日隋珠君望採羨君並食蘭堂粟斧
鉞霜威清輦輟笑予晚醉曲江邊中年纔入黃
金屋烏府君乘御史駟棘庭予亦媿登龍貫城
壑折多岐路夾道相逢氣若虹馬上迴看笑相
諭舉鞭共約今夕飲雞黍重追在昔歡金蘭款
續聯牀寢月明燕市雜絃歌對酒其如明月何
座中無復雲泥隔共醉燈前金巨羅

七夕歌

七月七日雙星節都門兒女香人笑手持針線
望天孫羅拜堂前乞巧訣人知天孫為巧媚不
知天孫為巧累可惜金梭日日忙誰憐玉筍年
年墜不見東隣少年子婚成歡笑金閨裏八寶
新聞腰帶鮮七香高駕車塵起吹簫夜夜鳳于
飛折花歲歲枝連理嗟我紅窓弄綵線終日織
成一足練上繡俚飛映蝶圖中織並蒂芙蓉瓣
當時何成錦繡章祇期獻納君王面九重閨闥
情難達晚嫁河東橋水畔已悔牽牛作丈夫更
憐隔歲一相見翠被纔鋪五色鸞鵲橋又起西
飛燕嫦娥獨宿廣寒宮班姬不入昭陽殿胡笳
拍切蔡媛愁琵琶播盡明妃怨艷質由來遭際
難伏枕當牕吁可歎

觀燈行

太平九葉樂豐年 天子秉春慶上元鼓吹黃
昏填複道月明飛出紫微垣紫微樓觀盤雲起
火樹烟花闥瑗蓋金蓮錯落僊掌間銀河歷亂

春星裏五枝青玉結螭蟠千尺流蘓懸豹髓蚌
海初圓明月珠鰲山高駕蓬萊水漢宮紛試九
華燈霧縠霓裳紫翠凝飛瓊對奏雲和曲玉
來驂綵鳳乘蜃膏縹緲浮三殿蜜氣氤氳撒五
陵况逢金吾不禁夜萬戶千門望燈架羅綺春
生玳瑁筵絃歌聲沸拘欄社連錢爭躍五花文
輕裘一擲千金價穠李夭桃曲未終趙女燕姬
舞初罷狹邪巷口拾貂璫長楸市上飄蘭麝羽
林雙控紫絲韉平康直入促紅粧銀蟾忽墮金

張館多少青烟透畫梁

將進酒贈葉惟良

我思二十年来行樂惟一事平生健忘此獨記
九月九日天氣涼北隣有酒鬱金香走邀三五
好酒伴小坐團聚開尊嘗此時盤中何所有螯
蓋如掌鹽如霜予先大嚼歆傾倒阿弟自起謂
蓋小攘臂濡脣不相讓恍如長鯨吸海浪手持
金巨羅口作金縷歌不知有爾如我何主人鼓
掌衆大笑連曙酣飲信馬馱回首年光忽六七

歷歷分明似昨日每因憂悶欲追歡落落人情
轉相失蓬跡隨風難自定聚散悲歡事非一有
酒相逢不盡醉別後相思空紙筆昨日聞君忌
酒卮席前相勸感雙眉舊日惆悵竟誰是香醪
空負美人持君不見嵇康服氣患在虜單豹養
內患在虎篋中不用固高鑄樓上何曾墮腐鼠
邯鄲才人嫁厠卒登塗大夫娶嫫母李廣百戰
不封侯蔡澤一言奪相府人心無窮生有數功
名富貴天所賦力疾當杯且盡歡莫將歲月等
閑度扁鵲墓前桑柘陰子建臺端秋草深跨馬
東門聊佇目濮水汀蒲何處尋

宿天池寺

南下潯陽道遙見匡廬山以余蘿薜情賸茲山
水間舍車陟脩坂飛鳥扣禪關禪關突兀凌空
起古剎霏微掛天紀鳥道不聞金磬聲龍泉半
落銀河水錦澗橋邊凭玉欄萬嶺松杉白日寒
怪石嶙峋真虎踞迴蹊歷亂果螭蟠更覓真源
向何處杖藜直指天池去石榜孤懸古竹林洞

蕭忽下群仙馭遂有周顛騎白龍拍肩並駕九
奇峰天眼尊者持丹藥赤脚高僧獻紫節須臾
水月湧金沙法鏡澄澄照落霞浮光着樹皆甘
露靈氣飛空即雨花文殊皇上天燈燦佛手岩
前石髓嘉名香仙梵三天外紺殿玄珠綴華蓋
振衣獨立上霄峰五湖九江纔一帶山迴風高
吹日暝飯依夜宿匡廬頂天雞一唱石門開夢
裏聞鍾徹清境拂曙憑虛下紫氛竹孫席女悵
離群停車立馬頻回首萬壑千巖空白雲

夜渡劍江

獨隨魚鳥泛江烟遙指石亭晚泊船半夜還乘
風水便片帆飛渡劍江邊但聞驟雨聲相接更
覺懸巖勢如割扣舷吟望坐秋天兩岸月明江
水濶

曲江聞鴈

寒山翠欲隨長江白如練輕蕩水蘭撓驚起蘆
汀鴈驚鴈東西南北飛江干何處避虞機雲中
寄謝隨陽侶來就瀟湘春早歸

泗溪風雨

扁舟東下泗溪水細雨鳴舷風浪起沙際停橈
夜寂寥孤燭亭亭照行李平明舍舟陟崇岡灘
頭水漲川無梁一林楓樹啼秋葉兩岸蒹葭拂
曉霜

雲岑贈康進士

君不見秀江東自古袁州九十九灣東西南北
流人生聚散那可定良時沽酒登高樓高樓明
月清可拾握手憑欄醉今夕蔡邕獨識仲宣才

相如傾倒臨邛客巖城日暮澹烟橫萬里風雲

生薦席

寄李滄溟王鳳洲二比部聞與謝山人遊

西山

使自長安來問君日何事云與謝山人並馬西
山寺西山佳麗勝甘泉紺殿平臨尺五天振衣
驚嶺心同果趺坐珠林想契禪郎署官閑遂清
賞碧落香山信來往翠華巖上共留題昆盧閣
下誰聽講山人昔與故人遊故人今住楚江樓

簡書在手忘幽事驛騎催人可自由向平空擬
三山約潘岳徒悲西髮秋江城咫尺仰岡寺三
載何曾到上頭

寄題賓巖圖欽行贈何明府

君不見賓巖翠律橫江浦山人對坐如賓主谷
口青霞映遠空洞門紫氣寒朝雨絕壁藤蘿隔
世塵懸崖松桂知今古誅茆初構水雲居移家
自比神仙府閒行松下問仙童偶隨樵者落雲
中金門不擬留方朔勾漏翻然遺葛洪山中猿

東山房詩集

七

鶴深相怨爐裏丹砂竟不紅勞勞簿領大江邊
我寄渝川君進賢近水轉稀錦鯉字因風時送
白雲篇鼻春久負寒芳杜杜社先期種白蓮五
嶽他時如命駕我家遙住泰山巔

湖口阻風登上鍾山望鄱陽彭蠡二湖

艤舟湖口縣澆澆風浪作將騁萬里道淹此暫
栖泊遂登上鍾山望見洪濤惡上鍾西傾恠石
陡半入湖心半湖口恍若青鳬泛海中隨波上
下欲飛走又如蓬萊方壺駕滄溟十五神鰲盡

舉首枯骨為山鐵為石古栢蒼松根如積上懸
水月觀音巖下連合浦鮫人宅蛇逕捫蘿上層
岫嶺海翻江風益驟雪山突兀龜鼉驚霹靂崩
摧蛟龍閭不數錢塘八月潮只疑銀漢當空溜
南下九江盡黃雲北來楊子畫氣氲烟迷遠樹
片帆影聲斷寒汀孤鴈群轉見沙邊垂釣叟始
知名利不如君

明月篇贈張侍御燕呈何使君

明月逐君來草堂半夜草木生輝光當筵醉舞

東山房詩集

八

清商曲滿座何人不斷腸我兄才如張茂先聽
我長歌明月篇初三初四娥眉彎初五初六斷
玉環初七八九弓上弦初十一二鐮刀偏十三
十四學扇圓十五冰輪永夜圓十六破鏡飛上
天圓也何難缺何易功名富貴皆如是君不見
翟公車馬日填門一朝堂上羅飛鳥孟嘗門下
客三千罷相幾時跡如掃覆手風雲世態見轉
眼桑田滄海變移栽別館玄都桃飛去他家王
謝燕盜鈎者誅國者侯仲尼盜璣俱山丘穢牛

謝楚莊周去濮上千年有釣鉤中秋可賞浮雲
隔此夜東山街半壁但願清光照綠尊寧論圓
缺輕拋擲年少風流何水部委巷鳴騶來薄暮
秋聲一葉下梧桐清興明月同散步明月可虧
復可盈安石不起愁蒼生蚤晚青鸞逢月下還
從天上謁承明

飲何員外至自開封春夜留飲

仙槎幾日下繁臺夜泛黃河天上來忽然皂蓋
雲中下一嘯燈花五色開不惜青錢沽美酒炊

黍烹雞罄所有爛醉高陽舊酒徒悲歌燕市同
心友江上空栽千樹花十年踪跡半天涯他鄉
攜手情何極久客傷春鬢已華秋臺四時動秋
氣騶從不及一縣尉朝騎羸馬望西山道上不
知遇七貴憐君賦性亦如此千里過逢慰知己
同舍淒清坐白雲一官蹭蹬隨流水浮沉往事
不須嗟秉燭相看如夢裡謾將心曲訴清尊
曉嶼嶂曙鴉起

黃門婦

城闕高樓秦氏女妖艷曾將花自許東風不轉
背巖枝三七年華嘆無侶大嫂新寡二十四夜
夜長啼到天曙烏嫂抱女如已出早晚食眠向
一處苦瓜酸梅晚自甘出嫁黃門二十三舅是
當朝臺憲使樓閣鬼然衆所瞻丈夫下馬似冠
王軒蓋填門如蓋簪但得名門遲亦好經年果
帶宜男草霽月輕風對酒時每因歡樂憐兄嫂
祇期白頭了世緣那知滄海變桑田阿舅卒官
夫亦死豈無兄弟不才子破產用之如泥沙蕭
然堂上生荆杞獨抱孤兒將疇依賤軀雖存魂
已飛願圖一死實不敢辭家就嫂開門扉吞聲
日夜各斷腸春米為飯織為衣孤嫂養女心甚
慈十五嫁與輕薄兒錦瑟青樓夜不歸阿女到
來怨且悲阿女阿女真苦口眼中不見姑與母
河滿子

十五承恩奉翠華自矜艷質美如花珠圍繡戶
粧金屋翠宇瓊臺網碧紗魚貫寵頒八寶扇
行徐步七香車珊瑚枕底彈銀燭裴翠盤中舞

絳霞祗期待寢昭陽殿豈料君王棄孤賤垂柳
纖腰未試春守宮粉脫空如練禁中日月照心
寒天上風雷摧股戰涕淚一聲河滿子玉液橋
邊蒙賜死不准班姬長信宮遙隨弄玉駕雲中
珮環未絕長門院雲雨虛傳巫峽峰

江都觀泛龍舟作

隋煬昔日開宮殿鑿破長淮流入汴三千艤人
纜錦帆漫衍龍舟習水戰至今午日有此風鼓
吹連江疾如箭船頭爭得錦標歸棹歌唱入蘆
花岸岸上人烟羅綺輕望見錦標歡笑聲五月
鯁魚白如雪青錢沽酒烹魚鱉遊人日暮卧江
干夢到鄉園過佳節

送吳郎中赴山東學憲

邂逅君如吳季子家世丹陽表南紀不獨楊氏
稱五公諸謝風流未足擬弱冠讀書破萬卷驪
馬驂驄日千里氣衝雁宕結爲雲思入天台散
成綺早持一劍下中原未知肝膽向誰許啻恩
忽駕青鳥飛掛帆遙指洪都去濯足九派大江

流振衣千仞香爐嶼涉江吾亦採芙蓉落日青
天獨延佇相逢不在杯酒間傾蓋片言定交與
滕王閣下秋蓬遠君去江東我亦返契闊風塵
五六年天上明河暗流轉明月有弦復有絳夏
省秋臺迥相向聯轡朝趨金馬門揮毫夜醉銅
駝巷銓部今推武庫才詞林舊是騷壇將典文
校士出山東山東少年入教中秋霽泰山飛彩
鳳春潮東海化蒼龍泰山巖巖石一簇東海盈
盈水一曲蓬萊三山本故居孔門四科是鄉塾
鄒魯之間多名儒家有絃歌戶有書東望青齊
聽韶舞大風泱泱動八區仲尼不道桓文事雕
蟲小技焉足爲齊東江淹野人語平原礪衡輕
薄兒儒長公幹朝華草振藻懷瑜空復奇魯連
一箭秦人懼仲舒三策漢庭知煩君着眼驪黃
外天馬由來不受羈

送馬翰史孟河 東藩冊封

君不見史籀真筆不復覩往往石上論今古張
旭能爲劍器書何如逸少蘭亭譜又不見毛詩

楚辭滿人口漢魏以來十九首積帙盈箱數百
家六朝四唐竟何有吾友孟河馬太史草書人
比鐘王起及觀筆陣類新詩丰裁更與詩相似
晚歲藏身金馬門懷琛投壁走王孫九天咬唾
成珠玉萬里風雲任吐吞隻字片言珍十襲卷
中車馬如雲屯時時騎馬出秋省同把金尊夜
醕酖笑予問字學侯飽愛君談詩過匡鼎大罽
山陰道士鵝細烹陽羨仙人茗刻燭分題筆如
掃妙墨淋漓灑飛鳥自許能追三百篇四座騷
人盡傾倒燕市行歌春歡暮月滿樓臺花滿戶
却憶山中黃鳥飛忽隨天上青鸞度周家桐葉
頒同姓魯甸楊花繞芳徑杖節人迎駟馬車行
衣路拜王門今東平為善樂不休東阿好客重
應劉劉積徐幹俱東土賸有詞章紀勝遊手携
太山探東海關里儀形垂萬載宮牆數仞足易
攀扶桑幾枝手可採乘傳東遊沾雨露畫錦南
來尋桂樹鄉人爭羨馬相如君王數問上林賦
紫芝寶鼎復嘉禾海上仍傳捷羽過一代遭逢

自今古太平功業在山河爭道漢家開樂府歸
來同獻鼓鐃歌

金臺行贈維海嶽山人遊遼陽還復入齊
黃金臺榭化為蹊布衣葛屨隨馬蹄烈日炎天
十萬戶懷冰兩袖風淒淒昨日掛席蹈東海鰲
背三山手可携燕昭已沒駿骨朽樂毅歸來復
入齊投書相國久不報鼓瑟王門希所知懷中
白壁空學爛腰下七首先陸離却望岱宗青未
了振衣還與山靈期日觀峰頭好風月同誰長
嘯騎青螭

送大宗伯孫公之留都

開元天寶論宗匠李杜文章光萬丈江河倒瀾
逝不返誰駕長風破高浪北門學士射鵰手揮
灑詞林筆如帚挺將一髮挽千鈞赫赫才名重
山斗少年獻賦九重知綸閣名通雨露司東觀
久燕唐著作南宮新掌漢官儀門開閬闔春風
早節義文章世相保盡省初栽瓊樹林玉堂更
拾金光草纔依八座揖清光忽佩虔刀下建康

山公啓事圖書府范老懷憂山水鄉金陵自古
興王地豐鎬西京天下計大江斜遶鳳凰城靈
谷高盤龍虎氣 皇祖青天騎白龍廷臣抱弓
如雲從衣冠明祀開原廟俎豆殷承遺秩宗文
犀為帶鶴為領望入金陵霄漢迥六代繁華入
彩毫三千禮樂調金鼎海近樓臺蜃氣平花宮
鐘漏隱西清湖上雨霽翠歛墮省院春深鳥自
鳴棹橫重歌春浩浩周南多士沾文教壁水文
星動象驤官雲苑月隨仙棹文星迢遞接三台

東山房詩集

十五

劍履雙飛紫氣迴薄抹江東芳草色還持藻鑑
謁蓬萊

再送宗子相赴閩中

宗生晚發長安道年少雄才似君少三春高浪
飛際天萬里長風疾如掃斗酒相傾意氣真共
與山東李白好一時綴文二三子念我携家隔
江水薊北時時寄白雲江南日日傳雙鯉孤蓬
萬里下燕山青眼高歌手重攀謝朓已老梁生
死搔首吞聲天地間東流海水西飛燕王李二

生忽不見季重經年困簿書偉長一別如天畔
塵埃落落空奔走騷壇更結金蘭友郎署投膠
晚益親漢宮題柱知名久飲水不寒藥不苦陌
上相逢但歌舞却羨青雲獨有君驚風又落漳
江浦當杯不飲春恨長御溝垂柳復垂楊屈平
獨醒陶潛醉今古茫茫各斷腸君家遙在百花
洲武夷名山足勝遊且持孤劍掛南斗天上明
河日夜流

哀江南

東山房詩集

十六

往年六月北防秋塞門胡騎聲啾啾今年三月
颶風發海倭東南寇甌越江關夜下羽書急吳
楚傷殘嗟何及會稽城頭白刃飛姑蘇臺下黃
雲集連城城郭化為墟婦女金帛那忍問六代
繁華一水流西湖歌舞行人盡瀕海神州半陸
沉江東子弟空豪俊已報東山起謝安更傳明
月追韓信豐沛重開古戰場維揚水上魚鼉陣
旋聞直下建康路鐘簷山陵神可護九衢白日
鎖千門萬里長江注烟霧橫海樓船久寂寥扶

桑銅柱漢時標獨憐添室前年恨坐對桃花泪
暗飄

織女篇

紫微宮中第一女手折瓊花嬌欲語支機時上
鳳凰樓吹簫夜度鴛鴦侶並駕橋東河鼓郎飄
飄羅袖凌風舉帝曰歡樂不可極一年一度暫
相許明河日夜愁未央洪波拍天不可航年年
烏鵲勞相命惱殺羲和鞭日光祇請天言不可
食詎知捷徑紛如織別有黃金百尺橋輦道何
曾阻荆棘五星九曜走如輪三百六十五度春
明河在天幾萬里夜夜乘槎來問津天孫不是
他家婦甘作雲間失路人

寄華惟良

王家逸少鄰家親結髮懷中吐月輪數奇空負
穿楊手歲晚甘為抱玉人夜持孤劍泣風雨曉
看九陌行麒麟曲江春日魚龍滿早取長虹作
釣綸

贈廬山孤月和尚

文殊臺下結茅屋萬嶺千峰抱幽獨夜半山鬼
來撼門錫杖床頭正睡熟山上出雲山下雨雷
聲喔喔繞窓戶平明坐見雙龍歸起向鉢中問
辛苦

白雲樓晚眺

朝上白雲樓暮上白雲樓樓高秋色遠令人生
獨愁昨日凭高賦佳節今來倚杖尋明月官齋
寂寂晚鐘疎綠烟澹澹山雨歇

小至夜醉歌

燕京十月北風烈長至至夜寒膠折半醉高陽
舊酒徒平明策馬趨鵷列朝回典却千金裘馬
上扶歸踏冰雪問余何事太酩酊歲暮天涯對
佳節

節士歌

謝家俠少蒼龍精口噴赤電鞭雷霆海風吹折
珊瑚樹鯨鯢駕浪波真真泥金燦爛表忠赤碧
血淋漓灑汗青至今淚徹長江水水底魚龍醉
未醒

冬夜張吏部助甫見過留飲

燕山山高月出小角聲吹散長安道天涯歲暮
最關情獨把金尊慰懊惱嚴霜滿地白紛紛有
客到門不及掃中堂秉燭焚枯魚甕中更出新
醅好浪說銅龍手並携馬上相逢日草草傳經
抗疏竟如何劉生多病匡衡老江北無梅春信
遲陽春有曲知音少明朝日出事還生且對紅
爐細傾倒

冬夜高魏二比部見訪留酌

欲寒不寒冬夜長甕中臘酒椒花香主人大醉
倚簷際明月滿天天雨霜白雲署中多酒伴扣
門剥啄來相望小槽滴珠紅燦爛畫堂列炬輝
琳瑯雕盤捧出銀絲鱠更把金尊琥珀光狂藥
到口忽大叫拔劍起舞何昂藏漢文有道馮唐
老駿骨千年燕草荒愚公移山山自若杞人憂
天天不妨與君俱是陸沉客傾倒殘年九曲腸

廬山謠寄南康吳給事謫居

我聞匡廬盤據數千里左壓彭蠡湖右吞九江

水恍如六鰲戴三山隨波上下起白頭浪裏飛

來峰滄波倒瀉雙芙蓉南斗夜掛背簷樹老龜
晚聽前山鐘講經臺畔香爐頂怪石巉巖畫常
暝文殊巖下一憑欄吳楚群山競相騁我昔鞭
鶴遊此山誅茅結舍青雲間至今卓錫分南北
天池月窟開禪關倏忽青天排畫嶂十二樓臺
鬱相望瀑布常懸白玉虹恒沙突出黃金象中
有幽人騎白鹿手擎玉笈靈樞讀自言陸海涉
風濤誓伴烟霞老空谷五老擁篲遙相迎四仙
避席爭留宿紫陽真人時候門南嶽夫人捧玉
盆爲君一洗人中垢同跨茅龍朝至尊

簡雪簑道人

雪簑道人白鶴仙詩如李白字張顛問之不道
何許人但睜兩眼望青天疑是秦人迷姓字拋
源別來今幾世昨夜城中賣藥歸翻令女子呼
名氏長安九陌堆雪花春酒瀲灩明紫霞好持
五嶽廬敖杖來訪山陰老戴家

畫鳩

有鳥有鳥集庭柯一鳴一吞聲相和春風捲入
丹青手翻作白鳩拂舞歌白鳩知春復知晚間
關紅樹枝裊裊哺食能令七子均逢時更報三
農早炎洲翡翠毛最奇隴西鸚鵡舌偏巧玉樓
空飾美人粧多材不得山中老

隴西行送馮兵備赴鞏昌

臨洮古稱隴西郡地控邊陲建雄鎮城下九曲
黃河流上有皋蘭迥萬仞攢峰沓嶂奔崑崙飛
泉五道沸雲根三軍不夜探金甲孤月亭亭照
玉門故人仙槎泛斗牛西下秦川百二州千金
驀裊辭燕關八尺龍泉照鐵鉞哈密土魯提封
久青海銀州置郡守將軍射獵武威川羗兒跪
進葡萄酒渭北秋高鳥鼠空西望金城似鏡中
時清不用平胡策鑿石尋源勒禹功

寄懷李于鱗學憲

去年君作關中客薊門西望秦雲白壺觴出租
溝水頭牽衣信宿城南陌舊遊一夕各分飛君
復東山謝病歸山濤老逐風塵吏獨抱愁琴悵

落暉

醉中戲贈張助甫稽勲

中州李何骨已朽重生俠少登詞壇嵩嶽雲中
迥突兀黃河天上愁波瀾揮毫光射蛟龍鬬落
紙秋生風雨寒青山白髮吾老矣黃鵠翩翩萬
里看

對月

碧天如洗月皎皎九陌行人跡如掃遊子天涯
正寂寥階下草蟲啼不了涼風吹月夜將闌年
年相見在長安笛中欲和關山曲却恐他鄉白
露寒

沔陽太守行贈別袁太冲

二月邊風吹九陌長安城中塵土塞雞鳴車馬
如水流相逢俱是朝天客却笑袁安高卧起手
把銅符謁天子三十青年兩鬢霜族食疎燈
照行李秋臺往日尋常見四海交遊忽如霰為
政風流君自知免使紛華日交戰君唱吳歌予
楚舞白雪調高心自苦千秋空憶黃金臺士價

年來賤於土春明門外燕草滋洞庭春水是相思
停驂倘入玄都觀不許劉郎再賦詩

同社夜飲僦居觀梁思伯小幅山水歌

燕京霜雪歲將晚魯酒新篘紅燭煖阮籍床頭
醉未醒孔融坐上賓常滿平生不愛千金裘結
交不重韓荊州但得浮山山人一尺練對君披
玩消窮愁素練亭亭盡山水極浦遙岑望中起
遂令寒谷回春姿芳樹歲蕤暮烟紫山人山水
捷有神画中疑是座中人九衢車馬塵埃裏誰

解林泉一問津

送况吉夫提學貴州

况君結束事遠遊翻然遺我千金裘念我閑曹
澹於水燕京歲暮風颼颼無以報之青玉案晨
風吹我到南州南州一別何草草秋風吹樹桂
花老明月愁心古夜郎萬里祥柯度飛鳥文星
昨夜照蠻方禮樂千年啓大荒吾道南行真不
偶翩翩威鳳五文章丹書彤管人爭羨同社論
文獨不見剪燭西堂對酒時聯鑣上苑看花過

看花對酒別成春君去騷壇誰更親滿眼故人
星散盡天涯回首獨沾巾

冬夜飲黎翰林賦得仙人騎白鹿障子歌

九衢車馬紛如簇塵瑣殷殷日不足十月天風
小雪寒夾巷歌鍾沸草屋黎君不直出明光孤
燭亭亭翰墨香折簡招呼慰幽獨圖書為我開
青箱素綃一幅當庭掛問是戴文進之畫洞門
一曲山日曛白鹿仙人駕紫氛兩兩小童笑相
俟手持金薤琳瑯文借問仙人何所向藍宮迤
迤青冥上羨爾朱顏駐歲華嗟予白髮空千丈
君家羅浮予東溟側身東望海門青蟠桃結果
無人食留滯金門老歲星

寄題徐儀部桃谿書屋

開化名山何磳硤攢岫鳴泉回日月春雲環抱
翠微深春水桃谿青一髮中有徐卿二子生絕
奇山立楊休海鶴姿始知降神元不偶崧高千
古爭峻疑伯兄早倚黃扉日弟亦南宮挺簪筆
朝趨建禮典官儀夕照青藜逢太乙官齋忽憶

挑水谿脩竹叢篁夾路迷映樹曉霞飛浴鷺繞
階流水飲晴霓蘭亭開社招文伯蓮葉爲舟度
仙客兩兩青衿候蘿徑抱琴挾策來相索傳經
初結子雲亭閉戶人推廢士星丈夫不歆故園
老青瑣朝班隔戶庭一從違却武陵道種桃道
士應相笑松下房櫳盡日閑雲中雞犬無人到
復聞邑有蟠桃山真源一脉成潺湲清獻祠前
花正發玄都觀裏衆爭攀桃谿水漲花開好逵
逐東風報春晚曉宮鶯街出上林枝公門桃李知
多少

馬中翰石鼎歌

自從女媧煉石補青天山頭羣玉生紫烟洪爐
自相爲陶冶造成此鼎不知年故人未試調羹
手籍爾烹茶當堯缶石髓泠泠徹底清神甍甍
甍生兩肘馬伯玉傲儂人染翰朝朝出紫宸寧
甘方朔留金馬不歆商家作腰臣饅粥糊口且
自信嗟哉此鼎未可問

龔性之見訪會臺失候聊此寄謝

濮陽城東古鄆地草樹微茫隱孤寺云是齊侯
單伯會盟之高臺麟史班班載其事又聞臺下
鄆城侯子建讀書尚可記伯業奇才不可覩千
載人傳一抔土誅茆結舍卜新居採石鰲盟志
往古不惜床頭沽酒錢常來林下抱花眠城中
豪客了不顧惟有使君似僕愛吾之林泉登我
超然臺訪我西林禪坐我澹然亭棲我太上玄
雲之洞天菩提爲韻雷金粟水花十丈抽青蓮
我方修琴到城下詎意荒原駐車馬瞻望不及
空踟躕使我孤吟怨在野風颯颯兮林木山寂
寂兮空谷月皎皎兮上弦思佳人兮獨宿

送謝太常使楚冊封便道省墓

予本烟霞人釋褐臨丹地十年叨入白雲司晚
作玉皇香案吏傳經抗疏兩無成調笑東方不
自意人人各抱靈蛇珠按劍相看誰不是眼中
落洛獨有君侃侃與論天下事我方乘槎海上
來君今捧節下蓬萊使星歷歷隨卿月謝客翩
翩隨楚材帶礪河山綿漢業帝子王孫頌玉牒

醴酒筵開夜未央
蘭臺賦就誰爭捷
醉灑襄江咽碧波
行歌赤壁邀明月
更駕扁舟泛洞庭
燕臺一望楚雲青
越鳥南枝啼不盡
隨風飛上謝公亭
謝家公子無文武
手挽強弓逐戎虜
豈料淮肥功未收
海風吹折瓊枝樹
青天垂照不然灰
至今碧血流千古
平章宅裏復開花
烈士忠臣自一家
小謝風流真不忝
蘭孫更見抽奇葩
楓宸密勿遙相待
莫戀桑榆滯海涯

送侯諫議使德藩

冊封便道侍母還青

州

少年結客長安陌
杯酒逢君心莫逆
老我金門久陸沉
青雲羨爾超群翮
朝趨建禮隨雙筦
夕直文昌賦高格
五時頻賜尚方衣
萬言更出匡時策
青瑣寒生白簡霜
八舍千門皆辟易
爭說朝陽有鳳鳴
相看桑梓生光澤
一夕天王降紫泥
複道崢嶸頒玉冊
諫議卿恩下碧霄
龍翔虎拜聲嘔嚇
東方千騎負勞迎
郡邑監司如罄折
況屬鄉山畫錦遊
潘輿並駕入齊州
承歡曉進

黃封酒定省宵分
紫綺裘熊九久識
慈恩重鳳詒崇沾
帝澤優東望青齊
青未了鵲華山高
雲裊裊海上決決
起大風掖垣日日
聞啼鳥濫予往歲
使東都醉灑新詩
滿灤湖君行定有
靈光賦獨探驪龍
頷下珠

送李舍人使代府冊封便道壽母

天冊親藩鎮胡虜
盤石孤懸大府居
甬關外行人稀白
登城下黃雲古舍
人曉辭明光宮獨
持王節下雲中胡
笳滿地吹明月燕
草經霜起

東山房詩錄

天

北風揮鞭夜度白
龍口陟彼岵兮瞻
望母一線長牽遊
子衣孤雲落日高
回首皇華驛路近
家山寸草春暉滿
目斑正喜北堂開
廣譙只疑王母下
雲間林林群玉出
藍田穎穎明珠掌
上圓金箱指日登
仙籙寶發當空照
四筵君家兄弟雙
龍劍青瑣符臺人
共羨紫微花下憶
連枝莫待池塘春
草遍

送徐廓原察長赴南臺符卿

冠劍相望日耿耿
每念同朝不同省
杯酒論心

翰墨場君似汪汪波千頃東風忽動連理枝玉
篆金符手共披五夜超陪翔鳳闕三時藉對濯
龍池龍池鳳闕深如許翩翩並駕雲中舉棊邊
潦倒互開尊馬上酩酊醉時語祇謂同攀上苑
花燕臺夜夜醉胡笳江東別有含香署天畔高
飛泛海槎留都典瑞稱中貴八座相叅朝列會
秦淮二水濯清標建業千峰拂征旆握手相看
雙眼青春明門外是長亭不爭汝踏南雲去誰
伴金門老歲星

東坡先生詩集

三

百壽圖歌行寄壽大司馬蘇公舜翁五丈
我聞海上蓬萊之三山挺生諸老於其間問之
不知歲何許方瞳炯炯皆朱顏滄海桑田凡幾
變身外風波捲不關家家慣種桃千樹翠栢蒼
松架烟霧浮沉二儀若彈丸甲子千秋爲旦暮
飢餐赤城霞渴飲沆薤露醉挽扶桑枝手探月
中兔月中丹桂馥新秋僊客登山溪漫遊手拄
一條青玉杖絕巘憑陵看海漚玄鶴翩翩來玉
關陽烏衮衮耀神州此時諸老堪行樂麟脯熊

踏海爲錯天女三漿倒玉壺飛瓊弄玉爭相譖
洞簫吹徹昇天行胡雛翻出上雲樂晨光烈烈
度高春劃然千嶂開屏風玉山傾倒何龍鍾青
螭馱醉還崆峒問道廣成子傳經河上公煉丹
東華君拍肩浮丘翁或騎白鹿訪赤松拄杖乃
盧敖採藥爲韓終計之百人爲百朋并駕高舉
如飛鴻此日蘇公開壽讌鶴髮飄飄春滿面投
閒纔入玉門關徵書又下金鸞殿點領爭推郭
令公賜環復起蘇團練口啣白玉觴手持青玉
案人人拜祝各千年海闊山長壽無筭

送蘇鴻石司賓南還

濮上有狂客往釣東海鰲空持巨綸五斗餌高
浪蓬萊捲雪濤歸來擊筑遊蕩陌腰下寶刀光
的歷把以贈君君不收掛在九衢甘棄擲燕昭
臺下草漫漫朔塞幽州白日寒季子黃金然桂
盡白首酣歌行路難青雲故國回首相逢但
醉新豐酒強爾婆娑寄一官粉署清曹駿奔走
方朔恢諧混俗曹步兵托酒爲名逃蘇武曾爲

典屬國司賓亦足以逍遙把君手爲君計齟齬
與君多意氣垂天羽翼任扶搖唾手功名此子
事口生石闕君自知逢人莫話屠龍技

伊昔行送徐蒙泉納言赴南臺兼訊舊寮
孫京兆徐符卿陳司成共和之

伊昔同趨金馬門冠劍豪遊多意氣十千沽酒
喚胡姬眼者世事皆兒戲傾心披膽無所疑一
飲寧辭千日醉莊石坡孫叔泉徐之三卿君最
賢風流王謝醉張顛龍門李元禮吳下顧彥先

東坡先生集卷之二十一

主一

更拉環江陳狀元東家有酒西家喧相隨僕隸
無雜言招呼明月爲寮屬指點蒸糝即事權有
時彩筆驚風雨有時白眼望青天爾去是誰扶
上馬我醉不知何處眠當年盛會知難繼不謂
須更有此事雲散星離反掌間棄我飄然如敝
屣陸地之舟泥中馬出門誰是同心者玄晏先
生日閉門五侯七貴難相假方朔十年尚執戟
相逢故舊多回席剝啄敲門喜見君他鄉就我
生雙腋剪燭西堂追故歡城上烏飛興未闌提

壺侍兒齊拍手小亭花木爭相鮮羨君忽返江
東棹貝闕銀臺光熠躍出入相參九棘卿摩肩
並軼花簾轎符臺若見徐長卿殷勤爲謝孫京
兆司業南來乏酒錢朝衫典却傍人笑膏騰日
午足高眠世事茫茫那可料

送王兆山還遂昌

結髮談詩今老矣眼中之人類如此明珠按劍
正當塗敝簪千金不輕市詞壇攘臂競稱首如
誇市上新豐酒千門扶得醉人歸不知真味誰

東坡先生集卷之二十一

主一

家有相逢馬上論今古擢髮紛紛罵杜甫不是
村夫膽氣粗纖弱由來不足數我友茂才王兆
山操觚突起吳越間綈袍常帶烟霞色玉質羞
爲脂粉顏贈我瓊花千萬片化作星光搖碧漢
縱橫河岳自成文萬壑風雲生筆硯蒼如千尺
孤松拂翠濤燦如秋水芙蓉明兩岸鏗如湘靈
鼓瑟數峰青雄如大娘劍舞蓮花旋當時枯蒼
何振卿爲我曾道遂昌之王生詎意卓犖乃爾
爾使我開卷把玩心神驚嗟嗟王生跪听歌莫

哀千金白壁埋塵埃，
石且歸來莫道明時不愛才。
華國文章落上台，
知鴻鵠之志哉。

扣舷歌飲孫繼庵舟中，
贈王方瀛吳山人之作。

我本魯狂士，四十不通名。
一朝拔褐謁天子，銅龍金馬隨公卿。

漢家尚功復尚少，老病相如豈同調。
傳經抗疏兩無成，
微孤臣遠懷涉底波三旬，
皆滯愁長河遠逢王。

東山房詩集

卷三

燦然孫楚斗酒扁舟意氣多，
匣中孤劍手摩娑。
三杯起舞凌山河，
扣舷歌扣舷歌思以哀與君同上黃金臺。
郭生一去駿骨朽臺上，
昭王安在哉。
長河遠水流碧玉，
夾岸垂楊掃綠苔。
龍笛羯鼓紛相催，
華燈照水明珠胎。
況有美酒盈金壘，
停撓蕩槳波濤迴。
君持玉節下蓬萊，
拖紫腰金新府開。
濠梁小吏苦不才，
浮沉萬事如點埃。
相逢知己不盡醉，
辜負雙雙青鳥來。

黃太守召讌南樓雨中夜歸作

潁川郡中多酒樓，
郡中南樓居上頭。
何人張樂開廣譙，
風流太守韓荊州。
紅粧翠袖紛歌舞，
吹洞簫兮振鼉鼓。
畫棟陰陰紫氣飄，
樓上行雲樓下雨。
望中原之混茫，
盪烟霞之吞吐。
捲長淮之清波，
洗塵埃之肺腑。
惜仲宣無依而賦登樓，
慶茲辰得君而為地主。
秋風扶醉下樓歸，
立馬嘶群龍飛酒醒。
不知其所往，但見皆下一片青苔衣。
虛館篝燈眠不著，
夜雨蕭蕭寒更落。
翻怪朝來酒作惡。

東山房詩集

卷三

夜宿寨頭舖

荒村落日風起寒，
燈山館栖遲龍泉掛壁光。
陸離為造化小兒所苦，
使風塵吏何之。

鼓劒歌并引

予以亳州散吏趨事淮上，
僕隸蕭然逢迎間，
絕抵餘故劍，
相與朝夕予惜其無用也。
淬以濁酒，
鼓之鏗然作鼓劒歌。
寶劒初發，
劍躍冶琤琤鳴，
淬以鵬鷄水，
霜明白。

虹燭天東南傾山可銓兕水掣鯨夜行魑魅魍
魎驚把來再拜獻 天子賜名太阿蒼龍精一
十八年帶上殿置之香案千列星一夕按劍召
猛士咨爾提向淮陰市淮陰市上惡少多鉛刀
揮霍爭溫摩猛士鼓劒起而作歌鏡中一統漢
山河沙磧無塵海不波鑄金賣劒銷兵戈天生
神物柰爾何魚皮囊刀日摩挲風塵瀕洞雷電
過光恠夜泣雨滂沱吁嗟乎天生神物柰尔何
維揚感述呈郝年伯丈

東山房詩集

卷五

君不見洛陽少年好詞賦漢文前席真奇遇輕
薄何曾負絳侯翻然遠謫長沙傳又不見青蓮
居士踈狂客騎驢笑出長安陌柳色龍池眼自
青秋霜明鏡頭空白憶昔金鑾奉朝制手捧金
符從玉帝貂蟬一字殿中班珠履三千門下吏
紫殿春頌宮錦袍蘭臺夜宿青綾被添香侍女
護朝衣題柱仙郎留姓字當時笑殺五陵豪斗
酒新詩意氣高平明紫陌鳴金勒半醉青樓脫
寶刀豈料風雲隨覆手白壁明珠憎多口明光

官裏擢朝簪擗臂掀髯下殿走出門一笑燕草
碧冠蓋如雲送遷客春明關外別仙寮雲泥咫尺
成懸隔埋頭簿領復經年薄俸不值沽酒錢
趨事恐遭官長罵扁舟又泛廣陵烟問道維揚
淮海上觀裏瓊花開幾丈畫橋吹落洞簫聲長
江瀉出葡萄釀乘興不尋何水部吟翁高義迫
獨步好客常開金谷園輕財不入將軍庫老去
風流古意存相逢肝膽照平原况是曲江舊門
客傾山倒海復何言明朝更覓金山路揚帆海
上窮真源并駕六轡鞭海若手把三山當酒尊
釣竿高挂扶桑樹閑看風波水上翻

謝傳壽州邀游八公山觀珍珠泉

我聞八公山中煉玉液丹成八公飛上天至今
靈氣滿山谷水底流出珍珠泉百斛如注萬顆
圓只疑神女來游簪弄於其前風流太守傳澤
野握瑾懷瑜追大雅知予亦是探奇人翰墨相
邀任揮灑嗟嗟山何不愛寶夜光滿地無人掃
可惜鮫人泣泪多虛疑老蚌生光早海上驪龍

東山房詩集

卷五

眠未眠逐鱗領下知多少恐有池邊按劍人天
畔孤臣愁絕倒

東山房詩目錄

五言律詩

卜居

夏夜對月飲李應詒美魚軒

愚谷寺

雨中宋葉二子見過

光嶽樓

寒夜

讀邊太常殷給事詩

除日見鴈

春城曉望

浮丘山

一齋

獨坐

秋夜飲龔性之少府

送周明府赴彭縣

中秋賞月

過季子掛劍臺

送徐生還豐城

冬夜飲許伯玉至自京師

贈朱九舉

王尚之送予至阜城贈別

從鄭州赴雒縣途中作

小至新城道中遇雪

哭呂職方

對酒

歸思

劍

滄州阻風

寄楊升泉遷濟南少府

贈李秀卿

元日寄龔性之

春日閑居

春日得性之書 二首

村曉

田居早秋

秋郊

防秋

送龔張二子赴吳中省兄

將赴農事訪石才卿不遇

贈孫東蒙山人

得張少府書

曉霽

山莊九日遲陳文學陰雨不至

鷄鳴山

甘露泉

冬日侯侍御見過

臘日

中秋旅懷

贈仲山人

外附一首

送葛明府赴儀封

送李翰撰乃翁還廣陵

馬上望西山作

送李郎中還荊州

送陳生還闕里

寺中李翰撰見訪

夜雪宿隆福寺

送陳侍御巡兩淮

懷殷內翰正甫

喜劉文潛見訪山莊

醉題蘇子冲園亭

七夕懷都門所知

寄題張使君東穆山房

桑子臣席留別

外附一首

留別許伯玉

外附一首

初至京喜王元美夜訪

同仲山人飲李翰撰宅

送東陽鄭明府

同李比部謝山人約遊西山兼呈殷內翰

郊行

外附一首

望湖亭

二首外一首

翠華巖遲李員外不至

外附一首

碧雲寺

外附一首

洪光寺

外附一首

玉巖寺

外附一首

送沈太醫還廣陵

同李翰撰莫祠部飲仲山人宅留別

外附一首

留別李比部

外附一首

東岱山房詩錄

濮陽李先芳著

五言律詩

卜居

卜居北山下獨擬北山名耕讀存長計琴尊無
俗情斷垣通戲蝶委巷隔啼鶯倚杖前溪綠春
深杜若生

夏夜對月飲李應韶羨魚軒

良夜盈三五清醪美十千走邀蓮社客來醕藕
花天蟾墮金尊裏魚烹碧沼前習池風景好留

醉與嬋娟

愚谷寺

古刹開龍藏雙林命服車高僧傳妙果趺坐得
真如聞梵未簷鴿傳燈響鉢魚愚公今在否同
此構山居

雨中宋葉二子見過

聽雨罷琴書悠然嘆索居偶逢二妙過為烹雙
鯉魚秋色滿窓戶流雲蕩草虛坐深泥轉滑同
賦出無車

光嶽樓

中天高閣迥光嶽俯神州棟宇來今古山河帶
魯鄒晴嵐遙鴈滅故國暮雲愁獨立青霄上空
悲王粲樓

寒夜

九月凝霜白踈燈照夜寒清砧滿城闕北斗正
闌干有月夜如曉無衣歲欲殫不知後庭樹烏
鵲幾枝安

讀邊太常散給事詩二首

邊公以詩名於弘治間俱

齊魯之產也屬詞考終固有卿士之私矣

甯代推何李斯人仙仲間建安初降格天寶舊
同班人羨明光草詩藏鵲華山尚書如北斗開
卷七星閑

夫子登名日中官正立朝買舟下江浦托志於
松喬官左詩應苦天高夢易遙欲尋高士跡湖
海識清標

除日見鴈

除夕聞來鴈今年三度看陽春先到日水雪不

辭難寄字瀟湘闊
銜蘆易水寒
君應起高漸莫
受戈人彈

春城曉望

春日躡丹梯
春城草樹迷
啼鳥下粉堞
飛燕掠
芹泥
花竹鞦韆架
人烟桃李蹊
傷春意不盡
留
醉小亭西

浮丘山

昔聞浮丘伯
今上浮丘山
天際片帆落
黎陽百
草斑
苔封碁局
冷雲卧石床
閑時聽仙人
遂層

霄咫尺間

一齋

一齋容膝處
高枕謝招尋
稚笋初平檻
新鴉未
出林
閒情芳草地
春恨落花心
更愛前溪好
千
章綠樹陰

獨坐

亂蟬響高樹
一半是秋聲
感此歲月駛
因之心
神驚晴窓坐
幽獨午夢澹
孤清夙昔白
雲意惆
悵負生平

秋夜飲龔性之少府

把袂坐清夜
張燈避晚風
昔為異鄉別
今與故人同
歲暮草虫響
秋登禾黍豐
莫辭一斗酒
心事百年中

送周明府赴彭縣

蜀道幾千程
春風鼓擢行
錦添江水闊
花泛浣
溪平
仙吏初飛舄
清人今在彭
瞿塘寒正急
珍
重布帆輕

中秋賞月

久雨秋成悶
新晴月倍明
白榆天自種
丹桂夜
長生
盃促河流轉
歌含露氣清
何須問來夕
圓
缺使人驚

過季子掛劍臺

不識徐君墓
今登季子臺
許心如日月
掛劍已
塵埃
生死存金石
碑銘寄草萊
谷風一以奏
千
載有餘哀

送徐生還豐城

徐孺南歸日
秋深草木腓
河梁一分手
落日照

征衣江漲楓潭闊秋高劒氣飛倘逢南浦鴈歲暮寄芳菲

冬日飲許伯玉至自京師

共醉盈觴酒相看彈鋏年嚴冬殘雪後千里故人旋秉燭投金錯當釐召管絃長安春似海不向酒家眠

贈朱九皋

同遊多鳳舉念子獨匏居文演西京派經傳左氏書投珠翻按劒彈鋏正無車徒倚衙門下簾

瓢常宴如

王尚之送予至阜城贈別

故人能念我相送阜城東吾道行藏外天涯冷暖同一身衝積雪千里護孤蓬馬首今旋旆鄉山烟雨中

從鄭州赴淮縣途中作

道路嚴冬候霸情冰雪知市橋通瀚海古戍落旌旗濡水王侯館燕郊壯士祠臨深念遊子陵葵使人悲

小至新城道中遇雪

客裏偏逢雪新城路混茫水膠山館寂雲壓戍樓蒼酒肆留金錯行囊檢鷓鴣明朝慶長至羈邱愧鷓行

哭呂職方特在海

門通司馬籍官籍葵鳩名弭節清遼左提兵控薊城依山為柱石近海化丁令欲作招魂賦鄉園萬里程

對酒

纔沽燕市酒相對故人持盈盈誰家女樓上掩果愚九關烟樹合千里暮雲馳遊子在天涯春風桃李時

歸思

拂衣望鄉邑回首別京華行止無他技乾坤正一家得時為雲雨失意且龍蛇何用張儀舌干名遍海涯

劒

寶劒掛青龍瑤函吐白虹塵埃迷斗極霄漢識

雌雄環控中天月，鉅含萬里風。但憑靈氣在，何必倚崆峒。

滄州阻風

碣石開天塹，滄州控海門。颶風吹水立，潮氣似湯溫。競渡蛟龍窟，嚴更豺虎村。萬金念遊子，飄泊共誰論。

寄楊丹泉遷濟南少府

千里逐秋風，予歸君已東。憑誰同卧轍，祇益歎飛蓬。去日惟孤鶴，遙天有斷鴻。循良他日傳，不

數漢文翁

贈李秀卿

長途有客子，五月著羊裘。同上遊燕策，遲歸訪戴舟。黃金無駿骨，白髮有窮愁。把劍對尊酒，青天河漢流。

元日寄龔性之

金石論交晚，雲泥契闊深。獨傾元日酒，殊倍去年心。越鳥啼南樹，江鴻送北音。好將京口月，留照故山陰。

春日閑居

一犁春雨足，萬樹葉紛披。寂歷青門外，閒關黃鳥枝。欲眠芳草地，正值落花時。獨有盈尊酒，閑居對賦詩。

春日得性之書二首

念子如饑渴，逢時問起居。相看千里月，遙寄一雙魚。明燭燒殘夜，新春檢素書。青雲諸侍從，豈少漢相如。

同為遶樹鵲，先集故山林。千里音書達，孤雲感

慨深。獨傾春日酒，如對故人心。亦有歸來賦，因

風托素琴。

村曉

孤村無曙鷄，但看月高低。五夜南風起，東隣布穀啼。薜蘿空在眼，桃李自成蹊。田子無他望，春深雨一犁。

田居早秋

涼風吹木末，墟里澹孤煙。黍熟防來雀，林深愁亂蟬。枯樺西澗水，畚鍤南山田。株守蓬蒿下，悠

悠白日懸

秋郊

高秋禾黍熟省稼宿城陰野寺鐘聲早山家露
氣深玉繩掛西壁璧月出東林坐久涼風起昏
蟬不斷吟

防秋

六月防秋急秋高轉撤兵久踈邊將略慣伺犬
戎情夜遯憑神筭宵衣屢

聖明健兒百萬在休唱木蘭行

送龔張二子赴吳中省兄

君念連枝樹遙為遊子吟泛舟滄海上濯足大
江心日出孤雲滅潮生兩岸陰風波知不慣行
矣重千金

將赴農事訪石才卿不遇

聞君棲野寺問字一相過不見同袍侶空為伐
木歌遠村來客少習靜得禪多何事勞城闕山
中悵薜蘿

贈孫東蒙山人

聖代重才彥孫生何陸沉蘇門一以嘯空谷有
餘音文軼先秦體詩傳大雅吟東蒙高萬仞仰
止識君心

得張少府書

閭門多事日按牘兼勞神暫輟詞章癖休貽官
長嗔秋高花滿逕木落鴈來賓吳下留張翰相
思劇白蘋

曉霽

霽雨團初日亂霞飛滿天青鞋踐花露綠綺潤

山烟移竹愛臨水撫松因聽蟬山中有玄豹澤
霧不知年

山莊九日遲陳文學陰雨不至

山莊逢九日陰雨晴空齋戲馬臺仍在看花人
未偕東籬桑落酒北郭木蘭柴薄暮不相赴涼
風入我懷

鷄鳴山

鷄林分曙色鷄嶺隔仙鄉抱日層巒秀鳴溪瀑
布涼天風吹葉落雲氣助山長時序關秋思千

巖野菊黃

甘露泉

石乳瀉名泉泠泠碧澗懸慈波分上界甘露灑
諸天蚌月空中色龍宮鏡裏禪一塵元不染何
用洗心田

冬日侯侍御按中州還朝便道見訪

攬轡辭楓關停驂訪桂叢梁園留使節燕市憶
乘驄雪夜當尊別霜臺無路通河清應有賦好
奏建章宮

臘日

臘日煙光薄郊園朔氣空歲登通蜡祭酒熟醪
村翁積雪連長陌枯桑起大風村村聞賽鼓又
了一年終

中秋旅懷

青天月如晝客裏度中秋故舊不在眼相思獨
倚樓長空纔鴈過短榻尚螢流坐對晴光轉清
砧何處愁

贈仲山人

我愛仲長統前身處士星逃名山澗曲結杜水
雲亭手握連城壁家藏種樹經六鰲秋可釣吟
望海門青

附和

仲春龍

旅館一燈秋翩翩高駕投人云仲長宅即是
李膺舟氣冷幽蘭入談清片月流方知塵海
外別有釣鰲鉤

送葛明府赴儀封

葛洪古仙吏川上割新符巖谷春雲滿官衙秋

月孤里中聽鳴鐸日下望飛鳧會有河清賦因

風獻帝都

送李翰撰乃翁還廣陵

辨族同元禮叨名附謫仙翁其伯父列子有弟
兄緣稱觴燕市月返棹廣陵烟試問龍頭事明
珠夢果傳

馬上望西山作

燕山高不極斜抱鳳城陰馬上一回首西來御
氣深晴雲度雙闕曉月掛層岑地險皇圖壯懸

知定鼎心

送李郎中還荊州省覲

漢江流日夜楚客正思歸
獨理荆門棹長褰遊
子衣浮雲連

帝闕寸草及春暉
畫錦人俱美其如心曲違

送陳生還闕里

陳子吾鄉彥成均爾最賢
家傳高士榻人是孝
廉舡闕里趨庭日都門旅食年
此特當返旆珍
重暮寒天

寺中李翰撰見訪

平生文字癖結客少年場
勝日尋蘭若詞人出
玉堂煌煌京洛地寂寂遠公房
不為尊中好何
因到石床

夜雪宿隆福寺

積雪空齋冷清羸旅夢遙
花疑天女散冰近化
城消薄暮催明燭輕寒覓紫貂
雲深石徑滑休
上虎溪橋

送陳侍御巡兩淮

吾黨多諫士君家橋梓同
朝陽初起鳳淮上忽
乘驄斧鉞巡行外軍儲樞務中
漢庭問錢穀早
奏未央宮

懷殷內翰正甫

我懷殷正甫為器玉如溫
結駟青雲籍藏身金
馬門花前同把袂雪裏互開尊
一別春將晚新
詩誰共論

喜劉文潛見訪山莊

仲夏亂蟬吟求羊忽見尋
遠携醍醐至來就薜
蘿陰五月黃梅熟一兩百花深
握手發長嘯清
風滿竹林

醉題蘇子冲園亭

座上客初散門前車復停
主人頽矣去而我忽
然醒月當花裡墮草以雨後青
鳴蟬夜未歇半
是夢中聽

七夕懷都門所知

誰云天共遠昨夢到長安
七夕忽焉至商飈淒
以寒人間正契闊天上復團圓
恐有先秋鴈中

宵斗柄看

寄題張使君東稷山房

結廬稷山下南臨鏡水灣名無稷山重心與鏡
湖閒謝傳圍基處蘭亭結社間一隨銅虎出但
望碧雲還

桑子臣席留別

君有陽春調謂予能賞音相將流水意未就碧
山陰隔竹啼幽鳥因風送遠砧習家池上月留
照別離心

附贈別

桑紹良

西風下高樹斷續寒蟬鳴不堪搖落候偏動
別離情青衿拂去劒班馬倚行旌短亭新酒
在暫住共君傾

留別許伯玉

暫弭西征駕同開北海尊斷金敦夙好倚玉結
新婚秉燭留清夜尋花出遠村離亭芳草歇別
恨劇王孫

附贈別

許玠

奉 詔皇華使扶親書錦歸絲綸開句服道

路擁旌旂玃駕留鄉邑還朝拜瑣闌送君霄
漢上寂寞掩柴扉

初至京喜王元美夜訪

故人聞我至策馬扣雙扉先問長途好徐陳近
事非中厨携淥酒寒館贈緇衣執手語刺刺夜
分猶未歸

同仲山人飲李翰撰宅

落日低燕市秋風吹酒壚未攀金馬籍坐看輞

川圖取友叨三益論文美兩都坐深不知晚宮

樹有棲鳥

送東陽鄭明府

谷口相逢日都門送別心樓中傳八咏江上撫
孤琴潮滿雙溪曙嵐沉萬壑陰平生山水興莫
惜一登臨

同李比部謝山人約遊西山兼呈旅內翰

我有三山興相期二仲隨滄浪堪濯足白石好
彈碁明發嚴星駕青錢辦酒齋還邀金馬客絕

獻共題詩

郊行

紅樹遠含滋
溝水復流澌
只疑三月候
問是小春時
出郭更山屐
尋菴拜藥師
高高斷雲裡
千嶂碧參差

附同賦

謝榛

共有尋山約
天風馬並嘶
野蕪寒色遠
石樹冥雲低
嘯出古林外
行看新月西
長安留滯客
今夜宿招提

望湖亭

東岳山房詩集卷之二

十七

望望西湖上
微茫烟水寒
地靈雙鶴起
潭空九龍蟠
浦樹停殘照
山泉落遠灘
昆明池上月
偏照漢長安

歇馬古亭下
斜陽臨眺邊
寒流噴玉屑
平地湧金蓮
飛鳥鏡中沒
游魚象外懸

帝城回望近
此處是甘泉

同賦

榛

石壁重攀處
山亭一眺時
平湖來渺渺
獨鳥

去遲遲
葭分漁浦雲霞落
酒卮欲歸仍倚杖
還擬後來期

翠華巖期李員外不至

仄徑回車馬
懸崖捫薜蘿
石流紫翠帶
山色疊青螺
木落諸天出
秋清御氣多
亂峰人跡少
何處遲羊何

附寄答

李攀龍

聞君携謝客
幾日問恒沙
忽示登臨作
因知泉石嘉
馬行湖上月
人卧嶺西霞
定與高僧約
諸天看雨花

碧雲寺

策馬度長阪
山昏樵逕迷
還乘明月下
來就碧雲棲
過澗驚泉響
臨崖覺樹低
禪關何處所
烟火隔林西

同賦

榛

並馬尋名寺
臨高藉短筇
飛泉鳴古澗
落月在寒松
石路經千轉
雲巖復幾重
人間多夢寐
寐誰聽上方鐘

洪光寺

共持青竹杖還與白雲期勝蹟山靈報幽心瑤
草知到來爭鳥疾欲去別僧遲洞口登攀處冬
榮桂樹枝

同賦

榛

石門最高處日暮亂松聲山氣坐來重湖光
天際平曇雲餘色相法鏡自空明一別支公
去悠然林壑情

王巖寺

石林深不極薄暮暝烟封欲坐青冥上寧辭丹
壑重洞門雙樹掩谷口一僧逢問道蓮花社廬
山第幾峰

同賦

榛

玉巖真勝絕高出萬山巔霜樹禪扉隱層崖
鳥道懸諸天落鐘磬下界渺雲烟欲問雲摩
法遲迴蘿月邊

送沈太醫還廣陵

京洛三秋客維揚一俊人清羸藥是伴寂寞桂

為薪旅食山靈笑還家水國春江行見鷗鷺應
悔薄遊身

同李翰撰莫祠部夜飲仲山人宅留別

秉燭坐彈碁清尊復在茲門停沙苑馬人唱竹
枝詞月出寒烟盡冬殘夜景遲寧辭一斗酒千
里慰相思

附贈別

李春芳

客裏嗟岑寂隣君興不孤祗緣情性合翻覺
姓名殊雲入吳天杳山經魯道迂分飛在今

夕尊酒且須臾

同賦

莫如忠

東魯多豪彥夫君更不群意投堪脫劒賦就
擬凌雲喜共烟霞契愁當羽翼分江梅行可
折千里寄清芬

留別李比部

李侯卓犖士文字逼先秦因無知己者不欲暗
投人官舍白雲淡離亭綠酒醇都門一握手淒
斷柳條春

附贈別

李攀龍

為別春花夕重來禁月寒美名逢客問近作
出余看把酒論知已裁詩嬾就官風塵仍計
吏暫爾慰加餐

東岱山房詩目錄

五言律詩

夜發盧溝

涿鹿道中

定德驛別趙民部赴留都

留別梁明府

漂母墓

濠梁驛

桐城道中

青口驛望天柱峰

雨中過黃梅

潯陽懷古有李白讀
舊草堂

望天池寺

曉發劔江

羅溪夜泛

五日同張內翰觀龍舟戲

送王民部還辰州

憶弟

羅溪雨霽

江上晚行

天寧寺

晚發清江

再宿玉虛觀二百

冰北芙蓉院

江南早秋

雨中投仙姑寺

秋懷

仙馭觀

飲酒

江上遇蔡衡州	羅坊
送張僉憲赴廣西	
寒夜	鄱陽湖
上鍾寺望彭蠡湖	
彭澤縣	夜度江峰
皖江	紅心澤
泗州道中	大雲寺
都下送謝山人還鄴中	
贈蘇子仲	除文
庚戌元日入覲	
正月十七夜訪李員外得家字	
贈許高陽山人	贈東昌李太守
任城別弟仲連	舟中感述
贈安慶劉都閫	儀真文山祠
烏江懷古	送沈都閫備後
重過東林寺遇何明府振卿	
廬山讀御製周顛仙碑	
種樹	夜渡清江

臨川中秋	盱江驛
廣昌	曉發慈源寺
華子岡尋麻源三谷不見	
清江鎮	送王僉憲赴廣西提學
寄所知	送張明府赴部
送張內翰赴院	二首
豐城簡韓明府	市汊
夜渡劔江	縣齋
答張侍御	夜坐
荅龔侍御	
寄彭明府	贈何明府
寄徐明府	四首
石盤山寺	連嶺望安福
寄前令陳少府	楊溪雨中望孤原山寺
新池	楊澤嶺
獨坐	二首
送葉明府赴成都兼寄周郡博	江兒
先春日飲採芹閣	答趙侍御滇南見寄

立春日譙贈張翰史

雨中晚懋石門訪梁孟敬故址

雨夜有懷 西吳宅登樓對雪限韻

除夕雨雪 再送張內翰

春思 寒食

韓昌黎祠 醴泉道中

由家山入上明觀 三首

寄林明府赴雲南提舉

寄題羅念菴石蓮洞

聞雷 鍾山道中遇雨

廣潤橋 袁州東俞萬溪

卓泉亭 振衣亭

鈴麓逢涉明府 清風閣

送彭邑博赴慶符

答李千鱗王元美二比部 外附四首

南浦寄何明府 秋夜

羅溪道中 縣齋九日

同易秀才遊百丈峰

蘭塘寺 夜雨

寒夜 訪劉郎中別業不遇

寄張雲樵侍御 人日舟中即事

上元月食不見 舟中寒食

夜泊蕭灘 早春得張內翰書

石門是梁孟敬舊隱地

舟中期張少尹遊慧力寺 二首

泗溪 讀書臺次盛開韻

灘頭 送董光祿之京

仰岡張山人携酒至

仰岡用壁間韻贈劉郎中

暮春懷歸

東岱山房詩錄

濮陽李先芳著

五言律詩

夜發盧溝

鷄鳴山欲曙行人不可留
殘鍾出長樂積雪滿盧溝
胡馬嘶長路邊風吹斷流
冥冥煙霧裏天上是神州

涿鹿道中

策馬不能去徘徊大道間
雲中辯古塔雪後失青山
路自河梁斷人從朔塞還
漢家三輔地惆悵未應閑

定德驛別趙民部赴留都

客次每相候能勞長者情

我尋江口驛君赴石
頭城古道雪中沒孤煙
村杪橫莫輕陌上別一
面即平生

留別梁明府

因君掛冠早輒動絕交情
莫以浮沉故而寒金石
盟前溪春草歇隔嶺夏
雲生不念同袍友風波
萬里行

漂母墓

淮陰昔未遇乞食楚江烟
漂母豈知已王孫自可
憐黃金酬當日高塚志
千年却笑封侯者園陵
何處邊

濠梁驛

南州殊氣候日換四時衣
淮上月初滿濠梁魚正
肥楊花逐水落鴻鴈帶
春歸疊鼓催征騎勞心
曲道

桐城道中

山曉百花明春深好鳥聲
錦繡羅徑狹琴寫石流
清行拾澗邊草坐班原
上荆儘多山水趣其柰
別離情

青口驛望天柱峰

三祖談經處乃在天柱峰
我來青口驛遙聽瀟山
鐘欲尋山下路一寄塵
外踪澗深不可度烟水
空淙淙

雨中過黃梅

黃梅自青口半是雨中行
水國衣常潤山城雲

倒生澗松滴寒翠野竹助春聲却望東原上家
家試水耕

潯陽懷古

有李白讀書草堂

李白曾遊地春風杖節過青蓮不可見瑤草竟
如何我亦山東客來觀江上波草堂今寂寞懷
古一悲歌

望天池寺

隱約天池寺廬山策上峰嵐沉難辯塔風定一
聞鐘五老如相揖四僊都未逢無因稅塵鞅惆

悵萬岩松

曉發劔江

曉霽澄江闊輕風汎海槎孤城無劔氣過客有
張華夜雨添新漲春潮沒淺沙回看泊船所遠
水靜兼葭

羅溪夜泛

亦知川路近月裏櫂歌行江村新雨足羅溪春
漲生喜晴水禽亂哀露草蟲鳴夜靜微風起扁
舟一葉輕

五日同張內翰觀龍舟戲

五日苦不樂暫隨俗所娛遂開川上酌還就水
邊蒲盪閣疑飛動龍舟下有無叨從張季子到
慶食江鱸

憶弟

每逢明月下遙憶白眉人江水望不極山花空
自春候蟲喧四壁草閣靜無隣遙想家園裏黃
梅已薦新

送王民部還辰州

我館銅章出君持玉節還詎知渝水上得繫子
猷船楚客多文思江行少俗緣風塵有傲吏佇
望擬登仙

羅溪雨霽

羅溪雨初歇江驛水增波坐對王孫草因聽孺
子歌羅邇人居少松陰蟬噪多斜陽臨古渡山
色鬱嵯峨

江上晚行

塞帷方出郭江上欲黃昏却望東原道青山蔽

綠門蟬鳴月裏樹犬吠水邊村何處分漁火蘆
花隱釣輪

天寧寺

禪關接入境城市有山家門繫支公馬園開祇
樹花焚香連晚竹留客解春茶到處分僧榻前
身住法華

晚發清江

江行俗事稀薄暮澹忘歸霽雨遠山靜微風香
稻肥來依落鴈渚坐愛釣魚磯爭似神仙吏雙

鳬雲外飛

再宿王虛觀 二首

江皋歸路永初月正西斜水店多依竹山歌半
採茶因尋古渡口偶宿上清家夜裏征軺發能
無愧息鴉

石梁忽一轉竹裏見仙臺落日玉山紫秋風鐵
樹開禽飛丹井渴鶴去古松摧誰識旌陽令遙
尋初地來

水北芙蓉院 二首

水北巡行地江南暑熱時樹逢陰處歇馬度水
邊遲入寺成流憇看山生遠思愧非彭澤宰深
負遠公知

嚴駕不辭遠耽茲山水嘉松杉包野寺鷄犬靜
人家古塔芙蓉宇秋風菡萏花曉看投宿處窓
裏發烟霞

江南早秋

堂畔候蟲響江南桂樹秋夢中歸路近月下客
心愁楚岫陰晴換素江日夜流欲傳淮海信何

處覓行舟

雨中投仙姑寺

雨中投古刹江岸少人行立馬候松逕呼僧開
寺名斷碑經火盡荒草入秋平惟有楓林樹冷
泠清梵聲

秋懷

他山芳草歇高齋涼吹來輕雷下林麓疎雨度
江隈心以簿書亂秋將尺素裁江潭有思客
夢斷望鄉臺

仙馭觀

昔人馭鶴地正對楚江開洞長金光草碁封錦
石苔我如勾漏令言訪赤城隈採藥東林晚清
風萬里來

飲酒

止酒陶元亮背騰且歲時豈無良讌會不是舊
襟期家寄千山外秋當白露滋今宵傾一盞遙
對月明知

江上遇蔡衡州

幾年傾素聞江上始逢君遂枉高軒過贈予衡
岳文解衣命樽酒吐詞俱典墳復送舟中去遙
遙極浦雲

羅坊

羅坊炎濕地九月始知秋一葉江村下千家砧
杵愁芳蓉齊兩岸獨鳥泛中洲誰伴關門吏憑
軒坐水頭

送張僉憲赴廣西

桂林馳使節蘭省戀音徽嶺草嘶驄馬江雲濕

豸衣水鄉霜降早天畔鴈來稀莫後西征駕枕
柳葉漸排

寒夜

久雨冬常潤初晴天乍寒風迴沉戍鼓夜靜得
江湍北地鴻誰繫南枝鵲未安夢歸歸未得空
惹客心酸

鄱陽湖

吳城臨古渡湖水接天開一夜南風起扁舟萬
里迴波漂星子縣雲滅大孤臺却望蒼茫裏匡
廬秋色來

上鍾寺望彭蠡湖

晚泊上鍾寺南臨彭蠡湖洪濤來颶母白日見
天吳鐘石遺音在雲亭晚氣孤傳聞龍戰日一
箭取鴻圖

彭澤縣

昔賢吏隱地遙在楚江隅潮氣吞揚子山靈納
小姑自承符印吏日畏簡書但借問柴桑老遺
風尚有無

夜度江峰

東歸愁路永夜裏度江峰山暝村驚犬天寒月
在松孤燈明遠堠古寺落殘鐘惟有羈棲鳥南
飛無定踪

皖江

皖江陰下晴鱗鱗秋浪生岸迴村樹隱潮落海
雲平魚米舟中市人烟水上城不須遙問渡前
路是浮萍

紅心驛

紅亭此再過白髮幾迴生吳楚千山盡江湖一
舫輕竭來淮海郡迢遞豫章城不涉風濤險寧
知宦客情

泗州道中

淮泗興王地躬耕尚有村高皇三尺劒漢代
五陵原鶴歸雲不散龍去水常溫躍馬山前過
千年靈氣存

大雲寺

郁城東北寺傳是大雲禪夜雪空齋裏昏鐘素

飯前懸燈尋斷石披磴上諸天萬里王程客飯
依靜者緣

都下送謝山人還鄴中

長安遊俠地不返薜蘿衣朝市留真隱山靈念
早歸漳河春水發長樂夜鐘微魏寢荒臺下相
將共掩扉

贈蘇子冲

才名重小蘇獻賦有三都身赴銅龍闕家藏金
馬符論交逾骨肉寄宇隔江湖準擬燕臺月花

間倒玉壺

除夕

江南非故國薊北復天涯除夕開尊處高樓賣
酒家玉衡震正朔鐘鼓漢京華欲作南歸夢寒
枝啼曙鴉

庚戌元日入覲

萬國朝三正千官奉一人大庭咨岳牧太史
奏陽春乍閃龍旂近遙瞻象魏新輝輝芝火裏
彷彿辨鈎陳

正月十七夜訪李員外得家字

城上度昏鴉鳴騶過狹邪尚餘元夕酒留醉故
人家海月初生魄官梅欲著花春懷俱莫問去
住各天涯

贈許高陽山人

我愛許玄度來棲支遯禪神交十載外心賞一
燈前醉倚青虹劍悲歌黃鵠篇長安行樂地握
手不能旋

贈東昌李太守

暫與鷁行別遙承虎竹頒重茲股肱郡試以簿
書艱河流通帝里風壤接鄉山懸知清夢裡郎
署白雲間

任城別弟仲連

不惜南州役高堂爾奉親烟波雖萬里手足本
同身共被任城夜分襟濟水濱願為沙上鳥相
伴渡江津

舟中感述

南州炎德重日見夏雲生吹浪魚龍出鳴舷風

雨驚簡書催夜發妻子懼潮聲故國三千里悠
悠無限情

贈安慶劉都閫

豪俠古劉生東南提重兵江頭跨紫燕浪裏射
長鯨玉劍君恩重金貂世業榮澄清無一事計
聽海潮聲

儀真文山祠

宋室艱危日王師恢復秋中原空北望楚水自
東流板蕩忠臣死乾坤正氣浮停舟江上客灝

淚向松楸

烏江懷古

楚調一聲起椎圖百戰衰帳中別酒盡劍下美
人悲野廟頽江渚空山泣子規尚餘千古恨霸
上夜歸時

送沈都閫備倭

金鑲佩吳鉤雕鞬控紫駟飛旌澄瀚海傳檄鎮
琉球蜃氣迷官廨鯨波撼戍樓須知

明主意化外亦神州

重過東林寺遲何明府振卿

東林元古寺，虛獄足高僧。
遲爾招提客，重來問大乘。
行吟青竹杖，坐飲玉壺冰。
不見羊何至，香爐誰共登。

廬山讀 御製周顛仙碑

松風度巖壑，石瀨瀉天池。
水月懸雙鏡，雲象疊九奇。
問偈閒龍藏，遊仙讀御碑。
却望九江上，盈一水微。

種樹

東山房詩集

官齋頻種植，小築若為家。
疎雨芭蕉葉，微風茉莉花。
水鄉長苦熱，山縣早休衙。
尚有沉冥意，焚香坐晚霞。

夜渡清江

聞櫓那能睡，倒衣時扣舷。
蟲聲悲野草，漁網集潭烟。
江漲晚來急，月明秋可憐。
一為山縣吏，夜夜戴星還。

臨川中秋

楚塞不可極，金川路更遙。
中秋逢旅次，陰雨失

良宵。山迥樟林隔，江寒楓樹凋。
故園今夜月，還度廣陵潮。

盱江驛

建昌佳麗地，風物表江南。
蟬石紅泉冷，邊溪紫蔗甘。
山從五嶺斷，水合七閩涵。
華子岡安在，仙蹤許共探。

廣昌

萬里輶軒過，千林旌旆愁。
人煙還楚俗，風壤即汀州。
地熱鴻難到，山昏瘴未收。
石龍潭上望，盱水悵悠悠。

東山房詩集

曉發慈源寺

弭駕空山寺，高秋白露滋。
分眠支遯榻，濯垢誌公池。
地僻鷄聲絕，林深曙色遲。
欲行僧見囑，嵐重且移時。

華子岡尋麻源三谷不見

三谷杳何許，真源不可尋。
遙從仙嶂外，直到綠溪陰。
鳥道青冥合，龍湫煙霧深。
無緣食石髓，惆悵悵百年心。

清江鎮

山連閭皂起水併劒江長秋果肥盧橘湖田足
禹糧千家春雨夕兩岸纜風檣薄暮投入境聞
言雜四方

送王僉憲赴廣西提學

文衡真妙選郎署復仙才星駕雲霄下炎方瘴
厲迴驅車度梅嶺聽雨別江隈想到全州路千
山桂樹開

寄所知

江南炎濕地多病宦情遠叔夜真成懶淵明始
覺非遠書秋未至舊業夢先歸遙想山中伴同
誰賦採薇

送張明府赴部

一樽供祖道萬里謁蓬萊楚雨夕陽盡袁江秋
水來雙鳬雲際落五鳳日邊迴亦有彈冠者多
慚保障才

送張內翰赴院

張翰三吳俊扁舟下劒西飄飄蕩蘭漿去去赴

金閨十月江流駛三邊塞馬嘶驛亭聞獻凱莫
令簡書稽

北人重然諾君子莫相忘萬里依兄弟三年吐
肺腸侍臣金作礪太史王為堂倘念羈縻羽天
邊垂末光

豐城簡韓明府

握手思如渴歸檣逝若弦遂令剡溪棹不見戴
君還隱几睽晴晝開蓬納野烟汭城郭遠吟
望但秋天

市汊

涼夜放舟穩櫓歌秋水長入烟逢市汊簫鼓下
羅坊野霽江天闊山風岸草黃開篷時倚望初
月掛危檣

夜渡劒江

夜乘風色便鼓柁劒江行汀草看無盡漁燈時
一明岸迴知溜急帆轉畏舟輕遊子在天末垂
堂心自驚

縣齋

久叨江縣令愧乏理人才蠻語兒能學山花婦
可裁藥欄秋委露竹逕雨侵苔好是甘幽獨其
如簿領催

答張侍御

英英張柱史山斗鬱嵯峨臺下烏啼歇門前雀
網多時清閑自好天遠夢虛過去就君恩重休
教怨汨羅

夜坐

默坐夜方闌江城鼓角殘窓風銷燭短山雨潤

爐寒秋覺蘭芳歇心隨楓葉丹南枝烏相鳥亦
解別離難

荅龔侍御

京洛乘驄出鄉園衣繡迴人疑天上至書自夢
中來寒日低江縣清霜滿鳳臺北來邊報急應
有諫書裁

贈何明府

何遜江東俊才名海內傳守林吾自分抱玉爾
人憐芸閣秋逾靜江城花正妍風流為政日應

富白雲篇

寄彭明府

薇省棲難定楓宸望幾迴量移彭澤宰還滯洛
陽才吏隱知同嬾官箴喜並裁相思一水隔不
放錦鱗來

至日太平觀大雪 四首

至日投林館盈盈大雪傾人期三白兆時值一
陽生風勁貂裘薄天寒鶴夢清垂堂念遊子歲
暮最關情

濫竽江縣久半在路中行瘡厲寧身計冰霜有
骨驚投人多按劔獨坐幾沾纓空值窮愁日翻
令百感生

棘省追陪日茲晨拜冕旒陽春迴鳳輦御氣屬
龍旂夢裏釣天到江邊雪夜留郢中有新曲彈
盡不勝愁

竭來還此地名姓道人知遂試黃庭草兼題白
雪詩暮寒停秉燭明發戒臨岐莫動觀梅興江
鄉春自遲

寄徐明府 四首

同拜三江令相啣萬里悲山川行處險魂夢覺
未疑獨鳥巢難定枯桑風自知相望纔咫尺不
得話襟期

君擬歸田賦予慚帶印才土風爭逋負妻子願
歸來黃鵠雙飛遠青山四望迴辭官如有分携
手莫相猜

古人纔強仕爾乃宦情開
浦蠻烟重嚴冬楚寒生
涯隨傳舍心事問征鞍
寄謝冰霜候無

令鬢髮殘

問我官何遠筠州更向南山當猛虎窟江有毒
龍潭積水寒朝雨孤城隱夕嵐久知襟况合懷
望欲抽簪

連嶺望安福

四峰盤赤谷連嶺上青天入峽風偏勁經松雪
未乾山崱三楚岫水抱五龍淵古渡斜陽外江
城一塔懸

石盤山寺

石盤園古寺遙對白雲峰殿敞金仙樹門填羅
漢松人天窺法象聖水問來龍僧飯經行處悠
悠度磬鐘

楊溪雨中望孤原山寺

前溪忽不見風雨颯然生野徑人俱寂松杉山
有聲車迴長坂滑橋絕亂流平却望孤原寺如
投故國情

寄前令陳少府

未下陳蕃榻空傳邵伯名巴陵殊不遠鴻鴈本
無情舊政勞相告新聲愧不并尚聞拂袖去未
為折腰行

楊澤嶺 二首

涉溪探虎穴際曉度羊腸蓋拂千峰日衣沾百
草霜亂流趨大壑獨鳥下寒塘踏盡山陰道人
烟尚杳茫

楚山高不極冬日往來登路折村包樹橋危馬
度冰晨吹寒問僕夜榻靜隨僧瘴癘經過地垂
堂暗自兢

新池

松峰高接天合沓四山連馬怯新池水人投野
燒烟颼颼風出谷齒齒石成川詰曲表江路心
蘇百折前

江兒

四十今年是添丁也未遲世家原魯國命字偶
江兒客裏愁能遣燈前笑並提因思遊宦拙長
但守茅茨

獨坐

山城有傲吏冷然無俗情每於簿領暇不廢絃
歌聲蕭蕭疎竹靜歷歷遠峰晴獨坐聽高鳥空
齋烟霧生

答趙侍御滇南見寄

銅章初服地繡斧壯遊時舊澤甘棠在清風獨
鶴知滇南酬遠略江上寄相思莫厭南中熱霜
威遍海夷

送葉明府赴成都兼寄周郡博

客自閭門道西行赴錦官青天蜀道險白雪楚

江寒傾蓋邀雙舄停車授一餐故人聞賣卜見
日道平安

先春日飲採芹閣

問字來芹閣開筵面水濱山光陰處滅江色雨
中春薄暮琴尊冷殘年物候新客懷何必問留
醉百年身

立春日讌贈張翰史

騰日柔風至雕盤薦五辛醉攀秦太史遙憶漢
宮春江市梅花爛官齋栢葉醇還將白雪調一

贈賞音人

雨中晚憇石門訪梁孟敬故址

陰雨不知晚牛羊下廣原來攀小山桂坐擬古
松根寒至鳴泉結山多宿霧屯還將招隱曲一
訪石門村

雨夜有懷

客舍青燈晚孤懷坐寂然寒更罷急柝疎雨別
殘年不識夢中路空懷汶上田鄉書何日到東
盡海雲邊

西吳宅登樓對雪限韻

登樓吟積雪留客惜殘冬
江市寒烟重山窓宿霧濃
花疑王女散酒是白衣供
絕勝山陰道相期竟不逢

除夕雨雪

除歲窮陰積江天雨雪懸
朝昏難辨日晦朔暗分年
鴻鴈相將去梅花各自妍
笑看兒女長老我大江邊

再送張內翰

張內翰名翰

二十三

春江新漲生春草送王程落日一尊酒
贈君千里行中流催疊鼓細雨濯懸旌
不及雙飛燕相將巢鳳城

春思

渝州正二月日夜雨瀟瀟石瀨添新漲
江風送落潮春催花影薄林雜鳥聲嬌
楚客多歸思長天坐寂寥

寒食

淒淒風雨夕官牋坐天明蔓草滋寒砌
高林轉

曙鶯路迷三楚望年覺二毛生
寒食誰相慰加餐萬里情

韓昌黎祠

韓公昔流寓遺廟尚崢嶸
抗疏存吾道移官仰聖明
宜陽春草色潮海夕流聲
不見長安日悠悠今古情

醴泉道中

郭門一以望處處稻苗生
澗水分千派江流共一聲
春天雜寒峻山路半陰晴
更聽村春外深林布穀鳴

韓公名昌黎

三

由蒙山入上明觀

三

朝涉楚蒙道春巖澹碧滋深林
當晝暝夕逕入村危臨水知魚樂
看山信馬遲玄都堪息駕先與白雲期

寂歷仙臺古烟雲盡日封
江天下孤鶴石嶺度萬春苔沒千年碣
藤盤百丈松南山當戶牖天削玉芙蓉

萬壑樹紫迴千峰擁翠來
鳥如簫乍炙花勝錦

初裁猿狖啼春晝龍蛇網洞苔還期採樵者同
剪此山萊

寄林明府赴雲南提舉

問子今何遠滇城瘴海過人言成貝錦吾道付
滄波淚逐蛟人盡才憐翠羽多不知南斗上雙
劍為誰磨

寄題羅念菴石蓮洞

石蓮敞新構洞水似瀟溪獨坐觀瀾者逢人歌
鳳兮名高金馬籍道重碧山樓倘許尋真隱仙

源路不迷

聞雷

遙夜風雨至江天霹靂鳴神功元不測天載豈
無聲潛窟蛟龍起陰崖魑魅驚攬衣危坐久六
月暮寒生

鐘山道中遇雨

四壁山如積孤村江欲吞雲來遠樹白雨後野
塘渾澗水奔岩壑雷聲下石門中途難假蓋佇
立古松根

廣潤橋

石自名山採天教靈壁裁能將賜金意略試濟
川才銀榜雙龍護沙堤萬馬迴應勞太史奏今
夜使星來

袁州東俞萬溪

仰山高不極表江悲未央中流撼巨石絕巘跨
飛梁春臺留夏雪陰洞隱洪陽更約神仙尉寨
帷共採芳

卓泉亭

息肩翠微半壁立小亭清一飲山中水泠然世
上情濯纓思不滌洗鉢念無生老我緇塵裏臨
流嘆未平

振衣亭

極浦三湘客遙山二仰祠古亭蒼柏暝一逕綠
苔滋竹色到門盡鍾聲出嶺遲振衣千仞上五
月生涼颼

鈴麓逢湯明府

落日下鈴麓流雲樹杪還道逢花縣吏坐我草

亭間巖扉駐旌蓋泉上弄潺湲簿領關心者相
將一解顏

清風閣

迴蹊交雜樹高閣倚層岑暫弭塵中駕來彈江
上琴石流下澗駛雲影度山深獨有清風至知
予遠世心

送彭邑博赴慶符

傳經漢馬融化俗蜀文翁一壺辭虎瞰萬里度
蠻叢離亭值秋日講幄別春風莫作并州思君

看陌上蓬

答李于鱗王元美二比部

長安有知己念我客江潯愧以雕蟲技難酬金
玉音湘潭秋水闊燕塞暮雲深詞賦憑誰薦

君王在上林

附春日見懷二首

李攀龍

欲將流水意相話故山深君去生芳草人來
得嗣音桃花飛墮酒春色照園林若見迷雲
鴈知予慕侶心

偶此看花酌因君見別筵芳時詞客醉行樂
故人偏寒食逢江鴈春水度楚天誰堪思遠
道共賦白雲篇

同賦二首

王世貞

往日試春酒停觴南望頻偶因文似者翻及
意中人入夜青萍合連雲碧樹新空為可憐
語天際竟誰論

自聞仙令去春雪下江關予抱友朋感君稱
伯仲間援琴對素月流思共高山賴有投珠

意索居時解顏

南浦寄何明府

我懷何水部淪落大江衝正苦催科拙無愁見
吏慵心馳江上閣力盡雨中峰何用同官在三
年竟不逢

秋夜

江市暝烟合官齋清漏長候蟲深院靜叢桂小
山香別怨入秋重宦情如水涼南飛烏鵲盡落
月下寒塘

羅溪道中

古戍黃花節郵亭白露中
遠山橫積翠青靄落
高空石瀨寒流急江帆一鳥通
沿回秋望遠辛
苦石尤風

縣齋九日

故國渺何許他山木葉黃
簿書侵短髮風雨復
重陽旅鴈爭先路寒花送斷香
飄明望眼秋
盡白雲長

同易秀才遊百丈峰

我本三山客來登百丈峰
路迴山寺隱秋杪石
林空丹鼎仙壇在金門羽士逢
烟霞足清賞臨
眺幾人同

蘭塘寺

蘭若建蘭塘秋山蘭桂香
沙從金穴湧山倚玉
峰長色界盤龍藏彌天下鴈王
前身應是佛隨
處喜僧房

夜雨

江城十月後風雨倍蕭森
遙夜一尊酒踈燈萬

里心行截隨計拙然諾誤交深
殘柝休頻擊南
枝有越禽

寒夜

南陸日將至東山人未歸
輕陰寒較重薄暮思
如飛夢裏鄉園近秋來書信稀
汀蒲多釣伴何
日遂初衣

訪劉郎中別業不遇

遙尋谷口伴門徑綠苔滋
興來何必見後會重
為期秋水川容歛晴嵐樹杪移
笑題凡鳥字留

待鳳來時

寄張雲樵侍御

昔年持繡斧今日屬雲樵
欄柯懷往事如玉識
清標蕉鹿夢中盡烟蘿身外飄
積薪猶可薦
天子問蒹葭

人日舟中即事

七日沿江路扁舟細雨村
不須金作勝但願酒
盈尊春水江初漲條風柳乍溫
川原各自媚懷
抱共誰論

上元月食不見

惟爾上元節偏逢月食時浮雲故相掩明鏡未
全虧持滿能無妬韜光且自宜遙遙九天上圓
缺幾人知

舟中寒食

天畔擬歸期江春流水漸行藏孤鷗在心事二
毛知積雨江湖夢他山桃李時來流馳止望寒
食草如絲

夜泊蕭灘

東坡詩集卷之十

三

寒江春雨歇孤棹夕流清問渡逢蕭驛移舟纔
石城澹烟人語靜遠水岸燈明明發南昌道微
風五兩輕

早春得張內翰書

殊守日已久瓜期春正初依違連夕夢珍重遠
方書竹逕青苔滿松窓白日虛誰憐吳李重嘆
息此迴車

石門是梁孟敬舊隱地

仄徑石門迴春山積翠來昔賢托乘地今日望

仙臺翊聖開明運傳經屬楚才千年青史在山
斗鬱崔嵬

舟中期張少尹遊慧力寺二首

山寺枕江開山僧夜渡杯泊舟依靜土登岸見
沉灰春水和鍾梵曇雲墮石苔還期許玄度同
上雨花臺

江干有蘭若門傍瑞筠山斷橋人不到深樹鳥
空還僧磬浮朝靄漁歌宿暝灣慈航如共渡皈

命老禪關

東坡詩集卷之十

三

泗溪

泗溪春水漲返棹度花村日暮山嵐蒸雨餘浦
澈渾轉蓬蘽晝睡疊鼓助江喧三載渝川路風
濤那可論

讀書臺次壁間韻

昔有招提客移居結靜緣松風晝清絕水月夜
孤懸惠遠開山地何顯好佛年讀書臺尚在春
草正留連

灘頭

春江兩岸闊細雨片帆斜古戍收殘市寒潮帶
淺沙風偏升倚瀨春盡鳥啼花桑柘依依綠漁
磯三五家

送章光祿之京

春漲楚江寒君行赴大官鹽梅調玉食鍾鼎侍
金鑾薄宦經年拙他鄉送客難故人多鳳舉天
上是長安

仰岡張山人携酒至

尋山逢霽景行樂及春融空谷轉黃鳥前川飲

白虹江流烟樹外井邑暮雲東父老壺漿至千
家農務中

仰岡用壁間韻贈劉郎中

為聽山水調一訪薜蘿衣坐待夕陽盡來從湛
露晞呼僧烹石耳陪客採山薇豈謂耽幽興巖
城吏事稀

暮春懷歸

風雨春遲暮江湖日阻修羈心身外遣歸計夢
中求花落啼鶯盡泥香乳燕留年年問津者空

買釣魚舟

東岱山房詩目錄

五言律詩

送萬通政歸省 歸興 二首

由法曹入符臺作

憶登毘盧閣 對月送張僉憲得風字

對翁再送子畏得歸字

送熊憲副赴任河南

冬日送呂四大南歸兼寄舍弟

長至日感述 歲暮

元夕張助甫宅賦得火樹銀花合

早春送朱大叅范方伯同赴河南

直端門春望 上陵畢訪劉氏山莊 二首

迴龍觀 有懷

夏日毘盧閣

送湯都諫轉留都通叅 二首

送王侍御出按甘肅

夜坐 送樵比部還蜀

聞何員外遊西山諸寺作

中秋夜讌張太僕宅

送毛比部改任留都

暮秋夜集高伯宗宅逢汪方二水部范比

部得來字

送鄒信甫下第還廬陵

贈答周生才甫 贈彈琴梅生月壺

送吳比部赴福州太守

送項生還永嘉 送汪正叔

簡高伯宗 再題張有功聯輝館

元日飲李京兆宅

簡袁太冲 贈黎惟敬

送林僉憲赴河南

普恩寺訪史少叅

題周山人窓前鸚鵡

出郭望西山作 大佛寺慧雲洞天

送長子劉明府

黎進士梁中書周山人晚集小齋得山字

外附

謝符卿以苦雨詩見示走筆答之

問黎惟敬疾

送太僕張有功河南市馬 二首

小亭 秋日訪戴錦衣得魚字

伯宗席對月再別吉夫得聲字

送王僉憲赴江西

送霍明府赴慈谿 代作

贈溫侍御 喜舍弟至京

同伯宗咏白雪 初雪別弟南歸 外附一首

至日簡莊希周寮長

馬上咏雪 送劉白川赴順德太守

首夏諸寮長約遊西郊水寺不赴 四首

大覺菴雙松同謝李二寮長賦

感述

高比部席賦得蠟炬素屏丸爵 各一首

和仲中翰喜少嶽山人至 二首

寄題洞虛先生水亭 四首

同省中諸寮長城南泛舟送陳司業赴留

都 四首

送梅生還永嘉兼吊張有功太僕

再簡侯大叅

九日期黎翰林登高不果

臨洛驛別聞郎中

雪中簡龔性之 送呂山人還甬川

伏日百花樓作

東岱山房詩錄

濮陽李先芳著

五言律詩

送萬通政歸省豐城

位藉銀臺選名從藻鑑收烟花留上客桑梓憶
南州不為秋風起真成畫錦遊承歡多暇日迢
迢望京樓

歸興 二首

微霜燕草歇九月薊門秋落日看歸鳥涼風吹
白頭山中多桂樹江上足沙鷗願托雙飛翼相

從張翰遊

問爾逝何遠我家東海東神龍不受縛天馬自
行空道逢青鳥使寄語紫芝翁為掃鰲山石吾
將學釣翁

由法曹入符臺作

謬籍通丹掖遺身下白雲班從三殿直膳自大
官分日近爐煙合天清宮漏聞龍池春似海鷗
鷺自成群

憶登毘盧閣

秋杪一以望晨光澹遠山疎林覺心爽涼雨助
僧閑面目還矚昔風塵總厚顏願携清興往高
卧白雲間

對月送張僉憲得風字

華燭夜堂紅霜清鴈叫空停杯待明月留客賦
秋風蜀道千山外青天一鳥通晴光如不負弦
望有時同

對菊再送子畏得歸字

秋葉不堪聽同袍復遠違誰知搖落後此地有
芳菲綠酒青驪曲黃花繡笏衣歲寒將別意一
倍惜音微

送熊憲副赴任河南

伊昔清江上高樓酒一尊雙龍隨地合喬木幾
家存復此遊梁日相將別薊門杪秋風雨夕落
葉不堪論

冬日送呂四丈南歸兼寄舍弟

少年如昨日白髮忽盈梳老至憐雙劍冬殘憶
敝廬故人千里別兄弟數行書見日應相悉官

衙水不如

長至日感述

北極初陽至西山落日低
乾坤正冰雪湖海尚
鯨鯢方朔留金馬王褒走碧鷄
東南多事日雲
物望中迷

歲暮

自不能逃世棲身朝市間
無譬迴白髮有夢到
青山實少冲天翼空陪捧日班
何如歲云暮未
見馬蹄閒

東谷山房詩集

王

元夕張助甫宅同伯宗賦得火樹銀花合
帝里逢元夕千門火樹花
煙中亂紅雨夜裏發
丹霞墮地枝如委隨風葉漫斜
隔牆紛萬朵春色在君家

同賦

高岱

瑞彩生寒夜芳筵照酒杯
巡簷飄月挂傍檻
落寒梅遙雜春星動還同夕
宴開芳菲驚滿
眼羯鼓不須催

張九一

火樹排虛上銀花入暗開
一宵春色到萬戶
夜光來對月驚飄桂臨風擬落梅
莫辭歸去
晚携得艷陽回

早春送朱大參范方伯同赴河南

愛爾雙龍劔相將出鳳城
紫微還舊省白雪喜
同聲御苑鶯先至王程草自生長
河流日夜應
見故人情

直端門春望

自直含香署頻過建禮門
地高山盡入春早樹

東谷山房詩集

中

先溫城關群龍抱樓臺
五鳳蹲憑欄西直望風
雨下崑崙

上陵畢訪劉氏山莊二首

園陵從祀罷水木足清遊
月出衆山白鳥鳴千
嶂幽好花經雨濕芳草帶春柔
歸路知非遠軒
車盡日留
名園能近郭芳樹自邀賓
排闥青山入開筵綠
酒親麥秋三月雨花夕
五陵春明發長安陌風
塵不可人

迴龍觀

法宮還繫馬勝地此迴龍人醉新豐酒風吹長
樂鍾高原攀玉樹晚節見青松却望烟花市千
門錦繡重

懷張董二比部謫居

桂嶺蠻烟重悵何瘴癘繁丹心能作伴白日莫
含冤有字憑誰寄思君未敢言應將漢庭淚灑
向粵江猿

夏日昆廬閣

京邑空多寺人天自不群風回六月雪樓壓萬
峰雲上界鐘聲渺千門樹色分清涼初服地香
靄晝氤氲

送湯都諫轉留都通叅二首

月卿臨白下星使出黃門地已分中貴官尤重
納言晝遊構李郡秋薦秣陵園向夕看南斗龍
文徹紫垣

銀臺今獨步青瑣舊同闌恩自三天下人從
八舍歸賜蘭曾握手折柳欲沾衣暇日揮雙管

應多錦字飛

送王侍御出按甘肅

君王重分陝使者出秦京紅岸祁連樹黃雲張
掖城馬行天盡處人去海西營定有涼州曲送
傳絕塞聲

夜坐

初月掛西壁明河動微陰流螢乍明滅蟋蟀時
一吟自識浮沉理都忘去住心甕中有知己相
對莫辭斟

送樵比部還蜀

平生多齟齬蜀道未應難爾去將孤劍誰其戀
一官回塘秋水急飛棹夏雲寒莫謂相如老還
爭駟馬看

聞何員外遊西山諸寺作

聞汝尋名寺連朝未擬還月邊逢望夕湖上對
秋山孤嶼題詩滿青雲載酒閒因之意飛動雙
樹昔曾攀

中秋夜讌張太僕宅

長安今夜月此地最宜看
綠酒開金谷青天行
玉盤徵歌風淅淅移席露漙漙更欲乘槎去明
河向曉寒

送毛比部改任留都

建業佳山水官衙湖上開
君隨鴻鴈影秋入鳳
凰臺風簾三吳似鄉園
一水迴金陵花月夜誰
與賦深杯

幕秋夜集高伯宗宅避汪方二水部范比

部得來字

待月月已出望君胡不來
况逢桑落候忍負菊
花杯晚市烟光合嚴城
鼓角催停鐙遲三益佳
句為誰裁

送鄒信甫下第還廬陵

鄒陽嘆夷梧秋日賦歸歟
白壁無知己青原有
舊廬鳳麟元自別羅網
未應疎且抱豐城劒匡
山讀父書

贈答周生才甫

永嘉山水郡之子故能文
古帖臨青李高情屬

白雲豐蘭香易入郢雪調
平分何限沒珠意當
令知者聞

贈彈琴梅生月壑

彈琴坐夜鐘十指若游龍
正對千門月疑聽萬
壑松上絃招海鶴別調
起秋蛩虛館清人骨悠
悠塵外蹤

送吳比部赴福州太守

南中君景遠復此赴閩中
握手千山雪開帆萬
里風冬殘烟瘴息波靜
海門空他日循良傳應

收第一功

送項生還永嘉

一讀山中作君才過項斯
豈惟標格健更覺羽
毛奇客思秋風起歸心
芳草知何時同載酒孤
嶼坐題詩

送汪正叔

水雪滿京邑軒車臨路岐
殘年春酒熟不是別
離時故舊日以遠斯文
空在茲因之托江水相
送楚天涯

簡高伯宗

歲暮俗不了相期話夙心
空沽燕市酒難聽郢中吟
知已半陳跡新詩誰賞
晉九衢車馬盡何處拂塵襟

再題張有功聯輝館

起家貧宰相狎世醉叅軍
兄弟雙瓊樹文章五鳳群
花間留日月壁上走風雲
遙夜憑軒坐星河歷歷分

元日飲李京兆宅

元日長安道東風十萬家
馬蹄逐流水春色在高衙
椒酒寒生碧蘭燈夜作花
嚴城鐘鼓沸忘却是天涯

簡袁太冲

初喜懷人至翻憐旅病疎
尚方仍賜舄南陌暫停車
白首三春別青雲萬事虛
相逢不一醉何用寄雙魚

贈黎惟敬

失意太行道棲身京洛間
懷中問明月海上憶

青山出處情難白風沙鬢已斑
鄉園千萬里心折大刀鐔

送林僉憲赴河南

此意竟誰陳行行且自珍
暫辭香案吏猶是憲臺臣
立馬都門道聽鶯御柳津
不堪花下酒又送夢中人

普恩寺訪史少叅

故人千里至蕭寺一尊同
晚市浮烟盡諸天明月空
香床無俗氣鐘梵有清風
社中饒酒禁留

醉與陶公

題周山人窓前鸚鵡

爾本山林鳥金籠此暫羈
翻飛竟何日羅網憶當時
總為稻粱計空憐毛羽奇
但留長舌在不用學張儀

出郭望西山作

人事那可極出門望青山
心將流水遠目送碧雲還
首夏初蟬嘒新晴百草班
行吟意不盡回首市朝間

大佛寺慧雲洞天

佛日臨初地慈雲出洞天園開三士果燈結九
枝蓮閣迴蟠龍藏林深泛虎泉西來八百寺此
處可逃禪

送長子劉明府

我讀循良傳劉君第一歌故人之上黨新政復
如何家世蒲鞭在碑陰棠樹多鳩山山水下
飲挹清波

黎進士梁中書周山人晚集小齋得山字

浮沉豈殊調去住且開顏走覓高陽侶悲歌燕
市間清尊對芳草落日滿西山車馬長安道誰
如此地閒

附得頻字

黎民表

相携三徑裏因得遠風塵雨葉全低樹林鶯
猶喚人青雲詞賦早滄海性情真花事今餘
幾街杯肯厭頻

謝符卿以苦雨詩見示走筆答之

積雨不出戶開簾烟霧深無心對芳草有客賦

愁霖世事皆萍泛生涯久陸沉逢人難假蓋何
路覓知音

問黎惟敬疾

九衢平似掌行者自迷途念爾羈棲客相將藥
餌扶黃金百鎰盡滄海一鱗孤昨夜新涼入應
教疎病蘇

送太僕張有功河南市馬二首

君王重邊塞市馬為防秋不惜黃金價遙將駿
骨求炎天辭魏闕風雨下中州河洛多名種驪

黃莫濫收

長安旬日陰九陌馬蹄深送子青門外相將綠
酒斟望中非遠別眼底乏知音積雨扁舟下烟
波空我心

小亭

小亭初結構踈髮坐高春種竹銷塵氣看山長
道容老藤常倚壁馴鶴不歸松媿是金門吏官
衙盡日封

秋日訪戴錦衣得魚字

花竹映階除官齋秋雨餘家藏大戴禮人在小山居立馬嘶芳草呼兒烹鯉魚剡溪他日興還許命巾車

伯宗席對月再別吉夫得聲字

幾醉長安月因君萬里行片雲隨袂斷踈影入
蕪清小徑花生色微霜鴈有聲他時三五夕一
見一含情

送王僉憲赴江西

地分彭蠡郡人去爽鳩司復此黃花節其如白

東山房詩集

十三

露滋長江無轍跡四海是襟期何用青門外停
杯怨別離

送霍明府赴慈谿代作

別酒泛黃花天風送海槎江城新茂宰館閣舊
通家帆帶雙鳬下山連一鴈斜鯨波深幾許遲
爾淨雲沙

贈溫侍御

昔聞溫御史今見起西臺山立虬髯重霜清驄
馬來家藏金谷酒人是洛陽才簪筆多休暇新

詩盡日裁

喜舍弟至京

久客遠辭親微官敢厭貧有懷供菽水無恙寄
松筠故國強千里慈闈漸八旬清秋迎養至辛
苦白眉人

同伯宗咏白菊

紅芳搖落盡獨愛一株留嫩蕊含新粉高枝映
素秋花疑青女散人即剡溪遊共醉東籬下無
勞問白頭

東山房詩集

十四

初雪別弟南歸

天涯初見雪匹馬獨歸時言念同胞去彌增老
母慈敝裘聊解贈別路正逶迤珍重連枝樹加
餐慰我思

附留別

同芳

停車燕市晚拂袖朔風寒客計憐雙劍家聲
愧二難晨昏千里隔去住各心酸醉把連枝
樹雲泥一笑看

至日簡莊希周察長

又報青陽至偏催白髮新相看守株者俱是飲
冰人館穀勞形役喧卑老世塵難將歲寒意訴
與漢宮春

馬上咏雪

寒日低黃竹微風動玉塵封條官柳重積素野
梅勾坐失青山色歸迷白馬津半空紛雜沓疑
有散花人

送劉白川赴順德太守

畿甸新開府君如關內侯嶽雲連趙壁漳水抱

東坡先生詩集

十四

邢州欲縮銅符去還因玉樹留蒲鞭應有待千
騎莫夷猶

首夏諸寮長約遊西郊水寺不赴

四首

聯騎出郊圻南風柳颺絲遠山青不斷芳草碧
如滋入寺孤雲動看花細雨隨社中無酒禁深
負故人期

出郭投蘭若開林引翠微年光花裏遍春色雨
中歸跌坐逢僧話忘機羨鳥飛官閒隨去住莫
令賞心遠

烟霞塵外賞水月鏡中浮問偈來玄度隨緣有
惠休桃花留上騎蓮葉命仙舟忽復雙林杪春
風語栗留

出門無遠近得地即皈依佛日烟光合入天花
雨飛春催黃鳥弄身被白雲圍愧似逃禪客緇
塵滿素衣

大覺菴雙松同謝李二寮長賦

野寺薜蘿深扶疎雙樹林相從大夫後來坐古
松陰高蓋落空翠飛濤入梵音殷勤問三友珍

東坡先生詩集

十六

重歲寒心

感述

不知老將至結客少年場驥思仍千里鷄班每
後行官隨心事拙詩與鬚毛蒼莫歎無知己杯
中有杜康

高比部席賦得蠟炬素屏九爵

各一首

晝短夜銜杯高堂蠟炬來青煙浮蜃氣明月剖
珠胎光奪三星燦花迎一笑開相期照肝膽莫
使壯心灰

誰裁千嶂雪散入五湖秋不藉雕蟲技徒令粉黛羞風簷停絳燭夜榻代青油徒倚人如玉相看易白頭

爵形存古制无注更天然無謝缸為玉偏宜酒尚玄足分月鼎重峰起博山連潦倒風塵裏甄陶憶昔年

和仲中翰喜少岳山人至 二首

越鳥辭南國相街易水湄因過仲長宅先報李膺知醉踏金臺月行吟玉樹枝平生君莫問山

水是襟期

攜李多才彦夫君念在茲邇乘婚嫁畢遥赴故人期名已高玄度詩寧比項斯神交非一日傾倒莫相疑

寄題洞虛先生水亭 二首

因懷大隱者遥寄小山篇習靜常依市為農不在田谷神仙錄載丹藥羽人傳却笑玄都觀春花空自妍

松篁最深處泉石忽中開興極魚偏樂機忘鳥

不猜花呈君子色林雜豫章材時有清風至羲皇白日来

臺榭枕泉流烟霞足勝遊林深疑伏鳳波靜見潛蚪上客桃花馬仙人蓮葉舟不能追逸步夢繞白蘋洲

言念葉榆景寄情山水閒開林引蒼翠留客弄潺湲魚似杯中泛花從鏡裏攀池亭秋正好掉月幾人還

同省中諸寮長城南泛舟送陳司業赴留

都 四首

握手意不盡城南且泛舟欲成湖海別聊為酒尊留荷芰搖晴日蕪蔭送早秋相思何處是溝水自東流

南州尚炎德不是戒舟時且對前溪渌相看芳草滋停杯邀去鳥艤棹赴涼颺他日能相憶風流在水湄

落日下山陂清尊戀故知還從徐孺子留醉習家池旅鴈秋先報涼蟬晚故悲蘼蕪聊折贈為

感別經時

君有雷陳好予慚李郭外詎知遊賞地忽動別
離愁把臂留雲住低頭見水流春明門外柳折
處不勝秋

送梅生還永嘉兼吊張有功太僕

鍾期不可作朱絃彈為誰塞鴻辭上國越鳥憶
南枝久客風雲盡高秋草木衰因之寄孤劒遙
挂徐君祠

再東侯大叅

東侯山房詩集

五

貧家無所有濁酒對黃花落日聞孤鴈秋聲動
萬家談詩待匡鼎問字憶侯芭倘許高軒過柴
門醉月華

九日期黎翰林登高不果

已負登高約難為久客心天涯逢此日誰不憶
山林落日一行鴈秋風萬戶砧何須吹帽落白
雪已盈簪

臨洛驛別聞郎中

共待金門詔平分玉節行關山紆楚國風壤接

齊城駐馬勞相慰飛蓬苦不情郵亭一以別迢
迢暮寒生

雪中簡龔性之

酒出甕頭春雪飛頭上巾宿醒殊未解好景復
相親夜發山陰棹朝尋王翰隣莫辭玉山倒誰
是獨醒人

送呂山人還甬川

客有釣鰲者遨遊齊魯間風雲收翰墨海嶽壯
心顏旅食青山老行吟春草斑甬東川上月夜
夜待君還

東侯山房詩集

三

伏日百花樓作

我當三伏日來上百花樓委巷牛羊夕平原禾
黍秋清風開戶牖赤日掛簾釣一枕羲皇夢翩
翩霄漢遊

詠牡丹

四月賞花時春歸花未知色能增國重香不籍
風吹灼爍丹心迥歲稔造化私前溪問桃李早
晚莫相疑

贈鄭虛舟

我愛鄭虛舟翩翩海上鷗文章增趙壁心事問
吳鉤坐惜蘼蕪老行因桂樹留相逢憐遽別况
是菊花秋

讀宗子相詩有感

一讀一增悲宗生才不羈長風破高浪白日駕
青螭豈獨言銷骨飜令色有絲脩文遇顏子齒
序定先誰

雪中出郭訪子與 二首

愛爾南州彥同傾北海尊客邊驚歲換雪裏覺
春溫醉弄梅花落行吟松檜存新豐何限酒心
事不禁論

早春寒正急孤客思難裁夾道衝風出嚴城踏
雪來君家瓊樹發我醉玉山頽郢曲勞相和青
雲誰愛才

春日同胡比部遊廣慧寺贈上方禪師

佛日臨長陌慈雲抱御堤人天逢大士道岸發
菩提善勝情俱澹心澄路不迷出門堪一咲疑

是虎溪西

題顧舍人雪舫齋得初字

一齋橫素舫四壁草玄書陸海移仙棹恩波滿
直廬夕陽芳草遍春酒落花初予亦浮沉者相
逢解佩魚

送姚長山山人 二首

十年京洛客白首尚綈袍世事看流水交情問
大刀詩將因計拙酒以爲名逃鴻鴈南飛盡真
真一羽毛

九衢春侶海何事復山林莫爲屠龍技難酬躍
馬心歌中仍白雪臺下豈黃金去住應回首何
人是賞音

燕臺春草懷子與

燕臺望不極燕草思悠悠末路誰知已親交半
白頭春歸啼鳥盡人去落花愁惟有蘼蕪草青
青滿御溝

答姚秋澗陳橫厓雨中見過留別得同字

踈雨三春暮高軒二妙逢衣沾庭草綠花泛海

榴紅慷慨歌燕市風流賦漢宮長安行樂地歸
騎莫匆匆

題李鏡川廳下鸚鵡

多言時共忌何用巧如簧且伴金閨彥相憐翠
羽長雕籠栖更穩紅稻啄偏香不學呢喃燕飛
來王謝堂

送陳橫厓赴崇仁文學

憐汝珪璋器而食首著盤橫經三楚秀抱道一
甌寒歲月詞章老乾坤出處難祇應勵晚節計

日薦春官

聞箏得今字

燕市重知音秦箏傳至今爲行排短柱鶯語出
高林指下春風細絃端夜色侵胡姬年十四一
曲一關心

送黎鴻臚歸臨江兼訊直溪伯兄

昔拜渝川令相逢伯仲賢論心在今夕回首憶
當季金鳳洲邊草清波月下船因君動歸棹飛
夢入江天

病中黎秘書見招雅會不赴既以詩示俾
此謝之

騷壇開燕會詞客屬應劉愧似文園病徒乖清
夜遊幾人翻雪調四座足風流繪句勞相贈殘
年慰獨愁

病起水塘菴四首

病起不自好行行蕭寺間平生愛岑寂此地重
躋攀冰結半塘水城飛一片山寂寂絕人境不
省是塵寰

東坡山房詩錄

十四

歲暮客情多禪扉此暫過高懷比玄度同病得
維摩坐見青山老愁如白髮何都將去留意飯
命問彌陀

卓錫烟花地開塘水月天入門雙樹老隔坐一
燈懸睥睨留殘照樓臺澹夕烟殘冬冰雪候何
處種青蓮

問偈來精舍焚香淨法筵暫遠金殿直遙借石
牀眠獨坐觀空理忘言識性天紅塵滿京洛誰
解此逃禪

送弟仲連赴 趙藩審理

白壁空三獻朱門強一官雖稱賢弟屈能博老
親歡末路丹心怯窮經皓首難昔人托東地好
去慶彈冠

九日飲仲連對菊

今朝重九日舍弟在長安落日孤雲外空齋一
逕寒况逢新酒熟追賞昔年歡花萼相輝地終
宵如夢看

飲呂公祠賦得秋水蕭蕭

仙源落人境秋水泛蘆花有客停車騎相將醉
晚霞因風聲淅瀝帶月影交加欲逐吹簫侶飄
飄上漢槎

夜雨感述

春雨夜絲絲遷人獨聽時曉風吹夢遠殘漏出
宮遲嚴譴孤臣罪優容聖主私浮雲如可撥見
日是還期

舟中再贈抑所

離歌苦無調遷客不堪聞魚服終當辨龍媒自

出群停舟坐明月把酒笑浮雲惟有長河水冷
冷可贈君

登天津城樓

去國此登樓天津控上游潮聲撼城郭海氣抱
神州野渡思長楫扁舟畏急流憑軒欲有問飛
鳥不知愁

河上聞鶯

澤國多芳樹流鶯日日新北林啼未歇南陌聽
尤真漢臣方去國楚調益沾巾坐惜流光轉故
園空好春

別吳山人還金陵

北遊不稱意逗棹涉江波楚客青楓樹吳儂白
紵歌故山歸路永芳草別時多好去滄浪叟投
竿老一蓑

西莊

何處堪避暑西莊負郭田柴門填綠樹苔徑疊
青錢野色先催黍秋聲忽到蟬何因寄城市日
日苦風烟

薛氏園亭

夙有山林癖何妨過草亭秋來愁作客花下不
宜醒對酒同呼白題詩盡殺青醉歌招隱由遙
寄北山靈

義門曉行

曙色起林鴉青天明曉霞蕪葭晞白露墟里帶
清沙老驥長途怯新鴻一字斜不知時序晚野
菊有黃花

白龍溝寺

客路不禁秋蕭蕭雨未休潁川城下水漾出白

東山房詩錄

卷一

龍溝遙望烟中樹來登溝上樓橋危泥正滑端
坐看吳鉤

薛園臘日見梅花

山梅初放萼臘釀復新筍况此歲寒日兼之地
主留門停塞翁馬官比醉鄉侯若問升沉事知
心有酒甌

少年行

金貂換美酒白日登毬場醉控紫騮馬調笑青
樓倡腰下麻盧劍手中明月璫歲稔桃李月春

風羅綺香

薛樓春望

新年饒客思南陌臨高臺弱柳烟初結寒梅雪
並裁鈎簾放春入揮手撥天開坐見蒼茫裏孤
雲帶鴈來

署象城作

行縣苦不樂膏騰醉復醒不知春幾許郊外柳
條青官舍隨梁犇羈心嘆水萍會當投劾去濮
上卧烟汀

東山房詩錄

卷一

夜泊五河

疎雨蕭蕭暮泊舟臨五河斷崖束板壁小艇掛
漁簑春色催楊柳鄉心悵薜蘿急流翻一笑何
事涉風波

登浮山寺

長淮浮斷石古寺度鳴鍾水泐仙人洞崖懸羅
漢松河流思禹鑿湯沐見堯封獨立丹霄上題
詩寄宦蹤

和常建舟泊盱眙

南岸盱眙縣高臨泗水清斷崖躡古廟深樹掩
孤城二月扁舟下春山候鳥鳴羈心誰不似
切古今情

過清河憶舊尹石才卿

骭髀悲吾友鳴琴水一方土風多意該城市半
豺狼身化淮南橘人歌召伯棠經過問舟子指
點說桐鄉

白馬湖

淮海下維揚湖波一鏡長天風來八面春色澹

東岱山房詩錄

三九

孤光高鳥駛於箭洪濤沸若湯蕭蕭沙岸柳偃
蹇不成行

高郵

澤國倚蕙葭春波冷島家漁人喧浦溆估客醉
烟花海氣晴吞雨湖光晚盪霞開蓬一以望草
色遍天涯

抵維揚簡同謫丘水部露澤

維揚二月春花裏度迷津言附登龍選遙尋跨
鶴人感茲同落魄念爾益傷神看問西來意孤

懷難具陳

贈吳萬山射陽二子

海內論才子淮南有二吳山中攀桂樹花下著
潛夫老鶴秋搏露神龍夜抱珠何時隨杖屨五
岳覽真圖

迷城寺

反旆赴中京官家有刻程所希逢覺路復此入
迷城宦蹟山花笑禪房春草迎何須頻問偈法
鏡掌中明

東岱山房詩錄

三

何明府邀宴荆山

名山堪載酒驛使暫停車斜日長淮水春風一
縣花平崖喧立馬深樹點歸鴉更坐莓苔上殘
尊照落霞

首夏送舍弟仲連還故園

垂柳碧如絲王孫別在茲不堪分手地正值賞
花時晚節青松見春音黃鳥知關河如見憶好
寄鵲鷁詩

金門曾把袂玉樹贈連枝豈憶過逢地南州佐

郡時去留人異雁悲喜髮成絲何處無春草隨風入夢思

雒河寄王鳳村少府

言赴添園吏時當楊柳春簡書何太迫花事苦相親夜醉林中酒朝隨陌上塵殷勤謝黃綺應笑薄遊人

王鳳翁南庄談道

白首未聞道青陽忽以歸偶來稷下坐悟我寰中機夏草歇芳徑晴雲淡落暉高臺時散步逍

東山先生詩集

圭

遙見鶴飛

范羅鋪小樓即事

吞聲復何恨兀坐不能禁豈為逢迎出因之一散心竹窓風細細草閣晝陰陰莫究浮生事盡堂有萬金

雙澗

水村昨夜雨雙澗亂鳴蛙野樹團新綠山風掃落霞桑麻紆小徑鷄犬問誰家忽轉前溪路依依見藕花

渡淮

長淮浩不極塗山烟霧深偶隨流水意忽動榜舟心未了官家事徒令年鬢侵滄浪無釣叟誰與話同襟

居易亭偶作

迎養家非遠爲州官不卑况茲佳麗郡復此艷陽時花氣薰蘭酌歌聲泛竹枝更尋清絕地泉上賦新詩

中都同孫傳二使君登第一山因贈曉堂

東山先生詩集

圭

禪師十首

先皇皇覺寺乃在萬松間我携二千石來登第一山風林蟬逝響雲際鳥飛還不飲盈觴酒巖花空自斑

禪關閒常掩祗樹澹生花劫火何年滅仙源一

逕斜影堂函舍利僧飯出胡麻開士勞相問青

蓮是故家

地臨湯沐郡亭起翠微峰密樹藏山日回風落午鐘洞門蒼藹合御篆紫苔封却望橋陵道

雲成五色龍

遠公不禁酒此地許處禪
蘿磴攀雲上松陰抱石眠
神龍喜深壑高鳥避驚絃
且對林中梵飯依靜者緣

因過清賞地不分老僧閒
醉倚菩提樹心灰夢覺關
微雲斜度嶺落日倒銜山
擾擾紅塵裏逢君祇厚顏

日落千岩紫天垂四壁青
坐驚山鬼嘯醉伴野狐聽
細雨當軒入南風吹酒醒
不知身是佛夢

東山房詩錄包

三十一

注法華經

萬事費騰過吾生未有涯
久知身是幻合以醉爲家
夜吸長淮水朝食小洞霞
山僧無酒供隨意典袈裟

往事已陳跡浮生隨所遭
且沽千日酒留醉五陵豪
花雨飄香閣松風捲翠濤
平生君莫問天地一鴻毛

官如醉司馬身是病維摩
拄笏山無恙彈冠髻已皤
未除煩惱障其柰簿書何
何處堪招隱淮

南桂樹多

偶爾耽幽寂因之忘去留
往來生故態象外愜清遊
面目本如此身心何所求
欲歸歸便得猿鶴無深愁

得高伯宗書

楚天不可極思爾日悠哉
忽枉雲中字翻疑夢裏開
賈生元不偶高適自多才
海內交遊盡青山歸去來

懷孫京兆

東山房詩錄包

高

握手金門步論心青瑣關
天風一以振落羽各分飛
遷客投湘賦高人息漢機
浮沉何足道所惜寸心違

荆山道中

自落風塵裏荆山幾度過
九岡十八湮來往似平坡
暑氣含朝雨淮流漾夕波
孤舟橫野渡延佇意如何

送薛道行赴試留都

神龍起深壑風雨下崑崙
秋色開吳苑雷聲過

海門却林攀桂樹江草憶王孫爾踏青雲去幽懷誰與論

感述

改服辭京邑甘心赴謫居漆園堪種樹濠上好觀魚招客淮王館陶情老氏書此鄉堪吏隱何異在山廬

薛園飲呂汪吳三山人

吏事何其迫秋風稍可人城南一散睇花下幾閒身客帶烟霞色尊開麴米春相看黃髮暮留

醉白綸巾

秋日飲朱參戎近泉山亭次韻

臺敞秋偏入亭孤景易斜小山逢桂樹白日蔽丹霞坐引濠梁客行吟杜曲花去留本無住歸路莫言賒

五言律詩

初遷戶曹郎留別縣齋

七月十七日清江鎮

九江

送桑少尹赴平涼

送蘇子長南還

送孫給事謫秦中

送徐膳部乞養還浙東

涿鹿道中

大寧寺遇謝山人遊岱宗還

贈高宿州上計

滁陽驛

瑯琊寺

醉翁亭

豐樂亭

曉渡江望鍾山作

望靈谷寺

高座寺同彭博士金高二秀才作

鷄鳴寺

臺城懷古

謝安石墓

同顧比部約遊燕子磯臺不至

江東門別徐侍御黎郎中

二首

江浦寄別留都所知

清流關

寄盧龍吳明府

送石明府赴清河

送蘇子長赴陽和省親

時乃翁以尚書監立大

和蘇子冲伯仲城南汎舟

山莊飲從弟西成

訪劉文潛山莊

送黃復之赴蘭州守

何使君郡齋留酌

送孫山人遊秦中

西園對月飲弟仲連

二首

野望

答何使君

暮春

寄王仲山

雨後西園即事

同何使君祝大行飲張氏水亭

四首

送鍾明府之京

顓城懷古

中秋對月

秋夜飲張氏園亭

送蘇明府之京

送陶生還浙中

田中即事

留飲蘇子冲對菊得琴字

寒夜即事

清源道中

夜宿智度寺

易水遇高民部

洪德宮寓目

初至都門寓大覺寺寄城中所知

寺夜同子冲守歲

贈高比部

外附一首

送李于鱗還順德

直省中不得郊送吳給事

賦得太白樓

送王鄭二按察同赴廣中

贈陳員外由虞部入西曹

外附二首

夏夜省中贈高伯宗

送陶郎中赴南海太守

對酒懷子冲

生日省寮見過留飲

河上送蘇錦衣

送高進士使山西軍餉便道郢中省覲

送田民部赴留都

送蔡明府赴蘭谿

送新喻唐明府

同張內翰題報國寺古松

白雲樓

秋夜別徐少叅兼寄李于鱗王元美二憲

副

九日九龍池 四首

陪祀 茂陵 夜下天壽山

冬夜方民部汪庫部見訪 外附一首

答子川子冲見寄 外附二首

張翰林席再送劉給事赴留都

臘月十五夜同張西吳飲馬孟河宅得風

字

春日登昆廬閣

送郭光祿謫黃州

寄懷蘇子長四宜園 四首

初夏即事

報國寺遲時比部

送鄒文學之貴池

題蘇子長畫牡丹卷

夏日同謝都諫隆福寺同賦得東歌二字

各一首

月下張駕部見過得花字

送李明府之歷城

書眠

張考功馬翰檢見訪留飲得星字 外附一首

夜直署中有懷 閒居 四首

省中對酒贈高伯宗察長

和襄陽龔兵憲見懷 四首外附一首

送林侍御江南督漕

立秋後一日助甫見訪得霜字

送史員外量移松江少府

夜直省中贈羅惟德

海印廢寺晚望 東惟德白雲樓望月

晦日再送王比部得更字

五言律詩

濮陽李先芳著

初遷戶曹郎留別縣齋

三年選作令再命入焉郎捧檄情何極還家親
正強縣齋長兒女民社愧循良祖帳東門道并
州意未忘

七月十七日清江鎮

初度逢今夕停撓憶北堂倚門萬里眼落日九
迴腸寸草催先結歸鴻滯後行三年遊子淚濕
遍綠衣裳

九江

水府平如鏡中流穩坐看湓浦吞吳盡匡廬控
楚寬歸心逢雨切秋色渡江寒忽漫風濤起扁
舟纜急湍

送桑少尹赴平涼

漢家徵猛士結束事平涼佐郡車隨兩防邊劔
有霜關雲經隴斷渭水入秋長予亦壯遊者相
將錢此梁

送蘇子長南還

北風淒以寒之子戒征鞍久客長安道應知行
路難還鄉馬蹄疾握手客心酸諸謝通家久相
思寄筆端

送孫給事謫秦中

君謫秦中縣遙尋杜曲花天涯禁去住吾道且
龍蛇諫草焚須盡官衙到是家孤雲有時返見
日即京華

送徐膳部乞養還浙東

海內論才子偉長最得名兩都初就賦一疏早
陳情春水浮舟穩林花拂袖輕趨庭多暇日高
枕聽江聲

涿鹿道中

楊柳喚斑騅芳春遊子歸條風拂行蓋春草變
征衣鴈帶斷冰下鵬盤斜日飛遙遙望城邑古
塔畫霏微

大寧寺遇謝山人遊岱宗還

爾乘婚嫁畢了此岱宗還漢時誰同訪秦松幾
度攀迴車故里道傾蓋雙林間應笑輶軒者風

塵不暫閑

贈高宿州上計

神禹塗山會鍾離漢代城使君久為郡

天子素知名車服明揚重圖書歸計清幾年懷
禁闔攬轡不勝情

滁陽驛

西澗夏雲滿南滁春草斑開亭坐流水捲幔納
青山虎豹屯三輔人烟接九關皇華媿天使車
馬日閑閑

琅琊寺

琅琊久擅名山水攬予情不擇蘼蕪逕寧辭風
雨行歸雲陰洞滿明月淥溪平一悟楞伽字甘
心老化城

醉翁亭

昔聞太守醉遺此醉翁亭一逕蒼苔古環山翰
墨青獨醒吟澤畔愛酒問天星泉水甘如釀冷
泠漱晚汀

豐樂亭

豐山開樂地臨眺憶前賢臺謝留芳躅碑銘失
舊鐫水啣朽子殿石咽紫微泉徙倚松潭上南
簾起暮烟

曉渡江望鍾山作

橫波浩無際煙霧曉冥冥宮旭分江岸金陵挂
翠屏髯龍蟠地軸崑鳳駕山靈絕勝蓬萊水千
門島嶼青

望靈谷寺

鍾陵盤大麓靈谷護東林苑廐分僧飯江猿學

梵音松杉停落日陰雨斷遙岑延想青冥上因
風寄遠心

高座寺同彭博士金高二秀才作

言念朝中舊來尋江上山風流還晉代人物表
江關講德諸生在談經高座閑竹林同散步忽
到白雲間

鷄鳴寺

蘭若近天都曇雲湧地符畫廊迴石磴寶塔闕
玄珠山冠憑虛閣城吞玄武湖鷄鳴一以望宮

關五雲扶

臺城懷古

不盡登山興，還成吊古行。
烟中二水合，島外數峰晴。
世代看波浪，園陵指杳冥。
蒼松栢裡何處是臺城。

謝安石墓

晉陵何處所，今拜謝公墳。
羅綺山花代，音徽水竹分。
烏衣隨太傅，寶樹憶將軍。
一笑安江左，斯人嗟不群。

同顧比部約遊燕子磯臺不至

何處堪行樂，山陰訪釣磯。
汀洲飛燕子，巖閣倚江妃。
載酒逢朝雨，停車悵落暉。
空餘幽興共，帶暮潮歸。

江東門別徐侍御黎郎中

二首

昔醉長安市，今逢建業城。
夢中酬白壁，掌上問青萍。
使者江南邁，郎官白下清。
相攀畏相別，離思逐潮生。

春雨鱗魚候吳宮花草間天涯杯酒盡歲月幾

人開門駐青驄，馬舟停綠水。
灣宦遊俱是客，楊柳未須攀。

江浦寄別留都所知

返棹渡楊子，千巖蒼翠間。
秦淮去不息，牛首重難攀。
京洛情人滿，王孫春草斑。
翱翔江水上，不忍別青山。

清流閣

清流望不極，杖策赴重關。
薊北叩恩至，周南結駟還。
石泉宣鐵騎，巖月掛刀環。
欲問南唐事，流雲度遠山。

雲度遠山

寄盧龍吳明府

縣倚重關險，身當一劒雄。
防秋先薊北，選士得山東。
政事絃歌暇，戎機指顧中。
治平誰第一天，下有吳公。

送石明府赴清河

淮南新剖符，亦是宰王都。
流水隨公事，青山入板圖。
土風多種橘，時政且鞭蒲。
莫問盤根地，懷中有廉盧。

送蘇子長赴陽和省親

特乃翁以尚書總督宣大

萬里寧親路三春遊子顏半酣倚驄馬回首別
青山胡塞月初滿虞庭師未班旋聞歌枕紐同
入玉門關

和蘇子仲伯仲城南汎舟

故人愛秋水小艇汎晴川競和滄浪曲遙傳漁
父篇水村交白鷺風樹遶玄蟬何日携尊酒同
牽李郭船

山莊飲從弟西成

日暮柴桑里天風木葉飛山中新酒熟從弟晚
相依地迥孤雲靜林深宿鳥歸謝家群玉樹愛
爾葦芳菲

訪劉文潛山莊

杖屐訪山居空堂滿架書松篁生楚調風壤似
秦餘林雜深簷雀池通小澗魚村醪有佳味落
日返柴車

送黃復之赴蘭州守

次公勞出守驕馬赴邊州隴水逢秋結黃河出

塞流龍荒秦六郡虎竹漢諸侯回首舉蘭下應
分西顧憂

何使君郡齋留酌

郡齋幽僻處下榻晚相過為政風流者閑居詞
賦多清尊逢北海高論比懸河獨有山中客春
深悵薜蘿

送孫山人遊秦中

齋折功名拙飽居歲月疎家無三畝宅腹有萬
言書按劍誰知已談詩空起予秦中千里道念

子出無車

西園對月飲弟仲連

二首

長夏厭早起西園向晚過坐深涼意入月正綠
陰多習習風鳴竹悠悠雲度河瓶中有餘瀝及
爾醉青莎

共坐不知晚月明忽以西草邊蘆席穩醉後葛
巾低荷逕迴風入柴門立馬嘶清光能不負來
夕酒重携

野望

立馬望秋林
天風落葉深
澹烟橫去鴈
積水度遙砧
冉冉東陵樹
飛飛舊井禽
不知歲云暮
猶切少年心

答何使君

春寒畏山郭
兀坐小亭虛
酒伴能相命
花朝忍獨居
聽鶯過別苑
藉草上新除
倘趁東風便
柴門候駕車

暮春

和風攪亭竹
稚笋欲交加
藻思添芳草
春愁劇落花

簷樓黃口雀
林乳白頭鴉
坐惜青陽暮
空悲兩鬢華

寄王仲山

江東推獨步
文度最知名
蘭澤幽人興
鱣魚故國情
題詩悲鳳去
貰酒上鷄鳴
誰共清吟子
金陵駕翠屏

雨後西園即事

西園逢霽雨
初伏失炎天
把卷班荆坐
搔頭對鶴眠
檀欒萬竿竹
清切數聲蟬
徒倚衡門下
微

薰正風然

同何使君祝大行飲張氏水亭

報書呼酒伴
駐節到山家
地主歡投轄
園丁喜進瓜
納涼移皂蓋
秉燭醉皇華
西堰看花處
芳尊照落霞

上客褰帷地
東家負郭田
高槐繫驄馬
踈柳嚙玄蟬
稚子呈家釀
厨人烹小鮮
何妨山簡醉
潦倒習池還

白社蓮花淨
青門楊柳踈
花間明月滿
池上綠

尊虛興極隨
苔坐詩成藉
竹書相從大
夫後日

暮駐柴車

同携金谷酒
來問水亭花
小徑垂楊暗
高樓語燕斜
地如河朔飲
人即輞川家
歸路同明月
相將白鼻騮

送鍾明府之京

客有壯遊者
來觀鄒魯風
江湖千里外
心事一尊同
暮雨淹行騎
秋原響候蟲
明朝直北望
飛鳥五雲中

顧城懷古

城濮何年戰陳臺幾度遊漁梁開晚市雉堞委
寒流落鴈空王宇浮雲古帝丘天高秋色遠臨
眺思悠悠

中秋對月

海月照高樓湘簾對上鉤晴光移白晝酒盞屬
中秋北斗斜柯見明河曲檻流涼風在庭樹露
葉晚颼颼

秋夜飲張氏園亭

別館開尊夜中秋對賞時風花添酒氣月露慢
筆絲晚坐依松逕高臺泣竹枝清遊意不盡莫
問夜何其

送蘇明府之京

仙吏赴名都銓曹重剖符先聲在剽雉新政且
飛鳧行李函秋色寒花泛酒壚平生千里足珍
重取長途

送陶生還浙中

東南多事日之子赴錢塘可歎紛華地今為戎

馬場江湖慎出入兒女戒舟航到日平安信因
風寄一行

田中即事

十月收殘稼開林坐夕曛涼風扶竹杖積雨結
苔紋木落牛羊逕秋登鵝鴨群為農吾不厭世
業本耕耘

留飲蘇子仲對菊得琴字

銀燭淹清夜黃花醕所欽地如元亮宅人入伯
牙琴稚子度新曲高風來遠砧兀然一斗酒相
慰歲寒心

寒夜即事

歲杪新釀熟厨人進晚餐燈前稚子戲膝下老
親安更衣寒較重久坐夜將闌勿謂尋常事清
平世所難

清源道中

停驂望河曲村杪戍樓懸城壓天橋水冰膠板
聞船肆場人語別驛路馬蹄穿薄暮臨東道千
家沸晚烟

夜宿智度寺

歲暮招提境天涯遊子吟無生探上界有夢隔東林鵲繞南枝盡鷄啼五夜深空庭對蕭索松檜表予心

易水遇高民部

共傳蜀道險日日有行人遙自青天下均沾紫陌塵酒中燕市月花裏漢宮春壯士今安在悠悠易水津

洪德宮寓目

涿鹿軒皇郡汾陰漢代宮山沉太行斷水咽紫荆通地勢蛟龍窟關門虎豹叢甘泉誰獻賦文似愧揚雄

初至都門寓大覺寺寄城中所知

三載遠京輦茲晨濫玉珂重關新虎豹九陌舊笙歌寒壓絳塵重春催白髮多招提城下客咫尺隔明河

寺夜同子冲守歲

古寺逢除夕天涯杯酒親暗添犬馬齒倍惜宦

遊身蕸英摧殘鴈椒花憶遠人相寬期盡醉潦倒益沾巾

贈高比部

三楚多才彥夫君更出群獨慚下里曲每就郢人斤結社隣芳草同官坐白雲平生山水意莫惜故人聞

附贈答

高岱

夫君負高格瀟灑淨塵襟抗俗榮名薄論交道氣深一尊聊北海隻字可南金玄草應充

棟無人識此心

送李于鱗還順德

計吏還襄國銜恩出漢宮都門淹落日千騎下扶風別酒三春暮行裝一劒空後期應在目天子問河東

直省中不得郊送吳給事

株守一官懶蓬飛千里遙相看纔咫尺不得上河橋龍劒莫輕試虎溪將見招寸心何以恨湓浦不通潮

賦得太白樓

有客客任城相逢賀四明
塵中能倚馬天上獨騎鯨
當日一尊酒高樓萬古情
芳聲流不盡濟水至今清

送王鄭二按察同赴廣中

禁籞百花明仙曹聯騎行
忽驚雙鳳侶飛入五羊城
贈劒星河曙還珠海嶼清
枕榔聽萬鳥不念故人情

贈陳員外由虞部入西曹

良晤真難得大音豈易陳
喜逢滄水使同卧白雲津
玉樹誰堪倚瑤華衆所珍
乃知射雕手半是握蘭人

附贈答 二首

陳宗虞

李白山東彥雲孫得使君
唾因風落玉筆有氣凌雲題
品山川重精靈海岱分何緣
接蘭省長日引清芬

展卷清秋夜陽春調自孤鷄
林爭售值驪嶺獨探珠真見
傾三峽還知駕兩都念予山水

意從子學操觚

夏夜省中贈高伯宗

西曹同信宿蕭灑似山林
促織先秋發涼蟬入夜吟
幽蘭隨意入流水定交深
借問東方朔金門何陸沉

送陶郎中赴南海太守

問子今何遠南遊五嶺間
贈言歌楚調回首別燕關
海上乘黃鶴臺中放白鵬
一麾清道路門外是千山

對酒懷子冲

長夏初過雨微涼泛濁醪
宦情醒處澹世故醉中逃
同病無書至孤雲有夢勞
不知稽叔夜何以絕山濤

生日省寮見過留飲

六月不辭暑高軒勞問年
筵開初度日人坐夕陽天
芳草迎秋序高槐駐晚烟
轉愁黃髮暮留醉白雲邊

河上送蘇錦衣

開暑理行擢東郊涼意深
蟬聲衝雨歇柳色度河陰
積水斜侵郭遙山半出林
聊因送歸客紆我倦遊心

送高進士使山西軍餉便道鄆中省覲

策馬渡黃河秋風捲夕波
遙聞太原卒日夜擁壘
戈轉餉王程速還家芳草多
鄆中桑梓地白雪共誰歌

送田民部赴留都

清秋滿京洛孤棹下江東
別署分雙劍他鄉共

一蓬望君如旭日送子托晨風
題柱應相憶風流在漢宮

送蔡明府赴蘭谿

臺中推玉樹江上綰銅章
轂水穿溪綠金華泛酒香
地分荀令尹才是蔡中郎
蘭澤多幽興何人共採芳

送新喻唐明府

茂宰之江縣銅章我舊携
官衙凭玉几驛路遶羅溪
往事慚留犢新聲笑割鷄
後庭曾種樹今

日幾枝低

同張內翰題報國寺古松

為訪菩提樹來攀羅漢松
歲稊蕭玄鳳偃蹇掛蒼龍
寒色凌香閣秋聲雜梵鍾
祗園清絕地跌坐話雙峰

白雲樓

秋臺坐岑寂官閣俯長天
落日生秋色晴空澹晚烟
風花携酒入山水抱琴眠
自信樓居者前身是列仙

秋夜別徐少參兼寄李于鱗王元美二憲

副

久客秋將別他山菊又花
為沽燕市酒留醉使君車
海上王喬舄山東李白家
相逢勞借問去住各天涯

九日九龍池

四首

九日荒山下園陵奉祠時
還將戲馬曲來就鑿龍池
潭空寒雲入秋澄白露滋
橫汾千載後重親漢官儀

秋咽龍池滿分溪遶澗斜深山逢九日曲水泛
黃花在鎬歌周德臨流繫漢槎叨從章甫未佇
望五雲車

昔有龍山會龍池今復開澗迴樵徑險雲去鼎
湖哀飛鳥向空沒明珠近夜來甘泉誰作賦牢
落子雲才

玉水開天鏡金波繞石壇來攀珠履客吟弄水
晶盤風勁蕙蔭夕山秋蘿薜寒真源欲有問川
上坐觀瀾

陪祀 茂陵

山暝松楸合秋深霜露哀夜驅天馬步神送燭
龍來風木堆金粟橋陵掩玉臺 憲皇弓劍在
靈氣日昭回

夜下天壽山

朝乘白雲去夜下翠微峰石虎行秋草林鴉肅
暮鐘風吹五陵樹月落萬山松歇馬天門外蒼
梧紫氣重

冬夜方民部汪庫部見訪

二妙臺中選高軒喜並臨正逢臘酒熟留醉夜
燈深末路難相假窮交易見尋好將白雪唱一
慰歲寒心

附和

方弘靜

萬戶寂以閑遙遙素月臨非子美玉度孰為
清夜心嘉晤良匪易微言庶可尋寥寥千古
意為秦風中琴

答子川子冲見寄

念爾雙黃鵠不隨玄鴈飛手持慈母線淚濕老
萊衣書至燈花滿人歸雨雪霏誰憐暗投者咳
唾有珠璣

附見寄

蘇濂

有美經年別雲霄振羽儀夙懷鴻鵠志新拜
爽鳩司一札勞存問三秋多夢思 聖朝刑
措久退食但哦詩

蘇澹

蕭寺談文久燕京恨別新誰知附鳳客却憶
飯牛人舌在寧論賤書來轉慰貧小山叢桂

裏何日接清塵

張翰林席再送劉給事赴留都

今日胡不醉明朝千里行
兵戈廣陵道雨雪薊門情
玉署燈花滿金陵諫草成
願從雙闕下遙聽鳳凰鳴

臘月十五夜同張西吳飲馬孟河宅得風

字

貰酒入新豐含香出漢宮
為看雙玉樹米繫五花驄
夜月留張翰笙歌醉馬融
那堪三五夕歲

暮更天風

春日登毘廬閣

攬衣上層閣瞻望欲沾巾
時序逢二月風塵老一身
雨中千嶂夕花裏萬家春
亦是天涯客年年送別人

送郭光祿謫黃州

同遊滿京洛念子復分襟
出郭聞啼鳥逢時歎展禽
黃金漢宮賦白璧楚臣心
握手嗟何及含情兩不任

寄懷蘇子長四宜園四首

憶昔東隣竹相過不厭頻開林花識面入戶鳥
依人月掛連枝樹風吹折角巾此時攀地主諸
謝玉嶙峋

近郭無雙地名園有四宜松風生午夢蕉雨入
秋思客至題九鳥詩成比色絲遙將燕市月為
照習家池

曾携春興往東郭聽黃鸝月上人初醉花深路
轉迷金蘭送入夢桃李舊成蹊縮地何由得因

風寄馬蹄

故山開薜荔春酒酌榴花醉許能吞月狂惟任
折麻厨人鱸膾美筆女鴈行斜好是芳菲節年
年不在家

初夏即事

芳草日青青山人醉未醒移家隣御水回首見
浮萍綠蟻留春住黃鸝隔樹聽門庭多喜事梁
燕又添丁

報國寺遲時比部

松間來繫馬花下坐聽禽一入空門裏偏宜靜
者心清齋鍾梵晚古殿薜蘿深為寄招提客相
將訪道林

送鄒文學之貴池

鄒衍談天客携書下玉京官分秦博士地是謝
宣城秋浦當尊滿齊山入戶清莫言官舍冷四
座有諸生

題蘇子長畫牡丹卷

偶閱看花譜因傷經別時人懷金谷彥花馬洛

東坡先生詩集也

王士

陽枝無力如愁婦多情出畫師春風勞見贈片
片是相思

夏日同謝都諫隆福寺同賦得東歌二字

各一首

古寺禁城東登臨陪謝公炎天開佛宇盡日坐
簷風洗鉢雙龍出開簾一燕通長安車馬地清
嘯幾人同

九陌暮鐘歇空齋明月多因僧話禪寂立馬候
松蘿城上流雲盡花間宿鳥過坐深人欲絕歸

路劇鳴珂

月下張駕部見過得花字

言訪白雲舍來乘白鼻騮千門初霽雨一樹復
開花月出人烟淨河明禁苑斜因傷在城闕日
日逐風沙

送李明府之歷城

冀北論才子君如金褭蹄命名疑慕蘭出宰復
分齊新政明湖潤嘉聲鵲華低軒車如見訪家
在岱宗西

東坡先生詩集也

王士

畫眠

溽暑侵水簟高齋足晝眠開窓來遠岫拂枕散
輕烟宿雨琴書潤新晴花鳥妍起看人吏待立
馬夕陽天

張考功馬翰檢見訪留飲得星字

城闕人稀到軒車晚自停孤雲於世澹雙眼為
君青客至留卿月天開見酒星相逢歌既醉官
蹟本浮萍

同賦

張九一

霜雪朝能霽琴尊夜可消寒辭三殿盡春入
九關遙北渚回鴻鴈南宮變柳條相將坐瞑
色海月破烟霄

夜直署中有懷

散吏真樗散公餘每坐深初晴聞蟋蟀幽意屬
山林解帶清風入開簾好月臨美人不在賞空
負白雲心

閒居 四首

東山有狂客改服事朝簪混跡為允吏閒居養

道心行吟春草歇坐卧夏雲深世事堪寥落何

須嘆陸沉

偶卜三間宅還栽數種花客心隨所適兒女若
為家霽雨流塵滅開軒涼意加自無車馬至不

是避喧譁

不閑適俗韻齟齬自年年處世從牛馬開尊且

聖賢口高還抱膝風至一鳴絃豈是揚雲宅無

勞問草玄

久客迷鄉國端居愧俸錢雖乘沙苑馬何異竹

林賢山水分公事琴書攬獨眠翻思拂衣去歸
種汶陽田

省中對酒贈高伯宗察長

我有一尊酒為君傾夙歡眼中少知己客裏重
加餐宮漏千門淨秋臺五月寒莫將獨醒意來
向醉人看

和襄陽龔兵憲見懷 四首

漢江聞渡虎新政似劉昆暇賦銅鞮曲遙懷金
馬門山川誰握手花月幾開尊老我長安道雲

泥未可論

故人十載別世事幾紛更悲喜雲中札寒暄江
上城青山他日夢白雪舊時聲屈指同遊者悠
悠何限情

聞汝東歸日褰帷訪敝居館人留下榻稚子候
停車簪組遙相命松篁迥自如尚懷千里駕為
報呂安書

君為外臺使同此簿書勞盡戰分兵衛青雲注
法曹習池好風景楚客有離騷莫以江湖闊逢

人間小舫

附見懷四首

龔秉德

憶昔垂髫日憐君意氣真
蕭蕭連玉樹桑梓接芳隣
聽雨同床夕看花把臂辰
邇來交道薄此義重須陳

自汝通朝籍寒暄幾變更
心隨孤鴈遠鬢已二毛生
宦薄傷萍梗秋高寄杜蘅
袖中書未滅讀罷一含情

往歲過鄉間登堂問起居
我纔停越舫君已

命燕車冀野方收駿湘江好寄魚
西風正搖落懷子意何如

十載稀相見思君夢轉勞
清標聯上苑華譽滿西曹

用法寬周典摘文逼楚騷
南來無驛使延佇漢江皋

送林侍御江南督逋

君行按吳楚驄馬去翩翩
海上風烟合江南賦稅偏
間聞多菜色郡邑少蒲鞭
繡斧經過地殷勤奏日邊

立秋後一日助甫見訪得霜字

屏居對芳草同病喜相將
開暑人如醉新秋髮有霜
蟲鳴風雨夕螢點薜蘿牆
後夜看牛女還期就一觴

送史員外量移松江少府

佐郡勿嗟及之官已量移
大才無不遠公論重當持
秋至鴈歸早江寒恍去邇
漢庭多雨露未許別經時

夜直省中贈羅惟德

秋夜天如洗明河歷歷分
金莖搖碧落珠斗掛青雲
心逐歸鴻翼身隨病鶴群
相看雙劍在燈下拭龍文

海印廢寺晚望

晚樹集宮鴉鳴珂度狹斜
遠山落蒼翠秋水靜蕪陵
古寺恒沙沒高城漢苑遮
河梁深立馬天上是皇家

東惟德白雲樓望月

今夜看明月相期上白雲
踈鍾不出戶遙鴈忽

離群秋至衆山出天清雙杵聞高樓寒色遠落日遲夫君

晦日再送王比部得更字

停杯傷遠別秉燭坐深更為逐歸鴻侶其如落葉情秋兼涼月盡人帶法星明去去紅塵道應懷漢署清

東岱山房目錄

五言排律

寄葛庫部

寄趙荆沙李使君園亭

登岱宗後贈仲使君鶴年

謁闕里廟

秋日善果寺

贈謝四溟山人

別王比部元美

中秋夜同付侍御張翰撰讌集毘盧閣

羅溪驛

別沈參軍

呂涖別紀水部

五祖山

春日見二毛作

挽劉少府

喜雨

秋懷

晦日太平觀

謁黃太常祠

朱明府惠鱗魚

舟中作

朝天宮大司徒陳公召讌

西園贈徐六公子

賦得聞訊東林竹

會臺別業

寄懷謝山人

鄭州赴雄縣作

送殷內翰使周藩冊封

題沈參軍睨睨堂

送栗道甫下第還上堂

送王庫部赴山東食憲

初入天壽山望 七陵作

雪後同省寮相集高伯 宅得寒字

五日同馬孟河張西吳吳翰林各限廿韻

席上賦

雨中宴別吳峻伯學憲得長字

秋夜聞砧得風字 有感

送况吉夫提學貴州

送丁江臯赴萬安文學

許中舍宅觀舞

仲舍人席賦得紫霞杯

奉使 德藩召燕白雲宮 德藩召燕白雲宮

東岱山房詩錄

五言排律

寄葛庫部

綠鬢中臺選青雲武庫才
宮中奪錦出江畔看
花迴曾跨飛鳧去
真看枚果來前身勾漏令
時論豫章材題柱金門步
含香畫省開君騎沙苑
馬我剪故山萊東郡空
聯壁南宮久暴腮遙天
橫劍氣合浦秘珠胎
綠酒高陽社黃金郭隗臺
將詩寄中貴天上憶傳杯

寄題荆沙李使君園亭

荆門屬上游君家沙際頭
名園依水竹飛觀俯
江州詞客縻蕪草仙人蓮葉舟
陽峰當檻落漢水抱村流
春雨時紅藥寒潭狎白鷗
沙平看鳥篆雲霞探龍湫
結社羅含宅題詩王粲樓
何時駕黃鶴吹笛下滄洲

登岱宗後贈泰安仲使君鶴年

蠟屐隨風歇犧尊向晚張
開國仲長統倒屣祭
中郎酒藉寒泉淥詩吟秋葉黃
美人青玉案仙

吏白雲鄉遙夜星河近高情山水長所期拾瑤
草兼此賦甘棠露下衣先潤花然離自香侑談
惟俎豆移坐有羔羊候館淹行騎華鐙引曙光
還從岱宗下仰止漢循良

謁闕里廟

吾道開天地斯文肇魯鄒素王生闕里白日滿
神州萬仞宮牆迥千年禋祀優家傳惟俎豆手
植有松楸入壁聞金奏升堂拜冕旒兩楹垂世
業一貫替皇猷天柱奎文閣仙源泗水頭地形
風雨會靈氣古今浮泰嶽環相抱黃河帶曲流
樹高龍自掛林密鳥相求山以宣尼重廬因子
貢留願從章甫後清廟薦芳羞

秋日善果寺

剎飛龍藏地山枕鳳城隈海月懸珠網秋風濯
錦苔曇雲象外合御氣日邊回僊梵聞閭闔人
天護上台瓣香金磬發四座寶蓮開鵲繞菩提
樹孤叅般若臺門蘿尋白社秣馬振緇埃習靜
依迦葉觀空了劫灰祗園傳妙果覺路見如來

莫問高僧臘長松手自栽

贈謝四溟山人

王門曾鼓瑟岐路一沾巾醴酒常懷楚綈袍舊
入秦狂來時作態道在不言貧歲月詞章伯交
遊海岳身杜韋元咫尺桑梓益情親倒屣逢知
已投珠惜故人我沽燕市酒來就菊花辰

別王比部元美

棘寺同官日蘭尊結社時過門邀並騎入省對
彈碁未結王生機多慚賀監知我乘青雀舫君

入白雲司作吏風塵隔爲郎日月私臨岐重携
手休唱渭城詩

中秋夜同傳侍御張翰撰讌集毘盧閣

置酒毘盧閣中秋薄暮天喜逢山雨霽來坐石
林煙空樂飄飛棟天花落梵筵笑攀金馬客同
問野狐禪晚飯青精後昏鍾白社邊月從江裏
出人似鏡中懸興至隨張翰詩成報傳玄山中
無酒禁留醉與嬋娟

羅溪驛

驛路臨江渚，秋山碧四圍。
澹煙兩岸靜，落日一帆微。
歲歇草蟲亂，天晴水鶴飛。
東原橘柚熟，西堰稻粱肥。
霜換青楓樹，苔沉白石磯。
我將乘畫舫，相伴暮潮歸。

別沈參軍

風流王右軍，幕府藉清芬。
壁動虬龍跡，窓懸月露文。
暮舂邀客至，酒盞坐宵分。
畫戟羽林子，雕盤光祿勳。
相逢符夕夢，留別悵春雲。
倘念南飛翼，因風江上聞。

呂梁別紀水部十二韻

榜舟濟水上，南遡呂梁洪。
地設徐方險，天垂禹鑿功。
野橋黃石斷，故壘漢臺空。
潮落雙龍伏，川長獨鳥通。
淮流夕活活，海氣晝濛濛。
郎署分南服，鄉園寄北風。
贈言比金玉，看劍識雌雄。
明發停橈望，黃樓烟雨中。

王玉山

不遠諸天路，來尋五祖盟。
茫茫宿霧裏，但見石梁橫。
古樹黃梅落，殘碑碧藓平。
不真遥証果，入滅儼如生。
法雨花間潤，曇雲嶂外晴。
雙峰最高

處盡日踏空行

春日見二毛作

作客老將至，無聞世所捐。
青陽時暮矣，綠髮忽蒼然。
始以星星見，因之種種連。
乍看欲盡鋤，久握轉相全。
未擬涓埃報，徒增犬馬年。
有詮空守黑，無藥可重玄。
潘令猶能賦，馮唐總未遷。
不知身是幻，對鏡為誰憐。

挽劉標亭少府

同作江南客，相憐江北人。
殊方心膂重，晚歲結交親。
聞汝今埋玉，憑誰更飲醇。
殘窻背鄉國，驚塞滯風塵。
昔比連枝樹，今餘孤注身。
首丘狐未返，擇木鳥空馴。
暫挽桐城駕，終歸蒿里春。
負芻行未遂，把劍望何頻。
落落憐公幹，冥冥憶伯仁。
招魂無起日，洒淚楚江津。

喜雨

轉餉催征日，甘霖久旱時。
室如懸磬者，天有覆盆慈。
大野傳龍見，中宵見月離。
乍來惟霽潦，徐聽轉紛披。
翼翼三農望，欣欣下土私。
隨車夫豈

敢雪罪更何辭禹貢神多助湯憂帝所知遙遙
秋塞上應奏洗兵詩

秋懷

袁江一葉下千山秋氣侵遙聞青海箭又度黑
山陰飛微微梟騎材官出羽林南州禳旱魃東
郡逐田禽嚷嚷邊壓阻煌煌京洛深椒房宵度
瑟榆塞日從金漆室前年恨波臣萬里心不能
酬魏闕北望淚沾襟

晦日太平觀

四庫全書詩錄二

六

王事無寧日軒車每戴星秋原逢晦夕道院扣
仙靈月砌奠全落霜林橘半青調笙來子晉跨
鶴問丁令飯煮胡麻熟羹和石髓瞢三年如集
木萬里歎流萍瑤草堪誰拾丹泉愧獨聽願隨
陸處士竈下著茶經

謁黃太常祠

帝曆歸玄武天兵下建康龍蛇猶混跡犬馬自
衷腸景運天訂定神州氣混茫蓋棺情未白收
骨話空長白水劉真主南朝李侍郎吹堯綠顧

命扈漢本元良世業風雲盡荒祠松栢蒼乾坤
青史在日月寸心光名序三良後魂餘孤竹傍
鈴江寒正急千載沐芬芳

謝朱明府惠鱖魚

五月澄江闊鱖魚滿載船銀鱗涵細沫冰骨耐
炎天來及黃梅雨爭投金錯錢暴腮曾值鯉縮
項轉疑鰯已屬任公釣因知宓子賢人從遠方
至書自腹中傳懷惠寧無報沽名敢自懸烹鮮
花縣裏寄鮓白雲邊尚記臨淵日長歌彈鋏篇

素食真忝竊得尔莫忘筌

舟中作

放船當落日鼓棹及新晴急溜迴帆影空巖蒼
鼓聲月明兩岸閣風定半江平自信神僊吏因
滋山水情彈琴留異績遺憤愧虛名一職曾何
補三年未有成簿書華髮變弁楫壯心驚何處
聞漁笛鄉思滿杜蘅

朝天宮大司徒陳公召讌

南紀標金闕仙臺列綺筵使車停劍舄台座擁

貂蟬盤設青精飯尊傾白玉泉受食知素餐
樂愧夫公實披三籙丹階躡九還舞青招鶴
伴道士報公年白馬塵初隔青牛事已玄不隨
尚書夢那得上青天

百園贈徐六公子

金陵袁公子好客關西園不特金貂寵常思帶
礪恩旗漢武漢武斧鉞鎮江藩賜第長千里承
家謝傳城元勳湯沐邑前代武陵源洞闕封丹
穴建章白門鳳凰臺蟲蟲虎豹石躡山引

明倫彙編 家範典

卷一百一十五

鍾凌入溪從太液噴喬林開世胄芳草見王孫
蛇徑金波欲吞初披文杏館恰傍古
松根荷葉微風入藤蘿細霧屯種葵偏倚
槿漸成垣簷乳卿環雀池潛化羽鯉寧
埒記川鴻梁軒蘭谷張行怪璜池隱釣
網樓琳討客採芳蓀魏匪高軒過叨聞
長者言
戴皇停使節冰露下林樊况直南薰
候同傾比
海尊擲寬臨別澗納月啓重關
珠夜不昏度笙皆鳳曲入鏤有熊
譚賓從輕珠

王詩書重討論緇文味禮洽白壁展情敦晚節
依松壽高懷比玉溫平生多慷慨肝膽照平原

賦得問訊東隣竹

紅芳春欲歇新竹暗鳴禽獨倚僊人杖來遊君
子林曉光團舍曲寒影落堦深車馬防潛入琴
尊喜並尋琅玕映水綠烟雨度溪陰習習輕風
至珊珊雜珮音花含栖鳳實節有化龍心摘葉
開佳釀攀枝吐妙吟郎官同採筆學士已抽簪
徒倚東隣晚幽篁清不禁

明倫彙編 家範典

卷一百一十五

會臺別業

昔有冠裳會爲臺齊魯間前朝惟寺在三戶幾
人還霸業隨流水雄風祗故關地由滄海變身
許白雲攀野老休爭席山靈已獻環結廬當
窈鑿井得潺湲晚野寒烟積高原春樹斑開簾
對芳草柱笏見青山漁和滄浪曲僧歸明月灣
一辭玄豹隱日侍袞龍顏黃鵠思千里神駒繫
六閑空懷脩竹裏幽鳥自綿蠻

寄懷謝山人

近得山人信鄉園擬卜居詩成射鵰手家有卧
龍廬花逕虛尊酒柴門遲鹿車懷歸因老至久
客見交疎東郡無長計西陵但索居醉吟秋葉
下愁坐月明初白首羞彈鋏青山笑曳裾文園
多病日休著茂陵書

鄭州赴雄縣作

三戍關河險雄州自鄭州橋如天上轉人是鏡
中浮雨雪深冬候蒹葭兩岸秋踏冰尋古道沽
酒換輕裘旅米三家市蘆汀一葉舟行行烟霧

裏迢遞見城樓

送殷內翰使周藩冊封

天王分寶玉星駕命詞卿暫輟金門步來觀玉
牒成龍文光制冊駟牡代天行複道崢嶸出都
門慷慨生藩屏小宗子帶礪大梁城司馬才無
敵枚乘賦有名周家桐葉重漢使鸛鵲輕白雪
迎陽至黃河及日清須令素土者爲善答恩榮

題沈參軍睨睨堂

右軍傳墨譜開府擅詞壇何物啼春晝高齋坐

曉寒聲將風入調影帶露初乾睨睨來千轉波
娑寄一官窓中時廢卷花下復憑欄遠近情相
及朝昏興未殘掀髯擬所似援筆起長嘆盧女
簫初炙湘靈瑟倦彈上林無限好一粒有餘食
併入陽春曲清新和者難

送栗道甫下第還上黨

巖穴滿公車夫君獨向隅青錢不中選滄海有
遺珠世許河東鳳時同轅下駒名高翻拓落道
在莫踟躕擊筑辭燕市臨關棄漢繻太行重回

首失路問楊朱

送王庫部赴山東食憲

憲府持鸞節都門送豸衣盛名元武庫才子復
京闈按部先邠魯分藩盡海沂雙虹掛秋水高
隼帶霜威朝雨星輶發秋風畫錦歸岱宗增氣
色漢署戀音微賦擬靈光殿文瞻闕里扉千年
弦誦地章甫揖光輝

初入天壽山望七陵作

軒皇開涿鹿

文祖建幽燕鼎定乾坤位山迴日月懸百靈朝
洞府千騎擁臺泉樞斗羣龍抱鈐符五鳳旋玉
聲連廣陌金井結重玄祝帛崇虞典衣冠捧漢
年澗蘋薦秋水巖菊報霜天欽笏仙城下松杉
起曙烟

雪後同省寮夜集高伯宗宅得寒字

粉署論文夕金臺結士歡白雲深巷靜明月萬
家寒海嶽開尊重乾坤知己難相期如鄴下行
樂在長安晚飯惟炊黍仙曹並握蘭星河搖席

附東坡先生詩錄上

十二

上珠玉灑毫端酒自新豐出人將郢曲彈浪談
塵外盡世事笑中闌長夜宜高會明時愧素餐
吟花行九陌清夢繞詞壇

五日同馬孟河張西吳二翰林各限二十

韻席上賦

論心十載後握手一尊前世事堪行樂風塵莫
問年况逢端午節同坐夕陽天簪組乘休暇琴
書洽靜緣良時難再值明月不常圓醉且題新
竹狂惟吸大川盛名三殿重甲第一經傳徽岸

知才大神機得酒全騷壇推獨步文席濫相延
喜附雙飛劍慚非萬選錢庭槐留燕乳禁蘂羨
鶯遷花壓長安道蒲分太液泉浴蘭隨楚俗投
黍憶湘賢爲訪金閨彥因攀玉樹顛冰壺塵外
賞水鏡掌中聯飛瀝如掾筆高歌團扇篇御溝
紅日近官舍白雲連賜出官袍濕頰來壽纓鮮
驂騑驕紫陌鸞鶴戀青田勿謂馮唐老還爭祖
逖先

雨中宴別峻伯城南公署得長字

附東坡先生詩錄上

十二

仙曹分武庫星使出文昌風雨催行色駕花佐
舉觴逢時襟寒煖選地得芬芳劍折蛟龍鬪詩
成雷電光夜堂初秉燭秋省舊含香遠道思琴
瑟離筵吐肺腸燕郊春草歇魯甸夏雲涼海岱
瞻依地高情山水長

秋夜聞砧得風字

千門掩秋色雙杵徹高空片月誰家落疎燈此
夜同含情寄塞上弄響出牆東更以思歸日飄
然度遠風授衣逢舊館沽酒自新豐詞客流黃

曲傳悲入漢宮

有感

平生召意氣書劍兩無成晚擢金門步叨隨玉
璽卿風塵連夕報張矢昔年情六月雲中騎三
吳海上鯨撫心灰白首隱几念蒼生麟閣虛相
待誰收班馬名

送况吉夫提學貴州

天王重鬼方才子出文昌不擇銅仁郡均沾玉
燭光多袍初錫命鷄舌舊含香嚴駕逢朝雨

東山先生詩集

十四

飛旌指夜郎橫經開禮樂化俗辨荆梁秋露蠶
烟靜天低嶺樹蒼河山占氣盛桃李得人芳地
迥朝看日臺高夜拂霜六條無漢法五典遍炎
荒採璞知良璧掄材得豫章輕臨絕徼着眼
出驪黃

送丁江臯赴萬安文學

君如丁敬禮淪落在江湖天左之秋月丹陽狎
釣徒官隨生計拙老覺壯心衰食新豐市楊
帆楚水隅黃金悲駿骨滄海嘆遺珠贈有雙龍

劍歸餘五嶽圖定文吾不婉好去賦洪都

許中舍宅觀舞

金谷園中讌平章宅裏開晚教紅袖出先有妙
香來嬈嬈移歌扇盈盈步吹臺含情侵短燭流
影入深杯掌上看飛燕盤中奏落梅海棠初睡
起羯鼓慢相催

仲舍人席賦得紫霞杯

登君紫薇堂命我紫霞觴注以黃封酒甘如玉
女漿葡萄初漱灑竹葉正芬芳色映宮袍重清
分石髓香醉能歌帝德狂爲惜年光更酌明河
水追歡夜未央

東山先生詩集

十五

奉使 德藩召燕淵澄閣觀珍珠泉作

帶礪開宗國湖山列祖筵泛槎滄海上張樂白
雲巔臺榭吞寒浦笙歌沸夕烟地靈歎玉屑天
派瀉珠泉鮫室光逾媚驪宮夜未眠蚌中疑月
吐水底見星懸李白頻中聖淮王正渴賢本支
流不盡千古鏡常圓

陪祀 先師廟庭

秋報辟雍先 明時重孔宣
殿庭陳俎豆 松檜引爐烟
梁木千年迥 星河五夜懸
駿奔勞上相 鵠立集群賢
璧古留金奏 壇高逼象躔
神功行地文 運日當天秉
笏班聯象 纓冠珥竝蟬
叨從大夫後 瞻拜素王前

拜薛考功墓因過西原草堂

孝廟中興日 才人滿帝庭
騷壇推薛稷 鴻筆炳丹青
吏部鍾天挺 中都協地靈
一清傳道德 三教表儀刑
已化丁令鳥 猶占太白星
谷神元不死 仙骨有餘馨
林簇留題竹 苔侵試草亭
鳳衰烟樹暝 龍去水雲腥
絕壁帝山鬼 陰崖起夜霆
捫蘿開曲徑 拜石讀殘銘
孤塚嗟岑寂 斯文空杳冥
九原如可作 同著種魚經

東山房詩集

十六

將赴謫所便道曹南懷陳近衡大行十二韻

昔拜蘭臺令 承恩玉殿頭
批鱗辭北闕 翊翼下南州
地圻長河險 天空片月流
岸花深浥露 野樹澹宜秋
忽念朝中舊 還期澤畔遊
青雲堪

努力白髮易生愁 盤折風塵晚匏居
歲月道雙龍 悲按劍五鳳 憶登樓末路難 相假初心耿不
休 楚魂吟未歇 魯殿賦先收 遷客希知己 窮途憚阻修
不知陳仲舉 一榻爲誰留

同孫對溪使君薛園賞牡丹作

千騎下東方 名園睞洛陽
使君停虎竹 詞客賦羔羊
春興濃於酒 花封巧作王
尊前途李白 葉底辦姚黃
日氣圍朝露 霞標逗晚粧
色能將國重 靚不爲人芳
羯鼓催仍急 雕闌樂未央
乍看應奪目 久坐不聞香
佳燕開金谷 才人捧玉漿
睞茲明媚景 宛似少年場
寄語閒蜂蝶 同來入醉鄉

東山房詩集

十七

自述

生平無芥蒂 天地即蘆廬
抗志羲皇上 陶情翰墨餘
寧爲原上草 羞作池中魚
白日高照耀 浮雲隨捲舒
夢常飛五岳 愁不賦三閭
然諾豈率爾 浮沉常晏如
半酣孟公酒 一咲仲連書
願比瑤臺鶴 孤鶩凌紫虛

西園賞牡丹作

春草競年芳西園樂事長
葛亭飛紫雪桂醕酌
玄霜坐擁千金笑
林開八寶粧
摘花裝秀句拂
袖裏天香舞燕爭
翻掌啼鶯暗妬黃
玉山隨意倒松蓋鎖銀牀

送石都博赴衡府教授

不薄膠東相
孰爲王者師
春風留滿座
桃李足高枝
魯殿搞文日
齊門鼓瑟時
後王陪侍從
前席被光儀
坐倚天潢派
行吟宗子詩
青州從事

在寄我慰相思

東岱山房詩錄上

大

東岱山房詩目錄

七言律詩上卷

大伾山寺次王陽明韻呈高明府

樓上旅懷

靈巖寺岱宗二首

洪範池寄贈劉中丞

送蘇侍御按宣大還朝

秋夜有懷和李員外上陵

雙塔二首立春日侍班

幕春初過山莊寄題莫祠部覽輝樓

華嚴寺曉望宿香山寺

來青軒望五華觀

寄荅殷崇川內翰

縣齋晚坐小孤山

白鹿洞書院

寄大司馬蘇公時總督宣大

天寧寺塔院留別章景南給事李于鱗王

元美二郎中謝茂秦山人得城字外附四首

金城寺

太平觀偶書

雨中登玉峽山謁練中丞祠

玄潭訪羅念菴不遇

附和

洞真觀

鈴山堂

初秋答王比部見寄次韻

江天閣

送袁郎中赴虞部兼呈所知

御書樓留別座主王公

宿青麻館

天峰寺同譚少府覽眺

題金山旁青麻館

遊麻姑山

宜春臺

宿樟原嶺寺

辛亥新年作

宿太平觀

縣樓春望

五日齋居

贈少司馬簡公被薦

迓恩閣

金鳳洲訪黎山人

曉行羅溪驛再讀袁郎中壁間見懷之作

感而賦此

同莊少府葉何二明府夜飲鈞陽館中

雲津送袁生之京

雲岑閣

秋日同袁太冲劉羅川二秋曹雲岑瞻眺

外附一首

夜度仰天岡寺

滕王閣

出郭

仰天岡寺同劉郎中萬進士李張王三博

士瞻眺

春日雲岑雪望劉郎中萬進士携梅携酒

至因懷張翰史

憶仰岡東同遊者

題雲岑閣

東林寺望天池寄孤月和尚

懷梁公實比部得河字

懷王元美比部得長字

人日同李郎中夜集徐比部宅懷王元美

得天字

上元夜望西苑燈山

二首

潭沱曉行

玄真觀喜彭博士枉駕

恭謁孝陵

報恩寺塔

雨花臺

憑虛閣同王學士讌集得天字

鳳凰臺

初返故園

送順德李太守入覲

立春日登涿州觀音閣

送馮職方赴鞏昌兵憲

二首

送王郎中元美京輔恤刑便過薊門省覲

外附
二首

東岱山房詩目錄上

東岱山房詩錄

濮陽李先芳著

七言律詩上卷

大伾山寺次王陽明韻呈高明府

縈迴石磴接巖巒絕頂風高梵宇寒葱嶺削成
雙鳳起蓮臺披作九龍蟠黃河南下恒沙盡白
馬西來法界寬已信河陽花滿縣乘春更上碧
霄看

樓上

樓上金尊喚客嘗胡姬十五正年芳當壚及爾

東岱山房詩錄上

同沽酒滿坐何人不斷腸燕市行歌白日速薊
門清嘯塞雲長不須更憶王孫草且辨青錢醉
夕陽

旅懷

日歸不歸春欲暮故園芳草思何如都門折柳
行人盡晚市登樓過雨疎旅跡久同江燕至客
窗偏向塞鴻虛十年獻賦空搔首不及山中卧
散廬

靈巖寺

石梁百轉驚峰孤丹磴千盤鳥道紆鐘聲隔嶺
如相答嵐氣臨山覺自無靈泉半落皆甘露祇
樹低垂盡白榆攬勝不知天共險杖藜時有白
雲扶

岱宗 二首

十八盤高擁帝都徂徠梁甫衆爭扶神女來遊
明月嶂仙人對博泰山隅天鷄喚日浮三島海
鶴松巢遍五株欲草相如封禪疏漢家壇觀久
荒蕪

因東岱山房詩集上

岱宗絕頂玉皇祠雲起天門杖屨遲漢時秦封
行處是石間瑤草至今疑日啣三觀金銀闕天
瀉明河玉女池曉向虛空探海嶼扶桑真見水
中移

洪範池寄贈劉中丞

東流泉上種胡麻洪範池邊曉霞午夢醒迴
青竹杖晴窗談歇紫河車寒汀時下翫青鶴芳
渚常留上漢槎昨夜非熊遙入夢釣璜此地有
漁家

送蘇侍御按宣大還朝

驄馬遙巡塞上城朱衣還憶殿中行落梅夜聽
胡笳曲細柳朝提漢將營十月霜威沉殺氣五
原烽火靜邊聲時清不勒燕然石緩轡輕裘入
帝京

秋夜有懷

千家明月漢長安白鴈黃花生暮寒南國美人
書渺渺九秋涼夜露漙漙歌鍾不斷烟花市官
漏遙分星斗壇却憶故園風色好芙蓉開遍石
欄干

因東岱山房詩集上

和李員外上陵

長陵闕殿曙雲寒翠栢蒼梧繞石壇千載崑崙
符帝宅九秋霜露引祠官天山日月雙懸抱
金井蛟龍對鬱盤聞道仙郎供俎豆鼎湖弓劍
去曾看

雙塔 二首

古剎峻嶒夾日懸弘開福地鎮諸天霞標競出
三千界寶相齊抽十丈蓮合藏神龍蟠碧海聯

空法鴈落蒼烟聞鈴頰已超雙樹觀影翻然悟
四禪

金繩對掛玉浮屠併是摩尼手自扶象外法華
開並蒂雲中靈鷲引雙離玄珠映日三光合寶
鐸因風萬籟呼近接芙蓉仙掌上平分甘露瀝
迷途

立春日侍班

春迴閭闔儼朝儀鑾輅青旂繞鳳池雪晃翠華
乘左个香飄散袞御朝曦 天王正朔頒周月

東唐書詩錄上

太史祥雲紀夏時何用綵花粧錦樹條風已拂
萬年枝

暮春初過山莊

山人本性愛山居拜節春遊過舊廬短砌雨餘
芳草合小亭風定落花疎拂塵下榻驚梁燕發
簾抽書走壁魚更闌巖扉頻灑掃能無長者命
高車

寄題莫祠部覽輝樓

九峰環抱翠屏遙樓上仙人坐沈寥海近全收

靈蜚氣天空高度彩鸞簫閒簾曙色分秋浦伏
枕江風送早潮一自中臺留地主月明清夢落
山椒

華嚴寺曉望

初日曛曛散虎溪高尋山寺躡丹梯懸泉倒影
芙蓉落古樹長生貝葉齊但有磬聲非下界纔
逢人境是招提杖藜緩步頻留聽幾處寒春雜
曙鷄

宿香山寺

東唐書詩錄上

寒天落日澹山容獨卧香爐千仞峰近夜松林
風雨合經霜樹葉繡紋重溪邊倚杖逢棲鳥月
下憑軒度暝鍾欲向高僧一問偈石龕燈火照
迷蹤

來青軒望五華觀

回合巒巒盡向東來青軒對漢新豐天連鳳闕
山河壯地接龍池雨露通萬壑陰晴分色相諸
天樓閣鬱青葱仙壇更出烟蘿外問是軒皇訪
道宮

寄荅殷棠川內翰

故人念我在微官渝水西來九十灘王租未報
空叨俸府吏頻過懶著冠欲解金龜稀見面試
烹錦鯉對加餐昨夜有懷登虎瞰縣內名停雲多
處是長安

縣齋晚坐

孤城南面枕江干玉几雲岑對鬱盤花下鳥啼
群吏散窻中雲盡數峰寒清齋獨坐偏懷土白
髮催人欲挂冠昨夜南薰吹入戶空懸綠綺共

東山房詩集十

六

誰彈

小孤山

沈寥天上泛歸潮水面孤峰影動搖風起鼉鼉
迴夕浪春晴殿閣掛烟霄北吞楊子分江界西
鎮洪都作漢標暮雨恍疑神女至嵐光飛入木
蘭橈

白鹿洞書院

紫陽宮闕鬱重重白鹿仙人去不逢波靜九江
平似鏡丹成五老化為峰懸崖蘿薜棲山鬼陰

洞雲霞鎖燭龍風雨蕭蕭下木葉滿林秋色度
疎鐘

寄大司馬蘇公時總督宣大

今代長安古北平居庸烽火夜邊聲鞞鈴聞外
防秋塞節鉞雲中簡夏卿廟筭先憑周上策
牙兵舊屬李長城獻俘莫緩流星騎案劔君
王聽履迎

天寧寺塔院留別章景南給事李于鱗王

元美二郎中謝茂秦山人得城字

東山房詩集十

七

遲日嚴裝出鳳城上方留客坐春晴林中步屨
尋芳草門外停驂聽早鶯塔院風鈴悲遠道御
溝烟樹拂前旌臨溪一笑陶潛去江北江南空
復情

得無字

章適

帝城西畔湧浮圖詞客相將思不孤法界綵
煙飛五鳳梵天珠樹下雙鳬論交共駐青絲
騎惜別還傾白玉壺江漢才名多秀出風流
文采似君無

得歸字

李攀龍

鳳城詞客送將歸仙今朝天意不違雙樹林
中逢夕梵一杯馬上把春衣薊雲楊柳青山
出江雨梨花黃鳥飛回首風塵知己少重看
芳草戀音微

得花字

王世貞

長安二月芳意賒扶杖行遊遠狹斜春社虎
溪能遠送暮雲鳬鳥未堪遮城闌繚借支公
馬河路吟逢潘令花去住即看同幻跡向來
離合不須嗟

得春字

謝綬

野寺門前楊柳新一樽聊此駐征輪西山物
候仍餘雪南國芳菲別有春楚棹正逢歸塞
鴈淮雲遙送渡江人共知陶令還相憶落日
匡廬北望頻

金城寺

金城古寺對焦湖雙樹金仙尚有無嶺外雨餘
看水漲林標雲霽覺山孤慣聽鐘梵惟沙鳥屢

扣禪關有野狐寶筏何年同問渡輜軒終日寄
長途

太平觀偶書

堆案盈庭吏事羈轉於行役是閒時山當玉笥
春雲滿江入羅溪暮雨垂偏性最宜仙館淨初
心惟許道人知旌陽去後留丹井為訪真源拜
藥師

雨中登玉峽山謁練中丞祠

玉峽高臨拂夕陰中丞遺蹟未全沉亦知三駕
飛龍日自表孤臣扣馬心白石粼粼江底見危
峰矗矗雨中深百年松檟摧殘盡荒冢殘碑何
處尋

玄潭訪羅念菴不遇

雪浪仙人駕鶴還樓居縹緲鏡中懸來攀桂樹
逢朝雨坐對江流拂曙煙謝傳山中當局日馬
卿病裏著書年滄浪亦有行吟者寄語玄都道
士傳

附和贈

羅洪先

林中幽鳥倦飛還林外閒雲盡日懸江閣客
來逢舊雨山城書發入新年行將採藥依春
沼病欲忘食罷午烟却喜山東歸李白詩篇
時出萬人傳

洞真觀

蕊宮迢遞開真境仙吏尋春出遠郊未了世緣
尋五嶽先將丹訣訪三茅苔封洞口藏龍氣雲
起林標露鶴巢向夕松杉風瑟瑟還疑子晉度
笙匏

鈴山堂

甲第長安別望遙故園新起赤城標和烟花樹
分宮錦出谷鶯聲換洞簫地即磻溪墮入釣山
當華頂石為橋玉堂猿鶴休相憶劒履星辰隔
九霄

初秋答王比部見寄次韻

掌上仙人勞寄字席間野老未忘機行吟礪草
悲先發坐對山雲美早歸胡馬嘶空應戀別夢
垂食苦不言非誰憐楚客湘潭上夜聽秋風淚

滿衣

江天閣在豐城曲江上有三賢祠此地李
獻吉至此書天風海濤四字

三賢祠壓楚江頭決瀋江天獨此樓石勢西來
丹嶂合海濤東望碧雲流荒城古渡邀明月曲
水平臺隱釣舟時倚危牆看劒氣冥鴻千里思
悠悠

送朱郎中赴虞部兼呈所知

鈴岡迴首暮雲輕遙逐歸鴻上玉京故國逢人

花盡發青春留客酒初醒巖城之馬千山曙江
縣鳴琴萬里情水部才名時共羨遙從東閣寄
芳聲

御書樓留別座主王公

輞川別業跨江扉高閣標軒坐夕暉檻外青山
排畫障院邊流水瀉金徽石函秘貯親裁詔
玉笈珍藏舊賜衣門下同遊今幾在一尊相
送鄭玄歸

宿青麻館

青麻山館暗青楓亂壑飛泉悲澗中山接閩方
嵐作聲樹當秋候夜偏風虎蹤過雨苔常見蛇
逕和煙鳥未遑明到肝江城下問麻姑一去幾
相逢

天峰寺同譚少府覽眺

其山有海門日岫甚奇絕云

郭外名山碧四圍聯鑣載酒歷山扉千家戶牖
分青霽一曲江流駕翠微日嶠晴雲低古寺海
門秋色澹征衣天峰果在煙霄上坐對長松了
道機

東嶺山房詩錄

主

遊麻姑山觀瀑布度石梁次仲方

郭詩劉紫陽先生七星杉下

石門遙見奔流下布衣下

閉關志彩虹百丈科僊橋名泉出

樹含風即洞簫更覓七星杉下路

相邀

宜春臺在袁州上有昌黎祠

春臺獨上俯千家睥睨

連百越東來一水自長沙

落松盤小洞霞駐馬荒祠聊借問韓公何事客
天涯

宿樟原嶺寺

靈犀何年鑿石岐盤崖奔壑入雲危暮林黃葉
迷蕭寺苦竹幽篁入楚詞谷靜正當猿嘯處秋
深又值鴈來時荒山獨夜愁陰雨此意羊腸使
者知

辛亥新年作

新年草色遍天涯春到田園倍憶家萬里條風

東嶺山房詩錄

主

吹薜荔一絨錦字寄鴈花因占微綠腰常折未

就還丹鬢已華楚塞春寒稀過鴈江天日暮但

歸鴉

宿太平觀

仙使朝來馭日車靈臺夜半飢雲牙山中孤鳳
棲深穴江上雙鳬浴淺沙愧似關門為令尹還
期勾漏訪丹砂紅塵白馬經過地暫卧瑤壇五
色霞

縣樓春望

艮巖晴望盡西吳萬里風烟入楚都浦樹春殘
啼布穀湖田水落長蘆蕪漁人忽送湘潭山仙
客遙傳玉笥區誰念關門留滯客江天搔首坐
踟躕

五日齋居

縣齋五日念將歸浦樹江籬悵落暉佳節再逢
仍作客二毛相見未知非投湘吊古蛟龍得隔
海傳書鸞鶴稀遙想浮雲天北極侍臣初著漢
宮衣

贈少司馬簡公被薦

匈奴屢犯三城戍天子親提六月師邊月正
窺胡部落朔雲常護漢旌旗伏波躍馬秋仍健
尚父推車老更宜今日中興在公等早馳驛騎
報明時

延恩閣

平章高閣枕江開江上鈴岡擁翠來雲起七峰
連北斗水歸三峽抱中臺過巖野老傳商祭望
嶽山靈降甫才千載宜陽佳麗郡多慙潘令看

花迴

金鳳洲訪黎山人

楚山晴望鴈來稀金鳳洲寒秋草腓步屨小山
攀桂樹褰帷深竹訪魚磯高樓下瞰清波盡遠
樹斜連皂閣微莫是江山多艮藻宣城留滯謝
玄暉

曉行羅溪驛再讀袁郎中壁間見懷之作
感而賦此

古戍殘星動使車隔烟梅柳半將舒龍門無路

陪元禮狗監何時薦子虛月曉正聞南去鶴江
寒不見北來魚津亭問渡無舟楫白馬紅塵逼
歲除

同莊少府棄何二明府夜飲筠陽館中

春宵把酒問羊何聚散君看錦水波世上浮名
笑中盡天涯明月醉時多華林樹色迷青靄碧
落亭陰綠莎記取筠陽行樂地十年心賞一
高歌

雲津送袁生之京

曲水平橋江岸斜雲津門外送仙槎離亭握手
愁將夕遠道逢春鬢易華二月行人折楊柳一
年心事問桃花蘭橈泊處東風遍細雨樓臺燕
子家

雲岑閣

天畔登樓俯翠屏萬山迴合抱巖高城隣虎瞰
風蕭瑟地擁雲岑晝杳冥雨後嵐光搖粉堞潮
來江氣潤丹青憑高已覺鄉心切何處秋蟬不
可聽

東坡先生詩集

十一

秋日同袁太冲劉羅川二秋曹雲岑瞻眺
輶軒往歲愜清遊海嶽相逢復此樓楚塞正宜
清嘯客漢宮同憶白雲秋天晴獨鳥東南下日
落群山紫翠浮勝地故人良晤少使君得醉且
淹留

得雲字

袁福徵

城樓周匝切重雲歷歷岑岡收夕曛花鎖紫
樞應寂寞春歸柳市亦繽紛吳都楚澤俱如
指玄鳥倉庚不可聞抵愛中牟馴雉處坐墮

君綽久論文

夜度仰天岡寺

薄暮殘鍾隔嶺西遙尋古寺躡丹梯橋邊立馬
憑雲度夜裏登山見月低鳴泉掛壁僧初定落
木驚秋鳥半棲愧似陶潛辭白社籃輿相伴出
招提

滕王閣

滕閣嶙峋攬上游還將歌舞問東流劒江割據
衡廬險鐵柱平分吳楚秋鳥外片帆來極浦雨

東坡先生詩集

十一

中芳草遍滄洲江湖滿地無舟楫天畔何人獨
倚樓

出郭

江城潘令二毛侵花裏行春散客心出郭正逢
採桑度入山忽聽茹芝吟新秧雨溢寒塘水別
嶂鶯啼綠樹陰石徑不嫌苔蘚積翩翩車馬問
東林

仰天岡寺同劉郎中萬進士李張王三博
士瞻眺

西北浮雲湧翠岑，寒帷載酒共登臨。
輕風拖雨來山麓，高鳥窺僧下洞林。
碁局慣隨安石屐，香爐一住遠公心。
孤峰倚杖留清聽，萬壑鳴泉寫素琴。

春日雲岑雪望劉郎中萬進士折梅携酒至因懷張翰史

雲岑樓閣鎖江烟，樓雪融城日午天。
一片遙山皆玉削，千盤危磴似江懸。
梅花折贈香先入，柏葉招携春可憐。
此地舊遊今幾在，東風臨眺思茫然。

憶仰岡東同遊者

雙鳬昨日度仙臺，十里青山四望開。
坐惜芳菲春欲暮，何妨風雨夜歸來。
簿書填委愁霜鬢，海嶽風流托酒杯。
遙想舊遊山下路，涼颼綠樹掩蒼苔。

東林寺望天池寄孤月和尚

東林祇樹畫陰陰，廬阜南來蒼翠深。
鳳刹孤雲空外象，虎溪流水定中音。
長途落日淹行騎，白

石青青生道心，舊識遠公仍健否。
香爐絕頂共誰尋。

懷梁公實比部得河字

綠鬢輕投白玉珂，風塵無路覓羊何。
懷人天上孤雲盡，卧病山中芳草多。
炎海明珠誰對泣，寒宵濁酒念相過。
時依南斗看長劍，欲寄相思隔絳河。

懷王元美比部得長字

吳下才名久擅場，風流此日憶田郎。
荒臺麋鹿行應遍，秋水鱸魚到可嘗。
長樂雪飛連上苑，燕山月落滿空梁。
百年懷抱憑誰盡，南國音書正渺茫。

得天字

春夜華燈照綺筵，官齋同坐白雲天。
真開七葉迎陽氣，梅結三花歛夕煙。
複道青皇飛綵勝，小亭白雪入冰絃。
開元朝士今無幾，人日題詩又一年。

上元夜望西苑燈山 二首

蓬萊宮闕敞燈筵北斗平臨御座懸火樹夜分
三殿曉金蓮春動九枝然雲中蜃氣搖仙閣海
上龍膏結綵煙此夕漢家祠太乙非關遊豫春
芳年

燈山高架萬星攢九陌行人駐馬看碧海神鰲
移上苑玉臺明月滿長安和烟溫樹含風軟應
節仙苑耐夜寒宮女如花春似海幾人天上奉
宸懽

澤沱曉行

朔塞天風揚白波忽忽寒夜渡澤沱山鴉出樹
人烟動戍鼓開關津吏過春曙鶯啼故園早天
晴月向禁城多朝來迷却邯鄲道惆悵青驪白
玉珂

玄真觀喜彭博士枉駕

江縣同裁潘令花浮萍秋水各天涯青氍獨卧
三山月白馬高尋小洞霞虎踞城邊逢驛騎鳳
遊原上飯胡麻春潮寂寞鱸魚少萬里江波一

便槎

恭謁 孝陵

玉壘千年肇帝符孝陵佳氣滿東吳祠臣
應月清原廟仙馭何時降鼎湖江抱鍾峰鰲
極山當天印鳳啣圖端笏橋門悲雨露九疑縹
緲隔蒼梧

報恩寺塔

天削浮圖逼象巖慧燈千樹大珠懸窻中霽色
分江浦鏡裏空花落梵筵馴鵲繞簷窺色相神
龍夾道護人天須知累劫從初地披磴皈依繡
佛前

雨花臺

同泰浮圖已劫灰尚餘梁武雨花臺珠林晚映
金蓮吐貝葉春將玉女裁天際江流迴日月雨
中煙樹辨蓬萊建康風物邀春騎不是何顒好
佛來

憑虛閣同王學士謙集得天字

絲鑣載酒共遊禪山閣憑虛敞夕筵上界樓臺

連帝苑後湖陰兩隔人天祗林地迴曇花落塔
院風迴梵樂懸勝日登臨傷往事臺城楊柳度
江烟

鳳凰臺

江城一望鳳臺空臺下江波湧霧中有客釣鱖
滄海上何人結駟大江東兩都縹緲金銀闕六
代淒其松栢風信美金陵車馬地壯懷幽興幾
人同

初返故園

東岳山房詩集上

三

雨後山園蟬乍飛天涯遊子賦初衣百年桑梓
青門道五月葵榴白板扉移竹溪亭逢醉日灌
花籬畔帶斜暉漠陰野老應相笑罄折風塵未
息機

送順德李太守入覲

使君握竹下邢臺雙闕嶢嶢北望開禹貢九州
元會日漢家三輔出群才流澌臘月催寒盡殘
雪春山擁傳來帝念賢哉二千石一麾天上賜
金迴

立春日登涿州觀音閣

高臺春日望春明遠樹微茫古路平煙火萬家
形勝地陽春一曲古今情關門紫氣連雲曙塞
上青山帶雪晴玉帛來朝九州牧紛紛車馬隔
塵行

送馮職方赴鞏昌兵憲

二首

關雲朔雪滿胡空聖主臨軒歌大風彈鋏故
人辭闕下請纓使者出山東橫行夜醉新豐酒
獨坐朝看碣石鴻書記翩翩隨杖節遙將雙劍

東岳山房詩集上

三

倚崆峒

莫惜馮唐久未遷一朝啣命重行邊壯遊不避
羊腸阪攬勝還登華嶽巔日暮烽烟連朔塞月
明笳吹滿秦川獨慚魯國諸生後送爾臨岐有
贈鞭

送王郎中元美京輔恤刑便過薊門省覲

開府金緋衆所尊趨庭綵袖又承恩天低北
斗隨行劔日借當陽照覆盆楊氏五公垂世業
于家駟馬復高門使臣更有盧龍策留鎮陰山

吐谷渾

附塞外見懷 二首

王世貞

薊門春草易臨岐回首風塵轉自悲鴻鴈書
來明月戍故人吟罷白雲司曲中楊柳知相
憶別後刀環未可期聞道朱絃多悵望莫將
流水受人疑

翩翩佳句滿詞林別恨龍池芳草深萬里風
波垂失所十年岐路畏論心題詩曉破天門
色把釣春生雷澤陰莫以時名相問訊揚未

金馬漸浮沉

金馬山房詩集上

王世貞

東岱山房詩目錄

七言律詩下卷

省中夜直

送高比部上陵

送陸郎中赴潮州太守

同楊比部登毘盧閣

寄總督蘇公

上總督少司馬王公

昌平城樓望居庸關作

暮春省中有懷 送劉郎中赴常德太守

送郭少府赴保定燕呈陳東達太守

秋日同高比部徐少參汪水部張武庫况

膳部夜飲宗司勳席上分韻得塵字

送大司寇何公致政還會稽

送王元美赴青州兵備海道

送謝司徒致政

張太師園同吳庫部汪水部陳比部况膳

部張駕部饒朱民部赴留都得通字 附外

首五

送宗少參赴建寧陳僉憲赴杭州得深字

午日高汪况魏四君夜集就居得羅字

送曹中丞謫戍朔方

寄懷宗子相少叅

月夜張園同魏順甫別張子畏得雲字外附

音一

白雲樓同高伯宗送元簡比部得樓字

送許大叅赴閩中

汪水部正叔邀飲玉河堤兼送魏秋曹順

甫得清字外附

冬夜同汪正叔魏順甫飲高伯宗官舍喜

令弟叔崇至得來字外附

馬上逢伯宗 太液池春望

送方民部赴留都

上巳汪郎中席餞子相于韶得壺字外附

送郭給事使琉球

再謁 皇陵道中作

首夏餞別吳峻伯憲副馬應園翰林同赴

山東得涯字

中秋對月同高魏二寮長飲張駕部宅得

門字外附 遣興二首

送吳侍御按楚中

賦得嚴陵灘 諸將五首

春夜留飲徐華原憲副得風字外附

夏夜許蔡二大叅見訪留酌得明字外附

雨夜吳而待黎惟敬招飲蘇錦衣宅得紅

字外附 秋懷

白雲樓感述同高伯宗何振卿胡正甫賦

得寒字外附 省中雙鶴

送李舍人使楚藩 冊封便道省墓

早春寄懷何太華總督三首

禁中春雪 西山霽雪

天壽山望 陵作

送張儀部赴湖南督學

答謝符卿宿香山寺兼呈同遊張有功

送張給事兵備山東

白雲亭為汪水部作

萬壽節賜緋

九日同南華諸君崇文門登眺得來字

送張大叅元洲赴四川謫居

春日同黎惟敬諸友燕集梁舍人宅得章字

送余午渠赴閩中憲副

兩後過況吉夫宅喜張肖甫初至得家字

送周郎中赴山東僉憲

送胡太史歸省劔江

秋日飲伯宗宅懷叔崇得山字

挽太僕有功

送熊大叅入慶還河南余憲副還閩中

送黃西野侍御出按留都

寄贈昌平劉明府為雪山劉給舍作

送梁中翰使留都便道歸省南海

立秋小亭即事 送沈山人還廣陵

秋日同社與吉夫話別得山字

九日登宣武城樓

秋日集正甫宅望西山得聞字

送吳而待守歸州

送王西塘侍御代巡甘肅

送何振卿赴潮州太守

除夕 毘陵閣送振卿得君字

十三夜留飲振卿試燈得開字

春日言懷

喜吳明卿至自武昌春夜留飲得城字

附

送蔡龍屏巡按廣東

寄蘇子冲 再寄大司馬蘇公

送劉漢樓巡按山東

寓直 送胡廬山赴辰沅僉憲

西湖即事

毘廬閣送陳太守赴夔州用子美秋興韻

送時太守赴慶陽

送王比部使淮南便道還東陽

七夕同項少嶽賦得星字

同豐城侯 冊封 德藩途中有贈

行間寄贈高郎中伯宗出相 親王之國

十六夜中丞朱公侍御劉公招譙演武亭

亭對千佛山

同潘民部登千佛山

東阿道中望虎窟山

登虎窟山絕頂 上元和鴻洲韻

雨中追送高伯宗不及至安平而返愴然

寄懷

會臺立石紀事

東山房詩日錄

七言律詩下卷 濮陽李先芳著

省中夜直

禁鐘初徹省堂幽三月燕京寒未收
曳履聲隨花外散含香人向月中留
河流拂曙雲初白臺樹浮塋氣若秋
午夜條風吹入夢上陽宮裏度春鳩

送高比部上陵

橋陵風雨屬芳辰帝遣祠官採澗蘋
湖上白雲邀去馬花間綠筆佐行春
天垂北斗盤金穴地擁陰山隔紫塵
君到薊門遙佇目蒼梧佳氣鬱嶙峋

東山房詩日錄

五

嶙峋

送陸郎中赴潮州太守

提封萬里越王臺嶺外爭傳陸賈來
截海真如天上坐飛符遙向日南開
蛟人夜獻明珠滿龍舳朝看十柄迴
溪畔鱣魚須遠避使君呼吸有風雷

同楊比部登昆盧閣

青蓮池上開香閣丹鳳城南訪竺仙
石磴盤龍

扶繡拱雕甍飛鶴繞金山階前老樹關僧臘窻
裏群峰護法筵下界緇塵元不染數聲清梵落
秋天

寄總督蘇公

玉關生入主恩深却望燕雲淚滿襟報國常留
雙臂紉傳家不藉萬黃金行吟月下調雙鶴醉
起花間戲五禽伏波老去心猶壯風雨疑聞笳
吹音

上總督少司馬王公

握斧霜臺鎮北陳海天東望白雲秋三邊極目
愁戎馬一劒隨身上斗牛御苑砧聲連朔塞薊
門寒色下盧溝壯猷莫擬公孫老奏凱歸來尚
黑頭

昌平城樓望居庸關作

樓外群山拱帝畿朝雲燕樹晚霏微孤城落日
催刀斗九月微霜浸鐵衣海氣東來千嶂合關
門中斷一鴻飛萬家煙火行營外笳鼓風高塞
馬肥

暮春省中有懷

因看芳草戀青微嘆息流年樂事稀一徑馬嘶
官舍晚滿庭花落吏人歸殘春劒氣隨星轉久
客蓬心向月飛時倚白雲樓上望西山踈雨坐
沾衣

送劉郎中赴常德太守

郎官出守逢春暮五馬翩翩踏落花三楚盡熊
開府地兩朝握虎使君車山藏桃水迷仙蹟人
頌蒲鞭識舊家南下五溪千嶂合遙天何處望

京華

送郭少府赴保定兼呈陳東遠太守

平明列騎發盧溝父老停車拜細侯鏡裡河山
連帝苑窻中風雨入邊愁燕關獨擬開雄鎮
虎竹平分屬壯遊却憶同官陳仲舉郡齋清嘯
薊門秋

秋日同高比部徐少參汪水部張武部况
膳部夜飲宗司勳席上分韻得塵字

同是清朝翰墨臣抄秋高會動星辰金尊不負

黃花節銀燭偏憐畫省人醉裏高吟山吐月客
中一笑夜生春莫言握手相逢易咫尺軒車隔
市塵

送大司寇何公致政還會稽

清時三疏遂初衣戀主陳情兩不違碩望滿
朝山斗重急流回首古今稀淮南桂樹開新社
江左蘭亭指舊筌祖帳東門時共羨逍遙林下
一人歸

送王元美赴青州兵備海道

憲府緋衣綠鬢郎行藏四代綰金章壯遊夜發
青雲省別讌春迴白雪觴天上璽書頒細柳臺
中辭賦出長楊蓬萊閣下神仙吏到日風波海
不揚

送謝司徒致仕

朝乘朱轂出長安夜發蘭舟下急湍佩劍常懷
明主意賜金當盡故人懽江湖容與隨鷗鳥几
閣逍遙戴鶡冠盡道黑頭歸去好閒從東海看
波瀾

張太師園同吳庫部汪水部陳比部况膳
部張駕部饒朱民部赴留都得通字

白首為郎出漢宮况君詞賦似楊雄五陵冠劍
豪華地四海交遊感慨中夜動星河低闕下春
迴梅柳渡江東莫愁遠別青門外天上仙槎有
路通

得堂字

吳維嶽

絳燭清罇傍苑牆高城鍾罷月如霜美人鶴
駕楊洲路子夜驪歌北海堂未許五噫堪擊

節尚看三表剩封囊陪都春色同君到朔鴈
新詩好寄將

得秋字

汪一中

憶昔看花並馬遊五陵風物幾經秋客途避
逅偏青眼郎署棲遲總白頭湖海烽烟雙寶
劍關山雨雪一貂裘更憐此去堪乘興江閣
官梅杜若洲

得花字

陳宗虞

芳亭燈火夜喧鴉雪後長安感歲華班回為

郎今白首楊雄作賦舊名家雲沉漢闕霜中
斷月上天津海樹斜後會未期江國迥春來
何處寄梅花

得仙字

况叔棋

長劍星霜入漢年芳尊常對白雲篇楊雄西
蜀論文似班史東京繼世賢明月獨歸天外
客清宵同賦飲中仙欲尋後會江湖隔繫馬
燈前悵別筵

得清字

張四知

亭館冬深殘雪明宵寒綠酒向君清風烟在
苒三年別世路微茫白髮生歸鴈故隨江浦
棹遊人遙望秣陵城休將官序空愁拙聞道
馮唐獨有聲

送宗少叅赴建寧陳僉憲赴杭州得深字
都門垂柳拂黃金二妙飛軒出上林攜手河梁
春草綠停杯風雨夜堂深溪邊流水隨行劍湖
上青山入素琴共越古今張樂地莫將吏事負
登臨

午日高汪况魏四君夜集就居得羅字

燕京久客逢端午不飲其如佳節何已藉花間
同解佩還期月下共鳴珂冰調丙穴銀絲繪蒲
泛胡姬金巨羅何用南風歌舜曲新蟬高樹晚
來多

送曹中丞謫戍朔方

嗟君此別是生還力可回天衆所憐謾道塞翁
曾失馬翻同樂毅不歸燕心摧沙磧孤蓬外夢
遶江關群虎邊何用南冠頻下淚佩刀長揖各

風煙

寄懷宗子相少叅

聞道扁舟下武夷廣陵秋色正淒其題書天畔
知同病啓事仙曹憶往時自有長風破高浪何
辭獨鳥寄南枝遙依斗柄瞻龍氣風雨常生化
劍池

月夜張園同魏順甫別張子畏得雲字

仙曹出祖動星文意氣翩翩鸞鶴群共喜論心
如白日那知握手是浮雲高秋忽送歸鴻遠別

館驚看落葉分此地故人九幾別何時月下更逢君

得吟字

魏蒙

孤鴻碣石度秋陰明月高懸萬戶砧投贈已多青玉案滯留空有白頭吟歌前一劒生寒色別後雙魚寄客心莫向西風悲去住故人金馬信浮沉

白雲樓同高伯宗送元簡比部得樓字

朔塞天風吹落日漢京忽動白雲秋千家砧杵

東山房詩集

三

催城角滿目山河對酒甌楚客獨成王燦賦胡床空坐庾公樓相逢此地堪乘興又送仙郎出

帝州

送許大叅赴閩中

填雲遼海路漫漫復此閩中萬里看世路由來成絡繹人情莫問似波瀾虹旌遙指三山曙龍劒高飛一水寒謾道鯨鯢仍阻絕捷書連夕報長安

汪水部正叔邀飲玉河堤兼送魏秋曹順

甫得清字

為愛能詩何水部相隨流水濯塵纓扶疎樹色當尊滿漱灩川光入座清碧落高涵秋氣動御溝寒咽晚波平浮萍自是河邊草莫向風濤怨不情

得寒字

高啓

御溝流水遶朱欄高館邀賓興未闌燕地山河排闥入漢京樓閣捲簾看衙盃况折青門柳紛珮行逢楚澤蘭醉把雙龍腕相贈滿天

東山房詩集

卅三

風雨晝生寒

附留別得多字

魏蒙

御柳青青出絳河故人尊酒慰蹉跎風塵羈宦論心少湖海交情把臂過紫塞秋聲鴻外落白雲寒色水邊多明朝使節南天遠能得花前一嘯歌

冬夜同汪正叔魏順甫高伯宗官舍喜

令弟叔崇至得來字

華燭清尊對雪開謝家兄弟不九才吟從黃鶴

樓邊下醉向秋雲暑裏來夜靜涼風吹朔塞天
晴明月上燕臺故園亦有連枝樹歲暮因君首
重回

得人字

汪一中

謝家庭館集佳賓寒夜論文意轉親月上萬
山初過鴈尊開千里乍歸人曾浮湘水聞調
瑟更逐漁郎試問津不信座中同賦客惠連
詩句倍清新

得家字

魏裳

禁苑鐘聲散晚鴉芳筵列炬興偏賒郢人共
和尊前雪漢使新回海上槎把袂劒光搖斗
宿開簾月色遍天涯德星此夕惟相聚况對
君家棠棣花

馬上逢伯宗

數日不見高常侍相逢馬上問寒暄
鎮鄒出鞘終當合桃李成蹊自不言四海交遊存鮑叔百
年肝膽照平原傳經抗疏空搔首悵望秋風滿
故園

太液池春望

漢家初起芙蓉苑十二樓居光陸離天鑿水簾
龍出戲山移砥柱鳳來儀翠林覓草寒金並鶴
禁通仙茹紫芝衛士傳呼清稷道 鑾輿明日
幸昆池

送方民部赴留都

佩刀長揖出燕京吳越東南未罷兵人去金臺
無駿骨春來綠樹有鶯聲歸帆遙指江東驛捷
羽新飛海畔城想到金陵春未老獻花巖上踏

花行

上巳汪郎中席餞子相于韶得壺字

鶯花三月漢名都留醉君家白玉壺萬戶星河
隨劒舄殘春烟雨隔江湖永和時俗還今古王
謝風流近有無此日紉蘭堪晤賞遊人何處採
蘼蕪

得微字

汪一中

五陵三月正芳菲無柰登臨又送歸詞客水
邊論楔事行人馬上換春衣殊方佳節驚頻

度異代風流念不遺更欲傾尊酬別况起看
花外夕陽微

得姜字

張四知

暮春燕地草萋萋逆旅追遊漢苑西尊酒不
須臨水泛宮鶯已聽隔花啼風流遠愧山陰
客嚴藻新傳上已題况是河梁明日別離裾
莫惜暫相携

得人字

况叔祺

新寒初散賞花晨勝事相逢忽暮春曲水輕

附錄余山房詩集

三十一

烟浮草樹遠山佳氣隔城闌更從陌上看遊
子未擬江頭賦顰人風物淹留迷去騎燈前
莫厭酒杯頻

得波字留別

陳宗虞

薊門三月鳥聲多芳草萋萋遍王河節序驚
心淹旅夢江程極目渺烟波分携共惜青萍
劍投贈相將白雪歌滿眼兵戈於越迥思君
天上日鳴珂

得蘭字

宗臣

三月三日開春盤入門解珮聲珊珊骨人曲
水空芳草楚客征衣自澤蘭明月萬家沉鼓
角銀河千尺墮闌干醉來莫遣離歌起滿目
江湖風雨寒

送郭給事使琉球

宮錦為袍玉在腰使臣卿

命壯天朝三春灝氣衝長島萬里仙槎泛去潮
日近蜺旌疏海道天晴鵬背上烟霄懸知陸賈
南遊意不為黃金擁漢軺

附錄余山房詩集

三十二

再謁

皇陵道中作

山陵回望疊青螺節近清明風雨過地脉萬年
通御氣天潢一派出明河邊城日暮催笳鼓野
戍春深長薜蘿此地
先皇曾按劍年來猛士已無多

山東得涯字

首夏錢別吳峻伯憲副馬應圖翰林同赴
春日同飛漢使槎玉堂蘭省出名家馬卿結駟

青雲上季子觀風滄海涯行處河山盤帶礪到
時桃李馥英華故園遙在秦松下乘興來拚五
粒花

中秋對月同高魏二寮長飲張駕部宅得
門字

八月涼風吹薊門千家明月正黃昏笛中楊柳
調新曲鏡裏關山入故園鴈帶寒聲來玉塞蟾
分秋影落金尊更教砧杵催城角今夜天涯有
斷魂

得家字

高岱

風吹明月散千家漢闕金莖綴露華砧杵秋
聲連鴈塞關山夜色滿龍沙元規興劇南樓
宴博望名懸北斗槎白髮高堂今夕夢應憐
遊子滯天涯

遣興 二首

手把芙蓉謁上台龍門公子謫仙才著書白日
羲皇到倚劒青天明月來夜上崑崙憑斗宿曉
從滄海弄珠迴燕昭郭隗俱秋草腸斷黃金百

尺臺

仙人邀我蒞珠館並駕翩翩白玉龍人間萬事
如鼎沸洞裏三漿似乳濃招鶴遙登緱氏嶺釣
鰲偶下蓬萊峰青萍只許囊中鎖不向朱門說
劒鋒

送吳侍御按楚中

蘭臺久負夔龍選楚塞仍煩驄馬行黃鶴白雲
增氣色洞庭秋水自澄清携囊半載湘潭曲簪
筆常懸郢雪聲千古興王佳麗地遙依山斗望

飛旌

賦得嚴陵灘

千古桐江此釣磯富春春盡草菲菲丹山威鳳
翔千仞白水真龍降六飛漢祚已隨滄海變嚴
陵空鎖暮煙歸一從別館迴鑾日天子何曾問
布衣

諸將 五首

盧龍烽火照王畿小苑城南夜合圍共說北門
天塹險誰教三輔羽書飛胡笳候月邊聲急塞

草先秋戰馬肥昨日大風吹海樹漁陽甲士幾人歸

白羊口北陣雲低涿鹿材官疊鼓聲金甲空屯
百萬騎玉門誰獻一丸泥五原賓從多珠履三
晉雲山半白題借問長城何處定單于元駐受
降西

國營十二佐元戎坐守京屯萬里營城上今飛
青海箭張前淮抗綠沉弓沒兵塞下聲相倚轉
銅江南路未通七葉金貂恩不細汗顏何以謝

重瞳

長鯨吸浪灤江湖水底蛟龍困未蘇雲集中原
金鏢甲風生海上鐵浮屠時久寄征南將河
漢常懸拱北圖龍鼓不鳴精衛死扶桑銅柱幾
人扶

爭道南征馬伏波樓船截海復如何江東父老
誅求盡澤國魚龍出沒多間外豈無周節鉞鏡
中誰洗漢山河材官猛士紛如雨不見轅門奏
凱歌

春夜留飲徐華原憲副得風字

長安握手一尊同君有南州孺子風北斗常留
曾倚劒西臺爭識舊乘驄寒宵坐對梅花發春
雪行吟蠟炬紅海嶽壯遊誰不羨金門空自老
楊雄

得寒字

徐南金

迎春纔見花枝發宴賞留賓掃藥欄月度金
門通遠色風生珠箔捲輕寒傾盃剩若流香
露奏曲真堪引鳳鸞江海幾年遠舊侶對君

瑤瑟一長彈

夏夜許祭二大參見訪留酌得明字

君如燕許久齊名飄藻同飛江上城更喜花間
停玉珮重來闕下望金莖晚涼忽送千門靜故
國遙懸片月明流水浮雲何必問相逢一笑足
平生

得榴字

許應元

符璽終朝侍冕旒才名早歲滿瀛洲言陪東
國文章彥共對西清几閣幽徙坐不教炎氣

入浮杯併借月光流夜歸未覺清言盡還許
相將看海榴

得花字

蔡汝楠

殘春寂寞駐京華夏讌同過李白家符璽向
來多暇豫壺觴移處有煙霞無時方歎流波
駛品藻尤憐古意賒句似陰鏗心醉夕酡顏
仍對石榴花

雨夜吳而待黎惟敬招飲蘇錦衣宅得紅

字時吳黎二
子下第

雨夜高堂

年

涼夜高堂蠟炬紅十千沽酒醉新豐歌聲暗度
行雲外秋色初迴細雨中漫對犧尊成潦倒誰
知龍劍有雌雄名都簪紱追隨地莫戀南山桂
樹叢

得姬字

黎民表

九衢燈火駐金羈對酒當歌且莫辭白雪新
詞調上客青樓錦瑟倚胡姬孤城雷雨他年
夢千載襟期此夕披雲路未須嗟晚達故園
終攬挂蓂枝

秋懷

平生海嶽是襟期一擲流光祇自悲閑閣揚雲
文總似封侯李廣數應奇池魚賸有江湖夢苑
廐難忘野草思見說淮南多桂樹遙將秋色寄
高枝

白雲樓感述同高伯宗何振卿胡正甫賦
得寒字

秋日秋臺生暮寒白雲回首盡長安窓中紫閣
隨風入城上青山帶雨盤戎馬三邊空節鉞江

湖萬里自波瀾劉琨王粲俱寥落今古傷心一

倚欄

得開字

高岱

搖落高秋客鬢催西樓登眺帝城隈風烟
共悵盧龍塞詞賦空慙戲馬臺孤角晚依雙
闕動一尊遙對萬山開故園寂寞茱萸會落
日天涯首重回

得杯字

何鏜

畫省危樓接漢開登高今愧大夫才西山遠

抱皇居壯北斗平臨鳳闕迴千里秋陰生碣
石萬年佳氣鬱金臺日長退食曾無補願擬
華封獻壽杯

得無字

胡直

金門病客慚真隱粉署高樓得並娛正與白
雲同偃仰不妨明月坐踟躕林間野雀棲初
定席上羣山暝欲無回首獨憐江國渺幾時
廬嶽覽真圖

省中雙鶴

東山房詩集

四十五

雙鶴翩翾迥自憐嘶珠報主是何年池邊唼藻
歡同舞簷際巢松穩對眠顧影徐行秋露晚向
人清唳月明天願從黃鵠思千里夜夜江湖夢
重還

送李舍人使楚藩 冊封便道省墓

才子領封出相府詞臣載筆下鑾坡舟停鄂渚
邀黃鶴酒熟襄江咽碧波澤國魚龍驚歲晚故
園風木入秋多

君恩行處俱優渥草春暉滿薜蘿

早春寄懷何太華總督 三首

榆關一別幾青春燕草年年空向秦四海交遊
同白首五原賓從獨歸人明時懶入商山社勝
日閑行渭水濱好向華封歌萬壽須知去住

帝恩均

薊門當日擁旌旗軍令分明畏簡書出塞久無
南牧馬臨流常寄北來魚裴公一別知安否四
紇頻來問起居渭水秦川何處是遙將春色寄
懸車

東山房詩集

四十五

一自投簪謝世氛山中白鹿自成羣為樓偏近
長安日選地平分華嶽雲醉笑伏波還躍馬狂
歌王粲舊從軍當時冠劍今無幾渭北春天正
憶君

禁中春雪

仗外春雲捧露盤禁中春雪晝漫漫光搖玉樹
千花滿氣壓金城萬雉寒爭向苑園誇厭藻來
攀鶴馭奉宸懽侍臣亦有陽春調願憐黃臺一
笑看

西山霽雪

西山西望鬱巔峴絕頂春遲雪未殘地接皇州
浮御氣天開玉壘護長安蛟龍半伏晴雲白鳩
鵲高寒曙色開景愛芙蓉當檻落危樓終日捲
簾看

天壽山望陵作

薊門回合控堯封隔嶺遙聞玉殿鐘天作高山
俱拱北水歸滄海自朝宗晴嵐曉掛千峰月靈
籟森流萬壑松却望橋陵深不極弔湖烟雨駐

遊龍

送張儀部赴湖南督學

瑞節遙從漢署分楚天南望動奎文高樓對酒
邀黃鶴太嶽題詩坐白雲按部應酬和氏璧掄
材不惜郢人斤他時棫樸歌周典千古斯文屬
使君

答謝符卿宿香山寺兼呈同遊張有功

古寺春藏萬樹松故人策馬度高春遠公禁酒
花間坐謝客題詩月下逢山徑留連芳草合洞

門迢遞白雲封不知昨夜藤蘿外同卧諸天第
幾峰

送張給事兵備山東

夕郎疇昔善兵機出鎮齊城願不違組練寒生
雙羽扇風塵秋動五時衣禁中諫草焚應盡海
上關山度若飛東郡由來稀寇盜晝眠官閣夢
黃扉

白雲亭為汪水部作

高原壁立草亭古但見青山流白雲夜月常懸

滄海淚泉臺空鎖碧苔紋松杉隱隱盤龍氣烟
雨冥冥下鶴群我亦沾衣向南斗故園風木不
堪聞

萬壽節賜緋

曉瞻華渚玉虹飛午拜天門詔賜緋色映
宸楓新出笥香分仙女舊支機符臺地近恩
先渥宣室齋嚴帝永椿栽入漢宮誰不羨雲
霞偏護侍臣衣

九日同南華諸君崇文門登眺得來字

睥睨風高白鴈來嚴城落日照啣杯登樓共擬
元龍會攬勝何須戲馬臺萬戶砧聲催木葉九
關寒色上蓬萊故園黃菊應堪把薊北江南首
重四

送張大叅元洲赴四川謫居

世路閒關君莫疑此行蜀道更逶迤鴈隨南北
緣何事烏有雌雄祗自知晚市風塵傷歲暮天
涯杯酒話襟期金門亦有浮沉客共藉君平一
問之

春日同黎惟敬諸友燕集梁舍人宅得章
字

花月新豐酒正香逢君一笑解金章風前咳嗽
背珠玉池上拔援有鳳凰燕市行歌成落月中
原回首獨茫茫須知四海論交日潦倒春雲翰
墨場

送余午渠赴閩中憲副

重來京洛厭離聲杯酒相逢意氣傾龍劔又隨
風雨化笏袍遙拂海霞生溪邊問渡停雙節花

裏行春見四明莫道閩中鴻鴈少同官迢遞白
雲情

雨後過祝吉夫宅喜張肖甫初至得家字
四月風吹楊白花禁城夕霽動高霞山光倒鎖
千門日暝色斜飛萬樹鴉曉賦長楊隨闕下又
尋芳草到君家相逢俱是青雲客留醉新停博
望槎

送周郎中赴山東愈憲

朱軒繡豸別春明千騎東方負弩迎一笑掀髯

山嶽動半酣搖筆海波清長安日近心彌切鄒
魯風還政自平久客偏懷桑梓地因君一寄白
雲情

送胡太史歸省劔江

君是清朝供奉班翩翩鸞鶴馭群仙萬言罷
草明光殿一疏承恩咫尺天彩袖新裁宮錦出
青綾遙伴石床眠南州莫滯雙龍劔夜夜清光
銀漢邊

秋日飲伯宗宅懷叔崇得山字

黃鶴西飛不可攀
洞庭秋水思潺潺
別來漢署花仍滿
到日王孫草自班
定向郢中尋白雪
不應江上戀青山
謝家池館新涼入
目斷仙槎八月還

挽張太僕有功

嗟嗟張君不復起
四海論交誰丈夫
大鳥冲天自選舉
群龍繞室爭奔趨
酣歌擊筑良已矣
拔劍斫地空嗚呼
平章舊宅看花伴
淚灑青天隨白榆

送熊大叅入慶還河南余憲副還閩中

有

纔向帝庭歌萬壽
還持憲節下中州
身依玉燭光華滿
天接黃河日夜流
魏闕晴雲低拂曙
薊門涼雨澹宜秋
經過二室應回首
聯珮嵩呼憶舊遊

手捧瑤函拜御闈
天門親覩玉虹飛
秋隨越女橋邊度
客自仙人掌上歸
八月恩波浮遠棹
扶風豪士戀音徽
越江一望平如掌
截海鯨鯢已避威

送黃西野侍御出按留都

二首

南臺亦有烏棲樹
北闕仍煩豸史過
斧鉞兩京開重地
江湖萬里挹清波
輜軒夜發風霜迫
鐘阜秋高烟霧多
海畔鯨鯢須遠避
尚方靈劔倚星河

龍虎河山壯舊京
繡衣持節代天行
郵籤初發江東棹
御筆親題柱下名
建業千峰隨鴈過
金陵八月看潮生
况逢華渚虹流日
驄馬徘徊戀闕鳴

寄贈昌平劉明府為雪山劉給舍作

五

水西亭對雪山峰
批印歸來學老農
人似武陵迷洞口
家隣天壽即華封
謝庭未許留安石
阮氏爭傳有仲容
遙想中秋今夜月
猶村松栢遍幾株松

送梁中翰使留都便道歸省南海

金陵八月江水平
有客乘槎萬里行
嶺樹常懸滄海月
塞鴻先度石頭城
皇華載道烟雲滿
彩鳳蹲池翰墨清
青瑣故人深憶別
東門芳草滿春榮

王程

立秋小亭即事

玄蟬綠樹咽南颺又送秋聲到竹籬宿雨落花
閒不掃斷雲流水澹含滋楊柳閉戶難忘酒匡
鼎談詩為解頤處處新涼足行樂騷人何事轉
生悲

送沈山人還廣陵

我愛君如沈隱侯掉頭南去卧滄洲豈無白壁
酬知己實為明珠忘暗投玉樹歌殘淮海月洞

鳳山先生集卷五

五十二

簫吹遍廣陵秋他時為跨揚州鶴同泛仙人蓮
葉舟

秋日同社與吉夫話別得山字

十載同趨鸚鵡班貴陽此去萬重山不辭玉劍
投知己更採黃花壯別顏帆帶秋風開瘴癘心
隨明月度江關詞壇故舊今無幾坐惜芳辰手
重攀

九日登宣武城樓

一辭東海釣魚槎三見長安九日花風急燕山

驚落葉天清胡塞動悲笳佳辰為客寧辭酒華
髮催人倍憶家賦罷南樓時極目千門寒色起
城鴉

秋日集正甫宅望西山得聞字

天涯斗酒聚論文握手看山興不群丹鳳城高
連朔塞黃金臺古落秋雲千巖日暮鴻聲斷九
月霜清木葉聞却憶草堂猿鶴在望中離思轉
紛紛

送吳而待守歸州

鳳山先生集卷五

五十三

行歌燕市晚逾親一鴈南飛楚水津峽口清秋
開爽氣神歸名郡籍騷人大夫不獨能工賦長
者由來重牧民他日漢庭收列傳吳公治行本
無倫

送王西塘侍御代巡甘肅

君王西顧重籌邊繡斧衝寒出酒泉絕塞倒懸
青海月長風吹斷玉門烟羗兒夜奏燉煌樂宛
馬春嘶首宿天何用先聲傳韃靼霜威昨已到
秦川

送何振卿赴潮州太守

送君剡竹赴潮陽南望烟波春淼茫萬里行吟
天畔客千金留醉少年場鯨鯢揭海應全未瘴
癘炎洲白不妨何武舊時循吏傳可餘重勒鎮
蠻方

除夕

歲暮天涯胡不歸青山華髮與心違十千沽酒
聊行樂五十為郎未覺非方朔詎諧寧偶俗步
兵潦倒實歲機明朝又是朝元日願借東風早

拂衣

昆廬閣送振卿得君字

高臺握手駐行雲地北天南此日分海水不波
春浩蕩燕山流雪晝氤氲一麾出守逢新月萬
里留人到夕曛莫恠憑欄重惆悵眼中懷抱不
如君

十三夜留飲振卿試燈得開字

海月欲上黃金臺華燈初試簫鼓催青春過眼
且携手白雪行吟誰愛才家有魯酒十萬斛醉

留越客三千杯銀花何限歲徂意總為懷人戀
別開

春日言懷

十年執戟玷名流華髮蕭蕭已倦遊几閣晝眠
春草綠關山晴望白雲愁匣中風雨悲雙劍枕
上烟霞戀一丘若待夕陽歸鳥盡故園松菊不
勝秋

喜吳明卿至自武昌春夜留飲得城字

燕臺握手話生平楚客酣歌淚滿纓湖水暫停

彭蠡棹春風又出武昌城懷中白雪元同調身

外浮雲總是名莫向青霄論出處成蹊桃李不

關情

初至京夜過李伯承尚寶同賦城字

吳國倫

一自華陽解舊盟五年湖海暮雲情重來白
首難忘世獨有清樽可避名別後幾人鸚鵡
賦夢中茲夕鳳皇城風塵日使朱絃促山水
逢君調始平

送蔡龍屏巡按廣東

朱衣久負殿中名，繡斧遙巡海畔城。
日晃飛旌開宿瘴，風傳疊鼓避長鯨。
炎方坐鎮清霜滿，絕徼行吟春草生。
莫上羅浮頻北望，不堪迢遞五雲情。

寄蘇子冲

回首故園懷舊遊，青山無恙人白頭。
千金不復買駿骨，十年空自佩吳鉤。
方朔快諧留漢闕，仲連談笑出齊州。
不然掛席蓬萊水，醉倚扶桑看海鷗。

海鷗

再寄大司馬蘇公

閭外韜鈴淨塞塵，殿中綬履上星辰。
牙兵袞袞開新府，天子拳拳問老臣。
行樂獨持曾賜杖，釣璫時理舊垂綸。
蒼生莫繫裴公望，綠野春深樂事頻。

送劉漢樓巡按山東

繡衣使者按山東，海國泱泱起大風。
不獨冰霜隨絳節，能將雨露出丹楓。
循良六郡誰稱首，抒

軸頻年漸覺空，帝念瘡痍下。明詔澄清早，奏未央宮。

寓直

仙曹分掌掖垣西，建禮門高御仗齊。
朝下每聞宣室召，詩成直入漢宮題。
濯龍曉映金川吐，翔鳳春依碧樹棲。
何用中官傳絳燭，夜來書案有青藜。

送胡廬山赴辰沅僉憲

殿上新傳賜豸衣，臺中忽送楚雲飛。
騷壇盡採澧蘭入，雅調誰憐郢雪稀。
挑水尋源孤興發，麻陽按節幾人歸。
須令蠻服炎荒地，負弩參軍避等威。

西湖即事

御柳陰陰接大堤，龍宮深鎖暮雲低。
搏風海鶴晴雙下，隔水村鷄午自啼。
碧澗斜通銀漢上，青山遙挂石梁西。
何須方外尋真境，咫尺桃源客路迷。

昆廬閣送陳太守赴夔州用子美秋興韻

高樓一望鳳城斜，坐對燕雲攬物華。一笑河山增爽氣，半空風雨送仙槎。劍門秋老悲殘角，棧道雲寒咽暮笳。爭說錦江能勝錦，也應回首上林花。

送時太守赴慶陽

西顧君王重守邊，慶陽新命簡才賢。三秋飲馬長城窟，萬里飛旌太白巔。塞下犬戎移部落，年來郡邑罷桑田。到時問俗修農事，應檢幽風七月篇。

送王比部使淮南便道還東陽

同官出入白雲秋，門巷相臨溝水頭。自魏李邕求識面，曾隨王粲賦登樓。歸帆不為秋風起，使節因逢桂樹留。明月雙溪清絕地，羨君好去故園遊。

七夕同項少嶽賦得星字

久客天涯秋露零，悲歡何必問雙星。且沽月下新豐酒，留醉花間吏隱亭。大道無媒翻自拙，清持不飲為誰醒。仙橋只在浮雲外，悵望明河烟

霧青

同豐城侯冊封 德藩途中有贈

暫輟鸞班辭

帝家遙持龍節賦，星華侯門舊籍金。貂重天冊新題玉篆斜，豈有相如能結駟。謬同博望一乘槎，藩封况屬鄉園地。海嶽東瞻萬樹霞。

行間寄贈高郎中伯宗出相 親王之國

故人載筆侍藩封，予亦乘輅出漢宮。金闕俱懷仙掌露，蘭臺獨詠大王風。雪花映日開新苑，桂樹經秋戀故叢。海水東流燕西去，臨歧握手恨無窮。

同德藩途中有贈

五五

十六夜中丞朱公侍御劉公招譙演武亭

亭對千佛山

長安道上舊乘驄，節度臺中新畫熊。千里乍逢明月滿一尊，遙對萬山空。冰霜夜駐皇華節，鼓吹晴喧海國風。冠劍勝遊真不偶，五雲回首憶新豐。

同潘民部登千佛山

葱嶺孤懸淨業堂偶來飛舄謁空王雲依古樹
搖晴雪鳥帶殘僧下夕陽烟雨微茫分鵲華湖
山表裏壯金湯投替擬結東林杜綠髮其如盡
省郎

東阿道中望虎窟山

群峰迴合抱孤城虎窟當軒列翠屏嵐氣東來
風颯颯洞門西望晝冥冥黃公一片碑碣石季
子千年挂劒亭我欲振衣凌絕頂先將青鳥報
山靈

登虎窟山絕頂

千盤危磴疊青螺十笏僧房掩薜蘿倚杖高尋
猛虎窟逃禪直抵白雲窩院邊古樹藏幽鳥塔
下寒泉咽碧波最喜東林無酒禁石床留醉聽
哆囉

上元和性之韻

條風昨夜報鶯遷映月華燈萬井然正喜上元
重握手何妨故里四開筵花間有酒回春色醉
裏何人不少年錦瑟青娥喧入座寧須高會擬

金錢

雨中追送高伯宗不及至安平而返愴然
寄懷

惆悵王程春草斑仙舟聞已過安山不辭烟雨
催行騎實為風塵愴別顏杯酒論心真莫逆河
梁攜手竟難攀未知龍劒合并日紫氣常橫斗
柄間

金臺立石紀事

齊桓當日霸諸侯此地仍餘古會丘總謂河山
歸禹貢不妨臺榭紀春秋平原歲久風雲盡老
樹春深洞壑幽往事興衰俱莫問蒼苔濁酒自
悠悠

春日山莊

得歸仍喜故園春日花前倒葛巾自惜年光
催短髮平分春色與東隣轉枝黃鳥爭歌妓拖
雨緋桃似醉人華髮青山莫相笑初衣曾見出
風塵

西園李董二明府見訪

翩翩聯騎下林樊，綠樹新蟬坐小軒。
爭道李邕曾識面，誰云董子不窺園。
池邊弭節看松蓋，花裏停杯卧竹根。
海岳相逢知已在，何妨風雨醉黃昏。

秋夜山庄

弭節田園俗事稀，逢人時著薜蘿衣。
緒風叶律羣芳歇，斜月穿林一徑微。
秋燕思歸仍戀主，涼蟬呼字不停飛。
朝來爽氣清人骨，倚杖高原露未晞。

山庄七夕次韻答舜翁見寄

蔚廟江湖君莫問，且攀松菊閱秋光。
誅茅自喜開三逕，乞巧何勞報七襄。
委巷迴風吹栗棗，平原落日下牛羊。
提壺欲就東隣老，同和豳風七月章。

留別會臺次韻四首

颯颯天風吹使車，故園花鳥對愁予。
閑居正愛青山好，客路偏驚白髮疎。
何許浮雲澹行色，更教明月照離居。
移文應被山靈笑，惆悵東原舊

草廬

憶在金門供奉年，清平新調最堪憐。
生花筆陣驚風雨，中酒床頭對聖賢。
自笑孤吟成白首，曾誇萬選中青錢。
傍人不識東方朔，通籍空勞在日邊。

彩鳳嘶書下紫霄，蒼龍門外別仙寮。
楓宸密勿應相憶，桂樹婆娑未許招。
豈爲尚書催後駕，故耽芳草倦趨朝。
天涯明月應回首，腸斷山中碧玉簫。

臺中分掌萬年符，廣內珍藏五嶽圖。
鳳闕追隨天咫尺，龍池讌對畫傳呼。
匡時有策傳三表，華國何人賦兩都。
駐挽龍泉歌出塞，不知身世是潛夫。

送徐中丞撫巡薊州

中丞使節下漁陽，繡纛寒生斧鉞光。
漢將北門懸鎖鑰，周家南仲守金湯。
天臨雙闕扶丹鳳，人倚長城斷白狼。
莫謂盤根荒服地，匣中龍劍有風霜。

贈倪秘書

倪公七十養天倪海鶴翩翩珠樹栖行處薜蘿
常在眼他家桃李自成蹊高陽酒伴新開社太
乙真人舊杖藜世掌絲綸誰不羨年年行樂在
金閨

闕下贈黎舍人

平明聯珮入黃扉退食分曹出瑣闌瑞雪欲飛
仙苑樹非烟常惹侍臣衣白頭授簡心逾壯金
馬藏身願不違爲憐清平新調曲知君咳唾有

珠璣

早春雪後集戴錦衣宅得辰字

金吾玉署內臺臣白雪狂歌漢苑春夜脫金貂
換美酒朝隨劔履上星辰當筵竹葉苦留客出
檻梅花清可人莫向尊前誇獨醒風塵庭處是
迷津

携酒訪徐子與得寒字

徐幹才名出建安白雲回首舊彈冠交情雙劔
隨星轉世事孤蓬立馬看臺散黃金傷歲暮家

藏白壁照人寒坐中更有馮唐老對酒休歌行
路難

再過子與話舊

五子當年寄法曹翩翩意氣五雲高掉頭往事
看棊局握手重來感髮毛蓮社故人花外散竹
林逋客酒中逃誰教方朔留金馬日日瑤池醉
碧桃

三殿慶成元日早朝志喜

天王新起建章宮北斗初迴殿角東五夜祥光
飛赤電九關春色護丹楓蓬萊乍閃蛟龍入閭
闔高懸日月通不是漢家誇麗壯堯風爲闕四
門聰

早春

今上祈雪瑞應志喜

聖主祈靈轉翠華東皇獻瑞散瓊花池邊帝女
歌黃竹掌上仙人壽紫霞禁苑春回瑤草濕天
門曉掛玉龍斜爲勤民瘼期三白不許鄒枚謾
自誇

魏比部席送子與得逢字

昔我爲雲君作龍西臺風雨日過逢南州高士
推徐穉北海才名負李邕人去黃河分兩岸天
開嵩嶽見雙峰離筵共惜清尊晚潦倒千門長
樂鍾

送寮長王文峰給假還姑蘓

逸少風流出禁闌前門楊柳送將歸山中碧草
仍三逕腰下黃金已十圍豈爲鱸魚懷故國莫
教猿鶴戀音徽同遊漸覺論心少却望行雲賦

式微

上已送子與

大漠風高揚白沙使君千騎出京華聯鑣共貰
新豐酒弭節還尋杜若花正喜蘭亭脩禊事那
堪春水送仙槎臨流更拾王孫草多少遊人盡
憶家

贈郭山人

一別江南桂樹叢冥冥天外見飛鴻遜名却比
山中相閱世真成塞上翁白雪當尊歌古調浮

雲回首嘆東風至今越鳥寒山下日日南枝叫
郭公

初夏項少微宅約遊西山得天字

燕草萋萋帶遠天西山西望鬱蒼然窓中爽氣
千峰入鳥外湖光一鏡懸樂事不妨紅樹晚閒
情爭與白鷗偏何時石上彈碁罷同看晴雲掛
碧泉

送劉念菴憲副赴固原兵備

劉生馬上酌榴花西指蕭關道路賒地近崆峒
雙倚劒人如博望一乘槎回中烽火通秦塞隴
外葡萄入漢家百二提封恩不細好持龍節
鎮胡沙

送王西塘侍御出按晉陽

曾持漢節鎮樓煩西顧重沾聖主恩綵下三
峰辭華嶽還提雙劒掛龍門黃河風起波濤壯
紫塞秋高烟霧屯君到邊關勞借問五原賓從
幾人存

毘盧閣送郭山人

高閣稜層掛夕曛四天風雨淨埃氛閒同僊客
騎黃鶴倒聽鐘聲出白雲五月冰霜回朔塞九
關車馬隔人群他時重倚簷前樹却望青山即
是君

送魏蘭川赴濟南太守兼寄李于鱗學憲
四十專城畫省郎翩翩千騎下東方堪愁握手
稀知已猶喜分符是故鄉海岱風雲收翰墨湖
山表裏壯金湯伏生著作今多少爲訪華陽舊
草堂

夏日集李鏡川西莊

南風吹入小平津十里晴沙錦作茵隨處花爭
三婦艷何妨人醉五陵春提壺好鳥呼留客排
闥青山坐向人不是龍門相接引新豐美酒爲
誰醇

送陳中閣赴新安謫居

昨夜月明彈綠綺分明五月見梅花如何筆父
調琴手轉入吳趨擁帳紗髮水原頭尋古調羅
浮夢裏憶仙家不知鳳闕追隨後還許雙鳬降

綵霞

兩中王海壇張王屋王朶山栗太行蘇鴻
石見過得溪字

南風吹雨薊門西詞客翩翩度馬齊野性倦趨
青瑣闥晚涼堪唱白銅鞮故園蘿薜牽心折小
院葵榴照眼迷身世年來成吏隱相逢爭似浣
花溪

玉河見白燕

昭陽宮裏洗新粧粉黛三千枉斷腸不是樓臺

涼似水誰教毛羽化爲霜河邊度影銀生色花
底啣泥玉有香莫向衆中誇素質蛾眉妬殺雪
衣娘

送栗太行少府赴南陽兼訊守相丘雙橋

年丈

弱冠才名重斗山河東雙鳳迥難攀

令兄晉川公中已死

會側身涕淚風塵外搔首論交天地間醉把虔
刀臨楚鄧行吟秋水出燕關南陽公孝知相問
老我金門供奉班

送姚長山人

三月楊花點白蘋送君南去淚沾巾他時京洛
能相訪何處江湖可問津四海交游成白首十
年歸夢負青春不堪末路逃名客猶是長門賣
賦人

送梁舍人還嶺南得人字

六月南州正苦熱仙舟何事渡歸津况逢四海
論交地堪作長江鼓棹人城上流雲輕帶雨天
涯芳草別成春羅浮到日應回首君是金門侍

從臣

悼亡妻

隴草經秋幾許深胡床獨坐淚沾襟行雲忽破
三更夢明月孤飛千里心往事堪憐如照燭他
生還卜遂同衾西風一夜催頭白腸斷烏啼柏
樹林

新秋釣魚臺燕集兼贈倪若谷秘書得中字

古寺涼蟬嘒晚風釣魚臺近濯龍宮波搖樹色

浮天上山寫秋容入鏡中蓮社舊遊花落盡濠
梁樂事鳥啼空臨流不醉新豐酒哭殺滄浪把
釣翁

送羅近溪赴寧國太守

曾隨臺省玷清班謝朓詩名不易攀郡邑何妨
流水興官衙况在翠屏間窓中列岫啣秋色天
際歸舟動客顏立馬郊南聊騁望片雲飛過敬
亭山

七夕姚秋澗宅小會得時字

七月七日良宴會天上人間惟樂時檻外銀河
水清淺尊中明月光陸離雙飛鳥鵲樓未定一
葉梧桐秋自知涼露滿庭家萬里何人不動女
郎思

劉車駕將赴留都慈善果寺寄此贈別

公幹遙從鄴下過喜逢京洛共鳴珂涼風忽送
燕山雨客思新添楚水波驛路蟬聲催暑盡海
門蜃氣入秋多軒車只在春明外却望禪林隔
絳河

送劉策齋赴南太僕少卿

同遊霄漢恨多違，又見東南孔雀飛。
魏闕鳳雲增悵望，滌陽山水被清輝。
澗邊弭節簫芳草，岩畔尋梅到古扉。
聞道瑯琊多爽氣，烟霞未許戀朝衣。

寄韓鳳橋憲副

並綰銅章出禁城，龍門曾伴魯諸生。
虎符暫下嚴陵瀨，繡笏仍煩楚塞行。
更喜仙郎承漢署，何妨高枕聽江聲。
行年五十懸車者，應媿風塵老宦情。

宦情

送王屯山還遂昌

湖海蒼茫鳥倦飛，天涯遊子送將歸。
誰憐白首羞彈鋏，獨望青山笑拂衣。
曉夢醒回翔鳳闕，秋風吹冷釣魚磯。
遙依南斗看行劔，夜夜龍光撒紫微。

寄壽石鹿乃翁年伯七袞

龍頭學士沐恩暉，鶴髮仙翁慶古稀。
丹陛初頒靈壽杖，金紱曾賜尚方衣。
臺中藻鑑瞻天近

階下蘭蓀帶露晞，莫戀淮南叢桂樹。
海鷗還傍綵鸞飛。

長至夜同寮長顧玄山吳初泉陪祀郊壇

丹霄聯珮御神廳，璧月平臨絳節朝。
紫極光浮鵝鷺動，黃鍾聲借鳳凰調。
陽春子夜回緹室，御氣中天集斗杓。
愧似楊雲叨扈從，甘泉新賦屬仙寮。

送侯望海赴岳陽太守便過里中之作

東方千騎扣巖局，二月仙舟下洞庭。
湓浦烟光開楚甸，巴陵春色醉湘靈。
樓中鈇笛數聲徹，水上君山一髮青。
今古東南張樂地，一麾江漢表儀刑。

東山房詩錄

主一

東山房詩錄

主一

萬壽節途中作

恭逢萬壽祝天齊，五夜如聞絳幘鷄。
佳氣遙通銀漢上，孤雲隔在秣陵西。
龍顏有喜開金鏡，鳳詔何時降紫泥。
却憶舊遊供奉客，宮衣新賜出金閨。

鳳陽遇同謫六安姚內翰禹門

漢宮題柱舊知名，晚逐廬江小吏行。
天上賜緋成阻絕，床頭看劍負生平。
當年尚惜沉金馬，此地不堪望玉京。
身世已隨淮橘變，臨歧握手淚沾纓。

九日登中都東樓作

豐鎬千年肇帝都，中天樓閣五雲扶。
山靈駕鳳朝金闕，海若鞭龍入板圖。
東望瑤壇掛珠斗，南來紫氣抱蒼梧。
憑高此日悲搖落，曾是中朝漢大夫。

塗山謁禹廟

塗山高駕長淮水，千古猶傳禹會村。
落日停車尋故穴，秋風倚杖立高原。
殿前銀杏撻牛歲，洞口烟蘿裹一門。
石髓山毛如可薦，褰裳欲採芳蓀。

元日感述

年年上日殿中班，手捧金符鳴珮環。
玉篆祥煙籠鳳輦，蟠桃春色醉龍顏。
天厨寶醢凌寒賜，御府香羅帶雪頒。
誰念東南留滯客，五雲回首淚斑斑。

潏潏

舟中憶故園二首

不向長安鳴玉珂，却來海上弄風波。
誰家別院愁花鳥，到處青山長薜蘿。
雞肋浮名醒後澹，龍池春色夢中多。
紅塵白髮催遲暮，高鳥翩翩奈爾何。

憶在西園樂事多，紫藤軒下瘦筇歌。
輕香春酒青絲繫，妖嬈胡姬細馬馱。
楊柳隨風牽翠袖，薔薇滴露濕纖羅。
江南庾信傷頭白，腸斷山中老芰荷。

芰荷

蒙城縣衙題壁

蒙城即古漆園

春到官衙鳥雀喧，幾株花樹倚東垣。
亦知傲吏非凡吏，猶喜山園是漆園。
別墅浪傳蝴蝶巷，後庭新起大鵬軒。
狂來拋却南華卷，桃李相看竟不言。

觀音閣留別露潭

隋堤楊柳澹生烟，遷客相逢話別筵。
萬事總如波上鳥，一杯聊作酒中仙。
諸天鐃鼓聲相倚，遠

水樓臺影倒懸莫恠憑軒重惆悵與君曾是漢庭賢

夜宿盱眙公署

山上孤城掩萬松山下長淮走白龍驛路間關斷行客石田狼籍罷春農大風吹出海底月古寺飛來夜半鐘拔劍攬衣四顧望掌中千朵青芙蓉

贈孫對溪使君

勇史魚書表異能循良還喜報中丞臺端握虎推孫楚門下登龍魏李膺地近黃河思比潤山連塗國望弥增中都不久留旌節天子常懷漢股肱

看花臺

在汝南王張柔故宅內

浮雲深鎖故侯家勝國樓臺返照斜閑過烏衣尋里巷到來金谷少繁華種桃疑入玄都觀行藥欣逢杜曲花芳草不知避子意相將秋色遍天涯

秋風臺上

漢武橫汾久陸沉昔人復此籍登臨當時歌舞行雲散此日臺亭宿草深一曲秋風吹過鴈孤城斜日度鳴砧不堪白首逢搖落愁絕黃金壯士心

遣興二首

年過五十愧行藏拔劍起舞何慨慷青鏡不禁愁白髮黃金那惜買紅粧歸哉田園但草莽久矣世事如戲場今日不樂歲云暮俟河之清未可量

東岱山房詩集

卷一

一從嚴譴別長安閱盡人間行路難多病自宜投劾去有冠羞欲向誰彈江鴻出塞霜威早胡馬嘶風秋色寒為報故園三徑菊落英歸日幻加餐

中秋夜兩宿雙澗作

風雨蕭蕭滿水頭問知今日是中秋荒村古渡淹行騎落木清砧送遠愁塞鴈飛來寒色早山鴉歸盡暝烟收何人碧海青天上別咏清光泛斗牛

東岱山房詩目錄

五言絕句

田中雜歌八首

陶丘寺

楊柳青

舟中夜行

過許伯玉庄

觀獵

醉中偶成

村曉

苦雨戲成

樓下作

春雷

貧婦詞

中秋有懷

夜雪

仲秋咏月十首

靈巖山中禱詠十首

贈春澤上人

秋夜

送熊劉二子南還

立秋

秋夜

秋閨十咏

惜花

艷曲四首

江南雜歌二首

望鄉書不至

夜坐

峽江道中

秋夜飲張東浦宅得家書

蕭灘阻風

酒

泗溪雪夜

歲暮

雨夜

雞足寺二首

山房即事二首

望鄉使

花下曉行

得書知鄉園大水

夜宿栖梧山中

玉礪口望玉笥山

彈子嶺

望山亭

寒夜期張內翰不至

郊行懷古三首

四宜園夜集

西園晚坐

圓覺寺晚坐

夜雪

雪夜友人見過

賦得江上聽琵琶

咏署中紫薇

題畫

省中即事

獨坐

署中紅蓼

城下四首

署中襟興

閨情

野行

李舍人宅賞牡丹同謝張二寮長作二首

偶成

張中舍宅咏桃中芍藥

閨怨

紡績曲二首

江縣即事

江雨

聞蟬

望景州作

寺夜

賦得浣沙女

雨

即事

溪行雜咏二首

梅塘八景

六言

春興二首

寺夜獨坐

秋興二首

十四日對月

春日登樓作

七言絕句

泰山雜咏十首

上陵曲六首

郊行即事

小遊仙

艷歌行

度黃河

懷張西吳翰史

石浪

雨中水亭夜坐

無題

同韓沈二明府登宜春臺作

出塞曲四首

贈別袁秋曹

望雪峰作

章江泛月

江上曉行

夜宿羅溪

早春江上有懷

夜漁

月夜泊章江洲上示彈琴者

劔江

青樓曲

夜歸二首

廬溝

寒夜旅懷

由商丘入永城途中作

春閨別意

中酒西園即事二首

懷謝山人

觀獵

真定登大佛閣望滹沱河

春夜飲李參軍紫藤花

銅雀妓

聞鴈

聞捷八首

寒食雪送高伯宗上陵

成山伯宅月下送于韶赴杭州

擬古宮詞四首

燕京四時歌

俠客行

開元遺事二首

即事

絡緯曲

長安道

七夕戲成

玉堤春望

涵碧亭

雨中戲柬徐啓東 熱

寄李于麟 寄懷汪正叔憲副四首

再過玉堤 小齋石榴花下作二首

金鳳花 閒居簡高比部

久客 早寒

秋日即事 夜雪言懷

春日戲柬省中諸寮長

惜春 邯鄲道中

送袁郎中謫沔陽守

期遊月潭和尚山庄不果

送吳明卿赴歸德少府

馬周墓 小亭即事

郊餞子川雨中即席賦

九日涿鹿道中

舟中見杏花 正心樓賞梅

子冲東園即事

岱山房詩錄

五言絕句

田中雜歌八首

乘春擷芳杜倚杖步郊園不在城市裏遙聞城

市喧

在城日晏眠在鄉日起早登隴望晴旭團團上

林杪

濁酒荒村裏匡牀明月邊坐深群動息高林響

一蟬

田園新雨足乍晴禾稼肥晨起野行邁不覺露

沾衣

海月皓團團草虫鳴唧唧桔槔灌園蔬秋風落

山幘

秋風吹茅屋返照掛林木開蓬掃落葉登隴喚

黃犢

穩歲桑榆晚連村雞犬肥壤歌人既醉社鼓賽

初歸

蓬門積雪深江北見梅少白眼望隴頭春不

可曉

陶丘寺

老僧具袈裟邀我到山家一逕通芳草雙林吐
覺花

舟中夜行

百丈牽鄉思行行復去去月落且停橈前灘有
深處

過許伯玉庄

官柳暗鳴蟬烟村暮景懸來尋許玄度留醉李

青蓮

觀獵

蒼鷹脫臂鞬雙眸倏一顧草際片雲飛團團掌
中兔

醉中偶成

小院草盈尺清砧月一鉤酒酣眠露下河漢向
人流

村曉

詹雀競疎枝晨雞下高樹山人正晏眠紅日滿

窓戶

苦雨戲成

平生不治田治田成河渠雖則益無粟焉知食
無魚

樓下作

西顧臨玉河東偏即廣陌樓上管絃聲不是他
鄉客

春雷

春雷發東隅夜半驚春睡曉起步東園花樹開

全未

貧婦詞

日日製弓鞋年年常赤脚由來大家女能着不
能作

中秋有懷

明月出東方懷人在東壁不知中秋夜清光共
誰拾

夜雪

寒夜大風起不知天欲雪開門望中庭滿地如

明月

仲秋詠月十首

憶昨雙星會嫦娥有所思爾來忽一月猶自覺

蛾眉 初七

初月似弓彎今宵弓上弦彎弓多返射玉兔莫

嬋娟 初八

西壁月漸上東籬花欲香若非逢歲閨此夕是

重陽 初九

三五明月滿二五蟾兔缺人道總好謙愛此半

輪月 初十

中旬初看月月似鎌刀偏落日掛西壁清光已

半天 十一

歲止十二月日止十二時如何十二夜不是月

圓期 十二

月中丹桂樹一日開一枝十枝開已遍好是賞

花時 十三

二七秋容好清光最可看若教待明夜誰不愛

團圓 十四

素質雖金虎青天飛玉蟾高臺初拭鏡永夜坐
鈎簾 十五

十六月生魄微茫減一分世人競明顯韶晦不

如君 十六

靈巖山中襍詠十首

山腰洞一孔傳是大佛劈始知明孔山乃是了

心石 明孔山

山頭朗公石如人山上居誰知如人處即此是

真如 朗公石

殿頭生五花結果大於栗摘果涅槃盤中甜如波

羅密 五華殿

誌公卓錫處甘泉忽湧出時看洗鉢龍常御風

雨至 誌公池

金田鍾石流雙鶴浴其上鶴去已千年蓮開忽

十丈 浴鶴軒

波舟何汎汎苦海何漫漫何處問慈航同上無

生岸 波舟殿

天竺有金人身着鐵衣鉢輕若六銖飛紫光手

可掬 鐵漿漿

湛湛勝水池分明似法鏡多少模糊人來此濯

真性 勝水池

虎飲山上池虎卧山中嵎寄語山下人休來料

虎鬚 飲虎泉

晚坐罨羅樹道心澹且澄時有沙彌者來然無

盡燈 絕境亭

贈春澤上人

春澤何漣漪青蓮開滿溪禪心凝水月道岸發

菩提

秋夜

秋月白於晝客心不可裁暝烟鴉帶盡寒色鴈

催來

送熊劉二子南還

千里返柴荆殘年值水雪相看空復情對酒不

能別

蘇公園賞牡丹

花發平章宅時當被袂辰檻前能載酒葉裏莫

藏春

立秋

昨夜秋風至新涼卧中怯空齋聞雨聲悽斷芭

蕉葉

秋夜

孤客逢秋夕空齋復燈滅攬衣起深坐寒杵敲

明月

秋閨十咏

曰歸曷不歸值此風雨夕搔首立中庭芳草忽

如積

雨

開簾見月明昨圓今復缺休照流黃裙上有同

心結

月

燃燈坐黃昏看朱轉成碧美人靜不來空花竟

何益

燈

昔爲合歡被今成續命絲試開翡翠帳驗取淚

如滋

余

一展青銅鏡榮華非昔春照見可憐影飲恨薄

情人

鏡

昏鐘坐來歇曉鐘坐來起多少相思意只在鐘聲裏

鍾

清韻出紅樓香風生玉腕殷勤問夢砧一去何時返

砧

把酒對花枝情人不在茲欲圖今夕醉其奈酒醒時

酒

昨夜夢懽來繫馬簷前柱倒蒙起自迎南風在庭樹

夢

客從遠方來曾見阿歡未肥雕近若何同誰共嬉戲

信

惜花

朝看花正開暮看花半落寄語看花人莫待狂風作

艷曲四首

主人且進酒儂歌小垂手春色落清尊鶯聲度

高柳

將花插髻左花枝還愧我將花插髻右花枝爲誰瘦

花明翡翠樓春入芙蓉帳夜半碧雲樓朝來莫輕放

剪刀斷青髮髮短情何長含啼照孤影雲落鏡臺荒

江南雜歌二首

細雨隔江村薄暮期前路倏忽山水來天明不得度

江船駛於馬來往忽相值問是故鄉人不及儂家事

望鄉書不至

萬里馳鄉使還期當在茲經秋書未返一夜髮成絲

夜坐

寒蟬鳴露葉流螢乍明滅萬里宦遊人坐對江城月

峽江道中

亂山逼四塞轉見一平川落日無人跡虫聲在水田

秋夜飲張東浦宅得家書

海月逢秋望江城霽雨初一尊官舍酒萬里故鄉書

蕭灘阻風

烈風號江口扁舟夜不發嚴城鬱寂寥靡靡見新月

酒

還依魯酒法釀作江南粕醉夢魯門近醒是江南客

泗溪雪夜

雪霽風瀟瀟月明夜寂寥寒鴉栖不定啼過泗溪橋

歲暮

秒歲百感集遙天孤夢生春歸風雨夕人卧楚江城

雨夜

春城夜雨多孤客聽如何心共哀江水今添一大波

雞足寺二首

古寺深山裏不知何代建傍有一孤松欹枝巢水鶴

我來雞足寺坐對楚蒙山流雲帶殘雨涼意滿禪關

山房即事二首

吏事日羈束不知春去促緩帶步西除滿溪抽嫩竹

恠爾芭蕉葉不及忘憂草泠泠夜雨聲裳衣坐顛倒

望鄉使

夜夜夢鄉山朝朝望來使江湖萬里深孤客應難至

花下曉行

夜醉山中月曉行花下風淡烟疎翠條細雨間秋蟲

得書知鄉園大水

山東聞水潦江上報鄉書桑田已成海故舊恐

爲魚

夜宿栖梧山中

桂陰新月細竹逕曉風輕坐倚巖扉下花潭露氣清

玉礪口望玉笥山

停車玉礪口遙望九仙臺水闊金川繞天清玉笥開

彈子嶺

夜度彈子嶺彈子彈馬蹄寄言馬上郎緩步陟

山蹊

望山亭

樹杪出遠山望山情不極落日下睢陽小亭人獨立

寒夜期張內翰不至

天上月如霜地上霜如月將子負杯酒寒爐坐銷歇

郊行懷古三首

立馬杏花岡遙望廣陽里春水浩茫茫帝丘何

處是

昔聞城濮戰今來問老衲千秋霸業荒荆榛上佛塔

宋代無陵墓張公有舊址落日照平蕪一片石

獅子是張氏崖故宅地名獅子衙

四宜園夜集

花驕羅綺春酒泛沙塘味初月掛西山倚欄人獨醉

四園晚坐

歲暮天易昏寒鴉集林木空齋坐寂寥涼風動

疎竹

圓覺寺晚坐

片片歸林鳥微微出寺鐘僧門掩秋色明月在高松

夜雪

今夜天無風雪片忽盈尺明年田舍翁多收數斛麥

雪夜友人見過

草堂新酒熟玉樹後庭開夜雪天風裏遲君騎馬來

賦得江上聽琵琶

誰彈出塞聲吹入船牕裏明月照江波哀怨寫流水

咏署中紫微

芳樹有佳色歲稔粉署中含香多露浥不是泣秋風

晚出省中

東山先生詩集

十四

西山搖積雪落日引雙鳥官舍晚鐘疎白雲淡如掃

題畫

我愛鷗夷子掛帆湖上飛偃仰深山裏日暮牛羊歸

省中即事

隱几聽殘雨開簾報夕暉啣泥雙燕子故傍吏人飛

獨坐

雨後水蟲響城柝時聞發四壁悄無人高樓一片月

署中紅蓼

汝本江湖種來倚白雲扉風波都不問隨意弄芳菲

城下四首

城下復如何堦前百雉羅仰面青山近低頭芳草多

朝行長安道暮行長安道紅塵奔朱顏那能不

東山先生詩集

十五

速老

驚散鵲南飛打起烏啼樹既不令人喜亦不令人惡

晨起理巾櫛眼眇不能覩策馬候門徒冠蓋集如雨

署中襟興

秋天淨於洗千山收雨足微雲點青黛落日橫蒼玉

閨情

月宇開天鏡高樓試晚粧秋風吹桂樹雙燕語雕梁

野行

貪看芳草色不覺白日晚借問路傍兒去城知近遠

李舍人宅賞牡丹二首

甲第開金谷名園勝洛陽不知春富貴誰信是花王

地即平章里花分上苑春沉香亭北望妬殺漢

宮人

偶成

縱鱗集上水健翮選高林陸沉金馬客日暮白頭吟

張中舍宅咏瓶中芍藥

紅藥有佳色歲粧殿衆芳摘來青玉案醉殺紫薇堂

閨怨

一自阿歡去不復理珠綴開奩曉自看顆顆相

思淚

結束羅裳衣深閨拜新月新月有圓時阿歡浩長別

紡績曲二首

紡績復紡績績成儂自織豈無衿上衣懿此手中得

絡緯啼歲暮鳴機坐夕暉阿歡切莫近膏沐日來稀

江縣即事

江城春到晚官廨午初開樹杪聞鶯至山家縛虎來

江雨

西山帶雨痕南浦生秋草烟中樹若齊波上舟如鳥

聞蟬

市遠人烟寂蹊迴水竹幽藜床松樹下一枕暮蟬秋

望景州作

仲冬日微和雪融道路滑斷柳出孤城遙遙見

古塔

寺夜

寒夜月如旦明河水欲波僧廊鐘磬發跏坐聽
哆囉

賦得浣沙女

初月半江斜渡頭夜浣沙解衣照秋水妬殺芙
蓉花

雨

三秋已強半苦熱殊未了劃然一雨來却怪涼

風早

即事

何處可銷憂長安高酒樓樓前雙柳樹好繫紫

驊騮

溪行雜咏二首

出郭期無事看花轉不閑夕陽低衆壑水底見

青山

近溪過前溪前溪深幾許白鷺驚人飛綠樹亂

蟬語

古意

君作千里足誰爲下澤駒神龍薄霄漢不共爾
馳驅

晨起口號

平旦秋氣生坐卧那能定膏肓據竹床點檢夜
來夢

閨情

玉匣開金鏡殘粧坐掩扉高樓秋氣重人自月

中歸

京邸偶成

稚子來尋客早歸入門呼解帶秋色染
苔衣

池州道中二首

萬家烟樹裏遙遙見城郭獨有山中人長鏡採
靈藥

盡盡九華峰迢迢百里外新晴落照間四壁流
青黛

送蘓子冲下第南歸

青雲望六極匹馬向南州多少看花淚年年灑御溝

寄題姚鴻臚市隱園十八首

林林蒼王滿一逕拂青苔時有好事者聞所聞而來
玉林

盈盈溪上泉清清甘若醴何如陸處士徒羨中冷水
茶泉

中林在何許宛在金陵城金陵佳麗郡此地最

淒清
中林堂

虛室澹若空容焉坐隱几何許扣真玄默默寸

心是
思玄室

菜根苦不厭春畦雨更清平生解忘味但聽簫

簫聲
春雨畦

達生開妙境此中足大觀百年爭一瞬營營徒

自殘
觀生處

落日興不淺容與登茲臺飛鳥望中沒清風時

一來
容與臺

登君池上樓遙見海中月池水浩常盈蟾兔有

時缺
海月樓

高閣枕清溪群鷺泛綠水閣影落虛空人在黃

庭裏
戴羣閣

樂執波上鷗悠悠復悠悠塵襟如可滌吾與爾

同遊
鷗波

釣磯本為魚因之一洗硯淋漓翰墨香遊魚莫

驚散
洗硯磯

柳浪晝陰陰柳堤黃鳥吟小舟撐不去長條繫

人心
柳浪堤

鴻鴈落秋聲梧桐弄秋影小亭坐明月永夜衣

裳冷
秋影亭

僊槁望若浮澗水哀鳴王吹斷洞簫聲玉人何

處宿
浮玉槁

燦燦芙蓉館中林最深處寄語採花人何用涉

江去
芙蓉館

徘徊小亭間一步一回顧有時清喚聲驚起沙

邊鷺
鶴逕

坐止中林樹行止清溪水綿蠻聽鳥聲於止知所止

莘止居

遙聞秣陵園夢寐抱遐想不是薜蘿人何由得偃仰

借眠卷

瑤石山房雜咏四首

君家牛首隔造自包犧年炷以沉水香飄飄生

紫烟

牛首雨

頑如一片鉄磨成百煉鋼朝朝弄文墨篤實生

輝光

鉄硯

短檠鑄鴈足篝燈對索居願君廣末照下有故人書

馬光燈

故人有好懷贈爾王華石不爲價連城所貴在

堅白

王華石

臺中夜直即事

御柳烟中色寒流水下聲天橋一以望璧月掛

金莖

題陳子野画竹

陳生思不羈畫竹寫新詩醉拂琅玕樹蕭湘第

幾枝

會臺即景十五首

板扉畫不開林風起簷榭委巷不容車山僧自

來去

白板扉

郢侯不可見此地若爲家讀書臺下草春到自開花

讀書臺

我愛青蓮子開池蘭若邊所期心不染何用藕如船

青蓮池

龜頭一片石言是玄武厓手中無斧柯誰爲剪

東山書齋錄

蒿萊

玄武厓

當年會盟地牛飲三千人洵洵泉下水曾爲洗

朱輪

會泉

王侯無處所亭榭自然開誰爲後來者胥此千

古懷

懷古亭

曲嶺抱仙源翬如翔鳳起上有梧桐樹枝葉自

連理

翔鳳嶺

柿林密於蓋秋至如繡頰貧家老鄭虔題遍蕭

蕭索

柿林

鶴鳴山更幽鶴舞山生色感君意飛動飄然生

六翮游鶯亭

沿岡紅杏花燦如一片錦攀條寄所思同來花

下飲杏岡

年年種桃子歲歲開桃花雖非武陵源時見赤

城霞桃花壠

昊天降豐澤四野秀嘉穀高原一望歡聲動

林麓豐澤軒

自卉挺歲稔亭臺交雜樹羅幃掩柴扉光風不

出戶歲稔館

帝丘空白雲姚墟亦茂草澹然坐古亭一咲泰

山小澹然亭

會丘古塔院新開淨業龕蒲團供坐卧花下讀

楞嚴淨業堂

慶豐莊小景十六首

薔薇上叢棘連綿燦如綺下有落花津春來泛

流水薔薇垣

西堰開柳塘水落柳浪淺飛絮化為萍泛泛水

中轉柳塘

葡萄覆東井葉葉垂玄珠一飲清泉流沆蘆漿

不如葡萄泉

我愛冬青樹衍蔓抽長條翩翩匝地垂所貴寒

不凋冬青懷

種檜結為屏四圍翠如幙歲久樹葉繁高枝不

受縛檜屏

徙倚觀魚梁榰榰度芳渚風吹萍葉亂轉盼不

知所觀魚梁

清流寫碧池亂我鏡中色頃更水波定依然淨

如拭寫碧池

編槿作疎籬朝華夕復落所以歲寒人曳勉樹

松栢槿籬

湛湛環池水能消五內熱默默覺清涼難為他

人說洗心亭

紫藤施滿架偃仰羅星辰披衣坐終日莫是蒼

天民葛天

崑崙有玄鳳翱翔千仞上飛飛時下來高林自

偃仰

樓鳳軒

我有數竿竹箇箇如青龍裁為鍾龍杖他日扶

龍鍾

鍾龍軒

羲皇去我久夢中忽來格贈我一編書玩是先

天畫

夢羲軒

朝起冷明霞面帶煙霞色便欲凌高空嚼盡玄

圃側

食霞館

柔翰憶當年禿翁成濡跡寄語中山君風芒良

可惜

筆林

文房重玄友臨池結新社晨起開素編煙雲飛

滿舍

墨府

以酒贈同謫姚李二翰林

我有一尊酒能回寒谷春相期飲醇者莫作獨

醒人

舟中夜雨

帝京不可留故國渺何許留滯石尤風寂寞沙

洲雨

天津舟中作

路水日南下漕河却北流一般都到海風便即

仙舟

寄內

酒熟新涼入篝燈樂事多如何美清夜獨向客

中過

潁川喜晴

潁川曉乍晴一望秋天闊微風颺酒旗牛羊出

村落

客夜二首

黃昏月一丈天明雪半尺行人正望晴旭日忽

生白

空床生妻清佳人渺何許不省是他鄉依依夢

中語

不雪

鏡中雪滿頭地下無一片地下催不來頭上吹

不散

寒夜

寒月皎如日夜鳥棲不定流影落空堦風搖樹

枝動

覽鏡

一種髮邊愁化爲鏡中雪初見令心寒轉盼令心熱

新春寄書

試筆寫春愁因風托問訊素緘如許長羈心無一寸

青樓曲二首

盡日掩青樓東風似相識誰云不世情偏粧桃

李色

花鳥本無情偶與春風過去年雙燕子銜泥向誰處

遣懷

老至不知歸愁多強自揮汀蒲多釣伴閒殺舊漁磯

偶作

昨日西陵松今日東家柱所以上古人不封亦不樹

六言

春興二首

春日開林獨坐紛紛清臭飛來倚杖徘徊散步後簷一樹花開

曉起牡丹北向知是東南夜風已過被除天氣峭寒猶駐花叢

寺夜獨坐

月照空門樓閣風搖塔院鈴鐺歲暮黃昏獨坐天涯白髮愁腸

秋興二首

落葉滿庭不掃寒花三逕爭然樹下蟻迷歸路草中蟲訴殘年

苔衣上砌多碧柿葉隔林半紅霜後一行鳴鴈雨餘萬里飛蓬

十四日對月

分明已見丹桂彷彿欲辦青鸞只爭一分不滿誰作中秋月看

春日登樓作

長堤芳草初青古廟垂楊幾樹登樓不見山村
知在杏花深處

舟中見杏花

二月春寒猶峭長淮兩岸風沙獨樹輕紅數點
只疑臘月梅花

正心樓賞梅

今歲梅花太晚開時携酒登樓莫怪三春過半
且攀一醉銷愁絃上空傳白雪夢中如見羅浮
歸興濃於詩興宣州疑是揚州

子冲東園即事

繫馬東門高柳槐林恰值尋春只隔武陵一水
晚霞深處留人

扶風豪士歌

丈夫所重義氣蜻蚨有聚有散得錢不會作人
何用腰纏萬貫

遊春曲四首

偶過小亭閒步樹頭好鳥啼紅何用驚飛別去
與君同坐春風

曉起科頭花下行行轉覺衣單不是梨花似雪
誰教三月春寒

桃葉渡頭結伴杏花村裏行沽探取一年春色
任他三逕荒蕪

花下何人載酒林端有鳥提壺醉倚東風散步
不須藜杖相扶

醉書

涼飈入戶穿裳明月照人滿床只用臂膊幾醉
傲盡多少風霜

夏日閒居四首

眠處花陰正午夢迴已過牆東盡日柴門不鎖
榻來惟有清風

無數榴花映日南風拂樹翩躚影落池塘水面
翻疑根上青天

池邊荷葉田田下有金鱗隊隊不爭花色堪憐
留取江湖風致

甲子從前又數白頭老景逡巡屈指舊遊朋輩
半是黃泉下人

東岱山房詩錄

七言絕句

泰山雜咏十首

石平御道躡青鞋雙石東傾夾兩厓更跨飛龍
憑日觀始知身世出塵羅

五松參錯結雲根猶記秦官古樹存麈尾風高
搖玉帳龍鱗日煖掛天門

百丈虹橋石磴斜高蟠龍口噴金沙洞中忽遇
長髯老問道荆山是舊家

東岱山房詩錄卷一

三

東皇當日降天孫隨裝先贈洗頭盆至今玉女
池邊水散入銀河汪海門

肩輿百轉白雲巔閭闔開卷玉烟汝到人間
作霖雨不許空歸入洞天

赤幢碧落畫霏微玉簡金泥存者稀山鬼恍來
雲漠漠禪堂空在草菲菲

古碑無字畫苔紋世代微茫竟不分恐有洞章
人不識排雲一扣玉宸君

白壁黃琮封禪開七十二君相繼來不識地靈

不愛齊巖山空向此中迴

武皇當日轉旂常兩兩仙童捧玉漿洞天駐蹕
三千里神策探年八十強

天人昨夜降烟霞手把瓊枝散五花來持紫鳳
仙人杖一訪青蓮大士家

上陵曲六首

九龍池水玉泉山繚繞神宮紫翠環雲馱玉殿
青天上天錯金燈北斗間

地轉天行繞翠旂轅門醺醺犒邊師居庸關外

東岱山房詩錄卷一

三

黃雲合天壽山中白露滋

成祖開山控北胡宣宗駐蹕鑒皇圖曾孫有
道修殿祀仙馭分明降鼎湖

傳呼千騎羽林飛萬姓園橋拜衣丹霞映日
龍仙蹕羽蓋團雲捧御闌

沙河一望水潺湲百疊陰山霄漢間傳語單于
莫近塞太平天子自臨關

貂榆金麟侍中官天子臨關賜寶鞭玉靶雕
弓白羽箭雙鵬忽落翠華前

郊行即事

城南黃葉逐人飛，城上寒鴉噪晚饑。
老樹荒村停落照，遙遙山寺一僧歸。

送劉搏夫之京

臘酒初香臘日寒，送君雪夜別情酸。
白首成均名未就，十年踪跡遍長安。

小遊仙

曾伴仙人萼綠華，隨風飛入上清家。
別來欲寄金芳草，海上青鸞隔綵霞。

艷歌行

博山鑪裏蕝沉香，斗帳流蘇五鳳凰。
玳瑁筵前人似玉，水晶簾外月如霜。

度黃河

萬里江關攢纒過，戴星三月度黃河。
桃花春水平如掌，夾岸東風楊柳多。

懷張西吳翰史

春水茫茫春草萋，潯陽南下是羅溪。
欲寄雙魚潮不到，憑將遙夢過江西。

石浪

昨日江心石浪飛，今朝石浪見全稀。
青原一夜楊梅雨，多少漁人失釣磯。

雨中水亭夜坐

夜雨絲絲坐水亭，繁星瀝瀝水邊明。
不知萍裏藏螢火，自起憑欄望斗衡。

同韓沈二明府登宜春臺作

殊方杯酒盡交歡，吳楚青徐萬里看。
滿地關山都四塞，不知何路到長安。

無題

桂楫開舟下劒西，夫君今夜宿羅溪。
寒天晦夕江流急，解纜應須到曙雞。

出塞曲四首

聞道榆關胡騎多，雙旌出塞擁雕戈。
錦袍玉帶新承寵，破虜將軍馬伏波。

龍沙堆裏塞雲平，燕領麾前漢月明。
將出三門憑遜甲，營連八陣列長城。

捷纓繡結水犀文，赫轡雕螭馬雲勻。
奴不更

詞名姓知是嫖姚霍冠軍

白登城下草蕭蕭爭說今秋太白高十年未掛
封侯印夜夜雲中立寶刀

贈別袁秋曹

錦帆東指豫章城祖帳關門津吏迎滿坐華燈
春夜譙一江流水故人情

望雪峰作

昨日千山紫翠重今來萬朵玉芙蓉天涯留滯
周南客獨倚江樓望雪峰

章江泛月

月出大江春浩浩星臨平野樹蒼蒼寒潭夜掛
青山色南浦天開一鏡光

江上曉行

早春巖壑曉氣氤風起泉聲遠近聞海日漸高
江岸闊千家籬落曙光分

夜宿羅溪

亭郵燈火照江沙江水東流海月斜越鳥南枝
休占盡夜深還有後棲鴉

早春江上有懷

新正蕭鼓沸江濱雪霽千山流白雲借問江城
春幾許梅花落盡不逢君

月夜泊章江洲上示彈琴者

蓼花灘上月明過帝子洲中芳草多夜半扁舟
渡江水抱琴來寫扣舷歌

夜漁

長江日落估船稀風起蒹葭橫浪飛獨箇漁舟
載明月驪龍領下探珠歸

劔江

風濤六月劔江寒葭蕀依稀浦樹殘楊子爭如
虎口渡瞿塘不及象牙灘

青樓曲

羅敷十五嫁名都夫婿貂蟬上大夫賓從三千
盡珠履殿前新賜宅家奴

夜歸二首

燕山一夜雨雪飛長安道上行人稀聞雞跨馬
爾何事滿面風霜夜未歸

一聲殘角起紅塵白馬青袍來去頻日暮九關金鎖合暝煙和月送歸人

盧溝

燕京三月尚貂裘使者輜軒去不留漠漠黃沙飛朔塞濺濺春水咽盧溝

寒夜旅懷

霜雪滿天烏亂飛攬衣起坐曙光微寒更暗逼星河轉歲暮天涯音信稀

由商丘入永城途中作

三月輕風麥浪生黃河岸上晚波平村原處處垂楊柳一路青青到永城

中酒西園即事二首

尋花連日醉柴車病酒床頭困撥書忽聽竹間鶯鳥語隣僧具茗到階除
木槿成陰芍藥花園葵初穗竹交加隔隣黃鳥啼不歇誰鎖春風在那家

春閨別意

良人春去妾春閨得意春風散馬蹄長安大道

直如髮你過他家桃李蹊

懷謝山人

論交四海托心期擊筑狂歌老不衰記得西山登眺日來青軒畔共題詩

觀獵

霜蹄蹀躞遶東陵獵獵寒風河欲水平原淺草多藏兔木落天空好放鷹

真定登大佛閣望渾沱河

恒山山下是恒河飛觀嶙峋駕碧波塔院長風來朔漠關門寒色下渾沱

銅雀妓

西陵松柏盡為薪沙塵澹河不記春臺上白頭歌舞妓又傳新譜晉宮人

春夜宿紫藤軒下

緇衣堂畔徑西斜畫閣春藏小洞霞舞罷羅衣香不散隨風吹入紫藤花

聞鴈

雲中秋鴈羽絳絳楚水吳山思不堪隨處稻梁

堪覓取于今不是舊江南

聞捷八首

吳越風塵久繹騷
雪山新濯海門濤
捷書飛度金堂月
天上傳呼賜錦袍

東南海水靜風波
聖主臨軒聽凱歌
天策將軍還太乙
建牙吹角擁雕戈

趨趨萬騎綠沉槍
帝遣天兵下鬼方
夜半三軍度江水
雲中一箭射天狼

昨看麋鹿上姑蘇
月落寒山驚夜烏
今日綺羅

千戶出關間
城下唱吳趨

武林甲士撤兵符
碧水丹山舊畫圖
一夜秋風吹浪淨
家家明月醉西湖

碧海青天氛祲開
越王臺上勒銘回
長江一望平如掌
翡翠明珠萬里來

受賜轅門寵節旄
長鯨帶血捲秋濤
還家義士金貂重
破虜將軍甲第高

勲業休歸馬伏波
漢家銅柱舊山河
江東子弟今無幾
歌舞聲中掩淚多

寒食雪送高伯宗上陵

寒食燕山雪滿空
侯門蠟燭夜堂紅
獨有五陵供奉客
平明跨馬出新豐

成山伯宅月下送于韶赴杭州

把酒青天送落霞
攀君夜醉五侯家
但將明月遙相照
未必吳山是海涯

擬古宮詞四首

霓裳霧縠下瑤壇
弄玉乘風駕彩鸞
更欲吹簫度明月
廣寒宮裏不勝寒

長信宮中楊柳枝
三月飛花東復西
春風只遣隨流水
莫入昭陽作燕泥

玳瑁琵琶綴玉環
為囊盛裏綳繡雙鸞
自從學得朝元曲
不對君王不敢彈

記得彈箏年十四
一絃一柱映芳年
如今却恨良工拙
錦瑟誰添五十絃

燕京四時歌

春風一夜百花香
趙女燕姬紅粉粧
三千珠履空回首
十二青樓總斷腸

荷風輕拂水晶盤
水骨銀鱗明月圓
堦下笙歌如鼎沸
滿堂紅袖不勝寒

八月新涼入絳紗
燕山桂樹爛生花
高樓處處秋光滿
明月隨風落萬家

流蘇半帳鵲鷄裘
醉擁如花坐小樓
夕陽山外看晴雪
萬朵芙蓉繞檻流

俠客行

沙苑城邊打獵還
新豐市上抱花眠
都門劫得黃金塊
投向胡姬作錦纏

開元遺事二首

楊家姊妹李家親
珠履三千捧貴人
呵斷曲江江上路
桃花飛騎不沾塵

辛蜀還京恨未醒
路人猶唱雨淋鈴
芙蓉闕下簪纓滿
誰向池頭問海青

即事

黃金爲埒玉爲樓
積水移山島嶼浮
蝴蝶不知元是夢
幾家壁上畫莊周

絡緯曲

堦前絡緯啼秋月
美人夜坐流黃機
織手理絲絲不斷
燈下雙蛾撥刺飛

長安道

長安道上落日斜
立馬停車轉自嗟
相如已老狗監死
空將白璧謁誰家

七夕戲成

曾看織女橋邊渡
壯士于今已白頭
却怪西風少公道
不將秋色老牽牛

玉堤春望

晴雲暖日帝城闌
立馬天橋垂柳津
風斷蛟冰聲汨汨
御溝流出漢宮春

涵碧亭

涵碧亭臺敞夕暉
渚花汀草靜相依
青鸞自是仙家鳥
只在瑤池水上飛

雨中戲柬徐啓東

暮雨瀟瀟寒色新
更催鴻鴈渡江津
金陵開遍王孫草
悔殺秋闈夢裏人

熱

嚴城高傍火雲開，鳴盡寒蟬暑未回。
稍喜微風動疎竹，月明深夜送秋來。

寄李干鱗

山中光景足蹉跎，花落花開幾嘯歌。
莫買漁舟釣明月，江湖亦自有風波。

寄懷汪正叔憲副四首

楊花飛雪入船窓，此際君應度九江。
欲向春風問消息，南來鴻鴈不成雙。

新府洪都屬上游，西山南浦掛城頭。
滕王閣下

應回首，芳草春迷帝子洲。

鄱陽湖水接天開，廬阜千盤紫翠回。
題遍東南好風景，早隨鴻鴈渡江來。

宮雲苑月足逍遙，折簡年來幾見招。
記得玉堤春草綠，聽鶯同上柳邊橋。

再過玉堤

馬蹄日日逐紅塵，白髮青山應笑人。
昨日玉河堤上過，杏花開盡不知春。

小齋石榴花下作二首

紅芳落盡惜春歸，一樹榴花映竹扉。
曉起憑欄看未足，涓涓香露滴人衣。

汗青頭白殿中丞，日食官倉魂不勝。
拄笏看山山更遠，海榴花下讀殘經。

金鳳花

葳蕤金鳳集高枝，獨抱芳心蝶未知。
半倚斜陽忽飛去，滿庭疎雨落臙脂。

閒居簡高比部

積雨空階草侵簷，官齋何異坐山谿。
欲枉軒車

慰蕭索，白雲隔在省郎西。

久客

久客逢秋感歲華，涼風吹樹月西斜。
杯中無物禁愁得，夜半提壺索酒家。

早寒

羸馬凋裘拂曉寒，北風獵獵朔雲殘。
長安道上冰三尺，未必江湖行路難。

秋日即事

燕山落日晚淒淒，鴻鴈初飛漢苑西。
莫戀玉河

芳草色秋風昨夜到沙堤

夜雪言懷

此夜陽春逢白雪故園明月照梅花東風一枕南歸夢九十長亭處處家

春日戲東省中諸寮長

一自謬通香案吏年來不顧尚書期春風花鳥催行騎又是西山載酒時

惜春

乍雨乍晴三月天落花芳草正堪憐無端又喚

東山詩集

春歸去可恨江南有杜鵑

邯鄲道中

盧生當日度迷津一枕黃粱百劫身多少紅塵車馬客相逢俱是夢中人

送袁郎中謫沔陽守

遷客分符下玉京郎官湖上淚沾纓何須更托瀟湘鴈漢水東流日夜聲

期遊月潭和尚山庄不果

山僧新買沃洲山杖錫西飛不可攀

青蓮宇知在曹溪第幾灣

送吳明卿赴歸德少府

燈前握手泪沾巾曾是貞元花下人此去黃河凡幾曲不知何處度迷津

馬周墓

馬生曾此結嚴阿杯酒新豐感慨多疏草數行誰不似令人特地憶常何

小亭即事

綠楊垂穗噪新鶯竹裏茅亭一徑斜不是山人

東山詩集

携酒至小園閒殺碧桃花

郊饒子川雨中即席賦

北門垂柳綠烟絲桃花梨花開滿枝風塵何事不相假如此年光是別時

九日涿鹿道中

去年九日帝京遊九日今年次涿州滿面風沙渾不似黃花愁殺故園秋

俠客行

繫馬高樓賣酒家胡姬十五顏如花十千沽盡

苦不足醉起腰間解莫耶

雪中傷足戲成

一夜東風吹玉樹九關春色美梅花不是夜來
曾失跌馬蹄踏遍兔園花

古意二首

胡姬十五賽阿嬌艷曲能調鳳尾槽嫁得盧郎
音不解避人偷唱麝輪袍

叢臺一曲洪波寒趙女燕姬掩泪看薄命甘為
厨養婦年來無夢到邯鄲

明妃曲

王母瑤池方外親巫山神女夢中身當時笑殺
明天子却把嬋娟贈虜人

席上詠盆中茉莉

炎天香雪忽飛來問是簷前茉莉開便取靈根
栽掌上儘教花片落深杯

送維揚王生遊秦中

燕山朔雪暗胡沙又逐秦雲聽暮笳不念廣陵
橋上月玉人腸斷落梅花

答沈青門雨中見訪次韻四首

相逢花下倒金卮片雨留人坐晚吹邂逅平生

君莫問高山流水是襟期
白首燕歌厭薄遊高陽酒徒恒苦留道人本是
青門客十畝瓜田一畝裘

聞君掉臂出山峨京洛相逢故舊多倘欲乘槎
泛秋水還期天上飲明河

十載神交憶沈郎相逢一笑解明當燕昭臺上
黃金盡落日酣歌易水陽

十四子詩

十四子集京師海內名士一時雲集京師

日日橫經坐綠莎盤中首領已無多直愁肉味
渾忘却得黃庭換白鷺文三橋訓導

多才子敬世稱賢翰墨丹青餅入玄冥笑廣文
官最冷若家舊物是青壇文文水貢士

西湖狂客稱三絕彩筆歲歲灑半酣細草穠花
看不盡帶將春色出江南沈青門山人

鴈宕峰高迷越望龍湫日暖弄朝霞不奉海上
金光草却種壇前紅杏花 王海壇應辰貢士

太行失路柰君何，岷嶺強投鞭渡洛河。二室峰頭

堪倚劍，不知霜刃為誰磨。栗太行應宏通判

六朝新調衆爭傳，四海論交結勝緣。却笑尚平

無意興，苦將婚嫁待流年。張王屋之身貢士

野鶴孤雲迥若僊，題詩往往似青蓮。秋來偏是

蘼蕪草，何處吹簫駕紫煙。郭中洲山人

長安賣賦生計拙，海上釣鰲歸路迷。不逐南雲

渡江去，羞將長舌訴山妻。王兆山菴端舉人

南望羅浮萬仞山，璇房瑤石彩雲間。金門此日

留仙吏，玉液何時煉大還。黎瑤石民表司務

儼君如陳孟公，迷花醉月大江東。還騎白鹿

塞芳草，五老峰前訪葛洪。陳橫厓學正

金陵芳草潤邊生，六代繁華水一泓。何日扁舟

下秋浦，芙蓉江上棹歌行。姚秋澗序班

拋却明珠笑拂衣，汀蒲一曲舊漁磯。漆園何限

婆娑樹，閒看花間蝴蝶飛。蘓鴻石貢士

吳下名園顧辟疆，圖書金薤玉琳琅。昨日半酣

眠雪舫，空齋六月不勝涼。顧研山中書

君家令弟顧長康，妙畫通靈滿簾箱。贈我一絨

灞陵雪，至今梅蕊爛生香。顧場谷從敬中書

賦得易水懷古

落日蒼蒼水鶴啼，秦雲燕草望中迷。荆卿一去

無歸日，易水千年不向西。

夢孫阪泉

湯湯流水大江濱，落月依稀忽見君。不省相逢

却是夢空將別恨，訴南薰。

感事二首

法雄寺上高槐樹，舊是汾陽宅裏栽。蛺蝶繞簷

棲不定，誰家池館又花開。

何處無田堪種林，幾家有子不留金。身後生前

君莫問，高歌一曲白頭吟。

懷高伯宗

楚臺千里暮雲遮，前席何時入漢家。賦得洞庭

秋水曲，西風無鴈寄長沙。

放歌行

十千沽酒醉花枝，千場賭勝呼盧時。堪笑達人

不解事半醒却慮五男兒

歲暮有懷符臺舊遊

金門玉署若爲家白髮青山望眼賒
霄漢故人零落盡不知何處寄梅花

送凌雙橋赴建昌太守

建昌城北是仙都作賦憑高見大夫
舊識名山無恙否因風江上問麻姑

對酒再贈抑所八絕

時被謫
潞河公館

四月垂楊拂御堤上林深處嘯黃鸝
長安道上

東山房詩集

卷一

花無數不許行人看少時

對君杯酒話生平莫道官如一葉輕
曾是玉皇香案吏能忘漢柱舊題名

朝乘匹馬出東華行李蕭蕭何處家
春夢一場糊突甚不知風雨落庭花

援劍王郎且莫歌少年蹭蹬如吾何
皓首青山不歸去江湖猶自弄風波

東岱山人老更顛十載爲郎苦未遷
絳侯何事還相妬不是長沙賈少年

年年花裏送行人斗酒新詩意氣真
却笑故交

零落盡一鞭羸馬出風塵

萬壽宮前舊賜緋螭頭曾惹御烟
歸篋寄自憐成棄置莫將沽酒當春衣

潞水冷泠澈底清漢庭遷客淚沾纓
繞枝烏鵲南飛盡猶自天涯醉月明

吳山人送余潞河舟中爲寫桃花一枝賦

此留別

桃花潭上送行人桃葉渡頭花正新
爭似九重

東山房詩集

卷一

春色好一枝遙寄武陵春

舟中聞歌

十載京塵醉不醒扁舟南下眼空青
不知何處滄浪曲夜半隨風入夢聽

九日懷仲連弟

西園種菊翁有芳連年九日在他鄉
遙憐阿弟承歡處獨採黃花壽北堂

雙溝夜雨

風雨蕭蕭入暮天孤村黃葉鎖寒烟
官衙兒女

說今夜羈栖何處邊

薛園臘日見梅花二首

梅花千樹白紛紛
醉卧華胥一片雲
欲採芳菲無可贈
一枝遙寄玉宸君

不須箇裏異梅花
起向尊前舞莫耶
醉把踈枝問春信
東風吹不到天涯

得舍弟書

菽水勞渠奉壯堂
絨書千里扣行藏
官舍如水頭如雪
日日因兒檢藥方

余以潦梁散吏趨事維揚
艤舟塗山之陰

有何氏二子扣舷投見
自稱帝丘鄉人余

訊之且道至正間世居濮
之大柳牛頭村

余郡北有柳行集今何氏墳墓
翁仲子孫

尚存舊稱世家茲乃其別支也
賦詩贈之

淮上相逢話風情
名家舊出濮陽城
不必更閱

懷中譜可是當年魯兩生

洪澤道中阻風

扁舟東下風石尤
長淮之水盡西流
若待回橈

西轉去又恐西來風打頭

淮上歌

落日昏黃水倒流
風沙慘淡客心愁
何用小山攀桂樹
江河處處可垂鈎

荆山暮歸

亭午登山日暮迴
肩輿百轉路崔嵬
千家燈火蒼烟裏
疑是星辰天倒開

春望

芳草萋萋迷一徑
斜澹烟疎雨噪新鴉
城南春色濃於酒
醉殺千林桃杏花

旅懷

殊方花柳動歸情
一夜相思春草生
僮僕不知離別苦
黃昏鼾睡到天明

劉氏園賞牡丹

淡烟疎雨看花來
九十春光酒一杯
十二闌干都醉遍
一年能得幾迴開

薛園四時歌用花字

曾隨樵者入山家
滿路香風泛彩霞
行到仙源

人不見却疑身是武陵花

迷花塢

綠樹逶迤小徑斜明珠蕩漾水亭花一曲南薰

清入骨紅塵隔在嶺西霞

東風軒

山亭把酒月初上我醉欲眠月亦斜若道月明

不中酒常懸明鏡在天涯

醉月亭

爭看玉女散天花醉殺山翁白鼻騮寒色滿林

聽不盡隨風吹入郢人家

聽雪齋

李北山先生詩叙

禹安朱衡撰

自予釋負從學士譚詩已厭薄李杜喜初唐一二挾奇之士不已則効齊梁諸人語補綴淒泊性靈豐蔭譬諸割錦不可衣塗澤朱鉛形狀離焉蓋詩至此弊矣而棟文者憂之祛刷炫冶崇冲淡直吐胸臆懲吹之過又至捐景遺物率易直截之溫厚之旨夫詩有六義感物而興其感非外其興非內情由物觸物以情融綜盪萬有包并三才以言以諷而後爲詩之教若夫語心

東代山房叙

指性則文焉爾而烏取於詩於以救弊而不覺其流之弊至斯也予所睹記三十年之間蓋如此山東李北山先生長予一歲睹記與予同衡不受變於習守先民之訓今讀其詩情物互縈文質有所底匪羈而止匪迫而流詞林一巨植也古人言無足而至物之籍隨踵而立士之薄若君者豈不賢乎哉

嘉靖戊午上元日

江右稿目錄上卷

雪夜別京邑同好

別王比部元美

夜發盧溝

涿鹿道中

河上逢都明府

定德驛別趙民部赴留都

留別梁明府

曹南道中

度黃河

漂母墓

濠梁驛

由白沙嶺赴北峽關

桐城道中

青口驛望天柱峰

雨中過黃梅

潯陽懷古

江右稿

贈廬山孤月和尚

望天池寺

南浦驛別永新徐明府

羅溪夜泛

曉發紉江

寄岑殷內翰

五日同張內翰觀龍舟戲

憶弟

江南雜歌二首

送王民部還辰州

縣齋晚坐

玉虛觀

江上晚行

羅溪雨霽

晚發清江

天寧寺

再宿玉虛觀二首

螢

寄大司馬蘇公時總督宣大

望鄉書不至

水北芙蓉院二首

江南早秋

夜坐

雨中投仙姑寺

寄荅仲中翰

秋懷

仙馭觀

雲岑閣

飲酒

江上遇蔡衡州

中秋夜同傅侍御張翰撰讌集昆盦閣

江右稿

送張僉憲赴廣西

羅坊

寒夜

羅溪驛

賦得江上聽琵琶

江上彈琴

鄱陽湖

夜漁

上鍾寺望彭蠡湖

彭澤縣

湖口阻風登上鍾山望鄱陽彭蠡二湖

小孤山

白康洞

夜度江峰

皖江

紅心驛

泗州道中

大雲寺

都下送謝山人還鄴中

贈蘇子冲

隆福寺訪許伯玉

除夕

立春日謝馬二山人見過旅次留飲得寒

庚戌元日入觀

正月十七夜訪李員外得家字

贈許高陽山人 別沈參軍

天寧寺留別李王二比部章大行謝山人

得城字

懷張翰史

贈東昌李太守

任城別弟仲連

江右稿

呂梁別紀水部十二韻

舟中感述

贈安慶劉都閫

儀真文山祠

江陵館別譚鴻臚

望金山寺

烏江懷古

鎮巢驛

焦湖

送沙都閫備倭

金城寺

途中感述

五祖山

江州琵琶亭上作

重過東林寺過何明府振卿

宿天池寺

廬山讀

御製周顛仙碑

相逢行贈何明府

種樹

雨中登玉峽山謁練中丞祠

峽江道中

玄潭訪羅念菴不遇

宜春臺

洪陽洞歌行

夜渡清江

臨川中秋

宿青麻館

盱江驛

廣昌

天峰寺同譚少府覽眺

御書樓留別座主王公

江右稿

曉發慈源寺

五

遊麻姑山觀瀑布度石梁飲神功泉入山

都謁鄧紫陽墓坐七星杉下採石菖蒲作

雲門廢寺

華子岡尋麻源三谷不見

宿樟原嶺

清江鎮

送王念憲赴廣西提學

寄所知

送張明府赴部

秋夜得家書

同韓沈二明府登宜春臺

蕭灘阻風

無題

野行

擬前門凱歌

送張內翰赴院二首

曲江聞鴈

豐城簡韓明府

市汊

夜渡劔江

縣齋

荅張侍御

夜坐

泗溪風雨

荅龔侍御

贈何明府

寄彭明府

至日太平觀大雪四首

釀酒

卷一

六

題少司馬簡公龍岡書屋

雪晴曉行

泗溪雪夜

寄徐明府四首

鈴岡

連嶺望安福

石盤山寺

楊溪雨中望孤原山寺

寄前令陳少府

楊澤嶺二首

新池

江兒

獨坐

鵬目

張內翰至自吉州得羅殿撰書

宜春徐明府見過簡張內翰

荅趙侍御滇南見寄

送葉明府赴成都兼寄周郡博

先春日飲採芹閣

立春日譙贈張翰史

折梅懷故園所知

雨中晚憩石門訪梁孟敬故址

雨夜有懷

西吳宅登樓玩雪限韻

臘日寄別韓豐城赴比部

歲暮

除夕雨雪

卷一

七

東岱山房詩錄

江右稿上卷

嘉靖戊申冬予拜臨江之新喻令明年

夏初蒞縣事居無何入覲

大庭又明年夏還數以監司案牘之勞郡

邑故三年之間半在喻耳公事期會山

水嬰情客懷悲喜殊狀往往掇拾片言

托之紙筆非敢廢時遺亦求工章句也

壬子五月檄書至

召補戶部尚書郎歸舟賸暇乃發臥簾所

藏統次成編計古近體若干首附之記

室題曰江右稿東柳李生方識

雪夜別京邑同好

仲冬凄以厲乘燭譙華堂烹鮮割熊蹯展羞羅

縱橫不自愛惜費念我遊遠方日暮朔壁含雨

雪忽飄揚北風動地來吹我征衣不覺行路

難但畏別日長君如園中葵我如陌上花

亦堪採無因傾清光晨鷄知夜寒庭柯知夜霜

婉婉京洛士遙遙名利場握手不言別相對各

盡觴

別王比部元美

棘寺同官日蘭尊結社時過門邀並騎入省對

彈碁未結王生機多慚賀監知我乘青雀舫

入白雲司作吏風塵隔為郎日月私

手休唱渭城詩

夜發盧溝

鷄鳴山欲曙行人不可留殘鍾出長樂積雪

盧溝胡馬嘶長路邊風吹斷流宮冥煙霧震天

上是神州

涿鹿道中

策馬不能去徘徊大道間雲中辯古塔雪後失

青山路自河梁斷人從朔塞還漢豕三輔地惆

悵未應閑

河上逢都明府

河上一傾蓋執手不能別意氣苟相入豈必

怡悅危橋集堅冰落照明殘雪予悲行路難君

傷置身拙俱是薄遊人相期望新月

定德驛別趙民部赴留都

客次每相候能勞長者情我尋江口驛看赴石

頭城古道雪中沒孤煙村杪暮輕陌上別

西郎平生

留別梁明府

因君掛冠早輒動絕交情莫以浮沉故而寒金
石盟前溪春草歇隔嶺夏雲生不念行友風
波萬里行

曹南道中

朝發濟陰郡幕止長河千何爲久滯滯人離鄉
土難水村易風雨月令維暄寒逆爲萬里別具
柰九春闌

度黃河

東岱山房詩錄上

三

萬里江關攬轡過戴星三月度黃河桃花春水
平如掌夾岸東風楊柳多

漂母墓

淮陰昔未遇乞食楚江烟漂母豈知已王孫白
可憐黃金酬當日高塚志千年却笑封侯者國
陵何處邊

濠梁驛

南州殊氣候日換四時衣淮上月初滿濠梁魚
正肥楊花逐水落鴻鴈帶春歸疊鼓催征騎勞
勞心曲遠

由白沙嶺赴北峽關

南陟白沙嶺遙望北峽關巉巖亂如戟杉林萬
松寒曉涉澗水深夕馳川路艱列岫生層雲飄
飄若可攀首夏正炎鬱積氣成雨澤山池從
橫舍車步廣陌居人戒前途行行重自惜夜聞
猛虎鳴朝探石上跡秣馬憩林薄剝木取泉飲
兒女啼我傍僕夫行且愬遠遊誠苦辛簡書已
茲後叱馭度羊腸斯人傳在昔

桐城道中

東岱山房詩錄上

四

山曉百花明春深好鳥聲錦鋪羅徑狹斧寫石
流清行拾澗邊草坐班原上荆儘多山水趣其
柰別離情

青口驛望天柱峯

三昶談經處乃在天柱峯我來青口驛遙聽濤
山鍾欲尋山下路一寄塵外踪澗深不可度烟
水空淙淙

雨中過黃梅

黃梅自青口半是雨中行水國衣常潤山城雲
倒生澗松滴寒翠野竹助春聲却望東原上家
家試水耕

潯陽懷古有李白讀書草堂

李白曾遊地春風杖節過青蓮不可見瑤草竟
如何我亦山東客來觀江上波草堂今尚在懷
古一悲歌

望天池寺

隱約天池寺廬山最上峯巖沉難辯塔風定
門鐘五老如相揖四僊都未逢無因稅塵鞅
悵萬岩松

贈廬山孤月和尚

文殊臺下結茅屋萬嶺千峰抱幽獨夜半山鬼
來撼門錫杖床頭正睡熟山上出雲山下雨雷
聲喔喔繞窓戶平明坐見雙龍歸起向鉢中問
辛苦

東山山房詩錄上

五

南浦驛別朱新徐明府

銅章三月下洪洲驛路棲遲厭薄遊我愧李邕
來北海君如徐穉客南州章江夕浪城頭起勝
闌朝雲水面浮別後簿書成阻絕禾山望水思
悠悠

曉發劍江

曉霽澄江闊輕風汎海槎孤城無劍氣過客有

張華夜雨添新漲春潮沒淺沙回看泊船所送
水靜蒹葭

羅溪夜泛

不知川路近月裏櫂歌行江村新雨戶
漲生喜晴水禽亂裏露草蟲鳴夜靜微風起扁
舟一葉輕

寄荅殷內翰

故人念我在微官渝水西來九十難王租未報
空叨俸府吏頻過懶著冠欲解金龜稀見面試
烹錦鯉對加餐昨夜有懷登虎瞰嶺內停雲多
處是長安

東山山房詩錄上

六

五日同張內翰觀龍舟戲

五日苦不樂暫隨俗所娛遂開川上酌還就水
邊蒲簾閣疑飛動龍舟乍有無叨從張季子到
處食江鱸

江南雜歌二首

細雨隔江村薄暮期相顧倏忽山水
渡江舡駛於馬來往忽相值問是故鄉人不
及僕家事

憶弟

每逢明月下遙憶白眉人江水望不極山花空
自春候蟲喧四壁草閣靜無隣遙想家園裏黃
梅已薦新

送王民部還辰州

我縮銅章出君持玉節還詎知渝水上得繫子
猷船楚客多文思江行少俗緣風塵有傲吏行
望擬登仙

玉虛觀

我來玉虛觀一訪雲中君回飈拂衣袖颯香超
人羣坐我青玉案飲我紫霞氛沐之以明河被

東谷山房詩錄上

七

之以玄纁上帝坐西嚮羣后羅蒼旻秦女吹洞
簫湘娥拊鳴琴金口授丹訣字字皆天文長晚
讀天文靈氣何氤氲三緘不再發勿令塵世聞
縣齋晚坐

孤城南面枕江千玉几雲岑對鬱盤花下鳥啼
羣吏散窓中雲盡數峯寒空齋獨坐偏淒上白
髮催人欲棄官昨夜南薰吹入戶空懸綠綺芳
誰彈

羅溪雨霽

羅溪雨初歇江驛水增波坐對王孫草因聽鴉

子歌蘿逕人居少松陰蟬噪多斜陽臨古渡山
色澹嵯峨

江上晚行

褰帷方出郭江上欲黃昏却望東原道青山沒
縣門蟬鳴月裏樹犬吠水邊村何處分漁火蘆
花隱釣輪

天寧寺

禪關接入境城市有山家門繫支公馬園開抵
樹花焚香連晚竹留客解春茶到處分僧榻前
身住法華

東谷山房詩錄上

八

晚發清江

江行俗事稀薄暮澹忘歸霽雨遠山靜微風香
稻肥來依落鴈渚坐愛釣魚磯爭似神仙吏雙
危雲外飛

再宿玉虛觀二首

江臯歸路未初月正西斜水店多依竹山歌半
捋茶因尋古渡口偶宿上清家夜裏征貂發前
無愧息鴉

石梁忽一轉竹裏見仙臺落日玉山紫秋風鐵
樹開禽飛丹井渴鶴去古松惟誰識旌陽令還

尋初地來

螢

流螢點水面
歷亂如星度
涉水勿驚飛
偏依夜光樹

寄大司馬蘇公時總督宣大

今代長安古北平
居庸烽火夜邊聲
謫鈴闌外防秋塞
節鉞雲中簡夏卿
廟美先憑周上策
牙兵舊屬李長城
獻俘莫緩流星騎
按劍君王聽筱巡

望鄉書不至

東山房詩錄上

九

萬里馳驅使還期
當在茲經秋書未返
一夜鬢成絲

水北芙蓉院二首

水北巡行地
江南毒熱時
樹逢陰處歇
馬度水邊遲
入寺成流憇
看山生遠思
愧非彭澤宰
深負遠公知

麗駕不辭遠
馳茲山水嘉
松杉包野寺
鴻大岸人家
古塔芙蓉字
秋風菡萏花
曉看投宿處
窓裏發烟霞

江南早秋

堂畔候蟲響
江南桂樹秋
夢中歸路近
月下客心愁
楚岫陰晴換
袁江日夜流
欲傳淮海信
何處覓行舟

夜坐

寒蟬鳴露葉
流螢乍明滅
萬里宦遊人
坐對江城月

雨中投仙姑寺

雨中投古剎
江岸少人行
立馬候松逕
呼僧問寺名
斷碑經火盡
荒草入秋平
惟有楓林樹
冷泠梵聲

東山房詩錄上

十

寄答仲中翰

去年燕市愜相逢
沽酒彈碁坐夜鐘
忽漫春前折楊柳
來茲江上採芙蓉
荊州未遂依劉表
北海空勞寄李邕
去住浮沉俱莫問
愁看陰雨萬山松

秋懷

他山芳草歇
高齋涼吹來
輕雷下林麓
陳雨度江隈
心以簿書亂
秋將尺素裁
江潭有思客
淒斷望鄉臺

仙馭觀

昔人馭鶴地正對楚江開
涖長金光草碁封錦石
苔我如勾滯令言訪赤城
隈採藥東林晚清風萬里來

雲岑閣

天畔登樓俯翠屏
萬山迴合抱巖扃
城隍虎瞰風蕭瑟地擁雲岑
晝杳冥雨後嵐光搖粉堞
潮來江氣潤丹青憑高已覺
鄉心切何處秋蟬不可聽

飲酒

止酒陶元亮膏騰且歲時
豈無炙譙會不是舊

東代山房詩錄上

十一

襟期家寄千山外
秋當白露滋今宵傾一盞
遙對月明知

江上遇蔡衡州

幾年傾素聞江上始逢君
遂枉高軒過贈予衡岳文
解衣命樽酒吐詞俱典墳
復送舟中去遙

遙極浦雲

中秋夜同傳侍御張翰撰譙焦曳盧閣

置酒毘盧閣中秋薄暮天
喜逢山雨霽來坐石林煙
空樂飄飛棟天花落梵筵
笑攀金馬客同問野狐禪
晚飯青精後昏鍾白杜邊
月從江裏

出人似鏡中懸興至隨張翰
詩成報傳玄山中無酒禁留
醉與嬋娟

羅坊

羅坊炎濕地九月始知秋
一葉江村下千家砧杵愁
芳蓉齊兩岸獨鳥泛中洲
誰伴關門吏憑軒坐水頭

送張僉憲赴廣西

桂林馳使節蘭省戀音徽
嶺草嘶驄馬江雲濕豸衣
水鄉霜降早天畔鴈來稀
莫後西征駕枕榔葉漸腓

羅溪驛

東代山房詩錄上

十一

驛路臨江渚秋山碧四圍
澹煙兩岸靜落日一帆微
歲歇草蟲亂天晴水鶴飛
東原橘柚熟西堰稻梁肥
霜換青楓樹苔沉白石磯
我將乘畫舫相伴暮潮歸

寒夜

久雨冬常潤初晴天乍寒
風迴沉戩夜靜得江湍
北地鴻誰繫南枝鵲未安
夢歸歸未得空惹客心酸

江上彈琴

我有孤桐琴携來江上亭夜深人欲絕彈與
龍聽

賦得江上聽琵琶

誰彈出塞聲吹入船牕裏明月照江波哀怨寫
流水

夜漁

長江日落估船稀風起蕭蕭橫浪飛獨箇漁舟
載明月驪龍領下探珠歸

鄱陽湖

吳城臨古渡湖水接天開一夜南風起併舟萬

東山房詩錄上

里迴波漂星子縣雲滅大孤臺却望蒼茫裏匡

廬秋色來

上鍾寺望彭蠡湖

晚泊上鍾寺南臨彭蠡湖洪濤來颶母白日見
天吳鍾石遺音在雲亭晚氣孤傳聞龍戰日一
箭取鴻圖

彭澤縣

昔賢吏隱地遙在楚江隅潮氣吞楊子山靈納
小姑自承符印吏日畏簡書但借問柴桑老遺
風尚有無

湖口阻風登上鍾山望鄱陽彭蠡二湖

艤舟湖口縣濤流風浪作將騁萬里道淹此暫
栖泊遂登上鍾山望見洪濤惡上鍾西傾怪石
陡半入湖心半湖口恍若青鳬泛海中隨波上
下欲飛走又如蓬萊方壺駕滄溟十五神鼇盡
舉首枯骨爲山鐵爲石古栢蒼松根如積上懸
水月觀音巖下連合浦鮫人宅蛇逕捫蘿上層
岫巔海飈江風益驟雪山突兀鼉鼉驚霹靂崩
摧蛟龍聞不數錢塘八月潮只疑銀漢當空溜
南下九江盡黃雲北來楊子畫氣氣烟迷遠樹

東山房詩錄上

十四

片帆影聲斷寒汀孤鴈群轉見沙汀垂釣叟始
知名利不如君

小孤山

沈寥天上泛歸潮水面孤峰影動搖風起鼉鼉
迴夕浪春晴殿閣掛烟霄北吞楊子分江介西
鎮洪都作漢標暮雨恍疑神女至嵐光飛入木
蘭桡

白鹿洞

紫陽宮闕鬱重重白鹿仙人去不逢波靜九江
平似鏡丹成五老化爲峰懸崖蘿薜棲山鬼陰

洞雲霞鎖燭龍風雨蕭蕭下木葉滿林秋色度
疎鐘

夜度江峰

東歸愁路末夜裏度江峰山暝村^村大天寒月
在松孤燈明遠堠古寺落殘鍾惟有羈栖鳥南
飛無定踪

皖江

皖江陰乍晴鱗鱗秋浪生岸迴村樹隱潮落海
雲平魚米舟中市人烟水上城不須遙問渡前
路是浮萍

東山房詩錄上

十五

紅心驛

紅亭此再過白髮幾迴生吳楚千山盡江湖一
舫輕揭來淮海郡迢遞豫章城不涉風濤險寧
知宦客情

泗州道中

淮泗興王地躬耕尚有村高皇三尺劍漢代
五陵原鶴歸雲不散龍去水常溫躍馬山前過
千年靈氣存

大雲寺

郇城東北寺傳是大雲樺夜雪空齋裏昏鍾素

飯前懸燈尋斷石披磴上諸天萬里玉程客
依靜者綠

都下送謝山人還鄴中

長安遊俠地不返薜蘿衣朝市晉貞隱山靈念
早歸漳河春水發長樂夜鍾微魏寢荒臺下相
將共掩扉

贈蘇子冲

才名重小蘇獻賦有三都身赴銅龍闕家藏金
馬符論交逾骨肉寄字隔江湖準擬燕臺月花
間倒玉壺

東山房詩錄上

十六

隆福寺訪許伯玉

車馬闐闐日復西長安城裏問招提無緣共卧
東林榻空帶鍾聲出虎溪

除夕

江南非故國薊北復天涯除夕開尊處高樓賣
酒家玉衡虞正朔鍾鼓漢京華欲作南歸夢寒
枝啼曙鴉

立春日謝馬二山人見過旅次留飲得寒

高樓春日動春寒有客傳杯倒鶻冠燕市放歌
時序晚金臺募士古今難浮灰巧協青陽律細

萊香生白玉盤愧似高陽舊酒伴年年行樂在長安

庚戌元日入觀

萬國朝三正千官媚一人大庾咨岳牧太史奏陽春乍閃龍旂近遙瞻象魏新輝輝芝火裏彷彿辨鈞陳

正月十七夜訪李員外得家字

城上度昏鴉鳴騶過狹邪尚餘元夕酒留醉故人家海月初生魄宮梅欲著花春懷俱莫問去住各天涯

東傳山房詩錄上

七

贈許高陽山人

我愛許玄度來栖支遯禪神交十載外心賞一燈前醉倚青虹劍悲歌黃鵠篇長安行樂地握手不能旋

別沈參軍

風流王右軍幕府藉清芬壁動虬龍跡窓懸月露文蒼杼邀客至酒盞坐宵分盡戰羽林子雕盤光祿勳相逢符夕夢留別恨春雲倘念南飛翼因風江上聞

天寧寺留別李王二比部章大行謝山人

得城字

遲日嚴裝出鳳城上方留客坐春晴林中步屨尋芳草門外停驂聽早鶯塔院風鈴悲遠道御溝烟樹拂前旌臨溪一笑陶潛去江北江南空復情

懷張翰史

春水茫茫春草萋潯陽南下是羅溪欲寄雙魚潮不到憑將遙夢過江西

贈東昌李太守

暫與鵷行別遙承虎竹頒重茲茲公郡試以簿

東傳山房詩錄上

八

書艱河流通帝里風壤接鄉山懸知清夢裡郎

署白雲間

任城別弟仲連

不惜南州後高堂爾奉親烟波雖萬里手足本同身共被任城夜分襟濟水濱願爲沙上鳥相伴渡江津

呂梁別紀水部十二韻

榜舟濟水上南遡呂梁洪地談徐方陰天垂禹鑿功野橋黃石斷故壘漢臺空潮落雙龍伏川長獨鳥通淮流夕活活海氣晝濛濛郎署分南

服鄉園寄北風幽蘭香易入浮梗去何匆澤國
佳山水關門少鴈鴻贈言比金玉看劍識雌雄
明發停橈望黃樓烟雨雨中

舟中感述

南州炎德重日見夏雲生吹浪魚龍出鳴舷風
雨驚簡書催夜發妻子懼潮聲故國三千里悠
悠無限情

贈安慶劉都閫

豪俠古劉生東南提重兵江頭跨紫燕浪浪射
長鯨玉劍君恩重金貂世業榮榮無一事月

聽海潮聲

東谷山房詩錄上

九

儀真文山祠

宋室艱危日王師恢復秋中原空北望楚水自
東流板蕩忠臣死乾坤正氣浮停舟江上客洒
淚向松楸

江霞館別譚鴻臚

江霞別館戀音徽江上行人坐不歸隔歲乍逢
金谷友一樽相對廣陵扉花間綠綺彈朝雨門
外青驪駐晚暉二十四橋芳草遍更教明月逐
人飛

望金山寺

金山壁立鎮中洲黛色橫江日夜流勢借神鼇
盤砥柱氣飄靈蜃結雲樓澄澄水月空中見轟
轟芙蓉海上浮我欲含舟凌絕頂妙高臺畔望
神州

烏江懷古

楚調一聲起雄圖百戰衰帳中別酒盡劍下美
人悲野廟頽江渚空山泣子規尚餘千古恨霸
上夜歸時

鎮巢驛

東谷山房詩錄上

辛

歌馬鎮巢驛歸流一濯纓飲牛人不見池水至
今清

焦湖

焦湖何決漭波連巢姥山極浦孤帆下青天一
鳥還

送沈都閫備倭

金鑲佩吳鉤雕韉控紫駟飛旌澄瀚海傳檄鎮
琉球展氣迷官廨鯨波撼戍樓須知明主
意外化亦神州
金城寺

金城古寺對焦湖雙樹金仙尚有無嶺外雨餘
看水漲林標雲霧覺山孤慣聽鐘梵惟沙鳥屢
扣禪關有野狐竇後何年同問渡輜軒終日寄
長途

途中感述

立馬烏江上停橈徐沛間不須頻吊古處處是
荒山

五祖山

不遠諸天路來尋五祖盟茫茫烟霧裏但見石
梁橫古樹黃梅落殘碑碧鮮平不_主証果入

滅儼如生法雨花間潤雲雲嶂外_{東山房詩錄上}峰最高

處盡日踏空行

江州琵琶亭上作

素手播青絲妾心常苦悲欲知妾心苦借問聽
者誰芳聲有銷歇澄江浩如斯司馬當年事湯
湯流水知

重過東林寺遲何明府振卿

東林元古寺盧嶺足高僧遲爾招提客重來問
大乘行吟青竹杖坐飲玉壺冰不見羊何至香
爐誰共登

宿天池寺

南下潯陽道遙見匡廬山以余蘿薛情眺茲山
水間舍車步脩坂飛舄扣禪關禪關突兀凌空
起古刹霏微掛天紀鳥道不聞金磬聲龍泉半
落銀河水錦澗橋邊凭玉欄萬嶺松杉白日寒
怪石嶙峋真虎踞迴蹊歷亂果螭蟠更覓真源
向何處杖藜直指天池去石榜孤懸古竹林洞
簫忽下群仙馭遂有周顛騎白龍拍肩並駕九
奇峰天眼尊者持丹藥赤脚高僧獻紫節河東
水月湧金沙法鏡澄澄照落霞_{東山房詩錄上}乎_主若樹皆甘

露靈氣飛空即雨花文殊臺上天_{東山房詩錄上}佛千岩
前石髓嘉名香仙梵三天外紺殿玄珠綴葦蓋
振衣獨立上霄峰五湖九江纔一帶山迴風高
吹日暝皈依夜宿匡廬頂天鷄一唱石門開夢
裏聞鍾撤清境拂曙憑虛下紫氛竹孫鹿女悵
離群停車立馬頻回首萬壑千巖空白雲

廬山讀御製周顛仙碑

松風度巖壑石瀨瀉天池水月懸雙鏡雲鬢疊
九奇問偈開龍藏遊仙讀御碑却望九江上盈
盈一水微

相逢行贈何明府

清江有游女其容美如玉含情發皓齒中心洵
且篤携手浴澄波日暮乘華燭逍遙洲渚間各
唱相逢曲曲盡思沾裳欲去遺清矚江水浩無
踪何由覓芳躅

種樹

官齋頻種植小築若爲家疎雨芭蕉葉微風茉莉
花水鄉長苦熱山縣早休衙尚有沉冥意焚
香坐晚霞

雨中登玉峽山謁練中丞祠

東坡山房詩集十

卷一

玉峽高臨拂夕陰中丞遺廟未全圯不知三駕
飛龍日自表孤臣扣馬心白石粼粼江底見孤
峰矗矗雨中深百年松楸摧殘盡荒塚殘碑何
處尋

峽江道中

亂山逼四塞轉見一平川落日無人跡蟲聲在
水田

玄潭訪羅念庵不遇

雪浪仙人駕鶴還樓居縹緲鏡中縣來攀桂樹
逢朝雨坐對江流拂曙煙謝傳山中當局日馬

病裏著書年滄浪亦有行吟者寄語玄都道
士傳

宜表臺在表州上

春臺獨上俯千家睥睨風高起曙鴉南下萬山
連百越東來一水自長沙青崖竹覆經年雪碧
落松盤小洞霞駐馬荒祠時極目韓公何事到
天涯

洪陽洞歌行

鈴江江上秋草腓洪陽洞中青霞歸獨持片杖
臨丹穴復躡蒼崖入翠微其中乃是仙宅丘

東坡山房詩集十

卷一

壠千年化爲石卅竈歸然井巷存沙上流泉鳴
淅淅洞章剝落三萬言石笋參差二千尺更欲
探奇爭度越窟裏蛟龍抱神珎侵氣陰威縮骨
寒列炬導前忽以滅倉忙攀磴旋且走白麝玄
猿號洞口手撫長松坐七峰宜城樓閣鬱重重
斜陽古渡山如畫八月寒江水自春

夜渡清江

聞櫓那能臥倒衣時扣舷蟲聲悲野草漁網集
潭烟江漲晚來急月明秋可憐一爲山縣吏夜
夜戴星還

臨川中秋

楚塞不可極，金川路更遙。中秋逢旅次，陰雨失良宵。山迥樟林隔，江寒楓樹凋。故園今夜月，還度廣陵潮。

宿青麻館

青麻山館暗青楓，亂壑飛泉悲澗中。山接閩方嵐作瘴，樹當秋候夜偏風。虎蹤過雨苔常見，蛇逕和煙鳥未通。明到盱江城下問麻姑，一去幾相逢。

盱江驛

東徐山房詩錄上

主五

建昌佳麗地，風物表江南。鐫石紅泉冷，邊溪蔗甘山。從五嶺斷水，合七閩涵華子岡。安左仙蹤許共探。

廣昌

萬里輶軒過千林，旌旒愁人煙還楚。俗風壤即汀州地，熱鴻難到山昏瘴未收。石龍潭上望盱水，悵悠悠。

天峰寺同譚少府覽眺

其山有海門日岫甚奇絕云

郭外名山碧四圍，聯鑣載酒歷山扉。千家戶牖分青靄，一曲江流寫翠微。日嶠晴雲低古寺，海

門秋色澹征衣。天峰果在煙霄上，坐對長松了道機。

御書樓留別座主王公

輞川別業跨江扉，高閣櫺軒坐夕暉。檻外青山排畫障，院邊流水瀉金徽。石函秘貯親裁詔，玉笈珍藏舊賜衣。門下同遊今幾在，一尊相送鄭玄歸。

曉發慈源寺

弭駕空山寺，高秋白露滋。分眠支遡榻，濯漱諒公池。地僻鷄聲絕，林深曙色遲。欲行但見囓嵐

東徐山房詩錄上

主六

重且移時

遊麻姑山觀瀑布度石梁飲神功泉、仙都謁鄧紫陽墓坐七星杉下採石菖蒲作石門遙見赤城標，瀑布雙飛下紫霄。玄鶴千年開渴地，彩虹百丈掛僊橋。名泉出谷皆神釀，古樹含風即洞簫。更覓七星杉下路，麻姑天上坐相邀。

雲門廢寺

度嶺尋名寺，雲門入望遙。山風摧古殿，秋水斷欽橋。百劫金沙盡，雙林玉露凋。無僧問銷歇，那

復辯前朝

華子岡尋麻源三谷不見

三谷杳何許真源不可尋
遙從仙嶂外直到綠溪陰
鳥道青冥合龍湫煙霧深
無緣食石髓惆悵百年心

宿樟原嶺

靈壁何年鑿石岐盤崖奔壑入雲危
暮林黃葉包蕭寺苦竹幽篁入楚詞
谷靜正當猿嘯處秋深又值鴈來時
荒山獨夜愁陰雨此意羊公使
者知

清江鎮

山連閣皂起水併劔江長
秋果肥靈湖巴足禹糧千家
春雨夕兩岸纜風檣薄暮
投人境聞言雜四方

送王僉憲赴廣西提學

文衡真妙選即署復仙才
星駕雲霄下炎方瘴屬迺
驅車度梅嶺聽雨別江隈
想到全州路千山桂樹開

寄所知

江南炎濕地多病宦情違
叔夜真成懶淵明始

覓非遠書秋未至舊業夢先歸
遙想山中伴司詎賦採薇

送張明府赴部

一傳供祖道萬里謁蓬萊
楚雨夕陽盡袁江秋水來
雙鳬雲際落五鳳日邊迴
亦有彈冠者多慚保障才

秋夜得家書

海月逢秋望江天霽雨初
一尊官舍酒萬里故鄉書

同韓泥二明府登宜春臺

殊方杯酒盡交歡吳楚青
徐萬里看南地關山都四塞
不知何路到長安

蕭灘阻風

烈風號江口扁舟夜不發
嚴城鬱寂寥隴隴見新月

無題

桂棹蘭舟下劔西夫君今夜宿羅溪
寒天晦父江流急鮮纔應湏到曙鷄

野行

貪看芳草色倏忽白日晚借問路傍兒
去城知

近遠

擬薊門凱歌

漢家邊防重東北，爪牙虎豹當關隘。天子登壇，訓玉符元戎受脤，披金革細柳新頒戰士袍。羽林爭射，轅門戟秋高，太白莽蕭蕭雲起，旌頭風索索萬騎趨。太乙軍六韜決勝，先天策刀斗聲喧，殺氣腥銀鎧光寒，秋草白烏鵲對挽綠沉弓飛黃併逐，連錢鐵營聯蜩蛸，夜飛霜劍擁蓮花朝帶血，胡虜憑陵候月生，沸空鼙鼓，誰金鉦旌旗絡繹陰山暗，礮火砰磅瀚海驚天狼一射妖星滅，海鯨遙掣塞垣清，頡利首傳丹鳳闕，單于面縛白登城，殺狐嶺上烽煙斷，一掃秋風古北平。

送張內翰赴院二首

張翰三吳俊，扁舟下劍西。飄飄蕩蘭漿，去去赴金閨。十月江流駛，三邊塞馬嘶。驛亭聞獻凱，莫令簡書稽。

北人重然諾，君子莫相忘。萬里依兄弟，三年吐肺腸。侍臣金作礪，太史玉爲堂。倘念羈栖羽，天邊垂末光。

曲江聞鴈

寒山翠欲墮，長江白如練。輕蕩木蘭桹，驚起蘆汀鴈。驚鴈東南西北飛，江干何處避虞機。雲中寄討隨陽侶，來就瀟湘春早歸。

豐城簡韓明府

握手思如渴，歸檣逝若弦。遂令剡溪棹，不見戴君還。隱几眠晴晝，開蓬納野烟。汾涸城郭遠，吟望但秋天。

市汊

涼夜放舟穩，擢歌秋水長。人烟逢市汊，簫鼓下羅坊。野霽江天闊，山風岸草黃。開篷時倚望，月掛危檣。

東山房詩錄上

三十一

夜渡劍江

夜乘風色便，鼓枻劍江行。岸葦看無盡，漁燈時一明。岸迴知溜急，帆轉畏舟輕。遊子在天末，垂堂心自驚。

縣齋

久叨江縣令，愧乏理人才。蠻語兒能學，山花婦可栽。藥欄秋委露，竹迳雨侵苔。好是甘幽獨，其如簿領催。

答張侍御

英英張柱史山斗鬱差栽臺下烏啼歇門前雀
網多時清閑自好天遠夢虛過去就君恩重休
教忘汨羅

夜坐

默坐夜方闌江城鼓角殘窓風銷燭短山雨潤
爐寒秋覺蘭芳歇心隨楓葉丹南枝烏相鳥亦
解別離難

泗溪風雨

扁舟東下泗溪水細雨鳴舷風浪起沙際停棹
夜寂寥孤燭亭亭照行李平明舍舟陟崇岡難

東山房詩錄上

三十一

高水漲川無梁一林楓樹啼秋葉兩岸蕪蘗拂
曉霜

答龔侍御

京洛乘驄出鄉園衣繡迴人疑天上至書自夢
中來寒日低江縣清霜滿鳳臺北來邊報急應
有詠書裁

贈何明府

何遜江東俊才名海內傳守株吾自分抱玉爾
人憐芸閣秋逾靜江城花正妍風流爲政日應

富白雲篇

寄彭明府

徽省栖難定楓宸望幾迴量移彭澤宰還滯洛
陽一吏隱知同嬾官箴喜並裁相思一水隔不
放錦鱗來

至日太平觀大雪四首

至日投琳館盈盈大雪傾人期三白兆時值一
陽生風勁貂裘薄天寒鶴夢清垂堂念遊子歲
暮最關情

濫竽江縣久半在路中行瘴癘寧身計冰霜乍

骨驚投人多按劍獨坐幾沾纓空值窮愁日羽
令百感生

棘省追陪日茲晨拜冕旒陽春迴鳳輦御氣
龍旂夢裡鈞天到江邊雪夜留郢中有新曲彈
盡不勝愁

竭來還此地名姓道人知遂試黃庭草蕪題印

雪詩暮寒停秉燭明發戒臨岐莫動觀梅興

鄉春自遲

釀酒

還依魯酒法釀作江南粕醉夢魯門道醒是

南客

題少司馬簡公龍岡書屋

司馬勲名緝袞衣留都曾握漢兵機沙間鷗鳥
忘機事江左鯨鯢避等威老去風雲遣枕席興
來山水落音徽邊隅不問防秋急盡日彈碁笑
解圍

雪晴曉行

雪餘初日融村濕道路蒼茫行客息林端鳥鵲
正啼饑巖下松筠纔辨色水店孤墟烟火稀江
城古渡寒雲塞立馬高原拂曙烟却倚江南望

東山先生詩錄上

三十三

江北

泗溪雪夜

雪霽風蕭蕭月明夜寂寥寒鴉栖不定啼過泗
溪橋

寄徐明府四首

同拜三江令相啣萬里悲山川行處險竟夢覺
來疑獨鳥巢難定枯桑風自知相望纔咫尺不
得話襟期

君擬歸田賦予慚帶印才土風爭道負妻子願
歸來黃鵠雙飛遠青山四望迴辭官如有分拂

手莫相猜

古人纔強仕爾乃宦情闌極浦蠻烟重嚴冬楚
塞寒生涯隨傳舍心事問征鞍寄謝冰霜候無
令鬢髮殘

問我官何適筠州更向南山當猛虎窟江有毒
龍潭積水寒朝雨孤城隱夕嵐久知襟况合懷
望欲抽簪

鈴岡

西行多名山鈴岡最壁立日夕烟嵐起千室蒼
翠集叢桂發幽香寒泉咽深曲延頸俯晴江前

東山先生詩錄上

三十四

波飛厲玉

連嶺望安福

四峰盤赤谷連嶺上青天入峽風偏勁經松雪
未乾山藏三楚岫水抱五龍淵古渡斜陽外江
城一塔懸

石盤山寺

石盤圍古寺遙對白雲峰殿敞金仙樹門填羅
漢松人天窺法象聖水問來龍僧飯經行處悠
悠度磬鍾

楊溪雨中望孤原山寺

前溪忽不見風雨颼然生野徑人俱寂松杉山
有聲車迴長坂滑橋絕亂流平却望孤原寺如
投故國情

寄前令陳少府

未下陳蕃榻空傳邵伯名巴陵殊不遠鴻鴈本
無情舊政勞相告新聲愧不并尚聞拂袖去未
爲折腰行

楊澤嶺二首

涉溪探虎穴際曉度羊腸蓋拂千峯日衣沾百
草霜亂流趨大壑獨鳥下寒塘踏盡山陰道

東代山房詩錄上

三五

烟尚杳茫

楚山高不極冬日往來登路折村包樹橋危馬
度冰晨炊寒問僕夜榻靜隨僧瘴癘經過地垂
堂暗自競

新池

松峯高接天合沓四山連馬怯新池水人投野
燒烟颼颼風出谷齒齒石成川詰曲袁江路心
蘇百折前

江兒

四十今年是添丁也未遲世家原魯國命字偶

江兒客裏愁能遣燈前咲並提因思遊宦拙長
但守茅茨

獨坐

山城有傲吏冷然無俗情每於簿領暇不廢絃
歌聲蕭蕭疎竹靜歷歷遠峯晴獨坐聽高鳥空
齋烟霧生

張內翰至自吉州得羅殿撰書

山縣久逋負簿領日紛紜因迎西至客乃見有
山雲南山有玄豹遵養韜時文寄我雙飛翼結
好通殷勤天寒巖穴靜江風木葉聞盈盈間一

東代山房錄上

三六

水歲暮未逢君

宜春徐明府見過簡張內翰

相逢徐孺子解榻傾情素華燭流清光香醪湛
涼露見雪懷郢人因風想玉樹問君有何疾恣
然漑良晤

臆日

江天望不極寒山起烟霧鄉書悄不聞雨雪阻
來路厨人進臆飯遊子歎歲暮數口坐中堂相
看泪如注

答趙侍御滇南見寄

銅章初服地繡斧壯遊時舊澤甘棠在清風獨
鶴知滇南酬遠略江上寄相思莫厭南中熱霜
威遍海夷

送葉明府赴成都兼寄周郡博

客自閬門道西行赴錦官青天蜀道險白雪楚
江寒傾蓋邀雙易停車授一餐故人聞賣卜見
日道平安

先春日飲採芹閣

問字來芹閣開筵面水濱山光陰處滅江色雨
中春薄暮琴尊冷殘年物候新客懷何必問
醉百年身

立春日讌贈張翰史

騰日柔風至雕盤薦五辛醉攀秦太史遙憶漢
宮春江市梅花爛官齋栢葉醇還將白雪調一
贈賞音人

折梅懷故園所知

隴頭春獨媚東閣句初裁攀折憑誰寄空懷味
雪才

雨中晚憩石門訪梁孟敬故址

陰雨不知晚牛羊下廣原來攀小山桂坐據古

松根寒至鳴泉結山多宿霧屯還將招隱曲一
訪石門村

雨夜有懷

客舍青燈晚孤懷坐寂然寒更罷急拆疎雨別
殘年不識夢中路空懷汶上田鄉書何日到東
盡海雲邊

西吳宅登樓玩雪限韻

登樓吟積雪留客惜殘冬江市寒烟重山窓宿
霧濃花疑玉女散酒是白衣供絕勝山陰道
期竟不逢

臘日寄別韓豐城赴比部

杪歲萍分千嶂夕孤悰匏繫五湖烟何因祖帳
東門道劍氣遙瞻星漢邊

歲暮

杪歲百感集遙天孤夢生春歸風雨夕人卧楚

江城

除夕雨雪

除歲窮陰積江天雨雪懸朝昏難辨日晦朔暗
分年鴻鴈相將去梅花各自妍笑看兒女長老
我大江邊

江右詩稿二卷

浙江汪汝璥家藏本

明李先芳撰先芳有讀詩私記已著錄宋弼山左
明詩鈔稱其有李氏山房詩錄不著卷數邢侗來
禽館集有先芳行狀稱所著東岱山房稿三十卷
此集總題爲東岱山房詩錄而子目則作江右詩
稿蓋其集中之一種嘉靖戊申知新喻縣時作也
嘉隆詩社先芳首倡厥後王李鍾興遂擯斥先芳
不與七子之列繼以先芳憤激乃收之廣五子中
于慎行稱其詩與李攀龍異曲同工邢侗亦稱歷
下名愈高濮陽若爲所掩然修戈侍構未嘗一日
忘于鱗今觀其詩才力實出攀龍下慎行等以鄉
曲情均不欲分左右袒耳明末攻七子者遂欲以
躋攀龍之上非篤論也

李氏山房詩選六卷(存二

卷)

〔明〕李先芳撰 皇甫汈選

天一閣文物保管所藏明刻本

附《四庫全書總目·李氏山房
詩選六卷》提要

李氏山房詩選

姑蘇皇甫汈選

涇川王廷幹校

七言絕句 首首有太白風韻

上陵曲六首

九龍池水玉泉山繚繞神宮紫翠環雲馱玉屏
青霄上天錯金燈北斗間
地轉天行繞翠旂轅門酺謨犒邊師居庸關外
黃雲合天壽山中白露滋

李氏山房集

成祖開山控北胡 宣宗駐蹕鑒皇圖曾孫有

道修殷祀仙馭分明降鼎湖

傳呼千騎羽林飛萬姓園橋拜衣丹霞映

龍仙蹕羽蓋團雲捧御闈

沙河一望水潯潏百疊陰山霄漢間傳語單于

莫近塞太平 天子自臨關

貂褕金鱗侍中官 天子臨關賜寶鞭玉靶

弓白羽箭雙鷗忽落翠華前 吳批雄渾逼唐

白雪歌

六花堆滿使臣衣霜鬢相看爭素輝萬里天風
開道路馬蹄遙逐玉塵飛

出塞曲四首

聞道榆關胡騎多雙旌出塞擁雕戈錦袍玉帶
新承寵破虜將軍馬伏波

龍沙堆裏寒雲平燕領摩前漢月明將出三閭
憑遜甲營連八陣列長城

鞭橐繡結水犀文韎韐雕雕蟠海馬雲匈奴不更
詢名姓知是嫖姚霍冠軍

李氏山房集

白登城下草蕭蕭爭說今秋太白高十年未掛
封侯印夜夜雲中泣寶刀

嶽潭批四首
骨格似岑參

小遊仙

曾伴仙人萼綠華隨風飛入上清家別來欲寄
金光草海上青鸞隔綵霞

艷歌行

博山爐裏麝沉香斗帳流蘇五鳳凰玳瑁筵前
人似玉水晶簾外月如霜

巖潭批
麗句

青樓曲

羅敷十五嫁名都夫婿貂蟬上大夫賓從三千
盡珠履殿前新賜霍家奴

皇甫批可
逼王昌齡

長安道

長安道上落日斜立馬停車轉自嗟相如已老
狗監死空將白璧謁誰家

皇甫批可
悲可笑

銅雀妓

西陵松柏盡為薪沙壓漳河不記春臺上白頭
歌舞妓又傳新譜晉宮人

宋批無
窮意思

江上凱歌八首

李氏山房集

吳越風塵久繹騷雪山新濯海門濤捷書飛度
金臺月天上傳呼賜錦袍

東南海水靜風波聖主臨軒聽凱歌天策將

軍還太乙建牙吹角擁雕戈

趁趨萬騎綠沉槍帝遣天兵下鬼方夜半三

軍度江水雲中一箭射天狼

昨看麋鹿上姑蘇月落寒山驚夜烏今日綺羅

千戶出闔閭城下唱吳趨

武林甲士撤兵符碧水丹山舊畫圖一夜秋風

吹浪淨家家明月醉西湖

碧海青天氛浸開越王臺上勒銘迴長江一望

平如掌翡翠明珠萬里來

受賑轅門寵節旄長鯨帶血捲秋濤還家義士

金貂重破虜將軍甲第高

樓船截海報擒王一夜天聲滿建章浩蕩乾坤

千萬里須知化外是金湯體 皇甫批六首感慨

絡緯曲

堦前絡緯啼秋月美人夜坐流黃機織手理絲

絲不斷燈下雙蛾撥刺飛皇甫批 真唐詞

莫愁樂

莫愁家住洛陽橋生小能調鳳尾槽嫁得盧郎

渾不辭避人偷唱鬱輪袍皇甫批 有意趣

邯鄲妓

叢臺一曲洪波寒趙女燕姬掩淚看薄命甘為

廝養婦年來無夢到邯鄲皇甫批 有意趣

竹枝詞

花子花心一點黃江頭日日抱清香郎心不解

花心苦露葉含啼枉斷腸

越女曲

蘭橈搖曳越江津素手紅粧刺眼新欲採芙蓉

歡自取中流莫問蕩舟人

碧玉歌

香液津津可當茶托根曾出故侯家茂陵欲鮮

相如渴碧玉年來已破瓜

石城樂

石城城下接隋堤綠樹紅樓桃葉溪到日江頭

勞借問莫愁家在畫橋西

楊叛兒

白門楊柳綠絲絲江上人歌楊叛兒博山鑪煖

春教住沉水香寒郎去時

吳歌

明眸素腕蕩銀河綠鬢雙鬟照碧波虎丘山下

行人過腸斷吳儂子夜歌

宮詞六首

長門柳色鎖春寒桃李花開倚上欄三十六宮

明月滿君王只向畫圖看

御溝流水出宮遲花落花開春不知惟有梁間

雙燕子見人樓上闌腰肢

玳瑁琵琶綴玉環爲囊盛果繡雙鸞自從學得

朝元曲不對君王不敢彈

記得彈箏年十四一絃一柱映芳年如今却恨

良工拙錦瑟誰添五十絃

緋桃半落柳絲長管領東風燕子忙玳瑁梁間

棲不定又啣春色過昭陽

李氏山房集

紛紛紅葉打窓紗不敢題詩向外家秋風莫撼

長門柳贏得春來自著花

巖潭批有王少伯聲律吳批首首怨而不怒

秦女曲

霓裳霧縠下瑤壇弄玉乘風駕彩鸞更欲吹簫

度明月廣寒宮裏不勝寒

漢宮詞

長信宮中楊柳枝三月花飛東復西春風只遣

隨流水莫入昭陽作燕泥

明妃曲

琵琶馬上淚沾襟早識君王慰妾心不是畫工

能引薦掖垣還比塞垣深

蘇批前人未道

燕京四時歌四首

春風一夜百花香趙女燕姬紅粉粧三千珠履

空回首十二青樓總斷腸

金鱗玉骨水晶盤冰簟銀床芳藥欄階下笙歌

如鼎沸滿堂紅袖不勝寒

八月新涼入絳紗燕山桂樹爛生花高樓處處

秋光滿明月隨風落萬家

李氏山房集

葡萄美酒鵬鸞裘醉擁如花坐小樓夕陽山外

看晴雪萬朵芙蓉繞檻沉

吳批可配徐迪功作

俠客行三首

沙苑城邊打獵還新豐市上抱花眠都門却得

黃金塊投向胡姬作錦纏

繫馬高樓賣酒家胡姬十五顏如花十千沽盡

苦不足醉起腰間解莫耶

驄馬連錢值萬緡聊當一擲賭青春衆中大喝

成盧者騎去何勞問主人

四時行樂詞四首

垂楊夾道喙新鴉細雨樓臺燕子斜十二雕闌
春欲老小亭纔放洛陽花

綠陰清晝艷陽天團扇微風裊篆烟盡日八窓
簾不捲百花樓上擁嬋娟

北斗斜橫玉露飄流螢飛過木蘭橋梧桐倒掛
青樓月照見美人吹洞簫

流蘇斗帳鬱金香臘酒新蕩白玉漿唱到落梅
齊拍手紅鑪飛出紫鴛鴦

章臺柳

流蘇斗帳煖如春日日章臺柳色新淡煙雙蛾
青鏡曉不知誰是畫眉人

遊春曲

城南桃李慢爭春城中車馬逐紅塵燕子繞梁
飛不去嘶將春信寄忙人

雨淋鈴

幸蜀還京恨未醒路人猶唱雨淋鈴芙蓉闌下
替纓滿誰向池頭問海青

巖潭批
畫

蠶婦詞

箔上蠶眠欲吐絲陌頭葉盡覺蠶饑誰將東海
扶桑樹借與人間折一枝

廣陵歌

廣陵斗酒直數錢潑刺鱗魚五月鮮觀音閣上
高回首十里隋堤一抹烟

怨歌行二首

胡姬十五夜當爐美酒春生白玉壺啼盡寒鴉
人不到高樓空鎖月明孤

李氏山房集

七

美人樓上播秦箏寒夜蘭膏坐自凝曲盡滿床
飛白雪玉駢何處踏春冰

觀音偈

為愛青蓮不染心文殊臺下拜觀音普陀只在
儂方寸何事風波海上尋

蓮花偈

兩兩紅粧拜斗星焚香夜誦蓮花經不爲蓮花
顏色好但願蓮房抱子青

蟋蟀吟

樓上盈盈晚粧畢華燭煌煌照琴瑟不知明月落誰家獨倚欄干聽蟋蟀

征婦詞

曾誇一箭定天山霞帔金璫擁翠鬟但願常爲箕箒婦早教生入玉門關

羽林郎

御溝近接狹邪路萬戶千門鎖煙霧金貂年少羽林郎策馬平津日來去

遼陽曲

胡騎憑陵夜度關朝來已過萬重山遼陽老將空回首甲士三千竟不還

公無渡河

洪水滔天不可涯公無渡河公渡之知其不可然且去惆悵鴟夷范子皮

小單于

胡雛下馬舞瓠蘃倒辣聲中飲酪酥自入關調漢語對人羞唱小單于

橫吹曲

胡王知妾不勝悲橫笛頻教馬上吹恰似漢家供奉曲是誰翻寫入燕支

秋賽迎神曲

靈塲伐鼓轟若雷車騎翩翩觀賽來齊唱迎神新調曲毫光一道燭天開

胡姬年十五

胡姬生小任嬌癡好似纖花颭嫩枝問道破瓜何日是春愁一帶鎖雙眉

閨怨

鏡裏粧成可憐色花間不見薄情人蝴蝶何須過牆去深閨亦自有青春

李氏山房詩選

七言絕句

隆福寺訪許伯玉

車馬闐闐日復西，長安城裏問招提。
無緣共卧東林榻，空帶鐘聲出虎溪。

懷張西吳翰史

春水茫茫春草萋，潯陽南下是羅溪。
欲寄雙魚潮不到，憑將遥夢過江西。

巖潭批唐調

章江泛月

李氏山房集

十一

月出大江春浩浩，星臨平野樹蒼蒼。
寒潭夜掛青山色，南浦天開一鏡光。

巖潭批清思

月夜泊章江洲上示彈琴者

蓼花灘上月明過，帝子洲中芳草多。
夜半扁舟渡江水，抱琴來寓扣舷歌。

劔江

風濤六月劔江寒，葭菼依稀浦樹殘。
楊子爭如虎口渡，瞿塘不及象牙灘。

寒夜旅懷

霜雪滿天烏亂飛，攬衣起坐曙光微。
寒更暗逼星河轉，歲暮天涯音信稀。

巖潭批行旅之興如此吳批不覺下淚

觀獵二首

霜蹄蹀躞遶東陵，獵獵寒風水欲冰。
平原淺草多藏兔，木落天空好放鷹。

講鷹索犬日西時，狐兔橫梢信馬遲。
割鮮欲就村中館，却上高齋望酒旗。

寒食雪送高伯宗上陵

寒食燕山雪滿空，侯門蠟燭夜堂紅。
獨有五陵供奉客，平明跨馬出新豐。

李氏山房集

十一

成山伯宅月下送于韶赴杭州

把酒青天送落霞，板君夜醉五侯家。
但將明月遙相照，未必吳山是海涯。

春雪簡宋侍御

雪花如席墮銀牀，春酒如油瀉玉觴。
不見青驄勞問訊，如此風光有底忙。

一笑

玉河橋水咽殘春，馬上撻鞭苦未真。
世事浮萍

堪一笑相逢莫是夢中人

送呂光祿赴留都

前年相送秣陵秋
樽俎談兵借一籌
今日春江平似掌
片帆遙掛石城頭

雪夜入直

十二街頭雪如絮
朔風獵獵搖官樹
城鴉飛盡行人稀
匹馬蕭蕭自來去

戲柬張翰林

昨夜金蓮送歸第
官中賜出青綾被
雞鳴九陌

李氏山房集

十三

車馬喧獨抱如花眠
酒肆

玉堤春望

晴雲暖日帝城闔
立馬天橋垂柳津
風斷蛟冰聲汨汨
御溝流出漢宮春

巖潭批宛
轉意好

寄李于麟

山中光景足蹉跎
花落花開幾嘯歌
莫買漁舟釣明月
江湖亦自有風波

即事

移家近住五侯傍
鐘鼓喧喧惱夕陽
飛來蛺蝶

誰相顧只隔花間一粉牆

懷王鳳洲比部

逸少風流在眼前
子猷清興阿誰邊
欲知別後相思處
倚杖臨風聽暮蟬

飲董禮部園亭

名園詞客對青娥
銀燭金尊聽翠歌
良夜城中十萬戶
無如此地月明多

月夜送宗子相赴閩中

燕京暮春生暮寒
之子醉歌行路難
來日獨尋

李氏山房集

十四

芳草去武夷秋色共誰看

西苑四首

下直西清散玉珂
分明天上渡銀河
水光搖蕩芙蓉色
不數當年漢影娥

菡萏風微水面涼
凌波七十二鴛鴦
龍舟晚幸

昭和殿一夜花開十里香

水殿逶迤影倒懸
中流搖曳採蓮船
金波不受

星橋鎖化作神龍吐玉泉

涵碧亭臺敞夕暉
渚花汀草靜相依
青鸞自是

仙家鳥只在瑤池水上飛

寄懷汪正叔憲副二首

楊花飛雪入船窓此際君應度九江欲向春風問消息南來鴻鴈不成雙

宮雲苑月足迢迢折簡年來幾見招記得玉堤春草綠聽鶯同上柳邊橋巖潭此情與俊逸

再過玉堤

馬蹄日日逐紅塵白髮青山應笑人昨日玉河堤上過杏花開盡不知春皇甫批非經寒仕路者不知此味

小齋石榴花下

汗青頭白殿中丞日食官倉愧不勝拄笏看山山更遠海榴花下讀殘經皇甫批閒曹雅思

久客

久客逢秋感歲華涼風吹樹月西斜杯中無物禁愁得夜半提壺索酒家皇甫批苦作

送凌雙橋赴建昌太守

建昌城北是仙都作賦憑高見大夫舊識名山無恙否因風江上問麻姑

秋日即事

燕山落日晚淒淒鴻鴈初飛漢苑西莫戀玉河芳草色秋風昨夜到沙堤皇甫批別有含蓄

夜歸二首

十月燕山雨雪飛長安道上行人稀聞雞跨馬爾何事滿面風霜夜未歸

一聲殘角起紅塵白馬青袍來去頻日暮九關金鎖合暝烟和月送歸人吳批曲盡人情

夜雪言懷

此夜陽春逢白雪故園明月照梅花東風一枕南歸夢九十長亭處處家皇甫批是唐調

春日戲東省中諸寮長

一自謬通香案吏年來不顧尚書期春風花鳥催行騎又是西山載酒時

春夜飲李參軍紫籐軒下

緇衣堂畔徑西斜盡閣春藏小洞霞舞罷羅衣香不散隨風吹入紫籐花

送袁郎中謫沔陽守

遷客分符下玉京
郎官湖上淚沾纓
何須更托瀟湘鴈
漢水東流日夜聲

送陳子野下第還金陵

行歌燕市欲黃昏
醉卧床頭寫竹根
君去莫愁湖上望
年年春草怨王孫

送維揚王生遊秦中

燕山朔雪暗胡沙
又逐秦雲聽暮笳
不念廣陵橋上月
玉人腸斷落梅花

贈王兆山

長安賣賦生計拙
海上釣鰲歸路迷
不逐南雲渡江去
羞將長舌訴山妻

答沈青門見訪

十載神交憶沈郎
相逢一笑解明璫
燕昭臺上黃金盡
盡落日酣歌易水陽

易水懷古

落日蒼蒼水鶴啼
秦雲燕草望中迷
荆卿一去無歸日
易水千年不向西

夢孫阪泉

湯湯流水大江濱
落日依稀忽見君
不省相逢却是夢
空將別恨訴南薰

感事

法雄寺裏高槐樹
舊是汾陽宅上栽
蛺蝶遶簷棲不定
誰家池館又花開

懷伯宗長史

楚臺千里暮雲遮
前席何時入漢家
賦得洞庭秋水曲
西風無鴈寄長沙

皇甫批唐
人上品

對酒再贈抑所二首

四月垂楊拂御堤
上林深處轉黃鸝
長安道上花無數
不許行人看少時

拔劍王郎且莫歌
少年蹭蹬如吾何
皓首青山不歸去
江湖猶自弄風波

皇甫批悲憤且食
蓄可以怨諒哉

出京二首

年年花裏送行人
斗酒新詩意氣真
却笑故交零落盡
一鞭羸馬出風塵

萬壽宮前舊賜緋
螭頭曾惹御烟歸
篋筒自滿成棄擲
莫將沽酒當春衣

夜泊潞河

潞水泠泠澈底清，漢庭遷客淚沾纓。
繞枝烏鵲南飛盡，猶自天涯醉月明。
巖潭批 佳思

金鳳花

葳蕤金鳳集高枝，獨抱芳心蝶未知。
半倚斜陽忽飛去，滿庭疎雨落胭脂。

薛園臘日見梅花

梅花千樹白紛紛，醉卧華胥一片雲。
欲採芳菲無可贈，一枝遙寄玉宸君。

雪夜曹南道中

鷓鴣裘敝不禁寒，去國孤臣行路難。
記得菟園供奉日，黃封春酒醉沾翰。

蒙城道中

官柳依然颺綠絲，風塵爲吏幾經時。
漆園城下牽帷過，莫遣莊周蝴蝶知。
吳批遊戲三昧 蘇批篇篇清楚

荆山暮歸

亭午登山日暮迴，肩輿百轉路崔嵬。
千家燈火蒼烟裏，疑是星辰天倒開。

鳳陽第一山晚眺

山前宮闕五雲平，山後湖波一片明。
長松倒鎖西巖日，人在彌天頂上行。

濠梁懷古

落日魚梁淮水秋，臨淮縣前高酒樓。
欲覓莊周舊遊處，娟娟新月是垂鈎。

彭城懷古

九里山前昔戰爭，至今草木尚爲兵。
夕陽西下亂蟬響，疑是當年散楚聲。

建康道中

十年執戟侍明光，千里分符下建康。
明月不禁秋色老，向人頭上灑飛霜。

淮上

漂母祠邊淮水流，水流不盡古今愁。
不見韓彭無葬地，風塵日日覓封侯。

采石謁太白祠

落日青天見酒星，酒星在天人杳冥。
至今采石江邊叟，釣得金鱗尚未醒。

江夜阻風

大江汨汨日夜流天風留滯木蘭舟不知客思
深何許兩岸蘆花盡白頭

有懷

浮雲爭似故山秋海燕雙飛杜若洲鄉憶郡齋
窓裏月照人清淚滴篴篴

夜飲舟中

月光如晝酒如泉白藕紅菱堆滿盤醉卧船頭
呼不起夜色漸高江氣寒

雨中投報恩寺

鍾山斜抱五城樓寶塔崢嶸九洲寂歷六朝
黃葉寺澹烟疎雨秣陵秋

太白祠落成紀事

重開華表石峻嶒祠宇巍然百堵興意氣相逢
千載後焉知不是李陽冰

茗溪泛月

月影橫江露氣寒波心蕩漾水晶丸輕帆斜挂
溪水一夜南風到四安

蘇批
風流

水西寺訪太白題詩故址

青蓮居士昔留題題處青蓮開滿溪間遍山僧
都不記溪邊春鳥作人啼

蘇批非太
白不能到

采石題力士脫靴圖

力士當朝氣槩雄謫仙驅使若兒童縱然一擲
青山老千古風流在漢宮

題王巖潭琴高山莊

琴高仙人家在茲琴溪之水碧漣漪松風不入
時人耳只許高山流水知

解佩劍贈穎泉

龍劍千金未許沽年年風雨泣江湖却恐鋒鏑
磨滅盡贈君把去試雄圖

郡齋偶成

庭槐初綠噪新鴉小吏焚香報午衙深院一塵
飛不到不知何處度楊花

暮春遣懷

行藏天地此身孤身外浮名乍有無醉向落花
數心事林端啼殺白頭烏

惜春

乍雨乍晴三月天
落花芳草正堪憐
無端又喚春歸去
可恨江南有杜鵑

巖潭批唐句

舟中有懷

扁舟夜泊楚江西
白露青楓秋色迷
却憶故園多酒伴
黃花深處喚胡姬

江行野望

逐客偏驚海國秋
白雲飛盡見京樓
天門儻許乘槎入
一夜銀河水倒流

李氏山房集

五

會臺題壁

此日長沮學耦耕
當年嚴助厭承明
空齋一枕華胥夢
細雨芭蕉秋夜聲

西園

荏苒風塵夢未醒
經秋林下眼雙青
閒將二十年來事
說與堦前老鶴聽

送魏少厓還閩中

飛旌遙指越江干
八月扁舟白露寒
一夜歸心隨鴈過
武夷山色夢中看

仲夏登樓即事

紅粧扶醉上高樓
滿地黃雲二麥秋
軒檻風微水簾冷
琵琶彈作廣寒遊

送沈青門還錢塘

落日秋聲不可聞
離亭尊酒別休文
武林南下三千里
願作長風一送君

戲贈楊思玄

童烏解讀子雲玄
花裏從師二十年
記得五陵春夜月
黃金臺下醉嬋娟

李氏山房集

五

惜花

醉月迷花春復春
每逢花落便傷神
落花不戀傷春客
飛過東牆是別隣

新秋西郊

因看木槿落花稀
更惜年光似鳥飛
斗酒黃雞堪共樂
青山無恙故人非

會臺池亭漫書

翟老門前任雀羅
習家池上少風波
朱門不換青山色
爭得花間一笑歌

三陽菴贈胥道士

劉來石髓作晨餐煉就金沙合大丹盡日相逢
惟道侶閒將春夢說却卿

雪中偶題

床頭兒女夜啼寒大雪填門歲欲闌不信東家
歌舞妓半酣樓上倚欄干

送沈生入京

沈郎挾策入京師問我青雲有故知便欲題書
忽懶作白頭林下不相宜

即事

少婦當窓剪彩花片時桃李綴新葩早知造物
由人做日日春風在我家

南園

門多蔓草何須剪家有春醪不用沽我欲移尊
小亭坐南園桃花開也無

仲石北莊桃花盛開移尊賞之却寄二首
隔巷桃花似火紅滿瓢春酒如乳濃種桃主人
不鮮賞付與西隣一醉翁

桃源深處是誰家門掩東風掃落霞好景難逢
春易老閑將醉眼看飛花

閨意

碧海清秋挂玉輪高樓相對晚粧新憑欄欲掩
蕙蕤面天上嫦娥不如人

聞箏

翠鈿金鴈影婆娑十四朱絃相應和唱到新詞
穠艷處一時紅粉感雙蛾

山房即事

殘霞飛盡水亭開水上蕖荷面面裁風動波心
紅一點金鱗嘶出月明來

放雉

耿介憐君性不偶放爾山中任飛走好去埋頭
草野問莫教膾炙他人口

秋夜樓上

小亭獨坐晚淒清起上高樓望月明上盡高樓
愁轉劇千家砧杵一齊生

莫笑

莫笑山翁老更狂尋花醉月度時光旁人相勸
閉門好一日閉門愁斷腸

讀高伯宗西曹集有感

三楚高生才不羈開緘一讀淚雙垂當時意氣
憑誰見滿目西曹和贈詩

遣懷

天風拂樹夜啼鴉殘雪空齋月影斜一片春愁
無處寓教兒笛裏弄梅花

南溪春泛

溪南春盡落花深晚泛扁舟過竹林更喜山僧
調鼓吹笛中飛出水龍吟

清明日望桃林有傷蘇仲石舊遊

蘇李通家一徑分每逢花月醉紅裙春風又到
東林樹只見桃花不見君

賞牡丹

牡丹千樹錦爲屏邀客連朝未解醒歌吹遶梁
香不散教兒翻作賣花聲

送吳黃山遊岱宗二首

季子來觀海國風相逢樵者坐山中掉頭一指
青天上五色雲籠太乙宮

昔解朝簪謁岱宗至今挂在天門松竹溪新社
休爭長讓與青蓮作主翁

送鄭虛舟過濮陽吊蘇尚書還清源二首

遠道生芻拜墓門隴雲秋草賦招魂孟嘗門下
三千客只有馮驩不負恩

蕭條書劍客東州落日秋風張翰愁家在東吳
身在魯不知何處結冤裘

秋日郊送何憲副如京梁舍人還嶺南

秋原雨霽草菲菲握手城陰悵落暉同出陽關
不同路不知離思向誰飛

悼亡二首

昨夜涼風吹短衣牛郎忽憶舊支機泉臺不鎖
鄉山路天上人間有夢飛

秋光如水淨無塵桂影深沉抱月輪玉鏡臺高
雲不散隔花如見晚粧人

記得

記得花時每勸酬紅牙輕按小梁州和就新詞
人不見哀蟬飛過晚粧樓

小亭即事

綠楊垂穗噪新鴉竹裏茅亭一徑斜不是山人
携酒至小園閒殺碧桃花

吳批
豪宕

送蘇子長赴濟上謁朱鎮翁司空

白雲一片隔牆東懶逐晨風謁盡熊君去相逢
何水部道余老作蠹書蟲

謝宋山人贈竹皮冠

李虎山房集

一從解組出金鑾白石山中煉大丹散髮不知
搔更短山人却贈竹皮冠

雜興四首

逃名山澗結茅菴懶慢真成七不堪草就太玄
將覆甌何須携取贈桓譚

會臺風景足登攀日與山人共往還不是迷花

甘棄擲免教踪跡落人間

蓬玄洞口卧青霞相伴仙人萼綠華醉和步虛

新調曲不知春信到梅花

一從掉臂出風塵晤得寰中别有春只是一關
叅不透年年花鳥費精神

除夕同宋山人聽侍兒吹簫

千金不惜結同遊除夕拚君嚼大甌却恐殘年
容易去洞簫吹徹五更頭

新春病中口號

家家春酒泛新醅酒伴相過夜不迴雖教中聖
經旬日恰是燈殘花未開

遊春曲

李虎山房集

我家園中開好花自信東風在我家出郭遍看
花勝錦向來春色不須誇

暮春出郭

柳拂輕烟啼曙鴉青青麥浪倚風斜不知何物
催春去却怨東風吹落花

謝四溟山人歸自河汾見寄近作俾此答

之

千里擔簦老不勝河汾講道氣憑陵諸生盡法
文中子何必逢人說魏徵

夏夜聞笛

酷暑泥人汗滴滴坦腹山亭倚空壁颯然夜半涼吹生月下美人吹玉笛

夏日山齋即事

圖書堆案晝常閒苔蘚盈庭戶不關日午高眠水簾冷榴花開遍小重山

李氏山房集

卷二

暮春初過山莊

山人本性愛山居拜節春遊過舊廬短砌雨餘芳草合小亭風定落花疎拂壁下榻驚梁燕發簾抽書走壁魚更闌巖扉頻灑掃能無長者命高車

九江

潯陽春盡水連空九派烟波處處通潮候不傳淮海信江豚空拜石尤風湓城樹色浮天上廬阜嵐光寫鏡中估客乘流千艇下輕帆飛過楚雲東

李氏山房集

五

縣齋晚坐

孤城南面枕江干玉几雲岑對鬱盤花下烏啼群吏散窻中雲盡數峰寒清齋獨坐偏懷土白髮催人欲挂冠昨夜南薰吹入戶空懸綠綺共誰彈

朱批傲吏為縣北人客南乃有此興
詞嚴潭批詩之超悟者可以風入

小孤山

沈寥天上泛歸潮水面孤峰影動搖風起鼃龜迴夕浪春晴殿閣插烟霄北吞楊子分江界西

鎮洪都作漢標暮雨恍疑神女至嵐光飛入木

蘭橈

朱批可與小孤爭雄特巖潭

白廬洞

紫陽宮闕鬱重重白廬仙人去不逢波靜九江

平似鏡丹成五老化為峰懸崖誰得樓山鬼陰

洞雲霞鎖燭龍風雨蕭蕭下水葉滿林秋色度

疎鐘

皇甫批錢劉未道朱批如此名區須如此

夜宿大蒙山下用杜體

蒙山一夜風雨深二月江南寒不禁烟霧滿林

攪人睡塗泥在道愁我心幾樹巖花都不放空

山谷鳥時一吟明發西行彈子嶺當面千峰不

可尋

寄大司馬蘇公特總督宣大

今代長安古北平居庸烽火夜邊聲鎗鈴闕外

防秋塞節鉞雲中簡夏卿廟筭先憑周上策

牙兵舊屬李長城獻俘莫緩流星驛按劍看

君王聽履迎

巖潭批律整而切

天寧寺塔院留別章景南給事李于麟王

元美二郎中謝茂秦山人得城字

遲日嚴裝出鳳城上方留客坐春晴林中步屨

尋芳草門外停驂聽早鶯塔院風鈴悲遠道御

溝烟樹拂前旌臨溪一笑陶潛去江北江南空

復情

巖潭批澹而有味

金城寺

金城古寺對焦湖雙樹金仙尚有無嶺外雨餘

看水漲林標雲霧覺山孤慣聽鐘梵惟沙鳥屢

扣禪關有野狐寶筏何年同問度輜軒終日寄

長途

朱批碑蕭

太平觀偶書

堆案盈庭吏事羈轉於行役是閒時山當玉笥

春雲滿江入羅溪暮雨垂福性最宜仙館淨初

心惟許道人知旌陽去後留丹井為訪真源拜

藥師

朱批發自道情巖潭批非源於行役者不能為此語信可傳矣

雨中登玉峽山謁練中丞祠

玉峽高臨拂夕陰中丞遺蹟未全沉亦知三駕

飛龍日自表孤臣拉馬心白石鄰鄰江底見危

峰矗矗雨中深百年松檟摧殘盡荒塚殘碑何處尋

巖潭批忠烈意與可以想像來批思深調高中丞英義皆有非煩情可到

玄潭訪羅念菴不遇

雪浪仙人駕鶴還樓居縹緲鏡中懸來攀桂樹逢朝雨坐對江流拂曙煙謝傳山中當局日馬卿病裏著書年滄浪亦有行吟者寄語玄都道士傳

初秋答王元美比部見寄次韻

嶺上仙人勞寄字席間野老未忘機行吟礪草

李氏山房詩集

悲先發坐對山雲美早歸胡馬嘶空應戀別蓼重食苦不言非誰憐楚客湘潭上夜聽秋風淚

滿衣

宋批變古語為律愈見高手

天峰寺同譚少府覽眺

其山有海門日岫甚奇絕云

郭外名山碧四圍聯鑣載酒歷山扉千家戶牖

分青靄一曲江流寫翠微日嶠晴雲低古寺海

門秋色澹征衣天峰果在煙霄上坐對長松了

道機

巖潭批可了道機

鮮荔枝

筠籠遥贈荔枝來珍重瓊方手自開青蒂摘將函玉液紫囊擘去現珠胎薦新定下飛塵騎品味真如承露杯倘比三漿堪入饌早春移取上林栽

遊麻姑山觀瀑布度石梁飲神功泉入仙

都謁鄧紫陽墓坐七星杉下採石菖蒲作

石門遥見赤城標瀑布雙飛下紫霄玄鶴千年

開福地彩虹百丈挂仙橋名泉出谷皆神釀古

榭含風即洞簫更覓七星杉下路麻姑天上坐

相邀

朱批馬遠巖潭批精練如入仙景

宜春臺

在袁州上有昌黎祠

春臺獨上俯千家睥睨風高起曙鴉南下萬山

連百越東來一水自長沙青厓竹覆經年雪碧

落松盤小洞霞駐馬荒祠聊借問韓公何事客

天涯

巖潭批感慨不盡之情皇甫天樞懷古況今詩可以怨信哉

源樓春望

嚴譙晴望盡西吳萬里風烟入楚都浦樹春殘

啼布穀湖田水落長蘆蕪漁人忽送湘潭曲仙

客選傳玉笥圖誰念關門留滯客江天搔首坐
踟躕

五日齋居

縣齋五日念將歸浦樹江籬悵落暉佳節再逢
仍作客二毛相見未知非投湘吊古蛟龍得隔
海傳書鸞鶴稀遥想浮雲天北極待臣初著漢
宮衣

贈少司馬簡公被薦

匈奴屢犯三城戍天子親提六月師邊月正

窺胡部落朔雲常護漢旌旗伏波羅馬秋仍健

尚父推車老更宜今日中興在公等早馳驛騎

報明時

金鳳洲訪黎山人

楚山晴望鴈來稀金鳳洲寒秋草腓步屨小山

攀桂樹寒帷深竹訪魚磯高樓下瞰清波盡遠

樹斜連皂閣微莫是江山多麗藻宣城留滯謝

玄暉歲渾批藻句可觀今
在宣城豈詩北郎

曉行羅溪驛再讀袁郎中壁間見懷之作

感而賦此

古戍殘星動使車隔烟梅柳半將舒龍門無路
陪元橙狗監何時薦子虛月曉正聞南去鵲江
寒不見北來魚津亭問渡無舟楫白馬紅塵逼
歲除歲渾批歲
唐之調

同莊少府葉何二明府夜飲筠陽館中

春宵把酒問羊何聚散君看錦水波世上浮名
笑中盡天涯明月醉時多華林樹色迷青靄碧
落亭陰綠綠莎記取筠陽行樂地十年心賞一

高歌皇甫批二首俱佳
朱批錢劉之調

雲津送袁生之京

曲水平橋江岸斜雲津門外送仙槎離亭握手
愁將夕遠道逢春髮易華二月行人折楊柳一
年心事問桃花蘭橈泊處東風遍細雨樓臺燕

子家茂三橋批
語近自然

德州道中

城郭依稀浦樹寒廣川風物日凋殘渡頭向晚
船初泊驛路經秋泥未乾野菊黃時非故國塞

鴻來處是長安金門多少同遊侶退食誰知行路難

松縣橋上作即古易水

兩岸蘼葭跨石梁三城隱約水為鄉烟村近瀨多漁艇野市邊橋半海商歲暮草虫隨遠道湖平沙鳥下危檣悲歌壯士今安在風雨蕭蕭秋恨長

登涿州南塔寺望京邑

范陽南塔迥蒼蒼冬日登臨望帝鄉石磴高盤天尺五珠光下映殿中央禁鍾縹緲來長樂苑樹依微接太行海畔孤臣傷歲暮壯遊不為禮空王

滕王閣

滕閣嶙峋攬上遊還將歌舞問東流劒江割據衡廬險鐵柱平分吳楚秋鳥外片帆來極浦雨中芳草通滄洲江湖滿地無舟楫天畔何人獨倚樓景在自前矣

仰天岡寺同劉郎中萬進士李張王三博

士瞻眺

西北浮雲湧翠岑褰帷載酒共登臨輕風拖雨來山麓高鳥窺僧下洞林基局慣隨安石履香爐一住遠公心孤峰倚杖留清聽萬壑鳴泉寫素琴嚴評批用古人事如已出

東林寺望天池寄孤月和尚

東林祇樹畫陰陰廬阜南來蒼翠深鳳剝孤雲空外象虎溪流水定中音長途落日淹行騎白石青苔長道心舊識遠公仍健否香燭絕頂共誰尋嚴評批楚悟律機詞從俊逸

懷王元美比部得長字

吳下才名久擅場風流此日憶田郎荒臺麋鹿行應遍秋水鱸魚到可嘗長樂雪飛連上苑燕山月落滿空梁百年懷抱憑誰盡南國音書正渺茫

至日千秋節酬宴

玉燭調元迎日至彤輝鳴珮慶千秋青宮陽氣乘陽月少海仙籌作酒籌共荷大官領玉食

叨分醕燕出銅樓遙想倚蘭春殿裡問安先入
未央遊

人日同李郎中夜集徐比部宅懷王元美
得天字

春夜華燈照綺筵官齋同坐白雲天
莫開七葉迎陽氣梅結三花歛夕煙
復道青皇飛綵勝小亭白雪入冰絃
開元朝士今無幾人日題詩又一年

上元夜望西苑燈山二首

蓬萊宮闕敞燈筵北斗平臨御座懸
火樹夜分三殿曉金蓮春動九枝然
雲中蜃氣搖仙閣海上龍膏結綵煙
此夕漢家祠太乙非關遊豫眷芳年

燈山高架萬星攢九陌行人駐馬看
碧海神鰲移上苑玉臺明月滿長安
和烟溫樹含風輭應節仙真耐夜寒
宮女如花春似海幾人天上奉宸懽

淖沱曉行

朔塞天風揚白波匆匆寒夜渡淖沱
山鴉出樹人烟動戍鼓開關津吏過
春曙鶯啼故園早天晴月向禁城多
朝來迷却邯鄲道惆悵青驪白玉珂

恭謁孝陵

玉壘千年肇帝符孝陵佳氣滿東吳
祠臣應月開原廟仙馭何時降
陽湖江抱鍾峰鰲奠樅山當天印
鳳銜圖端笏橋門悲雨露九疑縹緲隔蒼梧

初返故園

雨後山園蟬乍飛天涯遊子賦初衣
百年桑梓青門道五月葵榴白板扉
移竹溪亭逢醉日灌花籬畔帶斜暉
漢陰野老應相笑罄折風塵未息機

送馮職方赴鞏昌兵憲二首

關雲朔雪滿胡空聖主臨軒歌大風
彈鋏故人辭闕下請纓使者出山東
橫行夜醉新豐酒獨坐朝看碣石鴻
書記翩翩隨仗節遙將雙劍

倚崆峒

莫惜馮唐久未遷一朝銜命重行邊壯遊夜渡

隴頭水攬勝朝登華嶽巔日暮烽烟連朔塞月

明笳吹滿秦川獨慚魯國諸生後送爾臨岐有

贈鞭皇南壯贈言具貴於金璧矣

送王郎中元美京輔恤刑便過薊門省親

二首時乃謂恩質總督薊遼

開府金緋衆所尊趨庭綵袖又承恩夫低北

斗隨行劔日借當陽照履盆楊氏五公垂世業

千家駟馬復高門使臣更有盧龍策留鎮陰山

吐谷渾

朱軒絳節照金尊使者銜恩下薊門同侍鵷

行分艮藻獨騎鰲背上崑崙榆關山迴天疑盡

黍谷春迴氣自溫滿地胡笳明月夜不知何處

嘯劉琨農澤批宛似劉長卿之句

署中友人見過

秋臺長夏撥書眠底是山人吏隱年月夕故停

沙苑馬麥秋偏憶汶陽田花間白日隨公事暮

下清尊藉俸錢小院槐陰蟬唧唧侯芭來問子

雲玄

送陸郎中赴潮州太守

提封萬里越王臺嶺外爭傳陸賈來截海真如

天上坐飛符遙向日南開蛟人夜獻明珠滿龍

劔朝看斗柄迴溪畔鱷魚須遠避使君呼吸有

風雷

同楊比部登昆廬閣二首

青蓮池上開香閣丹鳳城南訪竺仙石磴盤龍

扶繡拱雕甍飛鶴繞金田階前老樹關僧臘窻

裡群峰護法筵下界緇塵元不染數聲清梵落

秋天

松陰繫馬共逃禪佛閣嶙峋倚日邊伽葉翻經

分上界仙曹鳴珮度諸天九關虎豹烟中合萬

壑芙蓉仗外懸坐待千門明月上同看法鏡兩

重圓農澤批清思俊詞

寄大司馬蘇公

玉關生入主恩深却望燕雲淚滿襟報國常留

集 119—397

雙寶劍傳家不藉萬黃金行吟月下調雙鶴醉
起花間戲五禽伏波老去心猶壯風雨疑聞笳
吹音最澤壯起得感
結懷忠勇之情

上總督薊遼王公

握斧霜堂鎮北陲海天東望白雲秋三邊極目
愁戎馬一劍隨身上下牛御苑砧聲連朔塞
門寒色下盧溝壯猷莫擬公孫老秦凱歸來尚
黑頭最澤壯起得感
結懷忠勇之情

昌平城樓望居庸關作

樓外群山拱帝畿朔雲燕樹晚霏微孤城落日
催刀斗九月微霜浸鐵衣海氣東來千壑合
門中斷一鴻飛萬家煙火行營外笳鼓風高塞
馬肥最澤壯起得感
結懷忠勇之情

除夕簡寮長徐蒙泉

連朝不枉故人車貧病相看嘆索居客邸乍逢
春作伴愁心當與日俱除馬卿未賜金莖露方
朔空懷玉笈書豈少椒花對君酌良宵莫放綠
尊虛

送徐符卿給假還柳州

春深燕草正萋萋送客都門立馬嘶行處風雲
隨覆手到家桃李自成蹊青山無恙催人老白
首行歌與世違漫道欲歸歸便得故鄉迢遞嶺
雲西

送馬孟河內翰南還

御溝春水覆垂楊三月鶯花出建章遊子曰歸
念芳草美人其雨怨朝陽龍門久負瀛洲選鷄
舌空分漢署香何事馬卿供奉日茂陵歸去著
書長

暮春省中有懷二首

因看芳草戀音微嘆息流年樂事稀一徑馬嘶
官舍晚滿庭花落吏人歸殘春劍氣隨星轉久
客蓬心向月飛時倚白雲樓上望西山疎雨坐
沾衣

省閣樓遲坐晚暉停雲遙憶故園扉松篁夜月
同誰醉桃李春山有夢歸白首為郎成落莫清
朝無補愧輕肥那堪轉餉東南盡淮海兵戈未

解圍

巖潭批錢
劉之問

送劉郎中赴常德太守

郎官出守逢春暮五馬翩翩踏落花三楚畫熊
開府地兩朝握虎使君車山藏桃水迷仙蹟人
頌蒲鞭識舊家南下五溪千嶂合遙天何處望
京華

送郭少府赴保定兼呈陳東達太守

平明列騎發盧溝父老停車拜細侯鏡裡河山
連帝苑窻中風雨入邊愁燕關獨據開雄鎮

李氏少府詩選
虎竹平分屬壯遊却憶同官陳仲舉郡齋清嘯

薊門秋

新秋夜直署中

涼颼拂樹晚霏微紅蓼花深見吏稀地迴常涵
湖海氣官閑時著薜蘿衣臺邊馴鶴逢秋健檻
外流螢帶雨飛選夜小亭頻徙倚盡屏銀燭散
清輝

早秋言懷

薊門晴色照新秋九陌軒車如水流邊馬不知

燕草歇涼蟬偏益漢宮愁地隣紫塞寒聲早臺
散黃金壯士羞老去馮唐空灑淚當年少婦擬
封侯

秋夜張園餞別張千畏赴蜀僉憲得雲字

仙曹出祖動星文別館初驚落葉分正喜論心
如白日那知握手是浮雲楓林露下聞猿嘯
閣秋高度鴈群萬里壯遊應自愛佩刀那惜贈
夫君

秋日同高比部徐少叅汪水部張武部况

李氏少府詩選
膳部夜飲宗司勳席上分韻得塵字

同是清朝翰墨臣抄秋高會動星辰金尊不負
黃花節銀燭偏憐盡省人醉裡高吟山吐月客
中一笑夜生春莫言握手相逢易明日軒車隔
市塵

巖潭批俊逸之句吳之
山北前熟後援可愛
送王元美赴青州兵備海道

憲府緋衣綠髮郎行藏四代綰金章壯遊夜發
青雲省別譙春迴白雪觴天上璽書領細柳臺
中辭賦出長楊蓬萊閣下神仙吏到日風波海

不揚

微渾批聯句有情

張太師園同吳庫部汪水部陳比部况驥

部張駕部錢朱氏部赴留都得通字

白首焉郎出漢官况君詞賦似楊雄五陵冠劍

豪華地四海交遊感慨中夜動星河低閣下春

迴楊柳渡江東莫愁遠別青門外天上仙槎有

路通微渾批情深語渾

重陽後一日楊比部莊尚寶見過新居留

酌

李氏中表詩選

王

琴

十載為郎老不妨移居更就白雲鄉遽廬萬事

惟黃髮官舍相逢有綠觴明月欲隨秋葉落寒

花爭似故園香叅軍不盡龍山興策馬還來索

酒嘗

送宗少叅赴建寧陳僉憲赴杭州得深字

都門垂柳拂黃金二妙飛軒出上林携手河梁

春草綠停杯風雨夜堂深溪邊流水隨行劍湖

上青山入素琴吳越古今張樂地莫將吏事負

登臨

送曹中丞謫戍朔方二首

嗟君此別是生還力可回天衆所憐謫道寒翁

曾失馬翻同樂毅不歸燕心摧沙磧孤蓬外夢

遶江關群虎邊何用南冠頻下淚佩刀長揖各

風煙

幾年海邑空流血今日燕關復斷腸勲業不隨

江水去壯懷還逐塞雲長敢論棄擲風霜苦實

賴生全日月光從此軍中有頗牧他時 天子

問馮唐

馬批傑作極渾批妻楚自見

李氏中表詩選

王

寄懷宗子相少叅

特在聞中

聞道扁舟下武夷廣陵秋色正凄其題書天畔

知同病啓事仙曹憶往時自有長風破高浪何

辭獨鳥寄南枝遙依斗柄瞻龍氣風雨常生化

劍池

冬夜同汪正叔魏順甫飲高伯宗官舍喜

令弟叔崇至得來字

華燭清尊對雪開謝家兄弟不允才吟從黃鶴

樓邊下醉向秋雲署裡來夜靜涼風吹朔塞天

晴明月上燕臺故園亦有連枝樹歲暮因君首
重回蘇軾此情景相
薄吳此妙句

白雲樓同高伯宗送元簡此部得樓字

朔塞天風吹落日漢京忽動白雲秋千室站杵
催城角滿目山河對酒既楚客獨成王儼賦胡
床空坐庾公樓相逢此地堪乘興又送仙郎出
帝州

人日立春雪中簡符臺諸寮長見過

新年人日逢春日久客京華感物華更喜尊前

謝李太白詩帝鄉

王

開玉樹真堪勝裡醉金花辛盤巧和青絲手夾
巷徐停白鼻騮莫學子猷無意興金貂不畏北
風斜

夜醉昌平劉氏山莊戲贈張太僕有功

疊嶂晴雲錦作堆不應此地起樓臺正愁白日
行將晚却戀青山醉不迴歸騎尚憐芳草合遊
人其奈落花催夜聞羌笛吹楊柳何限春光塞
上來

鞏華城

薊門山色鬱嵯峨水抱嚴城揚素波九月邊聲
催鴈盡五陵佳氣上樓多侍臣正憶秋風曲野
老猶傳猛士歌霜露不堪頻北望翠華天上幾
時過

得王鳳洲永平書

都門一別幾朝昏萬事中原感慨存直北烽烟
連魏闕征南羽檄下吳門盤山草藉尋春屐河
朔花明避暑尊共許登高能作賦漁陽鼙鼓不
曾論

謝李太白詩帝鄉

王

上已汪郎中席餞子相于韶得壺字

鶯花三月漢名都留醉君家白玉壺萬戶星河
隨劍舄殘春烟雨隔江湖永和時俗還今古王
謝風流近有無此日紉蘭堪晤賞遊人何處採
繁蕪蘇軾此情景相
薄吳此妙句

送郭給事使琉球

宮錦為袍玉在腰使臣銜命壯天朝三春灝
氣衝長島萬里仙槎泛去潮風送霓旌疏海道
波搖鵬背上烟霄懸知陸賈南遊意不為黃金

擁漢軺

中秋對月同高魏二寮長飲張駕部宅得

門字

八月涼風吹薊門千家明月正黃昏笛中楊柳
調新曲鏡裡關山入故園鴈帶寒聲來上塞蟾
分秋影落金尊更教砧杵催城角今夜天涯有
斷魂

賦得嚴陵灘

千古桐江此釣磯富春盡草菲非丹山威鳳

翔千仞白水真龍降六飛漢祚已隨滄海變嚴

陵空鎖暮烟歸一從別館迴鑒日天子何曾問

布衣

諸將五首

盧龍烽火照王畿小苑城南夜合圍共說北門

天塹險誰教三輔羽書飛胡笳候月邊聲急塞

草先秋戰馬肥昨日大風吹海樹漁陽甲士幾

人歸

白羊口北陣雲低涿鹿村官疊鼓聲金甲空屯

百萬騎玉門誰獻一丸泥五原賓從多珠履三
晉雲山半白題借問長城何處是吉囊元駐受

降西

團營十二佐元戎坐守京屯扈漢官城上今飛
青海箭帳前誰挽綠沉弓徵兵塞下聲相倚轉
餉江南路未通七葉金貂恩不細汗顏何以謝
重瞳

長鯨吸浪灑江湖水底蛟龍困未蘇雲集中原

金鑠甲風生海上鐵浮屠韜鈴久寄征南將河

漢常懸拱北圖鼉鼓不鳴精衛死扶桑銅柱幾

人扶

爭道南征馬伏波樓船截海復如何江東父老

誅求盡澤國魚龍出沒多聞外豈無周節鉞鏡

中誰洗漢山河材官猛士紛如雨不見轅門秦

凱歌

白雲樓感述同高伯宗何振卿胡正甫賦

得寒字

秋日秋臺生暮寒白雲回首盡長安窓中紫閣

隨風入城上青山帶雨盤戎馬三邊空節鉞江
湖萬里自波瀾劉琨王粲俱寥落今古傷心一
倚欄巖潭批感時
懷古得體

省中雙鶴

雙鶴翩跹迥自憐銜珠報主是何年池邊唼藻
歡同舞簷際窠松穩對眠顧影徐行秋露晚向
人清唳月明天願從黃鵠思千里夜夜江湖夢
裡還

早春寄懷河太華總督二首

代作

榆關一別幾青春燕草年年空向秦四海交遊
同白首五原賓從獨歸人明時懶入商山社勝
日閑行渭水濱好向華封歌萬壽須知去住
帝恩均

一自投簪謝世氛山中白鹿自成羣為樓偏近
長安日選地平分華嶽雲醉笑伏波還躍馬狂
歌王粲舊從軍當時冠劍今無幾渭北春天正
憶君兼潭批
俱整嚴

禁中春雪

仗外春雲捧露盤禁中春雪畫漫漫光搖玉樹
千花滿氣壓金城萬雉寒爭向兔園許灑藻來
攀鶴馭奉宸歡微臣亦有陽春調願博黃臺一
笑看兼潭批
王錄

天壽山望陵作

薊門回合控堯封隔嶺遙聞玉殿鐘天作高山
俱拱北水歸滄海自朝宗晴嵐曉掛千峰月靈
籟春流萬壑松却望橋陵深不極鼎湖烟雨駐
游龍吳批字
字精渾

送張給事兵備山東

夕郎疇昔善兵機出鎮齊城願不違組練寒生
雙羽扇風塵秋動五時衣禁中諫草焚應盡海
上關山度若飛東郡由來稀寇盜晝眠官閣夢
黃扉

萬壽節賜緋

曉瞻華渚玉虹飛午拜天門詔賜緋色映
宸楓新出笥香分仙女舊支機符臺地近恩
先渥宣室齋嚴帝永禧裁入漢官誰不羨雲

霞偏護侍臣衣

皇甫用事恰好歲
澤批恩遇意明切

九日同南華諸君崇文門登眺得來字

睥睨風高白鴈來嚴城落日照衙杯
元龍會攬勝何須戲馬臺萬戶砧聲催木葉九
關寒色上蓬萊故園黃菊應堪把薊北江南首
重回

送張大參元洲赴四川謫居

世路間關君莫疑此行蜀道更逶迤
緣何事烏有雌雄祗自知晚市風塵傷歲暮天

涯杯酒話襟期金門亦有浮沉客共藉君平一

問之

嚴潭批
結宛曲

雨後過况吉夫宅喜張肖甫初至得家字

四月風吹楊白花禁城夕霽動高霞山光倒鎖
千門日暝色斜飛萬樹鴉纔賦長楊隨闕下又
尋芳草到君家相逢俱是青雲客留醉新停博
望樓

秋日飲伯宗宅懷令弟叔崇得山字

黃鶴西飛不可攀洞庭秋水思潺潺別來漢署

花仍滿到日王孫草自班定向郢中尋白雪不
應江上戀青山謝家池館新涼入目斷仙槎八
月還

送梁中翰使留都便道歸省南海

金陵八月江水平有客乘槎萬里行嶺樹常懸
滄海月塞鴻先度石頭城皇華載道烟雲滿彩
鳳蹲池翰墨清青瑣故人深戀別莫耽芳草滯
王程

嚴潭批
潤源

立秋小亭即事

玄蟬綠樹咽南颺又送秋聲到竹籬宿雨落花
閒不掃斷雲流水澹含滋楊柳閉戶難忘酒匡
鼎談詩為解頤處處新涼足行樂騷人何事轉
生悲

九日登宣武城樓

一辭東海釣魚槎三見長安九日花風急燕山
驚落葉天清明塞動悲笳佳辰為客寧辭酒華
髮催人倍憶家賦罷南樓時極目千門寒色起
城鴉

嚴潭批
有少
秋興句法

秋日集正甫宅望西山得聞字

天涯斗酒聚論文握手看山興不群
丹鳳城高連剡塞黃金臺古落秋雲千巖日暮鴻聲斷九月霜清木葉聞却憶草堂猿鶴在望中離思轉紛紛

皇甫拙初唐風蘊

送王西塘侍御代巡甘肅

君王西顧重籌邊繡斧衝寒出酒泉
絕塞常懸青海月長風不斷王門烟
惹兒夜奏燉煌樂宛馬春嘶首肯天
何用先聲傳韃靼霜威昨已到

秦川嚴之句

李氏少翁前集

三十三

庚

除夕

歲暮天涯胡不歸青山華髮與心違
十千沽酒聊行樂五十為郎未覺非
方朔詼諧寧混俗步兵潦倒實藏機
明朝又是朝元日願借東風早拂衣

春日言懷

十年執戟玷名流華髮蕭蕭已倦遊
几閣書耽春草綠關山晴望白雲愁
匣中風雨悲雙劍枕

上烟霞戀一丘若待夕陽歸鳥盡
故園松菊不勝秋

皇甫拙初唐風蘊

喜吳明卿至自武昌春夜同賦

燕臺握手話生平楚客酣歌淚滿纓
湖水暫停彭蠡棹春風又出武昌城
懷中白雪元同調身外浮雲總是名
莫向青霄論出處成蹊桃李不開情

寄蘇子冲

回首故園懷舊遊青山無恙人白頭
千金不復買駿骨十年空自佩吳鉤
方朔詼諧留漢闕仲連談笑出齊州
不然掛席逢萊水醉倚扶桑看海鷗

寓直

仙曹分掌掖垣西建禮門高御仗齊
朝下每聞宣室召詩成直入漢宮題
濯龍曉映金川吐翔鳳春依碧樹棲
何用中官傳絳燭夜來書案有青藜

嚴澤批

西湖即事

御柳陰陰接大堤龍宮深鎖暮雲低
掛風海鷗
晴雙下隔水村鷄午自啼
岩澗斜通銀漢上
山遙挂石梁西何須方外尋真境
咫尺桃源客路迷

七夕同項少嶽賦得星字

久客天涯秋露零悲歡何必問雙星
且沽月下
新豐酒留醉花間吏隱亭
大道無媒醜自拙清
時不飲為誰醒仙橋只在浮雲外
張望明河烟霧青

昆廬閣送陳太守赴夔州用子美秋興韻

高樓一望鳳城斜坐對燕雲攬物華
一笑河山
增爽氣半空風雨送仙槎
劍門秋老悲殘角
棧道霜清咽暮笳爭說錦江能勝錦也應回首上
林花

同豐城侯冊封德藩途中有贈

暫輟鵷班辭帝家遙持龍節賦皇華
侯門舊
藉金貂重天冊新題玉篆斜
豈有相如能結駟
謬同博望一乘槎
藩封况屬鄉園地海嶽東瞻

萬樹霞

行間寄贈高郎中伯宗出相親王之國
故人載筆侍藩封
予亦乘輅出漢宮
金闕俱懷
仙掌露蘭臺獨詠
大王風
雪花映日開新苑
桂樹經秋戀故叢
海水東流燕西去
臨歧握手恨無窮

同潘民部登千佛山

葱嶺孤懸淨業堂偶來飛鳥謁空王
雲依古樹
搖晴雪鳥帶殘僧下
夕陽烟雨微茫分
嶧華湖
山表裏壯金湯
投簪擬結東林社
綠髮其如盡
省郎

東阿道中望虎窟山

群峰迴合抱孤城
虎窟當軒列翠屏
嵐氣東來
風颯颯洞門西望
畫冥冥
黃公一片彈碁石
季子千年挂劍亭
我欲振衣凌絕頂
先將青鳥報
山靈

登完窟山絕頂

千盤危磴疊青螺
千笏僧房掩薜蘿
倚杖高尋

猛虎窟逃禪直挹白雲窩院遠古樹藏幽鳥
下寒泉咽碧波景喜東林無酒藥后床留醉聽
多囉

上元日龔憲副次韻

條風昨夜報鶯還映月華燈萬井然正喜上元

重握手何妨故里四開筵花間有酒回春色醉

裡何人不少年錦瑟青娥喧入座十千沽盡莫

論錢皇甫批古
人未到

會臺立石紀事

齊桓當日霸諸侯此日仍餘古會丘總謂河山

歸禹貢不妨臺榭紀春秋平原歲久風雲盡老

樹春深洞壑幽往事興衰俱莫問蒼苔濁酒自

悠悠蘇潭批宏
壯之句

春日山莊

得歸仍喜故園春日花前倒葛巾自惜年光

催短髮平分春色與東隣嚙枝黃鳥爭歌妓拖

雨緋桃似醉人華髮青山莫相笑初衣曾見出

風塵

携酒訪徐子與得寒字

徐幹才名出建安白雲回首舊彈冠交情雙劍

隨星轉世事孤蓬立馬看臺散黃金傷歲暮家

藏白壁照人寒坐中更有馮唐老對酒休歌行

路難蘇潭批
好聯句

再過子與話舊

五子當年寄法曹翩翩意氣五雲高掉頭往事

看春局握手重來感鬢毛蓮社故人花外散竹

林適客酒中逃誰教方朔留金馬日日瑤池醉

碧桃

三殿慶成元日早朝志喜

天王新起建章宮北斗初迴殿角東五夜祥光

飛赤電九關春色護丹楓蓬萊乍閃蛟龍入閭

闔高懸日月通不是漢家誇壯麗堯風為闢四

門聰蘇潭批結
意深切

早春 今上祈雪瑞應志喜

聖主祈靈轉翠華東皇獻瑞散瓊花池邊帝女

歌黃竹掌上仙人壽紫霞禁苑春回瑤草濕天

門曉挂玉龍斜為動民瘼期三白不許鄒枚謾
自誇

魏比部席送子與得逢字

昔我為雲君作龍西臺風雨日過逢南州高士
推徐穉北海才名負李邕人去黃河分兩岸天
開嵩嶽見雙峰離筵共惜清尊晚潦倒千門長
樂鍾最澤批
清切

上已送子與

大漠風高揚白沙使君千騎出京華聯鑣共賞

與李氏山房詩選

新豐酒弭節還尋杜若花正喜蘭亭脩楔事那
堪春水送仙槎臨流更拾王孫草多少遊人盡
憶家

贈郭山人

一別江南桂樹叢冥冥天外見飛鴻逃名却比
山中相閱世真成塞上翁白雪當尊歌古調浮
雲回首笑東風至今越鳥寒山下日日南枝呼
郭公

送劉念菴憲副赴固原兵備

劉生馬上酌榴花西指蕭關道路賒地近崆峒
雙倚劍人如博望一乘槎四中烽火通秦塞隴
外葡萄入漢家百二提封恩不細好持龍節
鎮胡沙

昆盧閣送郭山人

高閣凌層霄夕曛四天風雨淨埃氛閒同仙客
騎黃鶴倒聽鐘聲出白雲五月冰霜回朔塞九
關車馬隔人群他時重倚簷前樹却望青山即
是君

與李氏山房詩選

送魏蘭川赴濟南太守兼寄李于鱗學憲

四十專城畫省郎翩翩千騎下東方堪愁握手
稀知已猶喜分符是故鄉滄海風雲隨弭節明
湖日月滿携囊伏生著作今多少為訪華陽舊
草堂

夏日集李鏡川西莊

是李序菴
開老宅

南風吹入小平津十里晴沙錦作茵隨處花爭
三婦艷何心人醉五陵春提壺好鳥呼留客非
關青山坐向人不是龍門相接引新豐美酒為

誰醉

玉河見白燕

昭陽宮裡洗新粧粉黛三千枉斷腸不是樓臺
涼似水誰教毛羽化為霜河邊度影銀生色花
底銜泥玉有香莫向衆中誇素質蛾眉妬殺雪
衣娘

送姚長山人

三月楊花點白蘋送君南去淚沾巾他時京洛
飲相訪何處江湖可問津四海交遊成皓首十

年歸負青春不堪末路逃名客猶是長門賣

賦人

七夕姚秋澗宅小會得時字

七月七日良宴會天上人間懽樂時檻外銀河
水清淺尊中明月光陸離雙飛鳥鵲樓未定一
葉梧桐秋自知涼露滿庭家萬里何人不動女
郎思

長至夜同寮長顧玄山吳初泉陪祀郊壇
卅霄聯珮御神籙璧月平臨絳節朝紫極光浮

鷓鴣動黃鍾紫借鳳凰調陽春子夜回緹室御
氣中天集斗杓愧似楊雲叨扈從甘泉新賦屬
仙寮

送吳山人還金陵

黃金臺畔春草芳有客行歌大道傍我亦乘時
下三毫君今何處泊孤航蒼松只合山中老寶
劍還須腋下藏美酒金陵甘似乳小樓歸去醉
紅粧

寄劉小巖比部

卜降王翰托心期白首紅顏憶往時並馬連朝
尋古寺懸燈幾夜話新詩官衙兒女曾相抱世
路寒暄盡所知莫怪臨歧重回首斷腸人在白
雲司

萬壽節途中作

恭逢萬壽祝天齊五夜如聞絳憤鷄佳氣遙
通銀漢上孤雲隔在秣陵西龍顏有喜開金鏡
鳳詔何待降紫泥却憶舊遊供奉侶宮衣新
賜出金闈

鳳陽遇同謫六安姚內翰禹門

漢宮題柱舊知名晚逐廬江小吏行天上賜

緋成阻絕床頭看劍負生平當年尚惜沉金馬

此地那堪望玉京身世已隨淮橋變臨歧握手

淚沾纓

九日登中都東樓作

豐鎬千年肇帝都插天樓閣五雲扶山靈駕

鳳朝金闕海若鞭龍入板圖東望瑤壇掛珠斗

南來紫氣抱蒼梧憑高此日悲搖落曾是中朝

漢大夫

塗山謁禹廟

塗山高駕長淮水終古猶傳禹會村落日停車

尋故穴秋風倚杖立高原殿前銀杏挺千尺洞

口烟蘿裊一門石髓山毛如可薦褰裳吾欲躡

雲根

元日感述

年年上日殿中班手捧金符鳴珮環玉篆祥烟

籠鳳輦蟠桃春色醉龍顏天厨寶醞凌寒賜御

府香羅帶雪頰誰念東南留滯客五雲回首淚

潺湲皇帝批讀之

舟中憶故園二首

不向長安鳴玉珂却來海上弄風波誰家別院

愁花鳥到處青山長薜蘿鷄肋浮名醒後澹龍

池春色夢中多紅塵白髮催遲暮高鳥翩翩奈

爾何

憶在西園樂事多紫藤軒下度笙歌輕寒春酒

青絲繁妖嬈胡姬細馬馱楊柳隨風牽翠袖舊

薇滴露濕纖羅江南更信傷頭白腸斷山中老

菱荷蘇潭批宛順宋批有太白

蒙城縣衙題壁蒙城古滸園

春到官衙鳥雀喧幾株花樹倚東垣亦知傲吏

非凡吏猶喜山園是漆園別墅浪傳蝴蝶巷後

庭新起大鵬軒狂來拋却南華卷桃李相看竟

不言

夜宿盱眙公署

山上孤城掩萬松山下長淮走白龍驛路間關

斷行客石田浪藉罷春農大風吹出海底月古
寺飛來夜半鐘拔劍攬衣四顧望掌中千朵青
芙蓉

遣興

年過五十愧行藏拔劍起舞何慨慷青鏡不禁
愁白髮黃金那惜買紅粧歸哉田園但草莽久
矣世事如戲場今日不樂歲云暮俟河之清未
可量

吳批何等慷慨宋批有樂府餘音卷中不多見

時貽第一亭飲玻璃泉作

蓬玄道入下紫庭遙騎黃鶴扣仙靈禹功不斷
都梁水漢祖空留泗上亭地拱神州爭虎踞風
回滄海帶龍腥玻璃泉石清人骨醉挹寒流卧
翠屏

瓊花觀

雷塘松栢盡成灰觀裡瓊花幾度開江上不須
逢桂樹人間真是有蓬萊黃庭道士籠鵝至玉
勾仙人駕鶴回徙倚高臺思往事空梁落燕使
人哀

蘇批疎散

月夜同顧玄山符卿郭劬泉光祿虎丘泛
舟二首

虎丘山月滿樺官詞客扁舟颺晚風花雨暗飛
秋葉下金波遙泛海雲東同官載酒還如昨久
別逢人半是翁莫為浮沉談往事生公說法舊
臺空

江頭明月照姑蘇月下蘭橈轉綠蕪最喜扁舟
同李郭况逢秋水見蓴鱸囊中那惜投金錯醉
後何妨擊玉壺行處浣沙喧士女蓼花灘上唱

吳趨

蘇批真

采石吊李白和壁間韻

長庚星落越江頭太白峰摧漁浦秋當日汾陽
無故宅千年狂客有荒丘風吹碧草翻宮錦月
出寒潭泛酒甌今古憐才誰不似芳聲不盡是
東流

再至文昌閣

楚天凝望思漫漫落日登樓興未殘驚客秋聲
搖草樹留人山色倚欄干風迴粉蝶千巖動月

滿江城萬井寒恠底憑高能作賦大夫當日侍金鑒

次韻答黃質山見寄

黃生濡跡姑蘇臺草閣時多問字來閉戶久登高士傳開絨如對故人杯倦遊平子慙能賦失意王郎歌莫哀吳越盈盈纔一水肯將佳句向人裁

雨夜報恩寺同吳山人話別次韻

禪榻蕭條喜見君西堂風雨夜深聞江天楓落

李比事南還

字不

宋

秋將老水國沙寒鴈不群豈是青山留謝眺還將玄草問楊雲漢官不用長門賦莫為黃金學賣文

寄馬孟河

學士焚魚掩竹扉傳經抗疏總多違誰教道士籠鵝至自笑山翁失馬歸朝著尚懸山斗望洞門常掛薜蘿衣江潭亦有羈棲客不向風塵問是非

蘇批天然妙趣

再寄王元美

當年漢署共鳴珂班馬才名不啻過天畔孤臣吾老矣中原諸少竟如何生涯只合尋麋鹿世事寧須問汨羅今古含情君不見鷓鴣江上有滄波

遊水西寺

寺下有賞溪桃花潭方其上流即李白贈汪倫處

隔江山色半陰晴二月桃花潭水生絕壁千盤野古剎寒流一曲抱孤城林開爽氣清人骨花驪春雲帶雨聲如此風光輕擲去當年空負賞溪名

吳批有聲之盡

李氏詩集

宋

下水西是夜雷雨寄同遊蕭春元并示諸生

昨日寒帷坐薜蘿夜來風雨竟如何山中人在烟霞外世上名如雷電過且向花間尋白社還從沙裡度恒河詩成不必題青竹付與滄浪鼓棹歌

吳批胸次不群

正心樓留飲劉給舍赴上海謫居

樓下緋桃錦不如留君花裡暫停車江湖欲渡無丹楫廊廟空傳有諫書宦蹟且隨江浦鴈奚

囊猶帶武昌魚非關同病湘潭客誰向風塵問
謫居蘇軾通簡絕妙

金陵醉述書姚元白壁上

我本蓬玄古洞仙偶騎黃鶴下青天愁添白髮
三千丈誤入金門二十年海上神龍不愛縛林
中倦鳥自知旋挂冠從此無拘束爛醉胡姬酒
肆邊蘇軾通簡絕妙

江行自遣

當年已自厭承明復此烟波鼓棹行家有薄田
堪種秫門多垂柳正啼鶯閒情久負陶彭澤列
士空推李少卿金馬銅龍成底事一江流水夢
中聲

恭賦 大行皇帝輓詞

忽聞哀詔下鈞天天畔孤臣淚泫然甲子不緣
窮六十 帝齡何啻閱三千鑾輿正想叨供奉
鳳曆偏驚改歲年却憶舊遊霄漢侶遺弓泣盡
鼎湖邊

送諸葛山人還東陽

東陽處士雙眼青訪我來過招隱亭鶴在人群
聲歷歷鴻飛天外羽冥冥因逢詞客談三昧不
學書生老一經明日還成湖海別暮蟬深樹不
堪聽

喜三石携尊見訪

綠陰滿庭花事稀南園蝴蝶來往飛我亦杖藜
尋酒伴君能騎馬出郊扉故將芳草留春色更
有新蟬逗晚暉蘇李通家誰不羨肯教山水負
音徽

予長池亭賞蓮

深院雨餘菡萏香華池瀲灩開紅粧白社故人
晚相命高軒小坐各盡觴夕陽欲暝看更好美
人不至愁相望須臾露下傾珠綴恍疑神女來
翔翔

送沈青門還錢塘

相攀籬畔采黃花坐見南山忽憶家江上秋風
隨去鴈山中落木待歸鴉林公故宅梅生色鄭
老新愁鬢有華四海同遊今幾在不堪揮淚送

仙槎

送吳山人還甬東兼訊范東明侍郎

吳生釣鰲滄海頭出入梁園厭薄遊豈少信
能好客更教王粲此登樓愁中白髮應千丈江
上青山有一丘歸去東明勞借問別來范叔幾
經秋

同舍弟仲連朝岱宗

東星邀我出人群更拉同胞上碧雲並馬人稱
雙玉樹騎龍子是大茅君風生萬壑雷霆聞日

照千巖紫翠分醉倚天門發長嘯秋空鸞鶴四

山聞

雪夜飲蘇子長梅塢兼送仲兄子冲赴試

春官得何字

霜月娟娟搖素波黃流煖注金巨羅相看正值
梅花發不飲其如白雪何羯鼓漫催春色早驪
珠獨抱夜光多他時三弄陽春調遙憶美人鳴

玉珂

蘇此
高調

和王鳳洲憲長見寄

平生意氣徒慨慷爭得詩名老更強知我不才
惟聖主與誰同病是王郎十年龍劒分秋水
千里鴻書帶曉霜却望青雲回首處西飛海燕
不成行

月夜三石見過留酌

山居日日掩柴扉林下逢人懶着衣客在蓮花
心裡坐杯從竹葉掌中飛雨餘露重苔應滑夜
靜涼生月自輝好景留君君且住南薰扶醉送
將歸

聽琴師蜀人魯洞雲彈梅花弄

有客高彈蜀國絃能令白雪灑炎天微聞舞鳳
聲相和指下游龍影倒懸過耳松風寒颼颼窺
人蘿月爭娟娟山亭此夕逢搖落誰送梅花到
酒邊

達生

達生老人老更痴身後生前不構思鄴架漫收
群典籍陶家空慮五男兒交遊四海今誰是樗
散平生晚更宜閱盡世情堪一笑不如高卧守

茅茨

挽李滄溟憲長

四海論交二十秋，夫君佳句勝曹劉。
懷中久握連城壁，歷下重開白雪樓。
入夢長庚元不偶，行空天馬故難留。
灌園剩有山翁在，倚杖柴門哭未休。

溪南秋泛

溪南秋雨爛芙蓉，影落澄潭紫翠重。
載筆獨臨清鏡曉，停橈久坐綠陰濃。
懸崖古柏疑蹲虎，蘸水新篁欲化龍。
正是千村禾黍熟，斜陽處處起寒春。

李氏山房書畫題

王

寒春

答郭次甫山人見寄時山人寓居焦山將

有海岱之行賦此招之

浮雲爲厂寄迷津，君是游仙郭景純。
欲駕三山凌碣石，遙尋五嶽駐鸞輪。
蘆花天地誰非客，吞吐江湖自有人。
我亦釣鰲東海上，願從黃鶴起秋旻。

聞郭五游在任城却寄

青溪道士下金焦，鶴馭翩翩秋色高。
非爾來尋霜下傑，與誰同結酒中豪。
黃金買醉邀明月，白首論文脫寶刀。
聞道挂瓢濟水上，謫仙樓畔幾揮毫。

贈宋鵝池山人

君如王粲客荊州，作賦登樓豈薄遊。
橘性已隨淮水變，鴈聲常帶楚雲愁。
論交四海希青眼，采藥三山轉白頭。
不向汀蒲尋釣伴，更於何地覓丹丘。

遣興呈宋山人二首

李氏山房書畫題

王

落魄金門老歲星，歸來調笑眼雙青。
奚囊不貯雕蟲技，曲几常參龍虎經。
鏡裡任教添白雪，床頭那復問青萍。
高樓坐擁如花妾，月下彈箏倚醉聽。

閉門盡日默默坐，起傍東軒讀道書。
眼前光景吾老矣，世上神仙誰見與。
叢桂隨風半搖落，孤松帶雪自扶疎。
此心已化山頭石，只許幽人伴索居。

清平閣飲宋山人

東閣崢嶸烟霧開洞中日月隱蓬萊龍蛇載筆
供詩草鸚鵡呼童勸酒杯時有胡姬能變曲相
從野老共登臺不知黃髮催遲暮自許憑高作
賦才

寄陳六亭憲副

天風忽散紫宸班海燕西飛竟不還夢斷皇州
春草色心馳帝彩雲間文園一病相如老魯
道空歌良甫艱海內弟兄淪落盡不堪搔首淚

潺湲

答梅宛溪大參兼寄令器彥和

公嘗視學東省得人歸起清風亭寡所
交往余每造之今為燕越矣悵然賦此
宛溪日日賦滄浪不是垂綸學釣璜松下養雛
看化鳳塵中相馬見飛黃清風出谷開三徑明
月隨人過小堂飛鳥孤雲堪一笑教亭回首鬱
蒼蒼

答李翰林少莊見寄

學士焚魚計草堂何如請葛在南陽揮將羽扇
調歌扇和就霓裳教舞裳勇退寧論頭尚黑棲
遲真與世相忘雲霄握手夢相憶都付邯鄲午
夢長

寄建寧雷半窓山人

越鳥東林寄一枝半窓風雨夜棲遲花間秉燭
開吟社醉裡揮毫見畫師旅食南州臨老日上
書北闕獨歸時他山復此逢搖落秋水能忘化
劍池

子遠宅見新月同賦

天風吹月上簾鉤草閣邀賓屬暮秋蟾窟倒懸
金屈膝蛾眉深鎖玉搔頭誰能跨海偷靈藥我
欲彎弓射斗牛寒夜不勝砧杵急娟娟踈影下
西樓

孟冬望夕留飲羅使君近溪

浮沉世事總茫然海嶽相逢豈俗緣新酒懽熟
三五夕美人不見十餘年西風吹冷碧霄月東
離擲下黃金錢山中莫道無供給紅樹青山秋

可憐

甲戌新春留飲汪蓬樵道人

新年六十四元辰卦數從頭復轉輪
叅破黃金同土價常留青眼待山人
一瓢爛醉醺酥酒萬斛平分麴米春
倘許六鰲同把釣便乘海鶴出風塵

陳王叔赴四川學憲便道汶上寄淮楊諸
稿俾予品隲賦此答之

君持憲節下西川淮海人傳則治年暫向郢中
調白雪還從蜀道上青天恩沾化雨隨春入法
倚文星並日慙誰念東家老丘在行間勞寄小
山篇

新莊偶題

誰家池館別生春來與松篁作主人
徑草不知山谷樂門又見柳條新
尋窠燕子還疑謝隔岸桃花不辨秦
却笑平生多野性但逢水竹卜為鄰

李氏山房詩選六卷

江蘇周厚
堉家藏本

明李先芳撰此本乃皇甫汈所選分體編次亦間
有評語

北虞先生遺文六卷

〔明〕邵圭潔撰

北京圖書館藏明萬曆刻本

附《四庫全書總目·北虞先生

遺文八卷》提要

北虞先生遺文序



夫文之行於世也有人以文重者
有文以人重者有人文交為重者
人與文各有其至而總托於澹情
之極人以不用之用為至欲遜美
於人間而留其餘文以不傳之傳
為至欲忘適於天機而俟其後彼
區著書以艷世而曰文在茲也則
人與文之交重謂何余自幼枕北
虞邵先生文論一編僭意尚友願

論其世而知其人當筮仕海虞曰
亟從縉紳士庶問先生遺事遺文
有惜先生之超然高潔未俎豆於
賢人間者有惜先生之精深閑博
兼諸家迺僅以散帙行而未令後
學睹大全者余憮然曰此北虞之
所以為北虞而其嗣墟蓮之善承
先志者也先生倘有意於功名聲
譽乎少壯豈不能為逢世之文以
巧博上第迨夫祿隱吳興又豈不

能盡出絕世之文以誇當季而角
異代先生直抱澹情以沒而墟蓮
克振其家亦以澹需之夫使海內
想見先生之人與文而神氣符注
則先生之道尊若執先生之人與
文而市價海內則先生之道藝今
廟祀成而文集出也此其時矣先
生無樂乎以文士自藝墟蓮更無
樂乎以文士藝先生以待有今日
余亦何幸而獲與於斯文之真集

也往余題先生祠云文章千古人
傑三吳竊以澹至之義窺先生微
而知遺文之晚出者先生志也墟
蓮達孝矣先生復起諒以余言為
然

今叙

四

萬曆丙午春日猶石居士譚昌言
書於讀禮廬中



北虞先生遺文小叙

從祖贈文林郎北虞先生之集最晚
出蓋四十年間叔氏墟蓮將蒐輯其
遺文之十五以庶幾近代諸公之褒
然成帙者然而弗可得也先生生年
多酬應倉卒感遇之文不必留笥中
而又以祿仕吳興旅襯歸卷冊散亡
伯氏善病弗克檢叔氏僅數齡而孤
也曾是吾邑徐司空先生撫浙時收
一編刻之嘉善要自友人所相傳湯

序

一

錄不無失真以故叔氏閣之弗行又
數年蚤夜以思莫可窮覓乃以暇日
即所詮次別其真贋正厥訛舛得詩
文共若干首善刻之以紀當年哲人
之妙韵以示人間清絕之異采以明
作者之篇章殆不必于浩繁紛雜爲
矣先生才名業已百年今其詞旨鏗
然具汪濊孫行也生晚且陋曷足以
評先生之文第嘗縱觀而諦思焉夫
先生曷嘗倣經史而經史之倣先秦

序

二

西京上下而上下之倣漢魏初盛唐
而種種依則之即諸體裁若擬古若
詞賦騷選多所未備況乎章句聲律
之間哉而先生特本之乎六藝之旨
而合之乎諸家之神其於學無所不
窺而不由倚鑰入其氣格風骨乘空
御虛神奇卓絕不落蹊徑曠然獨新
夫膏梁而餽釘綺繡而越席均之長
物何者足以入吾無所事之胸中無
所緣之筆端乎哉以是觀先生夫且

序

三

鎔鑄千古以不做爲倣以不用爲用
又孰有逸于先生之度外者其憂思
抑鬱感時悼俗忠耿之懷則時時形
之口吻識者蓋曰詩本性情文關世
教其斯爲先民之程式有用之真言

序

四

也夫且也歷歲愈久而名稱愈彰蓋
先生至行高節不獨以文迄于今海
內縉紳大夫先後官斯土者想見先
生之爲人庶幾先生顙歆血食神遊
闕里旦暮遇之以故崇祀廟庭建祠

通邑郊墟之間不乏品題言言褒重
而叔氏門人莊太史周侍御吳膳部
諸公及吾邑進士錢用章輩相率爲
文誄先生之行叙斯文之所由來而
請謚曰文遠先生嗟嗟信哉其文遠

序

五

豈獨所見聞之世寶先生茲集若星
辰河嶽之必不可磨滅而已也漁不
佞祖父三傳可謂與于斯文而不可
謂伸于斯文此其故不可知叔氏墟
蓮文行不減先生而先生集方梓叔

氏宜有待漁請得徐觀叔氏集成以
艷吾宗豈不有司馬劉氏其家風惜
乎名父子皆退然自完世無知之者
異日者野人輟畊而載筆以咀真而
挾隱責在斯人歟責在斯人歟

序

六

萬曆乙巳秋日姪孫漁茂齊甫謹識

文遠先生謚議并誄

北虞先生物之四十年吏茲土者謀
所以崇報明德勅建坊祠其明年棟
宇告成吾師武庫公將奉主以入有
日矣士之及北面先生與從武庫公
私淑先生者咸詣武庫公以易名請
大都稱靖節先生文中子故事謂先
生奚讓焉方咨諏卜度詞旨未訖武
庫公輒歛獻謝曰嗟乎余先子之無
祿也明經以起窮經以老卒死于二

三子之手曾不得憑藉當世寵靈以爲窻窻光迄于今誰評遺跡而易之名者孤敢以勤二三子二三子逡巡且却小子俊武庫公門下一人也揖而前曰夫子不聞乎民生於三事之一也臣易名君子易名父弟子胡以不得易名師第情稱則公言徵則信義核則傳我虞雖彬彬文學哉明興則未聞有以麟經起家者自先生起而是經遂炳然于學官勿論我虞

卽當年海內稱名家如趙特峯王元馭諸君子有不從先生造請相印可者乎卽今世春秋之壇太史二三公及諫垣侍御繕部諸公執牛耳矣有不從吾師父子狎主而代興者乎聞之先生始攻毛氏詩旣而慨然以孤經不傳爲已責特爲披翳霾使日中天人得施離明而展手足故雖樸樸如小子幸且拾吾師殘膏受光於莊太史宜乎陶鑄英賢率成儒碩也夫

藉先生陶鑄者多翱翔天路人貌榮
名而先生上厄於國制下未伸於鄉
評使世遠言湮與膚淺陋儒同歸無
述吾儕其何以見文中子之門人乎
武庫公曰唯唯否否小子俊乃更前

四

颺言曰立經者作也闡經者述也述
作者文也在昔尼山誕聖文實在茲
故其言曰吾志在春秋今先生於春
秋章章如是其與於斯文無容置喙
矣抑聞之偏弦獨張含唱靡應木鳶

奪巧雖蜚不靈何休訓詁春秋不能
推原道術而猥溺風角局於志也先
生以五經印証一經漁獵百家是非
粹然不謬余以爲其志遠陸淳功在
春秋名廁八司馬短於識也先生丰
裁嶽嶽不可一世雖知已之士當途
而莫肯度逶迤之足希拂拭之勞尸
居淵默人罕覩之余以爲其識遠董
仲舒深明春秋災異之故一經下吏
終身不敢復言悴於神也先生數雖

五

奇而泰然自得才不一試於時而於
當世之務洞若觀火余以爲其神遠
兼是三遠者以邇聖人之心傳不求
有文而文出焉故曰言近而指遠夫
惟指遠故行遠行遠故澤遠請以文
遠易名可乎哉武庫公拜稽首曰諾
又曰悲夫幸哉余先子汶汶蓋棺歲
久矣不虞今日乃得徼惠於吾子于
是小子俊再拜率二三子而誄之曰
窮哉先生兮獻璞得明氣哉先生兮

六

陷棟徒揭謂真汶坳兮天章寵賁謂
真短折兮風聲百世貞無俗負兮和
匪俗同坎塹指掌兮墳典羅胷跡循
青史兮神弊宣尼搖筆珠暉兮矢口
玉霏披華振秀兮新新何已邇流尋
源兮綿綿茲理吾徒曷式兮惟先生
之不亡言文行遠兮共山高而水長
誄旣成二三子曰信質諸縣大夫暨
鄉之士大夫同聲曰信遂題北虞先
生主曰文遠先生小子俊因受牘而

七

載之

萬曆乙巳秋日

賜進士觀通政司政門弟子錢時俊

頓首謹撰

同門下晚生 錢受徵 張景星

翁憲祥 徐儒偉 管日新

顧雲鴻 許儁 孫森

張應遴 翁應祥 郭資繼

王憲曾 朱廷臯 陸問禮

陳以忠 陳星樞等謹議

北虞先生遺文目錄

卷之一

五言古詩

天潭谷

對月

與錢子舜臣

賦松壽吳生之母

秋暮有感

南遷懷北城舊居

入東鄉雨甚歸途作

錢舜臣自遼陽登第歸

苦旱

清明阻風安陵

目錄

東昌舟中對月

寄訊周山人虛巖

五言律詩

江遊紀興

江浦思歸

寒食

偶歎

江路

乙卯元旦

秋日破山寺

霜降日丹陽道中

梅林寺

登歌風臺

元宵泊天津

思家

過宛湖悼顧汝隆

歲暮雨中寄友

夜坐

春雨

早中和韻

秋雨復甚有感

夜對瓶菊小飲

鵲湖

石亭埠

村舍

避暑

搗衣圖

閨怨二首

友人過訪二首

寄謝山人西隱

梧庭道士

中峯岳武穆新祠

宿王子賓淇園亭

東朱丈墅南

與相者張鏡泉

目錄

二

寄嚴瞿二學士

送江右王子

與醫士邵育泉

得除後南還

德清官舍汲半月泉釀酒

五言絕句

金陵二十首

香閨樂府十二首

伏枕雜咏十二首

山塘曲八首

山居四首

江南曲五首

卷之二

七言古詩

送沈儀部遊武林 寓言

送陳司訓遷教平湖兼呈舊父母馮黃門

贈醫士王春泉 龍山歌送吳司訓

江樓感懷 問月

風波惡 苦熱行

行路難 遊西山漫述

丙辰下第舟中誦杜老七歌步而歌之

時事 官糶穀

官施藥

目錄

三

七言律詩

恭覲 景殿謁 祖陵紀頌二首

雨花臺 清涼寺

牛首寺 獻花巖

靈谷寺 飲歌館留別

燕子磯醉中紀興 夏日泊舟金閶

膠山玄覽閣賞雪 還自北都聞寇警

甲寅寇變致道觀後古松競伐爲薪

海上黃魚寇息早至和荅友人韻

病眼	白燕二首
水災和韻呈邑侯	虞山達觀亭
和荅沈文井見寄	送友
鴈來	催租
病中	贈見山陳子
贈龍橋錢隱君	送客還武林
贈孫達泉	錢子行所計聞
秋日	登太白樓
下第歸舟	白河道中
目錄	山
過留城	過毫頭
董子書堂	到家
朗城庵	入江鄉
北上遇杭僧礪公	固安道中望西山
和汪存吾懷家	京邸
四月望日	寓道觀洛陽花盛開
得除後卅中和韻	雪中旅泊
七言絕句	
送立齋張公守贛州六絕句	

虞山四景圖送司訓白公遷泗州	
元旦柬王子賓淇四絕句	
虞山尚湖十首	蘇門雜咏六首
題牧牛圖竹枝詞四首	
傷春四首	已酉秋試續夢中句
寒食二首	江上歸舟
下第歸舟	卽事
感事二首	旱中
寇變四首	紀荒四首
目錄	五
閭河卽事	過武城
漂母祠	露筋祠
奉荅周山人虛巖見寄	
顧海峯參軍貴州寄荅二首	
張姚二子過訪對茉莉小飲	
客至	題畫馬
題小鴻扇	
詩餘	
蘇武慢二闕	玉蝴蝶

慶春宮

江南春

高陽臺

沁園春

蒲江紅

且坐令

謁金門

菩薩蠻

風入松

拂雲裳

如夢令

望海潮

卷之三

序頌

送邑侯蒼野王公入覲序

目錄

六

賀邑侯似礪黃公壽母太夫人七十序

贈邑侯濮南喻公榮獎序

送邑二尹周君入覲序

贈邑司教丘先生榮獎序

送邑二尹朱君擢代藩紀善序

送邑司教真先生致政還瓊州序

送望虞錢君歸洪都序

海虞勝覽後序

白崖先生和陶集序

春疇王公八十壽序

贈兒醫馥泉王子序

陸母蔡孺人七十壽序

唐詩絕句選小序

連氏家乘序

魁文會卷小序

陳廷祿窓稿小序

仁侯輿慶頌并序

卷之四

目錄

七

記傳狀表

常熟縣佐貳職員題名記

重修瓜墩沈氏墓記

江山尹二湖時公傳

三逸士傳

劉弘業傳

蔣貞婦傳

談參傳

滋陽尹白崖桑先生行狀

司儀署署丞見葵沈公行狀

太學生石門王公行狀

太學生吳致之行狀

錢母趙孺人行狀

河南左布政使西臯紀公墓表

卷之五

誌銘雜著

大耄翁北川陳先生墓誌銘

從叔父秋巖府君墓誌銘

目錄

八

內兄谷林先生張君墓誌銘

太學生浦子尚中墓誌銘

嚴州司理蒙山劉君墓誌銘

陳子在川墓誌銘

心泉連先生墓誌銘

吳子子茂墓誌銘

王子笠洲室龔孺人壙誌銘

錢少子季孺人壙誌銘

光祿陳君配夏孺人壙誌銘

錢明之壙志銘

愛山周君壙誌銘

祭邑侯蒼野王公母子文

祭吉府祠正沈君墨井文

祭義勇李安文

祭陳太母文

築城議

邑侯蒼野王公築城銘詞

築城告神文

目錄

九

邑侯蒼野王公誄詞

卷之六

雜著

破虜露布

重修香山寺募緣疏

普陀巖疏

福山大慈閣疏贊

方竹杖銘

三星祠疏贊

清明上河圖跋

張仙像贊

論

百世可知

太極在先天範圍之內

三十六宮都是春

舜曾參申生伯奇之孝何如

倒戈扣馬之心何以不同

太史公識得此意

目錄

十

田叔空手來見

魏徵願爲良臣

姑姪母子孰親

太真絕裾

北虞先生遺文卷之一

吳郡海虞邵圭潔伯如甫著

孫樓

邑門人 錢之選 全輯

鄒泉

仲子 鏊校孫與游錄

五言古詩

天潭谷

出城歷翠微迤邐一逕繞披茸入天潭悠然結廬

卷一

好薜門傍游鹿羅磴逐飛鳥引泉疏碧池環石列

蒼島高亭矗星際修竹倚風表登登地覺崇望望

天何杳日邊孤塔懸海上三山小客來夜雨後人

在秋雲杪茶烟已自清花徑不須掃澗聲流淙淙

岩色淨皎皎散坐托浮梁小憩藉柔草玄談足舒

嘯微飲亦潦到奄焉暮暑移閒矣塵踪少吾廬百

武外煩緣日擾擾何如選幽棲微蕨摘可飽焚香

讀道書優游以終老

對月

秋空淨無氛嘉月照涼宇欣逢此良夜門外卽遐
旅懷舊鮮懽乘光欲高舉所思况非遙形隔不
得語徘徊孤影邊嗟哉乏雙羽

與錢子舜臣

至道漸不講客累日轉侵流泉出故山潦濁滋以
深汗馬離其槽騰逸莫可禁古來知道者左右陳
銘箴就裏得真主犁然見天心無窮造化用宛向
一中尋人須反厥初方寸有丹金黃鍾今所喟自
是太古音願子細計之玄酒共爾斟

卷一

賦松壽吳生之母

山陰有高松負節寒霜裏鬱鬱俯虬枝纍纍出龍
子玄鶴翔樹顛青牛伏根底華月應葱籠千秋恒
若此

秋暮有感

秋風淨林臯四野無氛烟山廬遠坊市庭卉蕃以
鮮懶性不解事只與文字便楹前白雲過吾意時
共騫所嗟豪傑念半爲兒女纏青髻付流水幾迴
還自憐往圖阪上駟來計江心船窮達不在慮投

身向誰邊總悟獨醒理難脫醉者筌何當豁塵眸
對此蒼蒼天

南遷懷北城舊居

我自城南來日日懷城北南北本不退意興各有
適少長娥川上桑梓陰歷歷舉目見松楸移步得
泉石鳥聲入衾枕山翠照几席貧家無宿儲出門
有薪麥遠市乏兼味涉園蔬可摘幽性不耐事正
與塵喧隔閒來就吾宗毋煩整裾寫過牆卽煖酒
扣戶俱熟客人言南最衝我喜北還僻不聞老氏

卷一

語知白還守黑

入東鄉雨甚歸途作

我向東鄉去風雨淹信宿我從東鄉歸轉眼變陵
谷逶迤百里村浩渺成一瀆已驚舟出林復訝犬
升屋沉鼃無炊煙處處聞野哭入城且罷市行路
沒馬腹四天結玄陰六月失炎烟余生平遭此憂
時兩眉蹙人言正德中水患曾此酷尤重亟蠲租
萬姓半漂飄况茲寇荒飢兵賦罄新穀詔使方下
吳州郡走徵牘誰歌鴻雁詩甦此魚鼈族書生愁

何爲所仰在食肉、

錢舜臣自遼陽登第歸

昔年辭所知言將適異鄉西風吹襁褓慘怛不可
當豈無桑梓念柰此骨肉傷生死總度外而奚富
貴望十載棲黃沙不見春草蒼一朝際天風困羽
旋飛翔錦衣歸舊山稱觴向高堂前來覲故知喜
極淚滿裳緬追昔年事若夢還若狂丈夫莫可料
禍兮福所藏人生百年內處處傀儡場所以貴達
觀靜裏齊炎霜。嗟彼淺暈者低昂岐路旁

卷一

四

苦旱

江甌蔽吳疆狂氛爲誰觸五月農始耕六月雨不
續禾苗且槁死兵租競徵逐憂時雙眼矇獨傍青

山宿

清明阻風安陵

節序正清明高原有人掃狂風羈客程游子遠
道白楊入我懷綠酒空自好天涯多涕零不灑墓
前草緬思泉下人視我掌上寶不得問祖豐還望
歸來早負此慈愛心沉憂一如擣推蓬發長吁黃

塵翳穹昊

東昌舟中對月

客從離家來四見月色滿寒月傍虎丘坐石自把
盞嘉林足棲托遠興覺懶散元宵將涉濟月出河
流淺然燈嗟賞違停棹惜行緩長安春正中華月
照絳館看劍柰沉淪當歌重悽惋天涯理歸舟聊
城三月半風檣夜不泊圓光白如旦明月復明月
團團逐人轉傷我岐路邊江湖隔庭院姮娥伴孤
獨嬋娟對愁歎功名多艱軻齒髮漸遲晚馬首影
長懸駒隙候頻換歸哉江之南息爾征旅倦綠酒
尊正開青山石可偃小樓兒女歡靜几圖書展感
此異鄉懷有月漫邀款鉤簾向夜分瑤光下玉碗
高吟李白篇吾道任舒卷

卷一

五

寄訊周山人虛巖

別君踰歲年懷君幾日夕清時多亂離同世恍若
隔羨君塵外踪飄飄振雙舄逢人問新詩參軍老
更逸每思接玄論令我愁心失寧知昔遊地桃李
化榛棘巖城白日尙舉目有狂狄軒車下西川道

路虛咫尺投言問無恙耿耿詎能釋南樓倚青山
焚香頌高客

五言律詩

江遊紀興

風物經春晚壺觴集浦沙坐依龍渚近望入鳥天
賒海席新供鱸山書阻寄茶停盃正懷遠斜日照
漁家

江浦思歸

浩渺長江際蕭條小閣中憶花愁夜雨欹枕聽春

卷一

六

風勝事思難致殘書讀易慵山廬酒應熟歸與故
人同

寒食

客裏逢佳節江邊獨倚樓花歸三月雨麥近四郊
秋去鳥懸斜日思人隔遠洲十年遲擊楫真切祖
生憂

偶歎

寒榻隣鷗浦春風隔鳳池文章任人誦衣食費吾
思衰病長憂母狂嬉更憶兒拋書幾默坐此意夜

燈知

江路

江路清明節西風吹客船野鷗迴白渚橋燕語青
天挿柳驚時序飛花惜歲年村墟寇荒後幾處有
新烟

乙卯元旦

太平開令歲沾渥得靈膏生氣敷青野春和拂翠
毛風迴鶯谷遠雲出雉樓高我欲晴霄裏冷然一
振袍

卷一

七

秋日破山寺

古寺秋林裏閒來一醉歌舊時花木處今日草萊
多澗破龍何在橋橫虎自過山光與潭影岑寂對
頭陀

霜降日丹陽道中

三月京華客秋風吹敝裳霜知今夜白菊憶故園
黃弱骨驚寒早羈心覺路長百年浮世裏半逐馬
蹄忙

梅林寺書壁

疋馬來江路當齋扣佛廬年光殘臘裏村落寇荒
餘客至廚還冷僧言鉢盡虛一龕貧尚爾百室竟
何如

登歌風臺

沛水遶城隈千年帝子臺
行改鄉運歌想大風
哀馬上人何處天邊雲自開
壯心籌策在歲晚惜
重來

元宵泊天津

客路逢嘉序扁舟繫海涯
市燈聊伴我村酒不如
家月色明殘雪灘聲激凍沙
江南春閣裏喧笑對

銀花

思家

重以功名累輕於骨肉離三千去國路強半憶家
時菽賤思貧第梨甘想稚兒何如老田舍日與客
親隨

過宛湖悼顧汝隆

湖上美人去湖頭風日晴
青山若無主碧柳自相
迎茶熟懷分餅花飛憶聽鶯
平生寥廓思悽愴爲

多情

歲暮雨中寄友

荒齋雨不歇况復歲將除去序一飛鳥懷人雙寄
魚時違文字賤心苦鬢毛疎卽擬春舟及花前慰
索居

夜坐

夜坐依殘卷春陰擁敝裘
爐紅仍骨冷酒綠自心
愁歲月囊中劍行藏海上樓
梅花開旋落催白少
年頭

春雨

烟雨微茫際清齋靜掩門
山迷楊柳渡酒隔杏花
村老媿書籤盡寒依藥火溫
所思不可致愁劇共
誰論

早中和韻

沃野成焦土恒暘氣轉酣
火雲連漢表菜色滿江
南閉糴川停估輸租市鬻男
銀臺萬里隔誰發郵
公函

秋雨復甚有感

秋涼自但夏漲痕侵我廬有家愁粒食無翼想巢
居陸海全成壑吳民半欲魚官程催渡馬還獻瑞
芝書

夜對瓶菊小飲

小閣初寒夜清燈不寐時瓶中
有叢菊几上亦東籬輕馥當杯
度疎枝映燭移相看得微醉幽
適許誰知

鴿湖

湖水淨於鏡蒼茫連翠微一從
丹化後雙鴿夜長

卷一

飛春芷魚同美秋菰蟹並肥釣磯
如可築嗟此芰荷不

石亭埠

石亭迴碧澗晴色映蒼漪歌逐
桃花度觴隨曲檻移山疑盤谷處
人似永和時便欲長棲此因風謝
所知

村舍

買田依谷口臨水啓柴扉家近
溪橋得村深竹樹圍聽鶯春自
往騎馬夜能歸聊畢平生志還來
築

釣磯

避暑

避暑疑無地幽尋自得涼鬢從
新病改情對故人長坐石依桐
影移舟逐藕香文游近凋謝悲
笛起山陽

搗衣圖

離居憶征戍搗素向秋更萬里
異風色各天同月明寒悲霜露
早衣想絮裘輕欲乞君王念迴
文成未成

卷一

閨怨二首

上

驕虜未降漢征夫遙戍秦月寒
砧杵夕花損鏡臺春錦文未裁
就眉黛若爲新空有刀環約朝
來思殺人

其二

終宵頻有夢十載若無家刀尺
驚新絮釵鈿落舊花淒風愁角
枕暗雨慘胡笳誰代防秋檄佳
期已及瓜

友人過訪二首

勞生少嘉緒遷候每驚心已見白露下卽看黃葉
深共言勲業在誰惜歲華侵良友勤相顧追歡到
日沉

其二

相過得良友言逐暮山遊秋葉映澄水夕陽明遠
山鳥聲依客語巖翠近人流摠是招尋侶歡携足
遣愁

寄謝山人西隱

尚懷童稚日移棹扣君扉忽漫風塵隔相看齒髮

卷一

十二

非感時陵谷異問俗老成稀却羨幽棲處青蘿只
自肥

梧庭道士

仙都名山下嘉曠凌煩囂庭宇晝長寂梧桐秋不
凋翠靄護丹籍玄風和玉簫我將聞至道從此扣
參寥

中峯岳武穆新祠

宋室謀何悞精忠委獨鏖數當天未定神與地同
流虞嶺開新薦吳雲結舊愁還憑悽愴氣障此大

江頭

宿王子賓淇園亭

蔣詡開芳逕開來一解襟醉穿蒼靄密眠就綠雲
深竹色圍窓戶花香襲枕衾夢回啼鳥遍清徹五
更心

東宋丈野南

對月幾懷子子來秋月殘况因凋謝感轉惜會逢
難無事且頻過有愁應自寬莫於離隔處銷損鏡
中丹

卷一

十三

與相者張鏡泉

年來耻談相張子復經過額定紅黃少鬢應蒼白
多憶君頻許可嗟我久蹉跎摠有封侯骨班生柰
老何

寄養齋昆湖二學士

二子久不見連宵夢裏過豈因慰離索應亦念蹉
跎天上春風並江南夜雨多山堂舊盟在相望竟
如何

送江右王子

丁歸江右正逢春水生一尊文字酒四海弟兄
情細柳絮征騎繁花簇去旌秋風應得意南雁早
傳聲

與醫士邵育泉

江閣淹司馬愁枯欲廢哦聞君尋藥遠此地濟人
多夜聞金精發春瓢水味和可能分我飲起我十
年痾

得除後南還

客辭丹闕下行向白河干七月漸無暑一官逾覺

卷一

十四

寒世途交險易吾道總艱難鄉國飛雲外憑誰借
羽翰

德清官舍汲半月泉釀酒

寶地開靈液清甘入釀偏自憐官似水復想酒如
泉携取山源潤分來月影娟他鄉况多感仗爾一
頽然

五言絕句

金陵二十首

桃葉渡

妾生如桃花根葉相綢繆隔江喚欲渡江濶使郎
愁

長千里

秣陵擁豪貴居第匝長干王謝都銷歇春風燕子
寒

鍾山

鍾陵幾瞻眺蒼紫若蒸霞王氣千年在長凝日月
華

太子湖

卷一

十五

蕭儲雅好事曾此采蓮遊自從清暑廢花沼若爲
秋

青谿

東渠疏九曲淮水接谿橋金華深駐月玄武細通
潮

秦淮水

不斷長淮脉千秋協帝符祖龍昔何愚枉費三千
徒

冶城

吳主謚豪雄典午寧伏雌石頭建降旌鑄劍曾何爲

鳳凰臺

草色春離離江聲日潺潺臺高鳳去遠僧滿夕陽山

樂遊苑

樂遊不樂戰修禊向淮濱可憐經六代不覩洛陽春

落星岡

卷一

十六

石梁夜隕光恐是將星走謀臣空結營高士且沽酒

華陽洞

靈峯劃洞天至道昇仙史金龍氣晝腥玉澗光宵起

胭脂井

春妝玉腕空曉汲銀瓶冷胭脂却汚人千載稱辱井

白鷺洲

風光滿江南庾信在江北遙憐二水分上接青天色

臨春閣

風起黃塵捲江清石頭峙玉樹寂無聲千秋怨羅綺

勞勞亭

送客勞勞亭銷魂對流水回羨閒居人風波隔千里

穿針樓

卷一

十七

高齊之遠謀佳夕但歡遊寧料無愁王空堦望女牛

太平堤

湖水夾長堤城臺帶蒼阜紅疑太子蓮綠想隋家柳

西浦

神姬何處遊昔與張郎遇恍似武陵溪歸來柰春暮

謝公墩

謝公凌霞致無處不登臨繁歡豈鎮俗終負蒼生

心

華林園

晉鼎方岌岌會心想濠池嘉林旋茂草魚鳥亦含悲

香閨樂府十二首

白頭吟

誦君白頭吟調君綠綺琴秋霜上奴髻秋月照奴

心

卷一

十八

雌雄曲

夫壻能平虜君王不念忠孤行沙漠外看劍惜雌

雄

連理枝

木理亦連結人心翻飄零郎投別枝去妾感竝枝

青

合歡辭

紅嬌因合歡黛損緣離泣爲郎駐妾顏細搗桃花

汁

玉鏡臺

曉眠孤枕上枕花雙鳳盤起臨玉鏡臺憶遠摧心

肝

纜舟石

纜舟却有石纜心不見痕石纜去卽解心纜長生

根

楊柳詞

風流白面郎何處紫絲韁那似青鵝鵲雙飛楊柳

塘

卷一

十九

賭春曲

拾翠誰家女相携戲賭春長安不可見愁殺采藍

人

聞雁篇

南樓宵柝靜鳴雁影雙雙更信應蕭瑟單飛月滿

江

團扇曲

君手握團扇清娥諱相見春風生有時昭陽擁飛

燕

彈瑟篇

吹竽往齊關彈瑟向湘灘湘靈不入夢抱瑟且還山

空紫曲

思婦高樓上援琴理空紫秋胡過紫下莫認婦爲娼

伏枕雜咏十二首

其一

過動却生病病來悔不早長生有大藥只在靜中

卷一

二十

討

其二

病來白日昏病去清夜醒人生如醉夢都是病中景

其三

病枕曉不寐暗將庚甲數劃然醒我心簾外啼鸚鵡

其四

醫言脉應實生死隔一線由來人鬼關只在此中

辨

其五

病從何處成只爲不覺病覺在一念間中有清平境

其六

病骨易生寒入夏裹綿臥裘葛無愆期由來亦人作

其七

蛙聲百步喧萬聲同一聲聽到無聲處肅然天籟

卷一

三

清

其八

物理本活潑人生自沉冥城頭有小鳥夜夜暗中鳴

其九

情火有明滅常須戒水澆言哉昔人言膏以明自燒

其十

倦眼看簾外楊花雪朵朵我欲煉爲丸消此心頭

火

其十一

雨後茶應孰畧中人未還病餘無俗夢長到虎丘

山

其十二

歷歷少年事依然入夢中可憐看鏡裏不是少年容

山塘曲八首

其一

卷一

主

出城十里山蒼碧映澄水棹歌隱隱聞中有采蓮子

其二

春言拾瑤草秋言采芳蓉吳風半如晉水面行歌鍾

其三

神仙何處遊應在此山頭曉粧湖是鏡宵憇石爲樓

其四

石門倚天高飛雲自來去雲去蒼崖明萬點珊瑚樹

其五

妾家湖之湄郎住山之曲盈盈隔一水相思柳條綠

其六

扁舟度渚曲長吟出松際襟袖生雲霞山川吐靈氣

其七

卷一

主

一水東西流滋我南北田四郊虞水旱山社慶豐年

其八

馬蹄綠澗熟帆影帶村斜長作西歸客看山直到家

山居四首

其一

出門未十里荆榛總披歷早知行路難何如守玄寂

其二

讀書不齎餓却羨農家子今年逢水災農人愁死

其三

長陰夏亦寒雨黑夜難曉高眠何所聞琅然澗聲好

其四

十年織一錦勞妾幾昏曙錦成郎不知相思淚如雨

卷一

五

江南曲五首

其一

輕輕采蓮船蕩槳蓮花灣魚戲蓮葉間

其二

滴滴茜裙紅雙雙穿綠叢魚戲蓮葉東

其三

小姑照青溪容色與花齊魚戲蓮葉西

其四

泣言因稅蚕脫我頭上簪魚戲蓮葉南

其五

多少如花色脉脉倚花側魚戲蓮葉北

卷一

五

北虞先生遺文卷之二

吳郡海虞邵圭潔伯如甫著

孫樓

邑門人 錢之選 全輯

鄒泉

仲子 鑒校孫與游錄

七言古詩

送沈儀部文井遊武林

日月轉金序乾坤開素秋言誰理舟楫獨向名區

卷二

遊休文結髮著述英氣凜凜珊瑚鉤錢塘千里
內海上神仙州圖經閱未快我欲親追求未許炎
蒸淹藥裹即乘涼序訪林丘祖篇輒得名友贈斗
酒不向家人謀片帆順逐吳江水五日可坐吳山
頭宋家官闕久蕪沒君行爲我須淹留不知籌國
成何事至今封草猶含愁六橋花柳能依舊三竺
松篁無恙不肯人歌咏豈勝載看君此去空曹劉
中秋月巖月正白巖下長江朝暮流賦詩漚酒寄
一弔醉來可盡千金裘塞予曾遊忽七載高齋幾

夢西湖舟茫茫禹跡遲探討山奇海錯還誰收百
年苦無多此生真若浮何當拂袖騎黃鶴爛熳三
山連十洲

寓言

二八誰家女金閨幾度春冰肌玉質羨無雙描顰
刺鳳巧絕倫焚香告天再稽首願大早結鴛鴦偶
妾知會合固有時妾愁只愁蒲柳姿紅顏欲駐無
大藥白日欲繫無長絲紅顏乍凋白日走鏡裏花
容一朝醜還誰念妾老孤幃妾亦憂人誰補衣此

卷二

二

憂共懷難共說應有良媒與分決君不見天邊牛
女長相逢肯信人間無路通

送陳司訓遷教平湖兼呈舊父母馮黃門

二月風吹楊柳絲關河送客傾金卮行者謂誰陳
夫子七年作我虞八師緬予初逢惜偃蹇先生一
顧同襟期雲霄欲飛苦垂翅噓以和颺爲羽儀生
物栽培出名教人間聚樂歸相知天青日白幾暗
對坐令目擊銷群疑虞公隱地言游里底事春風
生別離別離誰言去不遠隔面咫尺成相思平湖

之水接虞澤湖上續紛桃李枝到處新晴動顏色
回看舊雨留恩私留恩更有馮給事家在城邊湖
水涯當年抗疏出爲令至今聲績懸明堦曾此及
門並青眼別來十載懷如饑去矣相從說往昔爲
道寒生猶數奇江湖旣髭齒髮改把酒臨岐歌獨
悲挂帆南浦正梅落落梅流水心相隨此心欲爲
知己盡長拂吳鉤嗟後時先生講帷留不得喜有
音徽常在茲吳門雙鯉頻覓取無爲悵望成遐遺
還當高倚崆峒際披劃蒼雲揚紫眉

卷二

三

贈醫士王春泉

大義日薄形骸分吾儒燮理吁未聞蒲前凋瘵扶
不起四海墊溺愁如焚誰向胎元窺夜息還從指
上調春溫醫人醫國摠一事比義推賢孰似君有
兄不分娶不再家門和氣開氤氲高樓聯衢貯丹
石倒屣握髮除侵氛黃金買藥白手散最令寒暖
生欣欣幾爲垂死續呼吸晨昏請急來何殷安得
如君百數輩盡起天下疲癯群書生讀書讀未了
十年抱膝鑄遺文仰君有術能濟世低頭慚負匡

時勲

龍山歌送吳司訓遷官曹州

龍山之高何許碧天芙蓉出星渚匡廬九嶂相
摩寒黛色霞光射彭蠡先生少住山中讀誦聲琅
琅通白鹿蕭梁太子唐謫仙時聽遺音振林谷先
生移書入魯郊聖賢丘廬半寂寥好披苔蘚發元
秀坐看尼山千古齊天高狂生明經出門下夢到
名區幾清夜司馬猶慳山水綠左思未長文章價
仙旆悠悠出郭門長歌龍山開幕雲丈夫壯遊吾
所羨世上離情何足云

卷二

四

江樓感懷

去年今日上長安却指春花馬上看今年對雨樓
江閣短褐蕭條生暮寒丈夫致身須及早四十年
過半成老舊愁容易損朱顏新序勿忙換青草浮
生踪跡慣風波往事籌來感慨多試問梅花開幾
許且憑杯酒一高歌

問月

謫仙一去不可作天邊明月久寂寞浩歌絕響金

尊空良夜接離誰倒着沉名酣利無醒者玉鏡東
飛任西落道人結屋虞山幽山月年年起林薄偏
憐有月無人問獨把深杯倚山閣杯中漸滿月漸
來對影爲三兩酬酢此生相勸知幾迴往事淒涼
月如昨但願長逢玉兔秋呼童再洗青鵝杓月高
人醉欲何言千古閒愁付寥廓

風波惡

君不見風波惡轉眼平堤走沙礫天氣旋昏日光
薄奔濤衝舟勢可愕憔悴征人膽幾落誰爲移文

卷二

五

遣河鱣我行迢迢入燕朔無端舍我江南樂江南
青山傍城郭細水流花遶溪閣暖風游絲隔朱箔
白苧春衫潔於鶴富貴牽人就羈絡鏡裏紅顏漸
非昨逢詩且吟酒且酌畏途未可輕着脚君不見
風波惡

苦熱行

江南赤旱震澤乾赫曦行空百卉殘行者應歌行
路難居者對食無能餐蘊隆炎炎灼人肝十室九
病吁可歎我思仙人乘紫鸞雪毳爲裳水作冠翺

翔上清玉宇寬坎水不溫離火寒吁嗟乎欲往從
之無羽翰

行路難

遊子且勿行聽我行路難蜀道無危坡黃河無險
瀾豈知險與危乃在咫尺間青天黑風起白日黃
塵漫野中荷鋤人一鼓持搗竿強孤攫桑兔傷類
殊可歎游子將東之不如且西還秦鉗晉錮舉足
頃出門誰謂天地寬我歌行路難聽之摧心肝

遊西山漫述

卷二

六

十年客京華西山縈我思一朝策馬游興逐飛雲
馳山形龍從勢若走天關重重扼其首龍翔鳳舞
迴王畿七陵瑞靄凝蒼阜書生落魄挂杖錢振
衣把酒開悲顏盤谿陟嶺抵深窟綠陰交映清和
天靈區疑有至人在訪遍玄林還佛界嘉泉秀壘
真愜賞曲城雕房翻起慨方今天子憂民艱兵
戈水旱年復年道場馳象黃金宇華表麒麟白玉
阡張皇耳目竟何補狼籍膏脂不可數我持一楹
來且疲輦負輪輸亦良苦嗟哉人事紛難齊作受

之哩渾杳迷老髡擁坐只合掌汲者爨者爭奔隨
吳農耕暑汗如浴妻兒相對愁饘粥功名遭際固
爾爾富貴誰稱五車足千秋山色長青青歡慘由
人多異情西湖楊柳江南意晴日流鶯啼數聲

丙辰春試南還舟中偶誦杜老七歌動人哀
思自潞灣抵流河凡七程日用一童步而

歌之

潞水春融日光美發鼓征鐃蒲人耳樓船意氣綠
楊邊誰憐書劍蕭條裏東南寇盜驚寢魂曉起爭

卷二

七

傳將官死嗚呼一歌兮歌已哀憔悴王孫歸去來

其二

人生窮達誰所柄古來淹速稱有命致身津要雲
滿裳失足路岐沙沒脛歸心欲飛無羽翰天外南
樓碧窓靜嗚呼二歌兮歌始放河西停舟坐惆悵

其三

三月馳驅投冀方來往楊村風作強村邊桃李亦
春色轉憶江南清晝長玉堂金馬置勿問安得歸
我青山旁嗚呼三歌兮歌三發神魂飛去空皮骨

其四

有生桑梓多輕離殉名役利成貪癡天津之涯白
鳥立笑人逐逐休何時千金腰裏逸蒿野城上尚
懸選駿旗嗚呼四歌兮歌四奏魚龍吹浪喧清晝

其五

直沽東下黃河急楊柳青青帶烟濕天公稍覺輕
世情助人風色征帆立買魚醕酒日漸斜驛亭古
樹歸鴉集嗚呼五歌兮歌正長何處蒼山是故鄉

其六

潮生靜海鳴風揪攪我愁心相結慘早知光陰浪
飄泊胡不爛熳名山遊子長文章太白句念此蹉
跎那肯休嗚呼六歌兮歌思遲蓬窓展鏡銷華姿

其七

漢廷戮辱加元老朱轂安軒豈危道淹途方歎進
何遲高位翻嫌歸不早河流東下寧復迴征人千
里牽愁抱嗚呼七歌兮悄終曲目斷南雲鳥飛速

時事

吳中徭賦密於櫛吳民有田耕不得况復年來遭

水映秋成不穀官家糧 天王注意東南計蘇松
自是脂膏地嘉禾瑞麥來遠方御史却報吳中荒
吳中荒何足報內庭之費邊之犒憂民不憂君烏
用爾爲臣心念吳中貧身委階下塵邇聞有臣議
加賦愛君寧把蒼生誤兩端誰是復誰非 天王
明聖當自知御史狂言死亦幸一死却爲千人命
一人死千人哀幽魂何日登蘇臺壺漿共向江頭
開

官糶穀

卷二

九

官糶穀糶穀爲濟農農夫赤旱驅市中且典寒衣
買穀春妻兒藜藿久不足替替待此作饘粥誰知
官府深於城不許農夫通姓名豪強貪猾冒農籍
一日擔歸幾十石農夫不得沾升斗典來費盡歸
空手歸空手告妻兒妻兒相對啼絕我食奪我衣
家鄉不可住飄散各東西嗟乎官糶穀贏得胥徒
厭梁肉有司那聞萬家哭

官施藥

官施藥施藥爲救民小民今年苦赤旱十家瘵瘡

九家患醫人一日施千裹傾囊之費誰償我幾能
輕費解憐貧率意投之將悞人費醫醫不利悞人
人亦費醫費尚可言人費不可原監臺上體天王
仁誰也綠此肥其身嗟乎官施藥小民不顧無灾
瘡有司愛我病亦樂

七言律詩

恭親 景殿謁 祖陵紀頌二首

帝子開封臨楚甸祖陵修展煥周儀鈞天法曲迎
絳蓋動地歡聲擁玉枝月白仙姿龍種別風清蹕

卷二

十

道鳳旌移萬年永固親藩托一體長懸 聖主思

其二

傳捧桐珪過舊京五雲花萼照朱明人瞻江海旌
旗色天作河山帶礪盟奕葉宜王姬魯叔中興頌
帝漢東平廟謨早定稱神武會見乾坤永廓清

雨花臺

秋郊霜葉欲飛紅把酒登臺思不窮六代鉛華荒
草裏千年陵闕慶雲東臺花寂寂空中雨客髮蕭
蕭海上風十度經遊僧臘改晚山相顧惜飄蓬

清涼寺

僧寺幽棲石壘旁千年遺蹟感蕭梁
講經人去巖花冷說法臺存野草荒
山外江聲來遠渚鳥邊帆影落斜陽
鍾陵佳氣看逾紫寧向清時學楚狂

牛首寺

名勝懷游二十年秋風策馬上層顛
望中雲物遙連水行處樓臺半入天
高塔慧光開百寶秀峯寒翠擁雙蓮
山僧烹得龍泉活洗我塵心欲悟禪

獻花巖

盤迴松磴上通幽蒼翠嵐氣自一丘
巖拱靈花秋不謝洞棲香謁畫還留
兩峯秀色侵禪座孤磬清音出梵樓
入定老僧深竹裏烽烟江上不知愁

靈谷寺

鳳皇臺上過重陽靈谷山中扣竹房
客向長林駐車馬僧供野菜薦壺觴
十年塵夢勞相望五里松陰轉自蒼
幾度登高悵搖落得逢開口細徜徉

飲歌館留別

白下遊遊客款門青樓歌舞夜開尊
梁間逸調飛

吳雪席上幽芳散楚蓀三晉風流餘往蹟
六朝鉛粉幾銷魂少陵飄泊偏多感別去
河橋酒獨溫

夜登燕子磯醉中紀興

石城西去大江東千古名磯甲宇中
棧閣倚天翔燕子壁崖平地起芙蓉
風生石湧崑崙出月滿潮臨瀚海通
清夜當杯狂興發不妨長嘯應龍宮

夏日泊舟金閶

闔閭城頭高接雲萬家烟火兩濠分
東西驛道傳朱轂上下樓臺舞翠裙
載酒笙歌隨處起賣花香

氣隔簾聞吳財半是虛靡盡肯念農夫
赤日耘

膠山玄覽閣賞雪

喜看瑞雪滿江城况復高樓倚太清
望入同雲千里共坐分輕靄八窗明
風迴薄絮穿朱幕鳥逐飛花點翠楹
莫復添裘避寒色酒杯行處即春生

還自北都聞太倉寇警

荒齋過雨正梅時旋補頽牆謹築籬
天畔征人初息枕江南羣盜已如絲
長貧自許攻書早多難翻嫌學劍遲
欲問林郊安堵日飽食葵麥聽山鷗

甲寅寇變致道觀後古松競伐爲薪

千年福地枕山隈千樹連雲覆石梅寇盜忽經人事變林泉無復向時開花陰寂歷仙人井月色淒涼太子臺遊客還來啼鳥去夕陽多處重徘徊

海上黃魚寇息早至和荅友人韵

頻年五月想黃魚玉贍銀絲總不如喜息江波通估棹卽傳風味到山廬鮮甘早入揚州貢潦倒還淹澤國漁對酒欲銷彈缺怨一天梅雨更愁予

病眼

卷二

十三

西風籬落豆花稀燈火黃昏月影微抱葉玄蟬還傍語驚枝烏鵲想南飛千年澤國多焦土四野耕農半鉄衣獨坐夜深雙眼熱近人星斗自依依

白燕二首

本來粧束竟渾非應爲堂前舊主稀社後漸看春色淡晝長猶帶月痕歸舞迴掌上無紅縷送盡東風只縞衣悵望上林花發處且隨鷗鳥傍江飛

其二

共訝風前色相非祇憐春老杏花稀夢回粉蝶從

誰覓點破青山見爾歸淡掃未承天子澤幽棲還

看野人衣等閒禽鳥休猜問明月池塘好漫飛

水灾和韵呈邑侯

漠漠川原暑氣微翩翩鷗鷺傍人飛波漂廬井流移迤路隔親知過問稀廊廟憂心關肉食江湖愁色曠荷衣秋風澤國無洲渚鴻鴈哀鳴何處歸

虞山達觀亭

高亭突兀倚晴霄極目乾坤萬里遙湖上浮沙青入案城頭新堞玉環腰山圖轉見龍形聳人傑當

卷二

十四

符馬角謠下界紛華風葉裏達觀須信屬吾曹

和荅沈文井儀部

抱膝長吟十載餘滿庭黃葉故人疎鳳城牛斗看何近麟閣功名夢欲虛辟穀未傳逃世術學耕將買傍村居長安多少同袍者馬上高懸學士魚

送友

愁緒不堪逢歲暮傷心那復見離羣兩行新柳翠迎客一路寒山青送君傾蓋擬看東海月譚堂猶臥北溪雲最憐隔坐知音少我有孤琴幾欲焚

鴈來

鴈來時節正重陽物候相催底事忙秋黍無成遲
得雨寒衣未授早飛霜爾知塞北多冰雪不料江
南少稻梁棲啄向人將自累好修毛羽待春翔

催租

山廬犬吠走兒童有吏催租不問窮梅雨未來新
穀去麥寒猶在短裘空長官指日收成課南國何
人賦大東渴病相如愁絕裡祇餘茶鼎藥鑪紅

病中

卷二

十五

臥病經春只掩扉藥囊書卷伴支離青山幾負看
花約白日長吟哭友詩孤榻擁寒蠶熟候五更聽
雨麥收時箇中情緒憑誰語應有樓頭燕子知

見山陳子襟度夷曠居窮不憂予樂與之游

者意致同也天不祐善年來貽以骨肉之
傷每賞心把酒輒慘然失歡予亦爲之於
邑以詩寬之

古木山家少客過憐君寥落臥青蘿茅客有母貧
供饌白傳無兒老健哦采藥只來償酒債看花時

復悲詩魔開襟且對斜陽好莫愴流年短髮多

贈龍橋錢隱君

溪橋宛轉帶龍沙溪上王孫舊世家倚閣海光生
夜月捲簾湖影盪晴霞傳經已熟青雲徑把酒還
看玉樹花慚愧昔題橋下客蹉跎今已鬢生華

送客還武林

江鄉烽火易驚心客裏慈親老不禁況是家園頻
入夢想來桑梓已成陰君今採藥歸天竺予昔看
山遍武林石上留題憑覓取年來恐有薜蘿侵

卷二

十六

贈孫達泉

聞君遊覽過江東術在青囊一卷中四海還誰稱
法眼萬山從爾覓真龍予貧未卜眠牛地因病疑
生折臂公欲扣先人留蔭處高原封草正蔥蔥

錢子行所少從授經已未成進士無何計聞

傷之

當年識器自垂髫指擬青雲去不遙十載談經看
破的三春伏枕問歸艖未酬君父身先隕却望山
川氣亦銷爲爾吁嗟吾道在卽擗淪落老漁樵

秋日

葛袖蕭蕭出翠梧浮踪隨地有江湖
三秋扶病移衾枕幾夜驚心轉輓轡
倦翼獨看天際鳥忘機相對水邊
晃何時長揖山東路重結高陽舊
酒徒

登太白樓

謫仙人去已千秋今古軋坤此一
樓樓上天青月長好樓前花落水
空流他鄉玉枕誰呼酒倦旅紅
塵獨艤舟安得先生對狂客春
風同典驢驢裘

下第歸舟

卷二

十七

長安拋擲杏花天來去風塵路八
千夢裡青山臨水閣愁邊紅雨
逐江船家園未辦雞豚計歲月
空添犬馬年狼籍歸囊長缺在
夜光猶足使人憐

白河道中

帝城狼籍杏花新羸馬河灣獨問
津家在江南春欲暮候驚寒食
柳都勻清晨看鏡馬唐老長日
披裘季子貧勛業蹉跎歸路遠
翠樓應有斷腸人

過留城

千年漢蹟歌風裏三月留城逝水
邊丹荔香銷祠

燕老赤松人遠簡魚鮮布衣肯
逐封侯貴肉食誰憐碎穀賢倦
旅經行正愁絕野鷗飛傍夕陽
船

過毫頭

黃沙漫漫日色昏綠楊隱隱迷
前村平水風波咤三老遠天書
劍悲王孫家山千里杳何許湖
海一樽聊共溫春光九十半塵
土人事悠悠安足論

董子書堂

毫上荒祠覆白楊傷心董子舊
書堂兩言道義辭偏切三對天
人說已長未許西京談治理休
憑東

卷二

十八

閣問行藏軋坤今有先生在不
向江都向夜郎

到家

天涯倦客已還鄉依舊青山傍
草堂且自寬顏對兒女莫輕開
口論文章軋坤儘著雙蓬鬢風
月還隨一錦囊親故相過問無
恙好餘尊酒待端陽

朗城庵作時方北還

長安歸去未經旬自笑衣衿尚
帶塵作客幾年俱幻想逢僧半
日是聞身水雲多處偏容月花
木幽邊儘着春得向遠公聞此
偈江湖隨地可忘貧

入江鄉

昔年曾繫江頭楫今日還登江上臺沙鳥似憐人
舊識野花應笑我重來風塵滿地長爲客節序經
春又落梅心志蹉跎皮骨在向來行路盡堪哀

北上宿膠山遇杭僧礪公

陽關初唱客行孤忽遇僧伽舊識吾倦骨憐予登
遠道飛心從爾去西湖征裘風雪隨書劒歌弱袈
裟傍酒爐飄泊時多行樂少祇憑相對說杭蘇

固安道中望西山

卷二

九

長路迢迢入固安西山隱隱馬頭看清時王氣浮
蒼靄大地封疆限紫垣遊子經春方近日征裘衝
雪尚霑寒壯心慚愧蹉跎久欲向高岡一振翰

和汪存吾懷家作

消渴相如只著書飄零庾信久離居曳裾當路謀
偏拙覽鏡閒窓髮欲疎悶裏心情慵筆硯悔來身
計失耕漁家園景物牽人思石上新蒲水上槩

城角

城角蕭條客裏身天涯童僕自相親黃金事遠高

京邸

臺古青鏡愁多短髮新同地懷人瞻北斗異鄉沽
酒過西鄰經時冰雪遲桃李獨有燈花夜報春
都城春暮淹索居仰矚飛雲天路紆楊花撲硯攪
人緒燕子入簾懷我廬身世飄零竟乃爾家鄉饑
饉愁何如青霄故人解憐士寧待昌黎三上書

四月望日

卷二

十

燕臺羈旅思淒然隔樹疑聞有杜鵑行路幾經風
色慘離家四見月光圓江湖寥廓春衫敝山郭清
和午夢懸書卷誤人看欲倦日長聊復枕愁眠

寓道觀洛陽花盛開獨酌對之

玄都觀裏半蒼苔買得閒花手自栽洛下芳姿隨
地有江南此日向誰開紅憐棠棣家何處綠感靡
蕪客未回嘉艷不堪成獨賞天涯且盡一深盃
得除後舟中和韻

迢迢北客理南舟節序倉忙又入秋夢轉曉天霜
欲下心移涼夜火俱流抱關五斗將何濟懷壁連
城却浪投此去正依茗雪水好憑清漱洗吾愁

雪中旅泊

長路衝寒雪滿船幾回漂泊使人憐乞來吏隱非
殊土忽復思家即遠天萬事違心餘短褐一官羈
跡又殘年五陵同學輕肥滿祇是袁安合凍眠

七言絕句

送立齋張公守贛州六絕句

其一

八月涼風開碧天江南彩鷁何翩翩吳門早發雙
旌使漢水遙迎五馬船

卷二

三

其二

秋淨江明白映沙關亭遮擁鼓頻過金魚幡蓋二
千石竹馬壺漿百萬家

其三

漢家循吏尚從容治郡今來得尹翁倚檻江聲會
章貢捲簾山色淨崆峒

其四

贛江斜抱贛城流江上城頭翠玉樓新守倚欄聽
舊事至今人說趙虔州

其五

倚江名郡甲洪都百尺高臺起鬱孤他日政成臨
眺處天南飛下玉麟符

其六

鷄舌猶含漢署香虎符新領下荆揚臨岐有賦酬
青眼何日天風送馬當

虞山四景圖送司訓白公遷泗州

七言

龍轉虬迴七象分千年靈氣自氤氲秦松漢柏相

卷二

三

望際日日江南起翠雲

兩湖

雙鏡平開起蟄龍天晶光浴紫芙蓉由來澤國分
吳會曾有真源接泗中

拂水岩

懸崖千尺倚雲關風捲銀河下復還君去若爲天
姥夢只須頻看卷中山

讀書臺

千載遺文映紫苔讀書人去鳥頻來關雞戲馬行

應訪蒼翠何如太子臺

元旦東王賓淇四絕句

謝酒

白衣誰使敲門至綠酒疑從送歲催
取醉總無干日力燈前顏色幾回開

索硯

荒齋古歛君移去獨對新春不盡思
老鈍從予許相守總封卽墨也須辭

乞曆

山廬不接頰年使送舊迎新只聽人
倘在齋中閒白日遣來愁處報青春

問梅

隔葉紅椒已滿枝經春消息竟何如
美人幾夜夢中到不見傳來雙鯉魚

虞山尚湖之間平疇僅方里山屏其後水經

其前俗曰湖田其東西兩汀則山湖之小

合流處依兩汀以居者茅屋參差雜犬相

接別有天地非人間也每過其地愛而樂

之得絕句十首

其一

竹橋茆屋自成村妻子歡呼共瓦盆
渡口流花引舟入此中亦自有桃源

其二

賣魚小艇隔溪歸溪上家家啟竹扉
拍手兒童笑相報晚來新得紫鱸肥

其三

荷花十里送香風雲白天青一鏡中
遊人忽載笙

卷二

十四

歌去無數鴛鴦起綠叢

其四

枳花爲蓋橦爲圓茆屋斜連接翠微
誰是誰非都莫管百年生計有漁磯

其五

網磯衣食儘贏餘還戒兒孫勿讀書
不見城中彈鋏客歸來幾嘆食無魚

其六

今年豐熟享田神賽社迎春日未曛
童子競歌楊

白曲女郎爭着茜紅裙

其七

門前綠水後青山醒過隣家醉便還飯甌半映菰
蒲色衫袖長侵碎荔斑

其八

村庄兒女不相猜如葉小舟連隊開采過蓮州采
菱去直從山盡處歸來

其九

湖頭已覺無城市湖心併覺失山村秋淨雲孤鳥

卷二

三五

飛絕天西一帶紫螺文

其十

人家落落碧溪灣鵝鴨相看意亦閒便欲乘春來
住此枕書長日對青山

蘇門雜咏六首

其一

莫話興亡事已賒祇今風土擅繁華秦商蜀賈三
千姓趙舞燕歌十萬家

其二

倚雲樓堞抱長濠南北征人集萬艘處處釵搖金
絡索家家酒進紫蒲萄

其三

四野耕農貢稅饒湖沙不度海南遙人游禮樂追
三代士演文章駕六朝

其四

茶磨靈巖矗紫蒼畫船如屋下橫塘蒲洲細浴鴛
鴦隊柳陌低迴翡翠光

其五

卷二

三五

酖酒和酥醉未醒綠窓徐起怯吳綾平川蕩槳忽
十里深巷賣花時一聲

其六

小年兒女弄姿顏銷費鉛華一擲間百寶鈿揮梳
鳳罷千金囊盡關雞還

題牧牛圖竹枝詞四首

其一

江路春深青草齊及時牧牛牛漸肥官家倉廩須
牛力若是牛饑年也饑

其二

年來租額百千頭那得田中幾倍收牛肥滿有新
租望只恐舊租催賣牛

其三

牛背兒童無是非放鵲吹笛隴東西官稅私逋俱
不管也愁家盡沒牛騎

其四

連年旱田耕不開驅牛踽踽牛同哀今年雨多省
牛力還望官租緩緩催

卷二

七

傷春四首

其一

海棠凋謝曲闌西無數紅粧對雨啼爲惜韶華易
消歇夢回愁聽五更雞

其二

未向東風醉一觴忽驚南岸柳花香欲從深處尋
桃李行盡山村幾夕陽

其三

爲憐花落強登臨酒半歸來日未陰坐到夜深眠

不穩月明山犬吠空林

其四

長日攤書靜掩門隔窓啼鳥暗銷魂年年多少違
心恨欲向東君一細論

已酉秋試句曲寓中夢得首句續之

月華將上海棠枝正是征禽鼓翮時明日鳳凰臺
上去紫簫聲裏慰相思

寒食二首

其一

卷二

八

年年寒食憶家時也逐兒童帶麥枝客裡流光仗
消遣此懷惟有落花知

其二

禁烟遺事傷千古佳節驚心又一年多少人家藜
糲盡不逢寒食也無烟

江上歸舟

江上清明返客槎落花風雨送年華三盃漫且將
愁去一路看山直到家

下第歸舟

風塵出處未分明喜放歸舟一水平對月轉於鄉
思切當杯旋覺客愁輕

卽事

一鄉十室免饑寒廬舍舟車亦僅完騎馬出門人
共指十年租稅未還官

感事二首

其一

昔人煮豆燃其箕今人然箕復然株箕盡株存可
已矣火烈自然應悔無

卷二

二十九

其二

貧家有荆惜其花富家有荆剪其芽貧生恩兮富
生讐彼營官者胡爲邪

早中

野桐陰十畝寬枕書清晝石床寒茂陵消渴渾
依舊長憶天家玉露盤

寇變四首

其一

倉皇投募逐征旗官給紅衫不解披一戰忽傳誰

盡死村中田父市中兒

其二

愛死吳儂涕淚從短衣髡首逐西東陣前一過頭
先隕却與將軍作戰功

其三

亂離女婦却鉛華只保貞心不保家多少相將沉
水死幽魂棲傍野棠花

其四

重臣分閫繫危安懼謫憂讒轉顧難不願成功願

卷二

三十

無罪漢家何日斬樓蘭

紀荒四首

其一

麥壠青青苗半齊割來葢飲且充糜也知苗熟還
收子那得生全到熟時

其二

村中織婦體懸衣不想遮寒且療饑手裏凍疽成
一疋入城換得五升歸

其三

挈兒投市向人啼爲婢爲奴任屬誰不鬻銀錢聽
携去自甘卽死幸存兒

其四

黃昏有盜入村家夫婦單衾冷尚嗟一釜拋閒請
持去筐中還有野紅花

閩河卽事

清朝致仕老尚書馳驛歸來祿滿車浩蕩君恩儘
消受艱難民命竟何如

過武城

卷二

三

武城城外柳青青千古懷賢感慨生舊日絃歌俱
寂寞湯湯流水送人行

漂母祠

國士銷沉漢寢荒千年祠廟蕭衣裳黃塵自古埋
豪傑青眼誰如一女郎

露筋祠

貞女祠前氣若生春風湖上草長青誰甘一夕筋
俱露留與裙釵作典刑

蒼周山人虛岩見寄

愛爾其如相見稀鳳凰臺下憶分飛可憐新句題
紅袖誤逐東風贈綺衣

顧海峯參軍貴州奉和繆守堂韻寄荅二首

其一

蚤識吳蒙已不羣虎符今果屬參軍挑弧不慣囊
中技彝鼎須銘塞上勲

其二

十萬旌旄捲素霓總戎驅馬不驚嘶卽看凱檄傳
三蜀永見蠻烟淨五溪

卷二

三

張姚二子過訪對茉莉小飲

二妙閑過酒一卮幽花香澹坐盈枝慚予勸客無
金縷愛爾迎人有玉姿

客至

寂寂閒亭臥子雲故人相過且論文山中昨夜知
秋到分得新涼一款君

題畫馬

海上神駒未獻時虎文龍骨少人知得從天校分
金勒肯蹈紅塵進荔枝

題小鴻扇

霜清月冷荻花稀到得江南已授衣
好向雲邊尋比翼莫教庾信感單飛

詩餘

蘇武慢二闕 用韻代贈

其一

君相遭逢經綸事業往史幾番看過風節歐陽忠
誠司馬猶說展施未大昭代元卿中興碩宰力補
山彝藻火吐丹心紫閣黃扉不負一人知我 自

卷二

三十三

登朝瑣闥封函鑾坡汗簡賈陸也應推左濟世文
章憂時詞賦豈似等閒騷些廊廟辭榮江湖膺召
出處古今無那建人間不朽功名立德立言俱可

其二

柱石勛庸斗山威望聲遍炎風朔雪丹宸咨謀蒼
生倚庇寧學謝安高潔西北堅瑕東南肥瘠度內
統包秦越運籌間海宇咸休歌頌太平不絕 十
年來九廟四郊勤勞綜理何啻姬公握髮肇起耕
蠶振敷文典總是帝皇真訣披日心腸經天手段

就裏規模迥別看撐持聖世軋如永揭中天日月

玉蝴蝶 咏梅

報道江南春早誰將消息先付梅花清絕標姿真
個異種奇葩淺流邊一枝寒浸明月下幾樹橫斜
老烟霞短籬村落茆屋人家 還嗟隔林桃李總
稱繁艷更近諠譁雅淡精神美人依約自天涯憑
寄取剛逢驛使正相思忽到窓紗把門遮竹爐溫
火伴我煎茶

慶春宮 卜築

卷二

三四

山帶平疇水環秀野江村處處清嘉花逕客來石
塚吏去椿陰團翠閒中設整茶瓜西溪上日暉未
斜吏堂開新築簾捲祥風戶映文霞 芭蕉分影
窓紗棠棣相輝蘭樹交加靜夜詩書清晨機杼等
閒兒女當家年豐時阜願四境雞犬無譁待鶯啼
春野斗酒雙柑來話桑麻

江南春 用韻

東風細雨肥櫻笋飛絮無聲山郭靜千家綺閣燕
交飛十里平川花對影吳姬曉怯吳絛冷還整銀

鉤照寒井少年爭向拂衣巾不將羅襪行沙塵盡
船進酒頻 徵歌急搖曳汀沙濕逢場行樂恐無
及七十峯青五湖碧錦繡江山古家邑柳拂高城
倚雲立嗟哉人生真若萍不老江南何所營

高陽臺 新製

新竹含蒼新蕉分綠新荷漸綴池塘新葛初裁杯
中新茗生香端陽細飲新蒲酒聽新鶯啼過東牆
好時光許多新景付恁徜徉 那堪新緒倉忙更
新愁連舊牽繫人腸新蛙聒耳新詩嬾入奚囊幾
番睡起新梳掠看鏡中髮有新霜問天公新歡何
處待要商量

沁園春 卽席賦走馬燈

爭霸箇王橫戈躍馬多少興亡笑紙上兵書總餘
陳迹眼前燈戲又作戎場霜凜金矛風馳鐵騎夾
隊踉蹌粉堞旁分明是昔虎牢呂布過了關張
看來誰弱誰強却永夜奔追未肯降柰做假成真
任人機巧撫今懷古使我淒涼白日鞭車黃昏累
甲無數英雄角虎羊須識破爲一時焦火着甚閒

忙

滿江紅

碧野堂開正長午桐花飛玉閒坐處篆煙飄紫茗
甌傾綠隔柳靜聞鶯語并當窓細把麟書讀得此
身無事漫夷猶真清福 青衫漬渾未足黃梁飯
何時孰可耐懶謀生五月已空新穀盡日不紆眉
上皺幾番刺却心頭肉悔從前悞落此機關多勞
碌

且坐令

卷二

三六

花零落幾負花前約山橋酒幔迎風綽掩映鞦韆
索拾翠尋紅往來多少誰憐寂寞 心裏事漫無
憑託要拋了難拋却芳時未得追歡樂惱殺姻緣
惡天風有日吹噓着試取羅衫薄

謁金門

江草碧又見一年寒食風雨落花春可惜况逢身
是客 十里青山只尺兩岸綠楊如織酌酒賦詩
俱未得浪將光景擲

菩薩蠻

難消炎暑惟萌屋借得東鄰三畝竹一卷坐幽亭
入簾山氣青 天邊金殿盡未許鴛鴦宿渴病似
長卿誰分玉井水

風入松 卅中和韻

青青酒幔颺河橋卯雨暑微消主人暫向家山別
山如送尾我船梢目望金陵隱隱心隨淮水迢迢
往年月夕與風朝曾繫渡江橈于今新結高陽
侶長干路翠袖堪招燕子磯頭水長坐臨江上吹
簫

卷二

三五

拂霓裳

夏日西歸訪湖山周子避暑王氏山亭案上得晏同叔詞用韻紀事

水邊亭館梧桐下午陰團殘睡醒隔林一縷起茶
烟綠雲閒護榻黃鳥自和絃紫歸船共相知相對
語流年 長安赤日行路上許多難爭似我逢場
借興卽開筵高吟抒逸思細飲轉醺顏且成歡待
晚涼騎馬過山前

如夢令 二闕

其一

只爲俗逋間債終日銷紅鎖黛數酌且酣眠落得

放他心外可恠可恠醒了依然還在

其二

總有明窓淨几可柰愁根未洗且坐展書看識得
中間道理無幾無幾又覺眼前花起

望海潮

春山紅雨秋林黃葉經過幾度韶華一衆琴書三
更燈火淹留幾處人家踪跡半塵沙悔齊關鼓瑟
前事都差生計蹉跎至今無地種桑麻多情遠
隔天涯謾孤吟對月強飲看花平地風雲少年金

卷二

三八

馬壽來一足輸他靜裏正嗟呀忽吳鉤光吐五色

浮霞寧憤青衫常從江上聽琵琶

北虞先生遺文卷之三

吳郡海虞邵圭潔伯如甫著

孫 棧

邑門人 錢之選 仝輯

鄒 泉

仲子 鏊校孫與游錄

送邑侯蒼野王公入覲序

嘉靖壬子蒼野王侯來牧我虞土歲當仍饑之餘民在繁之後蚤夜皇皇焉思得一良牧者撫循

卷三

一

之也侯則咸相慶曰所以撫循我者至矣侯果能恤下以仁也臨務以公也燭隱以明也貞守以廉也甫半載民漸安之明年當天下報政之期侯豫以冬月戒行凡我民士則咸相祖侯於郊幸侯之未遷而所以撫循我者將旋去而亟來也某等謹再拜颺言曰今天下之藩司守令制以三年必入而報政于天子即古述職之意蓋九重之上與四方九州之遠匪惟堂陛之勢有所隔絕而關河川谷之限非郵傳之所能悉致者亦將阻焉而弗

通則疆域之或安或危民生之或休或戚其曷由以上聞而君相惠安黎元之意亦或壅於耳目之所弗及是故報論之弗可以已也侯茲行也其將何以爲報哉侯之仁則委瘠溝中者或寡矣而瘡痍未盡收也若曰民生既休也非侯如傷之念也侯之公則舍寃堂下者或寡矣而凝滯未盡釋也若曰囹圄既空也非侯予辜之意也侯之明則爲暴郊闢者或寡矣而奸宄未盡除也若曰疆域既靖也非侯思患之意也吾知侯所以爲報者矣計

卷三

一

我虞土賦稅則僻邑之所出浮于郡國之供頻年輸邊之費又往往責之常課之外雖皆奔走應給以逃官刑而邑之溫居而樂耕者十耗其九矣天子而念吾民若茲賦稅者其曷以示之寬也曰訟獄則瀕海之野閒生無良大都弱土之民視官法如湯火而游閒靡易之習亦易罹于法網官司以案牘之煩不遑檢察則片言可決而經年弗解者有之矣天子而念吾民若茲訟獄者其曷以示之慎也曰水利則東北一二如帶之水受三吳之

委流年來白茆許浦已成平陸既以費鉅置議弗
浚也而旁支分瀆亦盡淤塞一晴則旱不得蓄一
雨則潦不得洩他邑稱豐年而邑有破廬鬻子以
償稅者矣天子而念吾民若茲水利者其曷以示
之興且復也夫邑之洞多足以厯撫循者之慮而
三者又其六端知侯之方注思焉而未之逮也然
則侯之行將報焉以加澤吾民以荅吾君相惠安
之願者舍是又奚從也不然而某課之盈某事之
舉某解宇架橋梁之修此尋常有司之事固非所

卷三

三

以望侯而亦豈侯所以撫循吾民之深意哉夫舉
天下之吏惟今爲親民而疆宇之安危民生之休
戚匪今則奚知之而又奚報之今侯之視民真如
視子弟而民之屬意于侯者方嚮始焉則茲行也
宜民之幸侯之旋去而亟來也某等辱侯之愛謂
諛言非所以贈侯故揣侯之將報于朝者爲侯申
告焉他日畢吾民撫循之願天子書之于屏進列
台輔使天下誦之曰是嘗牧我虞土者也則薊莒
之澤亦藉有托焉豈獨吾民之幸也與哉

賀邑侯似澗黃公壽母吳太夫人七十序

粵昔箕子演範敘壽爲元福天用是以錫有德若
懸賞待功者然其誰得而要之而世有私相愛戴
無所致其情而以是歸頌于人則若薦人于天以
斷天之賞而天可要乎然而書之謨曰天聰明自
我民聰明天明畏自我民明威言理一也是故人
衆天定勝常相當感應孚達捷于影響孰謂人頌
所歸而天茫乎無聽者哉我黃侯之母吳太夫人
者人將無乎弗頌而天將無乎弗聽吾聞之而壽

卷三

四

可知已太夫人以淑懿之德相夫君冰澗翁爲時
聞人翁僅齋志儒官教其子似澗明侯登進士作
我海虞令海虞吳劇邑也崇讓飭文昔稱善地邇
者則力憊于賦繁而俗禁于訟狡號難理矣比復
師饒交仍攝長數易侯來綰符邑之百萬姓皆赤
肌思柳枵腹仰粒志曰君子皇皇小人荒荒當斯
時也奚啻難理哉天假侯以閒曠之資惇敏之器
奉太夫人之教施之于政一之日二之日條紀修
明無穢滯滌若陰崖豐部旋觀天光邑之民駢肩

相望矣三之日四之日焦原敷潤繄黎向蘇若枯
齒朽骸再生骨肉邑之民加額相慶矣五之日六
之日農兵整戢罷冗銷革若家置席衽戶奏韶英
邑之民帖心相和矣侯之臨茲莫見夫所謂難理
者究厥所施民之被福其何限耶民乃提攜歡呼
載道頌曰生我者誰黃父黃母生侯者誰黃有大
母微侯之來民也曷救微大母之教侯也曷受吾
民奚以爲報願太夫人之年所未有艾侯之名位
亦未有艾將四海九州均被侯福獨吾民也與哉

卷三

五

邇太夫人偶疾侯色憂邑之民無賢愚無老幼皆
憂有侯所不知而私相祈禱者焉太夫人尋瘥侯
色喜邑之民無賢愚無老幼皆喜有侯所不知而
私相觴賀者焉噫福不可要之于天此亦豈可要
之于人者哉莫要于人而人無乎弗頌莫要于天
而天無乎弗聽人衆天定兩勝兼之吾聞之而太
夫人之壽可知已昔唐鄭善果仕歷州郡母崔夫
人神情不衰日設障廳事後聽其子剖決遇當意
輒喜加食乃善果竟以功名顯太夫人齒未及崔

侯才過善果遠甚剖決所及宜無不當大夫人意
者恬愉冲葆難老可期太夫人之壽又奚俟吾民
之頌也雖然予讀闕官之詩觀魯人歌頌僖公孝
孫純嘏泰山東海之祝侈焉備矣而其終必歸之
壽母以罄大夫士庶願公之私蓋考德者邇源而
念其善後澤物之功以斬天之賞君子以是爲善
禱茲吾民歸頌于太夫人所爲惓惓者也太夫人
誕辰爲五月某日子友陳子某官冀申遺書來屬
予曰吾辱黃侯知願子一言爲太夫人壽予不文

卷三

六

敢竊附闕官大夫士庶之義以荅陳子之請而申
其請者邑諸生葛子某也侯館葛子奉太夫人之
教以貽其孫太夫人觀其孫之繩繩繼美焉而壽
又可知已謹以爲序

賀邑侯濮南喻公榮獎序代

河南之光山喻公舉進士觀司馬之政余時備掌
駕部與公趨從得識公焉迨公宰余邑余且歸卧
川上矣公北人也鍾山河渾噩之氣簡易醇直動
以情示人余謂其簡易則民可以無擾而其醇直
則民之有所赴愬者易以求伸率是爲治其循良
之選歟蓋竊嘉吾方之得此賢父母也公亦克厲
厥守不詡詡以逢上不暇暇以伺下三事恪舉一
誠弗渝不期年而隱隱有譽矣上大夫乃移文褒

卷三

七

之亦曰其行直其才謹其心朴與余所竊喜者殆
相符焉時其寮佐咸持觴爲賀且請說于余余復
爲之言曰縣長之責自古重之矣凡受若責者導
揚風化撫字黎元敦四民之業崇五土之利養鰥
寡恤孤窮審察冤抑躬親獄訟廢一於此者不以
最聞也可易視之哉昔遷固傳循吏俱不及縣令
君子謂之不知務宋制非兩除縣令者不除臺諫
當時以爲令規我國家稽古建官益重茲選矧余
邑爲吳中之稱劇者耶稽之往籍吏鮮其良則嘗

思其故矣地廣而賦多有催科之難拙則非職也
過勤則民將弗堪俗澆而訟繁有聽斷之難罔則
非職也過察則民亦有所弗堪故凡令于余邑者
其椎魯樛結困於解紆者固不足以集事而其儼
捷果銳務窮其才且智乃至於輕索百姓之情往
往訛言興而民因之以惑也今公以雄敏之資奮
勵之志可無困於解紆之難矣而復主之以簡易
醇直賦無過勤訟無過察以忠厚長者之道安養
吾民則循良之選其孰有踰於公者耶漢世守令
得人其後相業表表可述者多一時之良有司也
公其進於茲哉余不佞辱公之愛喜公之譽方起
而願吾民終享公惠也故以是復諸公之請而頌
規之道兼焉公其以余爲知言哉

卷三

八

送邑丞周君入覲序

臣之覲君古道也尚書曰既月乃入覲四岳群牧嗣後乃有六年五年三年之節蓋君之體其臣也慮其贊獻供億之煩而臣之共其君也謂非有頻年職事之述則亦何以稱夫朝而報功之義然先王之制斯禮也因以修上下之交故臣有獻于其君如所謂公侯以玉大夫以鴈士以雉者各有常物而亦或選其地之所有以備庭實貳纁藉則用以寓敬其君不能偃然于其臣之獻也乃亦議賢

卷三

九

議功而有圭璧與馬章服弓矢之錫則用以寓勸此情志之所爲交孚而禮之緣于道也逮今則憂焉殊矣今天下藩臬郡邑小大之吏每三歲各以其職入覲於天子凡所以綜核功叙辨論官材皆必由茲而王朝慶讓黜陟之典必憑是以施之于群吏若所謂贊獻之修乃嫌于導天下之尚賄而流于傷德沒禮也嚴爲之約以禁禦之既與古之道矣如是則今之入覲者祇須籍其職事以行而聽其慶讓黜陟之施于朝廷足矣及問其行之

所將乃或倍于贊獻之修者竟安所用之而一時之慶讓黜陟多亦効應於所將之豐約以故天下小大之吏當其入覲之期其功叙官材之用以爲報者若所後也而先議其所將矧其所將又非取諸其家也而不免以閭閻之脂膏充之然則在位無良吏而四海無康民也亦奚足恠哉噫古道之矣也弊乃至此余熟爲蘇郡劇邑屬之吏得以職事自達于天子固無望其贊獻之修而周君復持之以豈弟之材清約之守隨其計吏者綜核而辨

卷三

十

論之若珪璋之告明信可以無忤而君過以語予則憾然而憂曰其曷以資是行也余慰之曰君不能取諸其家而又不欲取諸閭閻也則議君之所將有君之職事而已矣至于慶讓黜陟之不可必者公有大君之法私有小臣之命君其胡憂周君曰然乃理裝以行周君之先大夫學山公聲績在諫垣君少服家訓篤學修行厥所期待將獻之天子寧但曰丞邑之職事已也君無乃不嫌于是而托于行之無資與余固慰之而又惜丞之負君也

雖然君一丞耳贊獻之豐約未暇校及于丞而道里之供億視藩臬而下之官尊而儀繁者未及什之一然猶不免有行資之憂則夫覬效于贊獻之豐而不勝其行李之供者何限也獨能以無憂乎如其取諸家也則瘠其家而肥其官尚可也如其不免于閭閻之脂膏克之則官肥而民瘠也又豈獨一人之憂而已乎古之觀事修上下之交今之觀事貽上下之憂余所以益重感也周君行余辱君愛而愧蔑以爲行資之輔故惟贈以言而識余之所感如此君涉修途偕同事試以吾言語之亦有同然者否

卷三

十一

贈邑司教化野丘先生榮獎序

維皇佑世之道治與教並設故君師之責稱重均焉然三代而上俗醇而治隆三代而下俗漓而治汚而識者歸本之論僉曰教實使然教之視治不尤重哉今天下之職於學者固教之官也在昔國老猶夫是官天子于饋漿酌爵割牲總干之禮必身親之故其體貌甚尊而其人誠足以範世軌俗興起孝弟稱其爲師迨今則賈焉殊矣上之廩是官也不足以當中農之入而是官之自効其職也

卷三

十二

乃止于課籍升散之稽而或鮮自好者復營校於脯儀之豐約余參之耳聞及爲諸生所見不啻幾何人矣求其清修敦行取予不苟者蓋間有也乃今得化野先生焉先生以名都薦士攝教吾虞以冷衙爲藏息之肆而干謁弗行以薄餼爲膏晷之供而探討不輟端矩肅儀有陸興國之度鮭萊蕭然有楊荆南之節闡經明務有胡蘇湖之規崇禮勸義有徐楚州之風士之接之溫如春陽而于進退辭受之際有毅然不可潤者吾虞之得先生豈

獨詞藝相觀爲進取之藉云乎哉末學寡程二讓
滋散倦于修者淪齷齪之習銳于趨者長僂辟之
行群而胥焉虞仲子游之遺將漸熅矣庶頑振靡
革薄從忠協我賢有司以善吾虞之治吾于先生
多賴焉先生之賢受知于中丞翁公其稱先生也
曰修道藝慎取予余謂中丞誠知先生哉先生行
且奮甲科躋臚仕卽其所以修道藝者教天下令
徧爲禮文之俗卽其所以慎取予者教天下令徧
爲清白之俗翊我 明天子治追三代其又奚讓

卷三

十三

焉余辱先生以文字知余弟玉潔永潔皆及先生
之門然一以病妨一以艱阻而先生接余輒問兩
弟勸勉不置益可以諗先生造就後學之盛心也
不腆之言固以荅諸生之公請亦爰以展吾私云

贈邑丞朱君擢代藩紀善序

朱君閩中人也先歲戊午 天子轉輸實邊例由
太學生選授余常熟丞余常熟昔稱樂邑而丞以
貳令職有分屬大事仰成于令而小者簿與尉各
領焉藍田之哦似其逸也自邇年島寇爲孽騷我
吳壤郡無寧邑邑無寧官君來又值歲旱職在理
稅矧兵饉之後稅日煩而民日貧上之人急于徵
而下之人倦于供匪曠官則激民君欲逸得乎乃
君日夕憂劬徵則視其鄉之沃瘠而調停之且嘗

卷三

十四

以民故受公譴弗恤也以故靡有墮課亦罔有民
怨當道多賢而旌之者居三載君益諳達職務謂
持是以往伺民力少蘇計逸道在焉乃天復降割
水沴再熾吾民之命半委魚鱉稅事何賴焉僉曰
朱丞將無逸時矣未幾君得報擢爲代藩紀善置
此疲瘼方夏治行君若息千里之汗擔而休之涼
樾之下者且代與故鄉密邇得取道省家王國官
雖重然閒散無出納之寄無水旱之憂得以曳裾
驂乘于燕池兔苑之間豈銓司者假此以逸君耶

余曰未也邇朔異之地亦苦嶢旱粟價珠貴又動有烽警天子每厯肘腋之憂况宗藩戚屬情關一體獨得晏然已耶君行矣聞紀善固王史官也言動必紀休戚必書劄夷在目刀斗在耳有告于君者曰王何如其憂也君雖欲以閒官取逸也得乎昔漢之材士若司馬相如枚乘鄒陽諸人俱仕于吳梁二王之間致起材譽然考其閱歷多涉艱頓非以坐逸而得者君能以勤勞佐邑矣乃不能以勤勞佐王國乎吾固不敢以逸期君而謂是行

卷三

十五

之可息肩也君將行余令公崇安王侯及其諸寮蕭觴祖道屬余爲贈言余王侯之視民瘼也憂勤尤甚且將以天下之憂爲己憂可以君行而告之以暇豫之詞乎故就南北時事之艱而爲之言如此君入雲中應與吾友太湖陳子相晤可語之曰仕無南北皆不得逸也可共勵憂勤上報明主云

送邑司教雲峰真先生致政序

譚者曰有採于山惟我所之鏐金琛璧齒革羽毛夫皆可羅而致也蓋逾深而逾利也然而虎豹豺豕之所竊也簞妖莽恠之所伏也能萬一無傷乎而命懸于山矣有販于江惟我所之明犀文貝驪珠璚錦夫皆可貿而致也蓋逾遠而逾利也然而衝濤潰泆之所經也盲風焚厲之所觸也能萬一無傷乎而命懸于江矣是故必返焉而登之岍而寢之室而後得以保其肢骸有其妻子雖然十人

卷三

十六

往矣而不返者恒一二焉傷而返者三四焉返而無傷者蓋寡矣人之覲于一飽而倖其無傷而多淪于不返者亦惑也嗟乎此可以爲仕者之戒夫仕者吾人利見壯行之階也士之繇茲以進大聖大賢莫之能廢乃昔人謂之危機謂之畏途巧宦者詆以爲鄙而辭榮者人咸高之其又何哉蓋隆秩顯位固採販者之深山遠江也聖如柳下不免三黜僑童之賢人誦其死今之世視古益傾焉其上濟國家下完功名繇之而無傷者幾人耶而一

二不返者往往見之然則士之命懸于仕矣畏危之語亦良不誣余常熟爲文學禮讓之邑而雲峰先生以篤行博聞仕爲邑弟子師夫邑有禮文其居藏無咎而仕爲人師其道益尊且安非有案牘懲飭苦骨之煩非有出納罹罪受汚之累非有權寵招讒賈嫉之憂仕此者若遵平崖若游細川卽無利亦無傷焉先生可以惟吾所之繇茲以畢吾利見壯行之志而乃欲亟返也者懇致其事以去且仕者之致其事也匪老則疾而先生方以興學

卷三

十七

成材振衰起墜爲已任意氣未邁精爽尚餘往歲昂寇至先生率家力登城捍之有命中却敵之功當道奇之試以方略多所閑曉非孱焉儒官也將薦之大展厥施而先生不顧竟浩然去邑之士大夫與其子弟相與挽而留之弗克也嗟乎先生豈有見於採販之徒而懲焉矣乎豈視此亦若深山遠江焉矣乎豈憂其萬一之傷而將亟登之岝嶭之室焉矣乎不然而胡其去若是果也聞之先生曰吾縱無民社寄而茲方之疆域未靖創夷未起

吾無分寸裨益侈焉人師于國家何賴焉是不如亟反之得也吾子尚幼返而教之吾兄弟久相離返與同老吾願已矣噫先生誠得矣如留者何哉夫留者非不欲先生登之岝嶭之室而顧視其入山之深涉江之遠也以篤行博聞如先生而僅膺儒紳展施未竟而且居之無傷之地雖繇茲以臻隆秩顯位其道恒尊且安夫奚入深涉遠之足慮而怱然聽先生之去也雖然先生則誠得矣畏途自畏先生無畏危機自危先生無危先生固將脫屣夫入深涉遠之途而自足夫平厓細川之樂非若夫人之或老或疾日晷窮暮至於無以自聊而鬱鬱不能釋者而或有不能釋者夫乃纒縈于師友相與之誼如吾人之不能釋于先生者乎是則情焉耳矣而先生固曰吾今而後得登之岝嶭而寢之室也而後返而無傷也君子曰士能以義裁命將無適非平厓細川也而謂士之命懸于仕者亦過懲之論矣余友某余弟某某皆辱先生之愛而尤不能釋然于先生之去者先生行謂余當有言

卷三

十八

余故頌先生之高以釋其挽而留之之情而相與
惟焉以祖先生之歸先生歸而順適于平厓細川
之間寵辱莫驚進退在我休休焉讀其先文忠公
之書盡其餘年人有造而告之者曰某也採千山
而不返也或返而傷也某也販于江而不返也或
返而傷也先生其益自以亟返爲得也哉

送望虞錢君歸洪都序

望虞錢君蘇之海虞人也何歸乎歸洪都也于何
送之于海虞送之也海虞君所產也何爲自海虞
而送之歸洪都也洪都則君之家在也何爲其家
於洪都也君武肅王鏐之後也少有雋才美丰姿
人卽之玉如也洪都宗藩有選壻於蘇者物色君
得之隆其幣聘焉君不獲辭以往館爲內賓夫是
以家洪都也家矣則何爲乎猶來也桑梓之地先
人之丘隴在焉故稱望虞者識不敢忘也近五年
遠十年必一歸祭且與吾族之人一聚首焉夫是
以猶來也來且復歸歸而望焉不已勞乎情之弗
可以已也歸而望焉者何君之孝也何言乎其孝
也坐接瓊枝行聯寶樹服以金緋饗以珍羞寧無
溺焉者乎而猶不能無此之望也不肯本也以是
觀君之孝也來且復歸者何君之忠也何言乎其
忠也鄉土嘉腴風物淳雅族多英獻坐滿親舊寧
無滯焉者乎而猶不能無彼之歸也不肯德也以
是觀君之忠也君行矣其將復來乎君有子女咸

毋氏之依行且畢其婚媾觀其成立吾日與王公
懿戚者游可以康居盡其餘年其不來未可期也
君之齒髮未暮且左右隔一江耳長風西來航葦
可達忽一念至奚有千里其來未可期也雖然丈
夫之志少也張矢老也首丘茲行也其將終復來
乎何爲乎知君之將復來也虞山蒼然如龍翔海
東君望之所屬也暇日登滕王俯曲江漁歌互響
鴈陣頻驚能無停杯倚眺悵然鄉關之懷者乎以
是知君之將復來也故吾于茲行也不徒送君之

去而冀君之來也

卷三

廿一

海虞勝覽後序

是冊爲海虞勝覽邑師竹塘陳夫子以貽我蒼野
王令侯者也海虞古勾吳地負江環海枕山面湖
雖僻在東陬而形勢觀望于蘇邑稱雄麗焉覽勝
于茲邑者攀崇挾奇則有巖壑巒障雲泉風瀑之
勝屢夷就紆則有林藹芻蕘溪橋迴合之勝懷賢
弔古則有豐丘隆祠苔碑蘚碣之勝探玄訪寂則
有梵宮仙宇琪花寶樹之勝勝固不可以圖盡而
是冊之所圖者其畧也陳夫子司教茲土有風雪

卷三

廿二

浴沂之趣間以講德論道之暇與一二同志者遊
選其所謂勝者憇而樂焉門下士有善繪者命圖
之冊冊成語予曰是將以遺諸王侯予曰夫子樂
茲土之勝而恐一日遷以去也圖而盡藏諸笥時
一展焉則若其身之常在吾虞也而曷以遺諸王
侯陳夫子曰不然王侯茲覽勝之主也昔歐陽公
守滁滁之勝昔已然矣而以公之在也則山若增
而奇泉若增而甘禽鳥若增而樂而所謂勝者益
增而勝蓋歐公醒能同其憂醉能同其樂而滁之

人有父母之庇咸相與偃僂提携行歌而懽從不獨其賓客爲然噫地之勝亦繫其主之者乎東吳邇有海警而虞之人荷擔以居幾不能保其室廬之安而况計其溪山之勝哉有王侯王之爲之繕其戎兵謹其斥堠肅其編戶納其郊保無城則以侯爲城旣城則以侯爲鎖鑰而虞之人藉以安堵而溪山之勝亦藉以無恙而吾之以教爲職者亦藉以休居寧慮而與其邑之弟子相講論于鍾磬和鳴之旁然則茲勝也固王侯之所以遺我者也

卷三

廿三

王侯保其勝以遺我而我圖其所以遺我者復以遺之以謝王侯他日侯且登華躋要而此冊在侯笥中與溪山之勝相永久視諸藏諸吾之笥也所得不旣多乎王侯在虞虞之人有歐陽公之庇則相與偃僂提携行歌而歡從者當不減于滁之人而吾則若從歐公之賓客然者是冊之遺于王侯亦藉之以久于從侯也乎予曰唯唯乃命書諸末

簡

白崖先生和陶集序

海虞桑氏爲吳中文獻世家始鶴溪先生善吟與石田沈翁輩結杜相倡和淪齋檢齋二先生以郡倅致政家居並以詩名世思玄草溪二先生又起而振之騷壇賡咏莫有盛焉我白崖先生殆繼武而興者乎先生解滋陽令歸居清風堂余嘗過之出所和陶靖節詩示余間讀而嘆曰先生是詩庶幾可以復古之遺音矣詩自三百篇後一變而爲離騷載變而爲五七言律自六朝延蔓以迄于唐

卷三

廿四

類以音韵相高爭尚葩藻而晚唐尤甚古風蕩然惟靖節一人清標高致曼拔流俗其詩和平雅淡上追淳古晉唐而下諸凡稱名家者皆不能造其堂室厥後和陶詩者無慮數十輩顧其性情志操與翁不相似是以其詩多牽合補綴識者非之以今觀先生所和詩渾厚而平不浮以靡恬淡而質不藻以葩何先生之得于陶者如此其深哉先生夙承家學晚歲領鄉薦仕滋陽懶事趨謁三月輒謝政歸隱居林下絕跡塵鞅僉謂其有靖節高風

是以聲之爲詩若并于陶殆非偶然耳也先生諱
介字子石號白崖山人復號心淪子以先翁稱淪
齋志不忘也生平喜著述研窮經史垂老不倦每
與予商確古今校讐典籍議論卓然高出人表嘗
曰文不關世教非文也詩不本性情非詩也聞者
以爲知言詩未刻者有南北都等集文章有崇正
堂集三十卷終當有識者予言不足爲先生役也

壽春疇王公八十序

君子之用情於人也常使之有餘如其誼有所當
厚而恩有所不可遺將畢吾之心力多方以効之
庶其後勿之有悔然匪以爲報固其情之自不容
已耳若是則宜其無所不可推致而或限於制之
所在不得相假借者則有餘之情因以歆焉而不
足而君子乃重以爲負夫制也何制也曰王者之
制君子不得而違焉者也夫語天下之誼所當厚
而恩所不可遺者父母極矣王者不盡聽其無涯
之慕而限之以三年之服就君子之情雖終身焉
猶負也而有制以限之卽父母不得相假借如此
已或曰父母然矣其有非我父母而誼所當厚恩
所不可遺與父母等者君子宜曷以效之乃勿之
有悔耶曰充吾之情則苟可以致之父母者卽以
致之與父母等者不以爲過而制之所在則有可
以致之於父母而不得相假借以致於與父母等
者此君子之所歆焉不足而重以爲負者也余友
劍崖盛子發雋明經起官州郡蘄白之操惠澤之

感嶺海之外並揆表而祠祝之然盛子少孤也早背之父祿養勿逮貞守之母旌典尚遺盛子語及輒嗚咽淚歛歛下今天子嘉其政最封厥父母不祿而祿不旌而旌情所欲致制亦稱之盛子者庶幾哉道於悔矣乃耿耿猶若負者恒以語余曰某不肖幸天子馳恩致之吾父母傾某有與父母等者闕然莫之報也吾其如何問其孰與父母等者則曰吾舅氏春疇王翁也吾孤時吾母子依舅氏以立舅氏教育之與子等漸有今日揆恩與義真

卷三

廿七

與父母等矣吾能分祿於私以致其不容自己之情而不能請褒於公以溢吾不得相假借之制斯終身銜負焉者也今舅氏齒八十矣朝制有生平無過八十以上者授以童服於舅氏允合吾將以是請之有司庶其德而給焉吾捧而致之因其爲壽其亦可乎余曰得之矣盛子篤恩隆義人也念舅氏有等於父母之情而歎於止於父母之制今分之祿使其與有父母之養請之童服使其與有父母之榮委曲於其制之所限而不見其不足化

裁於其情之所溢而常見其有餘以是壽王翁翁亦可以樂而忘其老矣余陋且蹇余父母教之一經壯歲弃去未能從王制之後以致萬一之情且少從舅氏亦重有恩義焉今在父母且莫之一効悔也無極況能及其等於父母者乎余感於盛子愧汗霑浹盛子視余耿耿者益以釋矣

卷三

廿八

贈馥泉王子序

予惟夫世之談醫者之易也嘗爲之言曰吾人壽天之權司之于天而生殺之權司之于天子而輕重出入之權司之于吏而至于疾病之作也則若挈其壽夭者生殺者輕重出入者之權而皆付之于醫是醫一枝也而天之命天子之威吏之法參出于其手而吾人之抱疴以待療者亦仰而聽之如其所以聽之天聽之天子聽之吏者然則醫可易談哉又有說焉壽夭之或傾也人以憾天矣生

卷三

廿九

殺之或傾也人以議天子矣輕重出入之或枉也人以咎吏矣而至于醫則或宜壽而得天或宜生而得殺或宜輕且出而得重且入醫者莫自知其投藥之誤而聽之醫者雖孝子不能保其父雖慈父不能保其子而亦莫知其投藥之誤卽知之而且委之數而亦不敢過以爲怨以故醫之權雖參之天叅之天子叅之吏而業是者不能如天之公如天子之明如吏之慎而往往挾其庸愚執其偏私以誤天下之人而恬然于人之不我怨噫是誠

可惟也予生固多病心勞則陽火升形勞則陰血下然不耐飲藥第苦多兒女則以扣之兒醫予謂兒醫視丈人醫尤難用藥寧過慎無忽一日穉兒患脾疾日夜數十下形神若脫舉家驚焉以扣之腹泉王子王子走視之曰毋驚一藥果愈予因是識王子旣而詢其術則得之外家沈氏以兒醫名者也王子性敏嘗業儒宜其治醫不難邑之嬰孺抱疴而獲療者不獨吾兒予之論醫固非所以告王子然王子之術方精詣未量使王子知醫之所

卷三

三十

司如是其重曰是將以壽夭人叅天之權也胡可以弗公是將以生殺人叅天子之權也胡可以弗慎明是將以輕重出入人叅吏之權也胡可以弗慎持是心以往吾將使邑之嬰孺皆仰而聽之王子矣予不佞甫欲以言贈王子適吾友某數輩皆以嬰孺抱疴而獲療者乞予言爲謝予固述吾平日所以談醫之重者告之願王子毋以醫爲易也亦願凡業是者皆毋以醫爲易也

壽陸母蔡孺人七十序

蔡孺人者余同年舉子陸子勲之後母也後母亦母歟禮有之曰繼母如母後母卽謂之母固也蔡孺人之爲陸後母也又不但如母已也陸處士南疇翁先配顧氏生勲及鰲二子是爲勲也母者顧也顧早背去蔡繼之二子者氣孱然兩弱孤也南疇翁憂蔡之或先後心也最之曰善撫之卽若兒也蔡應聲曰無庸憂吾爲若妻兒乃非吾兒乎自是劬劬煦煦撫二子也寒燠飽饑休勞動惰揣摩

卷三

三

之調護之勸誨之卽顧存弗逮也蔡固忘二子之非吾出也二子亦胥忘其非蔡出也故曰蔡孺人之爲陸後母也又不但如母已也嗟乎情攜于氣隔愛奪于形遷丈夫而沉惑者鮮不免焉矧茲女婦哉孝已伯奇往事可創若孺人者不謂難哉噫孺人洵賢矣二子之失母而得母也夫非人倫之慶乎勲服孺人慈訓文行並修鰲亦儉勤克家孺人不勝喜勲甫登薦南疇翁復背去二子哀慕不置輒又自慰曰幸吾母未艾二子昔之視孺人也

燕二母也今之視孺人也且燕父也孺人之爲陸後母也又豈但如母已也歲辛酉孺人年且七十矣駐顏強食齒髮無改天亦若賞其賢而畀之福者陸子之戚屬友生輩相期捧觴爲孺人壽孺人語勲曰吾未亡人也不敢爲壽兒進此得美仕有祿養是所以重壽我無辱觴也陸子喻孺人意亦語戚屬友生曰吾母思先亡人也不敢爲壽得知吾母且善辭者爲闡一言是所以重壽吾母無辱觴也予友數人乃咸罷觴而委予年家有猶子之

卷三

三

誼者爲之辭愧予言何足爲孺人重也予忖孺人意則有所願于孺人者漢翟方進少孤入長安受經後母隨之行織屨給之方進自御史大夫登相位供養甚篤春秋高尚無恙茲亦非所謂天賞其賢而畀之福者乎孺人之賢寧下翟母陸子且駁駁向用于方進乎何有吾知孺人之壽正未有艾也以是願孺人孺人當色喜自傾一觴矣予固知孺人者因闡孺人之賢而申之願辭以副陸子之意且以勸世之爲後母者云

唐詩絕句選小序

唐詩不易選余亦非易選唐詩者顧余自通章句
卽喜讀古人詩歌後亦漸曉晉唐以來諸家風格
評考工拙若其玄奧或未之能窺也已未之冬天
降悔咎偶一失足竟傷右肱僵臥榻上飲食皆仰
婢僕然拙性不能一日離書卷且無以消解痛楚
乃取案上萬首唐人絕句日于藥餌之暇命童子
就榻旁從頭讀之遇膾炙吾耳者啜一杯賞焉隨
錄之別冊或一人得數首或累卷不能一二閱三

卷三

三三

月乃畢傷亦漸瘥共得詩四百餘首蓋百之中僅
三四焉噫亦難矣雖然未窺作者之意而徒以悅
病者之耳敢曰選哉錄而存之以識歲月且爲他
日思痛之助若深淵薄水常在吾前云耳

連氏家乘序

是編爲連氏家乘者言泉連先生所輯其族譜也
夫譜必始于其所知懼其遠而誣也誣則祖燕宗
越蔓及非類不如勿譜之愈也攷是編自泰齊處
士而下得十三世中兩經紀錄系次居里釐然不
紊可謂核矣嗟乎俗弊久矣卑窶之室莫知有譜
其豐羨者繫籍先代顯人張皇其家聲或乃金縢
玉紉珍飾家牒自以爲尊祖敬宗而簞食豆羹之
嫌剪一體爲仇讐其又何賴于譜哉連氏世爲修

卷三

三四

文淳禮之俗吾知其免于茲矣連之先自北平散
徙楚蜀間又自應山徙寧都自寧都占籍常熟應
山聞人之數也子孫百指方遐想其風而得以仕
轍所及親展祠墓若氣類有感焉則何所遭之奇
哉噫先生父子世德相承賓筵耆社倚以爲重學
者稱之又其族弟殊能文章與予爲通家友其天
死也先生相其喪又用情于其子予益信先生之
必篤于族者是編非徒緝也先生授長編役予爲
叙予以是復之且以望其後之人焉

魁文會卷小引

國家以文章進士士亦以文章階進則緣高下爲去取視銛鈍爲淹速宜若耕之得粟織之得帛隨其勤惰巧拙而多寡貴賤之効可以策計固其理也而乃有不盡然者少年輕銳揚意易逢良工獨苦鍾期難遇効不稱功莫可爲憑而論者遂棄理而歸之命嗚呼命之說亦既玄矣而且謂司命有神叅之以福應之說此魁文之祠所爲起也考之天文北斗上四星爲魁而魁前六星爲文昌是爲

卷三

三五

天下之六府世之躋高第者其名象皆取于魁道家又謂上帝命梓潼掌文昌事及人間祿籍故今京師及天下黌校多建祠虔祀魁星文昌二神然則非爲徵福于進取亦若織者之祠天女耕者之祠天田用示報也邑庠友輩修文社于虞山昭明讀書臺之下臺前有樓崇二神之像諸君歲滌牲祀焉請說于予予謂諸君子皆利進之英當信理不當信命未有苦心而文不工文工而身不進者若徒聽之福應司命之說則以徼心事鬼神非所

望于諸君者也邑之祠二神自三元堂余友數人始而聞風者相踵余數人科第連發將空其羣人莫知苦心之故而遂謂神之福應靈捷如此無惑乎二神之益振而祠者之益虔也然余數人志業頗稱相孚而仕進顯晦途輒各異又不可謂無命而吾人之自致其力則固當要之于理也楊子曰思之不通鬼神將通之噫天下豈別有所謂鬼神者乎以是求之二神吾不患諸君之文不工而身不進者諸君其毋以余言爲迂也哉

卷三

三六

陳進士廷裸窓稿小引

廷裸莊靖公字

國家以舉業文字取人士之登崇躋顯策名樹勲者靡不由茲以進雖非古道而賢傑有志者咸委心焉無恠也顧其間遇有迎違跡有利鈍同趨異歸同難異獲而徃徃託之於命故今之論文與命者其說常交勝於乎命誠有之然謂文不足憑或淺而疎或深而詭或生而艱或熟而腐持此弗售竟曰有命使然何其惑也余甫握髮卽曉構弄文字乃七上有司始沾一舉固不敢謂無命然文之

卷三

三七

權居多余友陳子廷裸齒弱於余乃先余而舉每閱其文則清婉疏暢恬純秀羨余愧不逮其先舉固宜陳子持此乃復得第于再躋之後余竊疑之豈文至矣而命猶有缺焉者乎雖然其又先余而第也文之權可知也業文者果皆清婉疏暢恬純秀美如廷裸則又奚命之足論哉陳子之門人集其窓下手稿凡若干篇將刺而布之乞余引其端再閱之皆余所愧不逮者也余固道其進之所以先於余使識者歸權於文以破世之冥力於命者

陳子其必以余言爲然

卷三

三八

仁侯輿慶頌 有序

仁侯輿慶頌者頌我海虞侯似澗許令公者也稽古頌之義爲美盛德以告神明若商周詩篇敷青宣禱罔不首德故稱仁侯者語侯德也曰輿慶者匪予一人稱侯曰仁盡吾虞之人皆稱侯曰仁蓋衆辭也惟茲秋仲屆侯懸弧之辰虞之人衣被侯仁靡以展報曰吾將告侯德於神明願侯有無疆之譽亦有無疆之福夫是以有慶而頌所爲作也侯貞操冰徹才敏風解仁豈足以盡侯仁其大者

卷三

三九

也往歲在未侯甫蒞政值有蘊隆之旱野無遺莠路多委瘠侯輒吊苦問疾百方勤恤活我旱民者以萬計茲歲在酉侯政既行值有懷襄之水井廬成川膏壤爲壑侯復發困平糴百方勤恤活我水民者亦以萬計虞之人起肉于骨生笑于泣莫不曰侯仁人也侯復舍車遵艦親履郊野籍犯災狀懇之撫臣以需皇恩不忍征于不粒賦于無衣民之仰是而待活者不可勝計是宜其歸慶于侯也聞之昔人曰樹木歷年樹德歷世言德之及遠也

又聞之曰活千人子孫必封言德之報不爽也侯之樹德而活人若是卽侯無斲于人將必有神明聽之侯自今有無疆之譽亦有無疆之福矣但年所之多歷而已乃采輿辭爲之頌曰維天立君生我黎元曷以生之政以仁先君以牧貴寄之守令令以親民一方司命矧我海邦繭絲寔叢益以兵防杼柚告空天作黃侯虞彊乃理民曰侯來父毋孔邇侯來載稔水旱薦作旱至焦原水成望壑四野無青嚙者草根白浪所漂靡有完村侯曰吾

卷三

四十

責以匡以救焦者吾潤壑者吾起爰導塞川爰疏園法爰開平常爰追逋罰微侯靡予微侯皆魚活者萬命仰天以呼呼天維何曰我仁侯侯仁性成何微何求輿人之情則奚以報侯誕之辰胥慶胥勞吾虞有山蒼塵紫微吾願仁侯福也山齊吾虞有泉光浮雙澤吾願仁侯福與泉溢願侯壽毋優游翟車願侯嗣人世高其閭願侯之位策足鄉宰此邦之仁敷及四海願侯之仁上燭雨暘堯年無潦湯田無疋予也數士叨曰民俊非以佞侯衢謠

可訊乃述盛德乃告神明神之聽之皇皇頌聲帝
將簡族匡弼攸賴仁留吳壤頌聲在

卷三

四一

北虞先生遺文卷之四

吳郡海虞邵圭絮伯知甫著

孫樓

邑門人 錢之選 全輯

鄒永

仲子 登校孫與游錄

常熟縣佐貳職員題名記

自秦漢設官來縣有令令之下有丞有簿有尉其
職或長或貳其務或統或分凡皆司土親民其人

卷四

賢不肖繫天下休戚利病最切焉者也昔韓愈氏
作藍田丞壁記謂丞漫不可否事吏抱成案請署
署之日惟哦之松下愈或有爲而言孰曰丞固然
哉蓋當時簿尉各有分責而丞以貳令無所不統
丞嫌與令逼將退然若無事也者而寔丞與簿與
尉其司土親民均也我國家叅古設官規昔加詳
密縣稱繁劇若我常熟則令以下咸隨事分領身
事屬丞某事屬某簿丞簿至四五人而叢不克兼
者復以爲之尉官無隙員而庭且有稽務焉觀所

謂一署而哦如藍田丞者耶矧此又太平寧暇時耳遇有師旅饑饉匪其人有爲卽一事一官奚濟哉常熟舊爲蘇之樂邑雖職繁靡有閒隙然畫里廳務幕亦得偃枕休其形神如是而告憊乞謝者數見也邇歲島夷寇我吳壤郡無寧邑邑無寧官常熟之弗寧視他邑尤甚焉邑城廢且久幾以延寇刻期修築甫三月告成屹然爲海上巨防白茆福山三丈諸塘浦寇用出往校閱民兵戍之屢報俘獲寇數深入睨城下蚤夜多方捍禦邏警弗息

卷四

二

乃江邑保全而蘇之北鎬藉以增固時統其務者有令長而分憂宣力佐貳之勞良多蓋軼掌干畫而復不得休息于暮者越三稔議功者不可無紀矣一日史丞某等走告余曰治廳有題名記古也今壁中之石令長具存而丞以下無列焉豈謂皆漫不可否事者耶余曰宋元來代有之是可續舉也乃考自國初得丞自某而後若干人簿自某而後若干人尉自某而後若干人饒之別石注其地里歲代以便稽閱庶有勞者不泯而使後之人

指而曰某年某官皆當太平寧暇時某年島寇至則史丞某張丞某李簿某馬簿某顏尉某皆分憂宣力重有綬奠之勞者也因爲之記于其額仍于職名之左各虛書次以同來者其來者之賢不肖未可知而呈祚靈長未賴可知其皆太平寧暇時也

卷四

三

重修瓜墩沈氏墓記

出邑之鎮海門有丘鬱然倚城而負山者沈氏墓也曰瓜墩者地有岡突起如瓜墓所取象也作者謂誰吉府祠正墨井沈君營茲以塋其先處士復軒公者也自君之營茲泉石天設工巧人具稱幽勝者久矣修者謂誰墓以寇故幾毀沈子文雨念其父所營再葺而新之以君之塋附焉者也先歲丙辰島寇犯吳邑以瀕江城之北若其徑然墓逼城下曲房繚澗翳以叢林守土者曰此焉弗剪戎

卷四

四

可伏也召沈子諭之沈子曰諾吾敢以吾私妨公家大計乎聽翦之雖封塋無改而木刊廬燬見謂廢丘沈子曰飲泣時墨井謁選留京師聞報數南望長號君受除將歸寇亦漸息沈子曰置是弗葺何以慰吾父之歸乎乃捐產集財再飭輪輿再列弁石未幾前勝具復且增益焉惜君不祿竟以櫬歸附弗獲生慰求遂幽妥僉謂沈子于是乎能子余嘗慨世人勞勞焉作子孫馬牛而弁髦其先人美衣豐食以自養其軀而宗祠世墓鞠爲草莽嗚

呼忍心哉前我者何賴焉後我者何觀焉若沈子可不謂賢乎抑沈子亦若天相其志者往墓木遭翦競短而薪之無尺遺焉乃兩松沒沼中合抱材也及堂再作視舊制稍隆起而柱之不爽毫髮此豈偶然將天所留非耶余乃申告沈子曰嘻爾識之爾墓幾毀志修則修天且爲相矧哉自修修性可以立命修行可以立德修文可以立業茲三者不弁石而麗不輪奐而美于爾先人益多寵光爾有令資其勗之哉沈子曰謹如先生之言計墓之

卷四

五

修增植松檜諸木凡千有餘株廬舍多仍昔規加拓焉其增創者爲魁春軒爲如瓜室爲摘櫻看竹二亭爲石榭者數級爲石門者三重爲石垣者加舊三之一外爲券門額曰沈氏墓墓前之田右循壕爲柳堤可維舟左闢爲墓道可達車馬皆沈子規畫條曲有度以是亦可以觀其經略云沈子爲余知友屬余記之余閱梓堂鄧先生前所爲記營墓始末具載之矣茲于後事詳者重重修也

江山尹二湖時公傳

公諱夏字亨甫別號二湖世爲吳之常熟人曾祖錠嘗隸籍京師于是公以順天學生領正德己卯鄉薦屢上春官不第授知浙江江山縣居五載改廣東陽江縣致仕公父庸齋翁諱中舉進士仕至廣東按察司副使公其仲子穎資篤學憲副翁自少奇之憲副翁歷官著清白聲公爲諸生時卽飭志砥行懼隕家聞京師李某過吳適廣托之千金曰爲我儲半載乃逾三年無音也一日倏歸挈故

卷四

六

封還之李以什三爲謝公却不受所親同計偕入京師先公歸亦以千金爲托公窖藏之及再往公語窖處完發無改公令江山故事日供堂饌若干金至卽白上官革之江路通閩無驛傳昇夫千餘取應鉅室償以里甲前吏以是爲乾沒之窟公約里胥自倩民便焉死囚柴某公察其冤出之公歸中途篋金以餽公曰吾活爾爲金乎斥遣之伯兄元甫令鷄澤尤秉介行謝事歸並蕭如也公歲以美租爲奉出入則具輿僕以從兄弟凡六人諸子

姪十餘輩公悉以憲副遺業讓之而自食其所營

也公貽家多善謀履官多善政進不究其志位不稱其才談者惜之子三人達行志行壯行並良士邵子曰予旣爲二湖公傳或曰公懿狀種種奚畧也予曰不然世教衰節防潰矣利猶臚也近之則涅士者官者什九敗是若予所聞于公信公有之卽厚臚奚涅焉此不足觀公之太乎他細者勿述可矣又予與公家有戚誼予每接兩公雖世祿成宦檢約若寒士諸子姪咸修文敦禮雍雍于千夫

卷四

七

不有鉅宗骨肉往往緣財臚競剪爲仇葛藟弗如者乎而公家田荆姜被之風卽吾鄉不多見焉是又足薰俗而軌世者予嘗曰士澹于利則孝友于室循良于官不出若人也故舉所不涅者著爲傳使涅者媿焉

三逸士傳

粵逸有三焉一曰雋逸言乎才也二曰豪逸言乎情也三曰遺逸言乎遇也余所論三逸士者蓋人兼是三者焉言才則可憐言情則可思言遇則可憫余所親知不少而茲三士者真逸儔也齷齪猥瑣充斥行路而三士者乃皆露晞柳凋不可作矣傷哉乃述其畧爲之傳

吳子諱某字致之名臣文恪公曾孫父某官至大理少卿抗疏諫 毅皇南巡貶滇中有忠直聲致

卷四

八

之其季子也致之少從宦遊每所經處輒紀覽其山川形勝自束髮卽厭佔俾讀古人詩刻意吟咏復臨摹晉唐書法紙筆山積日揮灑千葉不如意者火之自是所作詩篇書法清邁勁多可傳者出則羈衣駿馬詩囊酒榼不離左右人爭慕之匪謂其貴公子也一日少卿翁遊于西郊別墅方會客飲有仇家者集家衆聚薪環其廬將加火焉翁覺之莫禁也一僕從竇潛出還報時致之兩兄皆遊學京師致之獨號呼入縣治攜一尉策兩馬倩

徒百餘人疾往解之執其仇之爲魁者以歸將撲殺之竟搆成獄致之坐是以死死且曰吾爲報父仇至此無悔也

王某字于成祖某仕爲工部主事父某考城令于成少失母多病父憐其弱卽輸貲入太學父亦早背家故稱雄漸以稅役就落于成悉力以支諸異母弟俱孤幼訓之若子父歿後治其室廬墳墓益加整闢園亭植名花卉蓄鼎屏清玩入其燕室觸手可愛賓至輒留連旬日不忍釋所出茗饌悉精

卷四

九

絕園有古梅廿株枝極扶疎花時爛如瑶林月暗之夕懸燈如星集所知愛歡賞達旦家且依山遇佳辰未嘗不攜客遊遊則舞裙歌扇班草盤石性少飲然飲必沾醉醉後有吟亦清峻可誦家人以多累墮門戶勸之仕乃不得已授興國州判官未行卒年四十有一

顧某字汝隆邑之亢山人界于無錫又爲無錫人顧在錫稱鉅室汝隆祖某父某復再振貲甲於里中汝隆少有異質臨文揮翰清敏絕俗性倜儻豪

邁不憚費情或有所鍾義或有所激卽揮千金無
難色與人處開襟傾動無曲腸遇當意卽濁醪粗
糲歡笑絕倒不當意雖羅珍列鼎亦褰裳弗顧家
御過侈聲伎常左右供設惟其所擇念父遠宦建
保親塔于宛山之顛費以千計闢怡老園待父之
歸中列名卉奇石迴廊複閣飛甍刻棟費以千計
所蓄法書名畫牙籤錦囊皮置几列費亦以千計
談議風生土苴富貴清技方友延納無倦性喜飲
興至輒盡一斗醉則浩歌長嘯或頽然藉草而卧
達旦客散則綺羅金玉狼籍不問也後抱心疾揮
霍不如意輒裹足謝客自托於酒竟以是病痿卒
邵子曰逸非中之謂也乃君子亦有取焉宣尼
之思狂士莊周之貴達生夫是類也

卷四

十

劉弘業傳

劉生可立字弘業蘇之常熟人其家世生卒瞿太
史師道有志太史與予皆生舊所及門者也生少
有睿質從予受舉子業與之語深沉不發下筆輒
條貫井然自是詞藝日起邑諸生中目爲高等性
行端簡不事表暴卽大節處動中程法父曰評泉
君名準廣交與足跡常在境外生旣資作館之入
因請曰兒有微養矣大人盍少休乎有少年干法
者亦君所與也幾累君生至再請曰大人老矣危
波可勿涉也君謝去不爲累余以是重生非詭焉
以爲孝者生少與今晉江令錢舜臣友舜臣貧生
偕之讀飲食膏晷必共也舜臣遭侮瀕殆生數以
謀予予唯唯匍匐解之舜臣附籍遼陽生每手錄
予課試文字及售吳中善書緘寄之舜臣登第晤
予京師泣且語指篋中曰此多劉生遺我舜臣在
嶺海外敦好若此可以愧時之面相友而背下之
石者矣歲甲寅生之母死以不逮養不勝其戚也
及治塋以獨子且貧不勝其憊也不踰月病卒以

卷四

十一

毀之故聞者咸哀之其所厚者爲之買地以塋云
邵子曰余哀劉生爲之揮涕者屢矣一日鄒子予
靜走告予曰異哉劉生昨夢中屬曰必爲我致瞿
邵兩先生文目可瞑如是者三余謂得請太史銘
足矣又何假于奇人之辭哉然師友相信之情至
感通于生死憂寐之頃則生之志益可哀而予又
何惜于辭之贅也乃卽予平日所爲重生者著之
傳毋其不足明微生亦聊以紓余之哀云爾

卷四

十三

蔣貞婦傳

貞婦姓季常熟文村人也父某母某氏文村季氏
自宋元來爲名家貞婦少習令則稱賢女年二十
有一歸于邑城蔣栻栻爲汝州守企菴先生仲子
企菴已歿奉姑劉孺人色養兼至稱賢婦生子世
卿方再朞栻忽遘疾漸弗瘳度不可爲呼貞婦語
曰吾不諱柰孤兒老母何貞婦泣曰慎自愛是吾
責也無容慮栻不起貞婦痛絕復甦卽屏妝茹素
銜哀乳其孤奉劉孺人益虔企菴以清白無厚遺

卷四

十三

自栻病悉力醫禱家日窶貞婦時年二十有六隣
媼憐之風曰一醮之義正也獨不謂貧者計乎貞
婦變色斥之媼媿而去貞婦日紡績爲養劉孺人
旣沒貞婦慟之如夫亡時勉經其喪無失禮世
卿六歲遣就傳試其資穎貞婦不勝喜世卿或習
嬉厲聲叱曰汝與凡兒嬉誰似汝孤誰似汝貧乎
汝不學吾不如早從汝父于地下耳世卿感泣自
是絕不與凡兒嬉旣習舉子痛自奮勵詞藝日起
補邑庠弟子試輒高等嘗下第歸跼蹐拜貞婦前

曰兒負吾母貞婦慰之曰吾守汝爲善士未卽覲
汝爲達士也人以此益稱貞婦之賢貞婦以壽終
世卿具貞婦苦節狀白之有司將乞旌典疏未及
上有司廉其事核也扁其堂曰貞節世卿三子以
忠以化以行並以文業世其家光顯可俟人曰貞
婦之遺慶云

邵子曰從一之義婦道宜爾匪異人任也乃國
家設有旌典載在制令若甚難之而以是激勸焉
及考之六籍惟詩于女婦事最詳而以節著者獨

卷四

十四

共姜一人春秋勤于予善而稱始終全婦節者紀
伯姬之外無聞也噫信哉難矣豐豫之室無俯仰
之托無井臼之累或壯子可植或健親可援其保
節固難而未苦也乃茲以蕭然之廬上有垂謝之
姑下惟呱呱之子操十指爲生計絕無發齒舉足
之過而卒奉姑天年訓其子爲善士若貞婦蓋難
之難者其受旌何過焉矧貞婦少寡老終于制允
合乃闕然莫之請也予嘗慨砥行篤修之士往往
枯朽山澤而爵賞不及豈結網者誠疎耶君子于

是乎咎之命矣彤史久廢貞蕤莫采吾于蔣婦重
感焉

卷四

十五

談參傳

談參者吳人也家故起農參生有心笑居湖鄉田多窪蕪鄉之民逃農而漁田之棄弗闢者以萬計參薄其直收之傭饑者給之粟鑿其最窪者池焉周爲高塍可備坊洩闢而耕之歲之入視平壤三倍池以百計皆蓄魚池之上爲梁爲菱舍皆蓄豕謂豕涼處而魚食豕下又易肥也塍之平阜植果屬其汗澤植菰屬可畦者植蔬屬皆以千計烏鳧昆蟲之屬悉羅取法而售之亦以千計室中置數

卷四

十七

十甌日以其入分投之若某甌魚入某甌果入盈乃發之月發者數焉視田之入復三倍參且纖嗇憚費平生無紈綺服非大故不宰割每飯熟一卵竅可容箸者籍而啖之飯畢封其竅留之再飯三飯乃盡以故參之貲日益窘而藏者數萬計然弗子僅有女女所適者某睨其藏久之一日參病亟某請曰翁脫不諱卽誰嗣者參曰已有屬矣若將利之耶叱去之參死某乃謀戕其所屬者蔓而戕者幾人構爲獄官沒參之產某盡歸其藏云

邵子曰昔馬遷論貨殖謂巧者有餘拙者不足噫亦安所論巧拙哉莫巧于參矣參自奉不輕盡一卵有餘胡爲哉矧參無遺美矣于身後計惜如也巧耶拙耶噫千甌百甌歸一甌矣謂千甌百甌者巧耶謂一甌者巧耶余故論之使效參者評焉

卷四

十七

滋陽尹白崖桑先生行狀

先生姓桑氏諱介字于石號白崖晚號心淪蘇之常熟入其先自汴宋南渡有舉齋公仕元爲都水庸田司副使遂占籍焉舉齋傳六世諱侃者是爲先生之祖生五子三領鄉薦先生之父諱瑾任處州府通判致仕進階奉政大夫號淪齋配王氏先生其季子自先生之伯父中書舍人鈍齋公而下登科第者八人鶴溪公以詩名淪齋公與弟溫州檢齋公並以詩爲時所推繼柳州思玄公才名動

卷四

十八

海內泉州卓溪公克振家學至先生復脫屣一官雅好篇什厥所著述盈之囊笥桑氏在常熟有世望又不專曰科第爾也先生幼有穎資卓犖奮發期以術業自致六七歲時淪齋公置之膝前以所味詩口授之輒能領略意旨曉作詩法稍治毛詩補邑庠爲高等弟子甫冠廩于有司先生于是時謂甲第可俯而拾也六試皆黜乃應貢入南太學先生往卒業大司成方濟林公殊器重之甘泉湛公繼至先生條十二策以請謂祀周公以承道統

卷四

十九

完六經以全聖學等事皆關係大體湛公避席嘆賞將爲轉疏緣中有諱避弗果自是聲譽籍甚四方之士多游其門先生動以崇古學扶世教爲言士初聞之也疑久之也服辛卯再入秋闈年四十有六矣先生曰是焚舟時也榜出果登薦先生已還報至懸淪齋公像于堂拜且泣曰傷哉遲暮不逮大人一見也復再上春官乃謁選授兗州滋陽令先生藉先世之遺有山田可耕又志在吟詠仕進非其樂也之任滋陽嘗曰得一展布於民物稍有濟無負此官吾願畢矣兗地廣而瘠故事上官之供咸取給滋陽先生曰此有州縣二十七孰非兗屬乎胡獨病我滋陽也建爲通輸協濟之議請之當道當道謂先生議良是下之兗使遵行之至今刻石以傳有倚宗藩爲暴利人田廬子女者先生不爲撓沮悉裁之法一日有令旨摘取獄囚先生弗與或嚙之將求先生之短先生自信不顧遇事可爲毅然爲之表復顏氏陋巷之碑申罷秣馬橫征之賦遭旱餘調停賑卹活饑民以千數其欲

爲而勢齟齬者往往發之于詩如倉有蝗虺鼯等篇愛民悼時之意溢出言外甫三月下之人漸懷先生之不苟而上之人亦諒先生之不詭也滋陽當衝津日夕迎謁靡暇先生慨然曰是僕僕者吾耻之公且廢政私亦廢吟吾盍歸矣遂懇乞致其事當道憐之將爲奏改便地先生飄然歸巡撫石塘曾公河道淺齋郭公文檄賞之云桑尹蒞任未久遽爾乞歸行李蕭然足徵高尚諸宗藩咸贈之詩有曰高節逼層霄清風播千古至繪陶淵明歸

卷四

二十

去來圖貽之謂先生陶翁再見也先生既歸選部改令廣之天河先生捧除書矣曰吾耻折腰耳何擇于滋陽天河哉吾今日老報國此心付之兒曹耳竟堅臥不起衡山文先生贈之詩曰今尹兩辭無慍色謝官三月有高情先生喜而報曰衡山知我居家不問門外事日坐一小軒操觚展翰考論古今人事得失遇當意者撫掌擊節不置或拂意卽蹙額推案恨不得與若人面折可否客至值對卷覓句或不暇接卽接之或不暇冠履卽冠履接

之口嗚嗚自哦也先生固非慢客客亦不以爲尤遇客有博學善吟者先生延之坐喋喋對之更僕不倦且揖去尚褰裳問辨不已居常議論以崇正闢邪爲主考訂六經以程朱爲宗嘗語人曰前有陸象山氏今有王陽明氏皆六經旁蔓也有爲釋老之言者輒厲聲叱之發之聲詩氣平辭莊無纖靡艱澁之態吳人往往推先生詩爲得陶翁法門而先生亦曰吾願學之無讓也性至孝友事父母色養甚恭經兩世喪葬誠信合禮淪齋公以德學

卷四

二

名時先生請于朝入邑鄉賢祠乞甘泉先生勒行于石幼憶母氏言居地民廬稠聚宜鑿井道旁以公灌汲且備火患滋陽歸卽捐貲井焉亭之通衢以酬毋志祖墓祭因屬之宗長以貧故鬻之豪家先生倍其直求復之墓榛莽且久鳩工芟夷建懷我堂奉歲祀初不以煩之族人展掃必親灌獻必潔毋忌辰必衣麻茹素悲號達于戶外垂老猶然草溪公與南園公少有恩于先生先生終其身父事之經其喪葬撫其遺孤耿耿不敢忘鶴溪公遠

楚涓陽淪齋公嘗祠之墓左先生痛思玄公無嗣
設主旁位歲時均薦饗焉嘗謂諸子孫曰吾平生
賴下人一屈膝若病甚苦至祖宗父母前雖百拜
不知勞也諸子孫滿前文藝秀起先生每訓以厚
倫敦俗之道舉前人可爲師法者語之曰行誼當
師某文章當師某某也聲華某也委瑣不足學也
諸子孫奉訓惟謹素簡淡自御無重綺無兼饌時
以一僕隨往來故舊隣曲家或徜徉山水間小飲
自適有感觸輒形之篇咏于勢途公府不啻秦越

卷四

廿二

仕兗時迂道謁孔林訪先賢浴沂遺趾盤桓累日
家居凡吳中名勝地暇輒一遊遊必有詩先生之
詩前後得數集遊歷所經及咏方輿往蹟而美刺
略寓焉作吟史集凡四卷南北旅食交知贈送咸
有存稿作兩都集凡四卷謝政滋陽慰留愴別歸
舟感遇并焉作解組集凡二卷歸臥山堂自呼曰
林下好吟詩客作東歸西隱集凡四卷願學陶翁
且彭澤滋陽事相類也作和陶集凡二卷與衡山
文翁姻好世有倡和作文桑賡吟集凡二卷俱刻

之家塾其未刻者刪邪存正考訂三十餘年作理
學會通凡二十四卷質疑辨惑折衷前聞之訛作
五經問答凡二卷述所聞見日有記錄作桑子膚
言凡二卷先生之著述可謂勤且富矣世之人進
有祿位之慕汲汲焉身之謀退有田舍之慕汲汲
焉子孫之謀一涉仕逕棄墳卷若弁髦往往而是
苦心如先生者幾人哉先生稟最堅厚少疾病又
率意任真不曉機械不設城府優游恬養以居年
壽宜未有艾也丁巳歲旦方祭奠畢容色自若遽

卷四

廿三

危坐不言一夕而逝諸子問湯藥靡及矣傷哉邈
生千成化丙午四月二十日享年七十有二配陳
氏大中丞虞山公族女有賢行先卒子男四人大
遇太學生娶王大立娶繆大發庠生娶夏大協乙
卯貢士娶程繼娶丁女一適朱孫男九人孝文庠
生娶聞孝元庠生娶張孝魁庠生贅侯孝達聘李
孝成聘顧孝光孝芳孝述孝克俱幼孫女二人適
陸一夔蘇尚賓諸子將擇次年十一月十一日奉
先生柩祔葬虞山寶岩灣淪齋公墓之右與陳孺

人合先生向用未竟光顯在嗣人可跂而待余無
似辱先生知遣子師我又陳孺人少育于盛盛余
姻也孺人有姊道余于先生蓋親知之誼兼焉往
余過先生或先生過余輒肆談文事嘗曰文不關
世教非文也詩不本性情非詩也余切以爲知言
先生且老語諸子曰人生朝露耳盍圖所以不朽
者吾脫死當乞衡山銘吾墓事狀則屬之邵子先
生歿未幾諸子旋以爲請余感先生遺言雖不文
莫之敢辭爰撫諸子所述并所習聞者著爲狀乞
辭鉅賢之門異采而賜之銘使死者靡悔諸子若
孫不勝祈懇之至

卷四

廿四

登仕郎南京鴻臚寺司儀署署丞見蔡沈公
行狀

我琴川近稱世澤之厚者曰沈氏夫天以福澤昇
人若作善蒙賞匪以導奢有其饗之亦惡其盡盡
則靡以遺於其後之人沈氏之先居約行善者幾
世乃生中憲大夫葵軒翁翁性敦朴慈仁無雕刻
之行無盈汰之習司法曹多生囚守兩重郡多循
政居鄉多恤人憂隱棺其不能棺者千人饗不欲
盡又從而培之迄今皆翁之遺也公爲翁仲子少
服翁訓其椎魯凝重之性亦大類翁翁加愛之翁
自引年踰大耋無恙公于起居飲膳之節曲致調
護日以竹堧子昇翁出入園亭間兄弟親掖之且
以珍從翁忘其老翁甫背去伯兄曹州公旋登仕
世貴之室奢縱宜莫之禁而公淬厲讀書不異貧
士寒宵擁爐拙吟鳴達旦暑夜猶燃燈帳中凡嬉
遊徵逐飲博玩好事一切屏去初治毛詩補庠生
累薦有司不得第乃從例入國子政治禮經載試
弗錄公嘆曰此自有命矧吾父兄並列科名造物

卷四

廿五

者將忌多取可復觀乎歲已亥循格謁選授南京鴻臚寺司儀署署丞公曰茲秩雖卑然天子禮官也其所司皆宗廟會同之事重繫國體可弗慎諸既蒞任皇皇惟弗稱是懼日檢會典職掌諸書叅核品制時長卿屏山項公宗伯陽峰張公咸加意典禮公間以異同請裁二公折節遇之往留都朝賀班首官屆期伺司儀官具朝服跪請乃行禮公訪京師無之白之長卿曰是不當待請且以朝服請則往者受者兩失之又宣贊致詞舊專責之

卷四

廿六

署官公謂此百僚觀聽所屬京師類選音聲洪亮者充之今宜于鳴贊序班內通融選用又謂舊制行禮之日文武百僚先具職名手冊留本署稽察此禮漸廢宜講復之乃取朝賀巡幸祭祀救災諸大禮纂其儀制條節之詳集爲一書刻之署中永以爲式則陽峰公爲之序公銜類圯捐已資更葺之規制端飭輪奐增美則屏山公爲之碑三年上其績天子錫之勅命階登仕郎甲辰南京禮部進太子箋以公閑于禮屬公往公恪共以將蒙

寶鈔酒膳之賜旣竣事方議以最遷公公曰吾幸竊微祿無廢官無辱命吾責已矣年艾子幼復奚伺耶遂解綬歸時曹州公亦已謝政歸日相與盤桓山水間宅旁累石鑿沼購植名卉花時集賓友賞之有別業西巖之下結樓負山前可瞰湖佳辰兄弟必一至至則觴咏竟日乃罷邑中侈以爲盛公育子最晚雖珍惜之教必加嚴今詞藝並起足繼公志曹州公枕疾公日夕省侍瀕沒三孫泣請遺命曹州公曰有吾弟在旣沒撫其三孫處分其

卷四

廿七

家迄無間辭季弟司城公亦先公沒諸子皆視公如父今鄉舉士應元南京膳部郎應魁有重事必以咨公公答之每寓教戒焉公平生慎默寡言笑居常閉戶端坐子姓童僕未嘗見其褻容非公事不出非慶弔不與親朋有常會不飲過瀆飲食有常味不欲過豐每歲量租所入蚤輸官稅餘以資居養秋毫無求于外凡世俗憑挾爭攫生殖歛息之計公非特戒勿爲亦其性本無是也以故公之家澤若增而培而葵軒公之遺饗之未遽盡乙卯

之歲二子並膺臺薦將從秋試而公不可起矣公
伺之地下固當有益昌其世以饗公之遺者哉公
世爲蘇之常熟人曾祖諱祿祖諱達贈刑部主事
父葵軒翁諱海登成化丙戌進士歷官知重慶泉
州二府加贈中憲大夫母某氏贈孺人加贈宜人
公名范字師義號見葵者志不忘先翁之遺也生
于某年月日卒于某年月日享年七十有三配孫
氏子男三人長應揚孫出娶施氏繼時氏次應登
貳室陳氏出娶雷氏次應嘉貳室錢氏出娶繆氏
繼楊氏應揚應登皆府庠生女四人長適陳堯道
次適周鑄次適某次適某孫男四人某某孫女一
人墓在虞山湖橋之先塋將以卒之年某月日附
葬于葵軒翁之昭次公將沒呼其子曰吾無以遺
汝溥有田廬皆先公所留可善守之檢篋中三籍
分畀之皆其康時所定三千謹奉命靡有異言視
世之戀生固藏瞑瞶以死而貽其後以爭者公之
賢達遠矣哉余之內公之甥也余自少卽以私戚
辱公器愛知公之世爲詳公之子以事狀屬余將

卷四

廿九

請銘鉅公余固不得而委也乃擬公行畧且推引
世澤之遺爲申其說惟高明采擇焉

卷四

廿九

太學生石門王公行狀

予邑推仕望之隆而子弟之多才賢可以媲美崔盧而齊高王謝者指不恒屈乃公之族其一也公姓王氏世家常熟之石墩鄉國初諱壽四者遷邑城太平里爲公高祖三傳至贈監察御史諱琳生山東按察司副使鶴臯命諱宗錫憲廟時舉進士爲名御史翁之從子石崖石溪二公復舉同年進士執憲內外兩臺公與弟水巖君咸好古績學詞有璣錦之章儀有冠玉之美而二石公之子

卷四

三

又拔蔚競秀繩繩濟濟即沈休文所羨南朝王筠氏之盛靡以加此公則憲副翁之元子諱舜元字慶辛石門號也公生有異質讀書過目成誦年十七補邑庠弟子員試輒高等越五載即循例入太學太司成汪公較藝以遠器期之公所自期亦謂可操觚駕天下士而世美不足繼也憲副翁遷官山東公以試事留南都未幾聞翁計公悲號累日匍匐宦所迦擗歸時水巖君尚幼公于治喪理家悉身經紀之復懼妨所業約以十分之晷三千處

分而七于講藝也聞姚江嚴木山先生攻經學延師之日夜淬勵藝日益進嚴歷官至大司徒每問南薦失公名輒移書惋惜不置公既七黜于有司歎曰我家門科第若平莊輕車耳吾非若命也奈何兀兀自苦哉乃留意于詩篇字譜凡晉唐名蹟及諸大家宋元善本不惜揮金購之充牣几案尤篤好祝京兆草書使童子研墨濡毫以伺暇則放吟摹寫有染蕉滴裙之興公故廬逼巖市聞傍山有崇樓可售公喜曰此邑之齊雲黃鶴也吾將以

卷四

三

是爲菟裘可乎遂以故廬歸石崖侍御徙而家焉斯地也適與予舍密邇公遇佳辰美日或篇詠當意必速予賞之嘗曰吾不惟得居且得隣矣性嗜古今珍玩更喜延納入公之室則商彝周鼎法書精繪觸手炫目登其堂則方士奕客材徒選技惟意所權而無弗迎承也每夜分月朗倚樓長笛響徹山谷人之視公真有凌霞出塵不受淄涅者公雖習養豐澤豈念憲副翁以方介立節恐墜厥聲往扶襯山東官司以金聘者千計公悉堅却不受

一時縉紳交義之居常資歲租所入半以食家指半以脩賞覽賓客之費不給則貸以克之他無所營觀也公踰強年未子日夕焚香禱曰吾或以厚饗損福可使我先大夫無血食乎念至輒引咎歉歔晚歲乃連舉四子並秀敏能讀人謂公一念誠孝之感云公友孝得之天植愚副翁御子姓甚嚴重公承之委曲順志翁稱能子公出于庶母黃氏事嫡母鄧宜人愛敬倍至宜人加憐之忘其非已出也水巖君宦閩中公不勝懷遇有宴叙慨然以

卷四

三二

憂水巖君絨閩產爲壽對客發之怡然以喜其兄弟翩翩不獨才美可稱友于之好人尤重之有姑適顧者家落無嗣公養之終身與黃孺人同寢處歿則豐其塋祠其主念之不衰有女諸呂友梅孫者呂氏勢去業旋圯公收其婚授之產教育之若子有女贅江陰林氏子文耀教育之亦若子女且天復爲之更娶視之則若已女也其篤親悌義類如此公素有迂癖論議常出人表或指斥山水或商評古今或談語玄怪即班馬之紀李杜之什賞

卷四

三三

工謫瑕任其雌黃莫有能詘之者嘗自憤才志弗展時于酒邊瀝觴傲嘯以紆不平或訝其狂而不和公固有所托也所謂糠粃人世蜉蝣天地公蓋有之竟坐痰疾浸淫以亡不盡其年傷哉公生於弘治戊申七月某日卒于嘉靖辛亥五月某日享年六十有四配錢氏有淑行武肅王裔孫先公十年卒子四人長之綱娶長洲時氏之紀遊于庠賢而有文娶邑學生程山泉女之屏聘邑學生徐萬山女之翰聘邑學生陳穎川女俱側出女嫡出者三人適呂循錢爲林文耀側出者一人諸邑學生陳西山子炳文公病且革呼其子曰吾不諱汝等並孱弱盍緩吾塋伺汝叔歸而咨之諸子如其言既成禮歛乃訃諸閩中水巖君聞之悲愴莫禁且閔諸孤藐焉而門祚弗振也尋解組歸水巖君既歸公之長子先夭尤以奄寥爲慎乃命之紀等卜以歲壬戌某月日奉公柩塋于虞山拂水巖先憲副翁之墓側敬錢孺人兆合焉先期之紀率諸弟拜肅請謂予與公有里閭文字之舊庶幾知

公以事狀見屬將乞銘言水巖君復申以告予憶
視公疾時公噤不能言諸兒在侍指以示予若謂
可以顧公之後者今水巖君之視諸兒父叔之道
蕙焉之紀亦以勤苦自勵能撫二弟異其成公可
無慮矣而以文章聞公之懿則予之所不能辭也
公之著述有來薰樓稿吳山唱和集當自有識公
者茲據予所知與之紀所述序撰爲狀以答公之
愛愧以蕙陋且于計偕行次靡有間緒盡公平生
員公良多然不敢以諛詞誣公仗惟載筆者賜采

擇焉

卷四

三四

太學生吳致之行狀

致之吳子予所厚友也後以女妻予兒又予密姻
也致之死且十有九年矣死之歲其孤季偉生方
六月室人陸氏蓋女婦而有丈夫之畧者襁中卽
語季偉曰而父不及見而言笑吾必伺而成立乃
塋而父今季偉漸焉露頭角游庠校矣陸氏始謀
塋之季偉將請之鉅史銘墓中石謂知致之者莫
予過也委狀于予於乎予忍狀致之哉予長致之
一歲自握髮卽與投交最相得致之治春秋復館

卷四

五六

予講討之致之資性曠爽與之兀兀談經則苦而
間與之博涉予史吟弄篇什則躍然喜逸思迅發
每出予上致之得一言必商于予遇當意必速予
釀賞之予無論陰晴寒暑與致之朝夕者嘗什三
也今致之沒且廿載予以姻故時過致之舊所談
咏處輒愴焉興悲於乎予忍狀致之哉致之世爲
常熟望族高祖思庵先生諱某官至副都御史學
行純正卒謚文恪列國朝名臣中曾祖銓祖洵
封監察御史父某起進士爲名御史歷大理寺少

卿以諫止 武廟南巡謫守鶴慶有忠直聲致之其季子也致之甫童時從宦萬里外遇山川名勝竦然有探奇寄傲之思大理公異之公既謝政歸時致之兩兄並以庠士補太學乃督致之業舉子致之過騁其資謂是佔俾無難也者獨偏嗜字學遍覓晉唐名蹟日摹之室中常以數硯濡墨或和墨于盥之興至輒操染吳箋剳楮旬盡千幅緣是結構清道漸逼古人其爲詩有所感覽多援筆就雖未嘗一一追踪古人而自得軌度不落凡近時書

卷四

三

筵端翰法並逸爲騷林傳賞大理公晚歲樂客多燕集致之必終日侍或勸公曰得無妨若業乎公不爲意大都非致之侍公不驪也公好吟每對酒口占成律致之從旁應聲賡之公大笑引滿命致之亦引滿如是爲快公多勝有子七人惟伯子與之及致之爲嫡子封孺人錢氏出也孺人日夕亦非致之不驪居寢獨依致之諸子則時一就省致之遇諸昆弟情誼款款遇有觴酌則呼詭酬勸若無形骸以與之同母且長視之尤加恩焉公產第

多豐饒致之所析則觴確者什九公嘗念伯兄某翁無後以致之後之致之受翁所遺室稍庫隘公欲別營居之致之請曰兒自安此毋嬰大人老懷乃諸昆弟並有完構致之只今仍翁之遺致之孝友之節卽此亦可觀矣公築一別業于邑西之墅橋以授少子贅松江沈方伯氏者村有鬻徒以私怨仇公公至觴客仇聚徒百餘積薪環其廬將火焉一童子竇而逸風傳城中時致之兩兄留都下邑令且公往致之急報尉共率官徒亦百餘馳馬

卷四

三

解之捍公歸執其魁訟之官致之曰是不嚴治非兒也自是仇益熾未幾公不祿仇乃展轉行搆思傾致之矣致之坐是被繫久莫爲釋代巡淇麓周公至察致之緣孝抵誤矜釋之卧疫旅舍乃竟死傷哉初致之過三十未子被繫之歲得假歸乃孕且子蓋天寔留之匪是則觴確之遺知誰屬矣致之雖世富貴內外家並卿宰然靡有亢溢盈汰之習趣志所洽或論文談藝雖村夫澤叟與之促膝無厭以乏告者則衣食之賙賙之故遠方懷技之

士率多慕響而集飲德而去其襟抱凌霞出塵絕
去世俗纖瑣齷齪之能遇花期月日未嘗飲食室
中時裏珍饌從大理公速所厚客與俱昆弟聯騎
尾之子夜絡繹鼓吹燃燈以歸鄉間修爲盛事或
佳朋勝集細斟劇語卽窮山遠谷寒更深雪擁棗
宿火東白未休見者不問知爲致之也致之游邑
校未久旋奉例入太學予每羨致之朗質秀腸謂
科第且家門熟徑一策足可登乃致之初以多玩
分志後復以訟累汨之竟所就止此惜哉致之所

卷四

三九

居不飭輪奐入則古爨先昇名繪精刻及吳中珍
玩觸手而是異芬青莛出之而不窮材歌文舞微
之而輒至風流博雅翩翩乎聲埒青箱望擬烏衣
矣乃年齒寡歷志業弗究豈世優其豐而盈虛之
數致之獨際其嗇耶將高標清饗造物者忌之耶
抑以孝嬰累憤懣結其中是不平者促之耶何天
之墮計于嫉徒而貽悼于親知也予嘗憶致之在
繫時和素白燕詩寄予有曰可憐世去事都非廷
尉門前雀也稀又曰由來太潔招時忌好避虞羅

密處飛至今讀之有余悲焉致之諱中和致之其
字別號三吳生于正德某年月日卒于嘉靖某年
月日年止三十有三配陸氏大冢宰水村公之女
諸婦中以賢孝稱錢瑞人尤鍾憐之自致之沒貞
操冰厲家規整肅翁姑之塋也出秘儲三百石佐
伯氏營墓之費雖孤寡多艱内外交侮弗能墜其
家致之之目吾知瞑矣予一人卽季偉秀穎有文
世美可嗣娶憲副西虞范公女女二人長適江山
尹時二湖子志行者天次則適予兒鑒者也予昔

卷四

四十

與致之游予兒之婦方髫年致之視若子慮其習
驕也延族人之耆者授之孝經小學比歸我寒室
其舉止罄欬宛肖致之間在予侍使予惕惕懷致
之不釋也於乎予忍狀致之哉季偉承母意以是
歲壬戌某月日奉致之柩權厝于虞山報慈里祖
塋之側仰靳大人先生錫之銘言俟其藏也饒而
掩之所圖以爲致之不朽者實重賴是予不文胡
能以楮筆盡致之平生然謂予知致之則無容辭
也謹據拾序次如右伏惟秉筆者賜采擇焉

錢母趙孺人行狀

我常熟之西北與江陰接壤相望三十里內其族鉅而聞者兩氏趙氏居江之章鄉史村出清獻公後錢氏居常之奚浦祿園出武肅王後其姻婣相通奕世不絕奚浦友竹錢翁諱彭年娶章鄉趙氏則孺人之姑友竹翁之子慕節君諱校娶史村趙氏則孺人也友竹翁父子皆壯年不祿且兩世俱卑嗣家慙于役再厄于火微兩趙氏相繼協贊則友竹翁之緒幾於弗振今慕節君之子甸甸之子

卷四

四一

受徵用徵皆謹厚脩文克恢其家人咸歸二孺之力何趙女之多賢也孺人父諱鉅號葦齋居鄉有異聞母王氏孺人生稟端淑言動不苟迨歸于錢方友竹翁與諸父析產家務總總孺人屏去膏沐承其姑拮据備至未幾友竹翁沒孺人與慕節君日以廢墜爲憂黽勉益力以是慕節君雖更煩役浮費而家用不匱友竹翁遺幼女未嫁孺人睦之甚比嫁則悉以所具純玉資其裝慕節君性剛嚴爲忌者中以奇禍將報之孺人解曰公當事不能

少忍倘一被傷獨不爲老母計耶遂置弗報慕節君喜客客至必擊牲張燕鮮有虛日孺人迎其意供具必豐必腆稍暇乃督女婢事織紵每夜分客散猶聞杼軸聲慕節君既不永姑垂白在堂承奉尤謹飲食必親侍寢疾必親扶掖嘗曰孫甸甸且幼吾兼子婦責也甸甸稍長卽令專意問學篝燈程課教戒諄諄間語曰汝祖汝父皆蚤世汝承綏緒努力自愛卽果端慎沉默績學行善初補邑庠生繼卒業太學稱賢于錢宗孺人之教不誣晚教二孫

卷四

四二

如教其子二孫相繼入黌序孺人色喜謂曰吾可少慰矣士務遠大尚益勉之蓋孺人以名族之女習聞彝訓故事其舅姑相其夫君教其子孫類知大計若此旣衰枕疾呼甸甸語曰吾已及大耋醫藥可無事也踰年亟戒甸甸以善訓二孫吾死葬勿緩遂瞑目時嘉靖壬子八月十四日遡生爲成化甲午九月二十五日享年七十有九子一人卽甸甸娶江陰王氏憲副改齊公女女四人一適太倉周錫一適鄉進士無錫華諫一適鄉進士太倉趙潯

孫男二人受徵蘇州府庠生娶江陰李斥涯女用
徵邑庠生娶同邑庠友季虞井女孫女一人適無
錫縣庠生孫昭曾孫男二人女一人旬卜以甲寅
歲二月十五日丙申葬孺人于垣墩之阡啓墓節
君之兆而今焉噫女德不外聞余奚以知孺人之
詳也孺人之子則友我孺人之孫則師我余讀書
浦上辱其子若孫之愛良多因獲諗其家世而得
孺人之賢爲詳間二孫在侍則每詢孺人眠食以
上遐祉且擬撰壽篇拜孺人于堂下而今竟不可
起矣聊撫其所聞著爲狀請銘鉅筆以彰孺人之
賢于不朽辭雖不文其事則核庶幾採擇焉

卷四

四三

通奉大夫河南左布政使西臯紀公暨配馬
宜人墓表

予聞之古生而有功德于民者沒則碑而表諸墓
匪其人弗之表也方伯西臯紀公之卒且塋也其
仲子行人君誠奉公遺言緘其姻侍御江君九川
所撰狀哀懇于予曰願錫之表使不肖先大人未
永光重也予閱狀考公仕履所謂有功德于民者
非耶乃爲揭而表之公蚤歲以明經領順天鄉薦
登丙戌進士第授戶部山東司主事居先長史憂
既闕補刑部河南司主事晉江西司員外郎陞陝
西按察司僉事轉副使歷苑馬寺卿湖廣按察使
居太宜人憂起補四川遷河南右布政使尋轉左
公仕中外廿餘年所在著聲績不可悉表予表其
大者爲戶部時奉命督餉臯關再督天津先後出
納者五十萬金有奇所羨動以千計前事者恒私
之公還告竣毫髮皆注之部劄長卿重褒其廉慎
爲刑部時以明法稱獄有疑滯率倚公剖裁持憲
秦中風紀振肅號兩察院其翦清水馬氏之冤郤

卷四

四四

寧夏裨將之餽人尤難之苑馬人謂閒局公居恒飭舉牧政適北虜犯邊騎戰者多得馬力闡臣以聞蒙白金文綺之賜武昌刼獄之凶論死則可未請命而殺之則不可公之所以秉法于楚者也白草侵掠之寇撫而縱之則肆刻日而俘斬之則帖息公之所以奏膚于蜀者也徽藩修第之役應之則重民疲不應之則寧以忤受臯公之所以貽恩于汴者也公自歷仕來誦公者半海內薦公者四十餘章夫豈倖致之使公愈益崇顯握鈞司軸其

卷四

四五

功德及民當復有進于是者以疾不竟惜哉公配封宜人馬氏多淑德若其從夫于官乞歸以奉其姑載危于途舉正以勗其子是宜人之大者法亦得表也公名某字元正西臯其號其先爲山東德平人今編籍文安曾大父某大父某某府經歷父某秦府長史加贈某官母張氏封太宜人馬宜人父大章母劉氏公生子四人長言某府經歷次卽誠南京行人司副次某次某女三人孫男十人孫女二人墓在某地祖塋之西阡馬宜人先公卒

塋且久茲以某年月日啓其窆合焉予所爲表者表其有功德于民使過公墓者讀而式焉爲仕者勸爾若乃世澤之懿家行之賢生卒年月之次子女婚娶之詳誌公者且載之矣予可畧也

卷四

四六

北虞先生遺文卷之五

吳郡海虞邵圭潔伯如甫著

孫樸

邑門人 錢之選 全輯

鄒泉

仲子 蓋校孫與游錄

大耋翁北川陳先生墓誌銘

余家在蘇熟虞山之北相與密邇世爲姻舊者有陳氏閱望垂三百年古樾喬立邑中呼爲大樹陳

卷五

者也陳之指可百計其敦樸復善齒德竝遂者莫如北川翁卽邑之指可數萬計其敦樸復善齒德竝遂者亦罕如北川翁今翁亡矣豈惟其族之人與所姻舊者悼之卽邑之人胡弗悼之哉翁諱某字某北川號也曾大父九我諱某大父朽蕃諱某父復齋諱某咸以篤孝清德載在邑志翁爲元子少稟淳誠不好嬉弄所讀書輒牢記不忘習舉子業弗售乃博涉子史野錄更研考六書字義若禹碑周鼓科文彝篆土篆若剥者悉能會而譯之好

爲詩及慎擬古詞每興至日夕呶哦不輟器度廓落不解治生業蚤歲資先人之管繼有壯子承之翁以故至老不識衡尺居常與親知談說古今或引觴自斟家傍山麓時徒步獨往僕人莫之覓也歸則語人曰吾今日覽某地得其向如是爲適至干勢庭靡乃市僧折閱未嘗一口入于耳垂老壯子暴喪翁一再慟不爲戚時有四孫二能文字矣翁遣師于余業日起乃長者亦天喪次爲上士廩干庠翁耄年賴是得周醇旨之奉翁百故靡所經意獨念衰祚篤于課孫孫試在高等卽不勝喜孫屢躋場屋復不勝慰勉翁進九旬不廢觴詠間往來諸婿家亦不賴支杖一日題壁曰心旌已豎家園內不向崎嶇路上搖自是絕跡戶外然尚強飲食卒之前累旬日不食謂諸孫曰吾靜以待化耳翁毋張孺人亦近九乃終翁既老悲哀如嬰兒平生待弟妹恩義懇至里中人尤賢之翁在里中與余諸父年頽頽也余先子僅七旬昔去余伯父耻齋翁季父秋巖翁皆以大耋與翁杖屨日接且行

卷五

直婉將鄉稱三老延置賓位今相繼委謝翁最後
亡齒獨高翁生而好德而康而壽是福茲多弗
富貴奚憾焉於乎古道衰矣昔先王以高年有道
藝者使爲閭胥族師用式其鄉人而饗食之典天
子親爲之饋漿醕爵有問焉則以珍從如是其恭
今之齒德並遂如翁罕矣縱不得天子問饗之遇
而得與從胥師之後亦庶幾哉可以維範澆俗乃
泯泯焉貧賤以沒翁固無覲焉而慨世者則用以
增吁也翁生于某年月日卒于某年月日得壽九

卷五

三

十有三配王氏繼陸氏子某卽所喪者娶錢氏女
二人婿某某孫男四人長五福天次五常爲廩生
娶某次五教娶余姪女次五美娶某曾孫男四人
曾孫女六人五常事翁謹治終具極誠信茲以
某年月日奉柩葬于虞山世墓之次翁卒方五日
余以計偕瀕行翁前囑五常曰必以汝業師北虞
公志吾墓余別翁柩下亦心許之明年余還蘇門
從德清之役五常謁余虎丘山房中前諾焉余以
里中後生風欽翁德且緣世誼感我諸父烏容無

言乃按五常手狀暨余所聞叙而銘之銘曰 粵
古貴年匪以祿位鳩杖珍糜天子餽饋今者賤德
鄉閭失師黃髮罔愆誰則詢之猗與陳翁虞鄉大
老年垂百齡葆德自少人皆翁若治可結繩人皆
翁若折衡不爭翁處儼俗見謂罔罔語及詩書腹
有銖寸翁世優善未高其門伏種于地發應在孫
遐年考終翁寔罕有我益之銘永哉勿朽

卷五

四

從叔父秋巖府君墓誌銘

余邵氏世家常熟之蘆荻村村有居士菴菴之左有勝國時道貴邵公墓道貴二子長彥宗仍業農今環村而廬者皆其裔也次彥臯業賈徙居城北以信義致雄貨邑有邵巷自此始彥臯三子諱源者則府君之祖某之曾祖也府君父諱檉母沈氏以成化庚子十月十四日生府君諱燦字文輝秋巖其號余家自曾祖業儒余祖守齋翁游邑校績學敦行御子姓多禮法府君少在侍憚之如嚴師

卷五

五

讀先世書日夜淬厲不倦亦選爲校士甫失怙故質中落二弟燁也夭爲之歛葬之煥也貧爲之婚娶之衣食之煥以從役罹罪爲之鬻廬贖之母氏春秋高資作館爲養竟緣多累廢進取不悔也府君惻惻雅絕不曉心計與人處若無喜怒也者而妍媸好惡中自炳炳孝友一念誠篤終其身痛父早背歲時哀慕不置館恒遠鄉出則褰母裾戀戀不能釋歸則懷餅果笑嬉將之無異嬰兒弟姪蒼之周遺不能繼卽憂動顏色課人子弟勤儉有

卷五

六

繩約多所成立館一姓至長子孫不忍別人以爲難娶葉氏曹氏並弗子後娶朱氏踰四旬乃于初以寡嗣憂既有子羸然弱也又益憂子稍強乃喜教之讀且穎敏又益喜余時有聲校中未及登薦府君信予爲遠器語子冰潔曰無庸他師師若兄足矣乃冰潔亦心傾予也氣承響應臨文動有矩法試輒甲等晉邑廩生府君益喜曰庶幾哉祿養矣然乃三躡場屋府君閔其劬也數溫言慰之居常聆誦聲或賞其文輒呼酒飲既有孫又能讀日置之膝前語以嘉言善行喜其易解又輒呼酒飲飲輒有吟渾然成詩晚結諸耆爲社人咏古詩歌幾章爲飲節市談公務絕不齒及府君年七十有司延與鄉飲以余耻齋伯父在賓位辭弗就逮八十乃一就時邑中舉齒德者兩人其一爲九十翁北川陳先生士林嘖嘖嘆曰賓筵皆得若人狙豆可無辱矣府君寡疾病僅兩足患濕既老行踟躕也然好閒適每行吟虞山下不令僕隨亦不耐携杖倦則據壘草盤石而坐樵牧者亦知其爲秋巖

翁歲已未十二月三日方起盟忽手痺不能冠呼
冰潔掖之卽瞑不甦無復遺言享年八十有一配
朱氏子一卽冰潔娶呂氏孫男二雲徵聘湖南譚
拙菴女雲程幼未聘孫女一誥陳憲副省菴孫以
恭鳴呼余家讀書四五世歷士籍者五六人聞之
諸父惟府君最稱苦心然竟賁志歿乃幸哉有佳
子余謂可相勗共振吾宗矣家門薄祜冰潔亦以
勞毀奄逝煢嫠弱息謀誰適從暑雨涉澤新鬼投
野父子濟德邁茲閔凶骨肉之痛其可勝耶前冰

卷五

潔卜阡于虞山報慈里將奉府君葬焉今同在淺
土塋以辛酉某月九日府君康時嘗語某曰汝可
爲我述其平生旣歿冰潔諄諄申之余以卑不當
誌尊且無令辭闡我世美未敢屬筆甫冰潔不幸
吾友孫子百川哀而志之府君不忘是重余咎乃
投淚敘次悲何能文系之銘曰 邵以國氏史多
哲英世遷譜逸宗也莫徵蘆荻有丘松楸自昔支
分邑居業者經籍經籍三傳爰及府君振家之志
惜以累分孝友忠誠展哉彥德大耄考終福祉靡

忒矧復有子吾宗之良溫姿玉韞藻文自颺天若
予之償所未食予之何遲奪之何亟父兮原食子
兮顏夭孱焉吾宗嬰此不造遺者二孫長已知讀
佑善之理于此焉卜保之傳之以慰爾斯余力則
薄責安敢辭山陰新阡松蒼栢紫余祖諸父封丘
並邇府君歸從以遨以遊庇我嗣人用揚世休世
休綿綿百年之積發者自今竢表穹石

卷五

內兄谷林先生張君墓誌銘

君姓張氏諱某字汝霖谷林所自號也君之先汴人宋進士友山府君扈蹕南渡占籍蘇之常熟國朝贈翰林院檢討士安府君則君之五世祖也高祖諱紳祖諱璵父諱繆予妻之父與君之父從兄弟也予呼君爲內兄君爲邑庠士三十年苦心攻文辭有才聲自負常出人上乃連舉有司不錄竟鬱憤青門君年近艾子齊翼亦補庠士秀敏向進君曰吾志有托矣遂謝所業寄情吟詠有條然

卷五

九

遺世之思未幾抱痰疾弗瘳將革呼其子曰吾生苦儒累死盡以山人服歛我予聞而悲之故不以庠士稱君而稱曰谷林先生成君意也君生四齡喪父母朱孺人堅辛守節孑然無內外援日含啼育君君之得全齒髮以逮成立皆母之力君既就傳能讀書里人欺其孤也籍差以君克之君弗勝乃棄先廬依母家棲梅李鄉然鮮生計久復僦城居作館養母母亦辟纊治紉相資爲命嘗抱母矢曰兒不以文業奮以報母非夫也痛自刺厲每發

卷五

十

憤至嚙指見血旣晉庠校詞藝蔚起數爲臺中薦賞君視科第發蒙耳試竟屢躓失第歸輒褰母長號母慰曰兒一髮之緒也慎自愛終爲善士全汝父之遺吾願畢矣母固厚憐君君視母卽嚴父師不過也或稍拂母意必涕泣長跪請受笞解頰乃已君自起聲譽館計漸豐歲歸其資于母節縮營治漸有田廬得一旨味先以饋母母辭曰吾孀人乃望食旨乎君每進曰兒雖日列牲鼎奚足報也母春秋高寢疾踰歲君却館籍藁床下日夕扶掖臥不解裳君體素充盈自是損削不復母沒哀毀幾絕殫力治喪葬尋具母苦節狀懇乞旌典有司錫之額曰貞節未及疏請君終身啣負焉君少歷艱頓情故多所諳達性復鯁毅言論常持方直間以是見嫉于人然多蒙其排解之益襟度曠逸不羈賞心吟嘯動出藻語民瘼時弊往往形之詩篇剴切可諷手錄古今事積有卷帙感觸所及能歷歷道顛委暇或過予以文字相質君所當意處子擇而賞之君以予爲知言予自總髮甥君之門君

卽器子折節談藝予每見君課試下筆輒滿紙若
泉湧不休息其約之入穀何難也乃竟兀兀不
遇宜君之以儒爲苦哉予嘗于君之母子慨嘆者
屢焉君之母永蘖自操四十年爲苦節之婦國家
懸設褒旌固將以待女婦之若母者而科目之制
則以待天下敏修之士若君者今之席援遘便突
收榮名者不少而貞女志士賁恨以殞豈人事終
不敵命耶余以是重爲君慨也君生于弘治戊午
三月廿六日卒于嘉靖己未六月二十日享年六

卷五

十一

十有二自君臥病予數候君榻前值君氣爽尚獵
獵談詩也一日執予手曰吾親知孰踰子吾脫不
諱蘄子言以不朽予許之君屬續予往哭之恍其
言之復入吾耳也歲辛酉齊翼以十一月十五日
奉君柩殯于虞山祖塋將別卜地以墓扣余泣請
曰願無忘先人之言乃念君平生及予所感叙而
誌之君配顧氏端靜有婦德子一人卽齊翼君遣
師于予振君之志可嫉也娶予亡友周梓樓女女
二人長適沈志仁次適陳曰璿君並能無而卹之

孫男三人長文教聘鄉進士王兩槐女餘幼系之
銘曰 傷君孺孤子哉危緒載以栢舟君乃克樹
君既知憤展哉敏修啖以熊丸君才益適君念貞
劬矢心以報惜也數奇窮經肯皓嗟君家志節
並湮予所慨者不獲而耘惟傳亦云農有饑饉必
有豐年荅爾勤畷矧子肯播懷鑑待時穫君之留
終當在茲君歸高封穰者山服應有耿神游陰空
谷銘言屬我君謂我知勒以復君九原解頤

卷五

十二

太學生浦子尚中墓誌銘

曩歲辛亥有二客自無錫來扣余北山之廬予延之入讓之行則辭讓之坐則又辭曰願執弟子禮幸先生許之乃通其姓名皆浦氏一邑學生玄珠字尚復一太學生貫道字尚中兄弟也問其居里曰前澗予嘗往來錫中聞前澗浦者溫室也二子則冠裳朴簡隨一蒼頭欽然若寒士也者予既受之二子乃舍于七檜之山房兄弟共一榻所供僅鮭菜山中人語予曰自二浦來早夜未嘗輟讀聲

卷五

十三

也予嘉焉與之談麟經各津津有得歲暮乃歸自是數扁舟造予持所習相質蓋信予過也予丙辰北上經其家二子爲餞尚中語予曰某先人嘗同知泰興遷判夔州夙秉清白無厚遺某兄弟賴祖業僅給某思以經籍繼先志不辨菑畲邇得我伯兄尚成稍營息及吾妻蠶績所羨新拓一業可若千畝庶藉是多儲書資吾讀也予亦喜之逮予北還則竟坐是構獄矣業故滕氏產鬻之尚中其族之人弗甘也尚中之子姓携觴飲其地爲尚中賀

滕族嫉焉排其門詈曰獨不速我乎勢張甚尚中素憚懦急徹飲歸詈者憤不置撫死獄誣之辭連賀者尚中詰官口吶吶無辨輒承曰賀者賀我也詈者詈我也繫自我始我當服官亦莫察其誣遂逮繫居三載將洒乃以病卒傷哉尚中自就繫夷然不爲戚裳因服坐藁上日讀書課文如常間以所課緘寄予予爲點抹復之亦如常且以餘暇攻曉星書嘗柬予曰某近習命理益自安無悔也一日得假歸去語家人曰獄終不能誣我歲在申月

卷五

十四

在卯吾脫矣但脫時當一驚謹備之如期以病報甫脫獄死矣豈誠有命耶壬子秋予在南甯尚中試闕中出以試藝示予予以登雋期之詎意止此傷哉尚中少有穎質從父宦泰安見者以奇童目之未冠補邑校旋奉例入太學銳志進取故刻厲操業卽蒙難不廢性稟柔而退然如不勝衣接入無戾言遽色或以逆言加之輒面赤自引去何冤哉乃以憤嫉得誣也居家悖大節夔州公早背奉毋周孺人承志惟謹事伯兄如父動必受咨無敢

專尚復其仲兄爲後于季父尚中仍以父所遺讓之族人弗給者月出粟周之所親有老無歸者終其身養之噫若尚中者修文謹行所謂善士非耶矧其守柔服齒于老氏全身之寶庶幾焉乃遭輒歟不盡其年傷哉尚中世爲常之無錫人予嘗閱尚書邵文莊公集有銘諱億之墓者尚中祖也知其先世周儻樂施有義俠聲至夔州公某始得仕多惠政泰安至今祠焉尚中嘗思先人所未竟命固阨之聞其病且賸猶連聲呼予益志不死也

卷五

十五

傷哉尚中生于某年月日卒以某年月日享年三十有八配華子二人長邦達亦配華卽其母族次幼女三人長諾俞某餘未諧邦達方數齡予往吊尚中見其纍纍一孤也甚憐之茲尚復携之來告以是歲辛酉十二月某日塋尚中于石室山之原乞予銘其墓予益爲惻然乃叙予所知銘以授之予感尚中知愛不忍忘當俟用情于邦達庶以報也銘曰維兎有羅維則懼之維齒易敝舌乃先之嗟嗟尚中爾介也宜其傷爾柔也奚其亡參亦

投杼祐豈醜人乘扈啄粟枉哉曷申矧爾知命引咎在躬寧滅其趾勿緇其宗爾固師我我匪私憐治經園中益諗爾賢爾今歸藏魄且寧只我貽之銘作爾金矢

卷五

六

嚴州司理蒙山劉君墓誌銘

代

士類之升沉靡定與感昔之嗟賢雋鮮終重憐才之嘆余于蒙山劉君所爲深悼者也君與余同舉癸丑進士又同出校禮之門是歲奉制舉士四百稱最盛而四百人中若君與余又稱厚也逮君出佐嚴郡余亦備宰臨淄卽有南北離群之懷繼余改繁喜得君邑而君亦在嚴方籍籍著能聲意還召可跂未幾乃傳君訃又未幾而君之櫬在城下矣傷哉余時走弔之遺孤方六齡未能哀室中蕭

卷五

十七

然俸餘尠存而一時上官厚憐君也賻賻得若干金又多睨之者余爲籍而貯之約以此買田以養生以此買山以送死固余詎當爾也明年君猶在殯余恐一日舍茲邑以去無以妥君之魄乃督其家人蠲日治塋其孤未諳事孤之外父太學生徐樓携抱而來教之拜請誌墓石余詎又何能辭按樓所具狀君之先汴人宋建炎間有仕鎮常熟之許浦者遂占籍國初有諱昇者稱爲抗節義士行載邑誌君之五世祖也大父煊父寅母沈氏君諱

泉宇漸甫別號蒙山生爲寅獨子家適中圯少讀

書穎敏復以餘力幹父蠱父母皆蚤沒喪葬具如禮入邑庠爲高等廩生藻藝颯起一時同志並讓能焉壬子領應天鄉薦聯舉進士君早有譽望人猶惜其晚賜第後觀兵部政君修姿玉立語動端楚大司馬雙江聶公奇之曰台輔器也授選爲浙江嚴州府推官嚴俗囂獄苦繁君甫至一時雪死刑而寃者十有八人會稽一優徒竄于嚴儻富室屢以居富室兒挾醉友六人譖其妻優耻之挈妻

卷五

太

還故鄉邏者疑爲奔也執之優曰吾被盜劫徙耳聞之官有俞知事者索富家兒金不得連七人竟以盜論死三年不釋君至鞫而審之嚴之衢謠曰出死寃劉青天嚴縣屬皆岩居地產斷腸草愚民多服草毒詐人死罪小亦圖給塋埋君知之刻石設禁迄今靡有犯者淳安遂安動以竊礦生變君曰此輩無賴官激之耳給之照牌不爲害者聽散去令發旬日二境帖然倭夷寇浙中軍門獨選君隨營紀功溽暑無廢事調用苗兵驍悍多斬平民

自髡之冒級希賞君急申白諭諸將領凡得平民
生來者倍賞自是苗兵相戒勿妄殺全活無數且
得生歸之民訟寇中虛實軍門奏功君多力焉君
猶加意學校嘗曰吾職司聽斷不過塞其流耳孰
與興教敦化端其本乎修飭廟學給勸貧士輒捐
俸爲之嚴郡治數科無一薦士乙卯得二人咸歸
功于君君時執事簾外所取禮經士多出君裁定
衆謂得人君在嚴二年十九在外以紀功行者凡
七月以清查行者凡四月以署縣行者凡五月署

卷五

十九

建德辨一家冤死四命其家尸祝之署遂安方旱
甚君朝至夕禱卽一雨三日民喜曰劉公雨鉅姓
某蝕嚴陵祠地監司屬君理尋責復之署淳安適
理徭甲吏胥襲奸弊如攪髮君夜不假寐搜摘殆
盡吏皆吐舌其諸清查所至動有成度不勞而集
上官僉曰有司皆得若人浙中可卧治矣將首疏
于朝無何以勞故得痰疾方衣冠蒞事疰贖而卒
民人方安其理縉紳猶鬱其望於平傷哉君生于
正德癸酉六月七日以嘉靖丙辰二月七日卒于

淳安官舍享年四十有四配蔣氏邑仕族女先以
乙卯五月某日亦卒于官其生爲正德丙子某月
某日享年三十有九茲以歲戊午四月七日舉二
柩合葬于虞山西麓抗節故阡之旁不別買山者
地寬可坐爲孤兒節費也孤兒名宗堯聘徐氏卽
樓之女自今保此孤使成立責在樓矣女二人長
適庠士周某子某次適郡守鄒近齋子某皆將出
於乎余忍誌君墓哉余四百人中効用方未艾而
不幸淪謝者什之一矣余不勝其升沉之感而賢

卷五

二十

傳如君復不盡其才賁志以殞將天下憐之獨余
私也哉余今視君寔窳可使君妥于九原尚俟孤
兒他日發君之留系之銘曰 晉之艱摧之促遇
也何谷豐若才畜若壽夭也胡咎澤一方遺四海
志也未怠筑哉兒誰與字目也猶視戒爾姻求綏
荷靈也應妥誌爾藏同年誼石也無散

陳子在川墓誌銘

予友陳子在川以嘉靖庚申端午日卒先歲已未
余還自都下在川亦以端午日過余余留之飲忽
嘔血升許予驚焉使人掖之歸自是寡出善病漸
以銷損在川曉談命是歲犯衝病者忌之在川自
解曰非死數也乃竟死傷哉曩在川與予數人者
讀書山中攻禮經有大志爲文清勁然少腴采狀
之似山澤之癯也在川果癯然終一寒士豈稟限
之耶在川本夏氏父諱某爲陳贅壻陳無後以在

卷五

廿一

川後之在川受陳德不敢忘終身從母姓焉陳夫
婦相繼亡也在川仰作館經其喪墓極誠信人謂
陳之甥賢於他人之子在川事父母孝雖家貧常
治軟飯供甘旨婚弟嫁妹俱勉身任之父母終
事一不以煩其弟與弟同居嚮三十年驩如也中
歲稍稍藉友朋之援能轉旋營息就縮爲贏以所
羨買一廬潔窓牖植木偃息其中謂予曰吾今且
謝館累與山水風月作伴且蓄名人畫日懸之壁
焚香啜茗玩賞終日卽富貴人至在川野服揖之

卷五

廿二

謹笑任意無忌也自少戲習繪事後與陳白陽邵
梓堂諸公游益有得興至輒染翰作花枝樹石爲
好事者所賞體素羸弱每未晷就卧日午乃起遇
勝遊佳集卽涉險攀登戴霜吟嘯竟亦忘倦士林
有雅叙必敦速在川曰非在川不成懽在川亦擇
所去就所不欲往者閉戶弗應矣性少飲乃對酒
輒引滿不數飲頽然坐客方集在川以醉去醒且
復至其率真類此居常自憤不以文業奮力訓其
子長子甫能文不幸夭死在川慟之自後每感及
則欷歔而失懽其病傷以死或是之積也死之前
五日具鷄黍速予予臨其床在川擁膝坐語尚朗
朗謂予曰吾不起矣爲我謝所知吾兒孫未歷家
季吾弟可托子爲我立券以吾廬之半讓之庶永
久相倚予爲贊決之復以囊金一封對予剖之曰
此以治吾墓此以終吾妻此以授吾子若孫多寡
井井有理頃復出一畫畀余余展視之古鷹也予
辭焉在川曰勿辭吾以鷹揚望子吾死爲我銘墓
以此代幣余乃受之且與約曰午日携蒲觴慰君

至日暝矣傷哉明年辛酉第二川君與君仲子止
以其月日奉君柩歸葬墓在虞山寶巖灣意在川
管作狂語曰人死埋深穴中又下之石何悶也吾
死可懸吾棺于拂水巖之旁聽其化之風塵度吾
魂長遊此不猶愈乎聞者鼓掌笑之今所埋地去
所欲懸處不遠也在川可起而遊乎在川世爲常
熟人名志字魯狂在川其號生于某年月日享年
若干配某氏子二人長大禮娶郭夫婦俱夭次太
樂娶張繼娶秦二子俱側室徐出孫二人某某俱

卷五

廿三

大禮所遺大樂來告墓期乃叙所知復之以副在
川之屬爲之銘曰 士有豐乎其身而嗇乎其心
嗇者際華轂之遇而居抱琴原之勞亦有嗇乎其
身而豐乎其心胸者坐素瓊之約而致陵王謝之
高曠哉陳子其行囂囂匪富而自克匪貴而自驕
幽花在闌濁酒在瓢室有圖展門無吏敲青天我
仰明月我邀憑江山以寄傲迄蓋棺而逍遙則既
豐乎其享而孰謂嗇乎其遭墓邇西巖風泉玉佩
君其歸矣游竟可招

心泉連先生墓誌銘代

蓋不佞先大夫晚歲結九老社於虞山之下月一
譙集則九人者龐顏古色深衣博帶扶杖以從凡
皆崇樸敦行昔人所謂黃髮可備咨詢者心泉連
先生其一也自予登仕者數年先子旋背棄諸老
漸相繼委謝乃先生頽然獨存歲丙午予解綬歸
故山謂猶得侍先生追論諸老風旨可一想見古
道未幾而先生亦捐館舍矣傷哉先生之冢子某
由選士進爲湖廣之安陸令才績方起計聞奔還

卷五

廿四

則先生已蓋棺兩月以含歛弗及切自痛隕將塋
手述行履就予拜且泣以墓銘請曰幸念世講予
惡能辭按狀連之先北平人後子孫散徙楚蜀間
據近譜謂常熟之連徙自寧都寧都之連則來自
楚之應山蓋先生之五世祖友信以元官備吳占
籍常熟再傳爲諱桓者始有儒聲桓生愷愷生宏
宏生三子先生其季也先生諱某字成性別號心
泉少警敏善屬文銳意進取郡人馮時美氏以弗
子求贅先生甫贅而時美卒馮族有睨其產者先

生恐爲累遂棄而歸時舊業已屬兩兄先生乃自營生計因廢學蹴屋置榻聚生徒教之規條肅然一時多所成就由是士大夫家爭隆幣延先生垂三十年家稍溫裕督子姓淬厲問學期振世業逮今內有可耕之地外有能仕之子皆先生之詒也先生知順理安分無世俗覬覦齷齪之態初鑲以才彥屢躋場屋先生不爲愠曰學期毋墮也及鑲得祿仕先生不爲喜曰官期毋曠也雖居貧無長貲養二外母之無歸者終其身塋姻戚之不能塋

卷五

廿五

者可二十餘喪贖族子之坐成者且給之朝夕先生不爲德曰自是吾事也中歲勢家或以奇禍嫁之黠徒或以產事媒孽之先生不爲動曰於我無作也善楷書巧書者接踵門外性好吟咏遇佳侶則賡哦盡日或繼之燭愛虞山拂水巖之勝踰七旬猶一歲十往先生不爲疲曰於我自適也凡此皆人所難先生豈有養者抑其天性然與先生生於某年月日卒於某年月日享年七十有六配馮氏繼芮氏俱先卒子三人長卽鑲娶某次錦次銘

女二人孫男四孫女五於乎世近衰矣今鄉閭後生多敏姿秀質若可使聞道往往無老成純篤者作之模範卒趨之機慧環捷以相波逐安得如先生者數輩重言慎笑坐之賓筵鎮此靡俗哉是重可傷也系之銘曰 行之篤未華其服我蓄之福子亦有祿子之淑克荷其餽我詒之穀沒亦瞑目天奪老成末學寡刑吁嗟先生耆社無聲虞山自青吁嗟先生

卷五

廿六

吳子子茂墓誌銘

天之道何其微哉常使人茫焉而不可問吾于吳子子茂重感焉子茂承澤於清門歷辛于蚤孤潛思于讀書食勤于作館砥志于行善無一不可取憐者而竟不得壽以死彼行屢弗飭而厚饗永年者何限天可問耶子茂之祖母則余之姑而余之母則子茂之妻之姑世相姻且善也知子茂獨深子茂之墓余容以勿誌哉子茂姓吳諱烈子茂字也家海虞邵巷又與余世同里曾祖仲聲祖奎配

卷五

廿七

余姑爲後于劉姓從焉父縉邑庠生母季氏生二子復吳姓子茂居仲子茂初生失母二齡失父幾不能存余姑抱而有之稍有知恨不識父母念至輒號泣不置既知讀書資苦訥朝夕攻研靡倦弱冠贅余舅氏家余舅氏憫其孤也教養之若子未久又失余舅氏乃歸吳自管叔父山城君兄子奇實共庇焉然竟以屯蹇故孱弱多疾不克以文字振起僅資作館爲生計性方嚴有師模士大夫家競延致禮遇之稍不以禮遇者子茂卽不屑也居

卷五

廿八

動循禮度無嬉褻容方冠整裾儼一儒者思父母逮壯歲彌切微有感卽耿耿淚下子弟以孝思先生稱之事其叔父如父事其兄亦如事叔父最其子必以正子視之如嚴師焉余居與接邇有暇必過子茂或子茂過我商論古今令人失愁且時能規我之闕子茂不特余姻又余良友子茂死余屢亦罕及戶外矣傷哉子茂生于正德丁卯八月十六日卒于嘉靖辛亥八月十九日止四十有五配朱氏于余爲表姊子一人名臺娶錢氏余友進士錢舜臣之妹女一人孫男一人俱幼臺以歲癸丑十二月十八日奉其父柩從山城君附葬于虞山興福原之祖塋夫余姻友中求其居約慎修如子茂者蓋寡意天將憐而福之而所遭乃邇箕範之六極得三四焉豈天以懲善耶且子茂類有所不屑于心者卒之年館于某氏歸則鬱鬱以對其妻子余嘗至再解之入秋病作不可藥矣修短固有數或銜憂亦助之毀也昔人謂作館最奪志噫豈惟奪志哉余重哀而銘之銘曰 辰之不

逢生也哭哭克樹其躬遇之多窮居也冲冲乃速
其終天乎嗚嗚若俱其音豐吾非子茂之恫而誰
恫

卷五

卷五

王子笠洲室龔孺人壙誌銘

清修恭謹之士思得柔惠善承之女爲之婦以滋
培其家慶而無隕其士問每難其人卽或得之而
天奪之年竟以天沒此王子于龔孺人所爲歎歎
而留悲者也孺人裔出呂庄望族父虞谷翁諱某
母桑氏爲檢齋判府之孫桑與王有世誼而孺人
與王子同年生也以是諾爲王子婦年十八歸焉
孺人常誦小學曉大義則口受之于母而生與歸
金溫室也能勤儉自將絕華飾嬉靡之好得之于
虞谷翁者爲多自歸王子王子病瘵羸然憊也孺
人勸之曰汝第遠房闈親師館毋貽二尊人憂王
子如其言病漸却業亦漸起奉姑孫氏敬而加愛
依依然視之若母也姑亦依依然視之若女也與
姆氏聞相睦也依依然若姊妹也王子業稍惰致
舅姑之意諷勉之惇惇然若王子之益友也其於
治絲枲調旨饌供藥餌御童婢無不當王子意者
所謂柔惠善承者非耶孺人少侍母病者二年聞
痛楚聲輒驚積有悸疾觸之悶絕乃甦後乘產弱

卷五

廿九

閭虞谷翁之計一痛幾殞寢劇以卒卒之日姑亦
寢疾掖而就其姑抱之泣曰大人善自愛婦死幸
有兒無庸戚也可不謂賢哉嗟乎俗衰教弛女婦
鮮克知道而休咎之應半亦僂舛宮壺之薄賢而
厚享者何限顧以孺人之賢而不永其年宜王子
之歎歎而留悲也孺人生於某年月日卒於某年
月日年二十有四子三人某聘某氏孺人出某某
聘某氏繼娶范氏出孺人既卒王子舉于鄉登顯
未艾三子皆秀穎天之降休于孺人將在是與孺

卷五

三

人之始後孺人二年卒舅氏山城先生羈于仕金
未葬茲卜以己未十二月辛酉穿穴于祖塋之旁
同日窆焉孺人尚自依依然與姑相從也哉王子
名嘉言別號笠洲山城先生之仲子蓋清修恭謹
之士也手述事狀乞余銘不忍沒孺人之賢亦托
以紓其悲也乎銘曰 婦有良德若秉瑰瑋胡速
之咎方櫝而毀士有良內若紉蘭茝胡益之悲方
佩而解賢乎孺人歿也奚懟子存與存夫貴與貴
百年同穴寃有長慰我作銘詞永賁幽隧

錢少母朱孺人壙誌銘

古稱非嫡母而有子者曰少母蓋重之也曷爲重
之以子故也以子則曷爲重之有子則有後重宗
嗣也然則非重子也重祖也子以祖重母以子重
禮固宜爾也重之則曷爲以少稱別于嫡也稱少
則無嫌于嫡稱母則固母也已朱孺人之爲錢少
母也又非他少母比也孺人者錢子懋中之生母
也懋中之父爲潮州二守濟川公諱兌其嫡母前
有贈安人趙氏繼有封安人華氏皆弗子濟川公

卷五

三

幾不嗣矣得孺人生懋中乃克嗣他人之爲少母
者猶嫡有子也嫡有子則少母分重也嫡皆弗子
而獨有子則少母得專重也若孺人者是也故曰
又非他少母比也孺人父某母某氏生有淑姿濟
川公爲嗣計擇孺人孺人自歸于錢善承華安人
意三十年無忤言既生懋中濟川公加遇孺人孺
人執婦事益虔好奉佛啖素衣帛屏絕腥綺容止
恂恂然姬媵見之咸銷嫉心間呼懋中囑曰汝單
緒也慎讀書自愛濟川公仕歷兩京推官刺道州

遷貳潮州華安人與孺人並從焉居道州華安人
寢病孺人謹事湯藥若女事母華安人卒孺人哭
之哀濟川公方領潮州命孺人率懋中扶觀歸歲
時祭告如禮未幾濟川公謝政還延欸賓客周睦
姻族修治堂宇孺人共經紀之卽華安人在不過
也孺人之卒也濟川公喪之亦如華安人云孺人
生于某年月日卒于某年月日得年若干子一人
卽懋中修文敦禮可徵孺人之教娶趙州守某女
孫女一人濟川公相傳爲武肅後裔世家常熟之

卷五

三二

奚浦余常讀書浦上與公祖父世相善孺人之懿
竊與有聞焉茲歲辛酉濟川公復不祿懋中治墓
于鳳凰山之東原卜某月日奉公柩歸窆以華安
人合孺人祔焉先期余友秋官主事錢子舜臣濟
川公從弟也扣余授孺人狀屬銘其藏懋中復再
拜以請余念孺人繫錢宗嗣之重非他母比也遂
諾而銘之銘曰 王孫隆隆潮州顯顯弗隆其中
實惟孺人之功鳳山崇崇嘉林葱葱並高其封用
康孺人之終子振其賢揚世風我銘其石歸玄宮

孺人之祉永焉其豐

卷五

三二

夏孺人墓誌銘代

夏孺人者光祿寺署丞常熟陳君汝中之配也孺人之母爲武進楊氏與予先太夫人兄弟也予故呼孺人爲姨家妹焉汝中官于京師孺人携一子二女來就祿旅邸予過視之詢其子能讀書女皆諸名室爲之喜乃聞孺人則居常冲冲無歡也間詢之侍者則道孺人之言曰吾自歸于陳未暮年失吾姑又未暮年失吾舅吾舅姑視吾匪婦也若其生女也乃不能一日修婦道以報今子婦皆瞻

卷五

三四

祠禴遠丘隴以希此五斗吾其何歡也予聞之亟賞孺人之賢不置甫歲餘江南烏寇作孺人聞報語汝中曰盍歸乎得無振驚先人之廬墓乎汝中方充裕府侍從日直講筵欲歸不克孺人毅然復携子女歸逮歸以家久無主事叢莫支孺人勉力支且謀婚其子百瘁勞集遂抵病歲戊午十二月某日竟卒明年春計至予過汝中弔之汝中泣不勝曰吾妻代任吾勞乃及此是吾促吾妻也予亦閱其天也而傷之復寬辭慰汝中汝中曰吾安能

忘吾妻也吾父司成琴川翁雖處華貴家御澹然若儒生吾母曾恭人尤秉清約吾妻甫笄來歸即能體二尊人意屏妝服勤晝理饋事夜則篝燈績靡有逸畧吾父善病自謝政還半在寢席吾妻不欲妨吾業也日親侍湯餌迄吾父之終吾伯父中丞虞山翁動以古禮繩其家人凡賓祭供饌必吾妻是委吾母感風疾暴卒孺人哀不欲生所遺服珥盡挈以畀吾弟堯仁之母曰資爾他日婚娶毋忘吾姑也吾父母終事繼巨吾妻共綜畫之無失

卷五

三五

禮吾兄少從伯父異居吾弟尚在襁褓吾妻勸均其業使各無違言吾賴吾妻若此吾安能忘吾妻也予益聞而賢之一日汝中造予手授孺人從兄夏鴻臚範所爲狀再拜請曰公今之元勳大老也一言之錫幽明有寵光焉吾妻將就窆于海虞之山願公賜之墓銘匪以戚誼弗敢請也予不能辭然以內撰無暇稽諸良久予思先太傅與孺人之父東涯公有姻私之雅孺人之亡也予戚然有先太夫人之感焉矧其賢也而可無述乎旣得間乃

閱狀序汝中之言復之孺人生在某年月日享年
僅四十子一欽明聘無錫華補菴孫女女二長諾
翰林院掌院學士嚴養齋子澄次諾鄉進士程栢
山子序孺人之先爲江陰習禮夏氏父諱某仕爲
撫州經歷汝中之先爲常熟市南陳氏伯父諱察
仕至僉都御史父諱察仕至國子祭酒汝中名文
周仕進方未艾蓋能嗣其家者予少游太學嘗出
祭酒公門下于汝中復有世講之誼義又烏得而
辭諸爲之銘曰 予故南甯懷彼桑梓澄江如練
濠梁伊邇孺人是生况我姨子方賞其賢倏閱其
死夫官卿署念爾徽燾屬銘及予戚故之以予聞
海虞水碧山紫孺人歸藏神亦安只賢不獲壽慶
餘麟趾我銘不誣留付女史

卷五

二六

錢明之壙志

嗚呼傷哉吾忍志明之耶明之吾姊之夫也吾父
母生子女四人吾姊適明之者最長吾童時嘗憶
吾父曰阿女英慧當慎屬人吾儒門女不願締紼
綺室得讀書良士乃善爰是吾姊及笄未受聘甫
明之失陸氏耦媒氏以請吾父曰是子蓋力學者
吾問諸其鄰人未嘗輟讀聲也許之乃吾姊遂歸
明之先吾姊未歸吾父遣吾就明之同讀並燈聯
榻若兄弟者吾時或投卷而嬉明之自兀兀如也
明之性沉靜寡言笑吾自童時與游迄今不見其
失辭失容與吾姊處者二十餘年有如賓之風焉
己亥夏吾父患痰療醫謂不臘吾時假讀于錫之
膠山省視或有間明之謂吾姊曰汝弟爲糊口累
汝盍歸事而父乃吾姊歸侍床席自暑徂臘湯藥
盥濯之煩悉吾姊執之以逮瞑目吾姊庶幾所謂
已嫁能孝者人亦以歸賢明之明之苦學善記爲
文詳縝有思自少負雲霄之志然不得一戴儒生
冠人多歎惜焉中歲家落資束脯以養父母雖囊

卷五

二七

無長物而衣履精楚舉止端飭大類有養者往吾
父所謂讀書良士明之非耶乙巳春忽疾作吾日
夕往視謂可卽就痊無何成永訣於乎傷哉吾與
明之不似尋常戚婭之好已也相切磋則朋友相
追隨則兄弟每目念一日得原思之粟當與明之
共之以無忘同讀之雅以報吾姊之孝而明之且
溘然逝矣於乎傷哉今吾姊誓守志明之且有子
雖陸出固吾甥也吾母在堂當使吾姊往來其間
甘苦共之吾之窮達未可知達則當善撫吾甥使
無早失怙之憂若吾姊卽今日亦可使無饑寒也
明之其諒吾心哉明之生于某年月日卒于某年
月日享年僅四十有七姓錢氏諱某明之其字號
梅臺家世業儒祖某爲儒官父某母某氏俱在堂
子一某以卒之年十二月某日葬于虞山北小澗
祖塋側吾哀明之之生而無聞又安忍其死而無
志也爲龔片石志其行畧以掩諸幽并以吾姊之
終身許明之使明之安于泉下也於乎傷哉吾志
之吾弟書之不以煩他人者親之也亦使明之知

卷五

三

志之者書之者皆親之者也而非他人也於乎傷
哉

卷五

三

愛山周君墓誌銘

余友無錫安子子介將經其舅氏愛山周君之墓
手述事狀乞余銘其墓石余自少與安子兄弟結
文字交卽以識君有誠慤剛敏之資好謀勤義絕
不類世俗偷懦憚事隨人唯諾者君亦識余爲甥
之直諒友也動加禮焉蓋相雅善者二十餘年而
君今已矣君名某字某愛山號也其先相傳爲漁
溪元公裔扈宋而南在錫稱著姓曾祖政民祖于
德父襄世有雄貲毋過氏君生爲第三子當家中

卷五

四十一

落髫年與諸兄異爨卽拮据營構克自樹立公私
庶務大小井井人咸以爲材迨余識君時則又以
其餘力料理安事矣安自子介之祖友菊翁起家
至厥考桂坡翁家日裕桂坡翁有遊癖常裹糧結
侶遍歷海內諸名山或踰歲乃歸每一歸則廬增
而高廬增而豐以有君爲之綜畫也君爲人謀必
忠與人有約言必信出內必有度興息必有節鷄
鳴則已盥櫛早餽時則一日之務已就規置當耕
作則率先趨事勸懲靡忒故能內植其家外拓其

姊氏之家性且友愛族戚有弗給周恤無靳伯兄

卒爲之歛葬撫其遺孤加惠其從兄弟亦不異同
毋遇諸子姓或里閭年少必以爲善力勸勗之語
諄諄焉余嘗言曰使世之人皆若周君則男無廢
耕女無廢織百工無廢業百司無廢務天下可幾
而理矣是固宜銘也哉君生于某年月日卒于某
年月日享年六十有一配某氏子男三人某其葬
以歲壬子某月日墓在某山新阡子介語余云先
桂坡翁嘗以田一方廬一區授君曰聊以酬其平
生君固却不受終其身吾尚無以報舅氏吾今相
其諸孤經其葬以爲報并以慰吾毋太宜人念翁
之心子介亦可謂不忘勞矣爲之銘曰 向義之
民昔稱瘠土匪土之故多歷勤苦彼習淫者有原
廬廬修焉瘠毛自詒伊蠱卓哉周君知義而勤勤
于爾家亦勤爾姻甥曰吾舅以佚遺我何以報之
葬欲其妥新封鬱如銘者甥友涓陽之情九原知
否

卷五

四十二

祭王蒼野母子文

於乎人孰無子盡人之子而碌碌焉戶生牖死也
奚貴于子人孰無死盡人之死而泯泯焉草莽木
腐也奚貴于死子如孺人之子爲才吏爲貞臣貽
其親以不朽之光譽曾幾人有是子哉死如令公
之死爲成仁爲取義亦自貽其不朽之光譽曾幾
人有是死哉予常熟爲蘇郡海邑寔當東吳藩屏
邇者島夷騷孽所至摧殘危禍叵測得孺人生我
令公得令公作我父母冠至民憂無城公身當之

卷五

四二

城有城矣民憂無兵公身當之兵有兵矣民憂無
將公身當之將卒之寇獫狁境上公孤將追馳奮敵
而殞萬口籲天號呼莫贖痛忍言乎痛忍言乎今
朝廷爲公贈錄官司爲公哀恤百姓爲公尸祝驕
夷爲公歛戢不獨吾人之頌公有是死將天下後
世稱忠與顏常山張睢陽並不朽焉不獨吾人之
頌孺人有是子將天下後世稱賢與趙苞毋虞潭
毋並不朽焉嗚呼孺人與公皆可以無憾矣某等
與令公共際時艱愧不能效子弟之衛茲得冠裳

衽席于完城之中皆濡人與公之庇猶幸公之死
者墓此生者廬此將藉公之英厲垂庇無極陳辭
酌觴涕泗交下慟非無從亦匪吾私尚饗

卷五

四三

祭沈墨井文 時寓京師

嗟乎人情眩于達觀而膠滯于庸夫孺兒之見謂庭與爲家謂江湖爲客謂登進爲榮謂困忤爲辱謂居聚爲合謂睽携爲離謂形役爲生謂歸盡爲死而不免計較趨避于其間適吾意則歡然以喜拂吾意則戚然以悲噫此豈通于玄化之道而可以語君者耶君有志而不得展有官而不得仕栖栖羈旅奄焉殂歿情誠可哀然以是哀君見同庸孺矣君久已超出情外田廬子女不有其家風塵

卷五

四

伏臘不有其客談詆軒車不有其榮跋扈敝裘不有其辱若非尋常悲喜之所能汨者而吾諸人之遇君于此也同井而離異鄉而合相閔而生相慶而死倏喜倏悲胥若無憑也者而以庸孺之見哀君不亦大惑矣哉達觀乎此者何家何客同逆旅爾何榮何辱同土苴爾何離何合同浪跡爾何生何死同委脫爾其又奚悲喜之足嬰其情耶君櫬將發遊魂在途尚冀君之含喜長歸而不戚戚焉爲遠鄉之悲厲也故以玄化之道語之而不復爲

鄉人故舊之哀亦謂君之近于達而足以語此也君有耿靈尚其鑒之

卷五

四

祭義勇李安文

嗟乎一方有警四方作畏一夫敢死萬夫作氣是以后皇守國猛士實倚頃倭夷之不靖指海虞而肆悖焚掠我村墟虔劉我民庶維我王侯赫然震懟簡精銳以于征乃躬操乎戎器維爾義勇直侯前騎方大衆之未集當醜虜之強駟雖寡與衆之不敵而義與勇之足恃飛弩命中短兵交敵死生未決英烈愈勵蒙血揮刃渠魁忽殪彼廼挫衄死傷相繼悉群以奔爾追不置窮寇轉整卒以受斃

卷五

五十六

嗟嗟義勇天胡不庇方回境上之寇旋作溝中之委嗟嗟義勇不可起矣既有利於生民夫何惜乎一死恨失吞夷死應爲厲諒茲忠耿之魂未作虞城之衛侯念爾功塋爾以禮虞山之原歲應報祭自古孰不有死爾身死而名益著嗟嗟義勇得死所矣

祭陳太母文

吾聞有家之政資藉于女道者居男事之半焉故善澤之勿替而子孫之多賢往往歸諸其母婦之力彼或與謫于井饋或崇侈于釵紉皆足以剪慶而生咎顧惑者未之察耳吾于孺人有徵焉孺人毓自清門來歸我思靜翁翁之宗相繼以科第起家而翁獨不振于文居窮履善以終其身孺人勤儉自將以終其身爲善士之妻而不聞有井饋之嗟釵紉之慕孺人方五十而翁已卽世厥子文藝

卷五

五十七

蔚起宜足以振翁之所未振而復屢進屢躋僅從貢制爲儒官然始終彬彬恂恂成一善士孺人亦勤儉自將以終其身爲善士之母而不聞有井饋之嗟釵紉之慕是孺人所以綿先世之澤而篤後人之慶者若樹基而厚墉矣今厥子之官程未艾而有孫三人崢然龍角燁然鳳毛祖父之所欲振而未竟者茲當駛發而颺起焉可謂其非孺人之力哉某亦未振于孺者而得以弱女妻孺人之孫于孺人有姻婭之誼焉顧某之亡母苦節過于孺

人而若孺人之善處則爲子若孫者竊有望焉而
未之逮也茲于孺人之喪重增欷歔云爾木落寒
原景物妻如孺人之壽考全歸可無憾矣而何以
紆其子孫之戚與其姻婭之情耶索牲陳詞敬酌
一觴尚饗

卷五

四八

築城議

常熟舊稱蘇州北門蓋東西北三面瀕江水寇易
以衝突惟南面與郡城接邇舳舻不絕而東西兩
湖夾于致和塘之旁分洲散渚多所窺伏而竊發
者故蘇之要害常熟爲甚其不可無城明矣國家
承平日久舊有磚城旋至湮廢當道爲吾蘇深長
之慮往嘗議請修復然尋議尋寢有司皆倚衛于
秉鋤之夫百姓皆偷安于荷擔之計匪直以役重
費煩之故也蓋有說焉其一則勢豪之家據爲已

卷五

四九

有廬而爲市則厘之入倍于他市汗而爲田則租
之入倍于他田未見無城之害而厚享無城之利
一聞斯議則所以曲爲撓阻者無所不至矣其二
則貿易駟騶之徒據要津爲壟斷或得之市兒或
賃之豪家皆重樓疊宇蓄妻妾長子孫視爲故業
彼便私圖寧顧公義一聞斯議則所以曲爲撓阻
者無所不至矣其三則鄉居殷富之戶田連阡陌
貨充斥肆有司將興大役而公帑不給未免以佚
道使民或益之丁田或派之夫役或假之船楫或

勸之米粟皆其所預計而恐及之者彼且自成村落自列廛市不圖有城之利而惟計築城之利一聞斯議則所以曲爲撓阻者無所不至矣其四則官府侵漁及奸頑逋負之徒或解運正色之外那移隱蔽以資溫飽或經年積欠之數輾轉延捱以冀遷脫其弊不能悉舉有司以不給之故亦未免取償于此輩匪惟不保其利抑且因此獲譴未見城之完而先見家之破一聞斯議則所以曲爲撓阻者無所不至矣夫此四者皆小人之私心也而

卷五

五

所以得行其撓阻之計則每駕辭于公而使有司之必吾信又每囑其左右以陰致其辭而使有司之不吾覺蓋凡爲有司者孰無愛民之心則重役固所憚也孰無惜財之心則煩費固所憚也有司方懷此二者之憚而小人之辭且首及之已覺其甘而易入矣乃從而蔓其辭曰城一築則怨讟之衆自此開矣城一築則漁獵之謗自此起矣城一築則經久之役將以官淹延此城也城一築則蒞率之勞將以官奔走此城也又從而蔓其辭曰城

加于山將不利于官司也城加于山又將不利于科第也如前之辭若惓惓爲有司之忠臣如後之辭若懇懇爲舉邑之大慮且復乘其易入之隙而投之雖至明哲能勿信者寡矣無惑乎城之尋議而尋寢也然則何如曰小人知爲一身一家謀不知爲一邑一邦謀小人之謀可行于爲身爲家之有司而不可行于爲國爲民之有司一時之重役可憚也而百世之永逸此城實貽之一時之煩費可憚也而百世之長利此城實貽之使有司垂百

卷五

五

世之愛夫然後爲有司之忠臣使舉邑受百世之安夫然後爲舉邑之大慮况城加于山又古人守禦之深計蓋使離山爲城則外崇內卑客兵一至或憑高以窺虛實何以爲蔽或據險以肆攻擊何以爲守雖有城猶無城矣惟築城所以固一邑而據山又所以固一城使爲賢有司者明燭利害之大端屏却撓阻之旁說近監剝床之禍遠圖安堵之休則當道有協濟之策而費可以無憚于煩小民有子來之義而役可以無憚于重矣

邑父母蒼野王侯築城銘辭有序

余聞之城也者盛也所以盛民也夫盛之義大矣日月之無毀也雨暘之無忘也天盛之也山嶽之無騫也河海之無洩也地盛之也民于天地之間安所盛乎大君盛之也民得大君盛之而後奸軌不敢逼瘴癘不敢侵夷狄不敢犯豺虎不敢噬是故盛之弗可以已也雖然民生寔繁矣大君統而盛之守令分而盛之若是則大君者以尊而盛民者也守令者以親而盛民者也盛之道庶幾其盡

卷五

五二

矣而又奚賴於城君子曰城之取義于盛也衰世之意也黃虞之世天下爲公民仰盛于君焉爾降而以其仰盛于君者仰之守令又降而以其仰盛于守令者仰之城蓋民之所庇藉者日薄而所以盛之者日詳故曰衰世之意也雖然城以盛民亦君子之所不廢也易曰王公設險以守其國盛民之謂也有家者保愛其子弟而將寘之安也爲之襁褓帷席以寢處之爲之垣舍塾序以居游之凡皆以盛之也守令之親其民若子弟也則爲之城

卷五

五三

郭溝池重門擊柝以豫其盛之之具者固有家之襁褓帷席垣舍塾序也故盛之道不容不詳也我常熟爲蘓吳北鎬邑舊有城沿革代異入我朝禮教脩明江野清謐民之仰盛者尊之有大君親之有守令二百年來城廢不講謂盛民者無賴是矣邇以島寇爲孽騷我海疆邑之生靈以百萬計岌岌焉有朝夕之危議者僉曰匪城之曷盛也邑之令長東陽王侯有長城之畧民咸仰盛之矣侯且曰匪城則盛有遺責也乃即奮敏興事戒期庀工鳩民飭材費出于公裁不歛而具力協于衆同不勞而集甬半載隆城屹如明年寇至井邑弗改四郊如歸一時之民咸相慶忭以得盛爲幸而侯之功其何以忘諸余謂昔人德善勞烈不可護忘者皆有銘辭托之山川燕然截海之勲武岡黔巫之績至今覽者在目誦者在口雖欲忘諸烏得而忘諸若侯之功頌美而揚休者衆矣恐未有以識久遠繫恩思也爰叙述其所以盛民者而著之銘辭使民未末無忘其子子孫孫亦未末無忘適

諸生某輩皆仰盛于侯者也將有言以贈侯文
于余余乃授而獻之其辭曰天列恒象盛之者天
乃有天街亦有天關地布恒形盛之者地乃有地
維亦有地綿繫我民生咸有恒性盛者伊誰尊親
有定既作之君寔縣之命君之所分載寄之令令
之盛民如父鞠子愁風慮靈衛以屏衆乃鑿深池
乃築堅壘盛之既詳民以咸救自古虞邦有城復
隍江有猋猋其曷之防際茲王侯折衝孔良百堵
遄作千堞用張荷甲登陴山寧海宴民盛其中遙
隔烽燹不有我城我民曷盛不有我侯我城曷興
我侯我城祗我席我我子我孫世世其安天翼
皇圖盤石之安令侯之功旂標鼎刊我作銘辭傳
之衆口口碑匪石永也弗朽

卷五

五四

築城破土告神文

某等謹致告于神曰設險保國王公首圖邑有堅
城捍衛寔賴矧茲海邦水寇所睨城圯不治半蝕
于豪邇者島夷爲孽四郊震驚欲守無憑禍變叵
測乃從當道之議輿人之情鳩工飭材仍舊修復
民社之命今懸于城興此福利明神是仰敬蠲吉
期板築伊始陳牲祥方用伸告薦神其默垂靈祐
陰陽協相使羣工競懽百堵旋集國賦民生永底
綏定凡我有司藉亦永有助譽其有蒞茲役者便
適私圖梗尼公役讒訛瞽衆偷慢稽務我有司固
有常刑亦惟神明降之罰焉

卷五

五五

蒼野王公公誄詞有序

嘉靖乙卯夏五月某日常熟令尹東陽王公鈇以抗賊死於平哀哉我江南自皇祖定亂之後承平將二百載吏不識寇邑無重門民不識兵家無制挺除茲康時厚生全年者比比而是矣矧我蘇熟昔稱樂區俗本弦歌之遺產多農桑之美地有山湖之勝野無烽埃之警仕者將擇而就焉於平哀哉胡公之所遭獨爾耶公以英毅之資清敏之識敢直之氣廉勵之節令茲三稔政通民安名位

卷五

五十六

所臻未有涯浹者島夷寇吳而邑以瀕江寇用爲徑公曰茲邑不守則蘇常危矣蘇常有警則金陵震矣是非細故乃奮然以捍禦爲已任邑城久廢銳意修復適寇擁衆攻圍公被甲登墉手發勁矢斃其酋首計遣民兵屢奏俘獲自是寇相戒不犯境一日寇從無錫取道入海舟檣逼城下公循城捍之矢石交發寇退伏尚湖明晨公集湖艘親督民兵勦之寇已宵竄公躡而往夾岸伏發我兵衝潰遂戰以死嗚呼哀哉公欲銷我東南之害而

不欲自擇其利公欲保我百萬之生而不欲自愛其死匪公冒進蓋志烈而籌定矣若門庭有寇而猶思據妻子擁貲帛者非公心所甘也嗚呼哀哉公有趙苞之母而不貽城下之辱公多向平之累而不爲身後之戀民社之咎慷慨當之使公閉關自完堅壘勿進又孰謂公懦哉而寇將易我爲禍叵測語云一日縱敵數世之患公之慮深且長矣儒臣不怯兵長令不惜死使驕寇寒膽焉公之爲陣也豈其微哉於乎哀哉昔令于茲夜不掩關公

卷五

五十七

令于茲烽燹達旦昔令于茲細旃廣廈公令于茲枕戈野宿昔令于茲尊榮安富公令于茲憂危食貧昔令于茲薄勞而福公令于茲勤事而禍嗚呼哀哉胡公之所遭獨爾耶公之死也有爵者哭于位無爵者哭于野傳之海宇則天下哭之垂之簡史則後世哭之哀由憤激情緣義感雖欲勿哭烏得而勿哭也然而國有勲銘朝有賚典邑有名祠野有祈薦哭公者無盡而報公者亦無盡也公雖死而有不死者與山川流峙與日月昭明矣古來

忠孝義烈之士綴辭者未之或遺舉人志賁父之
節晉策紀汧督之貞咸有述言抒其哀思矧公以
生勤我以死庇我者哉陳我積悲著之誄詞詞曰
猗歟王公胄起東陽天錫鈇鑕公乃降祥天意若
曰爾文亦武肅將明威靖我倉庾乃授天子登之
俊良寄之民牧輯我南邦繫我海邦江左之戶鑰
以三吳邊海之故皇祀二百海波不揚吳壤雄賦
甲於九方蠡彼島夷遐隔海外海政滋弊毒起蜂
蠆重臣司防乃或激之狼心狡情突焉四馳乃乘

卷五

五八

狂瀾騷我江路我蘇我松惟此荼苦民命若菅室
廬盡灰海邦靡城累卵之危危將安扶王公是仰
三月隆城屹立海上乃寇奄至謂城可攻城嚴矢
迅寇奔如風載殲其魁載翦其翼寇曰王令勇哉
勿逼三歲伏戎吳郊半墟我池我溝肆言長驅莫
匪吾民莫匪吾壤公赫斯怒寇往亦往氣在身先
無敵于前滅此朝食公曰固然公氣則長胡數之
短伏起郊塹弓不及滿寇且遮公公猶奮呼寧進
而死退也非夫柔服揭竿潰之圍外如隼方擊翼

孤而綴天平何仇播茲閔內喪我考妣腸裂我衷
傳訃城闔悲號罷市公來城成城在公死公死伊
何死爲民人死爲社稷遑恤乃身是曰死忠是曰
死義樹之風聲偷懦增氣報之天子曰我貞臣一
方之障百世之勲紀之彙常崇之廟食公死者形
公譽無極公魄未寒公神若生介冑復公膏血尚
腥知公英爽耿耿作厲一寇未殲而目猶視海邦
自今豈恃堅墉無形之墉永也恃公恃公何窮江
南底靖滄海波澄皇圖天定立功不朽丈夫所期

卷五

五九

作辭誄公痛者吾私於乎哀哉

北虞先生遺文卷之六

吳郡海虞邵圭索何如甫著

孫樓

邑門人 錢之選 全輯

鄒泉

仲子 鏊校孫與游錄

破虜露布

臣聞春生秋殺玄天合陰陽以成化功內夏外夷聖人兼德威以寧方國五材並用誰能去兵九伐

卷六

惟明由茲立政田有禽而利執苞既藥其容滋古稱一怒而安今見六師之烈恭惟皇上聰明神聖溥博淵泉文命光乎百王德教溢乎四海天地以位民物咸亨寢兵革者廿載于茲執玉帛者萬國而是蠡茲俺沓阿不孩自遺覆載孤奉照臨醜德無厭兇謀匪茹連結諸酋之衆憑陵上國之疆爰自去秋謬言求貢望龍城而羶腥馳突入鴈塞而殄祿披猖既犯太原直擾平定焚劫我郊保虔劉我民人始以干羽之仁包荒聖澤終也豺狼之

卷六

二

性背惠王猷乃復今年益張前懸長驅澤潞分覬平陽蝌斗連營毒漬武威之曲蜂螟結陣妖纏寶沈之虛血漲川原屍盈草野神人共憤宇宙難容天啓聖人之衷神開王者之畧簡將錫命誓衆但征兵應而勝筭以成師直而壯猷斯在我旅未分于後勁虜志已奪于先聲臣等奉王命之下臨奉天討而西邁率先有衆直指元兇咸不介以夜馳欲姑滅乃朝食九天風雨遙寒徽猷之心萬竈貔貅立繫單于之頸某月某日某時臣某等遇虜于某地使某官某等賞勇先鳴羣胡不駭使某官某等乘機倚角雜虜星分大酋等勢料必窮計難反顧弁心一力殊死堅持已乃退保某岡前阻某水使某等東趨某地某官某等北據某地度其乏食而奔急何能擇期在夾攻以盡子不使遺某日某時某官遮擊于某地戰凡數合力尚滯于排雲某日某時某官逐北于某地潰不能軍功遂成于破竹釜中已見魚魂之迫車左仍爲螳臂之張某日某時于某地集假息之餘微借一之獲困獸猶關

難草懷滋某官某等乘馬志之猶騰因士怒之未
澤如防始接益振成謀乍佯卻以致其勞遂鼓行
而收其怠情然霆擊廓若煙消卽駝兒以犒戎行
封鯨鯢而爲京觀瓊裘山委戈胄林摧隻輪匹馬
無返于漠南北邑連州大慰于山右三軍愷躍萬
姓謹譁莫不舉手加額共效呼嵩雖復簞食壺漿
敢煩安堵挽搶滅焰河朔澄氛一舉而四海永清
百世而九夷咸服周家六月之師徒稱薄伐商室
三年之克不數奇功此皆仰賴 陛下神武無方

卷六

三

聖謀克斷偏裨用命士卒同心是以克奏膚功式
寫明祐臣某等不勝鼓舞慶忭之至謹露布以聞

重修香山寺募緣疏

觀夫捨宅開山昔賢綽有恢度營家畜施今人並
生鄙心卽我吳中所適增感靈巖之廊榭安在井
痕漸沒于荒苔破山之花木無多潭影半消于落
葉名題未泯往蹟俱淪淨業薜蘿道場沙磧吁可
慨已江陰之東與我常熟接壤其地有三界山山
有香山寺宋建炎中之勅祠也山茶一株與寺同
臘翠覆七樓紅敷萬萼品花者以爲江南珍卉而
寺得此花增雄麗焉邇以歲月彌久鳥鼠滋厄佛

卷六

四

宇飄毀花亦愁悴有僧通泉自虞山龍峰來承此
衣鉢早夜疚心矢志興復而花之旁枝遂葱然競
發爲此寺再興之徵因請疏于余余于茲山遠不
二舍而足未一登恐貽名花之笑疏奚容辭夫山
以寺重寺以花重若其檀樾弗振布地靡金寺趨
于廢雖有此花如無此花矣若其普門有獻鎮山
得帶寺復于興未見此花如見此花矣自來撮土
捨施亦建齊山功德矧茲結緣勝宇修果叢林衆
共發光明心所有此樹卽是菩提樹人盡生方便

念所有此花卽是智慧花紺園寶地誰其併力而
營布襪青鞋我欲從此而始靈根不恨其遭地主
克勤其護夫皆斯舉是賴乎爲之贊曰 孰山無
寺孰寺無花此寺此花迥出恒沙五百年來有花
有寺寺興花榮寺廢花瘁花瘁轉榮寺廢轉興豈
曰偶然若有靈憑或相之興當降之福謂佛冥冥
請以花卜勸爾衆士共締良緣布金地上種玉花
前此花長護此寺長在我作疏辭并告來代

卷六

五

普陀巖疏

吾蘇茶磨山之陽石湖之上有普陀巖者倚巖爲
殿跨澗爲梁自宋治平間肖觀音大士于其內山
中塵遠此巖爲清淨法門湖上月生此巖是光明
世界蓋東吳之幽勝外教之精廬也僧臘幾銷檀
那弗繼雖巖巒不毀而殿材告瘁矣佛徒永傳將
嗣新之請題衡山乞疏酉室再以扣我願助一言
余謂汝不募財之亟而募言之再豈以余爲布金
種王者之先驅耶苟靈山未傾燃燈無盡移此二
老名言告彼十方長者當在在見莊嚴相人人發
歡喜心矣其何假于余言也試持鉢以往

卷六

六

福山大慈閣疏贊

新暑燕居門外徵租者隼擊而蜩沸有僧租燈乃扣門來請予作疏將巧諸好施者修復大慈閣余問得金幾何僧以千對余曰迂哉方今官租如櫛民苦繁刑不得不破廬鬻子以供佛主慈悲僧復卑弱無督責無規限而欲持一鉢以要千金之需可不謂迂哉僧曰不然輸官是苦惱障捨佛是歡喜緣要除苦惱障者自作苦惱業要結歡喜緣者自發歡喜心強人作苦惱業者一粟須彌勸人發歡喜心者千金芥子勢以事遂幸贊厥成予不能辭爲之贊曰 福山大慈砥峙海浪天作阨圉地湧蓮藏南國招提雄綺茲讓菩薩茶毗紺琳悉蕩緇徒疚心火出頂上願恢道場再現色相布地摩金檀栴是仰鉅棟浮濤勝果神倡大衆皈依莊嚴可望闍梨証明人天供養善門不二功德無量燈攜法鉢中有龍象我作贊辭普告施長結歡喜緣破苦惱障他日共登極樂方丈

卷六

七

方竹杖銘

爾形則孤爾德誰似內虛外方允矣君子畏途曉巖倚爾伏爾時行與行時止與止若立之監若佐之史風節愈堅繩矩弗靡彼規而漆曾曷知此

卷六

三星祠疏贊

虞山之崖洞開玄門堂設三元神教所尊繫堂之
崇學自有宋清泉嘉樹登者稱重今重益增匪地
之以魁文肇祀元卿繼起堂所依藉虞仲吳公賢
靈是棲庥福乃鍾紺宮綺宇往往而有誰似斯堂
肝蠻如授彼道者流謂神可徵將拓新祠載蕤荔
蕉中肖福星左祿右壽獲者斯報求者斯扣請詞
于余募結勝緣學士有疏既詳且虔余考緯徵福
本天與司祿司壽三台實主是豈有神矧以像求
或以勸俗以禱以修協以地靈羞以誠敬清磬空
山何往弗應顧茲三者衆情所貪神能昇之何費
弗甘願爾萬鐘寧惜金石願爾千歲寧靳璵璧道
人持疏請種福田後有明賜念我贊言

卷六

九

清明上河圖跋

昔韓吏部所記畫亦趙侍御摹本韓甚珍惜之趙
亦以亡去爲戚蓋如其可傳卽摹者與作者等耳
畫自晉唐已多名家至宋尤工道君最留意繪事
宣和中選神品入秘府後亦流散人間予從好事
家獲見一二尤切慕清明上河圖傳在旁邑乃無
緣一賞之今原本竟入潭室得見吾師東洲翁所
購仇氏摹本精入毛髮巧窮心腑氣韻生動真若
以燈取影雖謂之作者信矣後安知不與張蹟並
傳也哉觀者尚相與珍之

卷六

十

張仙贊

有偉丈夫洵美且武志在四方曲張與伍用九爲
矢巧絕神拏獲匪鳬鷺亦匪兇虎維熊維羆我食
其脯生秉精烈歿有靈怙誰其尸之薦我尊俎我
將爾報錫爾純嘏純嘏維何昌爾胤祚予以續爾
孫以繩祖震索之祥不假夢所惟神是司功德何
普永綏吉士香火千古

卷六

十一

百世可知

天下之勢道以管之數以紀之易以著之聖人以
通之惟有道也故因革不變惟有數也故消息盈
虛若循環然易則主之以不變之道參之以循環
之數往往來來潛天潛地而所以神而明之者則
惟聖人故曰聖人通乎晝夜之道而知古今大晝
夜也誰始誰終與聖人通其視百世一瞬耳而奚
不可知之有嘗考諸易之說矣自震而乾進而得
其已生之卦爲數往自巽而坤退而得其未生之

卷六

十一

卦爲知來數往者順知來者逆聖人作易憂後世
之惑於勢而重爲道病也故曰易逆數也往則藏
之來則知之聖人意也聖人曰我將以道維天下
之勢也我將以數存天下之道也我將以易稽天
下之數也我將以心會天下之易也是故垂之百
世勢常勢變無不可知也何也緊其常也聖人不
能違時時亦不能違聖人無弗合也無弗信也緊
其變也聖人不能違平時時自違乎聖人合也信
也弗合也猶信也蓋聖人固守其不變者以昭後

世而其消其息其盈其虛要亦在吾範圍中也是故三綱以倫之也五常以性之也此以因爲常也一世然也百世然也子丑寅建也文質忠異尚也素青赤異色也德富親異貴也庠序校異教也咸英韶獲大夏大武異樂也此以革爲常也一世然也百世然也各親其親也各子其子也償力爲已也大人世及以爲禮也城郭溝池以爲固也此變而常者此以循爲常也一世然也百世然也結繩之廢而法律也又狡焉而舞弄也羽皮之廢而

卷六

十三

綺紈也又縱焉而袒裼也汗樽杯飲之廢而簞盥也又放焉而流歆也簣桴土鼓之廢而絲竹也又淫焉而鄭衛也講信修睦之廢而詛盟也又傾危焉而交質子也此變而變者以愈趨愈下爲常也一世然也百世然也凡此無弗合也無弗信也他若周之後之必秦也秦之相之必商鞅李斯也井田之必阡陌也封建之必郡縣也儒之必坑也書之必火也聖人不敢知也然而嘆商周之道之弊也若知其必秦必阡陌必郡縣也然而豫壁中之

經之藏也若知其必秦必坑必火也使聖人而果知也亦無弗合也無弗信也使聖人而不知也亦變之極也出於聖人所知之外也弗合也猶信也卽此觀之天地苟未至於閉且塞也聖人達知焉人物苟未至於消且盡也聖人達知焉而況百世乎哉故曰聖人者通乎易者也易者盡乎勢者也天下後世一日有易則一日有道與數一日有道與數則一日有聖人之知是故易也者聖人所以出入造化者也聖人所以進退古今者也曰通乎

卷六

十四

晝夜之道而知者謂其預諸往古俟諸來今以古今爲晝夜也謂其潛天而天潛地而地以天地爲晝夜也噫斯其謂聖人之知來也雖然聖人以前自震而乾之易也於時爲旣往於卦爲已生於象爲陽進於道爲君子聖人以後自巽而坤之易也於時爲將來於卦爲未生於象爲陰進於道爲小人是故今之愈不古若也聖人之所知也亦聖人之所憂也故曰作易者其有憂患乎

太極在先天範圍之內

天下之道不可以象求也以象求道道局于象而有所不該以言求象象滯于言而有所不盡嗟夫古之聖賢本以天下之道不著而以象該天下之道本以天下之道不詳而以言盡天下之象卒之象立言設而反有所不該不盡則聖賢之意於是乎窮雖然聖賢固非騁奇眩異苟爲制作以駭天下也其始之爲象也固謂其足以該道也其繼之爲言也固謂其足以盡象也象有不該之道而言

卷六

十五

有不盡之象是在君子神明而默識之乃知天下之道要不可無聖賢之象而天下之象要不可無聖賢之言先天之圖伏羲氏之象也太極之圖與說周子之言也天下無異道則無異象無異象則無異言奮乎千百世之上而常符乎千百世之下奮乎千百世之下而常符乎千百世之上是先天之與太極也豈可以先後大小而區別之然以謂太極在先天範圍之內者何也天下之道太極而已矣太極之動靜陰陽而已矣陰陽之變合五行

而已矣五行之化生男女善惡萬事萬物而已矣聖人愚人君子小人之別動靜修違吉凶之間而已矣而太極圖者爲數言以括之而未始遺也則夫先天雖上古聖人之作寧能有加於周子之書六十四卦三百八十四爻周旋布列寧有出於太極五行男女善惡萬事萬物君子小人之外而曰範圍焉者於乎是非以不該不盡爲周子病獨謂周子之未離乎言也未離乎言則固不若先天籠統苞括淵渾渾淪于忘言之天也蓋聖賢之始爲

卷六

十六

說於天下固謂其可以盡象而該道而明言以振斯世之愚瞶孰知夫象之所不該者象不能盡而言之所不盡者非言所能喻也上古之初文字未立易之道渾渾焉流行於天地之間俯仰遠近巨細高卑往來升降浮沉飛潛有目者皆得之而爲象天下未嘗有易而爲易者未嘗亡迨伏羲皇有作始爲先天之圖天下之道一切寓之於方圓奇耦之中如明鏡設而妍媸形淵水澄而毛髮燭然而失之者猶不免於徇象之病則天下固以恨其

未能歸於無象之天而孰謂其生於聖遠言湮之後建圖屬書曉曉然指其何者爲太極爲陰陽爲五行爲男女善惡萬事萬物爲聖人愚人君子小人其言如此之詳也而可同於無言之教耶故曰圖雖無文終日言之而不盡也噫唯其無文故言之而不盡而言之可盡者有文故也故自先天之易義皇未嘗一言以告天下而千古聖人紛紛有作舉莫出其範圍以艮爲首夏之連山也而不能易先天之艮也以坤爲首商之歸藏也而不能

卷六

七

易先天之坤也取八卦而更置之周之周易也而不能易先天之八卦也暢皇極而演大法而有取夫表裏之說觀璿璣以察時變而有取夫順逆之數以經法天而必始于文字之祖備物制用立成器以爲天下利而必尚夫十三卦之象未始爲聲音也而言律呂者推之未始爲曆象也而言十二辰十六位三千六百年者推之未始爲日月星辰水土木石也而言天地之體用者推之未始爲寒暑晝夜雨風露雷也而言天地之變化者推之未

始爲性情形體飛走草木也而言萬物之感應者推之未始爲皇帝王伯易詩書春秋也而言聖賢之事業者推之形器已具而其理無朕則太極之立也剛柔相摩八卦相盪則動靜之機也乾兌離震居左而爲天卦巽坎艮坤居右而爲地卦所以分陰陽而立兩儀也乾坤已亥天地之戶陰陽所以互藏其宅也否泰寅申人鬼之方天地相交生生之所以不息也以消長求之而動靜見以淑慝求之而聖人愚人君子小人分先天未嘗言太極

卷六

六

也而太極無所不該太極言太極也則亦太極之說耳是故無言者不假言以傳而有以盡天下所不言有言者待言以明而不能使天下盡喻于聖賢之言則豈非存乎其人哉蓋自羲皇而下所以敷演先天之說者愈詳而卒不能自爲一說自立一義以出於六十四卦之外故曰先天者太極之範圍也雖然有先天則太極可以無作而周子豈若斯之贅也蓋天下不知道聖賢不得不托於象天下不知象聖賢不得不詳於言於是始推天地

之秘以洩之自文王已不能無言而易有太極孔子亦不能自默於韋編三絕之餘矣大享尚玄酒而薄酒之用也食先黍稷而稻粱之飯也祭饗先大羹而庶羞之飽也嗚呼亦其勢之所趨也

卷六

十九

三十六官都是春

天地之道盡於陰陽矣陰陽之道盡於易矣易者生生而不已者也夫惟其生生而不已也是故卦氣之流行也卦位之消長也陽生而極極而生陰陰生而極極而生陽陽得陰而固陰得陽而舒相爲之動靜相爲之往來相爲之屈伸而太極之理默運於其中而莫有紀極焉此萬化之所由出也是故觀萬化之充塞則天地之間何莫而非易道之流行也哉嗟乎此邵子窮姤復之妙而知三十

卷六

二十

六官都是春也蓋嘗觀孔子之繫易曰一陰一陽之謂道由是知陰陽之理統於八卦矣盡於六十四卦矣而邵子論易獨取諸姤復獨言三十六官何歟噫有說矣夫天地之道獨陽不成得陰而後成獨陰不生得陽而後生此生成相須之妙也陽常舒則造化散而不聚故陰長而陽消消以藏其長之機也陰常凝則造化闔而不開故陽長而陰消消以藏其長之機也此消長相禪之妙也陽長而不以其漸則造化驟發而不遠故陽漸往而陰

來陰長而不以其漸則造化驟閉而不固故陰漸往而陽來此往來漸次之妙也噫孰主張是其太極之理乎是故陰長而至於坤則陰極矣然而陽無終窮之理也是故陽交於坤之初而一陽生焉是之謂復復者大根也陽長而至於乾則陽極矣然而陰無終窮之理也是故陰交於乾之初而一陰生焉是之謂姤姤者月窟也夫復六官也由復而生臨臨生泰泰生大壯大壯生夬夬生乾每卦六官合之爲三十六官而陽道盈矣此固天根之

卷六

廿一

至是則陽不常舒陰不常凝而消長之妙禪代於三十六官矣至是則陰陽以漸而來以漸而往而終始之妙次第於三十六官矣然陰陽不同氣亦不同用而皆謂之春者何哉蓋春也者言乎其生也陽之舒固生之著也陰之慘亦生之伏也是故謂之根者語生意之萌芽於此也太極之通也謂之窟者語生意之潛蓄於此也太極之復也復之彖曰復其見天地之心乎言復之生生也姤之彖曰天地相遇品物咸章言姤之生生也是故復在子之半陽生於冬至也進於臨則在卯中也於泰則在巳初也於大壯於夬則在午初也至於乾則在午之中而陽極矣夫陽來於冬至而歷春歷夏以漸而往焉非春之在陽官者乎姤在午之中陰生於夏至也進於遯則在酉中也於否則在亥初也於觀於剝則在子初也至於坤則在子之中而陰極矣夫陰來於夏至而歷秋歷冬以漸而往焉非春之在陰官者乎夫惟三十六官之妙循環而不窮也是故其動靜屈伸之機有昭著於萬化而

卷六

廿二

不容掩者焉吾觀於四時矣其所以爲生長爲收藏者皆由此以爲之運旋也吾觀於七政矣其所以爲晦朔弦望爲次舍躔度者皆由此以爲之盈縮也吾觀於雨風露雷矣其所以爲潤澤爲鼓舞者皆由此以爲之感遇也吾觀於鳥獸昆虫草木矣其所以爲滋息潛蟄爲榮謝聚散者皆由此以爲之變化也變化者由此此鳥獸昆虫草木之所以咸若而春行於庶類焉感遇者由此此雨風露雷之所以順序而春行於法象焉盈縮者由此此

卷六

廿三

日月五星之所以得其度而春行於七政焉運旋者由此此春夏秋冬之所以得其信而春行於四時焉噫三十六宮之理其流行於兩間者寧有止息也哉雖然邵子之學先天之學也是故觀復之生生而至於乾卽先天之自震而乾也其數往而順也一也觀姤之生生而至於坤卽先天之自巽而坤也其知來而逆也一也吾於邵子而得圓圖之妙矣觀姤復之進而爲三十六宮卽先天之乾一兌二離三震四巽五坎六艮七坤八亦合之爲

三十六宮也吾於邵子而得橫圖之妙矣陰陽之理奇耦之數縱橫之象動靜往來屈伸之機邵子雖不出先天之範圍而謂伏羲先得邵子之心可也謂邵子能發伏羲之蘊亦可也大哉聖賢之心法乎嗚呼易道運於天地而統於吾人者也然則人之用易也當何如嘗觀朱子之贊邵子曰手攀月窟足躡天根則知邵子以一心會太極之理而身之所之莫非易矣是故君子於此亦能以心會易而其靜也爲姤之陰也其動也爲復之陽也復

卷六

廿四

道會於我由是而進焉則其化而裁之也爲臨之教思容保爲泰之財成輔相爲大壯之非禮弗履爲夬之居德則忌爲乾之自強不息而順動之道大矣姤道會於我由是而進焉則其默而成之也爲遯之遠小人爲否之儉德避難爲觀之省方設教爲剝之厚下安宅爲坤之厚德載物而主靜之道大矣噫至是則三十六宮之精微其不爲吾心吾身之易也哉雖然陽之在人爲君道也父道也夫道也君子與中國之道也陰之在人爲臣道也

子道也婦道也小人與夷狄之道也陽盛則治陰盛則亂是故君子之用易又有扶陽抑陰之義焉嘗觀復之象曰雷在地中復先王以至日閉關蓋以陽微而靜養之以求其盛也姤之初六曰係於金柅貞吉蓋以微陰之將盛故止之使不得進也吾於是而見先王之扶陽抑陰矣嗟乎使此義行而天地之事陽道常饒陰道常乏則臣不犯君子不賊父婦不乘夫小人不凌君子夷狄不侵中國而天下常治矣此固邵子意也亦君子用易之權

衡也

卷六

廿五

舜申生曾參伯奇之孝何如

論曰人知所以事親則知所以事天矣事親吾分也其得于親其不得于親吾不敢必也事天吾責也其得于天其不得于天吾不敢必也然則何如曰其得者吾幸也吾思有以副之其不得者吾命吾亦不得而逃之是故善事親者或能化乎親或無辱乎親或不拂乎親其分量不同要之皆孝子也善事天者或能贊乎天或無愧乎天或不違乎天其分量不同要之皆仁人也是故事親者得則爲舜爲曾參不得則爲申生爲伯奇知此則知所以事天矣蓋嘗言之天下有聖人之孝有賢人之孝有君子之孝聖人之孝調元贊化賢人之孝履道服義君子之孝約志循矩調元贊化者其功大以人而成天者也履道服義者其行修盡人以合天者也約志循矩者其守固役人以從天者也以人而成天微舜吾誰與歸盡人以合天參也其戾乎役人以從天則爲申生伯奇而已矣是何也吾親者人子之天也舜之二親匪頑則臨難事孰甚

卷六

廿六

焉無幾而焚廩者底豫揜井者允若舜初不見其難事而二親亦莫覺其見化于子也吾于此見調元贊化之道焉參之事親則養志以康之樹德以孚之三至而慈母之杼不投將死而大夫之簣必易所謂全而歸之者是也吾於此見履道服義之學焉若彼二子者噫嘻其可悲矣獻公非驪姬則食弗飽居弗寧而毒親之毀則業起於姬吾與其暴之而傷親之心寧啻冤而自斃也履霜之逐吉甫誠誤矣編荷之寒採葶之饑其何辜以當之而

卷六

廿七

亦不明其心以死至今誦其援琴之歌猶足使人于邑蓋不得乎親不可以爲人不順乎親不可以爲子二子之見有自也吾于此見約志循矩之方焉是故親同也而得不得異焉者其遭際然也孝同也而聖人而賢人而君子異焉者其分量然也然而古今亦有遺論矣舜上也粹乎無以議爲也參也亞于舜矣傳以耘瓜被擊云者未合于太杖則走之義幾累其親此其有無未可知然亦一時之值爾也申生伯奇之死得非可以無死者乎

竊嘗與讐之矣讒誣之禍不可長也父子之愛不可解也或進而自明開吾親之惑吾親苟信則徐銷其隙毋累後毋毋殃寵姬策之上也或退而遠害勿傷親心棲之隱地以需天定則黃泉之誓終亦可釋否亦可以緩死策之次也苟惟曰吾親不可逃也而不如縊諸國投諸河之爲安也則成吾身順親之名而貽吾親以信讒之名溺寵姬之名殺子之名所愛者小而所傷者大於乎其可哉使舜如二子則灰于廩久矣泥于井久矣使參如二子

卷六

廿八

則啟予足難矣啟予手難矣此策之下也而惜乎二子之見止于此也是故以人成天者其功大大不可爲也盡人合天者其行修修之者吉也役人從天者其守固固則不免爲無權而已矣雖然張子之並舉于西銘者皆取之也舜曾者道其常也申生伯奇者道其變也得于親而爲常則爲舜之底豫爲參之歸全可也不得于親而爲變則爲申生之待烹爲伯奇之順令亦可也要皆所以爲善事親也皆所以爲善事親則皆所以爲善事天也

是故仁人之事天也其陰陽和風雨時甘露降醴泉出九夷朝四靈至者是皆舜之底豫也是皆所以爲人而成天者也其明歷象定禮樂同律度秩典彛端百體阜庶物者是皆參之歸全也是皆所以盡人而合天者也其安順逆俟天壽聽吉凶其禍福隨險易決死生者是皆申生之待烹也伯奇之順令也是皆所以役人而從天者也是故其得乎天也所以厚我生也吾幸也其不得乎天也所以王于成也吾亦未爲不幸也然則善事親者

卷六

廿九

得亦行吾孝不得亦行吾孝故或能化乎親或不能化乎親或不拂乎親均之可以言孝子也善事天者得亦盡吾仁不得亦盡吾仁故或能贊乎天或不能贊乎天或不違乎天均之可以言仁人也蓋隨其分量舉其職業素其居位畢其心志小之而無忝于父母者此也大之而無忝于乾坤者此也故曰知所以事親則知所以事天矣

倒戈叩馬之心何以不同

天下有衆人之公論有君子之正論其用意若不相謀而折衷之聖人則兩存而不廢何也天下有好惡之情而衆人之論必歸焉論歸於情則將求以遂天下之大欲而惟恐一日之弗得也其用意也常寬天下有順逆之理而君子之論必歸焉論歸於理則將思以存天下之大閑而惟恐一日之或渝也其用意也常嚴然衆人之論寬矣而實不失爲公也君子之論嚴矣而實不詭於正也而聖

卷六

三十

人也者既不能拂天下之情而好惡之趨不得不聽之於衆人又不能棄天下之理而順逆之辨不得不聽之於君子而天下有公論有正論於是乎兩存而不廢知此可以例論倒戈叩馬之心矣昔者武王之伐紂也陳師商郊俟天休命當時若林之衆皆倒戈以納武王而夷齊二子則有叩馬之諫旣而倒戈者皆相安於垂拱之治而叩馬者則耻爲之臣而甘窮餓以死此其心何以異哉蓋倒戈者之心歸之於好惡之情而惟恐一日之無武

主也則衆人之公論也扣馬者之心歸之於順逆之理而惟恐一日有武王也則君子之正論也夫君臣之分天下誰不知之斯民苦紂之虐極矣則好生惡死之情足以奪其舊君之懷而思以赴其所大欲者恒汲汲也故其用意於君臣之際不得不寬然其間亦有以理自徇萬一其君之或悔生死不以爲意而思以存天下之大關者恒汲汲也故其用意於君臣之際不容不嚴夫從其寬者之論則天下皆將輕於背君而益以傷夫神農虞夏

卷六

三

之衰不然而從其嚴者之論則天下又將胥淪於莽通焚炙之中而無以開文武成康之治若是則無一可者也吾是以折衷之聖人而兩存之嘗聞之人曰王者天下之所歸往者也天下往之斯可以王矣聖人於是不欲拂天下之情又聞之曰王者所賴以匡天下者也以匡天下莫先於君臣之分也聖人於是不欲棄天下之理斯論也嘗稽之易矣易以鼎之象爲正位凝命之君其六五之爻曰黃耳金鉉利貞則雖以陰柔之主而必戒之以

貞固蓋不欲棄天下之理也以革之象爲順天應人之君其九五之爻曰大人虎變未占有孚則喜其以陽剛之才而能應天下之信從蓋不欲拂天下之情也然則如鼎之說則上下有定位紂雖無道天下不可一日有武王也何其辭之嚴也此歸之於順逆者君子之正論也扣馬者之心也如革之說則社稷無常奉苟天下一日得武王而君之雖無紂可也何其辭之寬也此歸之於好惡者衆人之公論也倒戈者之心也使衆人之公論不行

卷六

三

於天下則如晉師曠之言曰天之愛民甚矣豈其使一人肆於民上以縱其淫而棄天地之性也此天之所必禁而不以聽者也使君子之正論不行于天下則如魯臧孫之言曰見無禮於其君者誅之若鷹鷂之逐鳥雀也此亦天下之所必禁而不以聽者也茲聖人所以兩存之而不廢也是故當時從武王者不但西土之人與八百諸侯雖庸蜀羌髳微盧彭濮亦相率爲之犄角也蓋胥天下莫不有倒戈之心矣而其不欲從武王者不但終武

王之身洛邑所謂頑民至周公欲靖而安之而猶憂其反覆難制諄諄然爲之更始也又豈獨二子有扣馬之心哉是故十亂之心同於倒戈而孔子以是侈其得人之盛三仁之心同於扣馬而孔子亦亟稱之而不置不特孔子後世之論然也雖武王之在當時其曰百姓有過在予一人今朕必往則固其不欲拂天下之情而夷齊二子當其徇師明誓之頃毅然以忠孝大義責之若所甚不堪者亦聽釋之而不以爲戮及天下甫定則汲汲於箕

卷六

三

子之釋比干之封也而亦何嘗棄天下之理是故衆人之公論君子之正論所以當兩存而不廢也然則聖人所以裁天下之故而審之於興亡之際者以情與理兼行於其間而後不矯於衆人之公而後不悖於君子之正是故堯舜之禪讓湯武之放伐皆是也湯有慝德而仲虺爲之釋之武未盡善而仲尼不爲之諱皆是也此從其寬者歸之於情也處君臣之變也從其嚴者歸之于理也道君臣之常也常變並用情理兼得而要之不離於道

夫然後合諸衆人之公論與君子之正論而萬世之定論在聖人矣

太史公識得此意

嘗觀於古今之際而重嘆夫法令之弊也古以法令理天下今以法令擾天下古以法令禁天下之貪今以法令成天下之貪噫弊也極矣要之以理天下以禁天下之貪者其用法也常中以擾天下以成天下之貪者其用法也常過治忽之機蓋決於茲焉竊言之三代而上治隆而法簡三代而下治弊而法詳弱周廢而不張暴秦躋而無紀靡足道矣炎漢以三章立國文景亦稱克紹乃武帝獨

卷六

三五

以法令承之當時從欲之臣如張杜之屬竟以嚴刑峻罰剝天下令天下側目重足繼以桑孔開權稅之條析秋毫之利而海內遂空人孰不曰張杜具法之臣也桑孔興利之臣也武帝之幾爲秦續者二端之爲孽也噫豈知武帝以法令擾天下乃所以成其貪者也析言之而帝之本意失矣識者則曰帝之先用杜張者所以開其用桑孔之端而繼用桑孔者所以成其用杜張之智也是貪心一起而先王法令之中道重以弊矣何也天下之

卷六

三六

心孰不欲富而惡貧上有興利之臣是驅天下於貧也天下之情孰不欲生而惡死上有嚴法之臣是驅天下於死也然就二者而權之則天下惡死之情尤有甚於惡貧者是故寧殫其廬以應無厭之需而不欲以父母妻子所賴之軀死於刑戮也噫此武帝所以籠天下之情而使之莫吾逃焉者也蓋當是時帝之所以取給於天下者非一端而盡也南征北伐非財弗給鑿山通海非財弗給神仙方丈非財弗給珍珠奇獸非財弗給而欲天下有常之供充之使大司農不至告竭吁亦難矣是故間架有稅酒酤有權舟車有筭鹽鐵有征補官有粟贖罪有金多其科以收之而猶慮天下之議吾後也而先思所以箝天下之口則杜張桑孔之相繼而進也實交相成者也自今觀之不有橫征厚歛不可以濟帝之欲不用桑孔不可以橫征厚歛不箝天下之口不可以用桑孔不嚴刑峻罰不可以箝天下之口不用杜張不可以嚴刑峻罰帝亦壽之熟矣是故其用法之過嚴也非故驅天下

於死也重其惡死之情將以輕其惡貧之情使天下皆貧而猶以爲愈於死也則桑孔之徒可以奔走於天下而天下不以爲毒矣信乎以法令擾天下而成其貪者也太史公獨識之矣杜張不入于刑法志非有杜張也而見之食偵志若曰用杜張者爲偵也桑孔不與立傳非遺桑孔也而見之張湯傳若曰用桑孔者乃所以用杜張者也噫此帝之微意所以不能逃於天下後世者也噫孰知先王法令之立乃爲貪主索天下之具也故曰吾觀於古今之際而重嘆夫法令之弊也

卷六

三七

田叔空手來見

斷國論者有二議一曰議法二曰議情情重則舉情而遺法法重則舉法而遺情此無難者獨至於情法交重之衝兩俱不可廢而又不能兩利而俱存之徇情則廢法廢法者害義泥法則廢情廢情者忘恩二說相持則雖老於議者亦將倉皇顛倒而莫知所指而國論遂淆而國事亦僨矣噫此賢如田叔者所以難其人也何也言天下之情孰有切於母子子之休戚憂樂惟母言天下之法孰有嚴於君臣臣之順逆生殺惟君此古今不易之定論議者莫能逃焉故吾甚難於斷梁王之獄也夫景帝惟梁王爲親第且又有功則太后愛少子之心將有甚於愛帝者夫梁王親於兄愛於母而且得志於出警入蹕之寵而燕惑於羊勝公孫詭之邪說而又乘之以太子坐廢之時此其求爲漢嗣之心將有不勝其熱中者袁盎小臣耳一旦指立第之禍以回帝諾之私以格太后之議則忌盎而欲除之者實王本謀非獨詭勝罪也嗚呼如梁王

卷六

三八

者亦慘矣忘天子之寵而欲竊天子之位而欲乃
天子之臣議之以法萬死莫贖太后固不得而庇
之也况田叔以天子之命往按之則雖執而尸之
亦未爲過然太后則憂矣不食矣日夜泣不止矣
充其溺愛之心蓋寧可使朝廷無法而長子帝幼
子戮情實有大不堪者帝於此獨不曰吾弟當誅
吾毋憂且不食弟存毋存勢必至者卽忍吾弟可
不念吾毋乎以法言固不得不正而於情亦難矣
夫此一事耳而情法若是交勝且情又天下之至

卷六

三九

情而法又天下之至法法立而母子寡恩情通而
君臣茂義身執國論而使其母子君臣間不寡恩
則茂義焉用爲臣噫此賢如田叔者所以難其人
也叔之空手來見也亦已籌之熟矣叔蓋曰吾不
往捕是國無法也獄詞不具是國無法也王與詭
勝同具於詞而或誅或不誅是國無法也毋不愛
子是國無情也兄不念母而誅其弟是國無情也
臣不念天子之母之哀其幼子而必寘于刑是國
無情也念天子之母之哀其幼子而不寘于刑而

猶存其獄詞以昭其罪以危天子之母之心是國
無情也是故往捕以示法往而具獄詞以示法殺
勝詭以示法不殺梁王以通情歸而燒獄詞空手
來見以通情語帝曰勿問梁事語太后曰梁王無
恙以通情兩議兼舉而國論以定而國事以和噫
此賢如田叔者所以難其人也茲議也嘗得之春
秋矣魯文姜於莊公爲母而與殺桓於莊公爲仇
君子難之春秋於其出奔書曰夫人孫於齊夫奔
而書孫則恩著而情通稱夫人不稱文姜則義著
而法立田叔其有見於此哉故曰通於春秋然後
能權天下之事矣

卷六

四一

魏徵願爲良臣

君子之事君也以其身許其君者也無自便之道也是故有其君必不有其身有其身必不有其君若衡之懸此重則彼輕其持兩端者惑也明此者可以審取舍可以辯進退可以斷利害可以決死生不然而道心淆於主客義奪於猶豫委靡悞孰喪氣頌節其奚以立於天下哉唐魏徵之事君其失坐此夫徵之在太宗朝其正言讜論累數十餘萬言識者呼爲三代遺直卒得銘勲金石繪形

卷六

四

凌烟蓋人臣之盛軌也此有議焉者徵之言曰願爲良臣毋爲忠臣夫忠良一道也岐而二之徵失言矣雖然以博聞練達如徵而豈於忠良之際未之講乎吾嘗考徵之顛末要不免有自便之心者而不覺其盡露於斯言也夫懷自便之心以事君則豈所望於徵者乎蓋吾人之身非自有之身也未仕則吾身者父母之身也已仕則吾身者君之身也父母之身則聽之父母故灰于廩可也泥于井可也君之身則聽之君故碎其首可也刳其心

卷六

四

可也凡皆不容於自便也有一毫自便之心則忠孝之薄也君子以至公論人物是非得失千載如鏡吾將起徵於九原而問之也其有是心乎其無是心乎夫徵之初則隱太子之幕賓也方高祖之托太子於徵也將不有如奚齊之托荀息者乎息之言曰臣竭其股肱之力不濟則以死繼之徵在當時未必無一語以復高祖者玄武之變儲君殪焉雖馮立以一騎軍之微立嘆曰生賴其寵死不共難何以見士大夫也而徵則恬然當之今日爲東宮之洗馬明日爲西宮之諫議矣夫荀息以身許奚齊而卒從夷齊之死魏徵以身許建成而卒逃建成之難徵果何心哉於乎此固其願爲良臣之心也自徵之心推之惟其願爲太宗之良臣所以不願爲建成之忠臣自君子之論正之惟其不願爲建成之忠臣所以不得爲太宗之良臣於乎以身許其君之義徵獨未之思乎苟君子而欲自便其身則山林而已矣未有許其身於君而可以自便者也是故在端揆則以其身爲垂紳正笏之

臣在邊場則以身爲枕戈被甲之臣在言責則
以其身爲批肝逆鱗之臣在官守則以身爲服芻
供牧之臣在患難則以其身爲浮鴻暴革之臣在
夷狄則以其身爲牧羝茹雪之臣蓋君以是使之
不問其願不願也臣以是事之不計其便不便也
斯天下之義然也果如徵有自便之心也則於是
數者其將擇而處之乎抑將聽之君乎載觀徵之
事太宗也雖多蘊直之風間出斌媚之態識者已
知其非剛毅壯烈之士矣其不憚於強諫者夫亦

卷六

四三

諒太宗之能容而非有茅焦朱雲敢死之氣也是
故從容顧問則獻替有餘而談兵議敵則將錯愕
於敬德李靖之傍是故侍宴而奏慶善樂則諦玩
無數至奏破陣武德舞則俛首不敢顧徵之退懦
如此而況望其抗忠投難於交刃喋血之衝乎然
則願爲良臣之言徵固自諒其僅可以爲居常履
順之臣寧得與龍逢比干携手而游也於乎斯非
其自便之心乎故嘗謂徵之心雖未嘗不有其君
而亦未能不有其身所謂持兩端者也持之勿定

則義念易奪道心易淆是故取舍不審終于改祿
進退不辨終于事讐利害不斷終于棄命死生不
決終于二君喪氣頌節若一鄙夫自便之心流弊
至此而不覺其盡露於願爲良臣之一言也易于
睽之九二曰遇主于巷无咎夫睽而遇主徵之得
太宗似矣蹇之六二曰王臣蹇蹇匪躬之故蹇而
匪躬徵之事建成也實悖焉夫忠良一道而徵也
二之要亦其自便之心有以惑之而未暇深察耳
於乎徵得立太平之朝事受言之主願亦畢矣遇

卷六

四四

亦幸矣使其當玄肅代德多事之後或嬰空城於
敵衝或驅單騎於虜門或援奉天於孤危或平淮
西於負固君以是委之不知其將爲良臣也將爲
忠臣也將無所爲而去也苟可起徵於九原吾尚
當以是問之

姑姪母子孰親

夫人有真性雖其時暫蔽於物而亦不終泯也君子就其不終泯者通之而暫蔽者自復矣何也是性之良也天爲之也不假借而得不陷溺而失不聖狂而異者也有物以移之聖人而下鮮不能無蔽焉然其真之不終泯者如故也感之以其故則惕然而起焉吾固知天下無不可化之人而君子不可不知性也吾因以知天下無難事之君而人臣不可不知性也唐之狄梁公庶幾其得之今夫

卷六

四十五

母子之愛天性之真孰過焉武后雖婦人也豈其獨不知此哉挈高祖太宗之天下而將授之私族而廢其嫡子如土梗弁髦者要非人情也蓋有物焉者蔽之也是何也貴爲天子富有四海人之大欲存焉武后以一尼媼之賤與事兩帝遂自昭儀進爲國母當時如遂良無忌之徒秉鈞輔政猶爾揮斥不暇而李勣二張輩復且翼之逮高宗既殂嗣帝孱弱於是舉天下胥垂簾之聽而生殺予奪惟其所出彼固曰不亡唐不改周此富貴終非武

氏物也而廬陵之爲子也親也三思之爲姪也疎也置之勿論矣是非其真性之頓喪也富貴之念蔽之也嘗就當時之勢觀之武熾如火李寒如灰亦難乎其爲力矣刑開於告密而靡遺諫窮於剖心而不用亦難乎其爲辭矣姑姪母子之喻固若目前所易辨者然梁公卒以此語成反周之功而武后聞此亦如醉而醒如狂而瘳閨中之雞不鳴而房州之龍竟起則何其轉移之妙哉噫梁公亦籌之熟矣梁公益曰是未可以口舌爭也以婦人

卷六

四十六

之難喻而復以富貴之念溺於其衷而徒以常談進之曰天下李氏之天下非武氏所宜有也則彼且悍然弗顧矣數言之則刀鋸鼎鑊將必至焉無益於國而徒自斃也智者弗爲也然則何如曰吾且俟之將自其真性而感之也蓋姑姪之親孰與母子者性之真也姑知有姪母不知有子者物之蔽也彼方蔽於物而吾猶諒其有不終泯者在也卽此而通之庶幾其有濟乎此梁公所以不難於言而武后所以不難於聽者也矧其附廟之語又

若有利於武氏者乎是故他人之言於武后者將收其富貴也其言以物也且利於唐而不利於武者也梁公之言於武后者將完其母子也其言以性也且似利於武而實利於唐者也感之以其性則既足以使之悔而參之以其利則又足以使之樂而從焉卒之取日虞淵洗光咸池天子既臣而王天下既周而唐而偉然爲安國家定社稷之元功者豈其倖哉識者益不待五龍之授而已知六尺之孤之有托矣噫真性之足以感人如此吾固

卷六

四七

知天下無不可化之人而君子不可不知性也吾因以知天下無難事之君而人臣不可不知性也茲道也稽之昔矣鄭莊公之於母有及泉相見之誓而融融洩洩之樂卒啟於啜羹舍肉之封人趙太后之愛長安君將寧棄其國而不忍遠負其子而左師觸龍以情動之卒以濟事秦王以嫪毐之故幾絕其母而茅焦以天性冒言於二十七人之後母子復完彼其一時之狂惑皆不下于武后而真性一動遂成諫者之名况梁公者其碩德鎮望

又非三子者比哉無惑乎其轉移之妙也是故性所同也盡其性以盡人之性者聖人事也修其性而因以教人修性者賢人事也當天下難處之時而體聖賢之學以求濟於所性之同者君子事也而凡僥倖於勢力之衝者皆末也已

卷六

四八

太真絕裾

論士者當先定其士之品何如苟其所建立者足以畢其志而不失其爲品則雖動或有愆於道德而君子竊管原之何也士之品有三上士志道德中士志功名下士志富貴其始之所期者如此則其終之所就者亦如此是故上士則無功名富貴之念矣中士雖無富貴之念而亦未可以道德之全望之下士殆不足言於乎若晉之溫太真吾定其品所謂中士者非與聞之論太真者曰天下孰重吾親爲重彼急於赴江左勸進之會而絕裾以就叅軍之辟視國何重視毋何輕曾不思舜以瞽瞍之故可以敝屣天下而况區區翼晉之圖也噫此以道德之士望太真也而太真非其人也或有論太真者曰富貴土直耳彼謂出而翼晉以居蓋世之勲則土田封爵王帛子女可以擁而收之富擬崇愷貴侔八王將無弗得曾不思捧檄之毛義辭劉之徐庶其於母子之間何如也噫此以富貴之士待太真也而太真亦非其人也然則太真何

卷六

四九

心哉曰上不在道德下不在富貴其忍於絕裾而爲後世所訾者非其果無愛母之情也夫固功名之念有以錮之而於輕重彼此之間權衡未之審耳彼豈不曰吾與其朝夕左右承顏候色以慰吾母孰與出而翼晉以贊克復他日銘勲彝鼎垂休竹帛使吾母爲中興宗臣之母哉胡爲乎戀戀於兒女子之私而坐失機會也噫茲其所以忍於絕裾者也自今觀之鎮江左而事集督武昌而惠流始定平敷之謀繼籌翦峻之策要士行於石頭而處分規略靡有遺策讀祝辭於行廟而慷慨流涕感動三軍卒能宣力王室揚休本朝微夫人之力大盜幾移國矣史氏謂其信誓明於日月義聲動於天地誠哉斯言丈夫之功名所就至此庶幾乎能畢其志者噫茲其所以忍於絕裾者也吾故曰太真志在功名所謂中士其人者也苟徒以其母之故而曰太真非知道者也太真固無辭焉然此以責望道德之士則可而非所以論太真也苟徒以其母之故而曰何太真之汲汲於利祿而輕於

卷六

五十

棄親也則太真蓋嘗念母苦請北歸而帝不之許焉此以論富貴之士則可而亦非所以論太真也顧後世所不愜於太真者曰毋存則絕裾毋死則不得歸塋噫固其遇使然亦太真之不幸有以資論者之口而豈其心則然哉論者苟信太真爲功名之士則其所建立已足以諒其所就而於絕裾之事可無深咎也雖然論士於晉世得功名之士如太真之徒亦可矣當時祖尚風流而清談詩酒荒棄世務神州陸沉皆此輩爲之孽渡江之後猶幸而得太真諸人懷忠激憤少振克復之氣苟復以一疵廢之晉又將安賴哉是故折屐之謝安運甓之陶侃起舞之劉琨擊楫之祖逖絕裾之溫生雖皆未能純然無疵爲道德之士要未可與富貴之士同類而共笑之也

卷六

五

北虞先生遺文八卷

安祿巡撫探進本

明邵圭潔撰圭潔字伯如一字茂齋號北虞常熟人嘉靖己酉舉人其詩受適而乏警策惟散文筆力頗縱宕然史論諸篇縱橫曼衍已啟後來顧大韶等之風是集爲其子兵部主事釐所編分爲二帙前一帙凡六卷繕寫多脫誤後一帙凡二卷與前帙間有重複豈編次未定之本歟

劉子威集五十二卷(一)

〔明〕劉鳳撰

北京圖書館藏明萬曆刻本

劉侍御集序

夫言人心之聲而詩文乃其精者韻而詩
匪韻而文其用本不相逮而其究乃不能
相通以故攻之者不能兼造其奧而殺其
樞自西京以還至於今千餘載體日益廣
而格則日以卑前者母以盡其變而後者
母以返其始嗚呼古之不得盡變寧古罪
哉今之不能返始其又何辭也已 明興

序

吳郡劉子威

操觚而樹門戶者非一家而稱能返古者
北地之後母如歷下生歷下之於變小有
所未盡而北地之所謂盡則大有所未滿
者獨吾吳劉侍御子威自其成進士而入
侍中秘歷內外臺所至無不立辨然其意
不欲屋一一世循吏聲固已俯視千古而
時自奪於畧未獲竟一旦意有所不可遂
拂衣歸臥吳閭間子威材甚高於子史百

家言無所不治獨不喜習大曆以後語天
假之日俾與才合負相如之慢世而母色
痼愛子雲之沈深而鮮酒嗜等玄晏之書
淫而不癢動以故其於騷賦五七言古近
體序記志傳贊頌哀誄微而極至於俳戲
引喻連珠之類無不研精其思以求與作
者合子威既以文自娛母所托於名而世
之好簡者疑其蔓尚率者苦其深彼不自
愧其目之淺而一覽輒推去謂此何物語
或稍就讀囁嚅相耳曰吾固能成誦矣
所謂驟即之難而啓之易也問其所以難
易不能對也自是子威之名益不副實子
威始雖不欲托之終不能無動意乃至念
得如虞仲翔後世有一人知我者死不恨
夫桓君山故通士也知楊氏玄元傳而其
時神人則已語之母自苦玄故難傳自今

而視玄其猶在傳不傳間也子威所推許
獨歷下次乃北地而剗削彈擿之甚苦此
其托指故有在且業以今之天下無能一
人知子威者即後之天下風益靡安所
異哉然子威幸而不甚為人知其文亦不
受人役得自致其擬議外足於象而內足
於意興而言盡而止其賢於余遠矣余固
不如子威亦能知子威一二故不辭其請
而敘之

序

同年生瑯琊王世貞撰

劉子威文集序

吳邑魏學禮李朗著

魏子曰夫文者其天地之英精生人之
所急哉或曰何以為也不有德善勲烈
乎曰德勲即崇茂然當世章顯匪託之
文來者曷睹焉故文也者建功之表緯
德之旗也且而不聞古有宓犧農棘氏
乎不聞有唐虞夏殷姬氏乎不聞有姬
公孔父乎蓋結繩罔以狀德而卦畫弗
能述功也於是

天焉弘啓人心而使之肇作文字焉古聖
之德章而功著非文之力哉匪文則數
聖人者後世曷睹焉古人者非顯顯焉
文之攻也乃文無弗高者後世之文日
以愈下陵夷至趙氏卑極矣乃我

聖明有作鴻荒再開文更蔚起

孝

武二世彬彬益振興追跡古始如何李徐
氏蓋其長雄哉重以

肅皇之躬修儒業薄海丕乂爭自嘉飾今
者

聖皇以冲齡踐極神睿

天授邁越皇古益昌茂焉今之作者蓋陵

軼昔人毋慮數輩而劉子威先生者超

絕有奇質家多藏書學勤博記安世之

三篋不足稱焉少時對

制策拜御史歷遷郡臬日治簿書決訟牒
不廢撰著夫屈大夫漆園吏左氏宋玉
文園令司馬子長吾之師也公其皆有
焉苞兼百家從衡揀置咀吐於諸經治
鑄於秦漢驅策乎六代變忽儵化循無
端察無倪乘無御虛而不知其所之蓋

其秉才大其紬思遠其修學博其綜藻
廣其指事道其稱名奧其裁意邈蕩
羣埃剗削漿沫深植淵谷冥入惚恍而
與神明者侔自古初以來未之有也彼
屈馬左莊之流各以一體為萬世標極
公乃兼焉矧又兼百家者流而復能獨
創故曰古未之有也余非知文者然不
能指朽為香抑麟為狼尊嫜為嬖題黃
為蒼崇卑為印貴戚為良稱貧為方視
冰為湯譽藉為梁讒冠為裳謂將為翔
揣柔為疆命陰為陽厥言章章自謂天
下明嗟夫是謂平衡是謂均量弗與厥
常人毋謂我狂耶蓋先生自結髮業文
橐盈笈輒棄去乃僅僅采五載間者蓋
泰豆見日御而卻行梓慶邁化人而變
色來者之愈神斯往者之弗屑也即所

棄者已躡躑往代矣余覽其所采咸以
類析揆物以昭訓故首騷賦載言以總
指故次以序記樹宮以嚴神崇無以御
有發德以眎後故次以碑誌傳誄頌贊
悼寔以抒哀故次以祭告游志以汎覽
故次以雜述引象以著誠故次以歲衍
華以騁觀故次以七援論以開諷故次
以連珠託意以矯辭故次以疏以啓以
箋奏攝情以達謁故次以書弘稽以徵
務故次以因論本昔以考孝故次以家
傳微言以抽事故終以尺牘舒而獵之
如八字之弘張也迫而悲之如衆宿之
爛郁也撮而齊之如肴錯之辨列也按
而調之如琴瑟之諧均也舉而習之如
璜玦之玲麗也爨鐘之古質也黼黻之
工豔也譎怪瑰奇使人目眩而魄驚而

不可以迹羈者其蓄之浚而射溢四出
犇潰而莫之能遏也故管之突遽也韓
非氏之閔長也劉安之雜寘也左之離
布也遷之彊簡也原玉之淵逸也六帝
氏之新治也茲文具矣今

聖皇勤延儒碩建起熙亮之業宰弼方以
德烈文章佐

人主金馬石渠之髦彥又皆相如枚舛之

劉子威集

序

五

輩即

天子有

詔修著文事或有大疑下丞相九卿太
史給事中御史博士議劉御史真可參
大廷議若撰述文章矣嗟夫余與先生以
信義正直相厲引繩握矩率之大道余
錄錄尚挾篋囁嚅誦儒生業結鶉納決
履高自抗節此遷史傳貨殖所羞道也

顧引王斗自喻天下共誹笑乃劉公宦
不逢年余頓踣蓬蒿中愈不逮矣文安
用我文安用我

萬曆三年秋仲月戊子日

劉子威集

序

六

劉子威先生文集序

四明余寅君房撰

蓋昔者嘗竊疑之我

國家立隆鑠業磐以浩昌殷綸焯起視漢西京不啻百乎過之皇皇哉其精神殺於天地資於川嶽房蓋於方域而泄越於吾黨謂宜其人上追先民一當作者乃今不過三四公耳漢西京未百年

序

列傳

而太史公司馬長卿已雄大若此我

國家二百餘年如兩公者幾人其他若鼂賈鄒枚諸公亦各以其巨奮興而吾黨輒卑之無論夷考之今復幾人似諸公者蓋吾歎以劉先生之為烈然先生能以其西京勝而又不特以其西京勝上之若左氏三閭大夫南華老人韓之孽公子舉今人所不能詣絕者先生率

談之而彬錯出之西京而下又先生最勝之餘事邪夫人世諸閱記不足屬先生目也使天上有籙若霞宮丹甲諸等先生盡耿諸其胸矣使地下有藏若汲冢覆釜諸等先生又盡耿諸其胸矣先生柰何不默軼千載勝也夫文亦大難言矣其肇也因體其放也絲充其究也緣化夫文未有不由初授者也必有砭

序

二

礪之魄焉必有誕曼之氣焉必有鴻亢之觀焉必有陵涌之紀焉必有疏越之步焉必有紆誦之注焉然而得之則其赴之疾也然乃不得之則率以舒也然而至之則其忘也然乃未或至之則無猶有圖也劉先生岸然矯直冥心健志厥力孔肆機倪厚忘壹乎其未之張也總萬於翁也微至乎其意忽而電流也

鏘錯而白日寒也其芒駭奪人而不缺
齧也神鼎鑄而姦怪畢鱗也鱗常飛不
可狃也味以劑之故可酌於皇庖稱禁
御也又可以歆草澤之癯使獵獵不止
也聲以永之巨不為覆細不為淹立均
而出度也既其既矣猶若未杪也頃刻
而盈吾意卒歸於無也吾觀古人善詭
而之於詭而輒而無復之善佚蕩遂之

序

三

於佚蕩而輒而無復之善托諷遂衍而
托於風而輒而無復之無復之是以至
之至之卒以一品聖此無他古之人得
全於不好兼今之人失全於好兼故今
文可鏡也論創始則強論極勢則弱論
窮變則強論精理則弱論峭拔則強論
玄化則弱論纖裁則強論洪鼓則弱劉
先生之為烈然也者豈非以前三者備

茲四者克宅邪吾又竊疑之今天下率
尚其曹好曹嘈也嘈然唱以其響使天
下亦嘈然奔以其響不顧其泰侵而爽
於乎劉先生若罔聞斯輩也脩之墨墨
寶之仡仡無所緣而為聞於世乃其聞
遠矣或曰名惡乎薄諸今之為標後之
為楷也恐不在劉先生是惡睹吾劉先
生夫使千載往者與其千載來者論子

序

四

以為何居當子雲時疇識其大者乃今
桓生之言信不信故吾謂劉先生千載
人不直論我

明氏者非為詡而已也夫吾與子之
骨惡能待諸

萬曆四年秋九月重陽日

讀劉侍御集

王子以其幽繫故乃出諸家言伏而誦之苟風軌者識之已而湛漬孰泚筆灑翰傳先民檢押碩未竟其幼眇得所底歲辛巳聞吳侍御劉先生構裁玄邈獨軼千古勝於是走一个行李御書焉締新好也先生報問賜之

序

藁二部少卿啓函而捧之若縑縷彈痒之夫一旦獲金千溢不勝盈願矣每旦駿作拚席陳筴為之讀騷曰旨哉遠不忘君邇不逼同口懽無懟身固無悶為量弘矣猶未也其辭遽穆佚宕微三閭疇能偶之為之讀賦曰旨哉廣廣乎某聞之有郢君子非無

麗藻之患而雕篆之難故收視返聽精驚八極廓其心也沉鬱紆譎譏不至閤章其情也灝漻鴻洞霈其氣也頡頏累貫劑其韻也丹彩絢爛續其辭也五善惣稗其陵轢熙代以為盟主也宜哉為之讀頌曰是之謂驍雄之將左庀橐鞬右挺劍鉞以毒虜於

序

中原敵其無方收也為之讀贊曰胡繩留夷王公所近庶人所服乃鬱而為蕢采頡者何能無慨已為之讀七曰旨哉蕩乎昔枚乘倣七發傳毅崔駰因之張衡崔瑗因之仲宣左思因之而後先生因之擬鉞則西京也渾龐則周秦也為之讀序曰思聊哉夫

濟南公之緝綴非不雄偉淵蔚也然猶局於一體先生隨目儵化其來無首其去無尾精覃而超詣上追古始下揜將來于斯焉在為之讀記傳擬子曰旨哉有經史以為之主有呂莞晏以為輔有荀墨孽公子而亮介焉有莊列淮南以給其後使物備矣三

序

三

復之如佩環其可也自雜著以至志銘碑誄亡評焉為之讀論說詰讓曰理侈而事核思靡而情駭詞壯而采烈不知人將企其踵乎將舍劇驂而誦遵險蹊乎其抑亦遂卒以步武乎其終不遠矣緒辨曰考據類亮其有制氏之遺法乎不然何纚纚不窮也

緒對喻連珠曰旨哉衍浩瑤錯峭奇與嚴不可度方譬如萊黃之鮎丹穴之鵲味不同而皆甘於口已緒表箋曰輿競駢四麗六而獸莩甲新意陶冶逸嚮颯颯漢之風也緒箴曰談恣而裁密自班楊以下其人能譔者與有幾緒先賢讚曰文尚哉大矣如鄧

序

四

林之最群材也如渤海之滙細流也雖古作者其蔑以駕於此矣誦訖矣若有他著述吾不敢請矣

休寧王廷舉少卿著

劉子威自序

余生而好學。自髫髻時。慨然有所慕。長者誨屬童子何知。而妄云。即近學苟而可。且何詎能而薄之為。儒抱一經老。未窮其旨。可易言。屬且為仕肄之。詣太常試。誦通幸得當。即補為吏。以文法浚上下。非其意。於是時士咸自矜貴。以名相銜。視之亡如。故多媚嫉。然所守官未嘗不治。即欲拒無由。

劉子威集

自序

性敢往。忤不避。尤善為訊。每見治狀。精能輒取。而不好為名者。在所迄無延接。其謁必以事。諸善游揚。寄請作為聲譽。不少假之。反見謂吏椎鄙。亦不屑也。故能以謔言相中害。無為之地者。卒罷棄。顧惟昔雖更劇。恒十九暇。既絕清謙。日有著篇。視意所為。嚮體隨之。變初不名一家言。故在省時。視粵。視豫。視歸。視今。其言各累數

十萬而未嘗自謂然者何。夫古不可幾矣。

雖復假我以年。吾力烏能出周秦間哉。即今之為文者。皆意在名高自意。而才不同。若北地稍振起。何氏為聲賦。其後出乃益盛。而猶若快。不足者。夫辭莫不善於嚴。古之為言。未有不自己措。即文質多寡。無不善述。何哉。其始不在為文。而未在。咸欲以其道術。及所為誨。與見諸行事者。懼其廢斯識之耳。即為載書。要之明神。布告之遠。何者。不假之文。亦胡得同也。今不比之古。則鄙野何以登之方素。擬似之過。則數數若企踵焉。而從之武。不能踴步適。何以汪然。言淡也。至未嘗說學。輒恣罵者。不知而作。渙散無紀。譬諸牡麻。而以加之組纊。雖絰織。猶之為沽。而况言無事人功乎。又其降也。假之俳諧。以遁其情。痺緩單

劉子威集

自序

樊若人相與語不能據意抗辭詰質而依阿支註柔撓殆中有慙沮然氣何索甚而猶且妄託齊梁間且彼其氣何至是也是特濫觴元宋餘何使人溺焉不復覺近雖稍知厭猶未振陳之者何且余非有勢位徒自摩厲願有所著誰相信者且亦自疑故雖屢變而終未有所底姑盡屏其舊置不五年間書稍哀之為表非謂有足觀蓋

劉子威集

自序

三

也因果報之章也石也雖懸之衡抵棄之且速也人固有廣引援附麗者此內不足可羞也而又奚以為

劉子威集

自序

四

劉子威集卷之一

長洲劉鳳子威撰

騷

九命

夫詞賦之有屈子。猶觀游之有蓬閭。縱適之有溟海也。作九命

黃河水音句

抽信以抒思兮。爰哀而曾恚。中抑鬱其憤薄兮。焉造次而能肄。聊旦旦以自矢兮。正九天以詛

劉子威集

卷一

一

盟苟要言所非衷兮。應憎嫉其莫余聽。戒史蘇以食墨兮。命巫咸以視質。御八神之切直兮。申信誓於白日。服敦忠以祗辟兮。諒之死而靡他。援端範以周防兮。余不忍衆之益訛。固厲行以寡合兮。孰委心而好之。羌自詭以求試兮。恐源方潰而導之。吾義不顛沛而質墜兮。伏俟君之察也。雖沉嘿而私處兮。抑有所不能忍也。寧惜薄軀之犯難兮。甘媿阿與婦孺而爭趨也。願策駑鈍以一騁兮。豈柔縱其體以媿娛也。思百爾

其莫我若兮。惟忠信而可任。志幽隱而在遠兮。

忽不知其瘁貧。余危異而終鮮兮。亦何有於始

昆。獨尚行以違衆兮。惡僥利之怙怙。叶居乘介

志而遭侮兮。亦不媚之所招也。內沉驚而直詰

兮。何患重遲而逢尤。叶於招切也。雖中情不可進而

詰兮。願盡心之無已。終迫阨其又足悲兮。焉能

枉已而下比。穆眇眇闕九關兮。既不揆余之誠

亮。豈惓惓猶可致兮。聊徜徉以自放。昔余受命

以徂征兮。竭奉功而圖卒。涕滿心而不泄兮。橫

劉子威集

卷一

二

邪佞之虛惑。獬犬狺而狂噬兮。獸挺走而妄觸。彼異類其曷可語兮。亦創毀其何酷。昭青雲之煌煌兮。蔽赫曦之不下燭。珥鐻蕩以微光兮。蜚蜺連蜷而相屬。羌遑遽其駭嫉兮。事晦曖而沉濁。叶厨切。何廓落之不可分兮。悵高天而蹉跎。昔貞臣之不背兮。遂盈篋而可畏。況行忍而無猜兮。宜羣誹其猶未。吾聞忠不閉禍以遂患兮。時逆覆而飾習。願有謁而不寤兮。罔謂女凌而放佚。磬繳黜而將加兮。睇清風而微折。欲俯噉江

漢以泛濫游兮。奚戀陵衡蘋藻而唼曄。騏鴈方
下洲之芳華兮。鴻鵠運乎天池而竊笑。翔飛不
過數仞兮。豈將調乎酸鹹而足悼。寒遂次其翻
逝兮。余高駝與馳同之邈邈。重姱脩以自美兮。揚
娛蕩之滂綽。肆要眇之絕觀兮。羌與遂古而諧
謔。浮雲不可攀援兮。撫桂枝以爲托。感搖落於
林臯兮。曠平原之何遑。馳余馬服余車兮。曳兩
輪兮倚重較。音角哀舉世之焉所如兮。釋六馭而
寘行之漠漠。余日遠而終不可返兮。登丘壟而

右拙信

先生方在豫州

遙望博粳芳葍與滋菊兮。江離麋而申椒繫。析
芳馨之菲菲兮。飲石泉而蘭酌。膺薜荔之落英
兮。纓芙蓉之長薄。紛郁郁之姣服兮。被雲霓之
文章。恐黨人之不諒兮。指日月而可明。叶護郎切

余幼志以卓遠兮。好此猗靡之茂英。叶於良切獵飄
風之長纓兮。襲徘徊之脩裳。帶雄虹兮繞雌蜺。
衆嗷嗷異余之不羣兮。吾將與世而長辭。飛龍
服臯兮玄熊馳。吾與王喬兮遇於水之涯。翔千

仞兮擁明月。吾與女游兮貝闕。遺女佩兮寶珎。
望河流之逸駭兮。朝吾將濟於碣石。折衝風之
橫厲兮。狎孟津之荒忽。逐馮夷兮浩膠。騰列缺
兮鬱律。指廩延余遂進兮。榜餘皇之泱泱。許月切
羌欲上兮溟梁。解泝洄兮硤磔。流崑墟之鳴琪
兮。采激浦之琅玕。余導滉漾而安翔兮。計焉所
傳於羽翰。瀕始濫之澱澁兮。履迹之庶庶。遵
汙汙余佗條兮。貫彼墳之賴蕭。巖突杳以幽晦
兮。淫霧雨於河之曲。發倚商既深厲兮。仿弗聞
草木之芳郁。左五行之隙廕兮。翳冥冥之深壑。
曾冰浩其凝凝兮。飛霰雪之焉薄。沉鳬接翼兮。
晨風飄搖。鳥獸羣號兮。鴝鵒爲曹。沈隱隱兮。未
詳。山中人兮遊遨。表列星以高駝兮。余獨立於
雲之上。風瀏瀏又木蕭蕭兮。邇余徬轉之恂恂。
歲既宴時不留兮。浩曼曼之繁霜。路險難以多
艱兮。朝馳驚之未央。據峻阻以遊志兮。軌清氣
之無垠。湍涌瀝若是之灑滂兮。罔洋洋肆其何
神。睇綿眇余曾思兮。世橫奔越逸而焉窮。私心

獨有所不可兮。羌弛余轡而從容。何狂夫被髮而亂流兮。卒迄濟於彼馮馮。葉切嗟溷濁而難

與爲伍兮。豈申徒而能同。勉上下以求索兮。吾

將焉放而節中。惟往昔之軌則兮。情萬變其難

調。紅切志專專而不豫兮。焉取夫耿介而爲抗。

叶切時化易而日徙兮。孰須臾而可忘。不流觀

以省想兮。何離散而入蔡。彼枘鑿不相謀兮。日

委迤之虛惑而余悔。自前之好修以潔廉兮。固

不受俗之汶汶。叶微切願刻肌以忍愛兮。承猶厲

之清塵。餐食不肥體兮。聞彭咸之所告。紛忌嫉

之在前兮。眇不知其所蹈。慘譴謫之中人兮。將

浮響之可執。忘聊慮以自弭兮。寧重淵之能入

知讐言之不可量兮。今欲行而側足。無侈已而

長怨兮。道無往而不復。記涸澤之精酉兮。猶依

慶忌而爲怪。濟大川之沛沛兮。吾將臨河而益

戒。亂曰。鱗鱗陸徙方傲睨兮。雲霧曖曖晝陰墮

兮。綫綫石瀨日颺颺兮。風來無嚮不可繫兮。孔

鸞鴻鵠軼鏘鏘兮。朝余將涉楫。登楊兮。蒹蘭桂

樹於水中兮。于嗟宓妃從其室家。叶各切蛟龍

竝流無傷躬兮。

右朝濟。先生濟河有事於衛從醴醑使者而

嵩惟岳之帝不若兮。何放命而康回。時伊

滔天之不良及兮。民震析而庸懷。叶胡切潛恣其

越有遐心兮。逸離逃而無藝。背畔渙以崇侈兮。

驕不聞過之佞儼固未有逆失而不危敗兮。羌

延討而不可釋。夏之朝吾西馳兮。抵鞏郊之新

邑。道第肆其未除兮。視途刺刺其迫阨。吾職禁

而載典兮。達四野而收責。登介丘之崔嵬兮。望

三塗。曖曖其嶽嶽。塵滔灑之昏氛兮。氣疹戾而

爲電。哀奚隸之何辜兮。昊天其有逸罰。願陳力

而大拯兮。邇吾臨路而結悃。何九儀之章章兮。

嗟委棄而若遺。陳義憲而布常兮。明上下之嫌

疑。糾擣誣以紕削兮。孰張辟而不治。士徒宥以

東遷兮。昭曠蕩而流澤施。遵汝墳以出宿兮。溘

吾定女之室宇。先威後文之可懷兮。孰云不察

女之善惡。顧夏門之膠膠兮。眇不知其所蹤。曷

辨夫翟之爲臬兮。豈及夫邾郚而能祗。惟茂藩
之虧度兮。羌議親之所刺。方偃蹇而恣睢兮。何
爲憚夫俊已而用諄。哀士女之平嘉兮。曾不知
河流之渙渙。豈侯度之可將兮。曷云強本而弱
幹。余敬辟之無舍兮。諒掌詰而敢誣。苟操彈之
失理兮。焉賴夫蹇蹇之爲勛。孰同列之欲奪兮。
忍詢攘而嫉妬。質荏弱之不可誨兮。視彼麗又
不能出。寒執言謂沽直兮。紛容容而踰邁。終怙
亂之且復蔓兮。惋載心之慷慨。進力爭而不得
兮。劉子威集卷一退抑鬱又不解。居慘慘之無快兮。竊太息
而忘所締。思瀝與澗之不可涉兮。惡夫人之讒
訾。獨終夜以營營兮。傷隱伏之不可使。雖替余
其不懲兮。企日夜而望之。睇三川之瀟瀟兮。安
所爲訊而薦之。憐深詆之險巇兮。證抗行之能
聊。叶力切蚌切。彼寃忘其遂薄天兮。不忍寤而懷愁。曾
哀遠思怨不可長兮。孰婞直之無恙。叶余章切願寄
言於浮雲兮。與日月而齊明。叶謨郎切亂曰。發彼焦
護。藪隳隤兮。擾馴闕洩。苑騶虞兮。惟樹作屏不

克成兮。悼彼悖惑。於何爽。叶疏符切竊不自料。爲
民正。叶諸盈切浩浩三川。靡所請命。叶彌并切便娟
天矯。憎愠愉兮。幽昧眩曜。美惡不可分兮。夫既
不吾容。又何云兮。懷信不可謂。自前聞兮。音戚
右哀三川。伊藩方體志先生受符察之爲遷其黨於汝同列欲懷其功使不竟
心鬱結之不舒兮。傷百匿之爲患。叶除軍切願歷情
以畢說兮。又靡蔽而莫余聞。遭摧折之傷怛兮。
何懷寃而能憤。叶扶云切悲幽處之賤微兮。忠與佞
其焉所分。秋風戒而始厲兮。焉莠命之橫放。荃
不惡椒蘭之慢慆兮。援聚菅以爲仗。信庶情之
溷濁兮。悲未可以爲像。坦余聽之修通兮。猶迷
不知其所往。叶于况切嗟愈出之狂攘兮。僞吾迅捷
之能先。叶師人切倚滔曠而未厭兮。羌意其食於寵
之門。伏內揆而自審兮。獨懷繩以矯正。叶諸盈切越
震蕩而離次兮。蹇佗僚而不能平。初吾豈不輕
爵易祿兮。顧回徨眷戀而不釋。欲重著以明吾
所如兮。長鄉風而太息。惟奉時之治昌兮。操五
音而執五味。夫孰專而能聽兮。孰一而可貴。朋

殺不可竝大兮。恐竊其神而為狗。欲扶疎而潛
恣兮。操夾塞而在其後。曾不知狗之崖崖兮。逆
來者而迎噬。余倨侮而不豫兮。固將流渰而焉
逝。追惟昔之專已兮。亦造怨而知其不濟。何並
載而交馳兮。不參言而失二柄之意。以新旅而
與習故爭兮。汨芒芒之無紀。亡周比以背衆兮。
何不深思高舉而猶誰與。少歌曰。與佳期之超
遠兮。何日夜之渙渙。孰惜逝以沈藏兮。誓吾以
其姣麗之妖玩。翩從彼西極兮。順凱風而南徙。
劉子威集 卷一 九

沛洋洋以自肆兮。覽江潭之薜芷。版音獨嫖此
尊節兮。高翱翔而不顧。既無以考此盛美兮。焉
所托於嬋媛之修嫵。上高巖以四顧兮。何積阻
之能窮。慘歔歔之歟。音吧兮。耻按志而為誦。叶
切。惟道遠之浸潭兮。感余思之無從。年歲忽其
不淹兮。春與秋之怳惚。曾萬世之可冀兮。率茲
功而為奉。叶扶。亂曰。陽離何遷。被強圉。叶牛。
不違其馬。行其野。叶常。阻窮忽荒。意躊躇。叶
切。兮。隱軫鬼魔。審何遽兮。敞恍幻眇。竟飄飄兮。

苦神勞思衆以為笑。叶干。意晟無所告。猶鐔
與刃兮。惟荼與董不可慙兮。鷹鵬搏鷲又可進
兮。堅強而不韞聊以自鎮兮。芳華之旖旎吾將
以為純。叶切。兮。

右惜逝風。先生既受憲悲為號所。叶切。兮。

玄冬冥冥兮。何曾思之沉沉。汨余焉徂兮。行吟
江潭。睇兮幽幽。孔昧陰晦。慘怛懷鞠兮。憂傷之
癖癖。既志效情兮。悲年歲之不迨。靡轍以交鞅
兮。變易初軌。駢駢騷服兮。四方所視。載驅周原

劉子威集 卷一 十

兮。孰知其所止。路幽蔽以更駕兮。何章墨之能
正。叶諸。措惟所之而異道兮。焉方圓之可程。何
材朴而日斲兮。質孰云其無改。晝孔絢之章聞
兮。羌衆人之所鄙。偽紛綸以益眩兮。坎沈滯而
在下。聊因間以自周飾兮。雖得舉其庸愈。參鷺
驥以並御兮。方責之以曷不千里。策馭又非其
道兮。不量夫長短而操筆。卒車敝而馬煩兮。碎
適回而不進。審破心而出走兮。羌顛越而始信。
世載悠遠。夫焉有所極。非超踰常度兮。孰蓀美

之可臆。置廢而違其任兮。斯志介之所去也。復浸漬而黜點兮。又中正之所以替也。內不能而陽好之兮。固時俗之庸態。恒無猜而中之兮。夫豈無由而可怪。重襲卷鉏而固閉兮。孰發中心之所藏。故去就其不同兮。世何以淺而相量。固汚瀆之不容蛟蜺兮。豈芳餌之可慕。投之以所必爭兮。益遠逝而不顧。徑險絕莫之觀兮。余方逡次而遐想。悲夷猶而隱慙兮。舒志改娛以自強。漠泯泯藪幽兮。蔽光景之無像。懷深林以慘

劉子威集

卷一

十一

昏兮。超氛埃而潤漑。歷曾冰之浩蕩兮。欣桂樹之方榮。叶余倫切道石巒以返顧兮。雲容容而無人氣。懽戾而日廩兮。凌長瀨而嗽積雪之華英。叶於切菟營營之有無抗兮。苟余情之潔而信芳。曼幽夜之若歲兮。忽不知曜靈之迅征。何回極之參差兮。令晦明若是而失其流行。冥凌浹川之不可斷兮。寒凝凝而永傷。厲懣悽而增兢兮。低回猶豫而心不平。叶皮陽切慙信誠之皎皎兮。還及余之壯而未虧。何飄風屯其晦靄兮。愁不見乎

陽春。叶川佳切亂曰。湍瀨汨汨寂無聲。叶疎甫切遙路阻修。痕傷躬兮。林薄浩杳。巢鷗鴻兮。矰弋焉加於何創。叶粗戎切悠悠江渚。子何人斯兮。我聞有命焉。所措議。叶魚羈切怊惘無經。豈所求之切兮。紛紜煩惑。徒爲不肖之態。叶年題切軋工巧於芻穆。何不智。叶珍離切情與質憤而幽處。願弗移兮。右曾思

劉子威集

卷一

十二

不可將兮。孰虛詞之能借。登浮雲以臨睨兮。紛崔嵬之蔽虧。望縣圃之將將兮。吾焉從訊。夫大儀驚鳥飛而軒翥兮。憊而不可使。聊還回以須時兮。留玉色以自恃。閔結言之難固兮。告余以期而不信。叶師人切情陷滯而不發兮。余安能轡羈而常難。叶渠中切眇修路既以遠。遠杳杳而孰能先。叶斯人切矧隕顛車覆敗兮。悲余馬之不進。叶資切夫何駝駑其不懲兮。意千條其猶未化。叶胡腰切踈餘怒以聳懼兮。弛轡銜而益縱之。哀競逐之

不捨兮。騁遐逝而滅沒爲。忽若行而中自弭兮。
轍結軫而遙思。疑冬受謝兮。春氣奮發之綿綿。
懿榮澤之休暢兮。余將遂高舉而凌天。解煩苑
以愉快兮。思流宕而不可止。遵清源以滌志兮。
放乎容與於江之浹。膺芙蓉以爲飾兮。紉蕙若
以爲藻芳。衣華采之炫耀兮。芬浮雲之無抗。撫
方外而案抑兮。擘衆美之在躬。王叶俱播榮華之
酷烈兮。肆惠氣之莽莽。寒吾願以詒夫美人兮。
豈徒玩此芳草。烝姱麗而遠聞兮。孰內滿而不
劉子威集 卷一 七
章信好修。其必合兮。時亦冉冉而猶未央。凌大
波之汨蕩兮。濟重淵且焉止息。汎濫流風而擊
汰兮。泝縈迴而焉極。因瑤華以詒女兮。願潔清
而有謁。今杜衡以申言兮。招吳榜而余涉。寧憚
幽晦之不可蹠兮。好慷慨而自叩。路九折而險
巖兮。抵山臯而不將。竊慘悵以竚眙兮。怊迤靡
而沈疑。嬋明嬋之姣麗兮。欸緒風以畢辭。惟載
心之難詳兮。豈不踰佚而願薦。捐余珥而遂不
服兮。何玉石之易眩。懷貞信之惘惘兮。曷從親

習而定其撰。吾不能厚要以飾譽兮。固將飄飄
而不返。雖不敢忘初之繾綣兮。獨悲愁其何益。
吾上慙光景之照下兮。前負往世之亢跡。何所
獨無姱容兮。又何懷於此態。叶他計切也自先古之
鉏鋤兮。亦豈今之所志也。辛夷稿而節折兮。猶
可燔而金御。荃久遠而愈聞兮。豈衆芳之能庶。
日余更駕以游遨兮。飛雨飄而灑塗。叶逢故切據虹
蜺以高馳翔兮。夜儵忽而幾曙。
右臨睨。先生傷不得志於時。進不可語人。又不忍開不述也。故徇復乎周道而三復致焉。
劉子威集 卷一 七
悲杪秋之閒清兮。紛落英之纒纒。胸廓落而無
因兮。日以離而不比。氣蕭瑟增淒淒兮。哀衆芳
之傑僂。翕翹漸而歇絕兮。華荂邑而莖紫。庶類
卒以遷變兮。孰習習之可以淹留。感余思之愴
悵兮。重怨夫光景而不聊。叶力切曾西皇廩以敷
時兮。墟少昊之曠懷。宵陰暄以蔽晦兮。慙悒悒
又以曠莽。賦肅殺以下戒兮。漫衍遠逝而無響。
邈冥冥之驚霧兮。激歸風以高天。叶鐵真切眇芒芒

以四顧兮。隱清江之極明。獨含感之不可娛兮。
下白日之悠悠。不忍芬芳之遂解兮。使夫樊草
爲之長愁。露漸浥沮。沚之灝灝兮。飛霜擊而震
盪不寧。叶宜良切曾榮紛被而飄颺兮。濡枝葉而瘵
傷慘悴。銷鑠而將罷兮。顏又枯槁而無光。當其
紛揉而并謝兮。豈惟蕙之與蕭阿。孰強固而
不離兮。叶呼切覃凋喪而不華。叶呼切傷夫本之既搖兮。
余尚幸其瘁損而未化。叶呼切湛湛江水之潔澄
兮。歷微風而參差。惟櫛摻何所從兮。焉摧之而
自壞。叶戶切擗上沅以汜汭兮。乘江湘之清涯。搥
汀洲之遺蘂兮。願與芙蓉而同萎。睇高丘悽其
先零兮。思繚轉而有哀。叶於希切色華霽之窈窕兮。
恬洞庭之輕波。叶班切杳明月之削滅兮。穆眇眇
而西浮。叶符非切入寂寥之無聞兮。藐景嚮之不可
知。氛埃闢而空流兮。表獨立而沉疑。步列宿以
太息兮。獵華英於朝霞。漱重雲之瀝液兮。仰
清氣而自嘉。情逾宕而不可止兮。橫四海而窮
望。以爲託。氣馮馮而不得出兮。煩寃紆軫而焉

劉子威集

卷一

五

薄。吾將與至清而並游兮。覽忽荒以娛樂。寒懷
慄余不患兮。憐遙夜之汨約。與佳期之屢愆兮。
懷遠寄於芳葍。時隱幽之不意兮。事豈悲愁窮
感而能却。悼余生之時不當兮。秋風至而焉爲
容。幸不及壯而自驚兮。獨可將暮而更策。寧顛
越吾不悔兮。願昭時之有再。叶計切涉蕭候之閉
塞兮。何冥凌之可識。叶志切夫驚鳥肅而始奮其六
羽兮。一舉而據夫青冥。叶謨陽切彼秋水之潺湲兮。
羌蕩潏趨夫濛汜而難當。陽侯倏忽而憑陵兮。
罔恣睢而瀼瀼。依風穴以薄怒兮。迅鳴條之高
商。聊可滌其悶瞽兮。披余襟而相羊。發愠愉之
覆蓋兮。舒鬱鬱之沉藏。去蕪穢而浩蕩兮。諒惑
誤無以欺晦其聰。叶千剛切虛謬謬而照下兮。豈不
願時之昭清。叶千羊切竊不自揆而慷慨兮。好震矜
而愈壯。叶側羊切顧流波之盭盭兮。悲長年之悵悵。
憚短景易邁。驚兮。奄梧楸之交橫。叶胡光切隨草木
以漸滅兮。何怛傷之增愴。叶初良切怨佳冶之颯從
風兮。兼日夜而相促。雖有皎皎之明心兮。安所

劉子威集

卷一

六

邁而流目。覽時序之遞來兮。終慚隱於恩渥。叶烏

右悲杪秋

思九河之要眇兮。始濫觴於鯢旋之淵期。有久而必至兮。勢有趨而相先。夫何瀟蕩之難知兮。襄大野而震愆。夷陸漫衍無所極兮。焉版渙而有延。然隱伏而私處兮。竊獨悲此澗瀦。淪曾波以鬱怒兮。蛟龍天矯以連蹏。故激浦交而橫入兮。澹陽侯之娛而蒸顏。惟秋霖之淫溢兮。拂勃

劉子威集

卷一

主

夫而愈殫。悼九土之沉淖兮。汨莽莽而不得乾。湮洪水之下潦兮。寤絕端而永歎。惟冥芒之不可漂兮。豈不拓山臯而流湍。播降省於土方兮。紛不棄乎蒹葭。迅衝風之揚波兮。迴積阻之嬋媛。機礪弩之勁疾兮。何沂洄之可淹。穆靈脩之不純命兮。悠余思之專專。遙路忽其翺翺兮。榜秋風以舸船。曰余登介丘之崔嵬兮。隱崑崙以高蹈。蹠王屋之杪顛兮。蕩肆志以橋驚。跨底柱而方梁兮。肘熊耳而據隈隩。傷鉉效績之不就

兮。羌憑心而疏鑿。叶在歷黃熊之玄淵兮。循太

河之故道。順太行而西思兮。何阻窮而不可告。

憐浮雲之下淪兮。寄言於飄風而不還。叶松寥

何好此離異兮。行危獨而不羣。編星辰以為佩

兮。珥虹霓以為璫。懷冰雪之潔清兮。魂飄飄之

迅征。貫終古之所思兮。紛紜膈臆之填膺。鬱慘

慘之不可聊兮。并雜還之無正。叶諸締陷滯而

不開兮。豈抽余緒而有明。孽子隱而心絕兮。出

子歎而失聲。孰能諒其憤薄兮。抗陳辭而能聽。

劉子威集

卷一

六

剡蒿矢以貫革兮。援塊壤以塞江河之委輸。王
后無當以斟酌兮。繫景嚮其不殊。時豈無遂次
之善導兮。誠鄣靡而莫達。見潢洋之無端兮。故
案志而不發。森南渡以慷慨兮。浮三涘而攄游
煙。遂據青冥而引漾澧兮。漢左迴而桂曲瓊。叶
切。悵幽谷之潛靈兮。馮驚霧以切余冠。招蓀美
而來下兮。出青林之睠睠。願被君之渥洽兮。奚
低徊夷猶乎曾泉。翼霧縹其可經兮。奉先功而
有展。叶諸嬰伯夷以好爵兮。士愈飄翔而遠去。

遇志介而同塗兮孰富貴而能華予惟珪璋之
不克詘兮寧朽鑿之齟齬將使鳴鵠長鳴兮應
六英以九韶鳳鳥延頸而相和兮遵高崗以舒
憂叶於切接輿強而戚施兮招讒諛於山之幽叶
豈徒違性之所任兮誠非據而莫能操自古
固有不並兮度超遠以負俗見指甘蠅蚋而責
以無禮兮謂不能量人而恕已心憤戾而不自
釋兮豈沾沾之猶可為忘顛蹶之削辱兮欲抗
軛而相隨勒騏驥而不知所馭兮又安用至夫
具茨雖欲有於斯世兮願抗名乎尊嘉叶居不切
敢忘予之初迪兮被衆患而為尤叶盈切驟回思
而改心兮汜涵涵而無信期竊悼後之不可冀
兮孰寤知載心之秘密國可幾而強實兮曾未
施小匡之枉策懼涓涓之不慎兮漂翻翻其可
暱觀大川之流潰兮亦潢汚之所積曷不參聽
而省想兮徒悲愁之何益羌寄情於桂樹兮繫
明月而相擊波鱗鱗而來騰兮氣填填之匹溢
將片體有所不任兮焉至虛之能入從太清於

劉子威集

卷二

九

恍惚兮超無為而放跡

石思九河

揚大江之浩廣兮凌長瀨之橫流極浮觀之杳
眇兮藐天路之阻修志畔散放驚以忽恍兮焉
余思之悠悠獨超回澗濊之不釋兮彌翔凌天
泉而上浮惟時俗之隘險而阻幽兮又何可以
淹留滔汨蕩以沕滴兮肆莽莽而不可救叶居切
介崇思而隱身兮昭往昔之所聞孰度世之長
存兮罔膠擾而自勤糾蓼連卷誰能窺兮招獨
去而不還叶許切何逸驚以日駛兮蕩若眩潛之
放紛靜無為以省想兮解委衆體以觀其復入
沈淪之不可識兮求同極而異轍自前世之飄
舉兮杳不知其所服若若流響之欲聞兮悵獨
懷此沈濁叶扇切豈昭質之猶固厚兮蔑蒙踊而
高蹠橫厲迅颺以往來兮形何微而不入從陵
陽沛以隆窮兮綢繆嬋媛乎羨門叶眉切儵并翹
以陟降兮颯隨風雨而渺綿叶彌切出靈靈之細
縕兮濟終古而不足以為長驚陰陽之豐豐兮

劉子威集

卷一

三

徑絕萬世而無抗。嗟回極之逶邐兮。促節屈而
迅邁。光電耀以不延兮。羌無異於螭蝓之春秋。
何芳馨之可懷兮。永言寤寐而自締。惜吾不能
上下以遐覽兮。豈遲愒而可解。叶居托微風以
陳辭兮。援耀靈以爲正。叶諸吾且循道以邇回
兮。俟崑崙輶軋乎河之清。重曰。霧霏霏其無垠
兮。孰能往而不離。縱朕伏豫以危身兮。曾不知
靡曼之爲災。叶晨覃勞慮以役神兮。梁据傲以
曾倚。務求生之厚而更損兮。堅強不如其邁已。
劉子威集 卷一 三

霄霓叶音以扶搖兮。究旋縣而謾誠。方萬術窮服
嚙兮。錯怪迂之滂洋。纓日月以珮璆兮。含霏微
之光英。叶於晞余髮渙方沐於咸池兮。絳朝霞
爛以九章。寒瓊液之滲漉兮。建桂旗參纒之瓊
瑤。炫游目以抗絕觀兮。神薛越而淫放。叶敷埒
列遶巢驤以下視兮。汜容與之無鄉。耽雲蓋鬱
律以攬虹兮。雜遯凌天而起漲。叶陽浸潭休虞
之暢通兮。條形宛而神壯。叶側余馳若水而一
息兮。蔭扶桑以倘佯。乃指少廣之野而遂騰逝
兮。攬結四海於戶牖。上太清集五帝之所兮。憑
玄枵所御以爲偶。乘雲氣之詘折以屈路兮。
象罔崛崎而在其後。前揆光之蠖畧以抗旌兮。
煥耀明之陸離於周道。叶他馳豐隆之阨靡兮。
屬黔靈脩肘乎車右。旄旬始之蒙茸兮。怵奠旖
旒乎九首。華余重紉之珪組兮。屈修虹之詭詭
而垂綬。叶音青糾赤螭又宛蜒以超乘兮。紛總總其
西狩。歷太昊之玄墟兮。遂右轉而傳於注。叶音機
枉矢射天狼兮。操余弧以拂鬼谷之崑礪而紛

操蚩尤橫奔以將行兮。驟乘黃之瀏瀏。髣髴居
前以滅沒兮。暖羣靈之蚺鰐。望搏搏少留此桑
榆兮。不知去地幾千里而遙。鸞皇軒翥以睥路
兮。鵬鴻薄舉之翱翔。雲句音曲而翬兩端兮。杓
如繩。亘天而載余。伏軾低回夷猶兮。招格澤炎
炎而與之俱。聊逍遙以自恃兮。矯晨霞之泊如
其遠蒸。曼流瀾之芬郁郁兮。逕直指而忽已升。
弛余轡於此間維兮。絕道阨阨而舒徐。東皇為
余騰駕兮。將追日馭於陽隅。沸曲阿之逸駭兮。
劉子威集 卷一 五

接靈囿於空桑之慌慌。音萌儼微引而軼飛泉兮。
音虛無之迅輕。梟陽列缺並進刑天操干戚兮。
鳳鳥自舞以和聲。叶苦丁切。慘洞庭裊裊之秋風兮。
帝子流睇於杳冥。時冉冉不可淹兮。乘兩龍
倚翠旂而遐邁。逐禺疆以窮北極兮。焉長生無
死而可快。登衆帝之臺而娛嬉兮。入虛危之碣
磳。洞出燭陰而望熒惑兮。列姑射激湍水之磻
磻。降周流以修涉兮。屯余車於寒門而噦噦。軼
高縱以遺騁兮。斷增冰玄溟以下瀨。軋膠葛而
無域兮。昉沕穆而何所即。赫焜煌之專與兮。淡
液冶而重以襲。假昭昭之未央兮。意流宕而焉
能緝。
右揚大江。先生已涉江而南游。思廣遠極所之
也。連連乎繫心於初託之列仙以見意。
劉子威集卷之一

劉子威集卷之二

長洲劉鳳子威撰

賦

時序

凌秋賦

黃河水音句

昔宋玉大夫以詞賦幸於君朝遊乎蘭臺夕奉苑囿之燕閒奏微詞忒詼詭諱浪左右逞嫺麗與才辨忘狎暱之誚至一言當意立賜千金同

劉子威集

卷二

二

列相讒卒不能退仕得意若此固無所為嘆尚有感於秋之搖落慨然興思況余蚤應孝廉弱冠登朝奉使丁年不返周衛徬徨京易之郊跋蹇鯨鯢之澁既不能木彊立忤見憚於時又不能滑稽柔嫺俛仰取悅又何以揚名發譽吐氣軒眉於煌煌之世哉今退而老於負海之隅固轍跡之所不經而觀游之所未睨也樸遯焉數

哈

詞臺

切

何細

有咄點

豐額之疵

無穆康

淵曜之譏

多噪

力東

淵曜之譏

多噪

力東

嗜喊

許戒

之隙

鮮祗莊

之隙

鮮祗莊

鮮祗莊

膚讓之契此成侯所以歿泣敬通所以替泄也且羸育胃而什蹶駢駘蕩而失勢固么廢竊忤嚙啗噬而啞一感切又烏合切噤閉拒之會也又何能不閒遠泮散因時放廢蕭條於天壤之外乎哉邇者夏序炎達赫烈洪需衽燠暉之積暘灼玄燎之亦賁雖弛縱休懈體飢倚諉怠不開發而猶夷暢舒解情恬慮耽忽忘其勤乃清商戒涼少昊司馭端居無聊內自游越不知所泊爰抽羨思裁而賦焉

劉子威集

卷二

二

夫何秋之為氣兮發乎泱泱之馮馮潛迴薄之相糾兮陰始受制於璇灝之高旻叶眉之不可觀兮然悽惻乎金行背七舍之所徙兮刑德遷而在洞蒙汜逶迤之迫曙兮悵聊浪乎肫明女夷橫道而獨處兮廣野來風之營營起乎豐沮之無形兮經拒格之茂松旋瑤碧之環淵兮啓玄鳥之何衆叶昌容切繩河儲與以瀚瀚兮藐招搖之窈深容切叶書理弇茲於大荒之西兮下軒轅之臺而以降容切叶平故其潏潤始收煦以暘

曠熙煥日謝夙夜易貫漸乎沃澤窮乎大莫入
蓬蓬之衝擁復衍溢而罕漫批總駕於不周驚
雲撓而叛散瀟瀟乎分流異態颼颼而可悅出
入洲浦往來埒厰歷漾漴之颼輕隱陰池之泚
泚洞房突以謬遯芳華菲其日晏爾其為狀也
汨乎無從順阿谷之迴復廓颼颼而下瀨激礪
礪漱漱渙油然以興酋爾焉稅憺悽高厲渾渚
誠誠澹澹無色淫溶弼磕混漾秋寥曲沸沛艾
濕減憺怛悴憺滔窈紵抱隤暖潼潼憤憤滂洋

劉子威集

卷二

三

四施蒨湛湛而不分夢縷引而却赴杳兮冥冥
芒艾鴻洞颼颼颼颼颼颼頽膏漂激冽疾颼急
倥傯颼颼滯霈霈霧龍從崒中涌而惚惘然後
欬欬栗烈懾懾揭獻叶魚切礫拉摧折奄離披而
颼挾於是霏霏雷雲滄汗滄嶼商霽莫切滄
飈鳥孔切飈渾雌霓叶五切電雲霧雲雲露露雲
霏而不澈霽所板切零胡夾切霏霏之霏澍睨緊
景而相軋霽霽霽而叢積乎茫蘆窳朝霽而猶
夏恬叶五切盤紆曾系活活爛爛檣鞠平氤氲潰

黯黯而輶輶飄風至而歛望鼂衆夥之跼蹐
若既晞慘慄恹恹天暝而無倪昉見具明曷
眇眇聃朗烈以爽映薄寒之感人於是地氣
歛霽穿浩昭晰晚晚瞻景暄藹消淅光暉暉
磊砢磷峇葉掩薄疎宕豁開亭濺矯翹翹以遠
視悅聞聲而不得其埒條滅沒以幽晶嶮迅輕
而捫拉煌煜灑淅休與奄夷昶朗厭浥閭皎皎
績曉的皪而熠熠歛颼颼以竦擢臚清揚之杳
颼於是傾崎嶇嶇嚴嚴陲都切熈叶戶切崇嶺嶺

劉子威集

卷二

四

嶽屢屢參差帶以逸簡涼颼崔崔叶俱切其與嶽
嶽通乎支離有滄巨瀆丘虛邈迤長崖震凌鬱
嶽未濟叶才切嶽嶽嶽嶽嶽嶽嶽嶽嶽嶽嶽嶽嶽
高驚競軼被嶽羨溢渙散掩以泔灘淪連云濤
不風自醞鬚渾渾激激或梳其馳汨歸於壑襄乎
大圯隴干沙衍河濱芍陂江沱洛汭漢滋淮泚
蒞蒞瀉瀉瀉瀉瀉瀉瀉瀉瀉瀉瀉瀉瀉瀉瀉瀉
方異趨沆漑漑漑乎峻崎騰轉曾曲泐湧逆折
迸水雷駭浮疾羽捷開合雲會紛紜踳踳颼颼

飄颻睢魏脩條潛演困沍颺飈復颺颺磬礪之
狎多碣靈淵而下狀於是淫衍霖潦黯黯行道
蔀隳焉睨布寫黝芥叶公道切仰視出日黝黯西造
噓霽霽而靈潭冽凜礪之淪淪若夫叢灌木側
豐芙蓉鼓汎閼窈靡循崖臨而被脩沼旅生葳
莎東牆蒹蕹藏良玉芻紫萸蘆胞結根垂陰萋
萋平卉草菱華逆耦蘋芹煩切牡荻去月切雀弁鷗
綬隱巖薄之野條莫不薦茹茲芑藟藉無色晞
暉曄於晦暮披茜萐於數澤習隕黃而熒熒蕩

卷二

五

委約而相汁。填掩枳褐覆踣跌机適離披而湊
集。蔚歷鍾龍菲菲薦薦蘗變衰蕤蕤摧摧慘
嚴凝之所襲。紅纈毀於磋砢。槁蹙踐而霏漆爾。
其棋枰以整切青稚粉榆白華。文柳檟棖赤裳攄
枒息流切櫛藥所臻切狄杜櫚才見切檉柳標杅榦
而揚葩。栲枵招於諸慮。粗憶楔旄與棠棣。梅抽
條之櫨櫨。櫛擢穎而可嘉。忽復萃尊具腓。搯捫
攬解捕旋溺而爭劇。去葉成薺辯編汀彌阜敷
衍綠隰。埼坻梧樞朴扶爆叶普切槩津液內攄紛。

牆圻梧

糧料抄

擗摠麥

切津液

內據紛

12

修夕踣

爛漫而

誰吟隱

夫異域

抱薄亭

星萬里

1

綸下屬萎絕乎沉斥。交錯振撓。扞扞相挹。漾漾
汪汪。茫櫟擗之浮速。浸淫陂陀。輪菌櫟阨。振擗
措折。賁落其實。柯搖擾而不寧。憑陵肆其挾割。
麥切呼。樓萬族而無遺。惋洪割之不可以蹠。於是
隴鴈駕鵝。青鵠玄鳬。王鵠夏鴈。風毛雨鷗。翕呬
驚而命羣。游泳金隄。而喙夫寒蕪。引清吭以哀
唼。暖啁啾於潢滂。超蒙朗而趨北紘。又霧閣晦
而冥乎具區。聲流喝以沸駭。猳切許。月翔翔而扶
輿。阮以明月之灣。隈葭莢與葭蘆。陸切去。居。隴隴

卷二

六

之淒嘽。屢咽絕而鳴鳴。叮隙古鳴。隕陷陲。力罪切階羈鷁。匹鶩噉。叫傷痕。累棲曾依喙。呌噉些。叶將切於是悲風四起。天游谷動。辛候惓惓。不瞳瞳。徘徊晷晏。愴何恐悽。纏以飶。香幽切颯惻楚恫。職容切恫。叶余壘切故能令人恨憾快悵。惆悵懷思。怵鬱憤憤。悄然不怡。愕馳光之亟徙。俛逝波而涕睫。豈長年之忉忉。叶徒各切托切。沉抱之長齋。既駁華感乎寤。嘆鶩翻幡之經夫盛衰。掩聊慮於脩夕。踔爛漫而誰唉。隱夫異域掩薄亭壘。萬里

爛漫而

誰喚隱

夫異域

抱薄亭

星萬里

一侯渺邈窮紀臨絕微乘日趾泛蒙汜極塗軌
接羌戎雜邊鄙吸連卷之飛蓬旋征車而焉指
聆風聲之互發愍憤悵之盈耳緒叢倚之遙響
來何鄉而飢飢切過委切遐遊雲之變態倏無歡而
徙倚乍踳踳之雄矯倖低顏於驍志髮起立而
魂悸目瞪視而氣死及夫婉孌姝艷靡柔曼
之徒狎侍芬澤既姣且都忽見微霜奄冉襲豐
條削天喬踰步欄隨長飈漚酷烈之閭易嬾侵
淖勃率而集乎前除思心海而若墜低徊顧而
劉子威集卷二 七

焉屬目土思而無望招搖切去於時晚精
識匱憊而亦何況愔周防圖永世以爲固嗟一
往而不復壯廼有才貫極選道術絕縱騁古遐
肆遠藐無封切方上下五三莫之能綜微解諳
度理憲切淵淵用容裔愔愔不可爲頌然而會不
丁王侯擁帚道迎之季躬卑禮而推轂又不值
伏軾馳說以息競勞步高視遠而洋洋角逐徒
守尺寸儋切於院東無有懽康君公臣僕品序
曹列並受其福齊餘子切之忍謾謾迫拘攣切儼
劉子威集卷二 八

愚夫而疹疹勸勉其何益兮他典 苑善郎

艷莫郎而同措噴噴以銜嚙兮吟 嚙善郎

媚古切而賦黃鵠於晨林兮豈不遠而竊獨玩

其毛羽勁朔氣之遙入遐不翔以軒翥兮池沼

俛而啄夫陵菴哺豈未忘涖浦之遑慕兮慚眇

影徒彰以孤憬永切歷白石之礪硤兮育育遠

濫而沿泝靚川澤之宵皎兮檻蕙芳於瑤之圃

蹇吾將色舉而道夫西溟兮徙蒼梧之翳呼橫切

穢而後納履八桂醞而曜榮兮醺零中鬱郁之

劉子威集 卷二 九

芬露脾沐浴繫此鵲辭兮惟時芳霍繹而遭還

案切顧領而竣遁自遠兮焉落葉之纏纏而

可娛羽切馨茂愴徒敢切清以靜好兮茲紆疹乎

衆慙而畏懼路幽昧駭而不知所詣兮時又皚

皚而將暮情日遷而流汨兮倦中道而猶顧若

夫湛悅詩書內賦章質愉乎道德前業是述校

飾當代襲舊六而爲七網羅百氏靡使放失解

繩以來燔棄所泆鞣鞅分塗咸即穀率律總儒

墨於義府馳千載而可扶創彛倫以毘文命誕

皇皇而厚弘弼正色推切乎核論奮所是而載

筆固假擅之何敢托記言於方聞以爲正叶諸切

況作者之用心森削牘而盛賢衆叶諸切諒刊裁

以覽觀天地之閱兮懼非小子之能承猶龜勉

於戒旦兮常翹翹以夙興瞻仰欲從初之本迪

兮惕此日月之若奔叶諸切清夜醺醺而誰語兮

重屈抑利志而撫情涉沛徂之誕詭兮懷數化

而憎年齡懷去留爲達人所鄙兮暄涼亦奚事

而搖其精踵遐代以軼君子之芳武兮嶮然出

劉子威集 卷二 十

滋垢而懸吾之令名亂曰白露瀕下括切瀕丑括切

渙浪潔清秋氣感人兮西宮御女便嬖輕體垂

素纒兮翟人故處焦殺不佻發秦聲兮灑若雲

出聚蕭永切淑火界切林薄芳不得越兮鴟鴻代晨

雜遝滂浩胡平切何颺許月切華容倬態曼視

脩睇中自竭兮指掠撼挾擊離蕭慕軒棘習習

月叶許切兮周道日顯凝寒盈望深不可涉兮氣盛

磅礴儼以砒礪獨何懷兮萬里一息浩往而不

可止極蒼蒼兮

清暑賦

暢暄繁而長寫。感迭發於微音。恢浩衍而駘蕩。
靚緯候之盈深。倚高明以延佇。悅燠陽之載臨。
恬疎達以究適。慨脩旦而微吟。萬物莫不乘時。
而薛越。傷耿耿之曷心。若乃長離南揆。辰輝赤
燦。蘭露朝泳。融風晝驕。高陵暄雷。爽榭炎歊。惠
氣掩冉以迴薄。輕光液冶而相飄。燦軒楹之玓
璿。肆莽莽而滔滔。宛餘映之薰人。中醇酎而鬱
陶。於是玄雲忽興。凝陰殆遍。暘景就翳。芳晦徐

劉子威集

卷二

十一

薦。瀝巖嶸之青滋。漸江海之浥沚。空來染而無
色。窅然覩而不見。潤何施於膏沐。潏若淖而溟
漭。灑濯隰阿。稍沉煙岸。濛濛乍進。霏霏輕散。浸
淫鬱軫。紛紜簪亂。流煩或傾。盪暖斜半。乃睠虛
爽。納霄清。滌經慮。據燕情。扶臺顯塏。而延眺。層
軒寥爰。而並迎。移高蔭之肅邃。落飛颺之迅輕。
紉素弛而不御。方空襲而涼生。蕭條縱遣。委謝
何管。長林逸跡。當世無名。被夾池之脩竹。激投
澗之清泉。迫據地而疑隘。榻當膝而幾穿。石遐

厲以漱嘖。暑消忘以屏捐。托琴心以遠寄。與魚
鳥而流連。憤急前醒。醒醲薄解。起蘇蘇而餘酣。
悵吟連而未惓。皖爾調泰。毛髮浙灑。絕嶺騫以
晨煙。青虹矯而嵒。援英蕊以詠思。披碧薜而
遙待。當斯時也。凝想雪岫。注情雲虛。徘徊凌室。
結夢華胥。濫滄浪之澹淡。館屬玉於神都。玄谷
淒其以風。北戶遠而扶疎。寒梧音之沉響。湍浮
捷以調殊。泠泠翠散而濕芳。蕝蕝無聲而落
林筵。於是晡景桑榆。臨月廣除。潔以香澤。寥朗

劉子威集

卷二

十二

發舒。寂鮮顓之空宵。抗埃塏以宴如。露清流以
旁魄。含六氣之琳腴。擢嶢嶢而疎觀。淨漢臯之
明珠。何銅梁與金庭。吸玉水乎方諸。精曜燭而
颯颯。廻續紛以縈紆。容不寢以逮明。步列星而
踟躕。玩玄夜之要紹。躡高掌之裊濡。排河漢而
上出。似縱體於天表。與仙者而爲徒。爾其飲
日吐景。榮益精管。懷珠抱玉。營魄載靜。津澤流
洽。不風自冷。汲虛無之青瑩。晞光炫於陰井。游
鵠蕩而何依。驚鯉徙而絕影。鏡皓色之蒼蒼。爛

流瀾之千頃。翩度索之單衣。思白李之易永。黍何爲而雪桃。冰豈包而合類。華蘭寢之麗妍。彌芬烈而逸逞。情澁漾而焉窮。幾欲劇而更整。彼美淑之明艷。飄素雪之秀領。柔若無質。寒嚙肌骨。冰理無賦。奇光自栗。却顧笑而相命。中徊徨而若失。莊服氣而色矜。辭決志於燕曠。擇清商之遐曼。招結風於蘋末。緒繚繞而多違。纖空吹之屢絕。白越芳而緒憐。雲母嬌而藻咽。挾輕眇而爲客。超塵空其如脫。軼首疾之如焚。厭內熱之嘈囂。

劉子威集

卷二

三

明月賦

僕撫蕭序之悴零。惋靈育之數化。仰視明月。迢遙永夜。靜念疇曩。迴遑堪訝。遐哉未期。安所措駕。萬端崢嶸。來千載遙謝。庶滿心而欲通。詎易得而稱服。奄忽踰時。淹薄可惜。叶于夜切悵獨慨然。何以言藉。寄之詠思。無慙行夏。解見蜀都賦爾其塵凝談肆。霜霑桂樞。芳林寂歷。虛閣縈紆。聊戾空外。惝惘風塗。遙愬長想。重嗟象嘯。於時煙霏宵迥。

蕙華曉空。露晞澹滅。杳渺何窮。涼色初湛。漢影微泫。白日浸削。輕雲溢灩。圓魄徐昇。高秋已半。悽清商之滌滌。清緒繞之蔓延。叶衍面切波濫濫而泫泫。雲飛光之欲滅。液漸漬以濯濯。瀟瀟渙渙而遊眇。晦景滅沒。芳宵始薦。虛霞淪水。瑩雪凝片。飛鏡花生。脩蛾影見。沙渚澄寒。潭漉漉可迴練。激映無際。千里盡鑒。滢滢葱龍。目不得眴。夫其歸復於東。起明於西。雄雌代興。晦朔以齊。景內含於金水。纏初建於畢聚。音次列宿於九野。效

劉子威集

卷二

四

徐疾於太微。儼紫宮之霄曜。行中道而逶迤。辰凌則薄蝕。候應而暈圍。后無闕於方教。羌循緯而盈虧。宗羣陰以誕化。何顧免而腹爲。若乃德成白帝。作紀義和。幾望表讓。司時之過。逖有三政。從風婀娜。隱以方諸。流焞揚職。冽庭除而空寫。適浩蕩之蹉跎。於是沉寒中夜。引霧高天。江沱淒響。蕭水幽煙。清游鴻之輕翔。肅悲風之振石。露瀝流而向晚。野蒼泚而無色。落英徘徊於林磻。餘靄漸泐於原隰。於是升上霄之縹緲。散

容與之煜煜絕長河以要侶。颺寒颺而相襲。北
落斜臨。開梁遙濕。低徊天苑。演漾營室。越閣道
而便始。掩離宮之歛熠。光圻裂以厲高。漂積霰
之忽集。縹芳苾之皜輝。倏皚皚而凌劇。青蘋荒
忽以遐思。颯悽惻於隱曲。叶區遠歷鴈門之陰
泉。容微浸淫以沾浥。爛流漸之溶溶。靚粉澤之
若瀟。韻悠遠而更鮮。獨超超以峻急。墮微瀾之
異派。翻遷延而並入。驚逸羽於雲虛。感鮫人之
潛蟄。珠彩熒煌以錯落。宵輕綃而拾漵。鋪華色
劉子威集 卷二 五

蹠天矯而却立。步招搖之明星。閨無人乎廣術。
罄夕宇而一碧。耀愔愔其寂謐。奕曾萼之渥醴。
睇愈藐而颺颺。望裔裔其不可止。內自奪而情
黜。於是徙倚難終。沉吟未卒。高榭半移。層漏且
疾。意態橫生。姿媚迸軼。卒愕遠逝。詎可狎睨。冰
蕪向殘。綠水乍隔。顧影流連。失聲長恤。虛憶藻
庭。有來遐怵。與詠熠燿。重以蟋蟀。懽懽愴之感
人。顧寄心而焉畢。爾乃搏扶搖。凌蕭寥。意超忽。
遠遊遨。睇雲飾。展霧翹。揮雜遝。稔嘉招。虔妃接
席。青琴相要。離桂佻肆。續遠飛髻。並進南荆。陵
陽遙操。帷映風開。杯承露嬌。爭落湍瀨。淨拭煙
標。璇樹森蔚。璧臺嶢峣。梧楸怨此明月。玠璘秋
抄而增加。嬰皎皎以新哲。豈黜黜而有瑕。焱薄
天之交下。尚棲遲戍削。於江涯。淒卉含滋。以冷
冷。縱膏沃淪。謝其何嗟。放游思乎天表。計及舍
此之未忍。託浮音之幾絕。從鵲鵲而晨引。少歌
曰。與美人之相望兮。路幽遐以阻脩。光潢洋而
臨關河兮。徬徨至曙而不可求。竊美長巖之獨

厚兮桂樹叢生之蚺繆時菊散英於煙滋兮寒
芙蓉於中洲疏石蘭於白玉房兮限河水之悠
悠與佳期之何許兮夕延竚而不自聊叶力切
余日以遠睇兮風積橫浦之騷騷叶蘇切凌天地
而上浮兮漱月氣於曾水之岫叶似切

江上之雲賦

駕言遊以臨遠遐逸志於長尋廣川肆其曠濠
氣蒸液於曾岑恢大野之浩衍雲憑憑而漸生
霄泠然以瀏溼翩輕揚而上征霓霓暗藹之欲

劉子威集

卷二

七

合忽擎歛以爽清狀難概其變化霏翦勃以紆
縈於是楫舲船而不進徒江上乎容與朝淹徊
以遐寄逍遙舒憂於芳渚目洎洎而有營恍若
遇兮穠水俄澹淡以俱集佇已近而不可企欄
昭昭之未央紛可悅而盈視遷延徙靡洋洋俱
俱逸駭若驚迭宕無所將疾更徐散而復聚曾
不須史變不可觀興沒無時焉有所主故其始
出也蔚何霏霏若存若亡其既進也皎兮若月
出之光煥兮若榆袂飛髻掩抑而相望郁兮眾

色倏兮若續繡舒發而成文章餘絢隱見覽不

可詳沛沛施施淒淒若經宛巫山之陽忽為飛雨

又為行煙非霧非靄綿綿延延湛水波之初澄

兮靡明月之在天襲微颺之汜濫兮瀉瀉歲叶詩切

之流泉憬高秋之灝旻兮河漢橫而却旋靜

北落之無聲兮映閣道之嫣然觀洩雲之閒弄

兮鬱巖巖以裕眠叶所切百川之嘯嘯兮叶出切

氣而班班叶卑切姿婉儻以眾態兮曼柔靡而姣

妍斯何華以玳璫兮中差序而皜鮮叶乙切聞

劉子威集

卷二

六

緩而繁滋兮霍若馳以絕騫緒浮驤之縱衡兮
端却引而並會湧礫礫以相擊兮肆焉蒙而不
知所稱礫梁倚而高厲兮重欲壓而却墜灑灑
陵礫之未分兮熾皐陶之砭爨叶感切倏突怒以乍往
兮搏搏焉所傳而咸蕩遄蹇蹇叶感切倏剽捷兮
風泊漠以幽泄叶謹切在弱之無質兮夢又何靈而
不可載奔揚洶洶其徒涌兮熒熒弗鬱之橫潰
於是跼藉紛緼軋沕振叶振切陳夷與溶滴幼妙遼
巡曄復滅沒奄忽若神虛徐無當令人遺忘窅

寥蕭條慘不自聊。惆悵煩冤。委蓋液消。謂江浦
之遙。以爾颺余諒。愴靈暄而鬱陶。若夫草莽魚
鱗。氣所薄遏。郎切。五色豐琅。名之爲慶。羊切。德
既出游。飛入於房。車蓋輪囷。垂芒耀精。良切。臺
觀書物。以察祲祥。吳淮氣勁。森森悠悠。鳥舒而
跂。譬海起濤。留切。乃拂汨低地。漫衍觸石。流連
芳草。荃蕙并積。香掩越巖。岫白泊。無染恬自適。
往赴會林。纓帶山冠。幘風止雨散。不見其跡。本
無心而去來。虛迴徨以朝夕。冥寒宵晏。流景白
劉子威集 卷二 九

秋霽賦

今茲之歲。秋苦多潦。每有所尋。輒不能豈山川
者不足當吾覽哉。游者云否。雲上於天。亦各有
時而征。奚必豫而不可往。則隄壤藪隅。安得有
吾轍跡交焉。遂作頌曰。殷洪霖之霈霈兮。並及
時而薄厭。氣蓬勃之方興兮。妄晝夜而澍霑。頽
崇山以崔隄兮。隳仍丘之夷衍。叶夷然切。狼壘觀瞻。

藹之給沓兮。滋有虞於鴻淹。滿庶庶之黜黜兮。
汨潭潭之益漸。朝盼睎乎繁陰兮。遙四野而仰
閭閻。紛薄之挺解兮。廓落霾翳之不復潛。蕩瀕
洞之若滌兮。相穹上之湛湛。日昭昭而舒光兮。
謝隆暑之盛炎。窈窕浮雲之失據兮。潰爛渭而
遂殲。霍赫曦之曠遠兮。迫青熒之淡淡。蒼灝窅
以無際兮。渙揚波之泛濫。開逖洞皎以洪鬯兮。
霽縹緲之含灩。景熙灼以流皜兮。徵砥輝之無
僭。卹墮墮而奏爽兮。敷沄溶之輕爛。騰曜晰以
劉子威集 卷二 十
臻曜兮。燁燁朗而皦皦。宇杪秋之薄臨兮。天精
瑩而尤晶。晃日氣之漸淒兮。曄何皖以藐藐。鮮
皞陽之初輝兮。暎晷若之有曠。躍盼睎之未發
兮。意怵慄以焉悄。水曾綠而新潔兮。淨蕙煙之
燒燒。映蕭旭之晞微兮。麗攏。所宜切。攏之若編。屬
林莽之狝猶兮。披離交橫之稍稍。嚴澄霧而泊
嘆兮。落高影之靜杳。含衆色以靄靄兮。吐光暉
之愈了。泠遠條之夕飈兮。牽縱橫之流藻。蘇瀏
瀏以豫康兮。視要眇而體綏。悅高攄之清臬兮。

燥淞浥於斯館。孰幽屏之匪隱。兮庫頽朗以就
暎。應肅穆之改候。兮變吹吸於少管。旻順宣以
卽敘。兮運焉忒於司幹。弛綏肆於茲晨。兮釋聊
慮之煩懣。奏浮涼以郤寫。兮羌恬寄之悠散。嘿
馳思而自撫。兮交衆端之纂纂。不知夫白日之
易遷。兮愴秋氣之惻惻。隗皇覽之骯曲。兮灼垂
照之胡失。遠行遊遠以絕類。兮又足忌夫鳴鶴。
渙切。煜燭之章明。兮麾衆謾之遐切。律。墟
百谷以罕切。寥兮。墮浮響之並入。卒愕令神

劉子威集

卷二

五

劉子威集卷之二

劉子威集卷之三

長洲劉鳳子威撰

賦

登覽

齊雲山賦

黃河水音句

齊雲山宮者

北帝之所寵靈。東南之喬嶽也。爰自前代。式廓
基兆。肆規棟構。果有飭崇。越休顯我大神威神。
光禧。斯亦靈德丕祐。山川孚貺。表祥垂祺。聲炎
之施赫者也。逮

劉子威集

卷三

一

世宗肅皇帝肇命憲繹。夙感淵心。迪隆天造。恭
用吉玉。格於昭壇。俞乎懿哉。遐不煜煜煌煌。粲
於純精哉。猶以宮殿之制。未極雍備。非所以奉
虔祀。極闕嚴垂。永久祗肅將也。爰發太府錢幣。
鳩繕庀緝。益藻煥儼翼弘於前。勦矣。予榮糧千
里。企踵祠下。遂獲瞻禮。仰而歎曰。吁。何異哉。天
人之際。玄感眇微。嚮格幽邇。非可得而云也。職

淦旣夕。股震毛栗。徘徊而不能去。爰嗣言於風人。用掇述其梗概。賦曰。

粵惟浩漻融絡川瀆峙爲列嶽鬱澹澍之爽精
 域土方而磅礴戒祝融以作鎮奠坤后之廓薈

封以崇山帶以巨壑。爰次泰圻正位乎灼爚。惇
明耀於星紀應中候而有作。乃直斗分以開嶺
址齊雲而上拓。緬休陽之經維。埒辟王以疏爵。
偉九野之瓌麗。何茲嶽之鑒落。瞻彼崖巘之爲

劉子威集

三

狀也則靡迤延亘屺居擬切嶮口猥切踦居倚切踞居翫切

苦卓切蹢躅乎嶠嶠也。駭碣萃才律切嵵才接切竇攄。

窳居毀切寫伊彼切博儻食乎切藩也。屬鴻紛以復。

義芳隴振麟而扈蔚地。砒崦岬以踈於卧踏他

切
芳奮倕攘乎芥原。發軔吭硯度岐厓而躋嶠。

嗟兮嗟力罪切陟力罪切之夭嫪。汧汧以汙汙其相。

襲霄兮梢適皇侏僂以蹠蹠。叶知晤區蒙巃之。

巖繞兮擎離右轉留往而橫趨叶才切霍護芬披

漫羨流爛兮合還膠轄以叫窰於是躡步蹴躡

絕翺翔兮歷浚隍而愁深
瀕湔湔兮石磴磴蚪

屈蠖約岬嶠嶽嶺遂紆縈降而復登凌嶄嶄

而道嶮嶮兮夫何黔黷揭旒之浸淫也亭螭

以疏隧兮敞增切，七 岐之曾岑跨廻峪以並方。

梁芳薄磨歷硌之千尋畫崇墉徑袂之埒巖芳

宕重闔以衽襟完中巖笑之葺屋竊傲兮壤磽

確之依青濤。襲若龍鱗。映何靜窅。兮。掩曖靄。悠。

而曠霽於時未臻夫天門也迺微睇夫駘蕩之

無垠固已仰踐飛鷗而軼游禽儲與悅悰以懷

劉子威集

卷三

三

懷兮倏騰蹻鏗瞋而摩瀨清。乘浮氣之搏搏兮

康梁桀孽而蹠澄滓之營營礫苔洞之折入芳

廬以案衍而隱坪嶺藁篇薄之與新雉兮雨君

破礮而礮渟泓石室遑遑而攢側兮堪崑封關

連翩以軻叶切猗叶切編攔青蔥靚何耽耽兮寶佩

詭叢倚而瀉津管平切於是危石嵌崿巉峭落

勢蜿蜒而飛空瀝液琤淙之風颭兮翳雲霧之

濛濛霏濛濛以霏霏色參切 芳注懸瀑票票以漚

澧玃璅珠綴晃綃帷芳綸嶮嶮之穹窿嶮

淮桑納霞月兮曳柔橈擗而架嶽兮若秋約靡靡之從風橫澗補孟走其隄絕抄顛兮離樓相撐以互經橋仰睨窈窕而莫覩兮下踉蹌而不暫停長雷背秋涉冬之勉勉兮瞋澌切而馳迅靈灑幡幡崩滌之斐璽兮又冷涯奔湊其泌渤切胡攬擥切而失措兮觸崕岫以遠遷之剝剝切標撇决裂拉隄唐兮素雌哀號於束院切雲集爰聊戾蛟龍澹兮訇勿律吸洪河之倒躡切蹠蹈皓皜

劉子威集

卷三

四

兮奕奕指玉橫而森攬槍爾其恢典度以考宮兮球琳令甌珉璫堦切璠璣材林積珍奇委輪切栗闕創倨直構模依井結阿厥切斷塗落以棍成駢田扶疎洞漉地軸要紹清都離婁眇睇以倏倚兮班爾心賦切而不敢施其雕鏤經日月於戶牖以為朝夕兮切除雷驤陵於軒除璇題切撻撻之菁英於納陞兮扶虞淵之華莘以曾櫨切桂椒歎涌而承懷兮歎沉水之條切歆乎蕭跗切苗苗垂苗而將粲兮間壁釭之明珠切臬罕切振切之櫛比兮張廉瑕之強幹而薄其蔽切棠切緩荼之宛而不邪迤兮極剗剗之工巧而瞿瞿督脩峻之中繩兮陳勾楯之捷機乎朝蟬何錯紵之澤若流水兮切琴穩櫛梳以子偁飛廉衙衙切而通視兮睢盱上榮之不可躋竝進馮夷切玄螭切觀切翠櫺兮包六漠之無際信神明之所廬兮陋林光與朽切枯切於世皇之降假兮陟皓庭而覽茲淵懿續昌飾而

劉子威集

卷三

五

有所增加兮嗽出日之蒼夢以爨爨切開測置

禁正緯經兮步軌繫八神之從眠盼覽猗規睨

之北絕寒門兮皆暗昧而罔不四施匡衛輦紅

腸之酷烈兮殷紫微之翠氣以諉誣魁低昂而

衡泰宮兮勝蟹嘒切歸玄冥以昭類游神北落

之挈天紀兮戚玉璫之淑郁而颺景熹肆宗裡

何不顯潔蠲兮穆恭嘿之承釐儲精白日貫三

五兮諒貺隆之在茲於是徒觀其後召巉嶮之

丹障兮轟屏辰之扶樹中特高而造天兮席嶠

劉主威集卷三 六

岬之危柱刊隋戍削列帷帳兮韓曄襄乎平圃

刷棧齮而重倚兮辨補類壘壁竦峙以扈扈巨

門堯擢之顯闥兮基弘敷而狹乎百堵於是接

以文昌之帝座兮殿虛無之寥陽歛雲旗桂幹

之翻潤兮播沅灑東井而轆玉房嶮岫翻标标

切牛以脩脩兮翻左局乎堂壇翼長離之翬翬

兮曲枅橫出乎宮之鬱單樛檻騫翥之翺翺兮

珍館陰淫而彌乎嶢岼覲游樂之標隣兼兮千

青雲而未半叶通寒切右經三元之闕殿兮跨摩谿

以疑去寒燕靈囿於東廂兮并公戲廡之西端

徑緣輿以邃窈於鳥兮何虛闕之不可殫蔓延

扶臺粘迤邐兮門發隱阻檄栢姪叶開閼璽

陵陪無疇兮機穉鳥舉獵獵潏潏泉涌溢貫中

唐兮瞻隅陽馬抑夷衍叶於是振溪通谷扁

偏康防緘咸開閼坂院堂與陬陸碣礪文

砥維辟礪澗洞室開榭宴清玄邈叶因方就

圓不待改築落彩制究華綈叶林麓流壘

添奇葩軋轆被以脩竹其巔巢叢猱離文本松

劉主威集卷三 七

杞琴灑標松芊策萃葦峯冠廣濬石院防欲墜

兮遺光曜忽奮飛兮突若幬懸萬仞兮庭隈隩

仰昨略兮遙相勞附陴戲兮薄陴陴徒綴罪貼

危兮躋不任踦窕寫墮窗兮頃陴陴隕之齟齬

飲漿漱火界之驚流兮暴灑晴空以颯澍雨江

溟漭以消截兮濺漫漫之淒淒陴叢灌距山之

岐兮閱縹碧之巖嶙然翕飲而不徹兮又嵯嶮

而敲先孔殿節天梁之自然兮崑崙峒沃

若於河津峽品品之崩崖兮崑崙峒沃

宣序兮。

增城九重叶傳象與丹梁旋堂皇兮。

齋居賦

肇脩正之微美兮，誇嘉聞之爲城。余信稟此昭質兮，豈耿介之足慕。悲世載之悠遠兮，夫孰覽而知其故。往者既邈以渺兮，怊芒艾而未迎。元切其時愴怛而有覩兮，精往來而遂悞。羌上下以求索兮，獨徊徨而延佇。道阨隘以險巖兮，蜷局余舉足又焉所措。托微風而遂高舉兮，氣蓬蓬而在野。叶常切重偃蹇而舒徐兮，乘余馬使徑度。意倏倏猶未弭兮，馳曾轡而反顧。目悄悄余土懷兮，延案志於中路。相渴渥之歔歔兮，循曲磻之瀼瀼肆眇涯。豈可極兮，脩脛邪迤以周抗。叶丘切崇積牒之夭矯兮，石瀨軼而廻漲。叶陟切波迅激而遂上兮，盡其搖而復放。叶分切爰考室之穹龍兮，濫洲止而遂荒。搯宿莽之蕪穢兮，竊竚貽於陵陽。條赫莖俾阜衍兮，朝從易其葦芒。雖五施之強肥兮，豈獨宜彼赤裳。掩下澤之湛淖兮，沛潢流之滂滂。悅羣木之滋蕃兮，阜被帶乎白昌。宇曲拂以曾加兮，勢滔窈而相赴。上峻岐之澶漫兮，忽繚轉而翔翥。頡頏濛濛而無象兮，固

劉子威集

卷三

十一

已游其樊而不可泝，聽繁亂而淘淘兮，若湍涌而方怒。憑驚霧而遠望兮，誕遵循而不知其所。驚曰：余豈以徇處兮，構將將之平圃。迢瀝減以亢爽兮，晞曜靈之所攄。歷嵎中以還回兮，紛構攄而左拒。叶舉切面陂陀之顯樹兮，滅霜文之刻鏤。臨青冥軋浮吹兮，翟榆視其逸羽。房葍芳之衆秀兮，梁要眇之雌霓。纓杜若以爲橈兮，菲菲發越之陸離。衡揭車之碱厄兮，卉薊莅而難虧。芬菲鬱以舒寫兮，折瓊玖以桂枝。抑理美之淳質兮，藻椒連之能施。廡四闢而成章兮，縻榆蒸而覆之。縹緲昱之重葩兮，旋激詭而應規。揭南榮之宏朗兮，削旋石之隅差。砌珉碧之象瀛兮，瑩綵綴於殷坻。璫璘彬而翠倩兮，瞰激激之含喜。渙踈明以博敞兮，引媚鼎之瀝姿。挾沃若其並躋兮，冒頽霞於桂楣。牖雲合而錯眩兮，焚遙集而相糾。唐皇旣流通而文映兮，靡隅阿之不猶。薄渺綿以經帶兮，翼黃虛之四游。披丹芙於蕭梢兮，伊樹萱之油油。陽敷皜以昭爛兮，亘之

劉子威集

卷三

十二

以華嘯故蒼葦其薙於晦首兮蘭茝翳而獨幽
據垂景而盤桓兮咸駭涌而驟浮游氣邁以氤
氲兮孰應節而始腰陰池窅其浩廣兮宛淪瀾
於延渚紆渺汚以泛濫兮漩混漾而復去菱荷
颺以滅沒兮依薇蕪而為旅葦翳泥以浣演兮
英扶疎於波籟仰若鳥跂而上下翹余世切兮翹
空翔而翩舉惟江離與葦脩兮蔓輕紗於叢楚
混瀚迅狀以絕往兮矯文翼於沃沮翻其嫫嫫
之斜睨兮彌磧歷而焉抒緬登降而想像兮嘉

劉子威集

卷三

三

隱麟之封密擘瓊麗於都邑兮逕廣術而中貫
叶法曾里閨之足懷兮不替余之博觀惟昔純
烈之遺則兮固前猷之所完雖負荷其猶未得
兮喟獨憑心而永嘆傷爛曼之奇飾兮何佻巧
之未殫侈日縱其不厭兮暨欲際於抄顛喻昏
荒而流通兮不忍涕之無端余固知浸漬之易
靡兮羌不改昔之所玩瞻縣聯之茂植兮微刻
儼於堊墁肆溫藹其端直兮逖嶒嶸於澤畔猗
風雨之所震凌兮屹靈靈其猶未寔標通德之

崇樹兮貴絮楹於琰琬潛余抑以晦處兮竟營
營於千載憫欲從於斯世兮惜往者吾不追洎
無為以湛思兮庶余心之攸在漠虛靜而愉悅
兮夕相羊而誰待聞脩士之礪礪兮廩貞志之
硯礪遭溷濁之末流兮懣浮偽之貪瘠私怦怦
謂其不可兮撫年時而慷慨步檐楹聊逍遙兮
感揭驕之傾殆偃仰吾永棲息兮超氛埃之皚
皚拙思忽其流宕兮悼浸遠而無悔神飄揚而
靡所止兮儻繩墨之易怠塞罔罔於沈寥兮豈

劉子威集

卷三

三

忿狷之可採內煩亂而不分兮怨白日之余絀
夫誠擬塵垢而潔廉兮衆多方而媚之或卑身
雜處以偷合兮覆增撓而卑之聲變糅其愈潰
兮黑白眩而焉所至高張厲其絕微兮俗莫知
其委痺荃獨東西之異趨兮寧顧領其誰對重
伏檻以沉吟兮嗟暴戾且乘人而恣睢爭曖曖
務以追曲兮懼流拚於三季彼黨人曾是之不
思兮謂強圉其可以肆愴結惛其胡為久處兮
質消鑠而日悴吾軼迅風出宇內兮忽乎朝所

荏仍羽人於玄丘兮。奚壹鬱懷此塗。慨長太息而捐膺兮。夫人孰狂而益醉。亂曰。蕙華條以晼冉兮。零露湛而溥之。騏驎邁以遐騁兮。鉗且轡而組之。時日遷而不留兮。曷及余之方壯。將空谷之無其人兮。恨淫溢而恨恨。嘉衛宇之廓落兮。軫江海而攸創。極游居以放意兮。猶未及余心之所況。集瓊琚之華英兮。低徊夷猶乎都房。和六氣載陰陽兮。蔭未徙桑榆之飛光。隘九州轆轤何相望兮。奚爲去乎故鄉。背阨峴峴歲其

劉子康集

卷三

古

詎央兮貽百世而爲貺。叶呼切

登樓賦

朝紆思以何選兮。繼登樓以廣娛。危抗睇以遙寫兮。偉崔嵬之軒廡。揭天梁於騰濤兮。遯阿井於陽鳥。墟封嶠之宏野兮。粵盤礴於吳都。挾通川之互經兮。灌五土之交輸。脉維絡之雄勝兮。漫膏衍之敷陟。窈窕穹壤浩漭具區。陵陸跨據環塗委紆。畜聚填庶繁麗瓌梧博茲珍異之盈溢兮。信碩盛而輿腴。肆走集之淵會兮。標榮利

之所趨。突曲牖之窻深兮。靜言栖託之悠悠。方躁止之殊致兮。審濇孰慮之可求。肇都邑之紛麗兮。式訛爾之爲尤。氣和陽之茂美兮。舒明熙之瀏瀏。廓落宛轉極調暢兮。風徐襲而逾柔。澹淡無煩。條開情兮。蕩妍靄之浮浮。曦光洞以皎露兮。閱斯宇之邃幽。欣欣豫悅而披襟兮。豈其重當余而有所留。目遐騁而高寄兮。眺極浩冥之隅。阨愷顯爽之陶。永日兮掌離樓。偃以無儔。敞遠條之桀擧兮。復悚悚而流眄。景蔽翳而難窮兮。爛何色而餘綯。繚平視之沉沉兮。膩綠水之可濺。靚天治之不能忘兮。綿余思之戀戀。下白日之豐輝兮。燦露草之芳薦。將愉志以並職兮。詎飄落而華晏。屢管絳而感悵兮。曾未究於薄眄。幾發作之亡何兮。劇少選而淪變。滋燠臆之漸生兮。著皜灝之蔓延。枉劉覽以遠送兮。譬聽歌之識其嘽。懸千載以同往兮。則何須臾而欲徧。惟仲尼之遊於觀上兮。奚邇遠而有羨。照炎馭之能溫兮。瞰欲虞於日昃。假玩弄之閒隙

劉子康集

卷三

五

兮竊詠思以自列。飛翩翩之輕藻。兮睢盱侮世。以滋媒。就相軼於驚誕。兮驚任情而眇蔑。迭蕩覆出之潛恣。兮詠適渾詭以峻潔。沛放散以徬徬。兮焉所冀而足屑。夕慘慘景欲匿。兮橫睨猶是之堂嶮。顧指膺而高厲。兮願佛律益效於疎節。

眺後園賦

伊斥壤之脩羨。歷逕直之黃虛。度周除以廊落。依康梁之相扶。衡九達之靡靡。抗崇隆之經廬。

劉子威集

卷三

七

儵眎列以炳煥。總浩廣而登踰。縱環術以中貫。咸被帶之強腴。垂沃衍而閭閻。面萌達之數區。鏡茂澤以映潏。陽燄景而華蕝。鬱駁樂以玉石。燦礚礚於高岨。愴蹴滄蕩以颺颺。攢雲暖之飛淙。漱澆澗以留趾。煬楚棘之齟齬。下繚繞而爲渚。蹠却立而瞿瞿。旋溺概以淖弱。冒玃礫之芳芙。滓涯浦而左據。踐峴嶺而據所。昨何輕勁以翔浮。曾凌遽而不可肄。援幽交之空冥。於坳堦。森靡明月而鱗次。默玄黹與青珉。雜衡襄之

密緻。非礧礧而礧礧。礧礧而礧礧。班璘之費績。忽襲積寒。緜裁若鉅。切逼歷規。含空龍而交徙。出洞穴之中。刳巨螭伏軛。紛超騰以順游。梢蒼龍而爲徒。刺牢戾以勃決。合沓佛仿而類方壺。雲朝暮以聚夷陸。渙淫鬻而並輪。渫鳴實之琤琮。谿衍施靡而未殊。掩衡臯以被望。糅苾薜之麋蕪。王芻淦以碧色。東風斐亹而確確。苞布寫之方析。郁葩曄之異彩。綠陂陀之案衍。咸天倩而萎罪。吐丘樊以馥烈。灼朱華之旖旎。蔣苧旅生以蔓延。

劉子威集

卷三

七

彫旅綠節而籜紫挺。玫瑰於水浹。瑤英幡幡以離纒。颺蕭蕭而在其間。光照朗而綺靡。厠遠方之珍木。復標麗於奇逸。交錯婀娜以蔽虧。豐條業倚而拂日。暢盈抱之偉幹。錯琅琅之玉質。芳檉藪。櫛乃豆。以權枝葉連卷而出實。沈溶雜襲之菲菲。遺輝瀏莅而匹溢。安榴倚桐青綺之李。間以烏桺赤葉。峯陽之栗。緇核縹蒂以殊種。文杏夭矯於盧橘。襲以搖風之嘉名。遂隱天而佛律。軋萬年之喬柯。豈五沃之所蒸而滋殖。素

奈蒼選以青房。梨紫條之遠揚。疇不秀長而茂。
潤蓋爛曼。芊眠於中唐。接垂露之寒液。亦云背
冬涉春而泱泱。惟機枯之直上。而無依又焉所。
羨於檀樞。連翩肆其蔚蒼。青羅相屬。於彼梟陽。
帶平圃之間館。白雲隱乎鹿場。落漠風漑。以高
寄步篁薄。而臨絕沅。困珍怪而總萃。思馳騫之
滿狂。安志滌覽。以夷蕩玩書琴之太康。賦下時
以休暢。訊峻業孰遠之可述。迴肅肅之泠泠。悵
獨相羊而未畢。

劉子威集

卷三

六

劉子威集卷之三

劉子威集卷之四

長洲劉鳳子威撰

賦

志

拙賦

黃河水音句

昔獻吉仲嘿。各賦寒鈍。以著意。蓋以遭時坎廩。
蚤擯落不偶。不能無意焉耳。人以彼長才遠度。
即超踰直馳。無不可者。而皆齟齬當世。並以讒
替。若李生罹謫。尤甚幾不免其身。非才爲罪耶。
予感二子事。因著拙賦。亦以矜抗不獲有足悲
耳。往者可作將遠同千載也。

劉子威集

卷四

一

嗟世路之屯蹇。予不訾夫詬耻。竝出進以兢。
逐。兮諒多岐之差。僂俗熾趨而曲。遇兮紛踳躒。
之滔詭。固黨人之嬋媛。兮逕邪辟而危趾。驚奔
屬之巧捷。兮佻儉狡而朋比。耽矯竊之恣媮。娛
兮忽不知其所祗。獨臨睨而遭廻。兮怊怗怗而
自弭。遭沉濁之漫衍。兮幾欲涉而胡底。抑將愴

以遙思兮汜靡靡之昌被。退量力之所任兮豈
周飾之有美。羌迅意以不可筮兮。怛徬徨而竚
凝。曾匪志翳幽爰廣要兮。遂次其高以爲市。吾
理弱而辭不佞兮。倨傳傳而笑之。無與援以
憑藉。升兮阨又誰所嚙之。觀時俗之所服兮。光
陸離之曜曜。何相古之足程兮。雖佩服盈要。猶
以爲悼顧。曠志之難厭兮。曷云踰溢而不罹。惟
倖私福澤其浸淫兮。苟揭驕以恣睢。卒墮顛之
不崇朝兮。固流湏而不濟。逞臆言之。忽不懲兮。

劉子威集

卷四

二

往與害賈而孰畀。世幽昧而不察兮。及行迷之
猶可悔。汨余其循夷軌而改錯兮。倘康途之隄
隄。穆恬愉之若昧兮。違昭明之近殆。寧盤桓以
延佇兮。忍蹠足亂流而獲咎。殉切繩之端操兮。
徒發憤其奚爲。蹇執已而與物選兮。終沉菀而
不辭。傷婞直之不媚兮。亦胡愠人之不已。知彼
僥利之信工兮。懼小智之易以壞。呼胡切喟登高
以遠望兮。吐忿恚而舒中情。步徙倚而不進兮。
軫沒吾世而絕名。馮專一而未烈兮。尚紛緼馳

驚其何求。耿難徙之介節兮。胡濡遲而淹留。重
慷慨而閔憐兮。馳歲忽其愈邁。將薄志之荏弱
兮。不能抗峻高之好脩。中惋惋內自激兮。溘吾
獨淒傷而增憂。古之人余弗及兮。來者曾足惡
而包羞。重曰。天地閉而賢人徂兮。何必阿世而
從諛。彭咸去而不返兮。吾焉所務而長劬。撓摑
體媚以捍侮兮。弘揖讓而救濡耗。以爲羽自奮
矜兮。欲不勝其柔儒。釋辟閭謂不銛兮。孰韜刃
之能爲。剗縶騏驥以就騁兮。雖駑駿其不殊。鷄

劉子威集

卷四

三

驚爭以爲珍貴兮。哀鳳凰之在笱。衆皆欣欣而
自得兮。憑貪欲其焉極。羌不知其非據兮。謂康
娛其何所亟。兢周內以希倖兮。聊從容以偃息。
豈崇榮其可數。微兮忘危敗之在側。誠菲淺而
無因兮。瞻周道何反反之蕩滂。秉季德之褊隘
兮。軼孤狷之遺則。庶黜心以從道兮。內重已而
伏清直。依前脩以軌程兮。夫唯中正之是力。橫
羣排之波駭兮。誣詠恣以興嫉。固娥眉自昔善
妬兮。來余爲之心惻。憎愈滋其亦何傷兮。保厥

美而自抑。非干進而不寬綽。兮免衆患之交謫。豈余亟其有異心。兮夫固知從流之可耻也。歷上下以求索。兮抑又忍而不能已也。既流蕩若抵石。兮徒佗際其何及。思湛湛而願忠。兮獨徊徨而自失。天路遠以遂遠。兮吾所懷既不聞。陟斯崗游余目。兮一寄情於浮雲。森離披而壅蔽。兮夕便始繁此望舒。荃眇嘿而任拙。兮豈不儵忽其庸無。憐好竭而不圖難。兮曷云患而替余。和調度而效闊節。兮神明峻而理疎。端惟省以

劉子威集

卷四

四

感論

優笑賦

漢武帝宴羣臣於栢梁臺。各賦詩。已因奉觴上萬年壽。帝歡甚。顧曰。有能爲隱以佐卮酒者。朕且賜之土田。秩五等。爵郭舍人。進曰。優臣之居里有荒叟。嘗仕於楚。句年及耄耄。行步僂僂。躁擾失志。獨好畜聚。貪黷不休。憂慮倉庚。晚更多欲。耽耽媵孺。招要少冶。惟色之慕。縱決妖姪。猜忍媚妬。強學笑言。載色嬉嬉。有舌半腐。無齒可齧。沫流如雨。多涕及眵。口善薰人。喉若曳縷。轉側極艱。婆娑媚嫵。顛倒欲殭。作力尤苦。頭幾擔地。尻竦於肩。仰面蠱悅。肘脇欹偏。左右拘廢。運掣屯遭。夜竊姬侍。唾嘔取嫌。臥猶蠶蛹。脉癢且疢。目不得瞑。息氣淹淹。內自焦灼。爲慾所煎。廣有幸御。曾不捨焉。狎暱達旦。徹曙流連。不勝沈恣。滅項忘峻。喘喘以咳。幾不堪任。大命垂絕。睢盱寒噤。溺彼禍水。猶寧引鴆。人之昏狂。孰知其甚。東方先生曰。是奚足怪哉。夫觀貌相悅。此人之情。危殆忘戒。固害所羸。且壯與老也。其嗜好

劉子威集

卷四

五

有以異乎。而獨責耄者以禮義。曾不悟知賢達之所營。章華大夫楚之干城。淹有盛美。重襲雅名。容服光茂。意慮超明。舉止言談。衆所法程。爲國者艾。歷年有茲矣。而婉孌柔曼。綢繆倩粲。外託信誠。潛肆狎翫。幽房瓊闥。祕館上官。洞戶閒寂。綃帳微風。奇香郁烈。芳氣所充。衆務就解。從容日盱弛。服釋纓。鍾闌酒半。式號以呼。浸淫及亂。情至於斯。亦胡能已也。而內子奉規秉德。以贊辭理。明惠詳整。可觀。歌曰。靜夜何其。君子晦

劉威集

卷四

六

晏起視庭隅。明星有爛。慎爾燕儀。無惑哲媛。式時嘉樂。胡不衍衍。於是嬪從如雲。莫敢當御。遷延辭避。離席稱遽。雖有結要。目不得注。俛俛率義。以禮見憚。惛惛惶惶。快中自嗟。惋彼美淑。艷諸於事。貫授色戲。銜微示侮。謾舉步若胃。卒何相難。案志兮無由。惆悵兮不自聊。叶力神飛揚兮蕩越。強閉服兮中留。帝曰。朔來爾言。雖詎得無有所諷乎。於是下令公卿大夫。各有所納。弗得禁制。并賜天下寬惠。母相妬嫉。拜朔大中大夫。

賜黃金百鎰

有所遇賦

魏季游於河內。時玄陰就晏。水澁雲虛。寂寞何睹。徬徨躊躇。憤而體煩。夕未云晡。怵然若有所遇。季獨驚焉。謂御者曰。吾卒卒忽忽。孟罔闕而不自得。懞懞擾擾。目若有所髮髯。姁媿融冶。狀不可具悉。御者曰。夫子何睹而若是哉。曰。吾游思窈眇。放意冥漠。畔散無有。棲乎淡泊。乃胡然而來。感予甚異。不可揅度。爾其精越逸矣。不自

劉威集

卷四

七

抑矣。極蠱媚矣。焉可測矣。麗美絕世。不待采飾。既惑且駭。目所未識。其始見也。瞰若游雲。輕翔汎微風。其少進也。洋洋徐若朝煙。映流空。俄然不睹。意態橫出。飄兮似驚。悵兮似失。若近而遠。絢爛衆色。不可正視。光彩所射。徒想像其容止也。豐艷麗靡。誠無方。纖淒窈妙。含清商。捎明月。翳鳳凰。結煙縕。散芬香。風冷冷兮襲秋霜。斐纈翠綺飛雪芳。淡兮若亡煥。若翡翠顏復頰。曳纖縠曜明璫。踐金鋪排玉房。婉孌利順淹祥。和心

意愜思腸。御者曰：何美之盛，能感夫子之極？與請爲詳之。季曰：不可述也。吾止得其槩耳。遂稱曰：夫何淑美之明艷兮，析若華之曾敷。愜美婢之抑若揚兮，悵灌粲之皦朱。行步安舒兮，骨體嫺都。妙女盡飾，悵未得如青琴。皎眩不足爲姝，輕不佻宕，重不泄濡。睟容有穆，瑩無瑕瑜。儀盈萬方，應詩中圖。令人蘇蘇，不勝媮娛。今夕何夕，願假須臾。中心亂兮，不能與俱。欲摹以臆，猝可悉諸。姿華潤以朗鮮兮，蜚翹翹之翠翰。翩綿藐其美，眈眈兮湛清醺之皎妍。容則嫵媚，以豐纏兮苞柔膩之稚顏。犀瓠瓌其的皪兮，灼丹華以便娟。鬢藉藉而雲浮兮，光可鑒之勝蘭。淨纖穠之合度兮，質艸弱而未安。紆秀頸之宛僊兮，映榮郁以靚閒。爛玉輝之冰競兮，又濫灩其流寒。娛光忽以邪睨兮，水澹澹之含漣。似銜意之欲吐兮，儼盛色而遷延。莊矜翬其舒徐兮，秉微嫺之皦然。悅悅豫而宜親兮，揄輕袂以盤桓。軒若舉而中留兮，敦志介而入不言。靖寂謐之遙夕，

劉子威集

卷四

八

兮泣哀思之悄悄。私怵惕而不忍視兮，悵未得奉乎周旋。託眇志以相感通兮，不任乎赧而色殷。愕婉轉而傾首兮，玉色頰以低鬟。飄芳澤之粉排兮，蕩闇藹之可歡。寫欸欸而揚詩兮，白露交下之溥溥。指扶桑之朝暾，以爲喻兮，涕沾臆之汎濶。願綢繆而不可兮，寄遙思之絕端。抗瓊鬋而遂舉兮，聽流波之濺濺。惠音聲之欲遺兮，曾未及移蔭於虞淵。匪金石之可磨兮，諒明情其不遷。於是解佩纓攬芍藥，託微辭陳畧約。戲相謔翔遼廓，色采未交。翩然而作，精蒐蕩搖。豈及酬酢，將舉未訖，似前復却。含睇微笑，示有所好。用心拳拳，私自爲悼。徙倚流連，迫不得道。餘光鬱或俯仰，甚妙。昭藐何哀，暫若相勞。迴風淒淒，淒兮上下無鄂。贈我如此兮，退且自怍。展側寤，思兮適皇求索。悵怏失氣兮，不知所託。春陽漸生兮，神連未分。縹緲紆軫兮，山川出雲。誠願請進兮，細細氤氲。餘芬酷烈兮，芳馨有聞。

劉子威集

卷四

九

情

弔華先生賦

余始之舉由華先生故感也深辭不能傷

登高岵之礧

勦切

可

礧

乎可

兮

脈

亡華

百川之全

入灌礧洲之既

漂

兮

臨

江

之原

隰

抒遙

思於疇往兮

怕

連

蹤

而交

集

惟

眇

志之有

銜

兮

邶邶終夕而

不

能

噉

佶

儼

屈折

昔之遇

兮

紆

悌

綏頽蕩以

岌

岌

伊

內

階

康

梁

以

西

藩

兮

建

法

宮

之貴臣。萎

移

靈

園

之

日

接

兮

從

太

乙

而

侍

鈞

陳

劉子威集

卷四

十一

醇洪鬯之休

業

兮

湛

茂

崇

之

至

德

風

騰

泉

淋

浪

以岿然興

兮

煜

燁

與

衍

而

翕

習

播

敷

隨

流

以

佐

宣兮資純

介

之

時

協

急切

霽

典

文

義

義

以

朗

熙

兮赫放散

陸

離

以

並

菴

微

亮

翼

以

祗

遜

庸

功

兮

羌順敘而

昂

陟

焉

洞

竭

而

不

余

界

兮

安

所

慷

慨

而偃息屬

揚

厲

以

甄

進

兮

廣

采

遂

於

猥

側

繆

賞

第而見加

兮

竊

愧

自

絕

於

顛

服

北切

望

豹

植

之

倏歸兮曾

不

少

留

此

邦

域

載

雲

氣

之

寵

從

上

浮

兮糾謬浮

臯

之

既

矣

霍

然

長

翔

以

高

謝

兮

荷

何

習習以請問耀光景之下照兮紛圖書之秘而

有燦眇姱節以亮貞兮滔滔日逝夫江漢旖旎

通谷之杳藐兮既蜚遐之永久跡湮夷以翳晦

兮迫隘虬龍之蚴蟉超遠舉据以驕蹇兮友北

僑而為偶迨登年之載徂兮亦昌庶而孔厚詢

彭咸之所告兮將與崇山而比壽胡千載之不

猶兮奄若是之為藍極切劇殤聃於等盡兮恍

異世之行即沛艾軋決之紛錯兮歷紬繹而能

識高谿鬱林空崔嵬兮又焉寤知此墨墨冽流

劉子威集

卷四

十一

泉慄以慄慄兮歛衆息而惻惻諒昭達之滌朗

兮遑昏旦之為暱耿旋懸之不可究測兮曷煙

緼之能極劉覽既夫芒莽艾昧湏濛兮惕神理

之所敷游覽既夫芒莽艾昧湏濛兮惕神理

余臆漠歎吧之不可止兮怛怛怛而不能得

精罔閔以薄天兮蹟蹟曾捷以紆抱內綢繆

之連欲結兮悼恩軫之焉殫曲拂彌遠而難沫

兮浩回極之漫漫馳通皇以想像兮奚蕪穢之

為患官切據丘原以臨寫兮覽獨嗟此誠貫計

歎相彼鳥之鳴喈喈兮背盛陽而胡號以呼寤
一往而忽不知處兮標失氣之歛歛流爛北辰
眴鬼谷兮注耳收視而靜有須占厲神而即訊
兮騷擾徒事乎封嶠重曰怵慄淫夷竟相逐兮
聖智往來命不祝兮葺襲炎火浮弱河兮旋入
窟室北寒裁我兮他韓斐疊幾來過兮帝閣下
招鬱潭沱兮辛悽慘戾諶且哦兮

懷舊賦

荒載祀以遙睇兮倦撫衽而曾思汨潸潸不可
劉子威集卷四
檻結兮焉忽恍而飄馳靜注余嘿而前念兮
遐幽不得乎阻疑去古曠以彌遠兮孰與我而
交揆之事諒反覆絕端兮胡變化之能知跡平
陂之遙應兮運往推移之不易羌徇義而隕無
悔兮曾敦好而非其類懽時俗之多尤兮蒙譴
嫉而累替偃寒洎以牢刺兮婉匹萬雜沓而並
望叶胡切怵高厲景以無疇兮廓冥冥之紛紜而
淫裔眡紀緯靡沛以低徊兮爛漫舒栗之恻
遠而何泄怵怵鬱心七鳩切以心惻兮詭浮景駛

而促悴懷眷眷之不忘兮還睨夫往路而可遽
撫頽波兮灤而自遠兮意飄忽蕩而遠颺悞植
樹滴以匪厚兮情怔忡愀以徬徨快快吾猶佻
天之倖兮辨有標之蹈以豐稂邈希世特立之
介絕兮傲獨怵而瞞乎得失之故也懷徕延佇
而滋憎兮汎汎焉所之而迄暮也昔累息勿罔
他去以冀遇兮瞋目不捨於登晤倘豹植淺幘
之橫監兮軫軼爛以遺光而驤驚彼記之洵美
且才兮詳序威迤之可慕韎韐朱綠燁以光兮
劉子威集卷四
爰的礫之跗注玉有芒而明自炤兮琰命錫之
典數將若人伊豈不懷兮美翺翔焱瀟於王路
望游塵而攄情兮悵余傷夫美嫔居懣懣感於
疇曩兮歛眩眩而不覲託歸雲逝而拊翼兮何
倣儻之動泥滓而離逖氣橫失之焉據兮聊厭
按而自抑舉膠轕之寥外兮翩躊躇以展側念
與我乎無遠兮悵寥落顚苦骨切拊於責切之墨墨
去勢怱獨旅而蹶蹶兮坎懍怒乃的切怵之失職
窮厄豈當身之為憫兮蓋任道而胡愠以悄縱

背誕之不可恤兮我友誠超超而逾藐眇跂相
狎以相優之未忘兮瞑切莫田若是而莫之紹曰
余願儻徊而日企兮恐不察而妄謂矯欲悒絕
而自矢兮又夙夜懷豫而繚繞猶流眺覲覲於
鄙野兮將將擇此而據夫有吳俛負石之決忍
兮知嚙嗜之無時而噉以終老懟憤肆以狷直
無緼藉兮每毀日邁以不可焉經營佻儻而調
於衆兮不勝其衝從而躁擾彼讒訾之翕奕共
登兮朋盍又焉用乎介紹攢及方注精而收視
兮省衍逸馳余之窅窅霍然若霧消而上於清
冷兮洞何疑障壅而尤皎法法交下以歷泣兮
憤斯世之集於荼蓼跋顛墜而豈有及兮域無
分而能識其兆夜耿耿忘寐以至旦兮激不得
出嗌而悲難禦繯踴躍騰而踰邁兮颯容與而
遠去芟余躬灌以若芳兮鬱合鬯而重誦薰膏
陸以蘭沐兮氣繚轉而自紆橋畔散以陟梁兮
理紛拏之攸緒排決軋出四荒兮軼驅之不能
極所止恐銳情之不可究思兮故列著於斯重

劉子威集

卷四

西

語

送遠賦

送遠者季明言邁以方厲涉北河橫
睨海岱雄哉遠圖也余心嘉之然於
別有愴愴者意不能弭爰用爲賦

遡流風之蕩蕩兮切懷疚於行役藹霏微之未
分兮悵絕倪以如失屈赴遠之雄氣兮近焉劇
於親暱伊阻睽於疇曩兮將在心而可悉是以
紛紜聊戾窅眇綿藐春凝寒而氤氲氣紆結而

劉子威集

卷四

圭

涸滴鞅前却而欲騁輪即御而初軼慨感寄於
斯晨惕馳光之迅疾遽須臾而雙留遑風夜而
昂恤驚和旭兮生慘拊暘景兮增悽碧草滋兮
空宇桂枝榮兮清塢水曾波兮浩瀾鴈來遊兮
逶遲惘終歲兮淹留送王孫兮傷離覩流澌兮
來下望南浦兮抽思爾其故情斯夕環念今昔
撫衷畢露指誠喻日風期徒抱雪涕灑臆惋觸
事以緣生懊沿舊以盈溢託虛望而倚楹喟空
揜而邇室眇中春兮析飛花薄送遠兮極天涯

擊游霧兮永脩旦。歌結風兮操綠霞。縈游子兮
慎往路。發穆莊兮載鳴笳。重忍情兮緘愛劇。割
念兮去家。解分携兮目前。刺遙隔兮門限。呼胡
瞻馬首兮北河。造羊腸兮九阪。俄燕吳兮異域。
條萬里兮陘巘。冥驅塵兮策簞。汎沿涉兮載鳶。
陋紫匏兮株守。從轉蓬兮茹連。冷夕飈之起閨。
予儵然而顧影。寧惻愴於弱戀。猶迴照於衣領。
眈眈佯笑而訣絕。戚屬墜心而凄哽。宕佚慙恩
兮少年之場。慷慨狗知兮國士之請。非竊慕兮
劉子威集 卷四 末一

京鎬。是使望濛濛而逾斷。目泫泫以涕洟。精來
往而不接。晷欲交而更疑。澹游思之髣髴於寤
夢。虛延佇而詎刻於見期。至乃露榭煙梵。月淡
水曲。言笑燕閒。酬寄往復。徬徨相憶。盤桓瞻矚。
是以送日易窮。送情難極。臨岐何限。寫寄非一。
緒悲沓來。安可辭述。悵填膺之謂何。奈逝波之
宕迭。旋返向時之空谷。迴視無人之廣術。雖送
子之屢勤。知斯遊之無及。握瓊玖以申贈。采蘭
若以芬苾。邈纖懷於思端。罄微旨於墨筆。徒驚
骨以鉢心。終神往而寃泐。詩伐木之卒章。賦黃
鳥之寡匹。靜自弭以捐遺。置不念而奚益。
劉子威集 卷四 末一

劉子威集卷之四

劉子威集卷之五

長洲劉鳳子威撰

賦

物色

荷花賦

黃河水音句

詩云關有荷花予哀其能自疎擢渾
汗泥之中也爲賦之

觀嘉卉之韞曄皎清姿於滔陸鏡發艷以麗閒

劉子威集

卷五

散薌澤於芳沐流泉漱沚以朝夕擢脩挺之麗
躋莖薊葭而被風豈誇介於污漬嗟潔鮮之未
染冒青沼而何郁願因媒於澧浦焉採遺而涉
足曳予袂以荷稠析芳杜之燭煜然芬葩之沉
藏伊可懷而不可蓄爾其揚采綴緝專與蔓叢
雜以屏風滋以五沃妍不怙媚馨而不酷勃窣
游波蓊森水澳含朝煙以弄態逞逸華以自馥
思皦朗之燦新倚明燿於佩服越都房以柔膩
紛姜蕤而拆副芳福切溫晏晏其綺光刻豐潤於

若玉離立謫以誕節喟丹顏旋爾之蹉跎佻佻

述其逼宕桀斜睨而焉欲介眇志之遠揚譬不

羣於幽獨翔霞騫而開藹中抑絕以如束斯曾

敷之流寒廻照影於空谷綺綺洌以菲菲榮迤

靡而盈囑溢汰嬌於遺媚諒芬烈之彌篤儀時

晚而淹徐悵徊徨以意伏苾嫋然之餘韻遠繞

繞而更續蕩淫嚮以翻翻映石菑之淒旭絳諸

干之沛以紅颺節泌潭施而婢目綽荃越以翠

氣又亭亭而類白鵠戲游魚於東西婉光娛之

劉子威集

卷五

三

相逐姝靜女以蠱悅憐清揚何頎而媛淑帔若

英之縹緲烟昭爛於偏粲塞中流以芙蓉傷露

下之踈蹤乘夕澁而鼓柁浪隱以反覆歌曰

雲爲蓋兮霧爲轂掇水芝兮光曜燭捐予玦兮

思望望江之浦兮芳可掬持婁地兮緜池曲千

秋萬歲兮賴恩渥叶鳥谷切

脩竹賦

翩綿渺之清漪倚脩竹之便娟何墳延之厚潤

紛容容以流泉寫崖壑之沃若散澂霧以淪漣

蔚纖條之柔縱。泮浦愛而繁妍。緜芊策以輕颺。
蕩篁篠之榮鮮。歲蕤曾枝之荏弱。矯冉冉而爭
憐。苑樸遯之胡取。芳茂悅之躑躅。條薊莅以飄
舉。翹僂招於杪顛。被潭沲徒可切之空曲。媚傑池
之嫣然。擢脩尋以秀挺。睨羅生之聯延。爾其攢
竦離立。扶疎婀娜。紫紆積累。浸士心切潭以心切涯。
沔何切抽萌。含籀沛靡。交加掩藹。香越糾繆。紛
葩葉葉。清瑤淥水。曾波萋萋。菲菲扈扈。戔戔虛
開。蕭爽淹露。漸柯攬結。未及陪鰓擊薄波切。莎屬

劉子威集

卷五

三

澹漱而盈視。眇峭嶸於陽阿。緣傾岸以循坂。雜
笙簫而相和。龍蛇奏而繁會。忽悠遠而若何。巖
嶇嶇以潏潏。泠蕭蕭以杳冥。蕩森楚之碧滋。嶺
莘莘而菁榮。薄委解以澤粉。夏相摩而曳青。滂
蒼葭之拂汨。弭碣駭以摧莖。筠易序其勿改。覆
積霰於山之陁。寒淫淫以切紫。簌蹇產以精瑩。
直似廉而不剡。鬱何美以脩姱。牂天矯以誕節。
空容與於幽遐。重嶂起而特高。勁牢刺之戾斜。
翠爲蓋而若偈。傑流亂以崇賒。於是旋激漂暴。

眩礚椒擁。被麗繆緹。稍屑械縮。靜夜令飈增涼。
去燠崔錯。淋浪幡幡。相續煥爛。斐尾駢田。林苑
蚡蜺蜿。蛭若往若復。汨湟雲燒燁。如而穆。或乃
飄風未終。零雨灑淅。密櫛潺湲。離披菸浥。抗絕
解散。朽詣逆折。或乃飛煙乍淒。隱隱沉沉。紛文
溢映。豐融樛樛。噴勃淹遠。漠泊陰深。至夫殘霞
微澹。迥月斜浮。照以繁雪。泥以新流。鏤影雜襲。
合還牢鏤。姿映相發。婉婉其柔。嚮清越以爽潔。
漂不還而駘蕩。影游龍之羣翔。光濛濛而不可

劉子威集

卷五

四

狀舒鳥峙之若頽。豈嫺妖而能況。隆質幹之信
貞。籊何裊而競上。理溫潤以縝栗。羌枝葉之條
暢。槩遠次其櫛矗。簌放縱以絞壯。端有似乎
君子志沈苑而懷亮。肆撇天之奄忽。浮雲驤而
還望。苞瓌璋之難忘。焉礪礪而爲快。寧執節之
不移。猶憑心而惻愴。荷明德之隄達。獨歲暮而
相向。叢繁蔭之警桀。終連卷之交讓。從嫺嫺其
媚嫵。稔凌厲其可仗。慨洞滌之疏內。外發揚而
橋伉。曾熒郁之委垂。邐然不可以軌量。吹律呂

之相切材足當於品象析微霜之下淪湊瀏溧
以康良彼芳草之芽蘂梗其有異於臯壤惟伶
倫之擅巧思嶢壑之安助苟裁擬之得衷裂金
石以借響

後脩竹賦

僕已爲脩竹賦意有不適復綴後篇

惟卉草之滋類兮。嘉竹箭之美名。纂簞簪以浩

衍芳族七見簞上見之旅生奕垂蔭之蓁蓁

芳紛要遮之縱橫叶胡切榮色寡其可尚芳既抑

劉子威集

卷五

五

隱而復抗叶丘切標諒勁以志介兮梢拂雲之宥

薄鬱蔕蔕之錯瓊兮
簫何綰以灼爍
驕浥葉以

振芳兮蕙婚約之焉託靜紫腕以惝惝兮

踈踈而具作密倚離倚而相撐又扳切

以布媵於利具有篋露簾簾簾切

[illegible]

篲 切 **簞** 切 **筴** 切 **筵** 切 **筵** 切 **筵** 切 **筵** 切 **筵** 切

桃枝於地則有離水零日荔浦巴丘桂陽始興

日南九真隆州下淇園之縹碧去三輔而滋

頽唐臨賀之籬薄榮長石之靈故有汎玄池以

滌鹽兮歌黃竹之我祖苞練實之肥切

罪
方來犬爲與鳥雛雛料戾而總蓋汧渭以

蔚燭滅搖落之斷梗剽斯箠之輕箠蕃集霜之

陳柯何天靖以殊調篋琳琅以連理厥偕好而

重竅伊秉木之載王荊儲與以簫韶陽岐之

多顛翻脩以喬喬竝起而忽竊弄爲突竊

以淬風濤騰幽輟以撇捩馳通皇而託汧高舍

光畧之縈紫竿自尋而侵霄湛曉露之初盈色

流寒而妻孥。雲霧幽野。商歷工郊。丰茸半敝。

泝。驚。霧。交。暎。以。蒙。寵。鐵。正。雉。柳。諧。葉。動。餘。結。望。巖。

衣。巢。詩。邕。時。飛。黃。口。罔。寥。翔。綺。翼。之。上。下。走。塵。

作真字人耳辨音以明辨義卷二十一 六乃

蘇。肖。刻。張。青。姿。發。鮮。閏。朝。華。颯。夾。丹。霞。含。輕。吹。

癭。毒。媚。蕩。煙。絲。妍。不。曲。折。直。不。綳。裂。繁。不。猥。亂。

近豈泥褒乘燕清於閒館時婉暉於朝斯藹餘

映之登此繹新采之光燄浸空色而簇檐今青

氣之箇徹。送綠帷裏。接鬢雲際。陰翳無有。若止。

卷之六

若昧列挺松栢迴帶林樾依遲歲暮淒晦興沒

列叶魚切石勢嶮欹根株硤硤漂節磊柯隨流決決

旋沸亂之蒼茫忽暈飛以截薛度靡靡而采燦

欣茂暢之可詭若乃朝夕之池寒丘之垤翠液

空浮虛靄爽奪增撓委迤玄螭雌蜺叶五結切螻猿

探於杪枝稟捷獵於操末庸譎詭之孕育如菹

如舉於封埒眇仙者之爲曹芳壇洞無風而自

閑叶方結切嘒幽隱之遂往芳姱代凋而肆其潔冠

切雲之異裁芳抱貞韻之獨絕徒抽華以垂華

劉子威集 卷五

芳諒非鳳鳥其焉掇叶陟劣切集凝雪以封上葉芳

湫危趾之日以齧激震凌之衝颺芳傲睨衆卉

以皦冽尋高慨之自崇芳矯蘭芷以蕩泆叶徒結切

梧桂二竹名簠傷於異域芳芳雖含而不越諄何

憾於蕭萃芳蕪穢周行以厚竊伏清白以橫厲

芳夫孰可杖而不察曾發出以追曲芳倂容長

之相軋固簡材之順比芳焉壅闕而莫達逢烈

澤以攻雲雨芳寧剪又而荏苒叶五結切訊曰游翔

透上玄雲豐肅芳紛飄縵美蔽葑竹宮芳姱容

婉態欲若凌空芳矯峻軼厲焯何騰遠芳徘徊

流瀉霄灑登蕤芳嫋璘萑蘭倚幽恨芳暢朗高

節芳不易其貫氣白灝灝芳緒萌寸叶徒玩切陸離

芬棧芳亦何惋叶烏買切清風爲之吟白日爲之眩

疎理蕭邃壁可礪芳煒煌青簡蔚獨斲斲芳

菊花賦

夫何淒卉之逸麗芳灼華晬之繁英叶千良切含潔

清之渥澤芳汎秋水之微光時晻冉其欲暮芳

擊玄墀之崇霜鴈靈靈之悽靄芳結流波之浩

劉子威集 卷五

穰氣霏霏而橫驚芳思憭慄而悲傷抗曾睇以

肅厲芳沛涸瀝而頽唐霽澄宇之漚灝芳嘒瀏

漂以相羊嗟皐壤之搖落芳軫要眇於斯芳觀

其綿聯幽蒞絡驛陰崖因風倩策玓璫漣漪叶

岵迤嶢湍瀨威夷津汨漣灝頤淡淋漓漸漬運

稟滲漉含滋有流瀝溢搖演無時穿浚蕭瑟勃

萃離纒悒悒紆悒霍護紛披擢疎莖之挺特芳

散泉石之旖旎鬱茂葉之蒼變芳萼縹碧之歲

甦旁直暢以扶疎芳襲緒風之瀾瀾根輪頽而

遂達兮光濡澤以沛飀傾垂條之容與兮般漫
衍而藥藥服偃蹇而後時兮浸余獨遠於衆蕩
羌遷延於陽夏兮悅滌溢而未蕚華與色其遂
次兮焉重襲於厥美紛姦蒼還藉歎姍姍若含
荷帶附此虎婢約若道倚而望思閔秋心而有
託迨稟氣之先戒兮謝鶉首之廓落緬收潦於
百川兮滋曾穿而憤薄競舒寫於凝露兮藹迢
遙之腴萼何翠燦以榮鮮兮芳泛濫而崔錯充
鬱律以迸出兮翩幡幡而儵爚媚纖妍之皎姿

劉子威集

卷五

九

兮寄諺婧於淡泊浥朝色之輕穠兮揚清采之
沃若高度儼以潔廉兮喟旁睨而嗃嗃嘿歛視
以莊姝兮又牢落而可愕駭逸標之亭亭兮騁
舊婉之卹削側天裊於回風兮似遠引以約畧
徐整救以自飾兮罔攢立而濺灑態布覆而橫
生兮澹空煙之疎索蒨穢歷而迴皇兮眷柔艷
之靡弱悵孤植以耿介兮又色厲而不忤爾其
郁郁菲菲氤氲氤氲芳馨秘穉吐馥楊芬承金
行之貞質御秋氣以盤桓夕莽莽其未艾枝蒞

蒞以流寒縱溫靄而自抑羞緝絲之妖嫺終續
爛以溢目是都雅而嬋娟栗若遠而沉想藐不
可乎犯干中欲語而未卒顧微睇以汎淵依叢
渚以灑灑出巧笑之嫣然惠颺泠泠而曲拂繁
舞宛轉而羊仙爾乃黃金錯鏤鑲玉肌翠綠雜
糅翡翠絳衆色曼好蛻蛻窺紫絳乍拆迎輕颺
素臨攢仄削凝脂微縈冉冉滅沒飛含香欲發
還更思薰而不酷惟所宜韶顏稚齒心自私凌
寒歷亂沉朱絲白雪度管吹參差豐理柔骨中

劉子威集

卷五

十

應規驚韻抗絕手小垂於是林館初張蘭圍如
沐瀼縞振發聊慮蹠蹠瑤翠奪色玄鬢消綠揆
景邈以蹉跎激淒響於哀竹匪萎露而無遺葯
沍時而化速雖喬木其必零沉蔓草之樸樸奄
忽萋其更揚諒專美而蕪蘭怵幽冶之增傷折
荆西之麗曲雨侵淫而笳邑霞絢煥而映緝馳
曾敷之颺颺渺靚容於清旭從獨處兮異方愴
寒起而粟粟特蓋滯以優游寬震盪而不足盼
睎求索承顏儀兮安翔遲徊華傾歆兮浮翔宕

送夢相續兮。蹉跎恣睢步空谷兮。惆悵憤慕顏
容。願兮。掩抑緼窵中心蓄兮。臨流自放誰所伏
兮。乍遠乍近何若淑兮。迥相楚楚不繁促兮。邈
迥欣。賜播嘉穀兮。故掇華英者。攬斐亶於寒渙
帝甫味益切文切蓋之麗。倚何皓哲其芳。昔焉事
服咽者。嗅甘辛之危帶。漱溫苦於澗瀝。何益人
其惠利焉。雖欲窮研其態。抽繹其緒。極想象而
猶疑。徒反復而未得。彼其絕離羣類。高謝衆卉
不競之槩也。栖遲歲晏。違時之介也。施赫鮮厲

劉子威集

卷五

十一

朗毅之色也。溶濟嫵媚溫潤之德也。閒靚姝皎
貞幽之操也。凌越拂戾傲睨之標也。夷淡簡遠
巢隨之烈也。婆娑晚暮羸光之決也。枯委宿留
華角鮑焦之契苦結切也是以志士佞儗以流連
貞臣案歎而愕眙。薦苦心之惓惓兮。送餘芬而
遐寄。衷慘惻以興哀兮。胡喻意之深至。念氣勁
之或偏兮。甘萍櫟而擯弃。豈衰晚之足憐兮。羞
天楚之牢刺。誕高凌其霜霰兮。荃備罹於殫瘁。
襲芳馨之植性兮。厚昭美之余畀。曾隱約而滔

涵兮。蓀不察夫衆媚。柯遂落而蕪穢兮。鰭不可
乎垢澤。孰希雪於九陽兮。閔紛葩之盈視。滌覽
肆於丘園兮。信離逖之能砥華晬。揉其並進兮
固非余心之所企。去韶序而羈旅兮。逝乃極於
胡底。沉椒櫞之委積兮。怊惝恍於有美。恐斯世
之適盡兮。遺白日以內耻。目佳冶而不御兮。又
焉猶豫而懷凝。精色黯以交喪兮。孰云芳花之
有異。叶移切矢九隕而不移兮。曠千載而可俟。重
巨懷佳人兮。澗之阿廓無求兮。歷幽遐。叶寒切榮

劉子威集

卷五

十二

素婉兮。枝則那。文章爛兮。何透迤。冰雪交兮。從
再華。叶呼切歲并謝兮。可奈何。橫美嫋兮。楊脩姱。
叶苦切眇天末兮。還自徂。叶木切相海內兮。焉所遇。
獨徬徨兮。聊以哦。鉛黛感人兮。徒媿姮。明月消
鑠兮。恨長河。涼風忽起兮。折洪波。天路阻脩兮
孰云多。

蟋蟀賦

惟候蟲之趯趯。諒有感於眇衷。紀昭序以戒時
物。何微而可憑。叶蒲容切攬風人之藐。肯薄興詠於

斯螽豈介鱗之足玩焉羣飛之薨薨潛幽蟄以
滋育既變化之無從切股羽之瑣爾祇象類於
蟻螻寧徙遷之不居衰差順比而從容閱我堂
余之靚閒爰有啾啾之鳴蛩音秋氣之既皎風
慘慘而入楹夜要眇而漸引憚飄淒之迅驚緒
絕綴而復續閑寒流而愈靜延切鬱茲輟之中
厲驗蛇切於釋名蛇切蚶和魚切重翅之正赤蜋
黑身而如蝗更切或頭小而能飛恒索索而作
聲抗螳臂之何矯性矜銳之毅雄叶于切狀蝶蜨
以陋小蜃蜃蠶之是膺伊累載於青蜩曷天鷄
之異稱澹砌間之陰暄湛草露以榮榮傷王孫
於南楚駭蒲錯於幽并詰乾鵲之曲解誘何見
而輒興淒青角以春箕蓋由是而並登雜蜺螭
於我宇謝蠨蛸於戶庭曾鵲旦之晨警幾蜩螗
之夕吟吟嘒嘒之未已嘒噤噤而益深爾其燕
居獨念盤礴高寢嘈啐清耳心焉有軫嗟兮何
切呻不能噤其始聽也焦眇曠漫使人愕眙其
既進也激激牢戾爲之瞿瞿而極所思忽兮若

急沸勃凌遽絞灼而淫於管絃湫兮如怨傷兮
如慙息而更揚風雨如晦攢哀集悲通夕忘寐
於是霜泣泣而摧蓮岸溺溺而淒凜音纖末以
注精嚮空往而無朕折孤孽之菟神沾霽寡之
狹祗遠他鄉之望歸馳思閨闈而未審慄余稠
之薄寒忽焉愴怵於筦簟叶徒切泫泫何恨於牀
下標失氣而自吟木葉飛以乍停水波動而微
淅曉聲景之欲遷塊依阜壤而露飲流澌催以
風凝冽獨寤歎爾有瘁審氣橫進以抑寃時荏
苒之駭心而自耿重匹溢以充閑何喙吻之作
而能逞哽發皇之爭瀉曄曄光曖曖於陰井躡
蹶猥以填隘澄閒弄之愈冷諒抗絕之焉所懷
而不蕲徒銜憾若有切於斥屏餽煙液之宵零
沆何氣之憐而引領霜寒之露雲惕焉易聽
而深省爾乃溺玩恍於荒禽抑將子之好蕩嗽
無關於注鳴燥寧哀於疎吭惟矜勝之餘習矧
齒距之可仿蛇蟬始以介倪粵乃升乎草莽擾
暖巡以踈躡爰初辨於駿駟胡好闖躡其足蹠

蹀怙勇而突攘局凌怒以憑爭。勞拂戾於蹀掌。壯顧睨之糾糾以賈怒。蹀盤桓而延想。無卑蠢爾之何知。蹀猛志之踴躍而爽爽。挫既接之欲分奮再起而決盪。蹀踞厲以交投亦批吭而血顏。蹀蹀蹀之已楚。肆蛇蜿蜒於雄長。斲柔薦之青滋。秦若意得而蒙上。質別有執纖末之蘊。管折微波而為杖。宛取類於驅策。麾進退之鬚髯。指蹤捫以致敵。扶摘喊息必切之而遽上。奮翮羽之磔張。鬚直豎如馳而掉鞅。格前藉以挑誘。倏牽

劉子威集

卷五

主

引以來往。信操寸之弱。薩可作氣而役使。選耳目之是。寄磬韜鈴以尺七。定疆場於盆盎。碣駭中野之犀兕。試憑軾而觀其戲。咋交綏以摩壘。俄轍亂而師燿。尚齟齬之未已。斷何挺以離離。既罷齟而益齟。舐舐蚴蟉鬱鬱。以噴勃曲踊。驟而猶哆。紛百戲之滋新。茲何選而由起。撫角觝之餘巧。較勝負於螭技。彼逞志於一朝。劇與此其何異。悼蜉蝣之楚楚。悲蟋蟀於歲暮。雖荒樂其無忘。日月迅征而足懼乎。亂曰。逾邁既以遐兮。

夫焉所逝。感彼精列。鳴兮。癖不能甚。懷潔清之可慕。兮。羌露飲而壞臥。避累徙之悽慄。兮。憬憮然而作記。昧惻惻之未愜。兮。惟蜩范之所匿。如

去鶴來歸賦

季朗云。有斯篇索未得。因以命藻。夫予之不逮。夫人知之。而復此綴。不幾燕石鄭璞乎。貴相見情耳。

夫何靈禽之逸翰。兮。超一舉而千里。猗呼。麥絕

劉子威集

卷五

主

驚以聊騁。兮。倏式六切。聃式刃切。周夫濛汜。運天地之浩蕩。以刷羽。兮。逍遙放乎六漠。而焉止。意踰溢而不返。兮。亦淫宕以自娑。局榛楛之翺。兮。不越尋丈。而狎人。噉梁稷而憚遠徙。兮。故邇襲以踈踈。偉斯鳥之為介。倪兮。執灌垤而可馴。龐得謚為鶴。兮。廓獨矯翰而高。越離青丘之長隰。兮。此儻紛溶而來萃。下軒墀之鬱律。兮。步從容。拔霄而薄睨。引清吭以徐嘽。兮。聲續絕躋躋之滲悞。夫既俛翼而甘拳。兮。雙雙聊且以乎。

近昵顛轡羈之仰繼兮諒焉所眷而不掣。顧影
撇以蹁躚兮踐鋪首而排玉戶。戲且啄而味加
兮獭盤逸而若有怙。籠鷗鷺以擾畜兮時玩弄
夫皎姿而自舞綺皜皓之奪視兮貌安佚而不
驚。郁何都以采眊兮奮脩骸之利輕。內憑噫之
有快兮忽迴思於漢冥。悵幡纒之鍛羽兮猘許
切弁飛之未能掩翼步發切鴛委試騰翥兮翻
翳呼橫翥之遠舉。爛熳遠遷以抗絕兮瞰逕逝
而棄去。恣遊遨以舒息兮噉噉哀鳴而求侶。櫟
劉子威集 卷五 七
翻力合翻他合之凌軼兮牢落北紘以遙抒。壓
登閼而乘駭颺兮偃迸逸而無處所。既搏搏之
遐邁兮眷疇昔之見珍。銜哀思之不忘兮邈殊
類而相親。望主人之池籞兮耽旁睠而改運。倫
切鷺竦體而欲下兮淦躍自叩以就旋。倫
切噉胡宵喚之切兮翺丰茸之秀領。宿得託於唐
中兮亶遙噓夫嚶渙。淒慢惟之儼張兮惕脩脩
而猶警。集復歸之依止兮進自翳而延頸。歛欲
陳之去不辭兮翺差差而更整。翹翹氣之厲激

兮終能軫乎恩倖。願盡心之無已兮豈背去之
為青。左右感而色動兮嘉貞禽之有耿。鍾族性
之不易兮矜志介之可想。惟羈寡之長吟兮感
簡斥而悲懷。何黨人之二三兮離逖紛而無象。
案去就之不經兮應發寤之惘惘。鳥擇木之自
初兮然中道而或爽。聊浪空庭之儲與兮哀井
臯之逸響。冰塞川之礚礚兮廣途洶洶而方梗。
霜露交下而晨嚴兮飛絕跡之影靜。將欲還之
不可兮徒坎係纏綿於故郢。遡物類之何知兮
劉子威集 卷五 八
猶識所養而願請。

劉子威集卷之六

長洲劉鳳子威撰

頌

成祖文皇帝北征頌

黃河水音句

成祖文皇帝御天下之八年。含宥已深。始親馭戎行。薄伐北虜。出入訓定之者。至於再三。一時文學之臣。金幼孜等。咸有紀載。然未極闡繹。敢效敷述。以章顯。

劉子威集

卷六

十一

聖武垂於後焉。其辭曰

於皇造之赫興。蹈乾坤之圖紀。援運期以誕熙。祚絕業之胤系。光爛朗而載闢。遂一朝而規萬世。剖靈曜於神符。用顯登於至理之治。寔典籍之創聞。豈竹素可得而識焉。當是時也。茂

皇始之締構。乎永貞拓天極。以奮昭垂於千億。策有微而必攬。謀何隱而不索。故玄祗奔走而獻其兆。穆占參成而眎其吉。乃奠茲

寶鼎。爰定新邑。相幽都之麗崇。宅九壤於朔易。

劉子威集

卷六

十二

斯固姬子之所遺而未畧。黃虞之所職而誕作者也。是以上模法象。造宇立制。跨三條。超北落。陵高闕。際遠溘。建天都。正方位。大觀羣后。禋宗肆類。禮接來享。示威於後。至孚之以信。誠董之以師。武撫之以器物。頒之以玉瑞。邦夏謐寧。中外禔福。用弘於天。以祗厥勩。嘉功之昭登。炳光命之允昇。尚亦無忘。監撫戎夷。以武遏寇。雲是惟王靈所加。其敢有滔二。惟茲狄人。韞之遺孽。逋竄窮裔。荒遐無所。殭仆不遑。於震懼。昧假息之須臾。肆游蒐於蕩迭。竊匿伏以偷旦夕。仍獸挺而走險。敢作不靖。以自絕。我是用誕將天之輝威。赫怒以底致艾。罰聲討殪殛。其命遑以宥矜而輟。於是訊時日於太史。戒發命於司馬。除壇場。徇軍社。曳大旆。車驟輶。設三表。馳且坐。誓羣吏。視弊火。執律秉鉞。校勒行陣。以觀將帥之穀果。陋岐陽之大蒐。申涿鹿之戰於恒野。果切既輟。既禡。鸞輅乃出。大馭戒驅。戎右奉鞞。贊鼓以巡。六師爭軼。羣辰景從。威容灑慄。飛廉先路。

虎士湏溢。千乘萬騎。繚繞鳳蓋。以騰躍望。勾陳之啓行地。徒嶽旋羽。衛琴離而灼爚。於時中春上旬。和風穆流。播灑清塵。戈甲電耀。原野訇震。焱焱駭駭。焱焱。翮翮。切嚴簿初警。干鹵驟浮。儵殷起而焞焞。陰雪方融。河淖霖霖。轉踊陞。蹴蹴踟蹰。谷俄蹶而爲陸。徑險架坻。越峻厲深。趾蹶。切曲踊踟。跋丰郁。被崗阜而抗長轂。始自河沙之埃。爰次郊甸。下居庸之巖隩。發導遠偵斥。埃相屬。前矛三覆。怫悞空曲。驅橫驚以深入。絕郵塞而隳刊。斷道渾河之灊。爰歷鷄鳴之舊域。切千崩崖。稟其臨壓。阻阨裂之巉峭。而驀度拆副。切方將婉憚。萬里以窮其逕。復寒風驟而擊石。知四時之變有異乎中國。切古隲。切野狐之陵。碣峽隔辰。切豈以危度蹕陰山而踰。切去其。切其。切之。設旂爲和。覆質爲繫。御幄殿而閱武。則雪旂旋乎纓綬。信殺機之感。動嚴氣降而應之。去興和而益前。壘壁分於阡陌之陸。取定襄之間道。跡別部於屠耆。涉老

劉子威集

卷六

三

上之庭而稍次。何山川之邈而紛以蹶蹶。直秦塞之陟入信宿。樓煩而屯虎貌。與駕度漠而輕留防。獨乘列障以爲菑。踐蹂窮磧。縱突騎之騰蹕。鑄嘉銘而接禮。夫川祇錦水。並乎高原而行。幸開陞柅於瓊圃之歲。鼙鼓鑿賊於交河之上。中軍譟而環以濟。切快自古之所未經。猶且雲會颶逝。超乘以騁而赴所期。爰長白之巖於荒微。極目無際。沙草毚兔之涯。水泉或乏。忽噴涌而應祈。邁臚胸而愈北斗。南望而下垂。峯巘既曠。絕而不分。其名皆自天而被以恩施。烽燧遙踰。蒼山之陲。覘虜之計竭而恐畏。切孕重墮殞於奔劇。始更蟻聚而來窺。種落掃地。以肆其狂狡。悉舉勝弓之族。而徼萬一於貼危。於是天子親提馬而介於陳。恢膚算而運奇。命風后以受兵。逆遮遏而頓長羅。切舍輜重於要害。置麗梁而不持。選驍縱率輕僎。從羽林駉僂。優優置鶴鵝。命飛鳥魚麗。掩犀羣繞。勢鴻沸雄糾糾。天切鉦撞。霜矢陷。俘裨王繫。雲老睢盱。馘羯

劉子威集

卷六

四

孽勦咸刺折若原燎摧蕩顛倒截剿波擾硤磕
勃决潰無立草洪河傾而地梁壓梓泰華而山
石卷翕衝風而枯朽藁猛氣迸逸威怒滌灑歎
林欲野飛走爲之凌遽璿象變而懔懔其所奔
突亡失跳驅漏刃扶携殘傷匍踣渙亂叶聖秦
章章而逞惑頭搶地而不進撲扶但中觸輪染
鐸驚怖之燼礪瑯捷獵川閭遺毖然後擁鐸弊
旗抑鋒止銳閱部隊之獲觀將士鎧獻之所上
叶時刃切取其鯨鯢以爲戮矜其歸命而以徇非剪

劉子威集

卷六

五

此之爲快憤憤鬱於秋氛弘却攘以久康戎除
懟而動皆順殪仆者封而爲觀生獲者丐而弗
逮撫前勦於漢役睨往跡於秦寒跨溥海以爲
封圻奚至於太原而足載截宇宙以遐逞暢光
威於隆代乃旋師而

詔方內爰席勝而布洪需鑒武贖而勒成全鋒
鏘之餘命以用諄蓋含貸敷賚偃革昭仁兼育
等愛置之度外而弗問者五年於茲矣而貪禍
安難弗惠弗若陟梁蔑點膈臆驚悸叶肥創夷

祭切

甫蘇載殪復肉而敢忘天覆迭我邊地間視我
氓隸故復明天之威有虔赫將亟徂伐而用再
叶于計切懲未殄之回漏我其庸滋長之而勿折其
喙使崖崖尚爾恣背誕以狂獬爾其束馬懸車
巡師野次祖行龍臺約誓璋旂循故道而理兵
窮險遠以躬蒞初奚躍而猶眴噬獬獮之妖殄
戰未及於矢交何歷僻而礪蹶叶頑墮喪於屢
劒引虛發而自斃紛蹈藉之橫布遂空其窟穴
而不盈背霍然霧廓以雲消尚未能泄六師之

劉子威集

卷六

六

餘憊聿整旅而凱入洎勞旋而干戚斯肆既秉
德之曰生樂與四海而同其泰泳霑濡於洪沫
濟懷生於醯醢如此者又十年矣乃復蠕動乎
癡痕之未除或捧痛而呼以脾睨是以弓在檠
而更張梢撤天以競掣履五行之勝氣又親麟
其境而屆所際迨絕走而陪僵懼天威之屢威
而剿剷間無人乎廣莫諸軍皆不見虜而氣徒
厲迄席卷其山川揚聲微於浚稽之內攬武策
之變化熟盤桓而籌計疆埴靖嶼以設巨防邊

益斥而守在聽保塞於諸部貴圖大而舍其細
薄奠安之暢於綏柔以永無虞於臚毳諒汝馬
而止戈焉所復覲旄星之芒彗夫其所以至於
再至於三親御時龍而建虎旆深入窮追攄宿
憤於累代蹂域外而四貽固參天之烈威而贊
育之光懿豈凡識之所并哉小臣不佞拜首稽
首而作頌曰

於昭武德纘戎自天光光顯休俾作時命敢有
不虔紐茲阻兵遏我厚仁忘其隕墜若畱人之

劉子威集

卷六

七

耘我其圖靖之而庸不是勤祖載自北嶽恒時
巡中春治旅乘黃駢馳虎銀龍盾鳳蓋璘續左
矛竟野鼓以鐃鐸光靈電舒鬱曜轟震爰次朔
徼士馬迭過叶徒駭心洞耳聲不過閭叶吐騰
躍於原大綏更抗叶苦跋履墮阨陁險橫驤煙
其並蹕邁彼蒙阮輕行遠縱幽山北河關市下
梁跨踰絕漠遑究於里疆九廻陵阪孤懸造陽
伊穉所邈虞衍之遺出狼居胥之衝叶昌當其
豕突鮪閃儉氈儵如游光敦我練士挈繼以合

瞻其旆常挑盪決驟若壓以嵩泰若沃以九江
梢擊奔蹴指陷熾張洪休屠腹涉句黎腸甌脫
屏跡郅居無庭叶徒乃遂超絕無所伏藏固昔
因杆之所未至驃姚之所徬徨蓋殄戮者數萬
然後納款附之慙而裔土是荒施以愷易掩以
宏綱飲至疏爵始襲服裳何豺狼之性咆哮不
懲叶直至再勞撫征厘爾戚揚躬冒霧露謹天
罰之將昔在九黎戡伐用創亦遠暨商三載鬼
方奄茲克又時維奮攘桓桓弼濟禮用威匡底

劉子威集

卷六

八

致多罪怒斯赫興叶許無曰滔怠而不毅強無
曰好勝而戒不戢敷遺惟休威儀序詳雄哉烈
武干翟綬叶長惟謀篤祐茂彼武湯胤我有夏
聲猷誕章時萬時億既緝且清叶七

弈頌

或因大冠之微喻嘿以暇日自郤肆玩弄荒閒
倦怠際抒思不輟恣弈戲放散不乃有所繫嗜
好遂爾耽末伎此爲曷日廢功流連喪弃是非
君子之所爲最勵也請徵之往記曰弈有深意

昔賢之所識矣。其取則也大既剖分於陰陽。其置列也直又必依於正方。其羅布則參視於辰象。運行則樞紐於王綱。成敗則發明於否臧。故於藝事之璅雖小道而可觀。當其方罍既陳。兩敵相對。既容而置。基亦凝思而爲戒備。若動謀罔不自初。乃終不在而乃始在。故經營分表。絡驛連類。亟恢張以竄駭。畏奔歛而蔽曖。橫引勢以壓陵。直轡切而遑逮。關啓土疆。規繕緝配。形欲辨於守攻。地先明於向背。此則創謀於造

劉子威集

卷六

九

基發蹤以首路。苟圖據之失策。必隘阨而不可以再者也。迨驅蹙以關巧。遂摩壘而相擊。奮毅勇以氣奪。翔聯翩而深入。紛膠戾之錯陳。何頡拂以用。諱苟力等而交綏。亦俟間而迭出。既多方以疑之。示羸形以伏匿。潛奔突之乘虛。遂四縱而越逸。斯運奇所以無窮。貴在決蕩之計。必使蹉跌於幾成。敵猝起而慄疾。隙孔穿之既潰。覆塗地而亡失者也。故恒臨險以栗危。務沉幾而制變。當肉薄以綴縈。漸孤懸而絕貫。忿怙隕

之猖披。猶狂走而犯難。此迫脅而內怵。乃營惑而少算。昧取舍之大幾。失當斷而不斷者也。若不料彼我之實力。舉不定而無所按。非有成謀於目中。試襲奪於漫漶。叩堅壁以逡巡。聊致師而遂進。竄此計極而徒貪。故輕進而行亂。將攝此而師燿卒并殪。而潰散者也。至長圍欲合。勝勢已分。忽有收圖欲盡。兼其羣。不暇還顧。坐致紛紜。遲疑變生。不戢自焚。此意廣慮淺。量大其才。速何患拙。須爲事蓄者也。及追繞已急。不能

劉子威集

卷六

十

固完。先後幅裂。仰恃救援。收取餘燼。支拒求存。有所委弃。別事併吞。此善敗不亡在亂。能整遠度所涵逸。謀卒逞者也。淮南固云。或食二子而路窮。或捐數路而破塞。兩雄競而氣抗。籌惟繫於一先。雖得當之爲快。孰非幸而獲全。乍踔度以侵軼。復隔道而門焉。驚衡飛之歷落。迄離立之盤旋。窺斜蹻以並奏。關重劫而張甄。鳳池金谷。井欄車廂。後出益新。專事奪攘。往來要遮。奇正無常。夾刺以軋幹。約爲行。既勒而撤。先簽而

長聚則立斃。殺而更裝。或兩利而俱生。或許敵而取償。或相持而不下。渠有意而未可許。蓋釋思玄貌。喻深於軍謀。闡發神明。悟微於墳丘。藉優游於精理。較綜畧於品流。工由性解。本天授。策功朽枯。亦何究。雜而成文。邈爰繇。玩以逍遙。永清晝。骯骯其致義。惟舊荒溺。滋遺忘。實失荐為大咎。惕然夙興。計匪漏。無使說者持其楫。

大中丞宋公平夷頌

并序

歲在颯訾之夏。大中丞宋公方撫師我東鄙。卒

劉子威集

卷六

士

乘輅睦斥埃備舉。詰掌固脩。菱舍繕完。暇整鉤。援梁麗覆旃纒質之外。馳者擊者。節其出入。無不共命。士有餘勇。軍有餘策。惟赫厥靈。亦既震疊之矣。以歲之不易。則又改轅曳旃。旬而辯。適裔夷敢。悲億克怒。送我海甸。軼我疆圉。肆窺我王畧。將隳我原防。撓亂我保聚。公聞亟奔命。發乘徽吏士。樓船七校。授以奇謀秘算。即天誘其衷。士爭持滿向之。始交則披靡潰。再接再衄。折鹹安安。獲首虜甚夥。又蹙之沙汭。掩而殪。

劉子威集

卷六

士

之戎實殲焉。其所執訊者。所斬刈者。所燔蕩者。所蹂轢者。復不可計。蓋舉其羣覆之飛颺。洶涌間所不病為燼。則淪溺為泥。特取其鯨鯢以為大戮。又虞之或竄逸。荏蒲潛俟我間。公則又親御戎鼓。之不輟。冒暑酷。犯炎霧。跋履險危。在行間久之。蠶旗所指。窮絕溟殊域。威無不屆。而後振旅勞率。數俘校獲。陳師大閱。所不面夷者。下賞深入。敢疾力戰者。庸之以為勳。賞罰不僭。而氣益用騰振。士歡呼洞野。凱入遂獻戎捷於朝。若曰。此上之德也。羣師之用命也。臣何力之有焉者。夫公於措施實罔不夙夜焦勞。覃竭則靡躬之故矣。忠慮沉篤。則鬼神與幾矣。故鉤致於稽浸之芒芒。而往來甚輕。以速若誘。而以全取之者。使非有成謀於始。則幾何不駭動不符哉。人見其剪此之易也。而未知其圖慮之棘也。見其從容以治於俎豆。而未知其蹇蹇朝夕也。且其作以讓而功益顯。休休乎有容德。以兼攬眾才而畢。

效之故下莫不審固其心力以役上令官不易
方而艱難其身以蹈矢石爭一旦之命不旋踵
卒無遺鏃焉而靖夷之者固有以也夫故使其
來而不預則必震驚我旅禦之不於未蔓則必
浸淫及之而日長炎炎其易撲滅乎不阻隘不
逆趨未列則必創我深而事乃不可知不因舟
楫之勢利而用之則徒兵長伎彼得恣焉不難
絕之極所至固遺育則餘孽且滋將復尋斧柯
公之功大庇我吳而生全之數世之仁也雖公

劉子威集

卷六

三

方謙然不自有我其敢忘社稷圖哉

頌曰於鑠明命兆隆自天顯允厥猷皇祗所贊
全切叶租克開九有靡用不虔肇天之休鋪時駿惠
萬邦有衍叶夷爰命作監敷我宇甸叶恒桓桓中
丞夙夜于宣然切寅翼是常惟茲恭勤叶渠治民祗
懼若荼蓼之集庶曰敬之爰作其秩肆于海邦
越罔不載戰弘昭于德心怙爾厚仁浸淫以溢
化之格孚不乃用牧叶莫樹之物章委以典法
律切叶非孔武以文正直斯皇飾習十器審施弱匡

劉子威集

卷六

四

之行翩若飛鳥之舉輝輝濯濯征疾威維暑親益
不御蒞於戎所處秉鉞麾之橫沸焉起惟我保
介及我御士銳器精材黃間谿子七萃迭縱輕
選騰奏叶子煙其並臻森怒怡儼滇滇鼓鐔曲
隊耳耳前後角之或翼以倚聲何聆礚氣所麟
趾猝搏而投忽若批朽叶真嗟我鏑鋒曾是足
齒怫惛淫與爭其頭首叶賞藉藉紛紛遂殄戍
醜叶微要遮波濤糜爛鴻水烈火載燎遲遽檣
儀豈其子遺而獲餘息以跋申令有嚴威謀聞

紆叶上惟咨屢謨師貞有紀。渙渙沂垠胡餌其叶切誘叶切迪叶切惟追奔船船衙衙叶切隄叶切薛阻窮靡究靡止。夫焉有所逋而僻倪於其淚。故大訓其孽庶無狎邇。滔滔武夫匪教匪舒。奄茲沉斥佚迸。是驅微我荒外民有寧居。亦既即功。公曰需之。無謂遐遐而不戒。千方憐叶切無謂克集而不忘。于有渝。慎時戡定。四方以無疇。海於浮浮郊甸。懽懽。個芳鍼鉄。俾也良圖。獻捷連連。職競思劬。允猶戎昭。灑淋榛枯。作對長世。用恢於顯。

劉子威集

卷六

五

贊

香草贊

暇讀離騷以香草為喻。竊以增慨。因各為之贊。

簡惟都梁。薰蕕蕙芳。秉既紫節。生晚莖方。類皆近似。服之辟邪。積失其真。于何能臧。江離薜蘿。本末以殊。海苔水萍。形亂色如。若英風連苓芝。異名蘄蒞。芳藟蕭芷。共生一物。托比胡以為正。叶切取喻百爾。德之未盛。叶切好是燁燁。空流厥聲。威喜辟兵。杜衡走馬。亦祇以異。不違其野。藹綬詩紀。蘭芝載雅。虛有菁榮。攬不盈把。譬彼矜高心。不能下。玉卮無當。致用則寡。申椒揭車。芍藥文無。薄和滋味。與之為徒。屈龍芸香。菖蒲王芻。猗猗陰浹。秀生陽吟。萋綰蘼薺。荃蓀芎藭。盆聰廣志。於焉扶疎。旅蔓雖淺。寄緒則紆。蕙草言樹。卷施載拔。欵凍茂悅。藹藹焉將。小有可觀。舍而未越。斯並常流。時所采掇。曄曄者華。可以為嗟。未可以誇。固無增於苾薜。亦焉並於奇裘。蘭滋九畹。汎以芳風。芝名五嶽。三秀夜光。叶切備美溫馥。馨烈攸同。冲和之德。惠氣所鍾。薜蘿

劉子威集

卷六

六

淒其甘寒不酷。矯厲潔清。憑霜燦縹。荷華芙蓉。疏濯淖汗。莖茄葉藟。苗苗跼跼。實可擊結。紉佩君子。逡次衆芳。吐嚙凡藹。餐英何茹。藥衣何綺。傲矣靈脩。是焉有美。若庭軼指。伎落冀司。時鬱以灌。地鬯用於祠。並未充於服御。咸可薦於明祇。至陵若胡。泉荔挺射干。連延沮洳。委蔓林巒。薺甘荼苦。薑毒萋酸。茅苴五臭。茹蘆血丹。賴蕭蔣葳。染茲青翰。養葦繁醜。蒿藟芄蘭。舜英庶草。種類難殫。斯小人之交亂。纖才之爲敗。方盈要

劉子威集

八卷六

主

貫艾益索苦蕒。叶力塞弃胡繩。託云菅蒯。既實繁其羣。豈徒蒂芥。舉世皆蕒。孰可告戒。別有唐蒙女蘿。扶留免絲。枝幹荏弱。尤善附麗。儵若鬼魅。匪夷所思。此世路所以榛莽。舉足所以棘茨也。

濠上公贊

濠上公者。寰海人也。生於濠梁之間。游於坎莽之野。不知其幾何歲矣。道以不宰爲用。智以不知爲知。出爲於無爲。寓形於無形。乃強名以無

名。而曰濠上公。以廣成爲師友。鴻蒙相與居。離跂而行。睢吁而息。委墮放廢。頽靡縱恣。口不擇是非。而言足。不慮利害而行。出不知所往。入不知其所止。一清一濁。無所倫經。一進一退。無有法程。蕩如流波。瞥如飄風。滅其聲光。隳其崖隙。貶其容服。蟄蟄蘇蘇。變化並作。動靜若一。或以爲實。或以爲名。渾沌若寐。偃仰若醉。溫純鈍悶。閉塞其兌。以遊其中。而未始有窮。故當義皇時。拊脾雀躍。以遊而人不之異。入鳥獸之羣。而物不之猜。當五帝時。而人始驚。當三王時。而人始惑。故或距之。不得留追之。不可及測之。無有涯探之。無其朕。則謂是公者。果何人斯。於是公之名愈疑於世。或從仿像求之。安車之使將之。束帛接於道。公羞之。遂絕跡去。不知所之。後世益遠求其人。殆恍惚幽邈。不可以寤寐物色名狀之矣。因爲之贊。

夫道無始。曷知其止。埏埴以形。妄以爲已。其初既無。於何能揣。卓哉是公。淵乎守中。用之不盈。

劉子威集

八卷六

大

是惟道冲其神長生未出乎宗順化自然其德
 玄同悶悶醇醇越以希風骨弱筋柔比於赤子
 綽約恬愉備極衆美儻然四虛身常無患叶胡
 靡壯與老居安處全精脉內固膚理腴鮮號而叶胡
 不嘔至和所完叶馨牝牡之合乃踈我覓叶公切
 爲我有身陰陽相煎名由此作智由此燔叶公切
 收視返聽無以世眩叶胡馳騁無間歸乎其天
 情慾俱遣亦何戚忻叶輪長於上古胡不閱年
 若存若亡豈有隱顯叶馨流則爲光含德之英
 劉子威集 卷六 九
 虞切神不傷物是爲帝之先



ZW 21181800584899